

ბიოგრაფი წერეთელი

პირველი ნაბიჯი
პიკოლინი, ჩიკოლინი
და კუდაგინა
რუსი გგელი
მამიდა ასეთი

სახელმწიფო გამომცემლობა
თბილისი / 1926.

ტფილისი, ს. შ. შ. უ. ს. პოლიგრაფტრ. 1-ლი სტამბა. პლგხ. პრ. № 91.
21/IX—26. შეკვ. № 10372/1700 მთავარლ. № 1302. ტირ. 4000.



კონსტანტინე ბობოჯიანი

პ ი რ ვ ი ლ ი ნ ა ბ ი ჯ ი.

იყო დრო, როცა ქალაქ ფოთის ნავთსადგურში პირველად იწივლა ცეცხლის გემმა, მისმა წივილმა პირველად განუფრთხო ძილი მტრისგან მოუძღვრებულ საქართველოს ერს. ეს იყო ახალი დროის მამლის ყვირილი დასავლეთ საქართველოში. ფოთი აღინიშნა შავი ზღვის კიდეზე კავკასიის ბოლახათ. სამეგრელოში ატყდა დიდი ფაცა-ფუცი. დიდი და პატარა ყველა ფოთისკენ გარბოდა. იმ დროს ერთად-ერთი ფულის მოსაგები კუთხე ფოთი შეიქნა. მალე გაიკვერა კავკასიის შუაგულზე ქვეყნის სავაჭრო გზატკეცილი. დასავლეთით ფოთი შეიქნა კავკასიის სავაჭრო ყურე, ევროპისკენ მიქცეული; და აღმოსავლეთით ბაქო მეორე სავაჭრო ყურე. აზიისკენ მიქცეული. დადგა მეორე ხანა კაცობრიობის მოძრაობისა და კვლავ მოუბრუნდა იმედი კავკასიას: მასთან საქართველოსაც განუახლდა ძველიდგანვე დაკარგული სასოება, რომ ხელმეორედ გამსდარიყო კაცობრიობის განათლების გზათ და ხიდათ. იმ დროს უცხო ქვეყნების ნაწარმოებს დაშლა არ ჰქონდა კავკასიის ნიადაგზე შემოტან-გატანისა. ფოთში უცხო ტომის კაცები იმ დროს ჭიახ-ქველასავით ირეოდნენ. ისინი ყიდულობდნენ კავკასიის ნაწარმოებს იაფ ფასად და გაჰქონდათ უცხო ქვეყნებში. იმ დროს თქვენ აქ. მდინარის რიონის შესართავთან, ბერძენსაც შეხვდებოდით, ინგლისელს, ფრანგს, გერმანელს, ამერიკელს, ოსმალელს და სლოვენის ტომის სხვადასხვა გვარობას. ამათ ჰქონდათ ევროპის სხვა-და-სხვა სახელმწიფოსთან, აგრეთვე სპარსეთთან ინდოეთამდის ვაჭრული დამოკიდებულება. გაჰქონდათ ზღვით და ხმელეთით ნიგვზის კუნძები, ბზა, ურთხველი, ყოველნაირი ხე-ტყე, მატყლი, აბრეშუმი, სიმიდი, პური, ღვინო. ბეწვეულობა, საქონლის. ტყავები; თიეთიკი, ლეკის შალები. ნაბდები და ნუხური ხალები. მრავალი მათგანი ამ ნაწარმოებში სცვლიდა უცხო ქვეყნიდან მოტანილ ფართალს. აბრეშუმის ქსოვილებს, მაულებს. სხვადასხვა კოლონიის საქონელს და წვრილმან საფაფუკო *). სადიდკაცო ავეჯეულობას: ეს

*) საფაფუკო — галантерейный.

ის დრო იყო, როცა შვედეთში ახლად დაარსდა რუსის სავაჭრო და ცეცხლის გემის საზოგადოება, როდესაც ახალ ფეხადგმული რუსის ინჟინრები ადგენდნენ პროექტებს. სხვადასხვა საშუალებით გაეკეთებიათ ფოთში პორტი, მაგრამ პორტის გაკეთების მაგიერათ აუარებელი ხე-ტყე გამოახვერეინეს ზღვის კინას და თვითონაც აუარებელი ფული გამოხრეს ხაზინაში. იმ დროს ფული ბერივით იყო. კაცის ხელი უფრო ძვირად ფასობდა. მაშინ მეგრელისათვის რომ გეკითხა: „სო მეურქო“ (სად მიხვალ?) — „ფოთშია მეურქ, პატონი“ (ფოთს მივდივარ, ბატონო) — მოგიგებდა: „ეგება ყირიოდე ფარა ივშუა“ (ეგება ორიოდე ფარა ვიშოვო).

ამ შესანიშნავ დროს ბახვა ფულავა იყო პაწია ათი წლის ბიჭი. ის თეკლათის ტყეებში დატანტალობდა გაცვეთილი ხამის პერანგის ამარა, თავშიშველი, ფეხშიშველი და წელ ქვემოთ დედითშობილა; ათიოდე თხა ებარა და მათ ერეკებოდა. ხელში ეჭირა მუდამ კოდალ-ბზეკალი (შვილდ-ისარი). საღამოს შინ ისე არ დაბრუნდებოდა, რომ ორი, სამი ჩიტი, კოდლით მოკლული, უბეში არ სდებოდა. ბახვა ყოველ მზის ჩასვლისას მორეკდა შინ თავის თხებს, დაამწყვდედა წნულ სათხებოში, მერე შეიჭრებოდა სახლში. იქ დედა მიაგებებდა ცივ ღომს. ბახვა თავის მოკლულ ჩიტებს შამფურზე წამოაგებდა, ცეცხლზე დაუფიცებდა, ცივ ღომს ნაკვერცხლებზე შეაფიცებდა და მადიანად შეეჭკევეოდა ვახშამს.

სანამ დედა-მისი თხებს მოწველიდა, ბახვას ერთი დიდი დოქი წყალი უნდა მოერბენინებია: ესეც ბეგრათ ჰქონდა დადებული ოჯახში. დღე-და-ღამის გაყრისას დედა დაუგებდა ლოგინზე მის სიგძე ნაბდის ქეჩას, ხის სასთუმალზე დაწვირიანებულს შილის ყურბალიშს მიუგდებდა, მერე ეტყოდა ბახვას, დაწეკო, და ზედ დაფარატიანებულს შილის საბანს წააფარებდა. სანამ სოფლის ვახშამობა შეიქნებოდა, ბახვას ერთი პირი ძილი გასრულებული ჰქონდა.

როგორც კი განთიადი მოაწევდა, ის ზეზე იყო, შემოირტყამდა პერანგზე თავის ძველ ქამარს და, დედა მისი რომ ქათმებს გასძახებდა: „რრუ, რრუ. რრუო!“ ბახვა გამოხტებოდა სახლიდან და მიწიწინებდა კოდის წყაროზე პირდასაბანათ; ეშინოდა მზის პირველმა შუქმა პირდაუბანელს, ნამძინარევეს არ დამხედოს და არ მაჯობოსო, ჩხიკვმა ან გუგულმა პირდაუბანელს არ დამძახოს, თორემ ის დღე უბედურათ ჩამივლისო: ან თხები გადმემალებიან, ან ჩიტებს ველარ მოვკლავ, ან ვინმე გამლახავსო. ასე იყო დედისაგან შეგონებული. რაკი ღმერთი ისე შეეწევეოდა, რომ პირდაბანის შემდეგ გუგულის ხმას გაიგონებდა, მაშინვე სამჯერ მიძახებდა:

„მიჯობნია, მიჯობნია. მიჯობნიაო!“ ამას შემდეგ სულ ხტომით აბოიბენდა კოდის წყაროდან გორაზე, სადაც მისი სახლი იყო გამოკიმული.

დილის გამარჯვებით ბახვას გული ჰქონდა განებივრებულ, საუზმესაც მხიარულად მიეგებებოდა და მეწველ თხებსაც სიამოვნებით დაუჭერდა დედას. ორტოტა ხელები რქებში ჰქონდა თხისათვის ჩაჭიდებული და საწველ ქოთანში ფეხის ჩაკერას არ გააბედინებდა. ამგვარის ერთგულებისათვის დედაც არ რჩებოდა თავის ვაჟს უმადურად. დედა-მის ყოველთვის ჰქონდა მომზადებული საგზალათ ნახევარი კეცის მქაღი და ახალ ამოყვანილ ყველის კიბი.

წუთი სათხებო ოთხ მაღალ ბოძზე სახლს უკან იყო მიდგმული. სათხებოს ერთი დაკდობილი ძელი კიბეთ ჰქონდა მიკეთებული.

დამწყვედეული თხები ცისიერზე იგრძნობდნენ ბახვას მოსვლას და შორიდანვე მიეგებებოდნენ „პეტელითა“ და „ფრუტუნით“. გაალებდა ბახვა თუ არა საგდულით ჩაკეტილს ლასტის კარს, თხები თითო-თითოთ გამოხტებოდნენ სათხებოდან და კვინტრიშით ჩამოიბრებენდნენ ძელის კიბეზე, მერე გაიფანტებოდნენ ეზოში; ერკემლები ერთმანერთს დაეჯახებოდნენ, თითქოს სურდათ, დედალი თხების წინაშე თავი მოეწონებიათ.

ამ დროს თხებს გარდა ეზოში იმყოფებოდნენ მაყურებლებათ: თავმომწონე მამალი, რომელიც დეზებ-შემოსილი და ბიბილოებ-ჩამოშვებული მიაძახებდა გაბნეულ დედლებს: „ჰეიჰა! ჰეიჰა!! აქეო წამოდით, თხები არ დაგეტაკოსთო!“ იხეებდნენ, რომელნიც ფრთების ფართქუნით თითქოს ტაშს უკრავდნენ და მოწონების ნიშნაით იძახოდნენ: „ვახ, ვახ, ვახ!!!“...

ამ დროს ბახვაც წერილის ხმით შესძახებდა: „ბელაჰ, ბელაჰ!“... ერკემლებს კარგათ ესმოდათ მისი ხმა და მაშინვე კიდილს თავს დანებებდნენ. ორი მათგანი, უფრო მორჩილი ერკემლები, გასწევდნენ წინ გზის საკვლევათ, მოხუცებული ვაცი კი უკან ჩამორჩებოდა, შუაში, დედალ თხებს ჩაიყენებდნენ თავიანთ თიკნებიანათ. და ამრიგათ ჩაიბრებდნენ სერს, სადაც მიბურული იყო უზარმაზარი წიფლნარი.

ბახვა გადიგდებდა მხარ-თეძოზე თავის ბზეკალს (შვილდს). კოდალი (ისარი) ხელში ეჭირა, კალთაში საგზალი ჰქონდა გამოწვეული და სრულებით არ დარდობდა, რომ მისი ტოლი მწყემსი გოგოები ჩაუფარებელს წელს ქვემოთ მის სიმდიდრეს უცქეროდნენ. ის ხტომით ჩაიბრებდა ქოჩორა ტყით დაჩრდილულ სერსა, წინ თხები თიკნებიანთ მიკუნტრუშებდნენ. მის წკრიალა ხმას და „რირა-

ორიას“ მღერას ხურმისა და თხმელის დობილოიანი *) ხეები ბანს აყოლებდენ. ჩიტები, თავის ვერაგის მტრის დანახვაზე გაოცებულნი. ცქრიალითა და ჟლივილით იწყებდენ გადაფრენ-გადმოფრენას. მომეტებულათ შაშვი უფრთხოდა ბახულიას. შეშინებული წამოიძახებდა: „უფუ! ვაი, დავიღუპო!“ ფრთქიალით ჩამოეშვებოდა ხიდან და შეგოგდებოდა ეკლიან ჩირგვ-ნარში, რომ თავი მოერიდებია იმის კოდალ-ბზეკლისათვის.

თხებმა კარგა ძალზე წაუსწრეს წინ ბახვას, გავიდენ მინდვრათ და მოედვენ ნეკრიანს თხილის ჯაგებს ლორთქო ტრტების საკვრებათ.

ჩირგვებით გარემოცულ მინდორში დაუხვდენ ბახულიას თავის ტოლი გოგო-ბიჭები, რომელნიც ორ ხეს შორის გაბმულ ყურძნის ვაზზე ქანაობით თავს იქცევდენ. ბახულიამ დააგდო ხის ძირას კოდალ-ბზეკალი, იქვე ბალახებში ჩააწყო თავისი საგზალი, მერე შურიანათ გასწია საქანაოსკენ. ჩამოაგდო ზედ შემჯდარი მწყემსი გონა, შესკუპდა საქანელზე და დაიწყო თითონ ქანაობა.

I.

მდინარე ცივი მოშორებით მიშხუოდა. გაღმით თეკლათის კლდეში მოჩანდა უზარმაზარი ქვის სამტვრევი; იქ მუშები ქიან-კველასავით ირუოდენ; დროგამოშვებით მოისმოდა ნაღმის გრიალი. იქიდან მოკიდებული შორს მინდორზე ორი ალმასის გველივით თანტოლათ მიიკლანებოდენ რკინის ზოდები.

ამ დროს მატარებლის მანქანამ იწივლა. ბახვა მაშინვე გადმოხტა საქანელადან, გავარდა მდინარე ცივს გაღმა და მიაშურა მუშებს. რომ მატარებლის მოსვლაზე იქ დასწრებოდა. ეს პირველი იყო მისგან რკინის გზის მატარებლის ახლოს ნახვა; თუმცა მისი სტვენისა და შორიდან მისი, ვეშაპნაირი სრიალისთვის რკინის ზოდებზე ზშირათ ეყურებინა.

იმ დროს ამ ალაგას თეკლათის ქვის ცემენტი მზადდებოდა. ზედ ქვის სატეხში რკინის გზა იყო შეყვანილი, რომ აქედან ცემენტის ფქვილი და ქვის ლოდები წაეღოთ ფოთს პორტისათვის. კიდეც მივიდა ბახულია ქვის სატეხში და მატარებელიც გაჩერდა. მუშებმა გაჩქარებით დაუწყეს ზესადგრებს (პლატფორმებს) დატვირთვა. როგორც კი შეხედა გაკვირვებულს ბახვას ერთმა მუშამ, მაშინვე უთხრა:

*) დობილო მდლარია, ზეზე შესული იყნახი.

— პაწია ბიკო, მოგვეხმარე ქვის ზიდვაში და მაშინაზე დაგსვამ.

ბახვამ გაიღიმა და კრძალვით დაუწყა პატარა ქვედს ბოქვა ორი საათის განმავლობაში რკინის გზის მატარებლის ზესადგრები ყველანი დატვირთულნი იყვნენ. მუშამ მოაელო ხელი ბახვას და შესვა ზესადგარზე. მერე თვითონაც ზედ შეხტა. იწივლა მატარებელმა და პაწია მწყემსი გზას გაუყენა. ბახვას ძალიან მოეწონა რკინის გზაზე გასეირნება.

თეკლათიდან მოკიდებული დიდ გზამდის, შეიდ ვერსის სიგრძეზე, რკინის გზის ტოტი იყო გაკეთებული. იქ, დიდ გზაზე, დატვირთულ ზესადგრებს სხვა მატარებელს შრუბამდენ და გაისტუმრებდენ ფოთისკენ: მაგიერათ ცარიელი ზესადგრები ისევ ბრუნდებოდა თეკლათის ქვის სატეხში დასატვირთავათ.

ბახვამ დიდ გზაზე სხვა მუშებიც ბევრი ნახა და ერთი უფროსი ინჟინერიცა. ამ კაცს ძალიან მოეწონა ბახვას ცოცხალი სახე და უთხრა მუშას: იქნება, ეს პაწია ბიკი დამიჭირავო ხელზე მოსამსახურეთო. იმ დღეს ბახვას კარგად აქამეს. ასევე და მზე რომ გადაიხარა, ისევ თეკლათის ქვის სატეხში დააბრუნეს.

— ბიკო, ის აპელატებიანი ინჟინერი ხომ მოგეწონა? კითხ: მუშამ.

— კი, მიუგო ბახვამ.

— იმას ბევრი ფული აქვს. — განაგრძო მუშამ: — თუ წახვალ და დადგები მასთან, კარგათ ჩაგაცმევს და დაგხურავს, კარგათ გასმევს და გაქმევს, შვილსავეთ მოგივლის და ბევრ ფულსაც მოგცემს. ცივი ღომის ქამას და ეგრე უნიფხოთ ტანტალს ის არ გირჩენია, იმ ინჟინერთან ბატონიშვილივით იყო?

ბახვას მოაგონდა ფავისი დედ-მამა, თხები, საყვარელი კოდალბზეკალი, ამხანაგი მწყემსები, მისი ტოლი გოგო-ბიჭები, „რირა-ორირას“ გაძახილი, ჩიტების უღვივლი, მათზე ნადირობა — და საჩქაროდ თავი გაიქნია უარის სათქმელათ. მერე ჩაფიქრდა, ხმა აღარ ამოუღია, მაგრამ მუშის კიახვე მაინც თავიდან არ სცილდებოდა და, მეტი არ შეიძლება, ისე აღტაცებული და გახარებული იყო იმ დღის მგზავრობით. ისეთი საქმელები აქამეს; ისეთი ღვინო დაალევიანეს!.. ინჟინერმა ორი კამფეტიც აჩუქა. იმ დღის სადილის გემო ჯერაც არ გამოსცლოდა პირიდან.

ის ყოველთვის სითვალხარბით იგონებდა თავის ბიძაშვილის შეენიერ ტანსაცმელს და ვერცხლით გაწყობილ ქამარ-ხანჯალს... მისი ბიძაშვილი, მართლაც ორ-სამ წელიწადს სახლს მოშორებოდა

და ფოთში ემუშაენა. შინ რომ დაბრუნდა, ბახვამ ვერც კი იცნო პირველ შეხედვაზე, ასე ეგონა, თითქო ვილაც ბატონიშვილი მოსულიყოს იმის მამის ოჯახში.

ერთხელ, სააღღკომოთ, მისმა ბიძაშვილმა მედიდურათ შემოალო მათი სახლის კარები. მას ტანთ ეცვა სირმიანი ჩოხა, სირმით მოქარგული წულები, წელზე ერთყა ვერცხლით გაქედილი ქამარხანჯალი, მხარ-ბეჭზე ჰქონდა კონტათ გადაგდებული სირმით გაწყობილი ყაბალახი. ეს ნახული სურათი უეცრად წარმოუდგა ბახვას გონებას თვალწინ და ამასთანავე უცებ ძირს დახარა თავი და დააქქერდა თავის ტალახიანს ფეხებს და შეჩუთრულ წვივებს: არ მოეწონა. მას თან-და-თან იტაცებდა მისი მომავალი ბედნიერების სურათი; მერე თითქოს კიდეც დაიწყო გულში ნანობა: მუშის რჩევას ასე აჩქარებით უარი რათ ვუთხარო?..

როცა მატარებელი თეკლათის ქვის სატეხში დაბრუნდა, მზე ჩადიოდა. ბახვა გადმოსვეს ზესადგრიდან. მას მხოლოდ ახლა მოაგონდა ღეთის ანაბარათ მიგდებული თხები, კოდალ-ბზეკალი და საგზალი. მაშინვე მოკურცხლა მინდერისკენ, საცა ვაზის საქანელა ეგულებოდა. მაგრამ იქ იმას აღარც გოგო-ბიჭები დაუხვდენ და ველარც კოდალ-ბზეკალი იპოენა. მან ერთ ლანდზე შემოიბრინა ჩირგვები, მთული ის არე-მარე, ბოლოს გადვიდა კლდიან ადგილებში, საცა მის თხებს და თიკნებს უყვარდათ პოტინი და მალდიდან გადმრყურება. ბოლოს მორთო კივილი და ძახილი; ერთხანს თხებსაც უძახოდა: ბელაჰ! ბელაჰ!!! — მაგრამ ხმა არსაიდან აღარ მოესმა, ველარც თხების ფაჩუნი გაიგონა კლდიან ჯაგებში. ბახვა მიეცა სრულ სასოწარკვეთილებას, დავარდა იქვე მიწაზე და მორთო ხმამალლა ტირილი.

აბა ტირილი რას უშველიდა? მზე კარგა ხანი ჩასული იყო. ბინდიც შემოიპარა. აი, ახლა კი გამოერკვა ბახვა. ის ჩავარდა ორ შიშს შუა, ცალი მხრით ღამის კუდიანების ეშინოდა, მეორე მხრით, შინ მისვლასაც ველარ ბედავდა ხელცარიელი. მაგრამ კუდიანების ხელში ჩავარდნას ისევ დედის კალთაში არჩია თავის მიყრდნობა. წამოდგა ზეზე და ბანცალით დაადგა გზას შინისაკენ. ამასობაში კიდეც დაბინდდა.

მამა-მისი დიდი ხანი შინ დაბრუნებულიყო მუშაობიდან.

— ბახვა სად არის ამდენ ხანს? — წამოიძახა დედამ გულგახეთქილმა. მამამ არა უპასუხა-რა, წამოდგა ზეზე, გავიდა გარეთ და მორთო ხმამალლა ძახილი, იქნება, ხმა მიინც მივაწვიდინოვო. ის სულ წინ მიიწევდა, ტყისაკენ, თან ყვიროდა, ბახვას უძახოდა.

მისი ძახილი თან-და-თან სუსტდებოდა, ამის გამო შინ დედას გული თან-და-თან უფრო უღელდებოდა. ის გახურებულ კეცებზე მქადებს აკრავდა, ქმარ-შვილს ვახშამს უმზადებდა; მაგრამ ვაი ამ მომზადებას! ნახევრად თავის გონზედ აღარ იყო...

— ვაი შენს დედას, შვილო! ვაი. თუ რამე გიქირდეს?!...

ამ დროს ბახვა შემოიპარა ქოხში უკანა კარიდან. მამის ძახილი იმ თავითვე გაეგონა, მაგრამ შიშისაგან პასუხს ვერ აძლევდა. დედამ შეასწრო თუ არა თვალი, მაშინვე საკეცი გააგდო ხელიდან და შვილისაკენ გაექანა.

— ბახვა, შვილო, აქამდის სად იყავი? ცუდი ხომ არა დაგმართოთ-რა, თხები ხომ არ დაგკარგვია?..

ბახვა ხმას არ იღებდა. დედამ ჩაიკრა შვილი გულში. თხები კი არა, იმ წუთს სახლ-კარიც რომ დასწვოდა, მაინც არაფრად მიიმჩნევდა, რაკი მისი ბახულია შინ დაუბრუნდა უვნებლათ. დედის აღერსმა ბახულიას თითქოს სინდისი გაულევიძაო, და, რადგან თავის გასამართლებელი პასუხი ვერ ეპოვნა, მორთო ტირილი.

— ვაი შენს დედას, თხები დაკარგე განა?

ამ ლაპარაკზე მამამ შემოდგა ქოხში ფეხი და მწარედ შეწუხებულისა და ნაღვლიანის ხმით წამოიძახა:

— რამდენი არ ვუძახე, ვერ გავაგონე: უნდა წავიდე საძებრათ. მერე მოტრიალდა ცოლისკენ და, ბახულია რომ დაინახა დედის კალთაში სულგანბული, მხიარულად შესძახა:

— აგერ არ ყოფილა!.. ბიჭო, სად იყავი აქამდის? შენმა ძებნამ მომკლა ამ უმთვარო ღამეში. მოკიდა ხელი სიყვარულით და წინ დაიყენა. ბახვა უნდობრათ მივიდა მამასთან. იცოდა კარგი არ დაემართებოდა-რა, როცა მამა შეიტყობდა თხების ამბავს. მამამ დაიდგა ცეცხლის-პირს სკამი, დაჯდა ზედ და შვილი კალთაში ჩაისვა. შვილის ნახვის სიამოვნებამ მამას თხების ამბავი იმ წუთას გადაავიწყა. დედამაც გაკრა სუნგალი, საკეცი გადმოდგა გახურებული კეცი ძირს და ზედ მქადის გუნდა დააკრა. ცოტა რომ მოისვენა მამამ, მერე მიუბრუნდა შვილს და ჰკითხა:

— თხები ხომ ყველა მოდენე?...

ბახვამ ჩალუნა თავი და ხმას არ იღებდა.

— ბიჭო, რატომ ხმას არ იღებ, თხები სად არიან?

— ბახვა ხელმეორედ აღრიალდა.

მამა დარწმუნდა, რომ თხები დაჰკარგოდა, და გაჯავრებულმა ერთი ლაზათიანად სტკიცა ბახვას ლოყაზე. დედა მივარდა უცბათ და გამოგლიჯა შვილი ხელიდან.

— რა ღმერთი გიწყობა? — შეუტია ცოლმა.

— ხანჯლით უნდა მოვკლა ეგ ეშმაკის შვილი!

— განა იმას არ მადლობ ღმერთს, რომ შვილი ცოცხალი და-
ვიბრუნდა?...

ბახვამ კარგა ხანს იტირა ლოგინზე განართხულმა, სანამ ღრმით
არ ჩაეძინა. დედამ აიყვანა და თავის ქვეშაუბებში ჩააწვინა: მეორე
დღეს ბახვა ცისიერზე ფეხაკრეფით გამოვიდა გარეთ და თეკლათის
ქვის სატეხისაკენ გაუდგა. მიიბრინა თუ არა, მაშინვე მოძებნა თავი-
სი მეგობარი მუშა და უთხრა: ინტინერთან წასვლა მინდაო... ახლავე
გამგზავნე. თორემ დედ-მამა მომნახავს და აღარ გამიშვებსო.

ამ დროს რკინის გზის მატარებელიც დაიძრა. ბახვა შესვეს ზე-
სადგარზე და ფოთს გაუყენეს...

II

ბახვა იყო ერთად-ერთი შვილი მარტოხელის გლეხისა: მამა-
მისს მახლობელ სერზე ამოერჩია სამოსახლო. რადგან დაბლობში
მის მეზობლებს ციებ-ცხელება არ აყენებდა; ის გამოყოფოდა თა-
ვის ძმებს და იქ დასახლებულიყო.

მისი ცოლი, ბახულისა დედა, თუმცა კარგი მეოჯახე ქალი
იყო. მაგრამ რძლები გადაკიდებოდნენ ერთმანერთს. სანამ ბახულის
მამა ძმებთან ერთად იყო, შვილი არ რჩებოდა. თუმცა ის ძმებზე
უფროსი იყო, მაგრამ ამით ოროლ-სამსამი ვაჟი კარგი მუშა ბიჭე-
ბი გაგზავნილი ყავდათ ფოთს ფულის მოსაგებათ. იმათგან თავიანთ
დედ-მამებს ფულები მოდიოდათ. რძლები მუდამ საყვედურში იყვნენ:
ჩვენი შვილების ფული ოჯახში მარტოხელა მამულზე იხარჯებაო.

ბახვას მამა ამაყი გულის პატრონი იყო. რძლებმა ორჯერ-
სამჯერ გააგონეს უნასი ლაპარაკი. ბოლოს იმან შეკრიბა უმცრო-
სი ძმები და ასე უთხრა: მე თქვენთან დგომა აღარ მარგიაო, იქ-
ნება. რასმე მამადლიდეთ, და მე დამადლებული არა მინდა-რაო.
ჩემი წილი უნდა გამოვიყო და გაგეცალოთო. უმცროსი ძმები ბევრს
ეხვეწენ, მაგრამ იმან აღარ ქნა: ერთხელ გატეხილი პური აღარ გამ-
თელდებაო. ამასთანავე გულშიც ფიქრობდა. იქნება, ახალ სამოსახ-
ლოზე უფრო ბედნიერათ ვიცხოვროთ, ერთი პაწია ვაჟი დამრჩე-
ნია. იქნება. ის მაინც გამეზარდოსო, აიღეს ძმებმა ბაწრები, დაჰკრეს
მთასა და ბარს და გაშორდნენ ერთმანეთს.

ბახვას მამას ერგო ხუთი ქცევა სახნავი მიწა, შვილი ქცევა
ქოჩორა ტყე და ქცევა-ნახევარი დობილო (მალლარი ვენახი), სახ-

ლებს შორის ბოსელზე მიდგმული ერთი ფიცრული ოთახი, რომელსაც ორი საყენი სიგძე ჰქონდა და საყენ-ნახევარი განი, ერთი ხულა (პაწია ბელელი), ერთი პატარა სალორე, ერთი ხბოიანი ძროხა, ცალი ხარბი, ხუთი თხა, ოთხი თიკანი, ერთი ბოტი (დაკოდლი ვაცი), ორი წლის ჭაკი კვიცი, ექვსი ქათამი, ერთი მამალი, ერთი ნეზვი ღორი, ორი ათ-ჩაფიანი ქვეერი, ორი ქოთანი, ხუთი ხის ჯამი. ერთი კარდალი (მორჩილი ქვაბი), ერთი კინთი, კბილებ ჯამტვრეული საჩეჩელი და ერთი ჩიხრიხი (ბამბის გასარჩევი). ამას გარდა რაც წლის ქირნახული ჰქონდა. მესამედი გამოიყო, შეიწია ორი დლით მუშა ხარ-ურმიანი, სულ ათი კაცი, რომელთაც ეს მთელი მისი ხაბაკ-ხუბაკი გადაუტანეს და დაუდგეს სერზე. იმ დროს ბახვა იყო ოთხი წლისა. ექვსის წლის განმავლობაში ჯაფის ამტანის დედაკაცის წყალბობით ეს ახალი განაყოფი ოჯახი მოლონიერდა.

ბახვას მამამ ცულის ხელი იკოდა. ფიცრებს ფიცრებზე ლამაზათ აქდობდა და ძელურს აშენებდა. ამით მეზობლები ძალიან ზომადლიერებული ჰყავდა, ასე რომ თავის სახლ-კარის გადმოტანა და სერზე გადმოქიშვა ბევრად არ დაჯდომია. მეზობლებს, რომელნიც მუშათ ეხმარებოდნენ, დაუკლა ერთი თხა და ორი ბათმანი მკალი შეაქამა.

მის სახლ-კარს ცალი მხრით უფარებდა ქოჩორა ტყე და მეორე მხრით დობილო (მაღლარი). შორიდგან ხორც-შესხმულ კაცს არ შეეძლო მისი სახლ-კარის დანახვა, რადგან შუაგულ ტყეში იყო ჩადგმული. ამით იმან ღამის მგზავრებს მოარიდა თავი.

სამეგრელოში არც სასტუმროები, არც რესტორანები, ნამეტურ იმ დროს, არ იყო. თუ სადმე გზის პირათ სამიკიტნო იდგა, იქ მეგრელი მგზავრი მაინც არ შეუხვევდა, რადგან კაპეიკის დახარჯვა მეგრელს სიკვდილივით ეზარება. შემოალამდებოდა თუ არა მგზავრს, მაშინვე გზიდან გადუსვევდა და რომელსამე მოსახლეს მიადგებოდა ღამის გასათევათ. ეს ჩვეულება თითქმის აქამდის დარჩენილა, ამ მგზავრებში ზოგი ცხენის ქურდი იყო; ზოგი საქონლისა, ზოგი ვაქარი, ზოგი მებატონე. მთელი სამეგრელო ამისთანა ხტუმრობით იყო აკლებული. ვისაც სურდა, თავი მოერიდებინა ამისთანა ლიანგისთვის, უნდა გაშორებოდა დიდ გზას, მიუღლომელ ტყეებში და მთებში უნდა დასახლებულიყო.

ბახვას მამას სხვა განზრახვაც ჰქონდა, მდინარე ცივზე გადამდგარ სერზე რომ დაესახლა. თეკლათის მუშებს ხშირად სჭირდებოდათ ძელები, ხის ნამორებო და ფიცრები. იქვე ქოჩორა ტყე

იყო. ზამთრობით ბახვას მამა რამდენიმე დღით ჩავიდოდა თავის სადღურგლო იარაღითა. წაიყვანდა ორს თავის მეზობელს და გაჰქონდათ იმათ ცულდებს დღენიადაგ კაკუნი. თუმცა ცოლ-ქმარს წლის სარჩო მარტოხელობის გამო ვერ მოყავდათ, მაგრამ ზამთარში ნაშოენი ფულით, რაც გაზაფხულის მიწურულში დააკლდებოდათ. იმას ყიდულობდენ და ასე გამოდიოდენ.

როცა ბახვა ათი წლის შეიქნა, მის მშობელს ყავდა თიკინიანათ ოცი სული თხა, ერთი უღელი ხარი, ერთი კვიციანი ჰაკიციხენი, ერთი მეწველი ძროხა, სამი უშობელი, წლის მოზვერა, ოთხი დედა ღორი და ექვსი გოჭი. წერილ-ფეხეულობა: ქათამი, ისე და ბატი — ბლომათ. ძმობაში წარგები სახლი ბოსლათ გადაეკეთებინა; სადგომათ კი ახალი ძელური წამოეჭიმა თავის საკუქნართი, საცა მის ცოლს ქვეშაგები ჰქონდა შენახული; სახლს ხულა (ბელელი) ჰქონდა მიდგმული, რომლის ზესხვენზე (ქერზე) გაუცხველი ღომი ეყარა; თვითონ ხულაში ხელით სატრიალებელი წისკვილი ჰქონდა მოწყობილი. ამ პაწია წისკვილს ბახვას დედა კვირაში ორ დღეს აგრიანებდა და საღომე სიმინდს *) ღერავდა. იქვე ახლოს ოთხ ბოძზე წნული სასიმინდე იყო შესკუპებული; თვითონ ძელური გარშემო საბუღრებით იყო შემოკედილი; ზოგი ამათვანი ჩამოკიდებული იყო გარეთა კედლებზე. ზოგი სამკაპალა ბოძებზე იყო დაწნული. ზევით ძელური ისლით იყო გადახურული; ძელურის შუაგულს კერა იყო გაჩაღებული და, რომ ისლს კერადან ეცხლი არ გასჩენოდა, სახურავიდან ზედ კერაზე იყო ჩამოკიდებული ოთხ კიგოზე ზესხვენი (ქერი) ფიცრებ-გალაგებული. ისინი ქვარტლისგან გაშავეებული იყვენ და ქვარტლიც ზედ ფარატინებათ ეკიდა. შუაგულ ზესხვენიდან კერაზე დასწვრივ ორი ხის კაკვი იყო ჩამოშეებული და ერთმანეთზე რიკებით დამაგრებული. ამას ეძახდენ საქვაბეს, მისთვის რომ ზედ სპილენძის კარდალი ეკიდა და შიგ მუდამ წყალი თებოდა. თვითონ ზესხვენზე ბევრი რამ ეკიდა საქვაბეს გარდა: მაქიკი, საკიდელი **), თხის ძვლები, თუთუნის ფოთლები, სხვადასხვა ბალახეულობა ძაფზე აკინძული, რომლისაგანაც ბახვას დედა ზამთრობით მხლის საქამადს აკეთებდა; ეკიდა აგრეთვე სხვადასხვა სოკოები, განსაკუთრებით მრავალი იყო მანჭკვარა. ზესხვენს ზემოთ კი მრავალი ხურმა იყო გასახმობათ დაყრილი თავის ტოტებიანათ.

*) სამეგრელოში სიმინდის ღომსაც აკეთებენ.

***) საკიდელი — რძის დასაკეთია.

ბახვას მამას კარგა ხანია ღვინო აღარ მოსდიოდა. შონურს *) ნაცარს აყრიდა; მაგრამ, რაც უნდა წამბდარიყო ყურძენი, ბახვას მამა ერთ ათ-ჩაფიან ქვევრს მაინც გააყესბდა. იმას კქონდა ორი მამაპაპეული ქვევრი, კაკალს ქვეშ ჩაფლული, ბადიმიტ დახურული და თიხის მიწით თავწაგლესილი. ამ ათჩაფიანს წელიწადში ორჯერ გადილებდა. პაწია ღვინის ამოსაღები ორშიმო, რომელსაც ბახვას მამა „ხრიკას“ ეძახდა, იქვე კაკალზე იყო ჩამოკიდებული.

III.

იმ საღამოს, როცა ბახულიამ თხები დაკარგა, მამა-მისი ძალიან ჩაფიქრებული იყო: ერთი — რომ შეილი გალახა და მერე ნანობდა, მეორე — რომ ცოლი გააჯავრა, მესამე — თხების ბედ-იღბალიც ძალიან აწუხებდა. მის გარემო ტყეებში ტურები ისე გამრავლებული იყვენ, რომ დარიან ღამეში შიგ. ეზოშიაც შემოდრიოდენ და კივილ-ყმუილით იქაურობას იკლებდენ. მათ ხელში თხებს კარგი არა დაემართებოდათ-რა. ის ვახშმის წინ დაღვრემილი სამფეხა სკამზე წამომგდარიყო და შემდეგ ნაირს ფიქრებში იყო გართული: „ღღეს დილითვე ვატყობდი, კარგი არა დამემართებოდა-რა. გამოვედი თუ არა კარზე, ჩემი ცულდი პირადმა ამართული დამხვდა; ამ დროს ყვემაც დამძახა. მალე კი შევეძახე: შენი ნიკარტი ქვას, შენი გულ-ღვიძლი ძალსს მეთქი, მაგრამ რას უშველიდა! იმ მამალის ტურის არჩივმა მაინც ცულდათ დამძახა. კიდევ იმიტომ არ მძღვედა დღეს გული სამუშაოდ წასვლასა“.

— დარია, — უთხრა ხმამაღლა თავის ცოლს: თხებს შეულოცე, იქნება გადარჩენ ნადირის კბილისაგან.

დარიათ გამოიტანა ერთი მუქა მარილი, აურია სიმინდში და ასე დაიწყო:

„ეკენია — ბეკენია!
 ბეკეს ხატი სვენებია.
 შეუფეო, ჩამოაგდე
 ხელბორკილი რკინისა.
 ნადირს კბილი შეუკარი,
 მეკობრესა ხელ-მხარი;
 გადააგდე ზღვაში,
 ნუ გაუშვებ გზაში“.

*) შონური — ერთნაირი ვაზია, რომლისგანაც ოჯაღლეში ღვინო დგება.

სამჯერ გაიმეორა დარიამ ეს ლოცვა, მერე დაყარა შელოცვილი მარილ-სიმინდი ჯამზე და შედგა თახჩაში, რომ მეორე დილას შინაური საქონლისათვის ექმნა.

იმ ღამეს ხახულიას — ასე ეძახდნენ ბახვას მამას — არ სძინებია. როგორც ინათლა, მაშინვე ზეზე წამოვარდა, გამოვიდა გარეთ, გადინებდა საჩეხში და იქ პირველად ბებერ ბოტს შეასწრო თვალი, რომელიც აფულული და მოწყენილი ლობეზე რქებს იხეხავდა, თითქოს ჯაერისაგან კედელზე თავს ურახუნებსო ცხოვრების მეგობრების დაკარგვის გულისათვის. დანარჩენი თხები ხახულიას დანახვაზე, ღამით ნადირისაგან დაფეთებულნი, წამოვარდნენ და აქით-იქით გაიფანტნენ. პატრონი ველარ იცნეს. თხებს აკლდათ ორი ერკემალი, სამი დედა თხა და ერთი თიკანი. დამფრთხალი თხები ერთად შეიხურხლენ საჩეხის კუნჭულში. მხოლოდ მოხუცებული ბოტი მამაცურად წამოდგა წინ, გადმოდგა რამდენიმე ნაბიჯი ხახულიასკენ და რქები ამართა დასატაკებლათ. ხახულიამ მარილ-სიმინდით საესე ჯამი გაუწვდინა, ბოტმა უხვია განზე.

— ბელაჰ, ბელაჰ, ბელაჰ! — ტკბილის ხმით დაუყვავა პატრონმა. ბოტი თითქოს ამ ხმაზე გონებას მოეგოვო, მოტრიალდა, შემოხედა გამოწვდილ ჯამს, მივიდა და კრძალვით ქამა დაუწყყო. შემდეგ ხახულია მივიდა სხვა თხებთანაც. ამათ რაკი შენიშნეს, რომ ბოტი პატრონს არ უფრთხოდა, ყველანი მოტრიალდნენ საჩეხის კუნჭულიდან და დაუწყეს მარილ-არეულ სიმინდს კვრება. ამ დროს დარიამაც გამოიტანა საჩეხში ქოთანი და თხები მოწველა. იმათ ბევრი არა ედგათ რა ჯიქნებში: შიშისაგან რძე გაქრობოდათ. ცოლ-ქმარმა მოუარა საქონელს. მზე მოვლილი იყო ბაკებზე. დარიამ საკიდელი უქნა რძეს და ჩადგა ქოთანი ნელ-თბილ ლადარში. მარტო მაშინ მოაგონდა, რომ ბახვა აღარსად იყო.

— ეს ბიჭი სად არის ამდენ ხანს? — შემოდგა თუ არა შინ ფენი. იკითხა ხახულიამ. საქონელს გარეკა დაუგვიანდა.

— აბა, გადაიხედე წყაროზე! — უთხრა ცოლმა.

ხახულია ისევ უკან გატრიალდა, ჩავიდა დობილოში, მივიდა წყაროსთან, სადაც შორიახლო ღამის საცხებელი იყო წყალზე შომართული და ხანგამოშვებით ისმოდა მისი რახუნი. იქ რომ არ დახვდა, გამოტრიალდა შინისკენ საჩქაროთ, ერთი კიდევ გადააელო თვალი სახლ-კარის გარემოს; რომ ველარსად ნახა, გული აუჩქარდა, გაექანა ქოჩორა ტყისკენ და მორთო ძახილი: პასუხი არ იყო. მერე აზრი აიღო, მეზობლებში არ გადამალულიყოსო. ჩავარდა დაბლა, მდინარის ცივის პირად.

შიკითხ-მოიკითხა, იქაც ველარა შეიტყო—რა. მერე გავიდა
ცივის გაღმა, თეკლათის ქვის სატეხში. ნაცნობმა მუშამ უთხრა:
ეს ერთი საათია, რაც ბახულია მატარებელს დაუჯდა და ფოთის
კენ გააქანეს ინჟინერთან დასაყენებლათაო.

— ბახვას მამა იქვე ჩაიკეცა ჯავრისაგან.

— როგორ გაფითრდი, რა დაგემართა, ვაჟკაცი არა ხარ? —
შეუტია მუშამ. — შენი ბედნიერების დღე ახლა არის. შინ რას გა-
გიკეთებდა. რას ისწავლიდა კერიასთან ნაცარქექიაობის მეტსა?
დღეის იქით შენი ბახულია პურსა სქამს, ფულს იშოვნის, გამო-
იკდება, რუსულს ისწავლის, კაცი გახდება.

— არ მინდა, ჩემო ბიძია, არც მისი ფული და არც მისი კა-
ცობა. მე გულდაჩაგრული კაცი ვარ: შვილი არ შემრჩენია. ეგ
ერთი ღლაპი მყავდა და ეგეც დამეკარგა. რაღაა ჩემი სიცოცხლე?...
ხახულისა კრემლები მოერია თვალეზე.

— არა, მამა: თუ არ გსურს, ძალას ვინ დაგატანს? — შებრა-
ლებით ანუგეშა მუშამ. — წადი, დიდ გზაზე გადი, იქ ინჟინერია,
სთხოვე და სწავლობდის უკან მოგიბრუნებენ.

ამ სიტყვებმა, ცოტა არ იყოს, მალამო მოსცხეს მის გაფიც-
ხებულ გულს: ის ადგა, დაიჭირა ჯოხი ხელში და გაუდგა დიდის
გზისკენ: განიზრახა, უფროს ინჟინერს მუხლზე მოხვეოდა, რომ
შვილი უკან დაებრუნებია.

შუაღლე შეიქნა, როცა ბახვას მამა ინჟინრის ადგილსადგომ-
თან მივიდა. საცა რამდენიმე ბამბის კარავი იყო გამართული. ინ-
ჟინერი ერთ კაკლის ძირში სამგზაურო სუფრას მიჯდომოდა და სა-
დილს შეექცევოდა. ბახვას მამამ წინ დაუჩოქა და ქუდმოხდილია
შეევედრა. ინჟინერი განათლებული, გულჩვილი კაცი იყო, სკამი
დაუდგა ხახულისა და თავის გვერდით მოსევა. გულდაჩაგრული
მამა ანუგეშა. შვილს ძალიან კარგათ გაგიზრდიო, ახლავე ჯამაგირს
დაჯუნისწავ. ოთხ-ხუთ წელიწადს ფულიც ექნება და გაბედნიერე-
ბული შვილი მოგივარო. მოსამსახურე ბიჭს უბრძანა, ხახულისა სადი-
ლი მოუტანეო; კახური ღვინით გამოაბრუნეო. ერთი თუმანი უსაგზ-
ლა და უკან გამოუშვა.

ბახვას მამა სრულებით კმაყოფილი დარჩა თავის შვილის ბე-
დისა. მხოლოდ ინჟინერს თვალ-ცრემლიანი შეევედრა, რომ შვი-
ლის ამბავი ხშირად ეცნობებია. ინჟინერი ამას გარდა დაპირდა ხა-
ხულისა. რომ სააღდგომოთ და საშობოთ ბახულისა ყოველთვის გა-
მოგიგზავნიო. მზის ჩასვლისას ბახვას მამა მხიარული შემოვიდა თავის
ეზოში. ცოლი კარის წინ დახვდა თმა გაწეწლი და საცოდავით

შოსთქვამდა შვილის დაკარგვას. ქმარმა შვილის კარგი ამბავი უთხრა, თუმანიანიც მიუტანა და ანუგეშა.

გულშეწუხებულ დედას მეტი რა ღონე ჰქონდა. უნდა ენუგეშებია თავი ქმრის სიტყვებით, თუმცა მას აქეთ მის სახეს სიხალისე დიდხანს აღარ მოსვლია.

ბახვას მამამ მეორე დღესვე იქირავა მეზობლის ბიჭი თხების მწყემსად და საქონელიც იმას ჩააბარა. ამის შემდეგ წამი ისე როგორ გავიდოდა, რომ ბახვას დედას არ წამოეძახა: „ბახვა, სკუა. სკანი გოლუაფირო ჩქიმი დუდი“ (ბახვა, შვილო, შენ შემოგველოს ჩემი თავი)!...

ბახულიას დედ-მამამ ამიერიდგან გამართა ჩამოლოცვები და საწირავები შვილის სადღეგრძელოთ.

თეკლათის მოშორებით ჩრდილო აღმოსავლეთისკენ გაეკვრა ბა სერები, რომელთაც ჰქვია აბედათის მთები. იმათში, რომელიც უფრო მაღალი გორაა, იქ იდგა ერთი დიდი მუხა. ყოველი გაქირებული კაცი მიდიოდა მუხასთან და მიჰქონდა სხვადასხვა შესაწირავები. ამას გარდა ს. ქაჩხურის მახლობლათ, ტენხურის ხეობაში, სერზე იდგა ერთი დიდი ცაცხვი, რომელსაც ეძახდნენ „ისკიოდას“-ს. მესამე ცაცხვის ხე იდგა მთაზე, ნობულევის სოფელთან, აბაშის ხეობაში, ბაღდას მახლობლათ. მარტვილიდან იქამდის ორი საათის სავალია. ამ სამ ხეს ბახვას დედ-მამა ყოველ წელიწადს სწირავდა თითო-თითო საკლავს: ერთ ხბოს და ორ თიკანს. ქრისტეშობისთვის რომ დადგებოდა, ხახულია ადგებოდა ცისიერზე უბრათ, წავიდოდა აბედათის მთაზე, წაიღებდა კვერს და ორ ლურსმანს, მუხლს მოიყრიდა წმინდა მუხის წინაშე, მოიხდიდა ჩაბალახს და ასე შეევედრებოდა: „მუხავ პატიოსანო, შენ შებორკე ჩემი ბახულიას მტერი და დამაწყევარი, იხსენი ყოველწინაირის ავათმყოფობისაგან, განარინე ბატონები: წითელა, ყვავილი, ხველა და მუტელა (ყვანა), დააბი და ნუ მიუშვებ მაზედ, სანამდის ეს ორი ლურსმანი, შენდა მოძღვნილი და შენ შორის ჩაქედლილი, თავისით არ ამოვარდეს“. ამ ლოცვას შემდეგ დააქედდა მუხის ძირზე ორ ლურსმანს, მერე სამჯერ შემოუვლიდა მუხას და ისევ უბრათ გამოსწევდა შინისკენ.

იმ ღამეს ბახვას დედ-მამას შინაც ამისთანა ლოცვა ექნებოდათ, მაგრამ აქ ნასუქს ხბოს ბოსლიდან გამოიყვანდნენ ძელურში და სამჯერ შემოატარებდნენ კერიას გარშემო შემდეგის ჩამოლოცვით: „მუხა პატიოსანო, შემოგვიწირავს შენთვის ეს უშობელი ჩვენის შვილის ბახულიას სადღეგრძელოთ“. შემდეგ ხბოს ძელურში დააბამდნენ თავისთან და კიდევ უფრო ასუქებდნენ. დილა-საღა-

მოს ხბოს მარისაც აქმევდენ. იმ დღეს ხახულია და მისი ცოლი ერთმანეთს ხმას არ გასცემდენ, უბრობა და მარხულობა დაწესებული ჰქონდათ. შობის წინადღეს ამგვართვე ჩამოილოცავდენ, მოხდიდენ ათ-ჩაფიანს, დაკლავდენ წინადლით შეწირულს ხბოს; შობა დღეს მოიწვევდენ მეზობლებს სადილათ; პირველი ლოცვა ბახულიას სადღეგრძელოთ წარმოითქმებოდა, მერე შეუდგებოდენ საერთო მოლბენას.

ამგვართვე მოიქცეოდენ ცოლ-ქმარი. როცა ხახულია აღდგომის კვირაში წაიღებდა „ისკიოდას“ ცაცხვთან მის შესაწირავათ ორს აღდგომის წითელ კვერცხს და იქიდგან დაბრუნებულ, დაკლავდა პატროსანის ცაცხვისადმი შეწირულს თიკანს, და „ნობულევის“ ცაცხვთან გაეშურებოდა მარიამობას. ეს ცაცხვი დღესაც შეხიზნულია ცხენის ნალებით, ლურსმნებით, ბამბის ძაფიანი თითისტრებით და გარშემოხვეულის ბამბის ძაფებით. ვისაც ცხენი, ან საქონელი დაეკარგება, თავის მოვალეობათ რაცხს, წაილოს ცხენის ნალი და დააქედოს ცაცხვზე ამ სიტყვებით: „ცაცხეო პატროსანო, შენ შეუკარი ხელ-ფეხი და ასე დააქედე ერთს აღდილას ჩემის ცხენის ქურდი. სანამდის გულწრფელათ არ გატყდეს და არ შემოგპირდეს საწირავით თავის აშვებას, ნაპარავის ჩემთან მოყვანას, ნუმცა შეგისმენია მისი ვედრება“.

IV.

მას აქეთ, რაც ბახულია ფოთს წაიყვანეს, დედა-მისი ყოველ კვირაობით ჩადიოდა თეკლათის ქარხანაში შვილის ამბის საკითხავათ. ის გააკეთებდა შვენიერ სულგუნებს (გადაზელილ ყველებს), მოუქსოვდა შვილს ქრელ ღაზლის წინდებს, სულგუნებს ინჟინრის ცოლს უგზავნიდა და ქრელ წინდებს თავის ბახულიას. ამიერიდგან დარიასთვის რკინის გზის მატარებლის სტვენა ჩიტის ძახილათ, გადაიქცა, და, როგორც ჩიტის ძახილს, მატარებლის სტვენასაც ისე უპასუხებდა: „ჩიტო, ჩვენ კარგი ამბავი, შენ ოქროს ნისკარტი, გაშალე, ფთა, გადაიარე მთა“.

როცა დარია შინაურ საქმეებს მორჩებოდა, ყველაფერს მიაღაგ-მოაღაგებდა, მერე წავიდოდა ქოჩორა ტყისკენ. იმ სერზე, ერთ ხის ძირას, დარიას ერთი პტყელი ქვა ჰქონდა ამორჩეული საჯდომათ. ყოველს კარგ ამინდში წაიღებდა იქ თავის ხელსაქნარს და საღამომდის სულ თეკლათის რკინის გზის მუშებს უცქეროდა, ქვის ტეხაზე და მატარებლის წინ და უკან ტარებაზე აყოლებდა

გულს. ასე ეგონა, ყველა — მატარებლიან, მუშებიან, ბახვაზე ელაპარაკებოდენ, მის ამბავს ეჩურჩულებოდენ შორიდან მოყვარულ დედას. ხანდახან ვახშობისას, როცა მოწყენილი ცოლ-ქმარი ოჯახობის ამბავს მოლევდენ, დარია გაუტარებდა სიტყვას ხახულის ფოთს გამგზავრებაზე და ბახვას ნახვაზე. ქმარი ამოიხენეშებდა და იტყოდა: გაზაფხულზე უნდა წავიდე, როცა ჩემი ჭკი ცხენი კვიციის მოგების შემდეგ ღონეზე მოვაო. გაზაფხულიც დადგა, მაგრამ ხახულის ხან ყანის თესვა, ხან მეოთხედის გადახდა უშლიდა ხელს, ფოთს წასულიყო. ამ მზადებაში გავიდა ერთი წელიწადი.

ქრისტეშობის დღესასწაულის წინა ღამე იყო. ბახვას მამას შეწირული ხბო დაეკლა და ატყავებდა. დარია კერას აჩალებდა. ზედიდი ნალოები (ხის მორები) ეღო და ცეცხლს ალუზლუზებდა. წყლით სავსე ქვაბი, საქვაბებზე ჩამოკიდებული, შიშინებდა. მოჯამაგირეს ხან ჩაფით წყალი მოჰქონდა, ხან ხმელი ფიჩხები. ამ დროს ნაცნობმა კონდუქტორმა შემოდგა ფეხი სახლში. დარიამ სიხარულით წამოიძახა: „უი, შენ ჩემო ღვთის ანგელოზო! ბახულის კარგი ამბავი თუ მოგაქვს!“...

— ძალიან კარგი ამბავი, უპასუხა კონდუქტორმა: ინენერს უნდოდა გამოგზავნა თვითონ თქვენი შვილი, მაგრამ დღესასწაულებზე მოსამსახურეები შინ გაუშვა და ბახვამ ვეღარ მოიცალა. მაგიერათ აი რა მოგიტანე! თვითონ ბახულის დაწერილი წიგნი და შიგ ერთი თუმანიც გამოხვეული.

დარიამ უცებ ხელიდან ხამოსტაცა წიგნი და ალტაცებით იძახოდა:

— „სკანი გოლუაფირო, ჩქიმი ბახვა, ჩქიმი ჭიქე, ჩქიმი ანგელოზი!“... (შენ შემოგველე! ჩემი ბახვა, ჩემი პაწია, ჩემი ანგელოზი!...). დარია გაგიჟდა, გაგიჟდა სიხარულით: ხან გულში იკრავდა წიგნს, ხან კოცნიდა ბარათს და ზედ ცრემლებს კურცხლებს აფრქვევდა. ბოლოს გაშალა წიგნი და რომ ნახა ბახულის ნაწერი, ერთი უნებურათ გადინახარა და სიცილი ტირილათ გადაექცა:

— „ღიდა, ნანაი, ჩქიმი ბახვამ ნაჭარი, ჩქიმი ბახვამ ხე, მუში ქირმა...“ (ღედა, ღედა, ჩემი ბახვას ნაწერი, ჩემი ბახვას ხელი. მისი ქირიმე!) დაუწყო ბარათს კოცნა.

ხახულიამ მოიხადა ყაბალახი, თვალეები ზეცას მიაპყრო და რაცხას ბუტბუტებდა, ეტყობოდა, ღმერთს მადლობას სწირავდა ბახულის კარგათ და ბედნიერათ ყოფნისათვის.

კონდუქტორი რვა დღეს არ გაუშვიათ. რაც კი რამე შეეძლოთ, ცოლ-ქმარს არა დაუზოგავეს-რა, რომ კონდუქტორი მოე-

ლხინათ, მეზობლები დაუპატიჟეს ახალგაზრდა ქალებიანათ. მუზიკა. ჰარმონიკა, დაირა, ჩონგური და სხაპეა-თამაში მათ ხელათ იყო. კონდუქტორმა ის დღეები ძალიან მხიარულებით გაატარა. დობანდიანი ლამაზი ახალგაზრდა გოგოები კეკლუცი ცელქობით და მოხდენილი თამაშით ერთმანეთს ეჯიბრებოდენ, რომ კონდუქტორის ყურადღება მიექციათ თავიანთ თავზე...

იმ რვა დღეს მუდამ ერთი განუწყვეტელი სიცილი, კიჟინა მეგრული სიმღერები და ჩონგურ-დაირის კერა იყო გამართული ქალები ხშირად გააბამდენ ფერხულს. ნამეტურ ვახშობისას, ჩაირვედენ კონდუქტორს და მანამდი უვლიდენ ანთებულ კერას სიმღერით, სანმამდის არაქათ-წართმეულნი აქეთ-იქით ტახტებზე არ დაეყრებოდენ.

ხანდახან კონდუქტორი სადღაც გაილალებოდა და მეორე დღეს სადილობისას ძლივს შემოვიდოდა სახლში. ხახულია და დარია არ დარდობდენ მის დაკარგეაზე, რადგან დარწმუნებულნი იყვნენ, რომ კონდუქტორს მეზობლებში ბევრი მოკეთე ყავდა; წინდაწინვე იყვენ დარწმუნებული, რომ იმას უსიამოვნო არა შეემთხვევოდა რა.

შობის მეორე დღეს დარიას ჩვეულებათ ჰქონდა, რომ ღორის ხორციით და ქონით გატენილი დიდი მჰადი გამოეცხო. ეს იყო შეთქმული და შელოცვილი ბახვას საბედნიეროთ. სადილათ რომ დასხდებოდენ, ამ მჰადს ერთი ლამაზი ქალი დაიქერდა ხელში და მოიპატიებდა ახალგაზრდა ვაჟს ერთად გასატეხათ. მჰადს დასდებდენ დიდი ხის ნამორზე, რომელიც კერაზე იყო გაზოდვილი. ქალი ცალკე ცდილობდა, რომ მისკენ მჰადის უდიდესი ნაწილი გადამტყდარიყო, და ვაჟი ცალკე ვისკენაც უფროსი ნატეხი გადვიდოდა, ის იყო მოგებული. იმ დღეს ლამაზმა ქალმა კონდუქტორი მიიპატიჟა მჰადის გასატეხათ და, რადგან მჰადი ბახვას საბედნიეროთ იყო გამომცხვარი, ლამაზმა ქალმა უფროსი ნახევარი კონდუქტორს არგუნა. გატეხვაზე სტუმრებმა დიდი კიჟინა დასცეს და მიულოცეს დედ-მამას ბახვას ბედნიერება. რადგან მჰადის უფრო დიდი ნახევარი ვაჟმა გადითრია თავისკენ.

V. VI. VII. VIII. IX.

X.

ფოთის პორტში დიდი ხნიდან მუშაობდა ერთი რუსი მკვედელი. სახელად ივანე. იმას ჰქონდა ჩაბარებული ერთი სამკვედური, მთა-

ვრობის ხარჯით გაკეთებული. კვირაში იღებდა თავის შრომის ფასად შვიდ მანეთს. თუმც ივანე კარგი და პატიოსანი მშრომელი კაცი იყო, მაგრამ ერთი ახირებული ნაკლულეევანება სჭირდა, თვეში ერთხელ დათრობა ჩვეულებათ ჰქონდა და, თუ ვინიცობაა ამ რიგს ასცდებოდა. მაშინვე ავად გახდებოდა. ისე კი დათვრებოდა, რო იმ სამ-ოთხ დღეს მკვდრად ეგდო ლოგინზე. ივანეს რომ სალდათად სამსახურის ვადა გაუსრულდა, დაეთხოვა მთავრობას და ფოთში მოიწყო სახლ-კარი; მან ჩინებულათ შეისწავლა ქართული და მეგრული, რადგან მეგრელის ქალი შეირთო ცოლად, თვითონაც ქართველობდა.

მისი ცოლი ერთი იმ მეგრელ ქალთაგანი იყო, რომელნიც ბედუქულმართობისგან მივარდნილან ფოთს და ერთ დროს გამველელ-გამომველელის უინის მოსაკლავად გამხდარახ. საზოგადოთ მომეტებული ნაწილი ამ გვარის ქალებისა სულით და ხორციით წაწყმენდილი არიან: მაგრამ სალომეზე. რომელიც ივანე რუსს ცოლად შეხვდა, ამას კაცი ვერ იტყოდა. ის მეტად კარგი და ჯერ კიდევ სულ-ხორციით წაუბილწველი არსება გამოდგა.

სანამ სალომეს შეირთავდა, ივანე რუსი კვირაში ორჯერ თვრებოდა, ხანდახან სამჯერაც. ერთი სიტყვით, იმ დროებში ივანე თავის ნაშოვარს ყველაფერს არაყის სმაში ღუპავდა. სალომემ ისე გაშოაკეთა ეს ლოთი. რომ უწინდელი მისი მნახველები და მეგობრები, ველარ ცნობდენ.

დაქორწინების შემდეგ სალომე შეუდგა ოჯახის თადარიგანობას. ზოგი ქმრის ნაშოვნით, ზოგი თავის ყაირათობით შეგროვილია ფულებით სალომემ იყიდა ერთი ხბოიანი ძროხა. ამ სახით ცოლი შინ გამეცადინდა: თუ სარეცხებს იღებდა, თუ ძროხის რძეს ჰყიდდა; ქმარმა კი პორტში დაუდგა გული მუშაობას. ივანე რუსს, როგორც დამსახურებულ სალდათს, მისცეს ფოთში პორტის მახლობლათ ერთი ნაქერი ადგილი. მან ზედ დაიდგა ერთი ფაცხური სახლი, შეღესა შიგნით და გარეთ მიწით, მერე შეფეთქა კირით; სახლი სამ თვალად გატიხრა: ერთში სამზარეულო მოაწყვეს, მეორეში თავიანთი საწოლი ლოგინები. მესამე თვალი სასტუმროდ გახადეს.

რაკი ივანე რუსმა შენიშნა სალომეს სიყვარული და მომპირნეობა, მერე ისიც სინიღისს მოეგო, გადაწყვიტა სიმთვრალის გადაგდება. მართლაც, თითო თვე ისე გავიდოდა, რომ არაყის წვეთსაც არ ჩაუშვებდა ყელში.

ერთხელ ივანე რუსს მოსვლოდა არაყის ხურუში, რომ იმ შაბათ-სალამოს პორტის საწვრილმანო დუქნისკენ გაქანებულიყო. შუადღემდის უცადა ქმარს სალომემ და, რომ აღარ მოვიდა, მაშინვე

იგრძნო, რაც უბედურება იყო მის თავსა. ნაშუადღევს ფარნით თვითონ სალომე წავიდა საწერილმანო ღუქანში და წამოიყვანა იქ გდებული გრძნობა-მიხდილი ქმარი.

ამას შემდეგ სალომე ყოველ შაბათ საღამოს თვითონ მიდიოდა პორტში და მის ხედრ ფულს თვითონ იღებდა. პირველ ხანებში ივანე ძალიან კმაყოფილი დარჩა ამით. მაგრამ ბოლოს და ბოლოს, როცა არაყის უინი მოუვიდოდა ხოლმე, ივანე კიდევ გაკრავდა თითო ოროლა მუშტს სალომეს. ჩათრევას ჩაყოლა სჯობიაო. სალომემაც, როგორც ჭკვიანმა დედაკაცმა, ქმარს პირობა დაადებინა, რომ ის თვეში მარტო ერთხელ დამთერალოყო, ისიც შინ, და არა სამიკიტნოში. როგორც თვე მიიწურებოდა, მეოთხე შაბათს სალომე წავიდოდა პორტში ივანეს ჯამაგირის ასაღებათ და ამასთანავე ერთ შტოდ არაყსაც თან გამოიძღვანებდა ქმრისათვის.

მესამე წელიწადს. ქორწილის შემდეგ, სალომეს მიეცა ქალი, და დარქვეს ესმა, ანუ შემოკლებით ესია. ეს ქალი იყო ერთადერთი ნუგეში დედ-მამისათვის. რაკი ქალი ეყოლა, ივანე რუსმაც ერთი-ორათ იკეთა და იწყო ოჯახში მომპირნეობა. თითქმის იშვიათად თვრებოდა და შოვნითაც. უწინდელთან შედარებით ბევრს შოულობდა. პორტში განწესებულ მუშაობას გარდა კერძო სამუშაოსაც ბევრს იღებდა: ვის დანას გაუკეთებდა, ვის მოშლილ თოფ-დამბაჩაა გაუსწორებდა. ამ გეარის მოქმედებით ივანე რუსმა ყველას თავი შეაყვარა, ცოტაოდენი ფულიც გაუჩნდა.

რვა წლის რომ შეიქნა იმათი ქალი, პირველდაწყებით სასწაელებელში მისცეს. ზრდასთან ესმას შეენიერებაც ემატებოდა. სკოლაში შეისწავლა ქართულ-რუსული წერა-კითხვა: სხვადასხვა ხელსაქნარი: კრუჟევეების ქსოვა, ყასნალის ნემსით ქარგვა, ქრა და კერვა.

ცამეტი წლის რომ შეიქნა ესმა, დედამ სასწაელებლიდან გამოიყვანა და ერთს ფრანგის მკერვალ ქალს მიაბარა. თხუთმეტის წლის რომ შეიქნა. ესმა კოკრად გაფეთქილ მაისის ვარდს დაემსგავსა; ისეთი ააგდო ტანი, რომ დედა მხრებზე ვეღარ სწედებოდა. ფოთში ივანე რუსის ესიას ყველა იცნობდა. მისი ლამაზი თეთრ-ყირმიზო სახე. შავ-თვალ-წარბიანი. გრძელ-წამწამებიანი გამვლელ-გამომვლელს. განსაკუთრებით ფოთის ნოქრებს, ცეცხლს უნთებდა გულში.

ესმა ხშირად მიდი-მოდიოდა ფოთის ქუჩებში მკერვალის ქალის სახლამდის. ვინც კი ამ დროს მის ლერწამს ტანს და ჯეირნია თავ-კისერს თვალს შეასწრებდა, უნებურათ წამოიძახებდა: „ნეტავი შენს დედ-მამას, რომ ციდან მოწყვეტილი ვარსკვლავი ჩამოსვლიხარო!“ მაგრამ ჯერ გზაზე მას ვერავენ გახუმრებოდა და ურიგოთ

ხელის ზღემა ჯერ მისთვის ვერაფერს გაეხდებოდა. მისი თავდაპირველი იდეა უფროსად უფროსად გულში ღრმა პატივისცემას მისდამი. მისი დიდ-რონი თვალების, ნამეტურ ნოქრებს, ძალიან ერიდებოდათ.

ესმა მაშინაზე მიიწვია ლამაზად კერვას, ტანისამოსის მოხდენით გამოქრას. ჯერ ერთი წელიწადი არ გასულიყო, რაც ესია მიეზარა მკერვალ ქალს, და ის უკვე სარგებლობდა თავის შეგი-რდის შრომით; მას ძალიან შეუყვარდა ესია მომპირნეობისა და ბე-ჯითად შრომის გულისათვის. ის შოულობდა ახალ-ახალ მოდეებს, ზოგს რუსულის, ზოგს ფრანგული ეურნალებიდან, მოუტანდა ესიას და აჩვენებდა, თუ როგორ უნდა გამოექრა ან შეეკერა იმათი ბა-დალი. თვითონაც რაც იცოდა, ყველაფერს ასწავლიდა და არაფერს შეტრავდა მისთვის.

XI.

ერთს კვირა დღეს ივანე რუსს პორტის სამკედურში ძალიან დააგვიანდა. რალაც ბევრი და საჩქაროდ საკეთებელი ავეჯეულობა მიეზარებინათ. ივანემ ნაშუადღევამდის კვირადალი გასტეხა. მუშა-ობას რომ მორჩენილიყო, კვირადალის გატეხისათვის მიეცათ ორი მანეთი ქირა, ჯამაგირის გარდა, და შინ გამოესტუმრებიათ. მას ას-ღევენებოდენ გზაზე ამხანაგები და გადაეწყვიტათ იმ ფულით ქეიფობა.

სალომემ და ესიამ იმ დღეს გადაწყვიტეს წირვაზე წასვლა და ამის გამო დილა ადრეიანათ სადილი გააკეთეს; იმათ იცოდენ, რომ ივანეს პორტში იმ დღეს ბევრი მუშაობა ჰქონდა და საღამომდის შინ აღარ მოვიდოდა.

კვირა დღეს დიდი ჯარი მოგროვილიყო წირვაზე. განსაკუთრე-ბით ბევრი ახალ-ჩამოსული ცხენოსანის ჯარის კაცები ყოფილიყვენ. წირვა რომ გამოვიდა და საყდრის გალაქანში ხალხი გამოეფინა, ეს-მას თავის სიცოცხლეში პირველად მოესმა შემდეგი სიტყვები, ბოხი ხმით წარმოთქმული: „ნეტამც ეს ლამაზი ქალი ვინ არის?“—ესმამ მოიხედა და ცხენოსანის ჯარის რამდენიმე ახოვანი კაცი (ვსადნიკები) იღვა მის გვერდით. ერთი მაინც იმათში ყველაზე უდიდესი შეუპო-ვარი შეხედულების იყო. ესმამ თავისი დიდრონი თვალები შეანათა ამ კაცს, მაგრამ მალე უცბათ ძირს დაუშვა, რადგან ის კაცი ცდი-ლობდა, ესმასთვის თვალი თვალში გაეყარა.

— დედა, მოვშორდეთ ამ ალაგს; ეს კაცები უკმეხად გვიყუ-რებენ, — წასჩურჩულა სალომეს ესმამ.

სალომე და ესმა გამოეშურენ შინისაკენ. იმათ ეგონათ. ცხენოსანი ჯარის კაცები საყდრის გალავანში დარჩებოდნენ. შინ რომ მიხლოვდნენ, იმავე ჯარის კაცებმა დედა-შვილს გზა გადაუქრეს, და ამ დროს ესმას კიდევ შეეფეთა წინ იმ უზარმაზარის ჯარის კაცის ცეცხლივით ანთებული თვალები; ქალს შიშისაგან კინალამ გულა წაუვიდა.

— დედა, ნეტავი აგი კაცი არ დამენახა! — გულგახეთქილმა ესმამ უთხრა სალომეს დაბალის ხმით.

რატომ, შვილო?... ის ძალიან მოხდენილი და ჯაეარიანი კაცი, ვინც უნდა იყოს ის დედ-მამა-ცხოვნიებული! — უპასუხა სალომემ.

— არა, ნანაია, *) მაგი კარგი კაცი არ უნდა იყოს, ფირალს**) გაეს. ასე მგონია, ის კაცი რაცღა უბედურებას შეგვამთხვევებს...

— არა, შვილო! ეგენი' ვსადნიკები არიან, მოსამსახურე კაცები. მავათში სულ ჩვენებური თავად-აზნაურის შვილები არიან. პატიოსანი კაცები. ცუდს რავე იკადრებენ.

— არა, ნანაია. მაგი ცუდია, ვინცღაა, ცუდი!..

— შენ რა გენაღვლება, შვილო, შენ რას დაეძებ?

— ნანაია, მავ კაცმა გლახათ ყურება დაიწყო.

— მისი თვალი ქვას, მისი არჩივი ძაღლს. შვილო!..

ამ ლაპარაკით დედა-შვილი შევიდა თავიანთ სახლში, გაიხადეს სადღესასწაულო ტანსაცმელი და დასხდნენ წინ-და-წინ დამზადებულის სადილის საქმელათ.

ესმას თვალიდან არ სცილდებოდა მაღალის, მოსულის ვსადნიკის სახე, მის შუბლზე შეკრულს შავს სხვილ წარბებს და ცეცხლის მათრქვევ თვალებს ესმას ნორჩი გამოხატულება საშინლად შეერყია. იმას ყმაწვილობისას ბევრი ზღაპარი ჰქონდა გაგონილი. საცა ავსული, შავ-რქიან დევეები დედა-მიწას ანგრევდნენ, ქალ-ვაჟებს იტაცებდნენ და სჭამდნენ. მისგან ნახული საშინელი „ვსადნიკი“ მისი აზრით სწორეთ იმ დევის მსგავსი უნდა ყოფილიყო. ამ „ვსადნიკს“ ფოთში ეძახდნენ ე რ ე მ ი ა წ ა რ ბ ა ს.

ჯერ ორი თვეც არ გასულიყო. რაც ქართველი ცხენოსანი ჯარი (Конно-иррегулярный полк) დააყენეს ფოთში და „იერემია წარბას“ სახელი ყოველგან ისმოდა. მის ვაჟეკაცობას. სიმარდეს და ამხანაგობას ყველა აქებდა. ის იყო თავის ამხანაგების ღმერთი. თუ რომელსამე ვაჟარს კონტრაბანდის გამოტანა ენდომებო-

*) ნანა მეგრულათ დედას ჰქვიან.

***) ფირალი ყაჩაღია.

და ზღვით. მაშინვე იერემიას მიმართავდა. იმისი დათანხმება და საქმის გაჩაღება ერთი იყო.

იმ დღეს სალომე და მისი ქალი ოჯახობაში გაერთვნენ. სალომოს დედამ ძროხა მოწველა და დააბინავა, ხბო ცალკე ბოსელში შეაგდო. მერე დედა-შვილმა ეახშამი დაამზადეს და უცდიდნენ ივანეს. მაგრამ ის არსად იყო. სალომემ მაშინვე გადასწყვიტა, ამხანაგები გააბრძოლებდნო, და გასწია პორტის სამიკიტნოებში. იქ რომ ვერა შეიტყო-რა, დაბრუნდა შინ გულგახეთქილი და დედა-შვილმა მთელი ის ღამე თითქმის უძილოთ გაატარეს.

მეორე დღეს დილით, მზის ამოსვლისას, რაღაც ხმაურობა გაისმა ქუჩაზე. სალომე უცბათ გამოიჭრა გარეთ. რას ნახავს მისი თვალები?.. მისი ივანე თავგათხლეშლილი და მკლავებ-დამტვრეული ცხენდარით შემოიტანეს შინ მუშებმა. იმათ უკან მოსდევდა ერთი ახალგაზნადი ჩეგრელი, რომელიც ავი თვალთ არ ინახებოდა, ისეთი მოხდენილი ჭაბუკი იყო. ეს იყო პორტის მუშების თავმდგომი და უფროსი. თურმე ამ ყმაწვილს იმ ღამეს უნდა გადაეცა სალომესთვის მთელი თვის ივანე მკედლის ქირა.

მომეტებულათ დამთვრალი ივანე შინისკენ წამოსულიყო იმ ღამეს და. რკინის გზის ლიანდაგი რომ ველარ გადაეელო, ზედ რკინის ზოდებზე გაშოტილიყო და იქვე ჩასძინებოდა. ღამით მატარებელს გადაეელო ზედ და გაეჭყლიტა.

თავგაქეცილი ქმრის დანახვაზე სალომემ საოცარის ხმით იკივლა, მორთო წივილი საცოდავით. აგრეთვე ესამაც. დედა-შვილის მწუხარებას საზღვარი არა ჰქონდა. იმათ ისეთნაირათ მოსთქვეს, რომ ქვაც ატირდებოდა. ესმას უმანკო სახემ, სქლად გაშლილმა და მხარბეჭზე გადაყრილმა მისმა შავმა თამ და მარჯალიტის ნაკადულმა ცრემლებმა ღრმა შთაბეჭდილება მოახდინეს პორტის მუშების თავდგურზე. თვით ამ ახალგაზრდას წარმოუდგა თვალწინ თავის საკუთარი სიობლე, მოაგონდა თავისი ახლად დამარბული მშობლები და ესმას საცოდაობის შემხედვარემ ცრემლის კურცხლები გადმოეყარა თვალებიდან.

ტირილით რომ მოიღალა, სალომემ ზევით აიხედა და ხელმეორეთ მორთო საცოდავი კივილი. მის მწუხარე გულს ცეცხლი ახლა კიდევ უფრო აენთო. თუმცა იმ ახალგაზრდამ სალომეს ვინაობა არ იცოდა. მაგრამ სალომეს დიდი ხანია შეეტყო ცხონებულის თავის ქმრისაგან იმ ახალგაზრდას ვინაობა და მისი სიკეთე. იმ დროს. როცა ეს შვენიერი ჭაბუკი თხებს უდგა, სალომე გასათხოვარი ქალი იყო. ის თურმე ხშირად დადიოდა ამ ჭაბუკის დედ-

მამის ოჯახში და მისთვისაც ბევრჯერ მოუვლია. იმ დროებში საწყალი სალომე რკინის გზის კონდუქტორებმა შეაცდინეს და გაუყენეს ფოთს ერთ აფიცერთან საცხოვრებლათ. აფიცერი მალე გადაიყვანეს რუსეთს. სალომე შეიქნა ქვეყნის ანაბარათ საცხოვრებელი.

ყოველივე ამბავი თავის ცხოვრებისა სალომემ მოთქმით უთხრა იმ მოხდენილ ქაბუკს და ამასთანავე, როგორც მისი ქვეყნის ქალი, თითქმის იმის დედ-მამის ოჯახში გაზდილი. სთხოვდა იმ ახალგაზდას, პორტის მუშების თავდგმურს. შემწეობას და მფარველობას:

იმ კაცსაც, რასაკვირველია. გული აუჩვილდა და ბევრი იტირა. ამას შემდეგ ეს ახალგაზდა კაცი მართლაც პატრონი შეიქნა სალომესი. ივანე რუსი თითქმის თავის ხარჯზე გაასვენა და დაასაფლავა და შერე ხშირად იწყო სალომეს ქოხში სიარული. ეს მოხდენილი ქაბუკი გამოდგა ბახვა ფულავა, რომელიც ერთ დროს თეკლათიდან ფოთს გაუყენეს.

XII.

ბახულია ფულავა ინჟინრის სახლობამ. როგორც შეილი, ისე შეითვისა. ინჟინრის მეუღლემ ლამაზად ჩააცვა; დაახურა და ყოველგან დაყავდა, როგორც ფარეში. სანამდის ბახულია თოთხმეტის წლის იქნებოდა. ინჟინრის ცოლი ფოთის პირველ-დაწყებითს სკოლაში ატარებდა ცხრა საათიდან თორმეტ საათამდის ყოველდღე. სკოლიდან რომ მოვიდოდა. შინაც ტყუილათ არ აჩერებდენ: ასწავლიდენ ხელზე სამსახურს, სტუმრის მიღებას. ინჟინრისა და მისი ცოლის წიგნების წამლებ-წამომლებიც ის იყო. პორტის მუშები ბახულიას ინჟინრის ლაქიას ეძახოდენ, და ყველანი პატივს სცემდენ. ვისაც ინჟინრის შინ ნახვა უნდოდა რაიმე საჭიროების გამო, ყველან მისიგან იტყობდენ ამბავს, როდის ჰქონდა ინჟინერს დრო, როდის უფრო. იყო მოცლილი, ან კარგს გუნებაზე. ბახულიამ სკოლაში კარგი წერა-კითხვა ისწავლა რუსულ-ქართული; ჩინებულათ ლაპარაკობდა რუსულათ და ანგარიშიც იცოდა ჩოთქზე.

ინჟინერს ყავდა მისი ხნის ქალი. რომელსაც ისე შეუყვარდა ეს ბახულია, რომ თვალიდან აღარ იცილებდა. ყმაწვილები მუდამ ერთად თამაშობდენ, თუ ბანქოს. თუ კეგლსა და რიკ-ტაფელასა, ან დედოფალობიას. დედ-მამას პირველ ხანებში ძალიან უხაროდათ. რომ იმათმა საყვარელმა ქალმა იშოვნა ამხანაგი, რაც შეეძლოთ. ბახულიას ყურს უგდებდენ და სუფთათ ინახავდენ; ინჟინერმა რამდენჯერმე ბახულიას დედ-მამაც მიიპატიჟა ფოთში და დასაჩუქრებულნი ისევ უკან გამოისტუმრა.

ინჟინერის ქალი ათი წლისა რომ გახდა, ქალაქს წაიყვანეს და იქ ერთს პანსიონში მიაბარეს. ყოველ კანიკულებზე დედ-მამას თავის ქალი მიჰყავდათ ფოთს და იქ ბახულია და ის სულ ერთად თამაშობდნენ. ქალაქიდან რომ წიგნს მოიწერებოდა, ბახულიასთვისაც მოკითხვა რომ არ შემოეთვალა და კანფეტები არ გამოეგზავნა, არ იქნებოდა.

როცა ინჟინრის ქალი თხუთმეტ-თექვსმეტის წლის შეიქნა და კანიკულზე შინ მოვიდა, ბახულიაც გადადგა იმ დროს მეჩვიდმეტე წელიწადში და ძალიან დაშვენდა. ინჟინრის ქალს ყმაწვილური მეგობრობა რალაც გამოუთქმელ გრძნობაზე შეეცვალა. იმათ ერთმანეთს გულისთქმით დაუწყეს ყურება. ინჟინერმა და მისმა ცოლმა შეიტყვეს ეს ამბავი და მაშინვე დააშორეს ქალ-ვაჟი. ქალი პიატიგორსკში ბიძას გაუგზავნეს და ბახულია პორტში განაწესა ინჟინერმა მუშების ზედამხედველათ.

ინჟინერმა აუხსნა ბახვას ანგარიშების წერა, ან კვიტანციები, ან ფულის მისაღები ტალონები როგორ უნდა ეწერა. ბახვა ფულავა მალე მიუხვდა ინჟინერს თავის განზრახვებს. როცა დღიურს ანგარიშს უწერდა, მუშების საანგარიშო წიგნში დღიური მუშები ხან ოცი მუშით მეტი გამოჰყავდა, ხან ოცდაათით, ხან ორმოციით. ყოველ შაბათობით ბახვა აღგენდა კვიტანციებს ამა-და-ამდენის რუშის ფასი ამდენი და ამდენი ფული მივიღეო; თითო კვიტანციაში იყო ხან ათი, ხან თხუთმეტი მუშა მომატებული. ბახვა ყოველ შაბათობით წარადგენდა ხუთს, თუ ექვს ამისთანა კვიტანციას. თითო კვიტანციაში ჰქონდა ინჟინრისაგან დანიშნული თითო მანეთი საჩუქრათ, ჯამაგირს გარდა.

ბახვა ყოველ შაბათობით ურიგებდა ფულებს დღიურს მუშებს. ზოგს აძლევდა დღეში ორ აბაზს, ზოგს თოთხმეტ შაურსაც. ეს გარემოებაზე იყო დამოკიდებული. ბახვამ გაიმართა თავისი საკუთარი კანტორა: ანგარიშის დავთრები ცალკე ჰქონდა და კვიტანციის წიგნები ცალკე. დღე არ გავიდოდა, რომ ბახვას კანტორაში ოცი და ოცდაათი კაცი არ შესულიყო. ზოგი პორტში მუშაობას სთხოვდა, ზოგი პოდრიადის (იჯარის) გარიგებას ინჟინერთან, ზოგი ფულს ესესხებოდა თამასუქის ჩამორთმევით, ან გირაოს საშუალებით. ამგვარის დამოკიდებულებით იმან გაიძნო მთელი ფოთი. ყველას უყვარდა და ისიც ყველას პატივს სცემდა; განსაკუთრებით ყურადღებას აქცევდა მეგრელებს და სხვებზე უფრო ისინი ებრალებოდა. სამი წლის განმავლობაში ბახვამ ათასს თუმანს გამოკრა ხელი პორტში მუშაობით.

ერთს სალამოს ბახვას თეკლათიდან მოუვიდა ამბავი, რომ მამა მისს სახლადი შეყროდა და სულზე მიგდებულიყო. ბახვა მაშინვე დაეთხოვა ინჟინერს რვა დღით; თავის მაგივრათ პორტში ბიძაშვილი დასტოვა. სახელად ნესტორა, ეს უდგა ბახვას მოჯამაგირეთ კანტორაში სხვა-და-სხვა საქმეებზე გასაგზავნ-გამოსაგზავნათ. მეორე დღეს დილით ბახვა რკინის გზის მატარებლით გაემგზავრა თეკლათისაკენ. სალამოს მივიდა შინ. მამა მისი იმ დღეს მომკვდარიყო. მის ეზოში მეზობლები და ნათესავები ხმა-მალლა ტიროდენ. შევიდა თუ არა შინ, ბახვას ენა დაება, ვერა თქვა-რა და კალთაში ჩაუვარდა დედას. დარჩამ მშობლიურის გრძნობით შემოხვია შეილს ორივე ხელი, მიიკრა მკერდზე და ნახევარსაათს აღარ მოუშორებია. როგორც საწყალა ხახულია დაასაფლავეს, მის მეორე დღეს დარჩა დაეცა ლოგინათ იმავე ავის სენათ შეპყრობილი. ბახვა დარჩა შინ და არაფერი ლონისძიება არ დაუკლია, რომ დედა-მისი მაინც გადაერჩინა სიკვდილისაგან. მაგრამ ყოველივე ცდა მისი ამაო ყო. სამის კვირის განმავლობაში ბახვამ დამარხა თავის დედ-მამა, გადასცა სახლ-კარი და ადგილ-მამული ბიძას მოსავლელად. თვითონ დაბრუნდა საჩქაროდ ფოთს.

ინჟინერი ძალიან უკმაყოფილოდ დაუხვდა. აღარც კი უნდოდა მიღება. რადგან მის მაგივრათ ერთი ვინდაც სამსახურიდგან დათხოვნილი აფიცური ასჩემოდა, რომელსაც შეეჩივლა თავის გაჭირვებული ცოლ-შვილის მდგომარეობა. ინჟინერს დროებით გადაეცა მისთვის ბახვას თანამდებობის ასრულება. ამ დროს ბახვაც დაბრუნდა ფოთს. როცა ინჟინერმა დაწერილებით შეიტყო მისი გაჭირვება და დედ-მამის სიკვდილი, ისევე მოუბრუნდა გული, ნამეტურ ცოლმა და ქალმა აღარ მოუსვენეს, რომ ბახვა ისევე მიელო სამსახურში. ამის გამო სამსახურიდან დათხოვნილი აფიცური თავის საკუთარ კანტორაჩიკათ გახდა და ბახვას ისევე დაუბრუნა პორტის კანტორაჩიკობა.

ამის შემდეგ ერთ წელსაც არ გაუვლია, რომ მთავრობის კომისია დაესხა თავს უეცრად ინჟინერს პორტის მუშაობისა და ანგარიშების შესამოწმებლათ. კომისიამ დაწერილებით გამოიკვლია საქმე და დარწმუნდა, რომ, თუმცა ინჟინერს ბევრი ჯაფა და მუშაობა გაეწია, მაგრამ მის ნამუშევარს დიდი წარმატება არ ეტყობოდა. როგორც სჩანდა, ეს ინჟინერი არ იყო თავის საქმის მტკიცეთ მცოდნე. რაც აქამომდე პორტის შენობაში ფული დახარჯულიყო, სულ უქმათ იყო გადაყრილი.

კომისიამ დაასკვნა, რომ იქ, საცა ინჟინერი პორტს აკეთებდა. მისი აგება შეუძლებელი იყო: ან სულ უნდა დახსნოდნენ პორტის აგებას, ან, თუ მთავრობა არ მოიშლიდა, სხვაგან სადმე უფრო მოხერხებული ალაგი მოეძებნათ. ამგვარმა გადაწყვეტილებამ მაშინდელი პორტის მაშინდელი უფროსობა გააუქმა. ბახვა ფულავას მფარველმა ინჟინერმა ბარგი აიკრა და ცოლ-შვილიანათ ქ. თფილისს გადაესახლა; თვითონ ბახვამ პორტში მუშაობას თავი მიანება და შეუდგა სიმინდისა და ნიგვზის კუნძების ვაჭრობას.

XIII.

ივანე რუსის ქვრივ-ობოლს ყველაზე უფრო დიდი თანაგრძნობა ფრანგის ქალმა გამოუჩინა. იმან გადიყვანა ესმა თავის სამკერვალოში, დააყენა თავისთან და წილში მემესამედეთ გახადა. რაკი ესმამ თავი ობლათ იგრძნო და დედაც სარჩენი ეგულებოდა. მუშაობას ერთი ორათ უმატა; იმას ხშირათ უგზავნიდა თავის მოგებულ ფულებს და ქვრივ-ობრობა სრულებით არ შეამჩნევია. ყოველ შაბათობით დედასთან მოდიოდა და ორშაბათს დილით ისევ მკერვალ ქალთან ბრუნდებოდა.

ერთ შაბათს სალამოს ესმა ჩვეულებრივათ შინ მიდიოდა, ხელში გაუთავებელი საკერავები ეჭირა ფუთაში გამოკრული. რადგან იმ დღეს ბევრი სამუშაო ჰქონებოდა, შინ წამოსვლა დაგვიანებოდა: რაც ვერ მოესწრო, ის შინ წამოელო მოსათავებლათ. დღე და ღამე იყრებოდა. სახლს რომ მიუახლოვდა, რალაც ნაბიჯის ხმა მოესმა: თითქოს ვილაც მოსდევდა. მოიხედა თუ არა, ეოცა. მას გზა გადაუჭრა იმ უზარმაზარმა კაცმა, რომელიც შარშან საყდარზე შეხვდა და ასეთი შთაბეჭდილება მოახდინა მის უმანკო გონებაზე.

— სად მიხვალთ აგრე გაჩქარებით, შენი გულისა?... — ჰკითხა ადელევებით იერემიამ.

— რას გეკითხება?... ვინ ხარ, ვერ გიცნობ: გზა მიტეი.

— აგრე ადვილად გზას როგორ გიტეე, ჩემო ოცნებაე!

— ვინ ხარ, კაცო, მაგისთანა უზრდელი?

— მე შენთან უზრდელობას რა მრჯის, ქალთამზე! — უპასუხა იერემიამ, — ნურც იფიქრებ, უპატიურობა რამე მოგაყენო. მე მინდა მხოლოდ შენი გაცნობა.

— რა საჭიროა!..

— ძრიელ დიდი, ენით გამოუთქმელი.

— მე ვინ ვარ, შენ ვინ ხარ!... — გაჯავრებით შესძახა ესმამ.

— ერთმანეთის შესაფერი. ჩემო თვალის სინათლევ. — ამ სიტყვებით ხელი გაუწვდინა ჩამოსართმევათ.

— ხელი იქით, თორემ ეს არის დავიყვირე.

— რათ დავიყვირებ, ხომ არა მიკადრებია-რა?

— გზა დამანებე, კაცო, მაგვიანდება.

— აქვე შენ თვალწინ მოვიკლავ თავს, თუ ყური არ მიგდევ.

ესმა უნებურათ შეაჩერა ამ რიხიანმა სიტყვებმა.

თანდათან ბნელდებოდა და შიში კიდევ უფრო შეეპარა ქალს გულში: ტუჩებმა თრთოლვა დაუწყეს: ქალი გაჩუმდა, გაშტერდა; მაგრამ ეს გაშტერება არც გავდა თანხმობას: არც თანაგრძობას. ესმა იმნაირმავე გრძობამ ალიტაცა, რა გრძობაზედაც დადგება ჯეირანი, როცა მის წინ ლომია გალურსული დასატაკებლათ. უნდოდა დაეკივლა, მაგრამ აღარც ღონე მოსდევდა, აღარც ხმა. იმან არჩია ისევ გაჩუმება ცოტაოდენ ძალისა და ღონის მოსაკრევათ.

— ქალთა-მზევ! — დაიწყო იერემიამ. — უკაცრავათ, ამ სახელს რომ გიძახი, მაგრამ მე სხვა შენი სახელი არ ვიცი. გახსოვს, შარშან რომ საყდარზე გნახე? მას აქეთ შენი სახე ჩემს გულს მოსვენებას არ აძლევს.

მას აქეთ ჩემს გულში უშრეტო ლამპარია ანთებული შენი სიყვარულისა. იცი, მე ვინა ვარ? მე ისეთი კაცი ვარ. რომ შენისთანა მადლიან ქალს ხის წვერზე დაეარჩენ. მე რომ მამის შენის საფლავზე გნახე თმა-გაშლილი, სულ აბედსავეით მომედო ცეცხლი. შენის ბარობით ის შენი მამაც ისე შემეყვარდა, თითქოს საკუთარი მამა მომკვდომოდეს. მისი კუბო მე და ჩემმა ამხანაგმა საფლავამდის არავის დავანებეთ. დავიჯერო, ამისთანა თანაგრძობამ შენში ნაპერწკალიც არ გამოიწვია ჩემის სიყვარულისა?...

— ახლა რა გნებავს? ჰკითხა გულცივით ესმამ.

— შენი სიყვარული, ჩემო მზეო, მიუგო იერემიამ.

— უწინამც სიკვდილი! — გამეხებით უთხრა ესმამ.

— ქალთა-მზევ. მე ნუ გადამიმტერებ, — ღამუქრებით მიუგო იერემიამ.

— რა მაქვს შენი სამტრო?

— თანაუგრძობლობა.

— მე შენ პეზიზლები, უთხრა ესმამ.

— როგორ თუ გეზიზლები?.. თუ კაცი ვარ, თავს შეგაყვარებ. ამ სიტყვებით უცებ მოხვია ხელები ესმას და მიიზიდა მკერდზე.

ამ დროს გაისმა საშინელი წივილი, თითქოს ვისმე ყელში დანას უყრიდნო. უეცრად გაჩნდა ყოვლის მხრით პოლიციელები სტვენა.

იერემიამ იგრძნო, რომ იქ იმის დგომის დრო აღარ იყო. უშვა ხელი ესმას და გაქრა ამ სიტყვებით: „დღეს თუ ხვალ მაინც ჩემი იქნები“.

პოლიციელები მოვარდნენ და ნახეს ესმა გზაზე მუხლებ-ჩაკეცილი. იმათ ძალიან ეოცათ ეს ამბავი და ჩაკითხავდნენ, რა მოგივიდაო. ესმა შიშისგან ხმას ვეღარ იღებდა. პოლიციელებმა მოკედეს ხელი და მიაცილეს სახლამდის. სალომე გამოვარდა შინიდან პოლიციელების ხმაურობაზე, დაინახა თუ არა თავისი ესმა, იკივლა, ფარსაგი არა ეგონა-რა და გულში ჩაითბო. როდესაც ესმა გონებას მოეგო, უამბო-დედას თავისი გადასავალი. მას აქეთ სალომეს მარტო აღარსად გაუშვია ქალი. როცა სადმე წავიდოდა, ან თვითონ გაყვებოდა, ან მოჯამაგირე ბიჭს უკან დაადევნებდა. თუმცა ესმა მალე გამოერკვა შიშისგან, მაგრამ იერემიასგან წამონასროლი სიტყვები ბნელ ღამეში სულ ყურში უწივოდა: „დღეს თუ ხვალ მაინც ჩემი იქნები“. დიდხანს არ დავიწყებია ესმას ეს შემთხვევა და, როცა მოიგონებდა, ყოველთვის ტანში გააქრუოლებდა.

XIV

ბახვა ფულავას მრავალი კუთხის კაცები ჰყავდა გაცნობილი პორტში მუშაობის წყალობით. გინდ სიმინდის ვაჭრობა დაეწყო, გინდ კუნძებისა, სულ ერთი იყო, ყველა ხელს შეუწყობდა; ვისაც კი მიანდობდა საქმეს, ყველა დიდი სიამოვნებით იკისრებდა მასთან საქმის დაქერას, რადგან ბახვა ნაღდი კაცი იყო. ბახვამ პირველ ხანებში* გამართა ფოთში რკინეულობის მალაზია. დუქანში დააყენა თავის ბიძაშვილი, ნესტორა, სავაჭროთ, თვითონ კი ხან სამეგრელოს წავიდოდა, ხან გურიას, ხან ქვემო იმერეთს, თავის გაგზავნილ კაცების ყურის საგდებათ. ეშინოდა, ფული არავის გამოეტყუებინა და მოუსაქმებლათ ჯიბეში არ ჩაედო. მას აქეთ, რაც სალომესა და მის ქალს ესმას გაეცნო, ბახვა, როგორც კი ფოთს მობრუნდებოდა ხოლმე, უსათუოდ მათ ნახავდა, გამოკითხავდა სალომეს მის აეან-ჩაეანს, ჩაის დალევდა, მერე მოუყვებოდა თავის თავგადასავალს და სხვადასხვა ვაჭრულ ანგარიშებს. ამგვარმა მონაწილეობამ ბახვას მხრით და მისმა ყურის გდებამ სალომეს მალე გამოაგლოვინა ქმარი.

მისი აელა-დიდება და ცხოვრების ნუგეში იყო ლამაზი ესმა, რომელიც მუდამ ერთ ფრანგის მკერვალ-ქალთან იდგა და მასთან მუშაობდა. სალომე ყოველ შაბათ-კვირას სწორედ დღესასწაულსა-ვით მოელოდა. რადგან ამ ორ დღეს ესმასთან იყო ხოლმე. კვირის კვირობამდე რასაც კარგს იშოვნიდა, ყოველსავე თავის ესმას უნახავდა.

თვითონაც ბახვამ ისე მორთო საქმე, რომ ორშაბათიდან შაბათამდის ვაქრობდა, ან თუ სხვაგან იყო, შაბათ-კვირას შინ რომ არ დაბრუნებულყო, არ მოხერხდებოდა. სალომეს ბახულია მი-აჩნდა თავის ქვეყნის შვილათ და თითქმის თავის გაზრდილათაც. ერთ მის შეხედვაზე მთელი თავისი უმანკო წარსული დრო: — სა-მშობლო მხარე. დედა-მამა. ნათესავები, თავის ქვეყნის ქალი და კა-ცი. ხატობაზე სათემოთ შეკრებილნი, მომღერალნი, დაირისა და მუსიკის ხმაზე მოცეკვარნი თვალწინ გაუცოცხლდებოდა. ის წარ-მოიდგენდა თეკლათის გორაკებიან ველებს, უზარმაზარი ხეებით სქლად დაჩრდილულებს. სერებზე ლურჯი კლდის ბაქნებს. ქვევით ცივის მდინარის ყვითელ წყალს, საცა არა ერთხელ თავის ამხანაგ გოგო-ბიჭებთან პაწია ღორჯოები და კიბორჩხლები უქერია; წარ-მოიდგენდა ამათ და თვალ-ცრემლიანი წამოიძახებდა: „ნეტა იმ დღეს!“ მას აქეთ ბევრი რამ ცუდი და ზნეობის შემწიკვლელი გამოუცდია. ბევრს მწუხარებას, გაჭირვებას, ვიასა და ვარაშს გა-დაუვლია სალომეს თავზე. ბევრი ზნეობითი ჩირქი და კაციის შე-უფერებელი უსიამოვნება მისდგომია მას და უდროვოთ დაუქენია მისი ფუნთუშა გულ-მკერდი. აწ იმას ბევრი აღარა დარჩენია-რა ცხოვრებაში სანახარულო; დღეს ის შესტრფოდა თავის ესმას. ბა-ხულია მას მიაჩნდა წარსულის გაუჩირქიანებელ სიყმაწვილის სარ-კეთ. ის ხშირათ იხედებოდა გონების თვალით ამ სარკეში და სწო-რეთ ღვთისაგან მოვლენილ ნუგეშის მცემელ ანგელოზათ მიაჩნდა იგი.

პირველ ხანებში ესმა ძალიან მორცხვობდა ბახვა ფულაეას ნახვაზე. სანამდის ბახვა იმათსა იყო და სასტუმრო ოთახში იჯდა სალომესთან, ესმა არ გაეკარებოდა ხოლმე დედას. მხოლოდ ხან-დახან, როგორც მოზარდ ქალებს სჩვევიათ, გული არ მოუთმენდა და ჩუმათ მიიპარებოდა კარის ქვერიტიმალთან, რომ მოხდენილის ახალგაზრდისათვის თვალი მოეკრა; მაგრამ იმ წამსვე უკან გამო-ტრიალდებოდა, ეშინოდა, ბახვამ არ დამინახოსო.

დედა-მისი ყოველთვის სიამოვნებით ლაპარაკობდა თავის ქალ-თან ბახულიაზე, იგონებდა მის სიყმაწვილეს. რამდენჯერაც ის ხელ-ში აუყვანია, ან რამდენჯერ დაურწია მისთვის აკვანი. მერე მოყვე-

ზოდა იმის ქუთაზე, გამოცდილებაზე, ან როგორ წამოეყვანათ იმ ფოტოს თეკლათიდან, როგორ უვლიდენ მას ინჟინრის ოჯახში, როგორ მარჯვეთ სწავლობდა სკოლაში, ბოლოს მოყვებოდა მის სიმღერეზე ლაპარაკს და აწინდელს იმის ბედნიერ ცხოვრებაზე. ესმა თანდათან მიეჩვია ბახვას. როგორც ძმას, ისე დაუწყო მას ცქერა და ამასობაში მორცხვობაც დაეკარგა. შემდეგ ისე გათამამდა, რომ, როცა ბახვა იმათთან მივიდოდა. პირველათ ესმა შეეგებებოდა მცინარე სახითა და ატარებდა დროს მასთან. ყოველ შაბათობით იმან უფრო აღრიანათ იწყო შინ დაბრუნება, უფრო იმისთვის ისწრაფიდა მკერვალიდან შინ მოსვლას, რომ უნდოდა ჩაი თვითონ გაეკეთებია და თავისი ხელით მიერთმია ბახვასათვის. იმასაც სწორეთ ნათესაეურაჲ ეჭირა თავი. ხშირათ მოხდებოდა, რომ ბახვა ხან კამფეტს მოიტანდა, ხან დარაიას, ხან საკაბეს, ხან რაიმე საოჯახო სამკაულს. — ყველა ამაებს მისცემდა სალომეს და თან უბოდიშებდა: „შენმა მორდილმა (გაზრდილმა) მოგართვაო. უკაცრაეათ ნუ გახლდებით ასე მცირე მოკითხვისათვისო“: სალომეს სიხარულის კურცხლები სცივიოდა ხოლმე თვალებიდან.

სალომემ ჩონგურის შვენიერი დაკვრა იცოდა, ზედაც ამღერებდა ლექსებს. ესმასაც ძალიან უყვარდა პატარაობიდან დედის ჩონგურას დაკვრა და იმის ლექსების დამღერების მოსმენა. როცა დედა თავის მწუხარებას ჩონგურის დაკვრით აშთობდა, პაწია ესმა იქვე გვერდით უჯდა და უკვირდებოდა თუ სიმების უღერას, თუ თითების ჩონგურზე ხმარებას. მერე, როცა დედა-მისი საქმეში იქნებოდა გართული. ესმა ჩამოიღებდა კედლიდან ჩონგურს და უბარტყუნებდა სიმებს თავის პაწაწინა თითებსა, ბოლოს, თითქმის დედის დაუხმარებლათ, შეისწავლა ყველა ხმების დაკვრა და სიმღერები, რაც დედამ იცოდა. შემდეგ ისე დახელოვნდა, რომ თვითონაც იგონებდა ახალ-ახალ ხმებსა. როცა ესმა დაუკრავდა და თან დაამღერებდა, იმდენი შვენიერება გამოიხატებოდა მის სახეზე, იმდენი სიამოვნება ეძლეოდა მის მიერ გამონაუღერს ჩონგურის ხმებს, რომ გეგონებოდა, ქვებიც უურს უგდებენ და სიამოვნების ცრემლსა ღვრიანო.

ესმამ ჰარმონიკაზედაც კარგი დაკვრა იცოდა. უკრავდა ყოველნაირს საცეკვარ პიესებსა, რამდენიმე რომანსისა და ეეროპიულ არიების დაკვრასაც მისჩვეოდა, სულ ზეპირ-გაგონებით. ჯარში, საცა კი ის დაესწრებოდა, ყველას იმაზე რჩებოდა თვალები. თემობაში ესმაზე უკეთ ვერც ჰარმონიკას დაუკრავდა ვინმე, ვერც ლექურმეგრულ-აფხაზურ სხაპვას ითამაშებდა.

ერთ შაბათ საღამოს. ჩაის შემდეგ, სალომე ჩააცივდა. ესმას, ჰონგურის დაუქარიო. ბახვას ჯერ იმის ჩონგურის დაკვრა არ გაეგონა.

— განა ესმამაც იცის დაკვრა? — ჰკითხა ბახვამ სალომეს.

— არა, არ ვიცი; დედა ტყუილს ამბობს, — დაატანა ესმამ.

— ჩემო ნანაი, დაუქარი! — ეხვეწებოდა თავის ქალს სალომე.

— ვაი, ნანა, რა დაგემართა. ხომ არ გაგიკებულხარ? მე რა ვიცი ჩონგურის დაკვრა?...

— ესმა, თუ დაუქრავ, იმისთანა ჩონგურს გიყიდი, ჯერ ჩვენ-ში ქალს ხელში არ სჭეროდეს, უთხრა ბახვამ.

ესმამ კეკლუცათ ჩაღუნა თავი, ტურჩებზე ღიმილი ეპარებოდა და ისე ამბობდა:

— არა, არ ვიცი... არა — იმან ხელი ჰკრა ნაზად დედას, რომ თავიდან მოშორებოდა: მაგრამ სალომე არ ეშვებოდა და თავის ქალს ხან ეხვეწებოდა. ხან ემუქრებოდა და ჩონგურს მაინც კალთაში უღებდა.

ბახვამ შენიშნა. რომ ესმა იმასთან შორცხვობდა. ადგა და გავიდა დერეფანში ამ სიტყვებით: „თუ ჩემი გრცხვენიან, მე გაეალ. ღღონდ შორიდან მაინც გამაგონე შენი დაკვრა“.

ბახვა გავიდა თუ არა გარეთ, დედამ ქალს წასჩურჩულა:

— ესმა, გენაცვალოს ჩემი თავი, ბახვა ფულავასთანა ჩვენი ვინა გყავს? ჩვენი პატრონი ჩვენი ყურის მგდებელი ეგ არის. თუ შავას არ ასიამოვნებ-რა, შენი ხელით დაგიკლავარ და ეგ არის!.

ესმამ მოჰკიდა ნაზად ხელი ჩონგურს, დაჯდა ტახტზე და დაიწყო მართვა. ბახვა სულ-განაბული დერეფნიდან გაღებულ ფანჯარაში უქვერტდა ესმას შეენიერებას; ის კი დარწმუნებული იყო, რომ ბახვა იმას ვერ ხედავდა.

მან ჩამოჰკრა ჩონგურს და ზედ სირინოზის ხმით დაამღერა შემდეგი ლექსი:

..დამეთხოვე, თუ ღმერთი გწამს,

მაწუხებელი ბევრი მყავს.

არ მოვიშლი, რაც დამითქვამს:

საყვარელი მყავს და მიყვარს!

..დედამთილთან წამიყვანეს. —

სკამს დამიდგამს, ამბავს მკითხავს;

გაუუტყდები, მასაც ვეტყვი:

საყვარელი მყავს და მიყვარს!

..მამასახლისს რა უნდოდა,

მას ჩემს ამბავს ვინა ჰკითხავს?

თუ არ დადგა, წვერს დაეგლეჯ:
საყვარელი მყავს და მიყვარს!
„რომ შემკოქოს. ციხეს ჩამსვას! —
ქმარმა მომკლას, კუბოს ჩამდვას.
კუბოდანაც ამოვძახებ:
საყვარელი მყავს და მიყვარს!“

ესმამ ისეთი გრძობით აატირა ჩონგური, იმისთანა ტკბილობით დაამღერა ზედ, რომ ბახვა ფულავეა სანთელივით ჩამოდნა იმის ყურებით. ის უტყუროდა ესმას სარკმლიდან და იმ დროს თვალწინ ციური ანგელოზი ეხატებოდა, თითქოს ფრთებ-გაშლილი დატრიალებდა ესმას და იპატიჟებდა ზეცისკენ სანეტაროდ.

ბახვამ უნებურად გაივლო გულში: „ჩემს ბედნიერ ცხოვრებას ესმას მეტი არა აკლია-რაო“. ამასთანავე ისიც იფიქრა: „ეგ უნდა იჯდეს დიდებულის თავადიშვილის სახლებში, მდიდრათ მორთულ ტანტზე; აი, მართლაც მაშინ ჩამოიტანს ეგ დედამიწაზე ციურ სამოთხესო“.

ამ საღამოდან ბახვა სულ გამოიცვალა. მას ღრმად ჩაებეჭდა გულში ესმას სიყვარული და გადაწყვიტა მისი ცოლათ შერთვა.

XV.

ამიერიდან ბახვამ განსაკუთრებით დაუწყყო გაზეთებს თვალყურის დევნება; რაკი მამულის ყიდვა გულში ამოიჭრა, „დროებაც“ დაიბარა. იმ დროს თფილისის და ქუთაისის საადგილ-მამულო ბანკების განცხადებანი „დროებაში“ იბეჭდებოდნენ მოუვიდოდა თუ არა „დროების“ ნომერი, მაშინვე გაზეთის უკანასტარს ეცემოდა და ისე შემოყვებოდა კერძო განცხადებების კითხვას. მისი სანატრელი საკითხავი ბანკის განცხადებები შეიქნა. გასაყიდათ გამოცხადებულ მამულთა შორის განსაკუთრებულ ყურადღებას იპყრობდა ქუთაისის მაზრაში მდებარე მამულები. დაიწყებდა თუ არა კითხვას: „ისყიდება-აშა და ამ მებატონის მამული სარგებლის შეუტანელობის გამოვო“, მერე კი საშველი აღარ ჰქონდა... ათჯერ მიინც ამოიკითხავდა სხვადასხვა გვარებს მებატონეებისა და თან ყოველს იმათ გვარს ასე დაატანდა, „ისყიდება იმათი მამული“. ბახვას ამგვარ კითხვაში ოფლი პირზე ასკდებოდა, მაგრამ კითხვას მაინც არ იშლიდა, ეტყობოდა, რომ ამდენს აუარება გასაყიდ მამულებში არც ერთი არ მოსდიოდა ქკუაში. ჩაათავებდა თუ არა ბოლომდის განცხადებების კითხვას, ისე დაილაღებოდა, რომ გაზეთი ზელიდან გავარდებოდა, მერე ერთს ლო-

ნიერად ამოიხვნეშდა და ასე იტყოდა: „დაილუპა იმერეთის თავად-აზნაურობა!... ოცის წლის განმავლობაში ერთი ალარაინი დარჩება იმათგანი ფარსაგი მამულის მეპატრონე. ეს იყო ჩვენში, ამას ქადაგებდენ, ბანკი ააშენებს ქვეყანასაო!“! თუმცა ბახვა ფულაეა ამგვარ ყვედრებაში იყო ყოველთვის, როცა ბანკის განცხადებებს ჩააბულბულებდა, მაგრამ ეს მაინც არ უშლიდა იმას, ერთი კარგი თავადია სეული მამული ჩაეგდო ხელში საყოველთაო ვაჭრობით. თუ კი რომ ღმერთი იპრიანებდა და ამისთანა საგულდაგულო რასმე წაატყდებოდა. იმას სურდა იმერეთში დასახლებულიყო, რადგან სამეგრელოში იქაური მებატონეების შურის ძიებისა ძრიელ ეშინოდა.

იმ ჟამად სამეგრელოში ისეთი დრო დადგა, რომ მეოჯახეს ოთხფეხი საქონელი აღარ რჩებოდა. ცხენებისაგან მაინც სულ გაანადგურეს იქაურობა. ბატონყმობა რომ მოისპო. იქაურ მებატონეებს ყმებიც გამოეცალენ. ქირით კაცი გაძვირდა; მამულების შემოსავალი სარჩოთაც არ ყოფნიდათ. ფული აღარსად იყო, მაგრამ უწინდებურს ცხოვრებას მაინც არ იშლიდენ. მეტი რა ღონე იყო, საიდგანმე უნდა აღმოეჩინათ მიუცილებელი საქიროების დასაკმაყოფილებელი სახსარი. ამ მდგომარეობამ ისევ გამოიწვია გადავიწყებული ჩვეულება. თავა-აზნაურობის ახალგაზღვრებამ შეადგინა ჭაიდუმლო წრეები. ერთი მხრით გამართეს დამოკიდებულება აფხაზეთთან, მეორე მხრით ოსეთ-ყაბარდოსთან რიონსა და ყვირილის ხეობით. იმათი მოქმედების ასპარეზი კი განსაკუთრებით სამეგრელო შეიქნა: თუმცა ხანდახან იმერეთსაც სწვდებოდენ, მაგრამ, მაგდენათ ველარ. დღეს აქ დაეცემოდენ, ხვალ იქ და აწიოკებდენ დიდსა და მცირეს. მთავრობამ ვერა გააწყო-რა, რადგან მძარცველ წრეებს ისე ჰყავდათ შეშინებული ხალხი, რომ იმათ გათქმას ვერავინ ბედავდა. პირველს შემთხვევებში ორი, სამი მაგალითი კიდევ მოხდა, რომ ქურდები დაასახელეს, ჩამოართვეს ნაქურდალი ცხენებიც; მაგრამ რა!.. გათავდებოდა თუ არა გამოძიება, ნამდვილს ქურდებს ისევ თავდებს ქვეშ უშვებდენ. ისინი ბრუნდებოდენ თავის წრეებში, და გამთქმელებს შავი დღე უდგებოდათ. ერთი კვირაც არ გავიდოდა მათ გამოშვების შემდეგ. რომ გამთქმელების სახლ-კარს ცეცხლი მოედებოდა. მათი ყოფაცხოვრება ამ საზოგადო ალიაქოთში ისევ ქურდებს მიჰქონდათ. ორი. სამი მაგალითი ამისთანა საქმეო იყო, რომ ხალხს ახალ სასამართლოზე გული აეყარა: „ღმერთო, უარესისაგან დაგვიცავიო“, — იძახოდა ხალხი.

ამიტომაც არაფრათ ეპიტნავენოდა ბახვა ფულაევს სენაკისა და ზუგდიდის მაზრაში დასახლება. ის უფრო იმერეთის მებატონე-

ების მამულებს ათვალეირებდა განცხადებებში. ბოლოს აუხდა კიდევ თავის სურვილი. ერთ საღამოს ბახევამ ამოიკითხა გაზეთში შემდეგი განცხადება: „ისყიდება საყოველთაო ვაჭრობით თავადის თავქვეილადის მამული, მდებარე ეაკე იმერეთში: სამოცდაათი ქცევე ეზო, სამასი ქცევა სახნავი, ორმოცი ქცევა სახარდნე, ქვითკირის სახლი, ახლათ დამწვარი, თავის საოჯახო შენობიანათ და წისქვილიანათ. ვაჭრობა მოხდება 10 იელისს 188... წელსა. მთელი მამული არის დაგირაეებული ოცდა-ხუთი ათას მანეთში. მყიდველს შეუძლია ბანკის ვალი გადიტანოს. თუ ნედლოიმკას სამას ორმოცდაათ თუმანს შეიტანს ბანკში“. აი, ეს მამულია საჩემო! — წამოიძახა ბახევამ სიამოვნებით — ამ მამულის გარშემო ჩემს ესმას ქალთამზეს, უნდა დავაშვენებინო. —

XVI.

ვინ იცის, რამდენი დიდებული დრო ახსოვდა ამ მამულის გარემოს, მის განიერ ეზოს, მის ოდესმე დიდებულს ქვითკირის შენობას, რომელსაც ახლა კედლები ჩამონგრეოდა და ორი გატიტვლებული, ძეგლათ აყუდებული, თავგადანგრეული ბუხარი მწუხარებით დღე-და-ღამ თავს დასტიროდა დიდებული ოჯახის დამხობას. აბა, ვინ მოსთელის, რამდენი წარჩინებული ლხინი გადახდილა ამ განიერ ეზოში! ისე დღეობა როგორ ჩაივლიდა, რომ აქ სამი, თუ ოთხი ძროხა მაინც არ დაკლულიყო; სამი თუ ოთხი საპალნე ღვინო ერთ იჯრაზე არ დაღეულიყო!.. ნეტავი იმ დღეს, როდესაც ამ განიერ ეზოში ჯირითი, მარულა, ყაბახი იყო გამართული და ლხინი ცის კარამდის უწევდა თავის „ვალალსა“. ნეტავი იმ წუთს, როცა დახატული მანდილოსნები მინდერის ყვავილებათ გამოიფინებოდნ ამ განიერ ეზოზე. მათ შესტრფოდნ ჩერქეზულათ გამოწყობილი ახალგაზრდა ვაჟები. მათს ერთმანეთში მხიარულებას, ტრფიანობასა და ლალობას. დრო გამოშვებით მათ წკრიალა ხმით კისკისსა რა სჯობდა!...

სანამდი ბატონ-ყმობა არსებობდა, ამ ოჯახს ასეთი ბედნიერა დრო არ მოშლია. სამასის კომლის ნაჭირნახულევი ამ დიდს ოჯახში დაუშრეტელ სიმდიდრის წყაროთ ქუხდა. მაგრამ ვაი წუთისოფლის სიმუხთლეს და ჟამთა დაუდგრომლობას! დღეს ეს სიუხვის წყარო დამშრალა.

გლებები დიდი ხანია განთავისუფლდნ. რაკი მუქთი გლებები და შინაყმები დიდებულ მებატონეს ხელიდან გამოეცალენ, იმან

სოფელში ველარ გასძლო ცხოვრება. მას გამოეზარდენ ქალ-ვაენი, რომელნიც დიდკაცობას არ იშლიდენ. სასწავლებელში გამოზრდილი მისი ქალები ახალ მოდებს აყოლოდენ. აბა, ბალებს, პიკნიკებს, მასკარადებს როგორ დააკლდებოდენ!... მარტო იმათის „ბათინეებისა“ და „პერჩატკების“ ყიდვით სული ჰქონდა მამას ამორთმეული. ეს კიდევ რა?..

ქალებს წამოეწიენ ვაჟები. იმათ სწავლას გული აუცრუეს და გამობტენ მეოთხე, მეხუთე კლასებიდან. შესახედავით და ჩაცმა-დახურვით მათ ახალგაზრდა არ სჯობდათ. მაგრამ, საუბედუროთ. მიეწვიენ „სასტუმროებში თრევასა და იქ ბანქოს თამაშს.

აი. ამისთანა საქმეებში აგებდენ მთელის მამულის შემოსავალს. აზდენ ხარჯსა და ვარაშს მამამ ველარ გაუძლო. დაუწყო სანადელო გლეხებს ნელ-ნელა გათავისუფლება. გლეხების ფული რომ შემოეკამა, მერე ჭუთაისის ურიებს მიმართა. ისინი დიდი სიამოვნებით უმართავდენ ხელს მოხუცებულ მებატონეს, აძლევდენ ფულს სესხათ, „ვექსილითა“ წლის ვადით და უწერდენ სარგებელს თუმანზე თვეში ორ აბაზს. მაგრამ ამასაც არ აჯერებდენ. როგორც გიჟირდეს, ისე გილირდესო. ურიები ართმევდენ აგრეთვე გულკეთილ მებატონეს „ნეუსტოიკის“ ხელწერილს იმდენისას. რამდენიც თამასუქით ესესხებიან, უკეთუ ვადას გადაცილდებოდა. ამ სახით აუარება მიწა-წყალი და ადგილ-მამული გამოჩენილის თავადისა დაიტვირთა ვალეებით. დიდებულ მებატონეს თავი მოაბეზრეს მოშამ და მანუქამ სასამართლოებში თრევიდა, ის შიშითა და მწუხარებით მოელოდა დღე-დღეობით თავის მამულზე ვაქრობის დანიშვნას. შესწუხდა, თითქმის ილაჯი გაუწყდა მებატონეს. აი. ამ დროს ასტყდა საზოგადოებაში დიდი სურვილი საადგილმამულო ბანკის დაარსებისა...

XVII. XVIII. XIX.

მაშინ ისეთი დრო იყო, რომ ყველას სწყუროდა საჩქაროდ ბანკის გახსნა, ადგილ-მამულის მიგირავება. იქიდგან სესხის აღება. ამას კი აღარავინ კითხულობდა: „მართალია, დღეს ჩემს ადგილ-მამულს ვაგირავებ, ფულს ვესესხულობ, მაგრამ შეუძლია თუ არა ჩემის მამულის შემოსავალს სესხად აღებულ თაენის, სარგებლის და მრავალნაირის შტრაფების ხდაო?“..... ამ საზოგადოების ხმას აპყვა ცნობილი, დიდებული მებატონე თავქფილაძეცა. ის ერთი პირველთაგანი იყო, რომელმაც ახალ გამართულს ბანკში გადააგირავე თავისი ადგილ-მამული, ეზო, სახლ-კარი და იმ წუთას ასე

ფიქრობდა: „ძლივს არ მეშველა?.. მადლობა ღმერთს, გადარჩა ჩემი ადგილ-მამული ურიების პატრონობას!“.

XX.

თავქფილაძეს მისცეს თავის მამულში ოცდახუთი ათასი მანეთი სესხათ. ბევრი ამბობდა, მისი მამული მაგ ფასათ არც კი ღირსო. რომ გაეყიდა, მაგის ნახევარ ფასსაც არავინ მისცემდაო. უსათუოდ ბანკს შეატოვებსო.

იმ დროს ბანკის გირაოს ფურცლები — ყოველი ას მანეთიანი — რვა თუმან ნახევრათ გადიოდა ბირჟაზე. ამას გარდა თავქფილაძეს დაუქირეს დაზღვევის ფული და დაფასებისაცა. ამ სახით ის ყოველ ას მანეთში თითქმის თექვსმეტ მანეთს კარგავდა. რაც დაგირავებაში და დოკუმენტების შოვნაში დაეხარჯა, ესეც რომ სულ ერმანეთზე შეაკეცა, გამოვიდა, რომ ოცდახუთი ათას მანეთის მაგივრათ ხელში მისცეს თვრამეტი ათასი მანეთი; რასაკვირველია, ნახევარი წლის სარგებელიც იქავე დაათვლევინეს.

ამ ფულიდან თოთხმეტი ათასი მანეთი ურიებს დაურიგა. შვილების ტანსაცმლისა, ზოგი სახლის მორთულობისა, ზოგი პურის, ზოგი ღვინის, ზოგი სახლის ქირა კიდევ შედგა ხუთას მანეთამდის. დარჩა თავქფილაძეს ხელათ სახარჯო ფული სამას ორმოცდაათი თუმანი. ეს ორმოცდაათი თუმანიც ქალ-ვაჟებმა წაართვეს ახალ ტანისამოსისა და ბანქოს სათამაშო ფულათ. მეტატონემ მხოლოდ სამასი თუმანი გამოიზოგა წლის სახარჯოთ. იმ ზამთარში მისი შვილები მაინც სულ გადარჯულდენ; კვირა არ გავიდოდა, რომ მამისათვის ძალა არ დაეტანებიათ, ან მასპინძლობა, ან მუსიკით საღამო არ გაემართვინებინათ. ამისთანებით, წილიწადიც არ გასულა; რომ შვილებმა ეს სამასი თუმანიც ხელიდან გამოაცალეს მამას. მოხუცებულმა ანგარიში დაკარგა და შეტოვა უჩვეულო მოუსვენარ ცხოვრებაში. სისხლის სამართლით დასჯილ კაცსაც ასე სჩვევია. თუმცა იმას თვაწინ სახარობელა უდგას, ნამდვილადაც იცის ხვალ მაზე ჩამოკიდებენ, მაგრამ დღეს, სინანულის მაგივრათ, იმას სურს თავის მწუხარება ღვინოში და ხვეწა-კოცნაში ჩანთქას. ასე დაემართა თავქფილაძესაც. იმას სრულებით აღარ მოაგონდა, რომ ერთ წელს შემდეგ ბანკში სარგებლის შეტანა უნდოდა და იმაზე უნდა ეფიქრნა. ის სრულებით წაიღო განცხრომის ბურანმა.

ერთ საღამოს ნოემბრის შუა რიცხვი იყო, თავქფილაძემ „დროების“ ნომერი მოითხოვა და დაყვა უკანასტრიდან კითხვას. უეცრათ

თვალში შეეჩხირა ერთი განცხადება: „თავადის თავქუფილაძის ადგილ-
მამული, ეზო და სახლ-კარი ისყიდება ბანკში საერთო ვაჭრობით.
სარგებლის შეუტანლობის გამო“.

იტკვლიდა თავში ხელი მოხუცებულმა მებატონემ: „გაზეთში
გამომბეჭდეს, დარბაისელ მებატონეს თავი მომპრეს, ვისლა დავე-
ნახო, ვისლა?...“ იძახოდა გამწარებული მებატონე. ბოლოს მაინც
ისევ იმ თავის კარგ ნაცნობ ურიას მიმართა ფულის სასესხებლათ.
ურია მწინანდელზე უფრო მოუქირა ხელი სარგებელს. იმან დაუ-
წყო წლის წლობამდე მანეთზე თოთხმეტი შაურის თხოვა. მისცა
კიდევ. მაგრამ მებატონეს მაინც ყოველ მეექვსე თვეზე ადგილ-მა-
მულის სავაჭროთ გამოცხადებამ ზაფრის ქარები აუტეხა. დაავათმყო-
ფდა და მესამე წელიწადს ბანკის დაარსებიდან სულიც განუტევა.
დარჩენ ქალ-ვაჟნი ცარიელზე. ამათ სხვა რომ ველარა მოახერხეს
რა, თავის ძველ სასახლეს ცეცხლი წაუკიდეს. იქნება. დაზღვევის
ფულმა დროებით მაინც შეაჩეროს სახლ-კარისა და მამულის გაყიდ-
ვაო. მაგრამ ვერც ამან უშველა-რა. სახლ-კარი დაიწვა და მებატო-
ნის მამული დაგირავებიდან მეხუთე წელს მაინც გასაყიდი შეიქნა.

დეკემბრის 15 იყო. მწუხარებისგან სახე დაღრეჯილი თავად-
აზნაურობა მიდი-მოდიოდა ბანკის დარბაზში. ამათ შორის ხან და
ხან გამოჩნდებოდა ტანმორჩილი. პირხმელი, თვალციმციმა, შვე-
წვერა, გძელ-კიკინებიანი კაცი. მის პირის სახეს ღიმილი დაკრთოდა.
მას იმედი ჰქონდა, რომ ამ ორ საათში განდებოდა ერთის რომლისამე
ორსართულიანი სახლის მეპატრონე. ურიებს გარდა ბანკის ზალაში
აქა-იქ თვალს შეასწრებდა კაცი ღიპგადმოგდებულს და ცხვირიდა
ვაჭრებს, ესენიც ადგილ-მამულის ვაჭრობას გამოეწვია. ზოგიერთ-
გლებთაგანი. ახლად გამდიდრებულნი, მეორე გილდის ვაჭრებთ ჩა-
წერილებიც, მოსულთიყვენ სეირის საყურებლათ. სხვათა შორის. ბახ-
ვა ფულავაც იქ იყო და გულის ძგერით ელოდა იმ წამს, როდესაც
დაიძახებდენ თავადის თავქუფილაძის შემკვიდრების მამულის ვაჭრო-
ბას. იმას გადაწყვეტილი ჰქონდა ამ მამულის ყიდვა და ხმადებლა
ელაპარაკებოდა თავის მეგობარს: „ოცდახუთათას მანეთამდის ვი-
ვლიო“...

კოტა ხან იქით მოისმა ზარის რაკუნნი; გამოჩნდენ ბანკის მო-
თავენი: გამგებელი და ორი დირექტორი.

თავად-აზნაურობა დრტვინავდა, ზოგი ხმამალლაც ილანძლე-
ბოდა, ზოგი გაჩუმებული იყო, მაგრამ იმათი დაღვრემილი, პირკუშ-
ტი სახე საყვედურს გამომეტყველებდა... გავიდა ვაჭრობით ერთი მე-
ბატონის მამული; მეორე, მესამე... ასე ზედ მიყოლით ოცამდის. სა-

ზოგადობას უფრო და უფრო მოსდიოდა გული. ბოლოს დაიწყეს თავქეფილადის მამულის ვაჭრობა. ეს მამული დარჩა ბახვა ფულავას ოციათას მანეთში. რადგან დანარჩენი სესხი დაზღვევის ფულს გაესტუმრებინა. მეტი აღარავინ შეაძლია. ნაღდი ნედლიმკების ფული წარადგინა სამასი თუმანი...

ამ დროს მოისმა საზარელი ყვირილი ბანკის ზალიდან: „ბატონებო, რას მერჩით, რა დავაშავე. რა გინდათ ჩემგან“...

— წაურთეთ, წაურთეთ! — ისმოდა მეორე ხმა — უბრალო ვაჭარმა როგორ გაბედა მებატონის მამულის ყიდვა! წაურთეთ მაგას. რომ მეორეთ მაგისთანა კაცებმა აქ ველარ შემობედონ. შეიქნა ერთი მიწვე-მოწვევა, ზრიალი და ჩოჩქოლი. ბანკის მართველობამ დახურა ვაჭრობა და ყველანი აქეთ-იქით გაილაღენ. ბანკის გამგებელმა მოითხოვა ეტლი, ჩაჯდა შიგ და გაუტია შინისკენ. იმას გაჰყვა ბახვა ფულავა, რომელიც მხიარულებისაგან აღარ იყო, რომ ამისათანა კარგი მიწა-წყალი, ერთი სათაყვადიშვილო მამული, ხელში ჩაიგდო.

გალახული ერთი ვილაც ჩარჩი გამოდგა, რომელსაც ხეპრულათ დაეტრახანა ვაჭრობის დროს, რომ იმერეთის თავად-აზნაურობის მამულებს სულ ჩვენ ვიყიდითო.

XXI.

188... წელს ქ. ფოთში დღესასწაულობდენ პირველ მაისს. მთელის ქალაქის მცხოვრებლები, საგარეო ტანისამოსით შეპუპლულები, სოედანზედ იყვენ გამოფენილნი. ამ დღეს ფოთში ყოველთვის კარგი დროს გატარება იციან. მუსიკა, დაირა, ჰარმონიკა, დაფა-ზურნა, მეგრულ-გურული სიმღერები, ცეკვა-თამაში და ხანდახან თოფის სროლაც აცოცხლებდა იმ არე-მარეს.

ერთგან ხალხი შეჯგუფებულყო და იქ სათამაშო წრე გაეკეზბიათ. ერთი ქალი ჰარმონიკას უკრავდა, მეორე დაირას აყოლებდა ზედ. დანარჩენი ტაშს სცემდენ. ორი ახალგაზრდა ქალეჯი ცეკვავდა. მათ სიმშვენიერეს და ბუნებითს კეკლუტობას საზღვარი არ ჰქონდა.

ვაჯი იყო შავათ გამოწყობილი, ტანთ ეცვა შავი მეგრულის შალის ჩოხა, შავი გიშრის ქილები, შავი რქის კობლებიანი ქამარი, შავეტარიანი ხანჯალი, შავი სამოგვის წულები; მხოლოდ თავი ჰქონდა თეთრი ბაშლაყით შეხვეული; ვიწრო ყვითელი სირმით მოვლებული; ბაშლაყის წვერზე ყვითელი სირმის ფოჩი ეკიდა. ქაბუჯი იყო ოცდახუთის წლის მოხდენილი ვაჟაკი. მისი ურუნი გამწვავი თვალები

და ქერა წვერ-ულვაში მის წითურ ლოყებს საუცხოვოთ აშვენებდენ: პირი სახე ქერათ ეღინღლებოდა და მისი ლოყები სიმწიფით შეწითლებულ ატამს მოაგონებდენ 'კაცსა.

ქალს სახეზე ეხურა წმინდა აბრეშუმის ბადური დაღბანდი. სქელი შავი თმები მის ლამაზ სახეს ყორნის ბოლოებათ შემოსდგომოდენ; მაყვლის თვალ-წამწამი, მისის ვარდის კოკრებივით გაფეთქილი წითელი ტუჩები, მის თეთრ-ყირმიზს სახეზე, კაცის გულს იტაცებდენ. ისეთი წერილი წელი ჰქონდა; ცალ მუქში დაეტეოდა. მისი გულ-მკერდი ერთი შეკრული ვარდის კონა იყო. იმისი ერთი შეხედვა ოთხმოცდაათის წლის კაცის თვალებსაც გადაახალისებდა.

ქალ-ვაჟი ცეკვავდა, მაგრამ მათი თამაში დედალ-მამალი მერცხლების ჰაერში ტრფიალებას ემსგავსებოდა. ხან ერთმანეთს დაუახლოვდებოდენ ნაზის ტანის რხევით და შედგებოდენ ერთის წუთის ვადით; ვაჟი ამ დროს ცდილობდა, ქალისთვის თვალი თვალში გაეყარა. მაგრამ ქალი უცბათ მოტრიალდებოდა და გაშორდებოდა, თითქოს ვაჟს უტიფრობის გულისთვის გაებუტაო. მერე გაშორებული ისევ ვაჟის პირდაპირ დადგებოდა და დაუწყებდა ნაზის ტანის რხევით ჯაერობას. ვაჟი გაეშურებოდა მისკენვე, ქალი კატასავით განზე გაიწაფარდებდა, მაგრამ ვაჟიც იქითკენ გახტებოდა. თითქოს ცდილობს მის დაქერასაო... ეს იყო შემაქცევეარი რალაც კატა-თაგვობია. სხაპვა, ანუ მეგრულ-აფხაზური თამაში. ვაჟის რხევებზე მისი ბაშლაყის ფოჩიც თავის ჩრდილს ეთამაშებოდა. ქალი ვაჟს ემალებოდა თამაშობაში და ვერც დამალვოდა; შემდეგ ისევ გაშლიდენ ხელებს მერცხლის ფრთებივით და დაქროდენ წრეს გარშემო საამურათ. მათი სინარჩარე. თამაშის შნო და ერთმანეთის კეკლუცობა ისე ართობდა მაყურებლებს, რომ არც დაირისა და ჰარმონიკის დამკვრელებს ეტყობოდათ მოლაღვა და არც ტაშის მკვრელებს; ის კი არა, აქ შეგროვილ ხალხს თითქოს კიდევ ენანებოდა, ვაი თუ ქალ-ვაჟმა მოხდენილი თამაში მალე გაათავოსო; რაც შეეძლოთ, არ სწყვეტდენ ტაშის კერას.

ამ დროს უეცრათ მოისმა რიხიანი ხმა: „ჩამოდექით, ჩამოდექით, გვაყურებინეთ ჩვენც თამაშს!“ უეცრათ გროვაში ჩოჩქოლი შეიქნა. ერთი ვიღაც ახოვანი „ესადნიკი“ არღვევდა წრეს და შემოგლიჯა კიდევ. მას თან მოყვენ მისი ამხანაგები. ღვინით შევინჯილებულ პირისახეზე ამ კაცს ეტყობოდა უტიფრობა. „ოჰ, ეს ვინ თამაშობს? — გაიკვირა სიამოვნებით „ესადნიკმა“ — „შენ გენაცვალოს. ესმა, მთელი ეს ჯარი; შენი ფეხის გოგმანის ქირიმე! როგორ თაგვებივით დახტიან, ერთმანეთს არ ეკარებიან!“ ამ დროს მართლაც ქილმა იმას წინ გამოუქროლა. „ესადნიკმა“ წელზე ხელი შეავ-

ლო. ქალმა იუკადრისა. წრემ ეს შეურაცხყოფათ მიიღო. უცებ შესწყვიტეს დაირისა და პარმონიკის კვრა. შეიქნა ხმამაღლა ლაპარაკი. ქალთან მოამაშე ვაჟმა თავი გამოიდვა. იმას უქომაგეს მაყურებლებმა. მთელი გროვა გაიყო ორათ: ცალი მხრით იყვენ „ესაღნიკები“, მეორე მხრით მოთამაშე ვაჟი, დანარჩენი ხალხიც ამას მიემხრო. ვაჟმა დაუწყა ამ ახოვან „ესაღნიკს“ შერცხვენა და ლანძღვა. ამან უპასუხა: „გაჩემდი, თორემ წიწილსავით თავს წაგწყვეტო“. ვაჟი ელვაზე უმაღ მივარდა და სილა გააწნა. „ესაღნიკმა“ მოსწრო ერთი მუშტი. შეიქნა ხელჩართული ცემა-ტყეპა. ქალებმა მოშორებით მორთეს კვილი. ამ არეულობაში ახალგაზრდა ვაჟმა ხანჯალი იძრო და აძგერა „ესაღნიკს“ ბარძაყში ამის გამო გააფთრებულმა მისმა ამხანაგებმა იხმარეს იარაღი და ბარე ორს, სამ კაცს თავები გადააფრიწეს. ქალებმა კვილს უმატეს: „მოკლეს, მოკლესო!“ ზოგი ქმარს ჩივოდა, ზოგი მაზლსა, ამასობაში მოიპრენ პოლიციელები, შემოერტყენ ცხენოსნის ჯარის კაცებს და გააზავეს. დაქრილები წაიყვანეს. ახოვანი „ესაღნიკი“. თუმცა მძიმეთ დაქრილი იყო, მაგრამ კიდევ ფეხზე იდგა და თავის ხელით იხვევდა ქრილობას. „მე ბახვა ფულავამ დამქრა. მალე მტერი მოგიკედეს, მალე მის ცხედარზე დედა-მისი ავატირო. ტყულათ არ დასდევს ის ესმას. ამბობენ. ირთავსო. მე იმას შევრთავ შავ მიწას“!..

შეიკრა თუ არა ქრილობა, მოუყვანეს ეტლი, ჩასვეს შიგ. იქითაქით ორი პოლიციელი მოუსხნდა და გაამგზავრეს პოლიციაში. ეს ახოვანი დაქრილი კაცი გამოდგა იერემია წარბა.

დღესასწაული ჩხუბით გათავდა; მაგრამ ყოველ ავს კარგიც მოაქვსო. აქაც ისე მოხდა. დღემდის ესმას გული ყინულის ქერქით იყო გარემოცული. ამ ყინულს ქვეშ ანკარა წყაროთ სდიოდა მისი უმანკო გულის წადილი. ჯერ სიყვარულის სითბოს არ გაედნო ეს ყინულის ქერქი და არ აემღვრია მისი გულის თქმანი. დღემდის ის ბახვას ძმასავით უყურებდა და დამძური გრძნობა ღვიოდა მის გულში. პირველათ ამ ჩხუბის შემდეგ დაადგა მის გულს მწვავე შუქი სიყვარულისა, უცებ შემოადნო ყინულის აბკი და აფუშ-დაფუშა მისი გულის ტალღები. ესმამ თუმცა დიდი შიში გამოსცადა ხანჯლების ტრიალში, მაგრამ მაინც გულმხიარული მიისწრაფოდა შინისკენ. თავი ძირს დაელო, გვერდზე ვერ ბედავდა მოხედვას. გრძნობდა, რომ გვერდით მიყვებოდა მეტის აღელვებისაგან ხმაგაკმენდილი ბახვა. ესმა რალაც არაჩვეულებრივს ალტაცებაში იყო გართული. თვალწინ ბახვას გმირული სახე ელანდებოდა, მისი თავგანწირულება ესმას შეურაცხყოფისათვის რალაც ტკბილ ოცნებათ თავს დასტრიალებდა: იგი

ჩასწორებულა: მომავალს გამოურკვეველ ბედნიერებას: „დღეს მე ბახვამ დამიხსნა ვეშაპის კლანჭებისაგან; დღეის იქით მე მისი ვარ სიკვდილ-სიცოცხლით. ჩვენ ერთმანეთს სამარის მეტი ვერა დაგვაშორებს-რა“. სულ ამისთანა ფიქრებში იყო ესმა გარინდული, სანამ სახლში არ შედგა ფეხი და დედის შეძახილმა არ გამოარკვია ბურანიდან. ესმას ლიმილი მოუვიდა სახეზე, მაგრამ დედას არა უთხრა-რა. ბახვა კი გაფითრებული იყო.. არც იმან გასცა სალომეს პირველ შემთხვევაში პასუხი. სასტუმრო ოთახში შევიდა, ქული სუფრაზე დააგდო, მერე ათრთოლებული ხმით წამოიძახა: „არა, არაფერი; მხოლოდ უსიამოვნობა შეგვემთხვა: იერემია დავეკერი“. — სალომე ძალიან შეაკრთო ამ ამბავმა. იმან უნებურათ წამოიკიელა. მაშინვე მიხვდა, ესმას მიზეზით იქნებოდაო. მერე დაუწყო თავის ქალს გამოკითხვა: „რაო, შევილო, იმ წყეულმა შენ ხომ არა გაკადრა-რა?“...

— არა, ნანაი, არაფერი, — სიცილით უპასუხა ესმამ.

— განა მაგას რასმე აკადრებდა და მე ვიქნებოდი ცოცხალი?... უთხრა ბახვამ და უნებურათ ესმას თვალი შეასწრო.

ეს იყო პირველი შეხედვა, იმისთანა, რომ საუკუნო ბირკილს შეაბამდა მიჯნურსა. ესმას თვალების სხივიც პირველათ იმ წუთას მოხვდა გულში ბახვას და ისეთ ნაირათ შეუფრიალა, რომ თითქოს ბუდიდან ამოხტომას აპირებდა. აი, ამ შეხედვით მიუხვდენ ერთმანეთს გულის წადილსა. ბახვა წამოიქება სახეზე, მხიარულებით შესცინა ესმას, ქული ხელში აიღო და უთხრა: „მე უნდა წავიდე, ჩემს კანტორაში საქმე მაქვსო“. ესმამ თვალები ძირს დაუშვა და ხელი უკან წაიღო. არ უნდოდა გამოთხოვება.

— ბახვა, შენ შემოგველოს ჩემი თავი, სადილათ ჩვენთან დარჩი, მომიყევი დღევანდელი ამბავი, რა მოხდა ჯარიანობაზე, აგერ-აგერ გადვირევი... რათ მოგივიდა ჩხუბი იმ არაწმინდა კაცთან? არ შემიძლია, ვერ გაგიშვებ. ვერა! — ქული დაუქირა. — სალამოდის ჩვენთან დარჩი, თავი მოარიდე იმ წყეულს. ვინ იცის. იქნება მისი ამფსონები კიდევ გიყარაულებენ.

— არა, სალომე, ისინი ყველანი პოლიციაში წაიყვანეს; ფიქრი ნურაფრისა გაქვს. დღევანდელს ამბავს ესმა მოგიყვება. მე დღეს სტუმრები მყავს, რომ არ წავიდე შინ, არ იქნება. სალამოს ისევ შემოგივლით, თუ მოვიტალე.

— აბა, შენ იცი, თუ არ მომატყუებ. იცოდე, სანამდის არ მოხვალ: გული თავის ალაგას არ გვექნება, შეიდობით.

— შეიდობით, ესმა. — გაუწია ხელი ბახვამ.

— შვიდობით! — უთხრა გრძნობით ესმამ და თვალები მის სახეს დააშტერა.

ბახვა შეაკრთო ესმას დიდმა თვალებმა. საკვირველი იყო ამ კაცის საქმე! იერემიასთან ჩხუბში ოდნათ არ შემდგარა და ამ სუსტ არსებას თვალი ვერ გაუჭერა. როცა მის ახლოს იდგა, ყოველთვის ვერხვის ფოთოლივით კრთოდა.

XXII

ბახვა ფულავას იმ დღეს სტუმრები არ ყავდა, მაგრამ თავი უნდოდა გაეთავისუფლებინა. ესმასთან დარჩენა მაინც არ შეეძლო. ისეთ ნაირათ იყო აღელვებული. მას ორნაირი ცეცხლი სტანჯავდა: ერთი — რომ იერემიამ მის ციურ ანგელოზს თავის ბინძური ხელი შეახო, მეორე — რომ ქრისტიანს სისხლში ხელი გაისვარა. რადგან მრავალნაირი ფიქრებით იყო მოცული და გზა ვერ გაერკვია, ეშინოდა. თავმოჭრილი ქათამივით გაბურბუსალეული არ სჩვენებოდა ესმას. აი. ამიტომაც ველარ დადგა იქ. გამოეთხოვა სალომეს და ესმას, წამოვიდა თავის კანტორისაკენ; მაგრამ ვაი იმ წამოსვლას! მისთვის სიკვდილი იყო ესმას მოცილება, მაგრამ რა უნდა ექნა?.. მოცდა მაინც არ შეეძლო.

ბახვას ჰქონდა პატარაობიდან გაგონილი: „კაცს კაცის სისხლი არ შერჩებაო“. ეს დედ-მამის სიტყვები გავარვალეულ შანთათ გადაეჭცა, რომელიც სწავდა და დაგავდა მის მოსაზრებას. მის გამო მთელს მის გონებრივ აგებულებას ცეცხლი ჰქონდა შემოდებული. „ამიერითგან დაღუპული კაცი შევიქენიო — ფიქრობდა ბახვა, ქრისტიანის სისხლი კისრად ვიდე. კანობა დამიმტკიცდა, რაღა პირი მაქვს საცხოვრებელი, რაღათ მინდა ბედ-იღბალი: ღვთის პირისაგან დაწყევლილი შევიქენი. ამიერითგან ჩემგან დათხეულის სისხლის უნდა მეშინოდეს; ყოველ დროსა და ქვამს უნდა ვიყო სამაგიეროთ გამზადებული. რა მრჯის, ჩემს უბედურებაში ის უმანკო ღვთის ანგელოზი რომ ჩამოვითრიო?... არა... მე ხელი უნდა ავიღო ესმაზე საუკუნოთ!.. საუკუნოთ!.. მე მისი ღირსი აღარა ვარ“. ამისი თქმა გულში და მის ტანში გაზრიალეება ერთი იყო. ამნაირი შავი ფიქრებით შეცულმა ისე გამოიარა მთელი გზა კანტორამდის, რომ არც კი შეუტყვია. სანამდის კანტორის დაკეტულ კარს კინაღამ თავით არ დაეტაკა. მხოლოდ მაშინ გამოფხიზლდა, მიიხედ მოიხედა, მთელი ერთი წყება ღუქნები მის კანტორასავით იყვნენ ჩაკეტილები, ქუჩები დაცარიელებულნი; მხო-

ლოდ შორს ბულვარიდან მოისმოდა საჯარო მუსიკის ხმა და ცამდის მორაკრაკე „კუჩხა-ბედნიერის“ მღერა, მაშინ მოაგონდა მარტო, რომ მისი ბიძაშვილი, ნესტორა, იმ დღეს სხვაგან იყო დაპატივებულნი. ვინ იცის, იქნება იმ დროს თვითონ ნესტორაც მღეროდა თემში, ან ლამაზ ქალთან თამაშობდა. ბახვა მხოლოდ ახლა გამოერკვა. მოვიდა გონზე. დარწმუნდა. რომ მის კანტორაში არც არა თბებოდა-რა. არც არა უცხელდებოდა. რადგან წინადლით თვითონ იმას დაეთხოვნა საქეიფოთ მოსამსახურე ბიჭები, იმ განზრახვით, რომ პირველ მაისს სალომესთან და ესმასთან აპირებდა დროს გატარებას.

იმ წუთას მაზედ უფრო უბედური კაცი ქვეყანაზე აღარ იყო. თვალწინ წარმოუდგა, თითქოს ყველანი მას ერიდებიან. მისგან გარბიან და, როგორც კაცის მკვლელზე. თითოთ უჩვენებენ. ამასთანავე წარმოუდგა, ვითომც იერემია მისგან ფერდში ყოფილიყოს დაკრილი და არა ბარძაყში. სულს დაფადეს. პოლიციაში განკარგულებას ახდენდენ მის დასაქერათ; მერე წარმოუდგა, ვითომც ის დაეჭიროსთ და ციხეში მიყავდათ გაძაგრული; იქ ტუსალის მაზარას (შინელს) ჩააცმევენ: კვირის კვირობამდის იქნება დამწყვდეული, მერე ყოველ კვირა დღეს ხიშტიანი რუსებით ბაზარში ჩაატარებენ და ამ დროს ყველა მისი ნაცნობები პირს იქით მიიბრუნებენ; ასე გასინჯე. ისინიც კი, რომელნიც ყველაზე უფრო თვითონ ბახვასაგან ყოფილან დევალებულნი, მისი ხელით სიღარიბის ლეჭიდან ამოყვანილნი და კუქგამძღარნი!... ესმა!?!.. აკი იმანაც უმტყუნა!... ისიც შორიდან მოსჩერებია ბახვას გამხდარს. გაყვიტლებულ სახეს, მის ფეხებში ბორკილის რაჩხუნი ესმის; ისიც იქითკენ მიიბრუნებს პირს, არ უნდა, თავის კარგი ნაცნობი; რომელიც ახლა მას გვერდით უდგას. ბახვა ფულავას გააცნოს, არც თვითონ უნდა გამოეცნაუროს, რადგან ეშინიან. იმასაც კაცის მკვლელი არ დაუძახონ. ესმას რომ გვერდით უდგას. ის შშვენიერო ახალგაზდაა. კარგი ოჯახის შვილი და მდიდარი საქმრო; ის ზინლით ბახვაზე უჩვენებს; როგორც კაცის მკვლელზე. ბახვა გასჯილია. გულზე შავი ფიცარი აქვს დაკიდებული, ზედ დიდრონი ასოებით სწერია: „კაცის მკვლელობისათვისო“, ტროიკაზედაც აჯდენენ. ბახვა შედგება ტროიკაზედ, მიიხედ-მოიხედავს და დაინახანეს, რომ იმის ესმას ხელი-ხელში გაუყრია თავის საქმროსათვის; ესმა იცინის. ხითხითებს და სრულებითაც აღარ აგონდება ბახულია...

ამისთანა ფიქრები ბახვას მოსვენებას არ აძლევდენ. თავს დასევოდენ, როცა თვითონ ის გარინდული, გამოშტერებული დადიოდა წინ--და-უკან კანტორის დერეფანში.

მზე გადაწეული იყო დასავლეთისაკენ. მისი შუქი ოქროსფრათ ღებავდა არე-მარეს, შორს ზღვის კანდელი და დასავლეთისკენ მიქცეული ფანჯრის შუშები ისე პრიალებდნენ, თითქოს ცეცხლის ალი მოსდებოდეთ, შავი ზღვა ლაყვარდის ფრათ იწეა თვის კალაპოტში და ბუმბერაზსავით ჩასძინებოდა. მის ძილს არ აკრთობდა. არც კაცების ხმაურობა, არც სამხედრო მუსიკის გრიალი, არც წოიოების ჰაერში ნავარდობა და კისკისი, როგორც არ შეაკრთობს სპილოს ძილს კოლოების წუწუნნი.

მზე დაიწურა დასავლეთ; ცაზე ალისფერი ატლასი გაეკრა და ბუმბერაზის ქეჩო ნარინჯისფრათ შეღება. ბუნება დამტკბარი. დამყურებელი იყო; მხოლოდ არ იყო დამტკბარი და დაყურებული ბახვას გულის თქმები. მის გულ-გეამში და ტვინში იყო საშინელი ქარტეხილი. აღძრული სხვა-და-სხვა შავის ფიქრებისაგან. მის გულს გაჰქონდა ბაგაბუგი: გაშმაგებული სისხლის ზვირთები ტანს რომ დაეტია. თავში ავარდნოდენ, იქ უპირებდნენ კეფის ახეთქას და გადმოთხევას.

— „ეს არის გაეგვიდიო!“ — წამოიძახა უნებურათ ბახვამ და თავისი კანტორის წინ მოტრიალდა ქუსლებზე.

ამ დროს ახალგაზდა მეგრელების გროვა გამოჩნდა მის დუქნის პირდაპირ. ისინი მხიარულებით ტაშს სცემდნენ და „ორირა-შას“ იმღეროდნენ. დამწყები იყო ნესტორა. იმან დაინახა თუ არა ბახვა; თავის კანტორის სვეტზე მიყრდნობილი შეკმუხენილი სახით, მაშინვე მიხვდა, რა ჭირიც სჭირდა. შესწყვიტა სიმღერა და მხიარული კიყინით მოაშურა.

— ბიძია ბახვა, სად იყავი?... დღეს მაიდანში სულ შენს სიშარჯვეზე ლაპარაკობდნენ ქალი და კაცი. ყველა იმ საძაგელს იერემიას ემუქრებოდა. არზა უნდა მივცეთ ღრუბენატორს, რომ აქ არ დააყენონო. შენთვის ყველანი თავგამოდებული იყვენ. პრისტავი რომ მოვიდა, ხალხი შემოესია და ერთი მეორის უმაღ წინ ეტანებოდა, კითხავდა იერემიას ამბავს, მძიმეთ იყო დაჭრილი, თუ არაო?... გამოდგა, რომ ბარძაყში ჰქონია ხანჯლის წვერი მოხვედრებული, არც კი დაწოლილაო. შენზედაც გამოვეკითხეთ, საქმე დაიწყება თუ არაო?... — არაფერიო: — რამდენჯერ ჩხუბი მოხდება, თუ ყველას პოლიცია და სასამართლო გამოუდგა, მთელი სახელმწიფოს ხალხი პოლიციელებათ არ იკმარებსო. — მერე ვკითხე, იერემიას საჩივარი ხომ არ შეუტანია-მეთქი. — არა და არც აპირებს საჩივარსაო. — მიპასუხა. ცოტა ხანს შემდეგ განზე გავიხმეო და მითხრა: — ბახვა ამ საღამოს ჩემთან შემოვიდესო.

ამისთანა ამბებმა ბახვას აღ-შემოდებულ გულს ცივი წყალი ჯადაასხა და ერთ წამზე უმაღ ზაქრო მისი შინაგანი მღელეარება. სახეზე სიხარულის ელვამ გადაკრა და გულდამშვიდებით დაუწყა შექტიფიანებულ ნოქრებს გამოკითხვა. ან თემი როგორი გაიმართა, ან ბურთის თამაში თუ იყო, ან სხვა ჩხუბი ხომ არა მომხდარა-რაო. ბოლოს მისცა ნესტორას ერთი თუმანი და სთხოვა, რომ იმ საღამოს კარგი ეახშამი შეემზადებინა. მისი ამხანაგები ყველანი დაეპატიჟნა, და დაპირდა, ეახშმათ მეც მოვალაო. ბახვას ბიძაშვილი ალტაყბაში მოვიდა მისი სიუხებით. გადასცა მას კანტორის გასაღები და თვითონ კა განაგრძო ამხანაგებში მხიარულება.

ბახვა შევიდა დუქნის დერეფანში და გააღო კანტორის კარი: დახლიდან ხუთი თუმანი ამოიღო. ჩაიდვა ჯიბეში. გამოიკეტა ისევ დუქნის კარები. გასაღები ნესტორას დაუბრუნა და წავიდა ბოქა-ულთან.

XXIII.

ბახვა როგორც კი გამოეთხოვა სალომეს. ის და მისი ქალი მოი-ღწაშენ. ორივე გრძნობდა რაღაც გამოუთქმელ უსიამოვნებას. იმათ აღარც იმდღევანდელი დღესასწაული ახარებდა, აღარც ორის, სამის დღის შემზადებული მასპინძლობა. თითქოს იმ წუთს მათი სახლი ისე დაცარიელებულიყოს და გლოვის ზეწარი გადაკვროდეს, როგორც იმ დღეს, როდესაც სალომეს ქმარი გაასვენეს და დედა-შვილი შინ მიბრუნდნენ. მაშინ არ იცოდენ, რა ექნათ რა მოესაზრებინათ დღიუ-რის ლუკმის სავარამთ. ახლა სალომე კიდევ უფრო ჩამოქვეითდა; სანამ ბახვას და ესმა თემიდან მოელოდა, მისი ფეხი და ხელი არ შე-ჩერებულა იმედით სავსე იყო, რომ იმ დღეს ბახვა და ესმა მასთან ერთად კარგათ მოილხენდნენ.

სალომე წინა დღითვე შეუდგა დღესასწაულისათვის მზადებას. გოჭი ფურჩეში შეაწვევინა, თვითონ ორი მოზილილი „დედოპური“ დააცხო, ყველითა და კვერცხით გამოტენილი. ამისთანა პურს იმე-რეთში „ღვეზელს“ ეძახიან. ერთი ღვეზელი ესმას სახელზე იყო გამომ-ცხვარი, მეორე ბახვას სახელზე. ორსავე პურს ჩაუთქვა მათი პატრონე-ბის ბედ-იღბალი. თუ ორისავე ბედი კარქი იქნებოდა, მაშინ სადედო-პუროთ მომზადებული კვერცხებიც საღები გამოდგებოდნენ. კვერც-ხები წინდაწინ ღველფში შეახვია. ისე უნდა შემწვარიყო, რომ არც ერთი კვერცხი. ღველფში შეხვეული, არ უნდა გამსკდარიყო. სალომე პეტათ გამხიარულდა. როცა დარწმუნდა, რომ ღველფში ჩასმული

კვერცხები საღათ შეიწვა, არც ერთი არ გასკდა. ამას გარდა ერთი მთელი ინდოური საცივით ჩასდვა თავის გაროსა და წვეწვი. რომელიც იყო სანელბელით, ნიჭვით. ძმრით და პილპილით შეკაზმული. მეორე დღეს სალომე წირვაზე აღარ წასულა; ოთახის და ეზოს დასუფთავებას მოუწნდა. თავს ალარ იზოგავდა თავის ძვირფასი არსებისათვის. ამისთანა დაუწყენარებელი შრომა მისთვის სანატრელათაც გახდა იმ დღეს და მეორე დღეს სადილობამდის არც მოღალევა უგრძნია, არც დასვენებულა იმ იმედით, რომ მისობას სამნივე მხიარულათ გაატარებდნენ. მეორე დღეს შუადღემ მოაწია; სალომეს სადილი გაჩაღებულნი ჰქონდა, მომუშებული ღომი კიდეც დაზილა ჩოგნით და სუფრა გააწყო. ამ დროს ესმა და ბახვა თემიდან მოვიდნენ; მაგრამ რა მოვიდნენ?!... არც ერთს თავის ფერი აღარ ედვა. განსაკუთრებით ბახვა ყვითელ სანთელში ამოკლებულსა გაედა.

სალომეს იმათ დანახვაზე დარდები აეშალა და, როცა ნამდვილი ამბავი შეიტყო, მის გულს უცებ მწარე ნალველი გადაენტხიანი წუთას მისთვის ყოველივე ჩაშხამებული იყო. მაშინვე იგრძნო, რომ კარგი არა შემთხვეოდათ-რა. ვაი თუ ბახვამ გაება სისხლის სამართლის საქმეში კაცის დაქრისათვის!... ვინ იცის, ქრილობა როგორი იყო?... იქნება ქრილობა მძიმე იყო, იქნება ის კაცი კიდეც მოკვდა!... მაშინ ხომ საუკუნოთ უნდა გამოთხოვებოდა ბახვას!.. მთელი მისი ოჯახი ხომ თავზე უნდა დანგრეოდა!... ამისთანა შავი ფიქრები სალომეს უცბაო თავზე დააწვა და თავზარი დასცა. სანამდის ბახვა მის ქონში იყო, როგორღაც თავი შეიმაგრა: მაგრამ წავიდა თუ არა, სალომეც სრულებით მოეშვა. იმ წუთას ესმა აღარც კი გახსენებია, ჩაეარდა სამწარეულოში. კარები მოკეტა და მორთო ტირილი.

ბახვას წასვლის შემდეგ ესმამაც მოიკეტა კარები და დაეცა ლოგინზე თავის საგარეო ტანისამოსით. ეხლა ახალი ტანისამოსის ჯავრი აღარ ჰქონდა. ან თუ დაიკუმუქნებოდა, ან თუ მტვრით გაისვრებოდა. ისიც საეკვო იყო. გრძობდა თუ არა იმ წუთას თავის ტანისამოსს. „ნეტავ რათ აიჩქარა ბახვამ წასვლაო! — სთქვა გულში ესმამ. — აღბათ უტიფრობა დამწამა. რა ღმერთი გამიწყრა, მე დღეს იმასთან რომ ვითამაშე. არაფრით არ უნდა დავთანხმებოდი თამაშში გაყოლას; მაგრამ ან კი რა უნდა მექნა? ჰარმონიკა და დაირა როგორც დაუკრეს, ბახვა მაშინვე გამოხტა წრეში და აღარ მომცა საშველი. ხუთჯერ ჩამოუარა წრეს და ხუთჯერვე მე დამიკრა თავი; მაინც-და-მაინც უნდოდა, რომ მე გაეყოლოდი თამაშობაში. ჩემს დღეში კაცისთვის თვალი არ გამიმართავს, ბახვამ პირველათ თვალი თვალში გამიყარა. გული ამიფრიალდა. მისმა შეენიერებამ ჩემი თვა-

ლები მოიტაცა. გულიც თან გაიყოლა.... ნანაია, მიშველე!.... ეს რა სიურცხვე მომივიდა! ახალგაზდა კაცს ისე უტიფრათ როგორ გავუჩერე თვალები!!.. ვინ იცის, რას იფიქრებდა ჩემზე? ვინ მე. ვინლაც ლოთი სალდათის გომბიო, და ვინ მდიდარი, ყველასაგან პატივცემული ბახვა!... ეს როგორ დამემართა, რომ მისი სიყვარული მე დღეს გულში გათევლე!.. იქნება ამისთვისაც აღარ მოიცადა ჩვენთან სადილათ. ვაი თუ აღარც კი მოვიდეს!...“ ამ ფიქრებში რომ იყო ესმა გართული, ერთი ისეთი საზარლათ დაიკენესა, რომ სალომემ კედელს იქით სამზარეულოში გაიგონა.

დედა-მისი ზაფრა-ნაცემივით ზეზე წამოვარდა. ნამტირალევი თვალები უცბათ ამოიბანა, შეეარდა შეილის ოთახში და შესძახა: — შეილო, ესმა, ეგ რა მოგსვლია? საგარეო ტანისამოსით ლოგინზე დაგდებულხარ, სულ დაგკმუქნია! უი, ჩემს თავს, როგორ დაგმტვერიანებია ყველაფერი! შეილო, შინ რომ შემოდი, რატომ არ გაიბერტყე? არ იცოდი, ქუჩის მტვერი შენს კაბას მოედებოდა? — ეგ ხომ უბრალო კაბა არ არის, აბრეშუმია, ახალთახალი მოვი! ერთ ჩაცმაზე როგორ უნდა გააფუქო?... ადე. გენაცვალე, გაიხადე. საშინაო კაბა ჩაიცვი. სადილი დაგვიგვიანდა. ბარემც ვკამოთ რამე. ესმა ლოგინიდან ზანტად წამოდგა და დაიწყო კაბის ღილების ხსნა. სალომე ისევ სამზარეულოში შეტრიალდა. ესმა ხელმეორეთ ფიქრებმა წაილო. ის სრულებით იმაზე არ ფიქრობდა. რომ ბახვა, შესაძლოა. სისხლის სამართლის საქმეში გაებასო. მისი დარდი და ვარამი სულ სხვა იყო.: „არა, მე.... არა....“ — იმეორებდა გულში: „თუ ერთი დღე კიდევ დაიგვიანა, ბახვა ჩვენთან არ მოვიდა, მე თვითონ წაეალ მასთან, ბოდიშს მოვიხდი. როცა ის ცოლს შეირთავს, შევეხვეწები, გოგოთ მე წამიყვანოს... არა!.. ასე გაძლება აღარ შემიძლია....“ ეს რა ამბავია? ფიქრებს რომ თავი ვეღარ წაუვართვი?... ჯოჯოხეთია!... რა დავაწავე ამისთანა, რომ ბახვა გაგვექცა დღეს. აკი, გუშინ დაგვპირდა, ხვალ მთელ დღეს თქვენთან გაეატარებო, დღეს რა მოუვიდა ამისთანა?... ნამდვილია. მე ვარ მიზეზი... მე... ვერტყვი შენ ძმა და მე და-მეთქი. დათ თუ არ მიკადრებს, გოგოთ ხომ მიკადრებს. ის კარგი გულის კაცია: დათანხმდება, კიდევ მოუბრუნდება ჩემზე გული.... მერე პირობას მიკცემ, რომ თავის დღეში თვალში აღარ შევხედო. რომ უტიფრობა აღარ შემწამოს...“ ამისთანა ახირებული ფიქრებით გარემოცულმა ესმამ გაიხადა თავისი საგარეო ტანისამოსი, მიაგდ-მოაგდო ლოგინზე. საშინაო კაბა ჩაიცვა და გულსაფარი უკულმა გაიკეთა.

სალომემ შემოიტანა ღობი და ყველი. დადგა სუფრაზე და დაუძახა ესმას, რომელიც ისევ თავის საწოლ ოთახში ყოყმანობდა: ეტყობოდა. გამოსვლა ეხარებოდა.

— შენ შემოგველოს დედის თვალები, ეგ რა ამბავია? ეგრე შენს დღეში არ მინახავხარ, რანაირათ დაგიყრია ტანისამოსი, ქალო!..... აბა, ზედა წელი სად გდია. ქვედა-წელი სადა?... უი, ჩემს თავს!.. ეს გულსაფარი როგორ უკუღმა გაგიკეთებია, საარკეში ველარ ჩაიხედე?! ამას პირველათ ვხედავ, შენს გონზე აღარა ხარ. შეილო! მართლაც, განსაკუთრებით ცუდი ხომ არა დაგმართნია-რა თემში?...

— არა, ნანაია!

— აბა, რათა ხარ დღეს ეგრე გარეწარი და გულმავიწყი!...

— დავილაღე, ძალიან დავილაღე. ნანაია.

მოდო, შეილო, დავსხდეთ სადილათ. მითხარი დაწვრილებით-რა ამბავი მოხდა დღეს? სად გაჩნდა ის წყეული იერემია? რანაირათ მოხდა, რომ ბახვა და ის წაიჩხუბენ? მძიმეთ დასჭრა, თუ არა ბახვაჲ ის არაწმინდა სული?

ესმამ უამბო დაწვრილებით და გულწრფელათ ყოველი იპოდის მომხდარი, რომ სალომეს მის სიმართლეში იკვი არ აუღლია. მისმა ნაამბობმა სალომეს ძლიერ დაუმშვიდა გული. რაღაან-კრილობა დიდი არაფერი უნდა ყოფილიყო, სალომემ იფიქრა; იქნება სისხლის სამართლის საქმეც არ შესდგესო. ბახვა მოხერხებულნი კაცია. შეიძლება, საქმეს სასამართლომდინაც არ მიაწვეინოსო.

ამას შემდეგ სალომეს თითქო მაღაც მოუვიდა. დაისხა არაყი და გადაჰკრა. იმას ეს ჩვეულებათ ქონდა ქმრისაგან დანატოვარი. სულგუნის (გადაზელოლი ყველია) ერთი ნაჭერი ღობეში შეახვია. შემწვარ ქათამს ფრთა მოსტეხა და დაწიწკნა, თან ესმასაც ეხვეწებოდა: ექამა რამე.

— ნანაი. მადა არა მაქვს... უპასუხებდა ესმა.

— დედა-შვილობამ, კარგი შემწვარი ქათამია. აბა, ნახე, ეს ფრთა გაწიწკნე! შერე მაღაც მოგივა. მჰჰ... მჰჰ! რა კარგია ეს ღობეში შეხვეული სულგუნე! როგორ იწელება!... გემრიელია, დედა-შვილობამ. აბა, ახლა ღვინო დალიე. ნახევარი ჭიქა მაინც დალიე.

ესმამ აიღო ჭიქა ღვინო, მოწრუპა, სულგუნსაც ცოტა უკბინა, დადგა სუფრაზე და უთხრა დედას: — რა ვქნა. ნანაია, ახლა სულ არა მაქვს მადა. შერე ვქამ. — აღვა სუფრიდან, შევიდა ოთახში და კარები შეიხურა, თითქოს ძილს აპირებსო.

— კარგი, შეილო. დაიძინე, დაღალულზე მართლაც არა იამებ-ბა-რა კაცს. საღამოსთვის შეგინახავ.

სალომემ იჭვი აიღო ესმას სიყვარულზე. ეს უსიამოვნება. რო-
მელიც ბახვას წასვლაზე ესმას დაეტყო, მერე ამნაირი გარეწრობა.
გულმაიწყობა. კითხვაზე პირდაპირი პასუხის მოუცემლობა — უსა-
თუოთ რასმე მოასწავებდა: ჯერ ამგვარი რამე ესმას უმანკო გულს
არ შემთხვევია. ერთის მხრით სალომეს ძალიან ეუცხოვა ეს ამბავი:
ის კი არა; კიდევ ეწყინა. ის როგორ წარმოიდგენდა, რომ ბახვას მის
ქალზე თვალი დარჩენოდეს.

ბახვას მისი ქვეყნის ღარიბი სახლობა მხოლოდ ეწყალებოდა.
ეცოდებოდა უფრო მისთვის, რომ სალომესგან პატარაობისას ამაგი
ახსოვდა.

უწყალო ბედს ის უბედური ქალი თეკლათიდან ფოთს გად-
მოეხვეწნა ღვთის ანაბარაზე. მისთვის არც ნათესავი, არც მეზო-
ბელი, არც არაეინ მოკეთე. ერთი საწყალი ობოლი ქალი ხელზე
ჰყავდა ატოტებული და სარჩენი. ვინც მათი ამბავი იცოდა, ჰქვის
გული უნდა ჰქონებოდა, რომ ამისთანა ყველასგან მოძულებული
დედა-შვილი არ შეწყალებოდა! მხოლოდ ღმერთმა არ მოიძულა
და, როცა ბედმა უცხო ცას ჰქეშ გადმოყარა ობლები. იმანვე
გიჟრინა ბახვა პატრონად. მართლაც ბახვას იმდენი ამაგი ჰქონდა
ქერივ-ოხერზე, რომ სალომესათვის ცაში ღმერთი იყო და დედა-
მიწაზე ბახვა მისი ნუგეში და შემბრალებელი. ესმას გატაცებულ
გრძნობას ბახვასადმი მისთვის უბედურების მეტი არა შეეძლო-რა
ეჭადებინა. იმედი ჰქონდა, იქნება ესმას თავისი წრის. თავისი შე-
საფერი საქმრო ეშოვნა, რომ სალომეს სიბერის დროს მაზედ მიეყრ-
დნო ცხოვრების ქარტეხილობისაგან დანთქმული სიბერის ღღენი.
ბახვას რომ კიდევ შეენიშნა ესმას სიყვარული და თვითონაც გამოეცხა-
ლებინა თავისი თანაგრძნობა, ეს სალომესათვის მეხის დაცემა იქნე-
ბოდა. იმას კარგათ ახსოვდა თავისი უბედურება ვინღაც რუსეთელ
აფიცურთან. ნუ თუ, რასაც ის ასე ერიდებოდა, რისგანაც ასე დასჯი-
ლი შეიქნა ცხოვრებაში, სიბერის ღღენიც იმ შემარცხვენელ გარე-
მოებას უნდა წაეწყმიდა!.. ამ შავმა ფიქრებმა სალომე შეაშინა, შეა-
ძრწუნა, სასოება მოულო ღვთის სამართალზე...

— არაო, — უთხრა მერე მეორე გულმა! — ბახვა მისთანა კარ-
გი კაცია, რომ ამას არ იკადრებს, ასე არ მომიძულებს, არ გამიძწა-
რებს სიბერის ღღესაო...

იმ დღის სადილი უბახვაოთ არც მისთვის იყო სადილი. მართ-
ლაც. სადილათ ერთი შემწვარი ქათმისა და სულგუნის მეტი არც არა
მოუტანია-რა. ყველაფერი ვახშმათ გადასდვა ბახვას გულისთვის. და-

დგა სალამოც, დაღამდა. ბახვა მაინც არსად იყო. სალომემ დაახშირა კარისკენ ყურება. ვახშობობის ჟამმაც მოატანა. ბახვას დაგვიანებაზე სალომეს აუტყდა გულის ფრიალი. იმის დაკვირვებით. ბახვა რასაც იტყოდა. კიდევ ასრულებდა. ამისთვის მისი დაგვიანება კარგს არაა მოასწავებდა. — ვაი. თუ კიდევ დაიჭირეს!.. ვაი, თუ იერემიას საქმეში ცუდი რამ აუტეხონ!.. ის დღე რატომ არ დაიქცა, ესმას რომ ახალკვირას საყდარზე წასვლის ნება მიეცეს! რომ არ წასულიყო, იქნება, ეს ამბავიც არ მომხდარიყო. ეს უბედური შემთხვევა, უუკველია. ესმას და ბახვას თამაშობამ გამოიწვია. მე კარგათ ვიცი, რომ ის წყეული იერემია ჩემს ქალზე ატეხილი: მანამდის არ ააყენა ღმერთმა იერემიას გვერდები. სანამდის იმან ჩემი ქალი გასარყენელათ ვერ იშოვნოს. ეგ რომ მოხდეს. — მე ხომ სუსტი ქალი ვარ. — იმასაც მოვკლავ და ჩემ თავსაც მოვიკლავ. მადლობა ღმერთს. ქმრისაგან ერთი დაუანგული რევოლვერი დამჩნა. ექვსი ტყვიით გატენილი. იერემია ისეა ატეხილი. რომ რევოლვერის ტყვიებს გამომტყუებს. — ასე ფიქრობდა სალომე და მეტის ჯაერისაგან ხელებს იმტვრევდა.

ბოლოს ადგა. ღვთისმშობლის ხატს სანთელი დაუთო და წმინდის გულით შეავედრა ბახვას თავი.

ესმა ჯერ კიდევ თავის ოთახიდან არ გამოსულიყო. სალომეს უნდოდა მასთან შესვლა და ვერც გაებედნა: ეშინოდა, ბახვას ამბავი არ ეკითხა. აბა, რა უნდა ეპასუხნა, რაც არა იცოდა-რა. სალომემ კარგათ იცოდა, რომ ესმას ძილი არ უყვარდა. თუ აქამდის საწოლი ოთახიდან არ გამოდიოდა, ეს ალბათ იმის ბრალი იყო, რომ ესმა კარგს გუნებაზე არ იყო; შენიშნული ჰქონდა. როცა მისი ქალი დაღვრემილი იყო, ოთახში შეიკეტავდა კარებს და არაეის ინახულებდა. მარტობა ერჩია. სალომესთვის ცხადი იყო. რომ ესმასაც ბახვას მოუსვლელია აწუხებდა. — ეინ იცის, იქნება ჩემი მოსაზრება სულ ცუდი იყოს. შეიძლება. ისიც იმ მწუხარებით იყოს შეპყრობილი. როგორითაც მეო. გაივლო გულში სალომემ.

— ვაი თუ. მართლა ბახვამ იერემია სასიკვდილოთ დასქრა და ამ საოცარ ამბავს ესმა მე მიმალავდეს! ამგვარი ფიქრი ტანში ცეცხლს უკიდებდა სალომეს. ის დაწრიალობდა უსაგნოთ თავის ოთახში, სამზარეულოში და ეზოში. როცა ან ფენის ხმა მოისმოდა ქუჩიდან, ახ თუ დაგვიანებული ეტლის რიხინს გაიგონებდა, სალომე მაშინვე ქუჩის ბიჭვით გამოვარდებოდა გარეთ. გაალებდა ჭიშკარს და ღამის ბნელაში მიიყურებდა. იქნება, ბახვა იყოსო. მაგრამ ის არსად სჩანდა.

ამ დროს მისი ქალი ესმა კი სულ სხვანაირ დარდებს წაელო: ვერას გზით ვერ წარმოედგინა, თუ ბახვას სხვა რამე საქმე

აბრკოლებდა. გარდა იმისა, რომ ესმასთან იყო შემომწყრალი. იმ დღის დაბადებული მწვავე სურვილი, ნდომა, განუსაზღვრელი გულის ქანება ესმას უმანკო სულს ვერ აეტანა, ვერ მოენელებინა. ის იმ წუთას ასე ფიქრობდა, რომ არც იმის უბოროტესი, არც ზნეობით იმაზე უფრო გაფუჭებული არ მოიძებნებოდა დედამიწის ზურგზე. ნამდვილათ კი მისი დანაშაულობა მხოლოდ ერთი გულის შეთამაშების მეტი არა ყოფილა—რა. მხოლოდ ეს ერთი ბუსუსი ცოდვა მიუძღოდა ბახვას წინაშე. მაგრამ ბახვასათვის რომ კაცს ეკითხნა. ეს ცოდვა კი არა. ცით მოვლენილი მადლი იყო. მხოლოდ იმ დღეს შეესხა ფრთები ბახვას ბედნიერებას. მაგრამ ტრედიციით უმანკო ესმამ რა იცოდა ამისი?... ის თავდაღმა იწვა თავი, ლოგინზე სულგანაბული. ცოტა ხანს შემდეგ უეცრათ წამოდგა. ეს რა დაბნელებულაო! გაიკვირვა.—ნუ თუ ამდენს ხანს ვეგდე ლოგინში ფიქრებ-გამოურკვეველი! — თითქოს შეეშინდაო ბნელაში ყოფნისა, გაკრა წუმწუმას, ანთო სანთელი, აიღო სუფრიდან თავისა პაწია რგვალი სარკე, ჩაიხედა შიგ და სარკე იქით გადააგდო. კიდევ კარგი, რომ ბალიშებზე დაეცა, თორემ სულ დაიმსხვრეოდა. თავის პირქუში სახე ჯოჯოს სახეთ ელანდებოდა. შემდეგ მოყვა ოთახში წინ-და-უკან სიარულს. დიდი ღამე გავიდა, მაგრამ იმას ფიქრათაც არ მოსვლია ღამეზე დრტვინვა; ის კი არა. ღამის დუმილი ხელსაც უწყობდა იმ საოცარ შინაგან ბრძოლის მისამალავათ, რომლითაც მოცული იყო მისი არსება. ეს სიბნელე თითქოს აშორებდა იმ დღის უსიამოვნო ამბებს, ბახვასთან. მეგრულ-აფხაზურ ცეკვას, თამაშსა. იმის გულის თქმით ანთებულ თვალების ცქერას, მის პირველათ გულის შეთამაშებას. ღამეში ესმა გრძნობდა სრულს მარტობას და ამ მარტობით უფრო მშვიდდებოდა მისი ტვინის ძაფები; მისი ამღვრეული ფიქრები.

ამ დროს თავიც დაუმძიმდა, მთელი მისი ტანი რალაც ნაირათ დასუსტდა, მიიბნინდა, თითქოს მთელი ქვეყნის სიმძიმე მის თავს დასწოლოდეს და უპირებდეს ქვესკნელში ჩატანას. ხელმეორეთ დაეგდო ლოგინზე. ამ წუთას იგრძნო. რომ საძრაობის თავიც არ ჰქონდა, ვეღო ერთხანს ასე გაშოტვილი; ბოლოს ჩავარდა ბურანში: არც იყო ძილში, არც ღვიძილში. მას მოელანდა ბახვას სახე. რომელიც შორიდან თავს უქნევდა. ესაყვედურებოდა: — ესმა. მე მაგას შენგან არ მოველოდი, მე დათ გიყურებდი, შენ კი ჩემზე არაწმინდა ფიქრები გაგივლია თავშიო... ამისთანა ბურანში რომ იყო, უცბათ სალომეს ხმამ შეაკრთო:

— შეილო, რა ამბავია აქამდის ძილი?... თითქმის შუალამე შემოვიდა და შენ კიდევ გძინავს!

ესმა წამოვარდა ლოგინიდან, ერთი მძლავრათ გაიზმორა; თმებ-
აფუშული ჰქონდა. ეტყობოდა, მის მიბნედილ თვალებს სანთლის შუ-
ჭი აჯავრებდა.

-- დედა, სანთელი იქით გადადგი, თვალები ვერ გამიხელია-
უთხრა ჰირვეულობით ქალმა. — უჰ, მართლაც რა ბევრი მძინებია! —
ზანტათ წაიდუღუნა. .

— ერთობ დაგვიანდა; მგონია, ბახვა აღარ მოვიდეს, — მწუ-
ხარებით წარმოსთქვა სალომემ.

— აღარ მოვა, ნანაია. სტუმრებთან შეყვებოდა ქეიფს.

— ეგ ხომ ეგრეა, მაგრამ ბახვამ სიტყვის გატეხა. არ იცოდა?
— დაატანა სალომემ. ესმამ აღარაფერი უთხრა, ადგა სასტუმრო
ოთახში გაიარ-გამოიარა.

— ცოტა კიდევ მოეუტადოთ და მერე ვახშამს შევიქცეო. უჰა-
სუნხა ესმამ.

— მოგიკვდა, შვილო, ჩემი თავი! შენ დღეს პირში ორი ლუკმა-
არ ჩაგიკარებია.

— არა. ნანაია, მე ახლაც არა მშია.

— როგორ არა გშია, შვილო; დღეს შენს ქეიფზე არა ხარ. მე-
შინია, ავით არ გამიხნდე.

— არა, დედა, წელან დაღალულნი ვიყავი. ახლა კარგათა ვარ.
ესმამ ერთხელ კიდევ გაიარ-გამოიარა ოთახში; წელი გამართა. თავი
გაღიქნია და სახეზე ჩამობურღული სქელი თმა უკან ბეჭებზე გა-
დაიყარა.

ამ წუთს იმისთვის რომ კაცს შეეხედა, სწორეთ ივდიოთ მოა-
გონდებოდა, როცა ამ მხნე დედაკაცს ოლორფერნის თავის მოკვეთა
ჰქონდა გულში ამოქრილი.

ესმა სახეზედ შეწითლდა. მისი თვალები ცეცხლის ნაპერწკლებს
ისროდა.

— „გათავდა“, — წამოილაპარაკა მან, გაჯავრებული მივარდა
თავის დაბურღულ ნაწნავეებს და სწორება დაუწყო ისე უღმობე-
ლათ, რომ მაყურებელს ეგონებოდა, ნაწნავეებს კი არ იწნავს, იგლეჯ-
სო. ყოველ მის მოძრაობას ეტყობოდა გადაწყვეტილი მოქმედება.

— ნანაია, დროა, ვახშმათ დავსხნდეთ. ბახვა აღარ მოვა.

— რატომ, შვილო, შეშინებით ჩაკითხა სალომემ.

— დრო გადავიდა, შუალამეა, აწ რალა დროს მოსელაა!

— კარგი, შვილო, — უნებურათ დაეთანხმა სალომე. — აბა, და-
ჯედი და საქმელებს შემოვიტან. — სალომე შეტრიალდა უცებ სამ-

ზარეულო ოთახში. შეკამადები ლანგარზე, შემოიტანა და სუფრაზე დააწყო. თახჩიდანაც ერთი ბოთლი ღვინო გამოიღო. თან ქიქებიც გამოაყოლა.

XXV.

დედასა და შვილს ასე სიამოვნებით. დიდი ხანი იყო, პურია რ ექამათ. ესმა ვახშამზე სულ გამოიცვალა. ჩვეულებრივი სიმორცხვე და თავდაპერილობა სრულიად აღარ ეტყობოდა. ქალი ცდილობდა, დედის შექმუხენილი შუბლი ფიჭრებისაგან და დარდებისაგან გადეწმინდა. ვახშამზე მისი ენა არ დაწყნარებულა. მოყვა სხვა-და-სხვა შემაქცევარ ამბებს. სალომე მართლაც გამხიარულდა. მთვარესავით გაბადრულ ესმას სახეს რომ უცქეროდა, რომელიც წამის-წამს ლაპარაკში იღიმებოდა და ტუჩებზე მარგალიტს ისხამდა. ხან თემობის ამბავს მოუთხრობდა, ხან თავის ოსტატს ფრანგის ქალადანსცინოდა. წარმოადგენდა საწყალ მოხუცებულ ქალს, იმის გვერდზე მოქცეულ ძველ ჩეფჩიკს, რომელიც თმისაგან გადაქცილ თავზე აღარ ადგებოდა და, ომ ცოტა შროიანათ მაინც თავზე დაესკუბებინა. ერთ საათს მეტს იღვა ხოლმე სარკის წინ. ხან ცალ გვერდზე მოიგდებდა ვახეხილ ჩეფჩიკსა, ხან მეორე გვერდზე.

ამისთანა ამბებმა მართლაც ძალიან გაართო დედა-მისი; ორნივე კარგ მადანზე მოვიდენ და მოიღზინეს. იმ ერთ წუთას სალომეს ბახვა სრულებითაც აღარ ვახსენებია. მის სახეზე განუსაზღვრელი სიამოვნება იხატებოდა და ხითხითით დახაროდა თავის ქალს, ამ ერთად ერთს მის სიმდიდრეს და ცხოვრების სიტკბოებას.

— ნანაია, იცი. რა გითხრა? — განაგრძო მხიარულმა ესმამ:— მადამ სალის ძალიან ეუყვარეარ. მუდამ მეფერება, ხშირათ მკოცნის, თუმცა მისი უბილო კოცნა არაფრად მექაშნიკება ხოლმე. ხანდა-ხან მაინც მისი შავი კბილის ფესვი ისე მომებლაუჭება, ასე მეგონება, თავგმა გადამირბინა-მეთქი პირის სახეზე.

ჰა. ჰა, ჰა, ჰა!!!... გაღიხარხარა სალომემ.

— არა, ნანაია, ღიმილით განაგრძო ესმამ, — ხუმრობა იქით იყოს და მადამ სალის აზრი მე ძალიან მომდის თავში.

— როგორ, შვილო, ჰკითხა მხიარულად სალომემ.

— იმან მითხრა, თუ ჩემთან იქნები. ჩემ სამკერვალოში, ნახევარ წილს დაგიდებო. ვიმუშაოთ ერთათ, მე დედა და შენ შვილიო. ეს, ნანაია, კარგი საქმეა. მე ქრა და კერვა კარგი ვიცი. რა ნიმუშიც უნდა ვნახო, ყველაფერს ისე გამოეჭრი და შევეკრავ, თითქოს

პარიზის სამკერველოდან იყოს გამოსული. ამ ბოლო დროს მუშტრე-
ბიც გვემატება. მე აქამდის შინ ვიჯედი, საკერავეებზე სულ საწყალი
ბებრუტუნა დაწანწალობდა ოჯახებში. აწ მე თვითონ მინდა ვიარო
ოჯახებში ზომების ასაღებათ და ტანზე კაბების მოსარგებათ. ნახავ-
დედა, როგორ კარგათ წავიდეს ჩენი საქმე! ერთი-ორათ მოვიგებთ.
კოტა ხანს იქით მოდი, დედა, ერთად დავიჭირაოთ სახლი. ჩენი ოთა-
ხები უფრო კარგათ მოვრთოთ, მოსამსახურე გოგოც ცალკე გვე-
ყოლება. დეთის მადლით, იმდენი შემოსავალი გვექნება, რომ შენ
ოჯახში აღარას გაგაკეთებინებ. იყავი ქალბატონათ და გვიცქირე მარ-
ტო, როგორ ვიმუშავებთ.

ამ სიტყვებზე წამოვარდა სალომე გახალისებული, დაადვა მხარ-
ზე ხელი თავის ქალს, დააცქერდა სიყვარულით სახეზე და ჰკითხა:

— მერე, გოგონა, გათხოვება?...

ესმამ გველის ნაკბენივით იწყინა, სახე მოიღუშა, დაუჭირა ხე-
ლები დედას და უთხრა:

— ნანაია, გათხოვ, მეორეთ არ გამაგონო ეგ სიტყვები; გათხო-
ვება არ მინდა და არც გათხოვდები ჩემს დღეში.

— უი! გოგონა, მაგას რას მეუბნები!

— არა... მე... არა... — გაიქნია თავი და სახე გვერდზე
მიიღო.

— შეილო, ნუ გეშინია შენც გამოგიჩნდება კარგი ბედი. შე-
ნისთანა ანგელოზს ღმერთი როგორ გასწირავს.

— სუ — მეთქი; ნანაია,.. — ტუჩებზე ხელი მიატარა სალომეს
და შემდეგ განაგრძო: — თუ გიყვარდე, ნულარ გამაგონებ მაგისთანა
სიტყვებს.

— როგორც გენებოს, შეილო, ახლა ერთი მაკოცნინე მაგ ლამაზ
თვალეებში!... დედამ შეილი უცბათ მკერდში ჩაიკრა.

შემდეგ საჩქაროთ ადგენ. ესმა შევიდა თავის საწოლ ოთახში
ტანთ გასახდელათ. სალომეც ემზადებოდა მოსვენებას.

ნაშუალამევი იყო. სალომე გარეთ, გამოვიდა, შეხედა ვარ-
სკვლავებით მოქედილ ცას და სთქვა: „ნეტავი ვიცოდე, ამ ზე-
ციურ მნათობებში რომელია ჩემი ესმას ვარსკვლავი?... ოჰ, ტანში
გამაზრიალა! ის ერთი ვარსკვლავი როგორ ობლათ გაშორებია
სხვებს და თავისთვის ბეუტავს, თითქოს აგერ-აგერ მიქრებო!...
ვაი, თუ ის ბახვას ვარსკვლავია!... ამ დროს სალომე მიადგა ქიშკარს,
გააღო, მიიხედ-მოიხედა, თითქოს კიდევ ვილა(ცას ელოდაო. კოტა
ხანს შემდეგ მიხურა ისევე ქიშკარი ამ სიტყვებით: „შეილო ბახვა...
სადა ხარ ახლა? ამაღამ ლული არ მომეკიდება. ხვალ დილით უთენიათ

გავგზავნი ბახვას კანტორაში ამბის შესატყობათ. მოგიკვდა სალომეს-
თავი, თუ ახლა სატუსალოში ხარ დამწყვედელი!... რაცღა ფარსაჯი
არა შემთხვევია—რა, იმან რომ თავის სიტყვა ვერ შეასრულა. სალომემ
გულნაკლულათ დაკეტა ქიშკარი. შემოტრიალდა შინ, სამხარეულოა
მიხედა, პაწია მოჯამაგირე ბიქს განკარგულება მისცა ხეაღინდელის
დღისა, უბძანა მალე დაწოლილიყო. მერე შევიდა ოთახში და ესმას
დაუძახა:

— შეილო, გძინავს?...

ესმამ ხმა აღარ გასცა. სალომე მივიდა ესმას კრაოტთან ცერე-
ბით სანთელ ანთებული, დახედა თავის ქალს. რომელსაც ღრმათ ჩას-
ძინებოდა.

ურჯულოსაც რომ ენახა ეს უმანყო სახის ნეტარი ძილი. ვგონებ-
ისიც მოქრისტიანდებოდა.

— მჰჰ!... ნელა ჩაიცინა სალომემ. — შენს დედას რათ უნდა
ჰქონდეს რამე საჯაერო? შენ შემოგველოს შენი დედის სიციცხლე!...
მერე დაიხარა, შუბლზე აკოცა და გაშორდა. ესმამ ამ დროს ღრმათ
ამოიხენეშა.

XXVI

მეორე დღეს დილით, მზის ამოსვლისას, ფოთის მოედანზე მირ-
ბოდა ერთი თავშიშველა და ფეხტიტველა ცხრა წლის ბიჭი. ტან-
ზე ხამის პერანგი ეცვა, ცარიელ კალთაში მკლავი ჰქონდა გაყრილი
და ორირაშას მიიძახოდა. გაღირბინა თუ არა მოედანი. ერთს განის-
ქუჩას ჩაუხვია და მიადგა კანტორას. აქ თვალების ფშვნეტით დაუხე-
და ბახვას ბიძაშვილი, რომელიც კანტორის კარებს ალებდა. როგორც
კი დაინახა პატარა ბიჭი, შორიდანვე დაუძახა:

— ბიჭო, თქვენი ლამაზი ესმა როგორ ბრძანდება?

— მერე შენ რა გინდა?... მიუგო წყრომით ბიჭმა.

— ჩემ მაგიერად აკოცე. — უპასუხა ნესტორამ.

— გაჩუმდი, თორემ ბახვასთან დაგასმენ.

— შენ სიმაღლე ტალახში გაუგორდი!.. თქვი, პო, რაზე მო-
სულხარ?

— სალომემ შემოგითვალა, ბახვას ამბავი შემატყობინეო.

— ასე უთხარი: ბახვა, ეს არის, რკინის გზით წავიდა ახალ-
ნაყიდ მამულში. წუხელი მოურავი მოვიდა: მუშები ფულს ითხოვენო.
პატარა ბიჭი გამოტრიალდა და უცებ მოკურცხლა ბაზრისაკენ.

იქ ყასბისგან ოყა-ნახევარი ხორცი იყიდა, ხუთიოდე კარტო-
ჟილი. კაპეიკის ხახვი და ნიახური, ორი კაპეიკის ბრინჯი. იქიდან
შინ დაბრუნდა.

სალომე მოუთმენლათ კიშკართან უცდიდა ბიჭის დაბრუნებას.
როგორც კი დაინახა, ჯერ ბიჭი არ მისულა, შორიდან უყვირა.

— რა ამბავი შეიტყეე?..

-- ახალნაყიდ მამულში წასულაო. წუხელი მოურავი მოსვლია.
ბუშები ფულს ითხოვენო.

გულდამშვიდებული სალომე შეტრიალდა სახლში. ესმა დიდი
ხნის წასული იყო მადამ სალისთან.

ბახვამ წინა ღამეს ინახულა პოლიციის ბოქაული. სწორეთ იმ
დროს შევიდა მასთან, როცა ის ათავებდა ბახვასა და იერემიას საქმის
შესახებ მოხსენებას. „ოჰ, ომგადახდილო ვაჟკაცო! — მიაყვირა ბო-
ქაულმა. რომელსაც „ჯგირიკოჩას“ ეძახდნენ. — აქამდის სად იყავი?...
რომ არ მოსულიყავი, ეს არის „ობხოდს“ ვგზავნიდი შენს დასაქერათ.
პოლიცმეისტერი მწერს, ბახვა ფულავას იერემია „ესადნიკი“ სასი-
კვდილოთ დაუქრიაო. ამ წამს მომახსენე ყოველიფერი და, თუ მარ-
ტლა იერემია მძიმეთ დაქრილა, ახლავე დაიქირე ბახვა ციხეში ჩას-
ვით. ისემც უშველის ღმერთი იერემიას, ბარძაყში ხანჯლის წვერით
ლიტინით ის მოკვდეს! მისთვის ეს ნემსის ჩხვლეტაა, მეტი არაფერი. —
ჯგირკოჩამ თვალი უქნა ბახვას და მეორე ოთახში გაიყვანა. იქ მან
პიილო ბრძნული, თითქმის მრისხანე სახეც. მერე მიიპატიჟა ბახვა სკამ-
ზე და ასე დაუწყო:

— შენ კარგათ იცი, ჩემო ბახვა. რომ ჩვენები ძალიან მებრა-
ლებიან; მაგრამ რასა იქ. ძმაო?... პოლიცმეისტრმა საიდუმლო
მოწერილობის ძალით მიბრძანა: „თუ ეხლავე არ დაგიქირავს იერემია
დამქრელი, „ატსტაეკა“ შემოიტანეო. — აქ იმან გადაფურცლა რაც
ძველი მწერლობა, რომელიც სრულებით არ ეხებოდა ბახვასა და იე-
რემიას საქმეს; მაგრამ. ბახვა რომ არ დაკვირვებოდა, ოსტატურათ
შორი-ახლოს მოაჩვენა პოლიცმეისტრის ბლანკი, მერე შეკეცა, ჩაღვა
შკაფის უჯრაში და ბახვას თვალის წინ ჩაკეტა ეს ვითომც საიდუმლო
მოწერილობა. — იცი, ძმაო ბახვა, რა ანგარიშებია?... იერემია ყო-
ფილა ს... მ... შორეული ნათესავი. რომელიც თავის საკუთარი წე-
რილით ჩაუბარებია „დრუჟინის“ უფროსისათვის. ახლა დრუჟინის
უფროსი იკლავს თავს, „ესადნიკს“ „ესადნიკზე“ გზავნის პოლიც-
მეისტერთან. ახლავე წარმოადგინეთ იერემიას დამქრელიო. პოლიც-
მეისტერი მე არ მაძლევს მოსვენებას: „სამსახურიდან დაგიტხოვ, თუ
ახლავე არ მოგიყვანია სისრულეში ჩემი ბრძანებაო“...

ბახვამ უსიამოვნოთ ჩაჰკიდა თავი; ათასნაირი ფიქრი დაეხვია. ახალი გამოწყებულნი საქმეები არც ერთი გათავებული არ ჰქონდა. თავადის თავეჭვილადისეული მამული ბარე შეიდას თუმან ნაღდაო უჯდა და ჯერ კიდევ არც ეზო, არც სახლი გაკეთებული არ ჰქონდა. მუშები დიდი ხანია ზედ ეყენა; ისინი ფულებს ითხოვდნენ. მეორე-გან ორმოცი ათასი ჟილა *) სიმინდი დაბეჭებული ჰქონდა: — ორას თუმანადის გასვლოდა. მესამე ადგილს კაკლის კუნძებზე ყავდა კაცები გაგზავნილი. ერთი ასი თუმანი აქაც მიეცა.

..მე რომ ახლა დამატუსალონ, ესენი სულ ერთათ დამეღუპება და დავიძვებიო.“ — გაივლო გულში ბახვამ. ამის გამო კიდევ უფრო შოიწყინა.

ბოქაული დიდი ნაბიჯით დასეირნობდა წინ და უკან თავის ოთახში. ხან-და-ხან გადმონებადა ბახვას, რომ შეეტყო მისი სახის გამომეტყველება. როცა შეატყო, რომ ბახვა ძალიან შეირყა, უცემ მორტილდა მისკენ, მიიღო მბრძანებლობითი შეხედულება, გძლად გამოუშვა პირიდან პაპიროსის კვამლი და ჰკითხა: „რას იტყვი. ბახვა?... ჰა... რა ვქნათ?“...

ბახვამ არა უპასუხა-რა.

— შენ კარგათ იცი, — განაგრძო ბოქაულმა ჯგირიკოჩამ: — მე შენი ქვეყნის კაცი ვარ; შენი ავი მეც გულს მითუთქავს, მაგრამ აბა. რა ვუყოთ?... მირჩიე, როგორ უნდა მოვიქცე ამისთანა მდგომარეობაში?...

— რა ვიცი, ბატონო. თქვენ ხელთ არის ჩემი ბედი და იღბალი, მწუხარებით გამოკრინტა ბახვამ.

ჯგირიკოჩას სახე გაეცსო სიამოვნებით. „სხვერპლი შემზადდა შესაწირავათ“, იფიქრა გულში და თითქოს მწუხარებით თვითონვე დაიწყო საჩივარი.

— ღმერთმა დასწყევლოს ჩვენი სამსახური!... — გაჯავრების ნიშნათ მოიქნია პაპიროსის ნამწეავი და შეაგდო ზუხარში. — პოლიციელისთანა ძნელი მოვალეობა არაფერს კაცს არა აქვს. აბა, რა მოვახერხო, რომ საძრავი აღარსაით მაქვს?... ავასრულო მთავრობის მოთხოვნილება, — ხომ საუკუნოთ დავიტანჯე სულითა და ხორკით: ძმას, მეზობელს გამოეუსვი დანა ყელში!... რას იტყვიან ჩვენები?... ბახვა ფულაევა. პატიოსანი, მდიდარი, მარჯვე კაცი ჯგირიკოჩამ დალუპაო! არ ავასრულო?... მაშინ თანამდებობაზე ხელი უნდა ავიღო: მეც და ჩემი ცოლ-შვილიც შიმშილით უნდა გავწყ-

*) ჟილა — ერთი ფული. ორი ბაღანი.

დეთ! რაცლა ორი კვალი მიწა მაქვს, საუზმეთაც არ ეყოფა ჩემ: წვრილშვილებს. მითხარი, ბახვა, რა მოვახერხო?... როგორ ვიხსნა-თავი ამ სახრჩობელადან ისე, რომ შენც არა გაგიჟირდეს-რა და მეც. ჩემი თანამდებობა არ დაეკარგო?...

ბახვას ისე მოეჩვენა ეს საბუთები, თითქოს იმ წუთას მისი ნამდვილი ღვიძლი ძმა-ელაპარაკებოდა პოლიციის ბოქაულის ენით. ის გულ-ახლით გამოუტყდა ჯგირიკოჩას ყველაფერს: — ჩემი სი-ცოცხლე და სიკვდილი თქვენ ხელთ არის. რაც გინდათ, დამასაქ-მეთ, ოღონდ ამ გაქირვებიდან გამომიყვანეთ. მე რომ ახლა დამი-ქირონ, ჩემს დაბურდულ საქმეს მეტი არა უნდა-რა. ორი კვირის განმავლობაში ისე წამიხდებდა საქმეები, რომ წყალში გადასავარდნი-შევიჭნები. ხორციდან დაწყებული სულამდინ გამცლიან. ჩემი მო-ნაგები, რაცლა ორი ფარაა, ქარში განიავდება.

— აბა, იცი, რას გეტყვი, ბახვა?... თუმცა ძალიან ძნელია, მაგრამ შენი გულისთვის გველის ხერელში უნდა გაეძვრე. საქი-როა ფული. უმისოთ არა იქნება-რა.

— რამდენი?... მიბრძანე!..

ჯგირიკოჩა ჩააცქერდა ბახვას თვალებში. გაჩუმდა. დიდხანს არა უთქვამს რა. თითქოს გამოცნობას აპირებდა, რამდენი უნდა-ჰქონდეს ბახვას დახლში, რომ არც მეტი, არც ნაკლები არ მოე-თხოვო. მეტი თუ ეუთხარი. ვაი, თუ იუაროს, გაუინდეს, უგვარო. ძალიებით კუდი ჯოხზე გადვას და აღარ ჩამოიღოს. ნაკლები თუ ეუთხარი, ვაი. თუ მოტყუებული დავრჩე, იმდენი ვერ ავიღო; რამ-დენიც შეიძლებოდაო. იყო ამ გამოუცნობელ მდგომარეობაში: არც „პოს“ ამბობდა. არც „არას“.

ბახვას სული კბილით ეკირა. უნდოდა, მალე შეეტყო თავია. განკითხვის დღის ვარამი. ბძანეთ, — შესძახა ბახვამ მოუთმენლად. — რატომ არ ამბობთ, რამდენია საქირო? თუ დახლში არ მექნა, თავი უნდა დავიგირაო, ვიშოვნო.

ბოქაულმა ეშმაკურათ გაიღიმა. იფიქრა, კარგი მოზდილი. ქაშაპია ბადეში შესაცდებიო, და როგორც გამოცდილი მეთევზე შეყვა ნელ-ნელა: ის აპარებდა ბადეს ცალ-კიდულზე, რადგან დიდი თევზი ეგულებოდა დასაქერათ. ეშინოდა, ან ბადეს არ ასცდეს, ან არ გაგლიჯოსო.

— მიბრძანეთ, ბატონო რამდენია საქირო? — გადაწყვეტილად განუშეორა ბახვამ.

— ღმერთო, შენ ამოაგდე, შენ დაეც მზენი ჩვენს პოლიც-მენისტერს, — მოჰყვა ჯგირიკოჩა თავისებურ წყევლას. — მოგვინელა.

მაგ არაწმინდა გაუმადლარმა კაცმა. ჩვენს ვაჟრებს სინსილა აღარ დაუყენა სახლში: ვის ოცი თუმანი წაართვა, ვის ოცდაათი. ვის ორმოცდაათი. ეს იმაზეა დამოკიდებული, ვინ რა სამძიმო საქმეშია გახვეული.

— მოდი, ბახვა. აქ! გადახვია ხელი ბახვას, მიიყვანა ოთახის კუნჭულში, საცა ცოტათ ბნელოდა, მაგრამ იმდენად კი არა, რომ ნაწერი ვერ გაერჩია.

— სანამ შენ ჩემთან მოხვიდოდი, — განაგრძო ჯგირიკოჩამ. — პოლიცმეისტერმა ეს პაწია შავი წიგნი გამომიგზავნა, მან გამოიღო უბიდან ორი ასპიდის შავი პაწია თაბახი. წიგნაკათ გაკეთებული. ერთ გვერდზე ციფრებით ეწერა ხუთასი მანეთი (500 მ.).

— ეს თვითონ მისი ხელით არის დაწერილი. თუ ამდენი არ მოგცეს, ახლავე დაჭერილი წარმომიდგინეთო. ჰა, რას იტყვი, ბახვა? როგორ ღეთის მტერი არ არის ის ურჯულო, ისა!?!.. ღმერთო. დააქციე მისი ოჯახი. ამისთანა ბოროტ კაცს მაინც კარგი არა დაემართება-რა... რას ამბობ?.. მაგრამ დაიცა... შენ რომ კიდევ გაბედო, განა მე შენს დაქცევაში გავერევი?... მე რე ამდენი ფული რომ დაგახარჯვინო, სადღა გამოეყო თავი, შენმა ქვეყნის კაცმა, შენმა მეზობელმა?... არასოდეს. რაც იქნეს, იქნეს. ეს არ შეიძლება.

ბახვამ იფიქრა: ეს ყოფილა ჩემი მამაცა და ძმაცაო. რა ღმერთი გამიწყრა, რატომ აქამდის არ ვიცნობდი ამ პატროსან კაცსაო?

— ბატონო, დრო მიდის, წამოიძახა მოუთმენლათ ბახვამ — ჩემთვის ახლა თავისუფლება ისე ძვირფასია. ორი მაგდენიც რომ ეთხოვა, უნდა მეშოვნა, მეტი რა გზა იყო. მაგრამ ამ უამათ შენი რისხვა არა მაქვს, მე დახლში ოთხასი მანეთის მეტი არ მქონდეს. აქედან ათი თუმანი მე თვითონ მჭირდება: მუშები მყავს ხვალ გასასტუმრებელი.

— განა არ ვიცი! ეგეც რომ გჭონია, ისიც ბარაქალა! სად არის ახლა ფული, ამისთანა დაცემული ვაჭრობის დროს?... რომ კიდევ გინდოდეს, თვითონ დაგიშლიდი მაგდენის მიცემას. დეე. მიაბერტყე იმ უსჯულოს, ქრისტეს გამყიდველს, ეგ ოცდაათი თუმანი. თუ არ დაჯერდა, ძალათ დაეაჯერებ. მართლა მაგრე ახირებულათ კი ნუ მიყურებს ის, პოლიცმეისტერია თუ ვილაც ეშმაკი! მე ნუ გამაჯავრებს, თორემ იმის სახრჩობელა ბაწრის წვერები ხელში მიჭირავს. ბარე ხუთი ბარათი მაქვს მისი, ამისთანა საქმეებზე მოწერილი. რომ გამოვიაშკარაო, მეტი, კი არა უნდა-რა, სადაც თავი აქვს, იქ ფეხს დაეაკვრევენებ. შენ დარდი ნუ გაქვს, გული დაიმ-

შვიდე. მაგრამ, სანამ აქ საქმეს ჩავაქრობდე. შენ ფოთს თავი მო-
არიდე.

— კი. ბატონო. ხელს დილით მაინც იმერეთისკენ უნდა
გიახლო. ახალ შეძენილ მამულში სახლს ვაშენებინებ, მუშები
შყავს, ანგარიში უნდა გავუქნო. ახლა, ჩემო მწყალობელო. ეს
ხუთი თუმანი მიირთვი, მეტი თან არ წამომიღია. დანარჩენს ახ-
ლავ მოგართმევ. ან მე თვითონ მოგიტან. ან სანდო კაცი გამატა-
ნეთ და მისი ხელით კონვერტში გამოხვეულს მოგართმევთ.

— ძალიან კარგი. ფარნა! — დაუძახა მოსამსახურეს. ამ დაძა-
ხებაზე ერთმა ტანმორჩილმა მეგრელმა შემოყო თავი. წაყვი ბახვას.
წიგნს გამოგატანს და მომიტანე.

— კი. ბატონო.

ბახვა სიხარულისაგან აღარ იყო, რადგან იმედი მიეცა. რომ
ასე ადვილათ დააწევდა თავს ხიფათსა. ის შევიდა კანტორაში; მე-
ორე ოთახში მის ბიძაშვილს ლხინი ჰქონდა გამართული. სიმღერა
ისმოდა. ბახვას მოსვლაზე სიხარულის კიჟინა დასცეს, უნდოდათ —
წუთში ჩავსვით. მაგრამ იმან უთხრა, საქმე მაქვს და ახლავ მოვა-
ლო. თავის ბიძაშვილს გასაღები გამოართვა; დახლი გააღო, იქი-
დან ოცდახუთი თუმანი ამოიღო. კონვერტში ჩასდო, ზევიდან დაა-
წერა. პოლიციის ბოქაულს ჯგირიკოჩას საკუთარ ხელში მიერთვა-
სო. მისცა ბიქს კონვერტი და შევიდა თავის ბიძაშვილთან...

— ჯგირიკოჩამ რომ ბახვა გამოისტუმრა. მერე მივიდა სარკეს-
თან სანთელ-ანთებული. ჩაიხედა შიგ და წამოიძახა: „აი ბისმარკი.
შუბლი! — მიიღვა თითი შუბლზე. ხელათ ოცდაათი თუმანი ავსწაპნე.
Я Бисмарк, Бисмарк, Би — смарк! გამობრუნდა ღლინით და
სანთელი ისევ სუფრაზე დადგა. მერე მოუკიდა პაპიროსს და დაიწყო
ოთახში სიარული. ცოტა ხანს იქით ფარნაც შემოვიდა და კონვერტი
მიართვა.

— საწყალი ბახვა!... — წამოიძახა მოსამსახურე ბიქის გასაგო-
ნათ. — სულ უბრალოთ უნდოდათ დაეჭირათ. თავს დავდებ და იმას
არავის დავაჭირებ. მე ჩვენებური კაცის მამა ვარ, მამა!... ფარნა,
წადი. თუ გიყვარდე. სუფრა გაშალე და ვახშამი მოგვიმზადე.

ფარნა გავიდა და გულში ასე ამბობდა: „ჩემი ბატონისთანა კარ-
გი კაცი ქვეყანაზე არ დაბადებულაო!“.

XXVII.

ბახვამ თავის ახალ შეძენილ მამულს თვალი გადაავლო და
იამა. მუშებს ბევრი რამ გაეკეთებინათ. ძველი, დანგრეული სახლ-

კარი განახლებული გამოიქვირებოდა. აღარც ჩამონგრეული სახლის კედლები იხედებოდა, აღარც გატიტვლებული ბუხრები, აღარც გაფლოროცებული გარემო. პირველ ნახვაზე ამ მამულში სოფლის ნახირი ქიანქველასავით ირეოდა. მას გადაეტკიერა ყველაფერი. ღორებს ეზო სულ გადაეჩიჩქნათ და გაეთხარათ. ჯერ ექვს თვესაც არ გაეულო მას აქეთ, რაც ბახვა ფულავე დაპატრონებოდა ამ თავქვილაძისეულ ადგილ-მამულს და სახლ-კარსა; მაგრამ ყველაფერს უკვე ეტყობოდა მზრუნველი მეპატრონის ხელი. ეს გაფლოროცებული არე-მარე ახლად გაშენებული დაუხვდა. მთელი ეზოსთვის შემოეფლოთ ღრმა თხრილი, ზედ მაღალი სარის ღობე მოეყოლებინათ. ღობეს შიგნით იხედებოდა განარებული ტირიფისა და აკაკის ხის ნერგები; ახლათ შეფოთლილი და შემწვანებული. ეზოში იდგა გასათიბათ დამზადებული ბალახი, რომელიც მინდვრის ყვავილებით წითელ-ყვითლად შექრელებულიყო და მზიარულად ბიბინებდა ყოველ ნიავის შემოქროლახზე. მრავალ-ფეროვანი ყვავილებისაგან და ახლად განარებული თვის ვარდებისაგან ისეთი შეენიერი სუნნელება იდგა. სამოთხის არეს მოგაგონებდა. ერთგან ქიშკარი, ურთხვის ხის ანაგები. სისხლის ფრად ლაპლაპებდა. ხუთი თვალი ოდა შუა ეზოში ამართული, ახლად გადაქედილი და წითლად შეღებული უზარმაზარ სოკოწითელს მოაგონებდა კაცსა. ოდის მახლობლათ დაედგათ საჯალაბო სახლი, ბოსელი და ორი სასიმინდე; იქვე ძველი კა ამოეწმინდათ და თავზე თლილის ქვის გვირგვინი მოედგათ. პირველ ორ დღეს ბახვა დილიდან საღამომდის ადგა თავზე მუშებს და დიდ სიამოვნებას სცდიდა. როცა მის თვალწინ მისი მამული შეენიერდებოდა; ყოველივე დაათვალიერა და, რაც რამ აკლდა. იმის გაკეთებაც დაუბარა თავის მოურავს; მერე ფული გადასცა მუშების გასასტუმრებლად და წავიდა აბაშისა და ტეხურის ხეობაში ახალ-მოქრილი კუნძების სანახავეთ. ახალმა ოჯახმა გული გაუნათლა. გზაზე მას იგონებდა და მზიარულებდა. რაც იქ იმან ნახა. მართლაც დიდებულ თავადიშვილს ეკადრებოდა. თავის ყმაწვილობაში ბევრგანყოფილა: დადიანების, მხეიძეების, წულუკიძეების ოჯახებში. მაგრამ არც ერთს იმათგანს არ ჩამოუვარდებოდა მოწყობილობით მისი ახლად შექმნილი სახლ-კარი და მიწა-წყალი. რაკი იერემიას საქმე თავიდან მოიცილა, თავის თავს ბედნიერად რაცხდა; მხოლოდ მის ბედნიერებას გვირგვინის ერთი მშვენიერი, ცაებრ განსხივებული ძვირფასი თვალი აკლდა. რომლის შუქიც დღე-ღამე იმის ოჯახის მნათობლად უნდა ყოფილიყო. ვინ უნდა ყოფილიყო. ან და რა. უნდა ყოფილიყო ეს პატროსანი. თვალი? ვინც იმ წუთას ბახვას შინაგან ფიქრებს დაუკვირდებოდა, ყველა

მიხედებოდა, რომ ის უნდა ყოფილიყო მისი ესმა, ამ ქალის ჯავრი ბახვას არ ასვენებდა. სადაც უნდა ყოფილიყო, მისი სახე ბახვას არ შორდებოდა. მისი ცოცხალი სურათი ბახვასათვის ის იაგუნდის კვერცხი იყო, რომელიც მზეკბუჯს წინ უგორავდა, სდევდა და ვერ დასწეოდა. აი ამ წუთას ბახვა შედიოდა მდინარე ტეხურის პირად: ხშირი დობილო გზას უჩრდილავდა და სიციხეს არ აკარებდა. ცალი მხრით ტეხურის მსუილი ართობდა, მეორე მხრით ალვის ხის ტალავარი, რომელიც მესრად ჰქონდა შემოყოლებული ხშირ მოსახლეთა სახლკარს; იმათში რამოდენისამე თავადიშვილის ეზოებიც იყო. ზოგან შაშვის სტვენაც ისმოდა. ზოგან წყლის პირად თეთრი ყანჩა წამოუფრინდებოდა წინ, ხან მისი შავი მერანი დაიფრუტუნებდა. თითქოს ჩქარის ნაბიჯის სიარულით მოღალუღიყოს და ღონის მოკრეფასდომოდეს. ხან-და-ხან მის აფხაზურათ დაწულ ტყავის მათრახს გაუხდებოდა ტკაცანი შავი მერნის გვერდებზე. ცხენი ყალყზე დგებოდა, წინ გახტებოდა და ამრიგათ ართობდა თავის მხედარს. მაგრამ არც ეს შვენიერი, დიდებული ბუნება, არც ტეხურის მსუილი, არც თვით მისი შავი ბედაურის ამაყი ტარება და შემაქცევარი გახტომ-გამოხტომა არ ავიწყებდა ესმას სინარჩარეს, რომელიც ამ დროს მის გონების თვალებს თილისმის კვერცხივით წინ მიუგორავდა. მას მუდამ თვალ-წინ ედგა ესმას ლაზათიანი თამაში, მისი მერცხლისებური ნაეარდობა, მისი მწყერული გოგმანი, მისი სირინოზის ხმა და ჩონგურზე განაზებით დამღერება. ამ ფიქრებში გართობილმა ბახვამ ცხენს სადავე სრულებით მიანება; იცოდა, რომ მის მერანს გზა არ დაეზნეოდა, ამ ხეობაში ხშირათ იყო ნასიარულევი. ცოტა ხანს შემდეგ მის ხალისიან ფიქრებს შემოერია სამძიმოცა. ბახვა დაუკვირდა იმ დღის იერემიას უტიფრობას. „როგორ გაბედაო, — იფიქრა გულში, — ცეკვაში ხელის წელზე მოხვევა მისი? ვაი, დედაო, რატომ ფერდში არ ეკარი ხანჯალი!“ ჯერ იმ ერთ ხიფათსაც არ გადარჩენილიყო და ახლა ისე გააბრაზა ამ წარმოდგენამ. რომ იმას ნანობდა, ცოცხალი რათ გადაეარჩინეო. „ნუთუ იმას უფლება ჰქონდა რამე ესმაზე? ვინ იცის!.. იმ დღეს აკი ჩემმა ძმის-წულმა შიამბო, ესმა ერთხელ იერემიას დაუჭერია, როცა ის სახლში მიწავალა. და უკოცნიაო. მე მაშინ ჩემ ძმის-წულს გაეუწყერი, მეორეთილარ სთქვა მაგისთანა სიტყვები-მეთქი. ეგ შეუძლებელია, რომ მომხდარიყოს-მეთქი, კორს ნუ აყვები-მეთქი. იმან ჩაიციწა და გაჩუმდა. ვინ იცის, იქნება, მართალიც იყოს, იქნება, იერემიას ესმასთან რამე კავშირიც დაეჭიროს!.. აბა, ასე უტიფრად როგორ მოეკიდებოდა ახლგაზდა, უცხო ქალს, იმისთანა სიტყვებს როგორ ეტყოდა, რაც თქ იერემიამ წამოროშა?!; აბა, არ შეიძლება! ესმას უმანკო სახეს

ამისთანა უზნეო მოქმედება არ ეკადრება და ვერც მოახერხებს. იერემიასთვის სულ ერთია: ვინც უნდა ნახოს, ნაცნობი, თუ უცნობი, თუ კი მოეწონა, ყველას აგრე უტიფრად ექცევა.... თუ ასეა, მაშ იმ შემთხვევის შემდეგ ესმასთვის კიდევ უფრო საჭიროა ჩემი მფარველობა. ვინ იცის, უკაცურს, ქვრივ-ობლის ოჯახს რა დაემართება! მეტადრე პირველ მისობის ჯარიანობის შემდეგ, იერემია განზრახ ეცდებოდა რამე სისაძაგლის მოხდენას. სხვა რომ არა იყოს-რა, მარტო ჩემი მტრობით იზამს. რასმე უსინიდილობას!“... ამისთანა ფიქრებისაგან თან-და-თან უფრო შეეკმუხენა სახე ბახვა ფულავას: მისი გონება აიძვრა. შავი სისხლი თვალებში ჩამოწვა და ახლო რომ შეეხებოდა ბახვასთვის კაცს, ასე იტყოდა, ან ვინმე მახლობელი უნდა მოკედომოდეს, ან დიდი რამ ბოროტება უნდა ექნასო. მზე დასაველეთისკენ დაიწურა, აგრილდა. შავს ქვიბიის მთებს ნისლი გაეკრა და ეს ნისლი თან-და-თან ქვევით იწეოდა ქაჩხურის სივიწროვეში, საიდგანაც ქაჩხურის ხევი მოაჩხრიალებდა თავის ანკარა წყალსა. ამ დროს ბახვას ცხენიც ჩაეიდა ტეხურში, გზაც იქით მიყვებოდა, მაგრამ ცხენმა ფონს ველარ უსწორა. ჯერ ისმოდა წყლის შხაპუნე. მერე ქვებზე ცხენის ფეხების გრიალი, უცბათ წყალმა ცხენს გვერდზე მოუსვა პირი; ამ დროს ცხენმაც მაგრად წაიფორხილა; ბახვა მხოლოდ ცხენის წაქცევის შიშმა გამოარკვია შავის ფიქრებისაგან. იმან სადავე მაგრად დაუჭირა, მათრახი შემოკრა, ცხენი მოსჭიმა და უცბად გააგდო მეორე ნაპირას. მერე კრა ქუსლი, ერთი ეწრიანი ბეგი შეარბენინა და ტყის პირად ლილო მინდორზე კარებთან მიაგდო. აქ ეყარა მრავალი კაკლის კუნძები. შორს „იშ“, „იშის“ ძახილი ისმოდა და აჩეჩა ურმების კრიალი. ეტყობოდათ: მუშები კუნძების ზიდვაში იყვენ. ბახვამ მიაგდო ცხენი ფაცხასთან, რომელშიაც ცეცხლი ენთო და კარდლით*) ლომი იყო კაკვზე **) ჩამოკიდებულნი. ეტყობოდა, ვახშამს ამზადებდენ.

ფაცხიდან გამოვიდა ერთი მუშა ბიჭი, რომელიც ვახშმის საკეთებლათ დაეტოვებინათ შინ.

— მოდი, ცხენი ჩამომართვი, — ბრძანების ხმით უთხრა ბახვამ — სხეები სად არიან?

— კუნძებს ზიდვენ, ბატონო. აგერ, კიდევ მოდიან, ურმების კრიპინი და ხარების რეკა მოისმის.

— აქ მახლობლად თხის ჯოჯი არსად დგას?

*) კარდალი—აწაწა სპილენძის ქვაბი.

**) კაკვი—ხის საქვაბე.

— კი, ბატონო, მეგრელები გახლავთ ქვეყნით ქაჩხურის პირად დაბინავებული.

— აბა, შენს გაზდას. ეს სამი მანეთი მიეცი და ერთი კარგ-ერკემალი ამოიყვანე, ამაღამ დაგვიკალი, ზოგი მოხარზე, ზოგი შეწვი — მუშები მომშეული იქნებიან.

დაბინდა. ის იყო ცხენიდან გადმოხტა ბახვა და მისმა ნოქარმაც შემოატანა.

— ოჰ, ბეკოიას გაუმარჯოს!

— ღმერთმა გაცოცხლოს.

— როგორი მუშაობა გაქვთ?

— დაეხოცეთ, ბატონო, მეტი აღარ ვართ: ზოგან სულ არ არის გზა, ზოგან ისეთი დაღმართებია, რომ კუნძი გადმოგვიგორდა, ხარს წელზე დაეცა და წელი მოსწყვიტა.

— კუნძები თუ მაინც კარგები გამოვიდა?

— კუნძები კარგებია. ზოგი იმისთანა სხვილია, თითოს თითო უღელი კამბეჩი ვერ ზიდავს ბარის გზაზე.

— გაათავეთ. თუ ჯერ კიდევ ბევრი გაქვთ სამუშაო?

— ბევრი აღარა გვაქვს-რა. ჩამოვზიდეთ, მარა გვეყო. დავწყდით მეც და მუშებიც; ტყეში ფხლარწუნით ტანისამოსი აღარ შევჩჩა. დაგვჩჩა ერთი ოცი კუნძი ტენსურის ხეობაში, მაგრამ იმა-საც მალე ამოვიტანთ. თუ დარები გვექნა, ამ ორ კვირას მათხოჯს ჩამოვზიდავთ. მერე კი უნდა მოგვაშველოთ ხარ-ურმები.

— მაგის დარდი ნუ გაქვს. ოცდაათ უღელ ხარ-კამეჩს დაგახვედრებთ მათხოჯს.

— კარგი დაგემართოს, — დააბოლოვა ბეკოიამ.

ბახვას გულში იამა ამისთანა სიმდიდრის ხელში ჩაგდება. თვითონვე ხედავდა, რომ კაკლის კუნძები ძალიან მოზდილები იყო. მოასწრო კიდევ ბნელაში ოთხმოც კუნძამდის დათვლა. ეს მთელი სიმდიდრე იყო მისთვის. — ჩავიტან თუ არა ამ კუნძებს ფროთში. მაშინვე მიეყიდი ბერძნებს, ნახევარ ფასს წინდაწინ გამოვართმევ დამაშინვე ესმაზე დავიწერ ჯვარსაო. — თქვა გუნებაში და გამსიარულდა.

— აბა, ბეკო, ერთი კარგი ერკემალი დაგვიკალი ამაღამ. უნდა მოვილხინოთ, მუშები დამშეული იქნებიან.

— ის კი არა, ბატონო, ტყავი გაძვრათ ხელებზე საწყლებს. ძალიან ჯაფაში არიან და ფულიც დაუგვიანდათ.

ხვალვე დაგუთვლი ყველას ჯამაგირებს. ამაღამ არაყი ხომ გაქვს? ღვინო ხომ არ გამოგლეცია?

— ლეინო კი გამოძელია. მარა არაყი მაქვს კიდევ ნახევარი ვედრა.

— არა უშავს-რა ვასვით მუშებს ამაღამ. მე ხვალ წავალ და ამ კვირაში ყველაფერს ბევრს გამოგიგზავნი.

— კარგი დაგემართოს.

იმ ღამეს ძალიან კარგათ შეექცენ. მუშებმა ბახვას სადღე-გრძელა დალიეს, „კუჩხა ბედნიერიც“ ბევრი იმღერეს. ბახვა ცდილობდა მოლხენით ყოფილიყო, მაგრამ ხან-და-ხან სახეზე მოწყენილობა მაინც გადაკრავდა. იმას ძალიან ჩაებეჭდა გულში ესმა-დარდი. რაც უფრო ხანი მიდიოდა, ისე უფრო აფიქრებდა ბახვას ერთი რამე: „ღმერთი არ გაუწყურეს იერემიას, იმ გაბრაზებულ გულზე ესმა არ მოიტაცოსო“. იმ ღამეს თითქმის ჯავრით აღარ დაუძინა. მეორე დღეს ალიონზე წამოვარდა ზეზე. ბეკოც გააღვიძა, ცხენი შეაკმაზინა, მუშის ფულები დაუთვალა, საკუთარ სახარჯოთაც დაუგდო ორი თუმანი, შეჯდა ცხენზე და გამობრუნდა ისევ ფოთისკენ.

XXVIII.

სალომე ძალიან ყურადღებით კრებდა ყოველნაირ ამბებს. რაც კი ბახვას შეეხებოდა. მის წასვლის შემდეგ სალომემ თითქმის მთელი ფოთის ქალაქი შემოიარა. ნაცნობსა და უცნობს ყველას ზერემიას ამბავს ჰკითხავდა. უნდოდა შეეტყო, ძნელი ხომ არა იყო-რა იმის კრილობაში, ან საქმე ხომ არ ატეხილა რა გამოსადიებელი. ერთხელ პოლიციაშიაც შეიხედა და იქ ნაცნობ პოლიციელს საიდუმლოთ გამოჰკითხა იერემიას კრილობაზე. პოლიცისს ხომ არაფერი მიზეზი გამოუძებნა-რა ბახვასთვისო.

— „რაებს მკითხავ, ქალო? უპასუხა აგდებით პოლიციელმა. — მას აქვთ მე კიდევ დაეზერდი. ვის ახსოვს, ან ვის რა დარდი აქვს, სადღაც ესადნიკს ჩინდარი შეესო ფეხში! იერემია ისე დადის დრუჟინაში როგორც უვლია! ეს კი, გავიგონე. ვითომ იერემიას დრუჟინაში აღარ აყენებენო; დამოყნის მთავრობას აზრო აუღია, რომ, რაი იერემია ფოთში გაჩნდა, კონტრბანდის შემოტანამ იმატაო. დამოყნის უფროსს წინადადება მიუტია. ან ეგ ესადნიკი დაიბნოვეთ სამსახურიდან, რომ მისი ფეხი ფოთში აღარ იყოს, ან ლაგირიდან ნულა გამოუშვებთო. თვითონ დრუჟინის უფროსს უთხოვნია მისი გამორიცხვა, როგორც ცუდი ყოფაქცევის კაცისა. ვინ იცის, აწი საქმე როგორ გათავდება? ეს კია, რომ იმას

ფოთში აღარ დააყენებენ.“ ამისთანა ამბებით გახარებულმა სალომემ შეუხვია შვილის სანახავათ მადამ სალისთან და ეს შეტყობილი ამბები ყოველივე მოუყვა. ესმას იამა, რადგან თვითონ ძალიან ეშინოდა მისი; მეზობლებისაგან ხშირად მოსდიოდა რჩევა, მარტო ნუ დადისარ ფოთის ქუჩებში; ნამეტურ საღამოობით, თორემ იერემიას დაუქადნია შენი მოტაცებაო. „ნეტაი მალე გადაიყვანდნენ აქედან მაგ საძაგელ კაცს: როგორც სიკვდილი, ისე მეზარება მისი თვალით დანახვა, იმ ურჯულო-არაწმინდასი! საზიზღარია“... — გულის არევით ამბობდა ესმა. იმ ერთ კვირაში თითქო სულ გამოიცვალა. უწინდელი უმანკო და უდარდელი სახე სულ სხვანაირათ შეეცვალა. მის დიდრონ თვალებს რაღაც საიდუმლო ბრძოლა და ცხოვრების ქირგადახდილობა დაეტყო; თვალის უბეები გარშემო უფრო მიეზნიდა. თითქოს ფიქრისა და უძილობის გამო. მისი ტუჩები შეიკრა, ზედ უარდი აღარ ეშლებოდა და აღარც მარგალიტებს ისხამდა. მთელ მის სახეს მოწყენილობის დაღი დაეკრა და ბრძნული გამომეტყველება მიიღო: მისი დაკრძალულნი ბაგენი უსიტყვოთაც თითქოს ამას გეუბნებოდნენ: „რაკი გულში ერთი რამ ამოვიქერი და ერთი ვსთქვი: იმას აღარ გადავსთქვამო.“ ისეთი სამძიმო რა მოხდა მის ცხოვრებაში, ან ისეთი რა იყო, რომ ამისთანა დიდი ცვლილების ბეჭედი დააჩნდა მთელს ესმას არსებებს? ეს იყო მისი პირველი გულის შეტოკება, რომელსაც. მისი ფიქრით, არ თანაუგრძნეს. აი, ამის გამო მის სიყვარულის კუკურს მოხვდა მარტის ყინვა, რომელმაც უდროოთ დასძრა და დართვილა იგი. ესმას ღრმათ აღძრული გულის თქმანი ძალიან მიემსგავსებოდნენ ტყის ძღარბსა (ბუძვა), რომელიც, დიდის კრძალვით გამოყოფს თუ არა წინა ფეხებს სასიარულოთ, უეცრივ დაფრთხება მოულოდნელი ფოთოლთ შრიალითა და ისევე შეიკუმშება თავის ეკლიან სამოსელში...

მადამ სალი სიყვარულით და მოწიწებით გამოეგება სალომეს. თუმცა ის ძალიან ცუდათ ლაპარაკობდა ქართულს, მაგრამ მაინც გულმა არ მოუთმინა და ფრანგული გატაცებით აცნობა მას ის აზრი. რაც ესმას მისთვის გადაეცა. „ჩვენ ერთათ... ერთათ... ერთი ქვარტირა... ერთი მოსამსახურე: ძალიან კარგი, ძალიან... შენი ქალი ჩემი ქალი... შენ დედა, — მე დედა... ეს ჩვენი შვილი!“ — უჩვენა თითოთ ესმაზე.

სალომე ყველაფერს მიუხვდა, რადგან ესმას წინდაწინვე ჰქონდა ნათქვამი; რომ მადამ სალის შევეუამხანაგდები კერვაში და ერთათ ვიდგომებითო. ამ აზრმა მაშინაც მხიარულების ჟრუანტელი მოგვარა სალომეს, როცა პირველათ უთხრა ესმამ; მაგრამ, როგორც

ქირში გამოვლილ ადამიანს სჩევია, არაფერი სჯეროდა. როგორ წარმოიდგენდა, თუ მადამ სალი, რომელიც ასე კარგათ სცხოვრობდა და კარგი შემოსავალიც ჰქონდა, მის საწყალ შვილს გაუზიარებდა თავის საქმეს.

— მე ბებერი, შენი ქალი ახალგაზდა. მე შინ დაჯექი... — ეგ გარეთ იარე... ფული ბევრი... ბევრი... ჰა. ჰა, ჰა, ჰა!... — გადინახარა მადამ სალიმ სიამოვნებით. სალომესაც გაეცინა, ერთი იმის გამო, რომ წინ დამყუდრებულს ბედნიერ ცხოვრებას მოელოდა. კარგა ხანს დარჩა მადამ სალისთან, ერთი ფინჯანი ყავაც დალია, მერე გამოეთხოვა. გაკოცნა თავისი შვილი, მადამ სალიცა და დაბრუნდა შინისაკენ სრულებით ბედნიერი.

თუმცა ესმას გარეგანი სახე გაბრძენებული და დაწყნარებული ჰქონდა, მაგრამ მისი შინაგანი არსება სულ სხვანაირათ წარმოებდა: იმდენი განუსაზღვრელი უსიამოვნო, უჯერი წადილი და გულის თქმანი დახვეწილად თავზე. რომ სულ გზა დაებნიათ. არ იცოდა, რა ექნა, რა გზა უნდა გაეკვლია მომავალ ცხოვრებისათვის; რაც უნდა წარმოედგინა, არაფერს არ ჰქონდა მის გონების თვალში ნამდვილი ღირსება და სიხალისე. „არ ღირს ცხოვრება“, წამოიძახებდა თავისთვის ნაღვლიანათ. „რისთვის, რა არის ამ ქვეყანაში კარგი?.. არაფერი; მუდამ მტრობა. ერთმანეთის დაუნდობლობა! გულახდილათ ვერავისთან გილაპარაკნია. ვერავისთან გაგიმელავენებია შენი გულის წადილი. ასე გაგიგონია? ყველა შენ დაგცინის, უნდა შენი მარტივი გონების გულის პასუხი შეიტყოს და მერე უწყალოთ გაქელოს. რა ღირსება აქვს ჩვენს სიცოცხლეს, როცა ერთი გულითადი მეგობარიც ვერ გიშოვნია! სწორეთ არ ღირს ცხოვრება იმ ნემსის ყურწის სიფართო მხიარულებისათვის, რომელიც ჩვენს მწუხარე ცხოვრებას გამოერევა“. ამისთანა ფიქრები აღეძრა მას აქეთ, რაც გულში გადაიწყვიტა: „მე ჩემის შრომით და ხელსაქმით უნდა გავიტანო თავიცა და დედაჩემიცაო“. მაგიერათ, ამ გადაწყვეტილების შემდეგ, უფრო გაუტკბა ესმას თავის დედის სიყვარული. დაუწყო დედას აღერისი და სიყვარული. ხშირათ გამოკითხავდა ზოლმე მის ვაისა და ვარამსა. მისთვის ერთათ-ერთი სანუეგზო ესლა დარჩენილიყო ცხოვრებაში: მშობლის პატივისცემა და იმის ბურჯათ ყოფნა. მაგრამ მისი ამისთანა მოქცევა დედას ძლიერ აუჯარებდა. იმას სიზმრათ გადაექცა ამ ბოლო დროს შვილის ასეთი ქალაჩუნობა. ცხოვრებაში კარგათ არ ჰქონდა დაცდილი ამისთანა ამბავი. „განა შენიანის სიყვარულის მომატება მის მალე დაკარგვას ნიშნავსო!“. ამიტომაც დაუხშირა ღმერთს ვედრება; თავის ლოცვებში მუდამ ასე ამბობდა: „ღმერთო, უბედურება ამაშორეო“.

მეორე ძვირფასი და მუდამ გულიდან ამოუცილებელი არსება იყო სალომესთვის ბახვა ფულაეა. მუდამ იცოდა თავის მეზობლებში და ნათესაებებში იმაზე ლაპარაკი; ნამეტურ ესმას რომ ნახავდა, არ შეიძლებოდა, ბახვაზე არ ჩამოეგდო ლაპარაკი. „შვილო ესმა! გახურებულის სახით მიმართა ერთხელ სალომემ, მადამ სალისთან რომ იყო, — ბახვას მთელი ერთი თავადიშვილის ყოფაცხოვრება და მიწა-წყალი ჩაუგდია ხელში!.. თურმე შეენივრათ მოურთავს ეზო — გარემო! ისეთი ოდა გამოუჯგიმავს, რომ არც ერთს დადიანს არ უდგასო მისთანა. ღმერთმა მისცეს“. — იმას ეგონა. ესმას ძალიან აამებდა ბახვას სიმდიდრით; მაგრამ ესმამ კიდევ უფრო მოიწყინა; მის გულს ყოველი სიტყვა ბახვას შეძენაზე და მის ახალ სიმდიდრეზე მდულარე წვეთებათ ეცემოდა. იმას ერჩია, ბახვას ტანმრთელობასა და მარჯვე ხელებს გარდა არაფერი ბადებოდა, მაშინ იქნებოდა ესმა ბედნიერი; მხოლოთ სამეგობროთ. ახლა რა! ბახვა მისთვის დაკარგულათ ითვლებოდა. ყოველი მისი მომეტებულნი მანეთის ქონება ბახვას უზომოთ აშორებდა ესმას. ამისი აზრით, არაფერი საერთო არ უნდა ყოფილიყო იმასა და მდიდარ ბახვას შორის. ის კი არა, ნატრობდა კიდევ: რომ ბახვას შეეწყვიტა დედა-მისთან სიარული. თუმცა ეს ასე იყო. მაგრამ მის თავს ბახვაზე ფიქრები მაინც არ სცილდებოდა. ეს იყო რალაც განუყველველი სულის მტანჯავი შავი ფიქრები, რომელნიც ასე აცარიელებდენ და ამარტოვებდენ ესმას გულს და მის ცხოვრების შინაარს.

XXIX.

ლამის თერთმეტის ნახევარი იყო, როცა ფოთის მახლობლათ მატარებელმა დასტვინა. ბახვას კანტორაში ჯერ კიდევ არ ეძინა მის ძმისწულს. მატარებლის ხმა რომ გაიგონა, უნებურად წამოიძახა: „იქნება, ბიძა-ჩემი მოვიდაო!.. ძალიან დააგვიანდა, ამდენ ხანს ჯერ არ დაჰგვიანებია. ვინ იცის, რა უჭირს!... თუ ამაღამაც არ მოვიდა, უსათუოდ უნდა მივაკითხო. ცოტა ხანს იქით დაიწყო ეტლებმა რიხინი. ერთი მათგანი უცბათ გაჩერდა კანტორასთან და თა თან მოისმა ხმა: „ბოშო!... ვინა ხარ შინ? — კარი გამიღე!“ ბახვას ძმისწულმა ხმაზე იცნო თავისი ბიძა. ახტა უცბათ, გააღო კანტორის კარი და უპასუხა: „მადლობა ღმერთს, ძლივს არ მოხვედრი? ამაღამ კიდევ გიყურებდით და მერე მე თვითონ ვაპირობდი წამოსვლას შენ საძებრათ. ვინ იცის, ცუდი დროა, ეშმაკს თვალი არ უჩანს...“

ბახვა რალაც გარეწრათ მოექცა თავის ძმისწულს, უთხრა სურჯინი შეატანინეო: თვითონ შევიდა კანტორაში, სუფრაზე დაუ-

წყობა რაცლას ძებნა. ეგონა — წიგნი იქნებოდა სალომესი, რომელიც შეუცხადებდა მას რაიმე უბედურებას. მაგრამ წიგნი ვერა ნახა-რა. ერთხელ კიდევ გადაავლო თვალი სუფრის გარშემო. მერე კი გაბედა თავის ძმისწულთან საუბარი.

— ფარნა (ასე ეძახდნენ მის ძმისწულს), როგორ ხარო?... ფოთში რა ამბავია?

— კარგი. ჩვენი სიმინდი მოვიდა, ასე. ათ ნავამდის. სხეზბიც მოდიან.

— შენ ეს მითხარი. — მოუთმენლად ეუბნებოდა ბახვა. — უბედურება ხომ არავის შემთხვევია ფოთში, ან ხომ არავენ მომკვდარა, ან თუ სხვა შესანიშნავი რამე ამბავი ყოფილა ჩემ შემდეგ მთხარი, ნურაფერს გამოტოვებ, ამოდენა ხანია არ ვყოფილვარ. ჩემთვის ყოველივე საინტერესოა.

— რა გითხრა, რაც არა მომხდარა-რა?

ბახვას უნდოდა სალომეს ამბის კითხვა. მაგრამ რაღაც ახირებული რამ ამრკოლებდა: უნდოდა კითხვა და ვერც ეკითხა; ცალკე ცუდი ამბის გაგონების ეშინოდა, ცალკე იმისი რიდი ჰქონდა. მე და მის ქალზე იქვი რა არ ჰქონდეს აღებული და არ დამცინოსო.

ფარნა კი თითქოს მიხვდა ნამდვილ მიზეზს და გაახსენა იერემიას დაქრილობა: იფიქრა, ალბათ ბახვას უნდა შეიტყოს პოლიციისა და სასამართლოში იმისა და იერემიას ჩხუბზე საქმე ხომ არ არის დაწყებული და კითხვის პასუხად ასე მიუგო: „იერემიას გამო არასფერი ამბავი აღარ ისმის. ეშმაკსა და ჭაუჯს კრილობა რას უზამს! თურმე, მესამე დღეს სამსახურში წავიდა და. რომ ჰკითხეს. ჩხუბი რათ მოახდინეო. თურმე უარი სთქვა. — რომ დაგქრესო?... — არც დაეუქრივართ და ხელიც არავის უხლია ჩემთვისო. — იმის გამო არაფერი ამბავი აღარ ისმის, პოლიციასაც დაეწყებული აქვს.

სანამდის ამას ლაპარაკობდა მისი ძმისწული. ბახვას საშინელი გულის ძგერა მოსდიოდა. ეგონა. აი აგერ იტყვის. იერემიამ ესმა მოიტაცაო და აი აგერ...

რაკი ამაზე ფარნამ აღარა თქვა-რა, გული დაუამდა. — მადლობა ღმერთს. ყოველივე კარგათ უნდა იყოსო. — იფიქრა გულში. შემდეგ ჰკითხა ფოთის ვაჭრობის ამბავი. სიმინდის მაზანდა და სხვა ამისთანები. მისმა ძმისწულმა ყოველივე დაწვრილებით უამბო. ამ ლაპარაკში შუალამე შემოეპარათ. ბოლოს მოისვენეს. მისმა ძმისწულმა ტკბილი ძილი გამართა, ხან-და-ხან ცხვირის ნესტოებიც სტვირსაც უკრავდა. არ ეძინებოდა მხოლოდ ბახვას. იმ ღამეს ბახვა

სულ ესმაზე ფიქრობდა; სული მისდიოდა, სანამ სალომეს და ესმას ნახავდა; მის დღეში ამისთანა მოუთმენლობა მას არ შემთხვევია. სულ თვალწინ უდგა იერემიას აეკაცობა, მისი დამუქრება, მისი უზნეო გულის თქმანი. რომელიც ჟინის მოსაკლავათ საკუთარ დასაც არ დაინდობდა. — ვინ იცის, იქნება, ამაღამაც ჰქონდეს მას მოწყობილი საქმე ესმას მოსატაცებლათ! — ამისთანა ფიქრებით გაბოროტებულ ბახვას მხოლოდ მეორე მამლის ყვირლზე მიეთვლიმა; სულ ძილში არ იყო, რალაც ძილის ბურანი თავსდახვეოდა; გრძობდა, მის გარშემო რაც ხდებოდა ოთახში, ან მისი ძმისწული სად იწვა, ან როგორ ხვრინავდა; მაგრამ ამასთანავე თავიც ისე დამძიმებოდა, რომ ვერ გამოჩვეულიყო, ძილში იყო, თუ ღვიძილში. ამ დროს წარმოუდგა, ვითომც იერემია თავის ამხანაგებით მიიპარება ლამის ბინდში სალომეს სადგომისკენ. აი, აგერ მიუახლოვდა სახლს. პატარა ოთხ-შუშინან ფანჯარაში სანთელი ანთია; ფარდა ჩამოშვებულია; ფარდას იქით ლანდი იხძრევა. ბახვამ ცხადათ იცნო ამ ლანდზე ესმას წერწეტი ტანი. იერემია მივიდა ფანჯარასთან, ხელი დაუკაკუნა. ცოტა ხანს იქით გაიღო ფანჯარა. რას ხედავს ბახვას თვალეში?!... ესმა გადმოიხარა ფანჯრიდან, იერემიამ შემოხვია გულ-მკერდზე ხელები; გადმოიყვანა და მოჰყავს ღამეში. ბახვა ხედავს ამას ყველაფერს. უნდა გამოეკიდოს, მაგრამ მუხლები ეკვეთება; რვეოლვერი ამოიღო. შეაყენა ზედა ფეხზე, უნდა დააცემინოს. მაგრამ ჩახმახი არ ეცემა. რა ქნას?!.. ამაზე უფრო უბედური მდგომარეობა განა იქნება კიდევ? შენს თვალწინ შენი მოსისხლე მტერი გტაცებდეს საყვარელს, გატენილი დამბაჩა გქონდეს ზედა ფეხზე შეყენებული, გინდოდეს გასროლა; მტრის მოკვლა, მაგრამ დამბაჩა არ ვარდებოდეს!.. მტერს კი შენი საყვარელი მიჰყავს, გშორდება. სასოწარკვეთილებისაგან გინდა დაიყვირო: მჰ... მჰ!... ჰეი!... მართლაც ამ დროს ისეთი ამოიბლავლა, ბახვამ სიზმარში, რომ თვითონაც გაიღვიძა და ძმისწულიც გააღვიძა. რომელიც წამოვარდა ზეზე გაფოცებული და შესძახა: „ბახვა. შენ ხომ არ დაგიყვირიაო?! ბახვამ დარცხვენილი ხმით უპასუხა:

— კი. მგონია. მე დავიყვირე!... ეს ოხერი სისხლი მომეწვა ყელში: კინალამ დამახრჩო. მაჯლაჯუნას რომ იტყვიან, სწორეთ ეს უნდა ყოფილიყო. ფარნა გადაბრუნდა და ერთი წამიც არ გასულა, ისევ ხვრინი ამოუშვა. ბახვა კი ადგა, თითქო დასარწმუნებლათ, ის შავი სიზმარი მართალი იყო, თუ არაო. გავიდა გარეთ. ალიონი მოტანებული იყო. აღმოსავლეთისკენ დილის ვარსკვლავი სასიამოვნოთ გამოკიაფობდა; მამლები მესამეჯერ ყიოდენ; შორს ზღვის ქოთვა ოდნათ ისმოდა. კანდელის წითელ-ყვითელი სინათლე ზოლ-ზოლად

იბნეოდა რიონში და მრავალნაირათ პრიალებდა. — რა კარგი ტკბილი ღამეა, ღმერთო! შენს მოწყალებას კაცი არა ღირსა? — ამ სიტყვებით პირჯვარი დაიწერა ბახვამ და შებრუნდა ისევ ოთახში. მტკიცეთ გადასწყვიტა: „ხვალ დილით ადრიანათ უსათუოდ ენახავ სალომეს, გამოვეუცხადებ ჩემ გულის წადილს და ნიშნისაც გადავსცემო. მე თუ ასე არ მოვიქეცი, ფიქრები დამაბნევეს. მეტი მოთმინების თავი აღარა მაქვს. ვინ იცის, კაცს მტერი არ მოეშლება. ამდენ ყოყმანში შეიძლება უბედურებამ წინ მიმასწროს. გადაწყვეტილია. ხვალ უნდა დავნიშნო ჩემი ესმა“. ამ ფიქრებს შემდეგ უცებ ჩაეძინა და, სანამ მზემ კარგათ არ მოიარა, აღარ გამოღვიძებია; მისი ძმისწულა კი დიდი ხანია ფეხზე იყო და საქმობდა.



ბახვას ნახვამ წარმოუდგენელი სიხარული გამოიწვია სალომესი. ის მეტის სიხარულისაგან ხელებს იცემდა გულში: „ღედა, ნანაია, შენ შემოგველოს სალომეს თავი! მე სასოებაც დამეკარგა. ვაი თუ ველარც ენახო — მეთქი. ხომ მშვიდობით ბძანდებით, ხომ კარგათ მოიარეთ?... ნანაია, ნანაია, რა მხიარული დღე გამითენდა!... ერთი სიტყვით, სალომე სიხარულათ გადაიქცა და თვითონაც არ იცოდა, რას შერებოდა, ხან ტაშს უკრავდა, ხან ხითხითობდა, ხან მარჯვენა ხელს თავზე ავლებდა, ვითომც იმის ნიშნათ, რომ შენი კირი წამილიაო. როდესაც ამ პირველმა წამმა მათის შეხედრისამ განვლო, ბახვა დაჯდა ტახტზე; სალომე მაინც ფეხზე იდგა მის წინ და ქყარტალობდა.

— ესმა რასა იქს?... კიდევ მადამ სალისთან მუშაობს? — ჰკითხა ბახვამ.

— ღედა, ნანაია! ჩემი ესმა ახლა ქალი შეიქნა. ქალი?

— როგორ თუ ქალი! — შეკრთომით გაიოცა ბახვამ.

— ქალი, აბა, ქალი! გაუმეორა სალომემ. — ის ახლა მადამ სალის ამხანაგია. იმათ სამკერვალო ერთათ აქვთ. სახლიც ერთათ გვინდა დავიჭიროთ. მადამ სალიმ ესმა, როგორც საკუთარი შეილი. ისე შეიყვარა. ესმა ივლის ზომების ასალებათ; შინ ვინც მოვა. იმათგანაც ესმა მიიღებს საკერავებს, და რაც შემოუვათ, ერთათ გაიყოფენ. პირველათ ესმამ მისცა მადამ სალის ამის აზრი, და ისიც დათანხმდა. რომ ნახო, ველარ იცნობ ჩემს გოგონას, იმისთანა კარგი ქალი დადგა ამ ორ-სამ კვირაში. სულ გამოიცვალა, დაბრძენდა! დედაო. მეუბნება, მე შენ აღარაფერს გაგაკეთებინებ, შენ ქალბატონათ უნდა მყავდეო, მისი კირიმე, სულ ჩემ სიამოვნებაზე ცდილობს... მე აწი რაღა მიჭირს, ბახვა! ბედნიერი ვარ, ბედნიერი! — ბახვამ ცხვი-

ჩამოუშვა. თითოეული სალომეს სიტყვა ეკალივით ესობოდა გულზე. სრულებითაც არ მოსწონდა ესმას შეამხანაგება მადამ სალისთან. — რა კერვა, რის კერვა, ვინლაც გადმოთრეული ბებრუტუნა ფრანგის ქალი აგდია. სად მისი ამხანაგობა. სად ესმა? მე ჩემს, ესმას დილის. სიო არ მინდა მივაკარო და შუადღის სიტყვ; თვადონვილის ოჯახში მინდა ის გავადედოფლო, და ეს დედა-მისი რას რონავს! სულ გამოტყინებულა უბედური. უნდა ნემსითა და ლიანდაგებით ხელები დაუჩხვლიტოს. თვალეში სინათლე უდროვით გამოუშრიტოს!

— რას მოგეწყინა. ბახვა? განა არ გიხარია, ჩემმა გოგონამ რომ ამისთანა კარგი საქმე იშოვნა? თვითონაც ქალბატონურათი იცხოვრებს. ფულსაც შეიძენს!...

— რას მელაპარაკები. სალომე? მაგას შენგან არ მოველოდი: სადაური ქალბატონი, კერვით უდროვით წელი უნდო მოიწყვიტოს, ხელები ნემსებით დაიჩხვლიტოს, თითებზე ბებერები გაუჩნდეს, უდროვით თვალეების სინათლე დაიშრიტოს!... რას მეუბნები, ადამიანო? დედა ხარ: მიკვირს, როგორ არ გეცოდება შვილი! რათ გინდა. ის უბედური უდროვით საფლავში რომ ჩასდოს! დღეს რალაც ორი კაკალი მუშტარი უშოვნია მადამ სალის და, გგონია, ხვალაც ეყოლებათ. ორ წელს იქით შიმშილით მოკვდებით თქვენც და მადამ სალიც!

— რატომ. გენაცვალე; ბახვა! ჩვენ შრომის შვილები ვართ. შრომით უნდა დავრჩეთ. ღმერთი მოწყალეა, კარგ მკერვალ ქალს მუშაობა და მუშტარი არ გამოეღევა. ნამეტურ ხელსაწყო სამკერვალო მაშინებიც თუ აქვს გაწყობილი; მოდების ანგარიშები და მოხდენით გამოწყობა თუ იცის. მისი საქმე გაწყაზრებულია; ჩემი ქალი ამაში ძალიან დახელოვნებულია.

— კარგია, სალომე; თავი დამანებე, თუ ღმერთი გწამს, მაგებს ნუ გამაგონებ.

— მაშ რა? — გაკვირვებით ჰკითხა ბახვას სალომემ და სახეზე დააშტერა თვალეები.

— რა და ესმა ჩემი უნდა იყოს.

— როგორ თუ შენი? — კიდევ უფრო განცვიფრებით გაალო თვალეები.

— მე უნდა შევიერთო შენი ქალი.

ამ სიტყვებზე უეცრათ დაპა-ღუბით წამოუვიდა სალომეს ცრემლები თვალეებიდან. იმან შემოხვია ორივე ხელი ბახვას კისერზე: მიეკრა, თავით გულზე და ტირილით ეუბნებოდა: „შენ შემოგვე“

ღოს, ბახვა, ჩემი სიცოცხლე! ესმა. ერთი უბრალო მკედლის და ისიც სალდათის გოგო. შენი ღირსი როგორ გახდება? არა, არა. მაგას ნუ იზამ. შენისთანა კარგ ბიჭს, შენოდენი ქონებით, თავადიშვილი არ დაგიჭერს ქალს. ჩვენ ისე გვიყურე. როგორც ობლებსა და ტიალ-ობრებს! შენს მფარველობას ნუ მოგვაკლებ, ჩვენ მეტი არა გვინდა-რა. ჩემი ესმა შენი საკადრისი არ არის და ნურც გინდა: ავია, თავისნება გოგოა, ის შენი სასიამოვნო არ იქნება.

— ეს ჩემი საქმეა. მე უესმაოთ ცხოვრება არ შემიძლია; თავის მოვიკლავ. ის თუ არ შევირთე.

ამისთანა პასუხზე სალომემ ველარა უთხრა-რა, მხოლოდ ცრემლებით იბრჩობოდა. მაგრამ ეს არ იყო მწუხარების ცრემლი. ეს იყო ისეთი ნეტარი მდგომარეობა სალომესთვის, რომ. თუ არ ტირილით. სხვით ვერაფრით გამოსთქვამდა.

— კარგი, თავი დაანებე მაგ ტირილს! — უთხრა ბახვამ და მისი ხელები მოიშორა. — ახლა საქმეზე ვილაპარაკოთ. აი. ეს ნიშნები. მიეცით ესმას ჩემ მაგიერათ. მან განიერი ჯიბიდან ამოიღო ერთი მოზდილი კოლოფი, გააღო და ამოიღო ერთი სამაჯური. იაგუნდებით მოწყობილი, ერთი ოქროს საათი, ბრილიანტებით მორთული. და ერთი გულის ქინძისთავი, რომელსაც თხილის სისხო ზურმუხტი ჰქონდა ჩასმული.

ეს ძვირფასი ნივთები ბახვას დიდი ხანია გირაოში დარჩენოდა ერთის პოლკოვნიკისაგან. რომელც წერილი ცოლ-შვილის პატრონ-ყოფილიყო. სამსახურიდან დაეთხოვნათ. რუსეთს მინავალიყო და. წასასვლელი ფული რომ შემოკლებოდა. ბახვასთან მისულიყო და გირაოთ მიეცა ეს ნივთები. ამ სამ ნივთში ბახვას ესესხებია მისთვის ოცდაათი თუმანი. თუმცა თითოეული ნივთი ღირდა იმ ფასათ.

— რა ვქნა, არ ვიცი: როგორ ვუთხრა ეს ამბავი ესმას! — იმეორებდა სალომე. საშინელი თავისნება გოგოა. რაკი მადამ სალის ზეუამხანაგდა, გათხოვებას ველარ გაუმხელს კაცი.

ბახვას ესმოდა ეს სიტყვები, მაგრამ ყურადღება არ მიაქცია. რადგან ამას სულ სხვა ნაირათ ჰქონდა წარმოდგენილი ესმას გულის პაუხი. იმას არ დავიწყებოდა. პირველ მისის მისი მწვაეი და გულის გასაგმირი თვალების კვიტინი. იმ დღეს შემდეგ ბახვან ცხადათ დარწმუნებული იყო, რომ ესმას გული მას ეკუთვნოდა, მას აქეთ კი ისეთი არა მომხდარა-რა მისის აზრით ესმას ცხოვრებაში, რომ ცოტადნათ მაინც შერყეულიყოს ბახვას რწმენა.

სალომე, გათხოვ, ახლავე წახვიდე მადამ სალისთან. ესმას აცნობე ჩემი მოსვლა. ამ საღამოს შენთან მოიყვანე. ნიშნები ჩემს

მოსვლამდის არ გადასცე, ნურც რასმე გაუმხელ. საღამოს მეც მოვალ და ერთად მოვილაპარაკოთ. ჩემი ახალი სახლ-კარი მზათა მაქვს. რადგან ბევრი საქმე მაქვს, ბარემც მეჩქარება — ჯვარი დავიწერო და შინ დაგაბინაოთ. მე იქ უთქვენობით ბევრი საქმე მიხდება.

— კარგი, ჩემო ცხოვრებაე, ჩემო მოუფიქრებლათ ნახულო შეილო; როგორც შენ მიბრძანებ, ისე ვიქ ყველაფერს.

— შევიდობით, ნანა!

— ღმერთმა შევიდობა ნუ მოგაკლოს, ჩემო ნანაია!...

ამას შემდეგ ერთი საათიე ველარ მოვიდა სალომე თავის გონზე.

ეს უცებ ბედნიერება იმას სიზმარი ეგონა. მადამ სალის შეამხანაგება ამ მოულოდნელს ბედნიერებასთან ისე დაიჩრდილა მის გონებაში, რომ კიდევ რცხვენოდა, ასე როგორ აცერცეტა ორი გროშის შოენის იმედმა, რომ მართლაც ვილაე უგვარო და უფესვო დედაკაცთან უნდოდა შეამხანაგება და მისი ალალ ბედზე ცხოვრების გაზიარება. „დაიკარგოს იქით“, წამოიძახა გულ-გახეთქით სალომემ. — ახლაეე გაუიქცევი და მოვიყუან ჩემს გოგუცანას, ჩემს ქენქრეუდას. მე იმისთვის უკეთესი ბედი მაქვს ნახული. ახლა კი მჯერა, ზღაპარში რომ არის ნათქვამი: „ბედი მომეცი და თუნდ სანეხველაზე დამსვიო!“ ბედია ყოველიფერი, ბედი! ღმერთო, არ ღირსვარ შენს მოწყალებას. ამ სიტყვებს შემდეგ, სალომემ სამჯერ გამოისახა პირაგვარი, აილო ნივთებიანი ყუთი, ჩაკეტა თავის ზანდუქში. მოისხა შალი, ბიჭი შინ დასტოვა სამზარეულოში საქმელების ყურის საგდებათ და თვითონ მოკურცხლა მადამ სალისაკენ.

შედეგა თუ არა ფეხი სალომემ მადამ სალის სამკერვალოში, წინ მოეგება ესმა მხიარული სახით, რომელსაც, ის იყო მომრიგებელი მოსამართლის ცოლისათვის ტუნიკიანი კაბა გამოეჭრა და შეკერვას ერთ თუმნათ გარიგებოდა. — ნანაია!.. სად ყოფილხარ?... — რა მიამა შენი მოსვლა? უნდა გითხრა, როგორ გაეციანი მომრიგებელი მოსამართლის ცოლი. რა კარგი ქალია, რომ იცოდე? შევედი თუ არა, მიმილო, ისე მიმილო, როგორც ერთი ვინმე პატივსაცემი ჩინოვნიკის ქალი. დამსვა დივანზე, გამომკითხა ჩემი ვინაობა, ყავა დამალეინა, მითხრა, რაკი შენ ამხანაგი გამხდარხარ მადამ სალის, ძალიან ბევრს მუშტარს გიშოენიო. ოლონდ ეცადე, კარგათ გამიწყვე ჩემი ტუნიკიანი კაბაო. მეც დავპირდი. მეგონა, შევიდი მანეთის მეტს არ მომცემდა, ასე მქონდა დაბარებული მადამ სალისგან, მეტს ნუ გამოართმევო; მაგრამ მან პირაქეთ თუმანი დამინიშნა, თუ კარგათ გამიწყობო. ისეთ ნაირათ გავუწყობ ამ კაბას, ნანაია, რომ, როგორც ჩამოსხმული, ისე დაადგეს ტანზე.

სალომეს სრულებითაც არ ეპიტნავენბოდა თავის ქალის ლაპარაკი. ის მოუთმენლათ ელოდა, როდის გაათავებდა ესმა კაბაზე ლაპარაკს. ბოლოს აჩქარებით უთხრა: „იცი, შვილო, ბახვა მოვიდა! შენი ნახვა სურს. ამ საათში თავი დაანებე ყოველისფერს და წამოდი“. ამ ამბის გაგონებაზე ესმას ფერმა გადაჰკრა. ცოტა შეჩერდა. მერე თქვა: „ნანაია. მადამ სალი შინ არ არის. ვის უნდა დავუგდო სამკერვალო? ასე დამიბარა, ფოშტაში მივალ, წიგნებს მოვიკითხავ, იქნება, ცოტა შემაგვიანდესო, შენ ყური უგდე აქაურობასო.

— არა, შვილო, აჰ, რომ არ წამოხვიდე, არ იქნება. ბახვაა შენი ნახვა ძალიან სურს, ძალიან. როგორც მოვიდა, მაშინვე შენ გიკითხა.. მე ეუთხარი შენი შეამზანაგება მადამ სალისთან, იმან თავი მოიკლა.

— რატომ, იმას რა დარდი აქვს? — გაკვირვებით ჰკითხა ესმამ.

— ალბათ რომ დარდი აქვს და ბევრსაც ფიქრობს შენზე.

ესმამ არა უთხრა-რა; გაჩუმდა, ცოტა არ იყოს, დედას პირი მოარიდა.

— შვილო, ჩქარა წამოდი, მეჩქარება, სახლი ბიჭის ამარა და შიტოვებია.

— უმადამ სალოთ ამ სახლს ვერ დავტოვებ. წადი, ნანაია. მერე მოვალ.

— არა, არა, ახლავე უნდა წამოხვიდე.

— ახლა ვერ წამოვალ, საქმე მაქვს. ამ ახალ მობარებულ საკაბეს რამდენიმე განი უნდა გავუცუდო მაშინით. ძალიან საჩქაროა. ზევისთვის უნდა მოვასწრო. წადი, ნანაია, სანამდის მადამ სალი მოვიდოდეს, ამ საქმესაც მოვრჩები და მერე წამოვალ.

— არა, შვილო, მე შენ აქ ვერ დავტოვებ. ერთი რამ შენი გასახარებელი ამბავი მაქვს გადმოსაცემი; მაგრამ სანამდის შინ არ წამოხვალ, ვერ გეტყვი.

ესმას გულმა რაღაც ახირებულათ დაუწყო ტოკვა, ძალიან უნდოდა შეეტყო, რა ჰქონდა დედას მისთვის ამისთანა სასიხარულო რამ გადმოსაცემი. მაგრამ თავი შეიმაგრა, არც კი ჰკითხა.

სალომე, ცოტა არ იყოს. ესმას ამისთანა მოქცევამ შეაფიქრა: ვაი, თუ იუაროს ბახვას ნიშნებიო. შეფიქრდა, თითქოს იგონებდა სხვა რამ საშვალეხას, რომლითაც შეეძლო გაოჩნებული შვილი თავის ნებაზე დაეყოლებინა.

დადგა დედასა და შვილს შორის მძიმე სიჩუმე. შვილი ვერც ბედავდა დედისთვის ეკითხა, რა იყო ამისთანა მისი გასახარებელი

ამბავი, და თავიდანაც არ სცილდებოდა კითხვის აზრი. დედასაც აღარ უნდოდა დაეყინებინა შვილისთვის შინ წაყოლა, რადგან გამოცდილი ყავდა შვილი ურჩობაში. იცოდა მისი ხასიათი, რაკი ერთხელ რაზედმე უარს იტყოდა, მერე, რაც უფრო ჩააცვიდებოდა კაცი, ის უფრო გაკერპდებოდა და თავისას არ დაიშლიდა. ამ სიჩუმეში რომ იყვნენ დედა და შვილი, უცებ შემოალო კარი მადამ სალიმ. სიყვარულით მიესალმა სალომეს და ხელი ჩამოართვა. მერე ესმა გადაკოცნა და ჰკითხა მომრიგებელი მოსამართლის ცოლის კაბის ამბავი. ესმამ უამბო ყველაფერი; მადამ სალის ძალიან იამა პირველი ნაბიჯი თავის ამხანაგისა, ასე კარგად გადადგმული. სალომემ აღარ აცალა იმით ლაპარაკი, სთხოვა მადამ სალის ნება მიეცა ესმასთვის იმ დღეს შინ წაყოლოდა. ესმამ თავი ჩაჰკიდა და არაფერი უპასუხა. მადამ სალიმ უთხრა, თუ გინდა, წადი შეილოვო.

— ეს კაბა ზეგ უნდა მოეასწრო და, დღეს თუ კაბის განები სულ არ შეეცუდე მაშინაზე, როგორ მოეასწრებ?

— არაფერია, შეილო, უთხრა მადამ სალიმ ფრანგულათ. მაგეებს მე გაეათავებ დღეს, შენ წადი, დედა რაკი გთხოვს.

— დიახ, ვთხოვ. ძალიან საჭირო საქმეცა მაქვს, მადამ. დიდ ქაღალბას შემოგწირავთ, თუ გამოუშვებთ. უმაგისოთ არ შემიძლია შინ დავბრუნდე.

— წადი, შეილო, წადი.

ესმა ადგა და მოემზადა წასასვლელად.

სალომე მხიარულად გამოეთხოვა მადამ სალის და ბევრი ბოლიშებიც უთხრა; მაგრამ ამასთანავე ისიც გამოუცხადა, რომ მისი ქალი ხვალ დილამდის ვერ დაბრუნდებოდა.

— კარგი, ძალიან კარგი, — ღიმილით უთხრა გულკეთილმა ფრანგის ქალმა და შეიკეტა კარები.

ესმა მიდიოდა დედასთან შინ და მის განხარებულ საუბარს სრულებით არ აქცევდა ყურადღებას, ან თუ აქცევდა, გარეწრად. ხანდახან იმის კითხვაზე პირდაპირ პასუხსაც ვერ ეუბნებოდა. მისი გონება შეცვალა თავის ახალ გამოწყობილმა საქმემ. ის წარმოიდგენდა, თუ ზეგ რანაირი გულ-მხიარული სიამაყით წავიდოდა მომრიგებელი მოსამართლის ცოლთან, ჩააცმევდა თავის ხელით გაწყობილს კაბას: მომრიგებელი მოსამართლის ცოლიც სიხარულით აჰყარტალდებოდა, როცა შეენიერთ გაწყობილ კაბას ტანზე მოირგებდა. დაუწყებდა ესმას ჭებას; ათ მანეთს გარდა ერთ მანეთსაც საკუთრად აჩუქებდა; მერე გაეარდებოდა ქ. ფოთში ესმას სახელი, როგორც მშვენიერი მკერვალისა; ყველა ამასთან და მადამ სალის-

თან მოიტანენ საკერავებს; ის კი არა, გურიისა და სამეგრელოს თავადიშვილის ქალებიც ქუთაისის მაგივრად, ფოთს გამოგზავნიდენ ესმას სახელზე საკაბეებს შესაკერავათ. ამ სახით მადამ სალი და ესმა შალე გამდიდრდებოდენ; თავის საკუთარ სახლებს იყიდდენ ფოთში; მერე, როგორც მადამ სალი ეუბნებოდა ხოლმე ესმას, საფრანგეთში წავიდოდენ, პარიზს ნახავდენ; იქ ადგილობრივ საუკეთესო ტანი-სამოსის მკერვლებს და დიდი მალაზიების პატრონებს გაიცნობდენ. შეისწავლიდენ უფრო დახელოვნებით მოდებს; მერე, როგორც მადამ სალი ეუბნებოდა, ქალაქს გადავიდოდენ ტანისამოსის მალაზიის და დიდის სამკერვალოს გასამართავად. აქ კი ისინი იცხოვრებდენ დიდ-კაცურათ. ამას რომ იდგენდა თვალში ესმა, რასაკვირველია, დედა მისიც სულ სახეში ჰყავდა. იმას თუ რითმე ასიამოვნებდა ეს დიდებულ-ი ფანტაზია, მხოლოდ იმით, რომ ამ წარმატებით დედა-მისი სა-ლომე იქნებოდა გაბედნიერებული.

ეს იყო ესმას უმანკო გულისათვის უმაღლესი ჯილდო ამ ქვეყნათ. მაგრამ რა!... ვაი, თუ ყველა ეს მომავალი ბედნიერება ერთ-მა უზნეო და თავისებურმა სიანჩხლემ სულ ცეცხლში ჩასწვას. ვინ იცის, იქნება მომრიგებელი მოსამართლის ცოლს მისი გაწყობილი კაბა. სულ არ მოეწონოს, ყველაფერი დაუწუნოს, კაბა თავში ახალოს ესმას, აღარც ფული მისცეს და ცხვირის წინაც კარი წამოუკეტოს. მაშინ რალაფერათ მიბრუნდება მადამ სალისთან! ისიც, რასაკვირ-ველია, აღარ ინდომებს მის შეამხანაგებას. ესმა ისევე უნდა დაბრუნ-დეს თავის დედის სახლში და, ვინ იცის, ვისიმე იერემიასთანა ავაზა-კის მსხვერპლი გახდეს და თავის დედასავით დაჩაგრული შეიქნეს ცხოვრებაში. ამ შეე ფიქრებში გამოერეოდა ბრწყინვალე სახე ბახ-ვასი შორს, თითქო მფარველ ანგელოზათ, იერემიასთანა ავი კაცების ხელიდან დასახსნელათ. ის გაპყვა პირველ მაისის შემთხვევის სუ-რათებს, თავის საკუთარი გულის აფეთქების ამბავს და ამ დროს თავი გაიქნია, თითქოს ცული ფიქრების მოსაშორებლათ; გულში კი ასე ფიქრობდა: „ვინ მე, ვინ ბახვა, მდიდარი, ვაკეთებულ, პირველი ფოთის ვაჭარი! არა, მე არა... ან მადამ სალისთან უნდა შევამხანაგ-დე, ან თავს მოვიკლავე. მე გათხოვება არ მინდა, მე ჩემი ხელით უნ-და დავიჩე და ვაჩინო საწყალი ჩემი დედა... ეჰ, რა იქნებოდა ბა-ხვა, რომ ერთი შეუძლო, სალი, იმისთანა მარჯვე ყოფილიყო, რო-გორც ახლა არის, მაგრამ ღარიბი. მე მაშინ იმას გავუწევი უღელს: მე და ის მართლაც მაშინ შევიყვარებდით ერთმანეთს. ახლა კი ბახვა, იქნება, ისე მიყურებდეს, როგორც იერემია, თავის თინის მო-საკვლელათ. არა, ღმერთმა დამითაროს მაგისთანა უგულო კაცები-საგან. არა, მე, არა!... ჩემ ნანაიასთან მიჩივნიან... ამისთანა ფიქრე-

ბით შეცული ესმა მხოლოთ მაშინ გამოერკვა, როცა სახლში შევიდა: სალომემ კი პირდაპირ სამზარეულოს მიმართა ბიჭის სანახავათ, უნდოდა შეეტყო, პატარა ბიქს ხომ არა წაუხდენია-რა, ან არ დაუწევავს, და ან არ დაუქცევიაო.

ესმამ მოსასხამი და ქოლგა თავის კრაოტზე დადვა, შლიაპა პატარა სასამკაულო სუფრაზე, თვითონ კრაოტზე ჩამოჯდა ჩაფიქრებული. ფიქრებისაგან მიბნედილი მისი მაყელის თვალეზი გამოშტერებულივით გაიციქრებოდენ პაწაწა ფანჯრისკენ, შორს-შორს. ვინ იცის, ვის უყურებდენ, ან რა სურათი ეხატებოდათ!

— ესმა, ჩემო ქენჯერავ; მოდი, სადილი ვჭამოთ!

— ნანაია, ძალიან დავილაღე და კიდევ მომშივდა; დღეს ბევრი ვიარე, სანამდის შენ მოხვიდოდი. მომრიგებელი მოსამართლის ცოლის სახლი შორს არის, ბუხტის მახლობლათ, — თქვა ესმამ ზანტათ და აიღო სულგუნის ნაჭერი.

— პა, ჩემო გოგუცანა, კიდევ სულგუნის ნაჭერი, გაახვიე ღომში. მე რომ ვიცოდი შენი მოსვლა, კარგი ახალი წიწილი შეგიწვი, ბროწეულ-გადასხმული, ღომი გავაკეთე; ჭამე, ჩემო გოგონა. მე რომ ამბები ვიცი, შენ ბედს ძალლი არ დაჰყეფს, ყორანიც არ დასძახებს.

— ნანაია, თქვი, რა ბედია, ან რა სასიხარულო ამბავი გაქვს ჩემთვის?

— არა, ჩემო ქენჭრეჯო! მაგრე ადვილათ ვერ გადმოგცემ; თუ დამპირდები კარგ საჩუქარს და მუდამ ჩემი მორჩილი იქნები, არაფერში აღარ მიწინააღმდეგებ, რასაც გეტყვი, ყოველფერს თუ დამიჯერებ?...

— როდის არ დავიჯერე, ჭკვიანი რამე თუ გირჩევია? — მხიარულად უპასუხა ესმამ.

— ჭამე, შვილო, სადილი; მოესწრები, ღმერთმა მოგასწროს ყველაფერი ბედნიერება, ჩემო ერთად ერთო სიცოცხლეც და სიტბოებაც. ნასადილეც გეტყვი და გიჩვენებ ყველაფერს.

ესმამ აზრი ვერაფერზე აიღო, რა უნდა ყოფილიყო. მხოლოთ ფიქრობდა, იქნება ბახვამ რამე მოუტანა საჩუქრათ დედას და მეცაო, როგორც უწინ იცოდა ხოლმე.

სადილი რომ გაათავეს, სალომემ დაუძახა თავის პატარა ბიქს, რომ ალაგებაზე მოხმარებოდა. ყოველივე უცებ ჩაზიდა სამზარეულოში, სუფრა კუთხეში მიდვა, ბიქს იატაკი ჩამოახვეტინა; მერე ჩაიყვანა სამზარეულოში, საკმელი მისცა, დაუბარა, ნასადილეც ჭურჭლები დაერეცხა, თვითონ შემოვიდა შინ, კარები მიკეტა და ესმას დაუძახა:

— ესმა, ახლა კი უნდა განახო სანახავეები. გაალო ზანდუკი, ამოიღო ნივთებიანი ყუთი და შეიტანა ესმას ოთახში. ესმა მივიარდა ყუთს, ახადა თავი და გაიოცა.

— უი, ნანაია?... ეს რა ამბავია! ეს რა ძვირფასი ნივთებია!... დედაია. დედაია, დედაია! დაუკრა ესმამ ტაში გაოცებით.

— ვინ მოგცა ეს ქვეყნის სიმდიდრე, ვინ?... ჰა, მითხარი! ეს რა ამბავია?... სალომე იღვა და მხიარულათ დაყურებდა შვილის სიხარულს.

ესმამ ამოიღო ოქროს სამაჯე, იაგუნდებით მორთული, ხელზე გაიკეთა და გაუწოდა დედას ხელი, თითქოს ახარებდსო; მერე ბრილიანტის საათი ამოიღო, ახადა თავი, ყურზე მიიღვა, მერე მისი ოქროს ჯაჭვი გადაიკვა თავზე. ზურმუხტის ქინძისთავი კი გულზე დაიბნია.

— მითხარ ნანაია, რითია ახლა ვინმე დადიანის ქალი ჩემზე უკეთესი?

სალომემ გადაიხარხარა.

— ნეტაი ჩემი იყოს ესენი! სთქვა ესმამ, ჩახედა სარკეში და მერე მიუბრუნდა დედას, თითქოს ნივთებს ახარებდსო.

სალომემ ჩაიკრა გულში თავის ქალი, დაკოცნა და ეუბნებოდა: „შენია, შვილო, შენი!... აბა, არ იცი, რომ შენია!“

— როგორ, დედა? ჰკითხა გაკვირვებით ესმამ.

— ესენი შენი ნიშანია; ბახვამ მოგიტანა და შენი თავიც მთხოვა.

„უიმე, ნანაია, რა მესმის! უწინამც სიკვდილი შენს ესმას!“.. უცებ წაიძრო სამაჯური, მოიხსნა საათი, ამოიღო მკერდზე მიბნეული გულის ქინძისთავი, საჩქაროთ ჩაყარა ისევ ყუთში, თითქოს მოწამლული ყოფილიყოს, მიჯდა კუთხეში და იძახოდა: „არა... მე... არა! ახლავე მიუბრუნე, ნანაია, ბახვას. მე არ მინდა.“

— რას მელაპარაკები, ქალო! გავიცი? ბედი ღმერთმა მოგცა და შენ უარზე დგახარ?... ჯერ შენი ხელით გამომჰკერი ყელი და მერე მითხარი მაგისთანები!

— არა... არა... ახლავე მიუბრუნე, თორემ მე გავიქცევი მაღამ სალისთან. — სალომემ იცოდა თავისი ქალის ხასიათი: რაც უფრო დაუჟინებდა კაცი, უფრო გაკერპდებოდა. მეტი ღონე არ ჰქონდა, ფერება დაუწყო.

— შვილო, ძალას მართლა ვინ დაგატანს! არ გინდა, ნუ გინდა. მაგით ბახვას თავის ბედი არ დაეკარგება. ბრალი ჩვენი, რომ ღვთის ანაბარათ უნდა ვიწოწივართ. ბოლოს ვინ იცის, ან შენ

რა დაგემატება, ან მე. — ამას რომ ლაპარაკობდა, თვალეებზე ხელი მიიფარა სალომემ და დაპალუპით გადმოყარა ცრემლები.

ესმა აღგა და თავის ოთახში შეიკეტა კარები.

წარმოიდგინა ის წამი, პირველ მაისს შინ რომ დაბრუნდა და უგულოთ გამოეთხოვა ბახვა, მერე შეპირდა და იმ ღამეს აღარ მოვიდა, მერე მთელს ორ კვირას სად იყო და სად არა, კაცს მისი ამბავი აღარ შეუტყუვია. განა შეიძლება, კაცი გრძნობდეს, რომ ვისმე უყვარდეს, ნამეტურ იმისთანა ქალს, რომელიც შენ საუკუნო მეგობრად გინდოდეს გახადო, და ასე გულცივით მოექცე, როგორც ის ჩვენ იმ დღეს მოგვექცა?... განა ეს, ამისთანა შემთხვევა, შესაძლებელია?... რამდენი არ ეხვეწა იმ დღეს დედა-ჩემი, დარჩიო, ქუდიც კი დაუქირა, მაგრამ იმან ყურადღებაც არ მიაქცია მის ხვეწნას. მერე მე შეეხედე... ნეტავი არ შემეხედა და მიწა გამსკლომოდა! ისე გაეუტიფრდი, ხელიც არ მივეცი, როცა ეპირებოდა წასვლას. ის მიმიხვდა და შემომხედა დაცინვით. მიმიხვდა, რომ მინდოდა მისი დარჩენა. მერე რა ქნა? ისე მომექცა, როგორც ურცხვ დედა-კაცს ექცევიან. მისი ცივი გული, მისი დამცინავი პირისახე ამას მეუბნებოდა: მე ახლა შენი დრო არა მაქვს, მე ჩემს ამფსონებში მიმეჩქარებო... მერე იყოს, როცა სურვილი მომივა, მაშინ მოვალ და მაშინაც მიმიღებ, მაშინაც მზათ დამხვდებიო. ალბათ გულში აზრობდა: „თათლი იყოს, ბუზი იერუსალიმიდან მოვიო“. აი, ასე გარყვნილი და უგულონი არიან კაცები! ბახვა გრძნობს, რომ ფულიანი, შეძლებული კაცია, გრძნობს, რომ ჩვენისთანა დარბის ქერივ-ობრის შვილებს ფულით, საჩუქრებით იყიდის და რა ენალვლება, რა დარდი აქვს ჩვენი?... როცა იმათ სურთ, ჩვენც მაშინ ვიქნებით იმათი. აი, ამიტომაც იმას არც კი უკითხავს ჩემთვის არაფერი. დედაჩემისათვის დაუტოვებია ნივთები და კიდევ გადაუწყვეტია, რომ ჩემს გულს ამ ნივთებით იყიდის. უწინამც სიკვდილი ესმას, სანამდის მე ბახვას ეგ არ ვაფიქრებინო, როცა ჩემთან ითამაშა, როცა საზიზღარი იერემია შემოგვეჭრია და, როგორც უნამუსო დედაკაცს, ისე წამატანა წელში ხელი... საროსკიბოში რომ დედაკაცებზე წაიკიდებიან მთვრალი კაცები, ისე წაიკიდენ ჩემზე. მერე მეც ისე უტიფრად მოვიქცევი, რომ ბახვას მართო გამოვყევი შინ. რასაკვირველია, ამას შემდეგ ის ჩემზე გლახა აზრს შეადგენდა. იქნება, ისიც იფიქრა, რომ იერემია ჩემი კარგი დაახლოვებული ნაცნობია. რატომ იმ დღეს მიწა არ გამისკდა, სანამდის თემში წავიდოდი. იმ დღის შემთხვევა რომ არ ყოფილიყო, მე მაგდენ შეურაცხყოფას ბახვა ვერ მომაყენებდა, ვერა აწი რაღა

ექნა? რით ვიპატიო ჩემი თავი, ჩემი სინიღისი, ჩემი გრძობა? უბედური ქალი! რამდენი დაუმსახურებელი უპატიურება აქვს მოყენებული! რა ვქნა? რა მეშველება, რით უნდა დავემტკიცო ბახვას ჩემი გულის პასუხი? ვაიმე, ვაიმე, ვაიმე! — ამას რომ ფიქრობდა უცებ გაისმა ტაკანი. ესმამ შემოიკრა თავში ხელი და მოჰყვა სასოწარკვეთილებით ტირილს. იტირა, იტირა, იტირა იმდენი, რომ თავი ასტივდა.

სალომე ამ დროს კარს უკან იყო მიყუდებული და ქალიშვილის წუწუნნი ესმოდა. გულგახეთქილი და იმედდაწმენდილი, ის ფიქრობდა თავის უბედურს მომავალზე. არ იცოდა, რა ექნა? რა ნაირად უნდა ეთქვა ეს ამბავი ბახვასთვის? კაცის გულს რაღა გაამთელლებს, ქალი რომ ამისთანა შეურაცხყოფას მიაყენებს, ერთი — რომ ჩემ შვილს აწ ბედი არ ეღირსება, მეორე — რომ დაეკარგე შვილზე უფრო შვილი, გაზრდილი, ჩემი პატრონი, ჩემი ყურისმგდებელი.

ამ სახით, შვილი რომ კედელს იქით სთვლიდა თავის თავს შეურაცხყოფილად და თავს იმტერებდა, დედას კედელს აქეთ ცეცხლი ედებოდა და ვერა მოეფიქრებია—რა, როგორ გამოსულიყო ამ უსიამოვნო მდგომარეობიდან.

ამ დროს მოისმა ქუჩაზე ფეხის ხმა. სალომემ უცბათ მოიწმინდა ნამტირალაკეი თვალები და შესძახა ესმას: „შვილო ესმა, ბახვა მოდის, ნამტირალაკეი თვალები არ შეგნიშნოს, თორემ ყელი გამოშქერი და ის იქნება“. ესმამ მართლაც უცებ კარები გააღო, სახეზე წყალი შეისხა, თმა დაივაოცხმა, გასწორდა და ამ დროს ბახვაც შემოვიდა.

სალომე მიეგება წინა კარებში.

— ნანაიას გაუმარჯოს! რას შერები? ესმა აქ არის? — ჰკითხა ბახვამ.

სალომემ თავი დაუქნია. ბახვა შეაცქერდა სახეზე სალომეს, რომლის სასოწარკვეთილებამ ცოტა არ იყოს, ჩამოაქვეითა ბახვას სიამაყე.

— ხომ არაფერი გითქვამს—რა? — ჰკითხა ბახვამ.

სალომემ პასუხის მაგივრათ თავი დაუქნია.

— რაო?... ჰა?!...

სალომემ ხმა გაიკმინდა. ბახვა მიხვდა ყველაფერს.

— ნანაია, დარდი ნუ გაქვს. მე იმას გავაგებინებ ჩემს გულის პასუხს, ოღონდ შენ ცოტა ხანს იქით დაგვტოვე ორივე მარტოდ მარტო. იმას, იქნება, არ სჯეროდეს ჩემი სიყვარული, ან რა ზო-

მამლის მივა ჩემი თავგანწირულება, მე იმას დაეუბრტყიე და კიდევ ჩემი იქნებით როგორც ესმა, ისე შენც, ჩემო ნანაია.

სალომემ კურცხლები ჩამოყარა და ბახვას გულში აკოცა.

ბახვა შემოვიდა ოთახში. ესმა გამოეგება.

— ესმას გაუმარჯოს! — ბახვამ ხელი გაუწვდინა. ქალმა ჩამოართვა და თვალები ძირს დაიღო. — რასა იქ! რამდენი ხანია აღარ მინახავხარ! მაგრამ ბევრი საქმე შემემთხვა, ველარ მოვიცალე. მე. ე. არის, წუხელი მოვედი მაშინით. მართლა, სალომე... უკაცრავათ, იმ დღით სალამოს ვერ შემოგვიარეთ; მაგრამ იმისთანა საქმეები შემემთხვა იმ საძაგელ იერემიასთან ჩხუბის გამო, რომ შუა ღამემდის არ მომიცლია, პოლიციაში დამიბარეს. ვინ იცის, რაები არ მკითხეს. მაღლობა ღმერთს, საქმე კარგათ გათავდა.

— ბახვა, შენ ნუ მომიკვდები, — სთქვა გრძნობით სალომემ, — კინაღამ შიშით გადვირიე! მთელი ღამე ისე გაეთენე, ჩემს თვალებს ლული არ მოჰკიდებია. შენი ცხედარი არ მენახოს, სულ შენზე ვფიქრობდი. მეორე დღეს დილით ბიჭი ვაფრინე შენს კანტორაში და მომივიდა ამბავი, რომ ახალს ნაყიდს მამულში წასულიყავი.

მარტო მაშინ დამიცხრა გული.

— ოჰ, რომ იცოდე სალომე როგორ მოვრთე ჩემი ეზო, სახლი, გარემო! ოდესმე თუ გაგიგონია თავადის თავჭფილაძის ოჯახობა, ხუთს სჯობს ახლა იმას ჩემი ოჯახობა. ყველაფერი ახალი გავაკეთე. სახლი ჯერ სულ მზათ არა მაქვს, მაგრამ ეგ არაფერია. შეიდი თვალი ოდა დავდგი. ჯერ მარტო სამი ოთახი მაქვს მზათ, თუნდ დღესაც გადავიდეს კაცი. ერთი პატარა ოჯახობა დაეტევა იმ სამს ოთახში, მერე კი სხვა ოთახებსაც მოვათავებ. ამ ლაპარაკში ბახვა ხანდახან გადახედავდა ესმას; მაგრამ თვალები ძირს იყო დაშვებული, სახე მკრთალი ჰქონდა და ამ სახეზე ბახვამ ერთი სამხიარულო ძარღვიც ვერ შენიშნა.

— ნეტა გაჩვენა, სალომე, ჩემი ახალი ოჯახობა, გული გაგინათლდება. ამ ზაფხულს წაგიყვანთ შენ და ესმას.

სალომე ადგა, დააპირა ოთახიდან გამოსვლა და გზაზე წაილაპარაკა: შეილო, შენ იყავი ბედნიერი, იცოცხლე და ჩვენი უნახაობით შენს ოჯახს არა დააკლდება-რა.

ესმას თავი აღარ აუღია, ისე ბახვას გასაგონათ სთქვა:

— დედა რომ წამოვიდეს, მე მაინც ვერ წამოვალ. ბევრი საქმე მექნება მადამ სალის სამკერვალოში.

ბახვა და ესმა დარჩენ ოთახში მარტო. რამდენიმე ხანი გავიდა, არც ერთს მათგანს ხმა არ ამოუღია. ესმა იჯდა, თავი ძირს

დაეხარა და თითებს ათამაშებდა, თითქოს საცერავეებზე ვარჯიშობსო. მის სახეს ეტყობოდა შინაგანი ბრძოლა; თმა კოტაოდნათ მიფუშვოდა და მის ფერმკრთალ სახეს კიდევ უფრო მომეტებულ ლაზათს აძლევდა. მისი სავესე გულ-მკერდი ისე იბერებოდა, როგორც ზღვა აიბერება, როცა ქარიშხალი ახლოსაა მოწეული. ბახვა უყურებდა ამ მიმზიდავს არსებას და მისი თვალეებ-დახრილი სახე ერთი-ორად უფრო ლამაზი ეჩვენებოდა. ის გრძნობით გიჟდებოდა; მაგრამ ესმას ბუნებით უმანკოსა და მშვიდს სახეს ბორკილი შეება ბახვას გრძნობებისათვის და გააფთრებული ლომი რკინის ვალიაში ჩაემწყვდია. ბახვა უყურებდა თავის ციურს არსებას, სტკებოდა მისი ყურებით და არ იჩქაროდა ხმის ამოღებას. არც ესმას სურდა ლაპარაკი.

ბოლოს მაინც ბახვამ დაიწყო გრძნობით სავესე ნელის ხმით: „ესმა, შენ უწყალო, შეუბრალებელი ქალი ყოფილხარ. ეს ხუთი-ექვსი წელიწადია შენს ოჯახში დავდივარ. დედა-შენი საწყალი დედა-ჩემის სიკვდილის შემდეგ მეორე დედათ გამიხდია. თითქმის ჩემ ხელში ხარ გაზრდილი და აქამდის ისე მერიდები, როგორც უცხოს. რა დაგიშავე?....“

ამ დროს იმან შეატყო, რომ ესმა შეკრთა, მაგრამ სხვაფრივ კი არ განძრეულა, უწინდებურათვე იჯდა. — „განა ვერ მატყობდი, რომ შენი სიყვარულით თანდათან ვგიჟდებოდი“? — განაგრძო ბახვამ. ესმას უნებურათ გააქრეოლა, ბახვამ რომ „სიყვარულის“ სახელი ახსენა. იმას წარმოუდგა იერემია, რომელმაც ერთხელ გზა გადაულობა და იმანაც ასე დაიწყო. „ღმერთო!“ — გაივლო გულში ესმამ — „ყველა კაცები ერთნაირათ ლაპარაკობენ. ყველას ერთად უნდათ დალუპონ უმანკო ქალის გული. იერემიას რომ იმ დღეს დავემორჩილებინე, ვინ იცის, ახლა სად ვიქნებოდი და რა მდგომარეობაში? ბახვასაც სწორეთ ასე უნდა. იერემია მალვით მაინც დამხვდა. უფრო ეშინოდა: ეს კი უშიშრად ჩემსავე სახლში მიპირებს და-ჩაგვრას და უბედურს დედა-ჩემს კი არა ესმის-რა. გულდანდობილათ უყურებს ბახვას“...

— რატომ არას მეუბნები? ესმა, გამეცი ხმა; შითხარი, თუ გაქულვარ, თორემ მე ამის მეტი მოთმენა არ შემიძლიან. ლამის გავგიჟდე.

— რა ვქნა, რა გითხრათ?

— მაგის მეტი არაფერი?

— არა.

— ჩემს ამდენი ხნის გაგიყებით სიყვარულს ეგ პასუხი აქვს მარტო?...“

— თქვენ ცრუობთ, ეგ სიყვარული არ არის.

— აბა, რა ვქნა, როგორ უნდა მოვიქცე?

— მაგრე ყველა კაცები იქცევიან, ვისაც ჩვენი დაჩაგვრა უნდათ.

— მე შენი დაჩაგვრა მინდა? დაჩაგვრა რომ მინდოდეს, არც ნიშანს მოგიტანდი, არც შენს ცოლობას განვიზრახავდი.

— მე არ ვთხოვდები, უპასუხა ესმამ. — მე საქმე ვიშოვნე. მაღამ სალი და მე ამხანაგები ვართ. მე ღარიბი, ობოლი ვარ, ერთი დედა მყავს. ჩემი შრომით უნდა ვირჩინოთ თავი ორთავემ.

— რჩენა რაღათ დაგპირდება. თუ კი ჩემი იქნები და მე შენი. ჩემი ქონება ყველას გვეყოფა.

— არასოდეს! მე ვინ ვარ და თქვენ ვინ?... მე ერთი უბრალო რუსის მკვდლის შვილი ვარ. თქვენ მდიდარი კაცი ხართ, თქვენი ტოლი უნდა ეძიოთ.

— მე შენზე უკეთესი ტოლი ვერ მიპოვნია.

— მე არ ვთხოვდები..

— ხუმრობ, თუ მართლა ამბობ?

— მართლა.

— ეგ შენი სიტყვა გადაჭრილია?

— სწორეთ.

მაშ ყოველი ჩემი იმედი და ბედნიერება ასე ტყუილათ უნდა ჩამეწვას ცეცხლში? — მაშ რათ მინდოდა ერთი თავადიშვილის სეულს რომ ვყიდულობდი. თუ არ შენთვის, ჩემო უწყალო ოცნება? ნუთუ მაგას მოველოდი შენგან? გამეცი, ქალო, პასუხი!

— ჩემი გადაჭრილი სიტყვა მოგახსენეთ: თქვენ ძმა და მე და. თუ მიკადრებთ.

ბახვას ფერი ეცვალა. ის თავის დღეში ვერ წარმოიდგენდა, ესმა, თუ ასე გულცივად შეხვდებოდა. ის მართლაც სასოწარკვეთილებას მიეცა. იმ წამს მთელი მისი ავლა-დიდება, სიმდიდრე, ამდენი ხნის შრომა და დღე და ღამე ძილის გატეხა კეთილ-მდგომარეობის მოსაპოვებლათ, ჩაღათ აღარ მიაჩნდა. იმან წარმოიდგინა, რომ ესმას გული ნამდვილათ სხვას ეკუთნოდა. ვინ იცის, იქნება მისი დაუძინებელი მტერი უფრო ბედნიერი იყო ამ წუთას, ვიდრე ბახვა ფულაეა! შემდეგ წარმოუდგა იმ ქორების სინამდვილე. რომელიც მას ესმაზე ჰქონდა გაგონილი და რომლისთვისაც თავის ძმისწული კინაღამ გალახა. იმ წუთს ბახვასთანა უბედური კაცი ქვეყანაზე აღარ იყო. — განა ამისთვის მოვისწრაფოდი ფოთს, განა ამისთვის მიძგერდა გული. ჩემს ესმას არა გაუჭირდეს-რა—მეთქა.

და ცხენს მოვაჩქარებდი? უბედურო ჩემო თავო? რა მოტყუებული, რა დაჩაგრული ყოფილხარ ცხოვრებაში!... შემდეგ ის გაჰყვა კიდეც სხვა ფიქრებს. უცბათ გაუცოცხლდა წინა ღამით ნახული სიზმარი, როცა იერემია ფანჯრიდან ესმას იტაცებდა. სიზმარი მართლის წინამორბედია. ვინ იცის, იქნება იმისთანა სურათები ყოველ ღამეს ხდებოდეს! მე კი ამ გარყვნილი ახალგაზრდის მონა შევექნილვარ. ამისთანა ცხოვრებას ვანა სიკვდილი არა სჯობს? იქნება, ჩემმა ძმისწულმაც ეს ამბები ყოველივე დაწვრილებით იცოდეს, მაგრამ ვერ მიმხელდეს?!... ბახვას თანდათან უფრო ნაცრის ფერი ჩაედვა. მისი თვალები რაღაც საშიშრათ გამოიყურებოდნენ. მთელი ზემოხსენებული ფიქრები ბახვამ სულ სიჩუმეში გაატარა.

ესმას, არ ვიცი, მოეწყინა ერთნაირს მდგომარეობაში ყოფნა, თუ უნდოდა შეეხედა ბახვასთვის, რომ გამოეცნო მისი აზრი, უცებ აიხედა და თავის დიდი თვალები დააშტერა ბახვას სახეს, რომლის საშინელმა სასოწარკვეთილებამ შეაკრთო. მისი გული და შეეპარა შიგ ბახვას სიბრაალული.

— მეტს. აღარათერს უნდა მოველოდე შენგან, ესმა? — თითქმის ფუჩუნით წარმოსთქვა ბახვამ.

ესმა სულ გაშტერდა, ვერაფერი უთხრა.

— ეჰ, ამისთანა სიცოცხლეს სიკვდილი სჯობს! — უცებ იელვა ბახვას ხანჯალმა და, რომ უნდა მუცელში ჩაიცეს, უეცრად იკივლა ესმამ, სტაცა ორივე ხელი მაჯაში და მიაყვირა:

— ბახვა, რას შვრები? მე შენი ვარ!... შენი!...

ბახვას გავარდა ხანჯალი ხელიდან, მოხვია ესმას წელზე ხელი და ორისავე ნაღველი ერთმა ტკბილმა კოცნამ წაიღო.

როგორც კივილი მოესმა სალომეს, მაშინვე შემოეარდა და. ორივე შვილი ერთმანერთთან ჩახუტებული რომ ნახა, მხიარულებით დაუწყო ორთავეს კოცნა: „თქვენი ჭირიმე, შვილებო! მე აწი აღარ მოვეკვდები. აი, ამას იქით მინდა ცხოვრება, ამას იქით!... თქვენ უნდა მაცხოვროთ, შვილებო! თქვენ!“.

ქალმა და ვაჟმა რომ იჯერეს გული, მერე დასხდნენ ერთად. ბახვამ ამოიღო ჯიბიდან ორი ოქროს ბეჭედი და მისცა დედას. სალომემ რამდენჯერმე შეუცვალა ბახვასა და ესმას თითებზე ბეჭედები; ბოლოს ერთი ერთს წამოაცვა ნეკზე მეორე-მეორეს. იქვე იმ სარამოს გადასწყვიტეს, რომ ერთი კვირის შემდეგ ქორწილი უნდა ყოფილიყო და მეორე დღეს უნდა გამგზავრებულიყვნენ შინისკენ სამივე დედა-შვილი.

ქორწილი მართლაც მოხდა სახელოვან ერთს ფოთის სასტუმროში; თითქმის მთელი ფოთელი ნაცნობები იყვნენ მიპატივებულნი. მხოლოდ ჯვარის წერის ღამეს ესმა შეაკრთო ერთმა უსიამოვნო შემთხვევამ, რომელიც ქმრისთვის არ გაუმხელია.

როცა ჯვარისწერა გაათავეს, დედოფალი საყდრიდან გამოიყვანეს და ეტლში სემადენ, ღამის ათი საათი იყო. ამ დროს ეტლთან ბოხი ხმა მოისმა: „ვერ წამიხვალ, ვერა; შენ მაინც ჩემი უნდა იყო!“

ესმა შეკრთა, უნდოდა დაყვირება, მაგრამ შიშით ხმა ჩაუწყდა. იმან მოჰკრა თვალი ერთს უშველებელ კაცს, რომელიც მალე გაქრა ღამის სიბნელეში. ის იყო იერემია.

ბახვა ესმას გვერდით დაჯდა და უბრძანა მეეტლეს, „სასტუმროსკენ გარეკეო“.

XXXI.

ჯერ ოთხი თვეც არ გასულიყო, რაც ბახვა ახალს ოჯახში დაბინავდა. იმას ისე შეუყვარდა ეს ახალი ოჯახობა, რომ ვაქრობას სრულებით თავს ანებებდა. რაც რამე ნისიათ ჰქონდა ფოთში გაცემული, ყველას ნელ-ნელა აგროვებდა. ორი საქონლის მაღაზია სხვას გადასცა; ათასი თუმანი ნაღდი აიღო, დანარჩენზე ვადა დაუთქვა და წამოვიდა. მის ოჯახობას ნუგეშის ფრთებს ასხამდა მისი მშვენიერი ესმა, რომლის ერთი შეხედვით ყოველი ქვეყნიური ზრუნვა ავიწყდებოდა. ის გადახვევდა წელზე ხელს თავის მეუღლეს მიიზიდავდა მკერდზე, ყელს ყელზე გადააქლობდა და ერთ ხანს ასე იქნებოდა ხოლმე მოყვარული ცოლ-ქმარი, შემდეგ ტუჩებს შეაწებებდნენ ერთმანთს და ბოლოს განშორდებოდნენ ახალ შეხვედრამდის. ესმა შინ, ოჯახობაში, თვალ-ყურს ადევნებდა წვრილფეხობას: ქათმებს, იხვებს, ბატებს და ინდაურებს. მას ედგა ხელით სატრიალებელი საკერავი მანქანა. მის ხელქვეით იყვნენ ერთი გოგო და სამი ბიჭი, ყველანი თვითურად დაყენებულნი. ესმა მუდამ თვალ-ყურს ადევნებდა მათ სამსახურს და ერთ წუთსაც არ გააცდენდა; ამასთანავე მას ჰქონდა ტკბილი ქცევა და მოყვარული გული მოჯამაგირებთან. თუ ვისმე შენიშნავდა დაზარებას, ან სიზანტეს, ესმა თვითონ მოჰკიდებდა ხელს მოსამსახურის გასაკეთებელ საქმეს და ამნაირი ქცევით თითქოს მოსამსახურეებს არცხვენდა და ხდიდა ოჯახის ერთგულათ. ისეთი მადლიანი სახე ჰქონდა იმ ღვთისაგან კურთხეულ ქალს, რომ მის შეხედვაზე არამც თუ კაცი, მხეციც მოთვინიერდებოდა. ესმა იყო მეტათ ბედნიერი თავის ახალი ოჯა-

ხით, სადაც ყოველივე მას ემორჩილებოდა. ქმარი ჰყავდა შვენიერი, მხნე შეძლებული კაცი, რომელთანაც თითქმის შეზღილი იყო. ლარიბ ოჯახში გაზდილი და შრომა-გაქვივრებაში განცდილი მით უფრო გრძნობდა თავის ბედნიერებას, როცა ყოველივე უზრუნველი ჰქონდა. ახლა მხოლოდ ბრძანება იყო მისი საქმე და ღვთისაგან მოცემული სიკეთის მოხმარება. დღე ისე არ გავიდოდა, რომ სამჯერ-ოთხჯერ მაინც არ შეხვედროდა ხოლმე ალერსი თავის საყვარელ ქმართან: მისი დანახვა და ბახვას ცეცხლივით ანთება ერთი იყო. ისინი ლალობდენ, ეხვეოდენ ერთმანერთს თავისუფალ დროს, და ამ ნეტარებაში გადიოდა მათი ახალი ცხოვრება. ქვეყანა იმათ სამოთხეთ მიაჩნდათ და თავის ახლად შეძენილი სახლ-კარი — ედემის ბაღათ; მათთვის აქ არა იყო-რა მოსაწყენი: არც შრომა, არც სიყვარული.

ბახვას ჰყავდა ოჯახში ერთად-ერთი დედის მაგიერი დედა. სიდედრი სალომე, რომელსაც ცხოვრების მწუხარება და ცრუ სოფლის ათასნაირი სიმწარე სიტკბოებათ გადაქცეოდა. რადგან ბახვა შეიქნა მისი ციფგან გადმოგდებული შვილი და სიძე, მას მეტი ბედნიერება ვერც წარმოედგინა, არც ენატრებოდა, არც უნდოდა; მხოლოდ ის ამ ბედნიერებაში სრულებით გამოიცვალა: იმას რაღაც ელდასავით უვლიდა, ნერვებიანი შეიქნა. არ სწამდა ამ ბედნიერების ხანგრძლიობა, მუდამ სიზმარში ეგონა თავი და ყოველის წუთის ეშინოდა. სალომე ისე არ შეხედებოდა თავის ქალს, რომ თავზე ხელი მაინც არ შემოეველო და არ ეთქვა: „შენი კირიმე, შენი სატიკივარი შენს დედას“. დიდს ჯაფასა და წვალებას გამოვლილი დედაკაცი დღე-ნიადაგ ხენეზოდა. თუმცა სამწუხარო მას არა ჰქონდა-რა, მაგრამ ის მაინც სწუხდა... ხან-და-ხან კიდევ ეტყოდა: „დედა-ჩემო, რა ამბავია; ყვავივით მუდამ თავს დასჩხავი ამ ჩემს ბედნიერებას! მგონია, გშურს ჩემი ბედი? რაი მე გავთხოვდი, შენ სულ გამოიცვალე: ერთი მხიარული სადილი აღარ გიქამია. თუ არ გასურს ჩემთან ყოფნა, წადი ისევ ფოთს, შენს ფაცხაში, დადექი იქ.“

— უწინამც მიწა დაყრია შენს დედას, სანამდის შენ მოგშორდებოდეს; მაგრამ რა ვქნა, შვილო!... ცუდი სიზმრები არ მასვენებს.— მერე მოუყვებოდა თავის ნახულ სიზმრებს. ესმა ყველაფერს კარგათ უხსნიდა, მოუყვებოდა თავის ოჯახობის ამბავს, ჰკითხავდა, ან რა ხორაგი და სამზადისები უნდა შეენახა, ან წნილები როდის და როგორ ჩაედვა, გაართობდა, გაამხიარულებდა შავი ფიქრებით და უხეირო წარმოდგენებით დატვირთულ სალომეს, მერე კი წავიდოდა ოჯახის ყურის საგდებლათ. სალომე აღარაფერში ერეოდა; ის მხოლოდ

იწერდა პირჯვარს და მუდამ ავედრებდა ღმერთს შვილების ბედნიერებას; მერე გამოჯდებოდა აივანზე და მოჰყვებოდა ღაზლის კრელი წინდების ქსოვას თავის ბახვასათვის.

XXXII.

20 ენკენისთვეს 188... წელს ახალ-სენაკის, დუქნების წინ ერთი ხრიალი და მიხლა-მოხლა შეიქნა. ის იყო, მატარებელს მოელოდნენ ფოთიდან. ერთ დუქანში ისხდა სამი ჩერქეზულათ გამოწყობილი კაცი. სამივე ხმალ-ხანჯლებით იყო შეიარაღებული. უბრალო ფიცრის ტაბაკზე ედგათ ბოთლები და ღვინით სავსე ჭიქები, სულგუნის ნაჭრები და თეთრი პურის ნატეხები. ტაბაკზე ღვარად იყო წასული წითელი ღვინო. სამი ვაჟკაცი, წვერ-ულვაშებით დაშვენებული, პირისახეზე შეუინჯილებული იყო, ეტყობოდათ — ღვინო საკმაოთ ჰქონდათ დალეული. შუაში რომ ვაჟკაცი იჯდა, ის მართლაც შესანიშნავის და ახოვანი სახის გამომეტყველებისა იყო. შავი, სქელი წარბები, შუბლზე გაბარდნილი და ერთმანეთზე გადახლართული, მრისხანე გამომეტყველებას აძლევდა მის სახეს. წარბებს ქვეშ მოელვარე ცისფერი თვალები აქით-იქით ნაპერწკლებს ესროდნენ იქ მაყურებელ მეგრელებს, რომელნიც თითქოს რალაც მანქანებით შეგროვილიყვენ იმ დუქანში, მხოლოდ იმ მრისხანე ვაჟკაცის სანახავათ. ამ კაცის განიერი მხარ-ბეჭი და გრუზა თმით დაჩრდილული სხვილი თავი ძველი დროის გმირს მოაგონებდა კაცს. ის იჯდა წელ-გამართული, მაგრამ მჯდომარეც ბევრს იქ მდგომარე კაცზედ უმაღლესად ჩნდა. „მობრძანდით, ჩვენთან ერთი ჭიქა ღვინი მიირთვიეთ“, — წამოიძახა იმან ისეთი ბოხი ხმით, რომ სწორეთ ლომის ბრღღვინვა მოგაგონდებოდა. ის იპატიეებდა სუფრაზე იქვე მდგომს მეგრელებს.

— მარდობელი გოხოლუ პარტენი (მადლობელი განლავარ, ბატონო) საჩქაროთ თავი დაუტკრა ერთმა იმათგანმა, თავი მოარიდა და გარეთ გამოვიდა.

— მოდი აქ, მეგრელო, თხაპარიავ! — შესძახა განმეორებით იმ ახოვანმა კაცმა. — ეს სიტყვები იქ დამსწრე მეგრელებმა დიდ შეურაცხყოფათ მიიღეს.

— რას გვერჩი ლანძღვას. ბინძურო ქორთუ (ქართველო)?

შეიქნა ხმა-მალლა ლაპარაკი. ახოვანი კაცი ერთის თვალის დაფახურებამდის გაეარდა გარეთ, სტაცა მეგრელს ხელი და ეზიდებოდა ისეკ დუქანში. მეგრელები ყველანი იმ კაცს შემოესიენ

და დაუწყეს თავის ქვეყნის კაცს ქომაგობა. ზოგმა ხანჯალი ამოიღო, ზოგმა ლეკური (ხმალი), ზოგმა რეეოლვერი. ეს რომ შენიშნა ახოვანმა კაცმა, ჩაერია მეგრელების გროვას და სულ პარტყაპურტყი აუყენა. იმათზე არც ხანჯალი დასქირვებია, არც ხმალი: ყველა დალახა და გაეარდა რკინის გზის სადგურზე, სადაც იმ დროს მატარებელი მიადგა; აილო საჩქაროთ ბილეთი, ჩაჯდა ვაგონში და სანამდის დალახული მეგრელები გამოერკვეოდნენ, გმირი თავის ორის ამხანაგითურთ მიჰქროდა აბაშის სადგურისაკენ. ეს გმირი იყო ჩვენი ნაცნობი იერემია წარბა.

დაცალიერებულს ახალ-სენაკის სადგურზე ხმაურობა და ხმაღლა ლაპარაკი მაინც არ შეწყვეტილა. შეურაცხყოფილი მეგრელები გარს შემოხვეოდნენ ჟანდარმს და სთხოვდნენ ოქმის შედგენას. ამ დროს ვინ რას ამბობდა იერემია წარბაზე, ვინ რასა!

— ეგ ის იერემია არ არის, საჯავახოში რომ ღვდლის ოჯახს დაეცა, სახლობა გაუუპატიურა, ოც-და-ხუთი თუმანი წაართვა და ღვდლის ბურსეული ჯიბეში უნახეს? ამბობდა ერთი.

— დაიქირეს კი არა, მეტიც უქნეს: წელიწად-ნახევარს ციხეში გამოალპეს. ვინ იფიქრებდა, თუ იმას მაშინ არ დაკარგავდნენ: მაგრამ ისე გამოძვრა იმ საქმიდან, როგორც ხელიკი კოშკის ხერელიდან. ძალიან მოხერხებული და მარჯვე კაცია. ამხანაგობაც კარგი იცის. მაგას ყავს თხუთმეტი, ოცი ამხანაგი — ზოგი აზნაურიშვილი, ზოგი თავადიშვილი; მაგისთვის თავს დასდებენ, ამიტომ რომ. რასაც იზოვნის, ყველასია. ქეიფი, ღვინის სმა, ლხინი, სიმღერა მაგის ხელთ არის; ქალი რაღა მოგახსენო — არ გაეცდება, თუ სადმე: წურბელას რომ იტყვიან, ის არის. რაც უნდა ძნელი საშოვარი იყოს, გველის ხერელში გაძვრება და იზოვნის.. ძალადობა ფართ არ მიაჩნია. რა ვაჟკაცია, რომ იცოდენ!... მის შეხედვას არა სჯობია-რა. თითქმის ერთ საყენია სიმაღლით. მის ბეჭებს ცუდღის ტარი არ გადაწვდება, — სთქვა მეორემ.

თქვენ ეგ უნდა გენახათ ფოთში, დრუჟინაში რომ მსახურობდა! ვითომ მეკონტრაბანდებს სდევდა, მაგრამ პირველი მეკონტრაბანდე ის იყო. ფული ბჭირივით ეყარა ჯიბეში. ყოველ ღამეს საროსკიპოში ეგდო. ამხანაგებს რომ მაგისი ეშინოდათ, უფროსებისაც არ ეშინოდათ ისე! ყველამ იცოდა, რომ მეკონტრაბანდეების ამყოლი იყო, მაგრამ ვის შეეძლო სულის დაბერვა?... რამდენჯერ მე თვითონ მინახავს, რომ ფოთელი ვაჭარი ხალხში დაუძახებდა: „იერემია, დღეს ორი თუ სამი საპალნე მაქვს გამოსატანიო; თუ ძმა ხარ მომეხმარეო“. იერემიას ვითომ არც კი ესმოდა; თვალს უქნევდა და

საქმე გაჩაღებული იყო. მეორე თუ მესამე დღეს ფოთში გავარდებოდა ხმა: წუხელის კონტრაბანდი შემოიტანესო, ჩხუბი ატეხილიყო, თოფებიც დაეცალათ, მაგრამ დაქერით კი ვერავინ დაეჭირათ; იერემია ჰყოლოდათ გამყოლათ; უიმისოთ ცუდათ იქნებოდა მათი საქმეო, — თქვა პირველმა.

— შენ ფოთში არ იყავი, — უთხრა მეორემ, — მაგან რომ ერთ სალდათს ქალი მოსტაცა? ორ თვეს ჰყავდა, მერე ისევ უკან მიუბრუნა. ამ ერთი წლის წინათ ფოთში დიდი და პატარა სულ იერემიაზე ლაპარაკობდა. მგონია, ეს ექვსი თვეა, რაც ღრუეინიდან დაითხოვეს და ფოთიდან ფეხი ამოაკვეთინეს.

ამ დროს უანდარმის უნტერაფიცერი გამოჩნდა სადგურის ქვაფენილზე და ხელში ეჭირა რუსულათ შედგენილი ოქმი: „დღეს, 21 ენკენისთვეს 188... წელს იერემია ფირალიძემ მოახდინა ჩხუბი და უწესოება ახალ-სენაკის დუქანში, რკინის გზის სადგურის გვერდით; რამდენიმე კაცი სულ უბრალოთ დალახა; ამის გამო თვით სადგურზე მოხდა ხმაურობა და ჩოჩქოლი, რომლითაც დაირღვა საზოგადო წესი. თვითონ იერემია ფირალიძე ჩაჯდა. რკინის გზის მატარებელში და გასწია თბილისისკენ. მინდოდა გადმომესვა, მაგრამ ველარ მოვასწარ“.

— პატონი, ერთი წამი რომ კიდევ დაეცლია, ხანჯალს ვფუშავდი მუცელში, მარა ის წუწუკის შვილი გველივით გამისრიალდა ხელიდან! — იძახოდა აღელვებული პირთხელა და ქერა წვერიანი მეგრელი.

— ის იყო კინალამ ლევორველი დავახალე ფერდში, მარა უცებ მოტრიალდა, თავი დალუნა და გვანუა მომახალა რევოლვერის ტუჩში; რომ დროზე არ შემეშვა ხელი რევოლვერისათვის, უბრალო კაცი მოვკალი კინალამ. მადლობა ღმერთს, რომ არ გავისროლე! ჩიოდა ტანწერილი მეგრელი.

— ბოშეფი! (ყმაწვილებო!) კიდევ მოვა იერემია ფირალიძე და თქვენ იცით, არ დაგავიწყდესთ. პირველათ ჩვენ ავტეხოთ ჩხუბი. იმას ერთი კარგათ უნდა ვადინოთ სისხლი! — თქვა მესამემ.

— მე ამ ჩემ კულა ხმალს ვკეკვავ თავში, — თქვა მეოთხემ.

— მე იმას წელები თუ არ გადმოვაყრევინე, ღმერთმა ისე ნუ მომკლას! — დაიტრაბახა პირველმა და თან სიფრთხილით იწმენდა ცხვირიდან წავარდნილ ნაკადულს. იერემიას მისთვის სახეზე დაერთყა.

— აგი რევოლვერი ოხრათ დამარჩინოს ღმერთმა, თუ იმას ეს ექვსი ტყვია ყველა მკერდში არ ჩავაქედო. რა მიქნა იმ შე-

ჩვენებულმა! წელს ველარ ვანძრევ. ისეთი ჩამკრა! — ამას რომ ამბობდა, თან ჯოხ-დაკრული გველივით იკლაკნებოდა.

ასეთი ლაპარაკი და მიეთ-მოეთობა რომ ახალ-სენაკის სადგურზე ჰქონდათ მეგრელებს და რკინის გზის მოსამსახურეებს, იერემია და მისი ორი ამხანაგი გადმობტენ მატარებლიდან სამტრედიაში და შევიდენ ნაცნობ დუქანში. სანამდის მეორე მატარებელი ჩამოირბენდა თბილისიდან. იმათ კარგა ძალი დრო ჰქონდათ დასაძინებლათ.

XXXIII.

იმ საღამოს სამტრედიის სადგურზე ხალხი ბლომათ იყო მოგროვილი. ზოგი ბილეთებს ყიდულობდა, ზოგი სასტუმრო ოთახში ისხდა და ჩაის სვამდა. ყველა ელოდა თბილისის მატარებელს: ვინ ფოთს მიდიოდა, ვინ სენაკს, ვინ ქალადიდს. სხვანი კიდეე ქუთაისიდან ელოდენ თავის მეგობრებს და ნათესავეებს. სადგურის გვერდით, დასავლით, სადაც ქვაფენილი თავედებოდა, კარგათ მოზდილი წრე გაეკეთებინათ ახალგაზდა გოგოებს და ჩამსხდარიყვენ. ზოგი ფეხზედაც იდგა. ზოგს შემწვარი ვარიები ედო წინ. ზოგს სხალი და ვაშლი, ზოგს თბილი გამომცხვარი კეცის მქადი. იმათ ესეოდა დაბალი ხალხი სავაჭროდ. მოვაკრე ქალებს შორის ბევრი ძალიან ლამაზი იყო; მაგრამ მწვირიან თავსაფრებ-წამოხურულ სახეებზე კარგათ უნდა დაჰკვირებოდი, რომ ალტაცებაში მოეყვანე იმათ შეენიერებას. ტალახ-შემხმარი ტიტველა ფეხების დანახვა(ბევრს აკლებდა იმათ ბუნებითს სილამაზეს. ზოგიერთებს ისეთი შემოგლეჯილი კაბები ეცვათ, რომ მკერდზე ახალ აფეთქილ კორებს ველარ ფარავდა, ძუძუებს იქიდან თავები გამოეყოთ და ლალისფრად ჰკვიტინებდენ. ხალხი სიამოვნებით გარს შემოსდგომოდა გოგოებს. ზოგი შემწვარ ვარიებს ყიდულობდა, ზოგი მათგანი, რომელიც უფრო დახელოვნებული იყო არშიყობაში, ვითომ სავაჭროს ეშინჯავო, უნებურათ ხელს შეახებდა მკერდზე ამ თავგამოყოფილ ლალის კორებს. „უი!“ შეკივლებდა გოგონა გაწყრომით უტიფარ მონარშიყეს და ეტყოდა: „შენ, ეი! თუ გინდა, ივაკრე, თუ არა, ჩაიარე. მკერდთან რა ხელი გაქვს!“

ამ სიტყვებზე დასცემდენ კიყინას სხვა გოგოები: შერცხეენილი მოვაკრე და მონარშიყე ჩაივლიდა გაჩუმებული, ვითომც აქ არაფერი იყო. სიცილ-კისკისი, ოხუნჯობა და დროს გატარება მართლაც აქ იყო ყოველ მატარებლის გავლაზე. მიმავალი ხალხიც და-

ლიან ედებოდა ამ კუთხეს. მატარებლის ჩავლის ან ამოვლის შემდეგ ძვირათ თუ ვისმე დარჩებოდა გაუყიდელი რამე, მერე მოჰყვებოდნენ ფულების თვლას, თითოეული მათგანი გამოჰკრავდა გროშებს და ვერცხლის ფულს თავსაფრის ყურში, შემდეგ ცარიელის კალათებით გაუღებოდნენ შინისკენ. იმათ დაედევნებოდა სოფლის ახალგაზღობა, სოფლის ბიჭები; მორთავდნენ ერთად ქალ-ვაჟნი „ორი-რაშას“ სიმღერას და ასეთის ამბით სტოვებდნენ საღვურს მეორე მატარებლის მოვლამდის.

იმ დღეს თბილისიდან მოსულმა მატარებელმა გააქანა ფოთისკენ სხვათა შორის იერემია წარბა და მისი ორი ამხანაგი, მერაბ და გივი. ისინი ჩასხდნენ ერთს მესამე კლასის ვაგონში, რომელიც სულ უკან იყო მოქცეული. იქ მგზავრები ცოტანი იყვნენ. იერემია მიჯდა ვაგონის კუნჭულში, გივი გვერდით მოუჯდა და მერაბ პირ-და-პირ. შუა ალაგს დაკიდებული ფარანი ბუუტავდა. ვაგონის კუთხეებში სიბნელე იყო მიმდგარი. იერემია და იმის ამხანაგები ჩრდილში ისხდნენ. თუ სულ ახლოს არ დააქცერდებოდი, იმათ სახეს ვერ გაარჩევდი.

— რომ იცოდე, გივი, რა მქირს?... ესმას სიყვარულმა სანთელივით ჩამომადნო. თუ ის ხელში არ ვიგდე, ჩემი თავი ცოცხალი ნუ გაჩვენოს.

— ატყობ, რომ შენც უყვარხარ?... კითხა გივიმ.

— რამდენი ვეცადე, მაგრამ წყეული ქალის გული ვერ მოვიგე.

აბა, რომ კიდევ მოიტაცო, რათ გინდა? უფრო სიცოცხლეს გაგიმწარებს.

— ჩემი სიცოცხლე მხოლოდ ახლა არის დამწარებული, იმას რომ სხვის ხელში ვხედავ, ერთი მისი ნახვა იქნება ჩემთვის მკურნალი მალამო. მისგან სხვაზე გაცვლილი ცოცხალი აღარა ვარ. მე რომ ის ბახვასთან საყდარში ვნახე, მას აქეთ მზე ჩემთვის აღარ ამოსულა. ეს ჩემი გული წყვილიადის ბნელით არის გარემოცული. მასში აღარც სიცოცხლეა, აღარც სიხარული, გული უნათლოდ მკვდარია. მეტი რაღა დამრჩენია. ან რას უნდა შევეუშინდე. ბახვა ფულავა ამალამ ჩემი სხვერპლი უნდა გახდეს. რა კი ჩამოვიშორებ, მერე ესმას გულიც მოღებება მერე მეც გამინელდება გული, გაცოცხლდება, გავიხარებ. ოღონდ მისი ნახვა ნუ დამეკარგება, თორემ სხვას არაფერსა ვსთხოვ. მისი ერთი ღრუბლიანი შემოხედვაც ჩემთვის ამომავალი მზის შუქია, რომელიც გაფანტავს ამ გულის წყვილიადს. მე რა მინდა მეტი? მე მინდა მხოლოდ ეს ჩემი მაცხოვრებელი.

ბელი მზე გალიაში მყავდეს ჩამწყვდეული, რომ მინათლოს ყოველ დღეს, ყოველ საათს, ყოველ წამს და ამით ჩემ გულს ღამე არ შე-
მოეპაროს.

— განა არ გაგიგონია რუსთველის ლექსი, — უპასუხა გივი
„მძულს უგულო სიყვარული?..“

— ქალს რომ ქმარი ზოუკედება, მისი გული გახსნილია ახა-
ლი სიყვარულისთვის.

— ვაი, თუ ბანჯას კაცები ჰყავდეს გაზრახებული! — ჩაუროთო
მერაბამ ლაპარაკში.

— შექველია, დიდი სიფრთხილე გემართებს, — სთქვა გი-
ვიმ. — აბაშის სტანციაში რომ გადმოვხტებით, თვალი არავენ შე-
გვასწროს. იერემია, შენ მაინც ყაბალახით უნდა შეიხვიო თავი. ჩვენ
შინ მისვლამდის ნახევარ საათს არ მოვუნდებით. იქ სამ ლაფშას *)
შევეკმაზავ და გავუდგეთ მთვარიან ღამეში.

ამ ლაპარაკში მატარებელი მივიდა აბაშას. სამი ამხანაგი გაქ-
რა ღამის ბნელში.

XXXIV.

21 ენკენისთვის 188... შეენიერი ალიონი ამოვიდა. აღმოსავე-
ლეთი წითლად აპრიალდა. მან შეღება არე-მარე ნარინჯის ფრათ.
მისმა შეუქმა შეანათა ბანჯას საწოლ ოთახში და ჩაძინებულ ცოლ-
ქმარს ნეტარების ნათელი მოჰქინა სახეზე, იმათ ერთმანეთის მკლა-
ვებზე ეღვათ თავები, შავი თმა სქლათ დაყროდა ქალს თეთრ ყირ-
მიზა სახეზე. მისი ზედა ტუჩი ნეტარების ნიშნათ ზევით ახრილიყო
და გამოეჩინა ტყუპი მარგალიტი კბილები. მის მარჯვენა ლოყას
ბანჯას გაწყვიპინებული უღვაში წურბელივით მოკიდებოდა. ამ სახით
ორი სიცოცხლით და გულისთქმით სავსე არსება დილის ძილში გა-
ნისვენებდა. მათ სახეს დილის რიჟრაჟი დახაროდა. ამ დროს ძილ-
ში უეცრათ შეკრთა ესმა, იკივლა და გამოეღვიძა. მისმა ხმამ წა-
მოაგდო ზეზე ბანჯაც. იმან შემოხლართა ხელები კისერზე თავის
კოლსა და დაუკოცნა წამძინარევი თვალები.

— რა იყო, ჩემო გულის სიტკბოებავ?... რამ შეგაკრთო? შენ
წამოიკივლე, განა?... — ესმამ შემოხვია ბანჯას კისერზე ბროლის
ხელები და მაგრათ დაუკოცნა ტუჩები. როცა ორმავე აღერსით
გული იჯერა, ესმამ უამბო შეკრთომის მიზეზი.

*) ლაფშა — ბედაურია.

— რომ იცოდე, ჩემო კარგო, რა სიზმარი ვნახე! შიშით ახლაც კი მაურიალებს ტანში. მადლობა ღმერთს, შენ კიდევ ჩემი ხარ, ჩემი, ჩემო გულის ვარდო. — დაუწყო ხელმეორეთ ხევენა, კოცნა და მაგრათ გულში ჩაიკრა.

— მაინც მითხარი, ესმა, რა სიზმარი ნახე? — განმეორებით სთხოვდა ბახვა.

— ნანაია, რა ვნახე!... ოჰ. საშიშროებავე! ვითომ მე და შენ ჯარში ვიყავით მარიამობას. მთელი ჯარი კაცი და ქალი — შენატროდა ჩვენს ბედნიერებას! ყველანი გვილოცავდნენ, ღვდლები გვიკმევდნენ. პაწაწა ბავშვებს ეარდის თაიგულები და მინდვრის ყვავილების კონები მოჰქონდათ ჩვენთან. ამ დროს ერთი ვინღაც შავათ ჩაცმული, შავწვერ-ულვაშიანი, შავკბილებიანი კაცი გამოვარდა ჯარიდან. მტაცა ხელი და მიმათრევდა. მე შენ ჩაგკიდე ორივე ხელი და გეხვეწებოდი შველას; მაგრამ ამ დროს იმ წყეულმა შენ ხანჯალი დაგცა მკერდზე. მე ხელები დამისხეპა და წამიყვანა. საშინლათ დავიკივლე და კიდევ გამომელეძია.

— თავი გლახათ გდებია. ჩემო სიცოცხლე, ან მკლავები დაგბუყებია ჩემი ზედ წოლით... აწ აღარ დაგიწვები მკლავზე. — უთხრა სიყვარულით ბახვამ.

— ვინ მოგეშეება? ძალათ დაგიწვენ! უთხრა ცოლმა და მაგრათ შემოსკიდა ხელები კისერზე. — დედავ, ვინ გაბედავს შენი თავის წართმევას? უმალ სიკვდილი შენს ესმას!...

ბახვა სრულიად დაათრო ამ მშვენიერი ქალის ალერსმა; მაგრათ ჩაიკრა გულში, ტუჩი ტუჩს შეუწება და ასე სიყვარულის ბუჩანში დაჰყო კარგი ხანი ცოლ-ქმარმა.

დილის რიჟრაჟი დღის სინათლეთ გადაიქცა. მზე ბაკეს გამოვიდა და მოედანზე ცხვარი ააბრწყიალა ათას ფრათ.

ბახვა და ესმა უცბათ წამოვარდნენ ლოგინიდან.

— ჯერ მე და შენ ამდენ ხანს არ დაგვიძინებია, ესმა!... ეს შენი ბრალია.

— ე!... ყველაფერს რომ მე დამაბრალებს! — უსაყვედურა ცოლმა: — როცა ხელი მომხვიე და ჩამაძინე. მაშინ ხომ არ გახსოვდა ეგებები?...

— კარგი, შენი გულისა... მე მაქვს დანაშაული! — გადაუწია თეთრი ბროლის ყელი და ზედ დააბეჭდა ცხელი კოცნა...

სალომე დიდი ხანია ფეხზე იდგა, შინ წვრილფეხი ფრინველი დაეპურებინა, თხისა და საქონლის მწყემსი გაესტუმრებინა, სამო-

ვარი მოემზადებინა და, სასტუმრო ოთახში რომ გამოვიდენ ცოლი და ქმარი, ჩაიკიდევ დასხმული იყო კიქებზე.

-- დედას ჯერ კიდევ სიმარჯვე არ აკლია, — სთქვა ბახვამ.

— შეილებო, თქვენ გამყოფოთ ღმერთმა მარჯვეთ და ბედნიერათ; მე თქვენი კირი წამილია.

— არა, დედავ, ჯერ კიდევ ჩემი ეათი უნდა გაზარდო, — გაუმეორა ბახვამ.

ამ სიტყვებზე ცოლმა ცეცხლივით თვალები შეანათა ქმარს და დედის ნამალავათ გაუღიმა.

იმ დღეს ბახვა ფულავა უნდა წასულიყო აბაშის სადგურზე, — ფოთიდან ას თუმანს ელოდა. ცოტა დაგვიანებულიც იყო. უცბათ შეაკაზმინა თავის ჩერქეზული ლაფშა, სიყვარულით გამოეთხოვა ცოლს, ჩამოვიდა კიბეზე. მოახტა ცხენს, გადაჰკრა მათრახი და გასწია თოხარიკით.

ესმა იღვა მოაჯირზე და თვალი არ მოუშორებია ბახვასთვის. სანამ შარა-გზის მიხვეულში სულ არ მიიშალა. ცოტა ხანს შემდეგ ესმას მოაწვა გულზე სევდა, გაიხსენა შავი სიზმარი და მთელი დღე უცნაურ ფიქრებში გაატარა. სალომე ცდილობდა რამენაირათ გაერთო თავის ქალი. ხან რას მოუყვებოდა, ხან რას: ბოლოს ბახვას ყმაწვილობის ამბავიც კი გამოაბა. ამ ყოფით გავიდა მთელი დღე. მზე ჩავიდა; დღე და ღამე გაიყარა. ბახვა მაინც არსად იყო. ესმას სევდამ უმატა. „ვაი თუ ბახვას რამე შეემთხვა!...“ წამოიძახებდა წამისწამ.

ოთახში დიდი ხანია ლამპები და სანთლები აანთეს. სალომე სთხოვდა თავის ქალს შინ შესულიყო. — შეილო. არ გამიცვიდე. ნანაია საღამოა! — ესმას აღარა ესმოდა-რა. ის იჯდა აივანზე და თვალები ჭიშკრისკენ ჰჭონდა.

— შეილო, შემოდი შინ. ალბათ დროზე ვერ გაათავებდა საქმეს და მიტომ დაგვიანდა. აწი მოვა, სადაც არის.

— არა მიჰიროს-რა, ნანაია, არ გავცივდები.

სალომემ მაინც არ დაუჯერა და, რა კი შეატყო, რომ შინ არ უნდოდა შემოსვლა. შალი გამოუტანა და ტანზე მოახურა. ესმას თითქმის არც კი უგრძნია შალის წამოსხმა, ფიქრებით იყო შეცული. ამ დროს ჭიშკარი აქრიალდა. ბახვას ხმაც მოისმა: ბიჰს უძახოდა, ცხენი ჩამომართვიო.

საყვარლის ხმის გაგონება და ესმას წამოვარდნა ერთი იყო. თითქმის ფრთებ-შესხმული ჩაფრინდა კიბეზე და გაეშურა ქმრი-საკენ.

— ვინ ხარ შენ?... ესმა?... რამ გაგაგიყა!... ამ ღამეში რა გინდოდა?... რომ გაცივდე?... უცებ გადმოხტა ბახვა ცხენიდან, სადავე უნაგირის ტახტზე შეაგდო და გაეშურა ცოლისკენ. ესმა შეიყვანა ოთახში.

— შეილო, შენი ესმა კინალამ გამიგიჟდა. რათ დაიგვიანე აზღენ ხანს? — მოაჯირთან ხმამალა უთხრა სალომემ.

— აბაშის სტანციაზე რამეები მქონდა; სიმინდები ვივაჭრე და ერთი სამოცი თუმანიც ბეთ დაეურიგე, აი ამან დამაგვიანა.

— დედა, ახლა ბახვას სამოვარი უნდა, დაღალული იქნება, — თქვა ესმამ.

— სამოვარი. შეილო, კიდევ გაჩაღებულია ჩემს ოთახში; წამოდი, შეილებო! — ცოლ-ქმარი შეჰყვა სალომეს ოთახში, სუფრას მოუსხდენ. სამოვარი კვარჩხალობდა. ესმამ ჩაის კეთება დაიწყო. ბახვამ სამი კიჭა დალია და მერე მოჰყვა თავის მომავალ პლანებზე ლაპარაკს.

— დღეს კარგ ფეხზე წავედი. აბაშაში შემხვდენ საქყონდიდლოს მებატონეები და მიქელაძეები, — დაიწყო ბახვამ ხელების გრეხით, თითქოს ქალაღლის ფულს კეცავსო. — ათი ათასი ქილა *) სიმინდი დაეიბევე. მოსავალს კარგი პირი არ უჩანს წლეულს. სიმინდი უნდა გაძვირდეს. ისე ვივაჭრე, რომ ბათმანი სამ შაურათ მიჯღება ფუთში ვიგებ ხუთ შაურს. ათი ათასი ხუთი შაური იქნება ორი ათას ხუთასი მანეთი. წლეულს ესეც კმარა. დანარჩენ დროს შინაურს ოჯახობას მოვანდომებ. ისეთნაირათ უნდა მოვროთ ეს ჩვენი გარემო, რომ სამოთხის მსგავსი შეიქნეს.

— შეილო, ღმერთმა ბევრი მოგაგებინოს. — უთხრა სალომემ — გეყოფა, რაც გაქვს, მეტი ნულარ გინდა, — ღმერთს ეწყინება. აწ დაჯექი შინ და ტკბილათ დრო გაატარე. ესმა არ გეცოდება? ყოველს წასვლაზე მაგას მოსვენება აღარ აქვს. სანამდის მოხვიდოდე, სული ელევა.

ჩაის შემდეგ ბახვა მუშებთან ჩავიდა სამზარეულოში, მუშაობის ამბავი გამოიკითხა. ან იმ დღეს რა გაეკეთებინათ, ან ხვალ რა საქმეს უნდა დასდგომოდენ. ყველანი ძმასავით მოიკითხა, გაამხნევა ჯამაგირის მომატებას დაჰპირდა, თუ უკეთ გაირჯებოდენ; მერე წავიდა თავლაში, ცხენები დაათვალიერა, თავის თვალთ უნდოდა დარწმუნებულიყო, დაღალულ ცხენს თუ მოუარეს. რა კი ყოველივე თავის რიგზე ნახა. ძალიან იამა. მერე მოსამსახურე ბიჭს უთ-

*) ქილა ერთი ფუთია.

ხრა კიშკარი დაუკეტავი არ დარჩენოდა, ყველას გამოემშვიდობა და ამოვიდა ოჯახში გამხიარულებული. იქ ვახშაში გაჩაღებული უტლი-და, დასხდომის მეტი არა აკლდა-რა.

— დედა, კახური ხომ არ გამოგლევია ჯერ?

— ორი ბოთლი დარჩა კიდევ, შვილო!

— არა უშავს-რა, ხვალ სადილობამდის ახალი ღვინოები მოგვივა. მოიტანე ამალამ ორივე ბოთლი, ქეიფიანათ შევექცეთ. შენ და ესმამ ერთი ბოთლი დალიეთ, მეც ერთ ბოთლს გამოვცლი.

— უი, შვილო, ერთ ბოთლ კახურს რა დაგვალევიანებს?

— მე ერთ ჭიქასაც ვერ დავლევ, თქვა ესმამ.

— არა, უნდა დაგათროთ! არ შეიძლება, რომ არ დალიო.

— ენინანია! უთხრა სიკეკლუტით ესმამ.

— სწორეთ უნდა დაგათროთ, — დაუყინა ბახვამ და გულის-თქმით შეხედა.

— არა, არ დავლევ. — ელაპარაკებოდა ცოლი.

— რომ არ დალევ, დაგახრჩობ, — უთხრა ბახვამ. ძალადობის ნიშნათ თავი დაუქირა და ჩაკოცნა ტუჩები.

— სვით, შვილებო; იქეიფეთ; ეს წუთისოფელი დიდხანს არავის შერჩება.

XXXV.

შემოდგომის ღამე იყო. გავსილი მთვარე დედამიწას დაქაი-ქათებდა. არე-მარე მოვერცხლულ ჰაერის ზღვაში ყვინთავდა. უზარ-მაზარი კაკლისა და ცაცხვის ხეები ვაკეზე აქა-იქ შეჯგუფებულები სქელი ჩრდილით ფარავდენ მოსახლეებს. მთვარის შუქი რძესავით გადანახმოდა ცასა და ქვეყანას. ლაქვარდი ცა მის გამო თეთრათ გამოზღენცილიყო. კავკასიის ქედები, მუქ ტრედის ფრათ შეღებილები, უზარმაზარ ღობე-ყორეთ, გაჰკროდენ ცის კიდესა. ვაკეზე ხეებო აქა-იქ შავათ ამოფულულიყვენ. ოღნავ სიოც არ აკრთობდა მათ ფოთლებს. არც ტურები კიოდენ, არც ღამის ფრინველი „ქოტი“ იძახოდა, არც აჩეჩა ურმების კრიკინი, არც ბუზანკალის ბზუილი, არც კოლოს წუწუნი. ყოველ სულდგმულს და უსულოს თითქოს ერთად გაეშალათ იმ ღამეს ლოგინი და ღრმათ ჩასძინებოდათ. თვით ბუნება იყო იმ წუთს ხმა-გაკმენდილი თავის საიდუმლოებაში; არც იყო დღე; არც ღამე, არც იყო სიცხე; არც სიცივე; არც ბნელი, არც ნათელი; მაგრამ ორივე კი თეთრათ გაპენტელ მთვარეს ერთმანეთში შეეზავებინა. თვით მთვარე ისეთი მშვიდობიანი სახით დაჰყურებდა

დედამიწას, რომ მის გავლენის ქვეშ ბნელი ნათელს მერიგებოდა, ღამე ღამეს, მტერი მოყვარეს. და წყვილიადის დედოფალი სიკეკლუცით უცქერდა ყველას და მეფურის სიუხვით ნათელს აფენდა ამ საერთო ცის და ქვეყნის განცხრომაში და სიყვარულში, მხოლოდ სამი ცხენოსანი მგზავრი არ იღებდა მონაწილეობას. ისინი მიიჩქაროდნენ გამტვერიანებულ შარახე. იქით-აქით შარას ღრმა თხრილები ჩაუყვებოდა, ზედ ახალი ძეწნის ნერგები იყო მოყოლებული. ისინი იდგენ ყარაულებათ, რომ ყანები საქონელს არ წაეხდინა. ცხენოსნები ბაშლაყ-მოსხურული და ნაბდებ-წამოსხურული იორლით წინ მიისწრაფოდნენ. ცხენთა ფეხების ბაკუნნი, ხანდახან მათრახის ტაკუნნი განზე გახტომა მოკლე ვადით არღვევდა საყოველთაო სიჩუმეს.

— კიდევ დიდი ხანი გვაქვს სასიარულო? — იკითხა მოუთმენლათ ერთმა მათგანმა, რომელიც მთვარის ჩრდილზე ორივეზე უდიდესი ჩნდა.

— საათ-ნახევარი. — მიუგო მეორემ.

— დროა დაწვრილებით მოვილაპარაკოთ, როგორ უნდა მოვიქცეთ, დაუმატა მესამემ.

უქველია, მკითხველი მიხვდება, ვინ იყო ეს სამი ცხენოსანი.

ბახვა ფულავას ეზო დიდია, დაიწყო გვიმ: — გარშემო ბროწეულის. ტირიფის და კოპიტის ხეებია შემოვლებული. ცხენები, ეზოს გარეთ რომ დიდი ცაცხვებია, იმათ ქვეშ დაეხატათ. მერაბი ცხენთან დარჩეს. მე ჩაეალ ეზოში. ბახვას ორი ნაგაზი ყავს. ძალიან ავეები, მაგრამ ჩემთან შეჩვეულები არიან. უნდა ვეცადოთ პირველ ძილაშდის მივიდეთ. ძალები დაიყუფენ, მაგრამ, რადგან პირველი ძილი ტუბილია. სანამ გაიღვიძებდნენ, ძალებს დაეამშვიდებ, წამოვიტყუებ ეზოს გარეთ და ორივე უნდა მოვკლათ ხანჯლებით. მერე უფრო ადვილათ მოვრთავთ საქმეს.

— ეგ კარგი რჩევაა, დაუმატა მერაბმა.

რა-კი ძალების შიში არ იქნება, განაგრძო გვიმ. — მე სახლის თავზე ავალ. იქიდან ჩაეძვრები და ყველაფერს შევიტყობ, სად რა არის, ან ვინ სად წევს. შენ. იერემია, იქვე ოდის წინ აივანზე მომიცადე. თუ გავალო კარი, შიგ შემოვარდი და საქმე დაეიწყით; თუ არა, ალბათ მოუხერხებელი იქნება რამე მიზეზის გამო, და მე იმავე გზით გამოვალ, რომლითაც ჩავიპარები.

— ყველას ის ემჯობინება, — თქვა იერემიამ, კარს რომ გააღებ, მე შემოვვარდები და კუთხეში მივიმალე. შენ საქმე ასტეხე; ბახვა შემოგიტყვს, შენ გარეთ გამოვარდი; ის გამოგეკიდება; მთვარის სინათლეზე თუ ჩხუბი გაგიმართოს. ხანჯალს ნუ დაარიდებ.

მანამდის მეც მოვიტაცებ ჩემ საუნჯეს, გავსწევ მერაბისაკენ და შენც
თან დამედევნე: რაკი მერაბთან მივაწევთ, მერე მშვიდობით. ეშმაკიც
ველარ შეიტყობს ჩვენს ასავეალ-დასავეალს.

— შუშ!... ნელა გაიხმაურა გივიმ.

ცხენოსნებმა შეაჩერეს ცხენები და შეეფარენ დიდ ცაცხვის
ჩრდილს. ამ დროს ისინი თითქოს წყვილიადს ჩაენთქას. ზედ შარა-
ზე გამოჩნდა ფიცრული კიშკარი, ყაბრით გადახურული და შიგ-
ნიდან საგდულით ჩაკეტილი. ეს განიერი ალაყაფის კარები ჩაქე-
დილი იყო მალალ თავწვეტიან მესრის ლობეში. ლობეს შიგნით
ეზო მთვარის შუქზე ფირუზის ფრად ნათობდა და ხშირს ღობი-
ლოს *) ზედ შავი ჩრდილის ლაქები დაებნია. მოშორებით ალვის-
ხის ტალავური შემორტყმობდა ოდას და სხვა სახლებს. მათ აჩრდი-
ლისაგან ყველა შენობები ჩაბნედილიყო. ეს იყო ბახვა ფულავას
ოჯახი.

ღამის პირველი საათი იყო. ბადრი მთვარე მეფურის სულგრ-
ძელობით კჳენდა ნათელს ბახვა ფულავას ეზოს და მის გარემოს.
ერთი რალაც შავი ჩრდილი უცებ აცოცდა კიშკრის ბოძზე, გადა-
ფორთხდა და ჩავარდა ეზოში. ამ შავ ლანდს მოკრეს თვალი ძალ-
ლებმა და გაბრაზებულებმა მოაშურეს კიშკარს. ისინი ისეთი მძვირ-
ვარი ყფით მორბოდენ, თითქოს სურდათ ეს რალაც შავი ნადირი
ლუკმა-ლუკმა დაეგლიჯათ. მაგრამ უცებ მოისმა რალაც უცნაური
წრუპუნე: და ნელი სტვენა. ძალებმა შესწყვიტეს ყფა და კუდების
ქნევით დაუწყეს ლაქუცი შავ ლანდს. ეს იყო გივი, კარგი შესული
ქმა ბახვასი. ის ხშირათ დადიოდა მის ოჯახში: უკანასკნელი ჩხირიც
სად იდვა, იცოდა. გივიმ გამოაძრო კიშკრის საგდული და კარები
გაალო. მერე უცნაურად დასტვინა. ნავაზებმა სიყვარულით დაუწყ-
ეს გივის შეხტობა. იმან წაავლო ხელი ორივეს საყელოებში. ერთი
წამიც არ გასულა, რალაც საზარელი წკნავილი მოისმა... მერე ცაც-
ხვის ჩრდილიდან გამოვიდა ორი კაცი. ისინი ფეხ-აკრფით გაეშუ-
რენ ბახვას ოდისკენ და მალე შეიმაღლენ ხშირს ალვის-ხეებში. ერ-
თი მათგანი, როგორც ვთქვით, იყო გივი, მეორე — იერემია. გივი
რომ ოდის კარებზე შევიდა, იერემა სამზარეულოსკენ გაეშურა. იქ
ბიკებს ეძინათ. იერემიამ: ამ სახლის კარის რაზა გარედან გადააცვა
რკინის მარყუტზე: თუ, ვინიცობაა, ბიკებს გამოვლეიძებოდათ, გა-
რედან დაკეტილ კარს ველარ გაალებდენ.

ბახვას მხოლოდ ორი დიდი ოთახი ჰქონდა სადგომათ მომზა-
დებული. ერთში იწვა სალომე და მოსამსახურე გოგო, მეორე — ბახ-

*) ხეზე გაშვებული ვაზი.

ეს საწოლ ოთახათ ჰქონდა გაკეთებული. ოთახის კარებს ჯერ არც ერთს არ ჰქონდა სარაზავი. იმათ შიგნით და გარეთ ჰქონდა რკინის-კაკეები მარყუჟებით. ღამით კარებს შიგნიდან ჰკეტდნენ. გარეთ-რკინის კაკეები ყოველთვის თავისუფლათ ეკიდა. გივი შევიდა თუარა-ოდაში, სალომეს საწოლი ოთახის კარები ყველა გარედან გადარაზა, მერე აცოცდა ოდის კედელზე და ჰერის ფარალაღლით ჩაიპარა-ბახვას საწოლ ოთახში. კედელზე ჰაწია ლამპა პატრუქ ჩაწეული-ბუტბუტავდა. ოთახში არც ძალიან სიბნელე იყო. არც ძალიან სინათლე. ცოლ-ჰმარს მაგრად ეძინათ. გივიმ ბახვას კრაოტის თავით კედელზე-საკვოიას შესწრო თვალი. მას ბევრი აღარ უფიქრია, სტაცა ხელი საკვოიას, მერე მივარდა კარებს და რაზა გადმოუგდო. იერემია თვალის დახამხამების უმალ შევარდა საწოლ ოთახში და კედლის კუთხეში რომ შეკაფი იდგა, იქ ამოიმალა. რაზის გადმოგდება და კარების ჰრიალმა ბახვა გამოაღვიდა. იმან თვალი შესწრო, რომ ვი-ღაც ბაშლაყ-მობურული დაფლეთილ კარებში გაეარდა. „არიქა ჰურ-დიო!...“ წამოვარდა ზეზე პერანგისამარა, გამოიღო ბალიშს ჰვეშ-რეეოლვეერი და გამოუდგა. ერთი ორჯერ რეეოლვეერის ხმა მოისმა. ესმა გაცოფებული წამოჯდა საწოლზე. —

გულ-მკერდ გადალიაღებულს თმები ჩამობურდოდა და სქლად-დაპყროდა ბეკებზე. მისი ბროლის გულ-მკერდი ლამპის მიმჰრალ სინათლეზე მთვარესავით ანათებდა. ამ მშვენიერების დანახვამ იერე-მია ააღელვა. ის სწრაფად მიუახლოვდა და მთრთოლარე ხმით დაიწყო: „ესმა, მას აქეთ, რაც შენ დაგინახე, სიცოცხლე სიცოცხლეთ აღარ-მიმანჩია. შენ მეტს ჩემი ვაჟკაცობა არავის დაუჩაგრავს. მე დღეს ცოცხლებში აღარ ვურევივარ. კარგათ შემომხედე: შენის სიყვარუ-ლით სიგიჟე მომრევი. აი, ხომ ხედავ, მოვედი შენ წასაყვანათ: ან უნდა წამომყვე, სიცოცხლე დამიბრუნო, ან აქვე შენს კალთაში უნდა მოვიკლა ჩემი თავი.

— უიმე!.. ვინ ხარ შენ, სატანის მსგავსო?!... იერემია?!... აქ რა გინდა, შე ბოროტო?...

— გაოცების დრო აღარ არის, უნდა წამომყვე!

— უწინამც სიკვდილი მე!...

იერემიამ მაგრათ შემოხვია ხელები და ბავშვივით გამოიყვანა-გარეთ.

სასოწარკვეთილებაში ჩავარდნილმა ესმამ ორივე ხელი ჩასქი-და წვერებში და, რაც ძალი და ღონე ჰქონდა, ძირს დასწია.

იერემია წვერების ტკივილმა მეტად შეაწუხა, მაგრამ სხვერპლს მანც ხელი არ უშვა, სიფრთხილით ჩამოვიდა და ჩამოიყვანა კბეზე...

აქ რომ ეს ამბავი ხდებოდა, გარეთ ეზოში ბახვას გივისთან ჰქონდა ბრძოლა. გვიმ პირველათ მოკურცხლა, ბახვა უკან გამოენ-
თო და დაახალა ორჯერ რევოლვერი. ეტყობოდა, დაექრა, იმიტომ რომ ჭიშკრამდის კიდევ მიეწია მას. გივი უცებ მოტრიალდა და ერთი იმანაც ესროლა. ბახვა წაიქცა, მაგრამ მაშინვე წამოვარდა ზეზე. რაკი დაინახა, რომ ქურდი დაფელილ ჭიშკარში გაქრა, უცებ მოტრიალდა და გაიქცა სამზარეულოსკენ ძახილით. ბიჭებს ხმა ესმოდა, მაგრამ საკვირველი იყო, რომ არავინ გამოეყარა! გულს მწარე იჭვი ეცა, „ვთუ შინაურებმა გამქურდესო!“ ის მივარდა სამზარეულოს კარებთან. კარები გარედან დახვდა გადარაზული. მაშინ კი ყოველივე აიხსნა. იმან უცბათ გადმოაგდო მარყუჟიდან სარაზავი და შებღავლა ბიჭებს: „არიქა, მიშველეთ, ქურდები დაგვეცენო!“ მოტრიალდა თუ არა, მთვარიან ღამეში რალაც შავს აჩრდილს მოჰკრა თვალი ოთახთან და ამ დროს საზარელი კვილიც მოესმა: „ბახვა, მიშველეო!“ —

— არიქა, ესმა მომიკლეს! — დაიღრიალა ბახვამ. ყველანი შავს აჩრდილს გამოუდგენ.

ესმამ რომ ველარასფრით ვერ იხსნა თავი რკინის ხელებიდან, ჩაავლო იერემიას მარცხენა კლავში კბილები და სასოწარკვეთილებით მოუჭირა. იერემია თან წვერების ტკივილით და თან მკლავზე კბენით მეტად გაბრაზდა. ამ დროს შენიშნა, რომ უკან მისდევდნ და, ის იყო მისწოდნ კიდევ. იფიქრა, დამიქერენო და ბრაზმორეულმა, რომ თავის განზრახვას ველარ ასრულებდა, მოისვა ხანჯალზე მარჯვენა ხელი და ჩაკრა გულში ქალს ამ სიტყვებით: „თუ ჩემი არ იქნები, ნურც მისი ყოფილხარ!“ ესმა საზარელის კენესით ძირს დაეშვა. ბახვა დაეკონა თავზე ესმას. ის სისხლში ცურავდა.

— არიქა, ბიჭებო, მომეხმარეთ! ესმა მომიკლეს!... ამის თქმა და მისი მიწაზე დაცემა ერთი იყო. მოსამსახურებმა აიღეს ორივე ცოლ-ქმარი და შეიტანეს ოთახში.

სალომე გარედან გადარაზულს ოთახში იყო და იქიდან ყვიროდა: „ვინ ხარ პატრონი?... კარები ჩაგვიკეტეს. რა ამბავია, შვილები ხომ არ დამიხოცეს?“ თან გოგოს ტირილი ისმოდა. დამწყვდულებს მაშინვე გაუღეს კარები. საწყალი. დედა თმა-გაწეწილი შემოვარდა და, როცა თავის შვილები სისხლით გათხუპნულები ნახა, ჩაიკეცა და გულს შემოეყარა.

მოსამსახურეებმა ბახვას და მის ცოლს თბილის წყლით მო-
ზანეს სისხლი და მაგრათ შეუხვიეს. ბახვას მარჯვენა მკლავში მო-
ხვედროდა რევოლვერი. სისხლისგან დაკლილი ძალიან შესუსტებუ-
ლიყო, მაგრამ კრილობის შეხვევის შემდეგ. როგორც იყო, მოსუ-
ლიერდა, აფორხნდა, გადაეხვია თავის ცოლს და ნუგეშმიხდილი ჩას-
ძახოდა: „ესმა, ვინ მომიკლა შენი თავი“?... იმან თვალები გაახილა
სახეზე ღიმილი მოუვიდა. ბახვამ დაუკოცნა ნაცრის ფრად ქცეული
ტუჩები და მალ-მალ ჩაკითხავდა, ვინ იყო მისი მკვლელი... ესმას
მოუვიდა მანქვა და პირიდან სისხლი ამოაქცია. ცოტა ხანს შემდეგ
არეულათ წამოიძახა: „იერემიამ მომიკლა“...

— მიშველეთ, ექიმი!

— კი, ბატონო, კაცები კაი ხანია გავგზავნეთ.

— ესმა, ესმა!... — ჩასძახა სასოწარკვეთილმა ბახვამ... მაგრამ
ესმა აღარ იყო ამ სოფლათ.

მეორე ნაწილი.

I.

მეოთხე დღეს ბახვას ოჯახიდან საზარელი ხმა ზარისა და მოთქმით ტირილისა გამოისმოდა. ეზოს ღობის ჩაყოლებით იდგენ ჩამწყკრივებულნი უნაგრიანი და ასალ-უნაგრიანი ცხენები; ზოგი მათგანი რახტით იყო შეკაწმული. დროგამოშვებით ეზოში შედიოდნენ ახალ-ახალი ცხენოსნები — კაცები და ქალები. თმებ-გაშლილნი. შავით შემოსილნი. ისინი ჯერ კიდევ ეზოში არ ჩასულიყვნენ; შორიდან მორთავდნენ ხმა-მაღლა ტირილსა. გაიპოტნიდნენ სახეს. მათ წივილ-კივილს აჰყვებოდნენ კაცები; გაჰქონდათ თავის ტყეპა და წვერების გლეჯა.

ბახვას ოჯახში ახლა თაოსნობდა მისი ბიძაშვილი ნესტორა; რომელსაც დაეპატიენა ტირილზე შორეულნი მოკეთენი, ნაცნობნი და მეგობრები. აგრეთვე გარემო სოფლის ხალხი გლეხი. აზნაური და თავადი. იმას ორას-სამასი კაცის ხარჯი და სანოვაგე დაემზადებინა. ათი საპალნე ღვინო ეყიდნა, რამდენიმე ფუთი ხმელი და ნედლი თევზი დაებარებინა. ზოგი ფოთიდან. ზოგი ქუთაისიდან. წელა. ხიზილალა და მრავალნაირი სამარხვო საკმელი ხორათ ეყარა. ბევრი მისთანა მოტირალიც იყო, რომ დაუჰპატიეებლათ მოსულიყო — მხოლოდ ტირილის დასაშვენებლათ უსაქმური და კარ-და-კარ მოსიარულენი. მათთვის ღვინო და ტირილი თანასწორი სასიამოვნო გასაგონია. რადგან ორივედგან კარგათ ჩაბრუედებიან, როგორც სანოვაგით, აგრეთვე ღვინით. ისინი სუნით ეძებენ ამისთანა შემთხვევას. ესმას ტირილსაც მრავალი მიატყდა ამისთანა მესადილეები. იმათ არა აქვთ ჩვეულება ხორცის დათმობისა. კირისუფლებზე კიდევ უფრო პატივისცემა იმათ უნდა, რადგან ისინი არიან მაგინებელნი და მაქებელნი, ოჯახის სახელის ავით თუ კარგათ მომხსენებელნი. ამის გამო სამარხო საკმელების გარდა იმ დღესა და მეორე დღეს ბახვას ოჯახს ორი ძროხა არ ჰყოფნია მოქელენეებისათვის.

აივანზე თანდათან ემატებოდნენ ახალ-ახალნი მომტირალნი, რომელნიც უცდიდნენ თავიანთ რიგს. ეტირებოდათ თუ არა. სულ

ერთი იყო, მაინც თავში უნდა ეტყებნათ და ეძახნათ წინდაწინ და-
ზებირებული სიტყვები: „ეი ჩემს უბედურებას! ამას რას ვხედავ?
ვინ იყო ის ღვთისაგან წყეული, რომ ამ წმინდა ანგელოზს დღე მო-
უსპო? ვინ გაბედა ბახვა ფულავას ოჯახის აფორიაქება“ და სხვა....

ბოლოს სახლის აივანი და თვით სახლი ისე გაიტენა მომტი-
რლებით, რომ ტევა აღარ იყო. მრავალი ხალხი, რომელსაც ტირი-
ლი გაეთავებინა, კიანჭველასავით ირეოდა განიერს ეზოში. თვით
სახლის დარბაზში, შუაგულ ალაგას, ესმა ესვენა. ძირს იატაკზე
მოფენილი იყო ხალები და ფარდაგები. კედლის ჩაყოლებით ხალი-
ჩებზე ისხდნენ ქირისუფალნი, სულ ჩაშავებულ-ჩაკუპრულნი. ქალებს
ყველას თმა გაეშალათ.

კუბოს მახლობლათ ძირს საფენზე ჩამჯდარიყო დედა-მისი
სალომე, რომელსაც პირისახე სულ დაპოტნილი ჰქონდა და სისხლი
სდიოდა. შუბლზე უშველებელი კოპალი უჯდა. იმ უბედურს სიმ-
წრისაგან შუბლი მაგრათ დაეკრა იატაკზე და კანი ლურჯათ ამობე-
როდა. მუდამ ხმამაღლა ტირილისაგან ტუჩები დასივებოდა, ხმა ჩახ-
ლეჩოდა, ცრემლისაგან გამშრალიყო. უსმელ უქმელობით იმ სამს
დღეში ისე გამხდარიყო, რომ კანისა და ძვლის მეტი აღარა იყო-რა.
ოვლები ჩაცვინოდა; ისე იცქირებოდა, თითქოს თვალის სინათლე
გამოშრეტოდეს და მისი გამობლენცილი შეხედულება ჰკუა-შერეულს
ადამიანს მოაგონებდა კაცსა. ის მისვენებოდა კედელს და გარეტიანე-
ბულათ იყურებოდა აქეთ-იქით. მის გვერდით მუთაქაზე წამოწოლი-
ლი იყო მხარაკრული ბახვა, სისხლის დენით დაცალიერებული, ფსვე-
ნასავით გაყვითლებული და მისუსტებული. ვისაც უწინ მისი დაშვე-
ნებული სახე და ლამაზი ტალავარი ენახა, ის როგორღა იცნობდა
ხამარიდან ამოღებულს ბახვას. ის ახლა ხშირად გულ-მოსაკლავად
კრინავდა: „ვაი, ვაი!“ მას შემდეგ იჯდა ნესტორას ცოლი, რომელიც
მეგრულს კილოზე ლამაზის, სამწუხარო ხმით მოსთქვამდა და ხან-
და-ხან ისეთს გულსაწვავ სიტყვებს წამოიძახებდა ხოლმე, რომ მთელს
იქ მყოფს ხალხს ააქვითინებდა. მისგან ამოკენესილს „ვოვო, ნანა“-ს...
ვინც გაიგონებდა, რომ არ ნდომებოდა, მაინც უნებურათ ცრემ-
ლებს გადმოჰყრიდა.

შესავალ კარებთან იდგა ხუთი მოზარე და, როგორც კი ახა-
ლი მომტირალი ხმამაღლა დაიწყებდა მოთქმას, მაშინვე გლოვის
ზარს დაჰგუგუნებდნენ, რომელზედაც მომტირალი წვრილად, ხმა-
შეწყობით დაჰვალობებდა. სამწუხაროთ და გულმოსაკლავათ.

სამტირალო დარბაზში ქირისუფლებს შემდეგ ჩაჰყვებოდნენ მე-
ზობლები და ნაცნობები, ყველანი ძირს ხალიჩებზე დამსხდარნი. მათ

შორის ბევრი ახალგაზრდა ქალი ჩნდა. ზოგს მათგანს სქელი შავი თმა და ზოგს მუქი წაბლის ფერი თმა მხრებს და მკერდ-კისერს უფარავდა. სქლად ჩამოშლილი თმებიდან გამოსცქეროდნენ გრძელი წამწამებით შემოსარული ცეცხლ-მფრქვევი თვალები და გამოსკვიოდნენ ბროლის მკერდ-კისერანი. ამათი პატრონები კარგათ ჰგრძნობდნენ, რამდენათ ჰშვენოდათ მათ ლამაზ სახეს ლაზათიანათ ჩამოშლილი გძელი თმები და, როცა ვინმე შესამჩნევი მომტირალი შემოვიდოდა ქირისუფლის მისატირებლათ, ხან ერთი კუთხიდან მოისმოდა და ხან მეორე კუთხიდან კრიალა ხმით მოთქმა შეენიერის მანდილოსნისა. იმათ იცოდნენ, რა დროს რა სიტყვები უნდა გამოეთქვათ მწუხარების ხმით, რით აღეძრათ მომსვლელების ყურადღება. მათი ტირილი მართლაც სევდით მკვესარს საგალობელს, მიემსგავსებოდა. ეს იყო ერთი რაღაც გულის მომხიბლავი კაეშნის სიმღერა. ამისთანა მომტირალს თუ ვინმე ახალგაზრდა ვაჟი თვალს შეასწრებდა, არ შეიძლებოდა მისი გული არ აღუღებულიყო; მტირალი მანდილოსანი ხან თანაგრძნობას, ხან შეცოდებას გამოიწვევდა ვაჟის გულში. მაგრამ, როცა შეენიერი მანდილოსანი გაშლილს თმას გაისწორებდა თავის ბროლის თითებიტა და ამ დროს მის გრძელს წამწამებს მარგალიტებივით შემოესხმოდნენ ცრემლის ცვრები, აქ კი ახალგაზრდა ქაბუკის გული მწუხარების კარს უცებ დაჰხურავდა და სიყვარულის ისრით განისმკვალებოდა. ასეთი შთაბეჭდილება აუცილებელი ხდება ხოლმე ჯრძნობა-მომღერალის ქაბუკის გულისათვის.

მართლაც. იმერეთის ცხოვრებაში ორი შესამჩნევი დროა, როცა ლამაზ ქალებს სჩვევიათ ვაჟკაცის გულის ატოკება უმაღლეს ხარისხამდის: ერთი ლხინი, როცა ლამაზი ქალი ლეკურს თამაშობს, ან ტკბილათ დაამღერებს ჩონგურზე და გიტარაზე; მეორე ტირილი, როცა ლამაზი ქალი თმა-ჩამოშლილი გულ-გასაგმირალს სიტყვებს წამოაკრიალებს და თან მწუხარის, მაგრამ სასიამოვნო ხმით დაკენეს, დალიინებს. ამ უკანასკნელ შთაბეჭდილებას ძნელათ თუ გაუძლებს ხოლმე ქაბუკის მგრძნობელი გული. აი, ამით აიხსნება ხალხში ლექსად გამოთქმული ეს ღრმა შთაბეჭდილება და ვაჟკაცის გულის აფეთქება ლამაზის ქალის ტირილით:

ნეტავი მომკლა ხის ძირსა, ფოთოლი დამედინოსა;

მოვიდეს ქალი ლამაზი, გულს ცრემლი დამადინოსა...

ასეთი ჩვეულება ხალხის ცხოვრების ძარღვით გამხდარა; ქირი და ლხინი სწორეთ საზოგადოების დამაკავშირებელია. ამიტომაც გლოვა ტირილის დროს დაუპატიებლობა ნათესავებისა და მეზობლებისა ურთი-ერთობის დარღვევის მიზეზად ხდება. ამ დროს რომ ვინ-

მე გამორჩეს და თავისიანი არ დაპატიეოს, სამდღურავს ვერ ასცილ-
დება. ეს გარემოება შეიქნება უმძიმესი მიზეზი ხანდახან მოსისხლე.
მტრობისაც.

ბახვა ფულავას იმ დღეს განუწყვეტლად მოსდიოდა ახალ-ახალ-
ლი მოტირლები, ქალი და კაცი. ისინი რიგ-რიგათ შედიოდნენ დარ-
ბაზში მიცვალებულის სატირლად. თითოეულს მოტირალს ჯერ კუ-
ბოსთან, საცა იგი შესაფერად შეიცხადებდა მიცვალებულის მდგო-
მარეობას; შემდეგ მიიყვანდნენ მას ბახვასთან, რომლის წინაშე მუხ-
ლი უნდა მოეყარა და თანაგრძნობის გამოსაცხადებელი სიტყვები გა-
მოეთქვა; შემდეგ მიიყვანდნენ ბახვას სიდედრთან, მერე ნათესავებ-
თან და ბოლოს გამოიყვანდნენ გარეთ. ახლა მეორეს შეიყვანდნენ და
ამასაც თავის რიგზე ატირებდნენ. ამ სახით, დილიდან დაწყებული ნა-
შუადღევის ორ საათამდის ძლივს მოლიეს მოტირალნი. შემდეგ სუფ-
რა გაიშალა ყოველნაირი სანოვაგით და ტირილიც მიუჭრდა. სადილს
რომ მორჩენ, მზე დაწეული იყო. ამ დროს მღვდელ-მთავარმა მიცვა-
ლებულის წესის აგება დაიწყო და, როცა მგალობლებმა დასძახეს:
„საუკუნოთ იყოს ხსენება...“, უეცრად მოისმა საოცარი კვილი სა-
ლომესი: „მიშველეთ; ჩემი ესმა ხრამში გადამიგდეს!... „იგი გიჟუ-
რათ აფეთებდა თვალებს და ღონივრად არღვევდა ხალხს კუბოზე
ღასატაკებლათ. ამ საზარელს წამს შესწყდა წესის აგება. ხალხში
გაისმა, „უბედური დედა, მწუხარებისაგან გაგიყდა!“ ერთმა დაიძახა:
„ხელი მოჰკიდეთ; კუბოს მოაცილეთ ეგ უბედური!“ ექვსმა კაცმა
ძლივს დაამაგრა გალომებული სალომე; ის გაიყვანეს მეორე ოთახში.
გათავდა თუ არა წესის აგება, ბახვა მიიყვანეს მიცვალებულის გამო-
სათხოვრათ.

— ესმა, ჩემო სიცოცხლის კავშირო! — დაიღრიალა საცოდა-
ვათ ბახვამ, — მიხვალ?.. საუკუნოთ მეთხოვები?.. რა დაგიშავე, შე
ქალო, ამის ფასი?.. ეგ იყო შენი დაპირება?.. ეგ იყო შენი მტკიცე
ფიცი საუკუნო სიყვარულისა?.. ვინ წამართვა შენი თავი ასე უდრო-
ვოთ?.. შენ გგონია, შენს შემდეგ მე კი ვიცოცხლო?.. არა, ჩემო ლა-
მაზო! ჩემო უმანკო თეთრო მტრედო!... არც მე მინდა უშენოდ სი-
ცოცხლე. მეც მალე უნდა გამოგედევნო. განა შენ კი არ იცი, რის-
თვის ვრჩები. მარტო იმისთვის რომ შენი ვალი ავასრულო, შენი
უდროვოთ დამმიწებელი დავამიწო. თუ ეს არ ავასრულე, აბა პირ-
ნათლად როგორღა შეგეყრები?.. აბა, როგორ იფიქრე, შე ურწმუ-
ნო, შე გლახა, რომ მე უშენოდ ცხოვრება შემეძლოს?.. ჩემთვის ეს
ქვეყანა უშენოდ კუპრია, ჯოჯოხეთია. ან სახლ-კარი რაღათ მინდა.
ან ქონება; ან მოყვარე და მეზობელი. ან ტოლი და ამხანაგი! შენმა

განშორებამ ჩემი სივარჯილი ჩააქრო; ჩემი მარჯვენა მოშალა, მე აწ მხოლოდ ერთიდა მოვალეობა მაწევს: მე უნდა მოვკლა შენი მკვლე-ლი! ვფიცავ შენს ცხედარს, არ გიმტყუნო. შენ კი გეხვეწები ღმერთს, შევედრო, რომ ეს ჩემი წმინდა მოვალეობა მალე ამასრულებინოს. რომ მალე მოვიდე შენთან. ვაიმე, ვაიმე, ვაიმე!..“ ამ სიტყვების წარ-შოთქმაზე ბახვა დასუსტდა და გულს შემოეყარა. „წყალი, წყალი!“ გაისმა ხალხში. იგი ციმციმ აიღეს და ქეორე ოთახში გაიტანეს. ამ დროს კუბო გამოიტანეს დარბაზიდან. „განუსვენე. უფალო, სულსა ახალ მიცვალებულისა მხეველისა შენისა. ესმასი.“ დააგუგუნეს მგა-ლობლებმა. შეიქნა საშინელი საერთო ხრიალი, კვიელ-ჩხვიელი. ბახ-ვას გრძნობიერმა სიტყვებმა მთელი ხალხი აატირა.

ოჰ, რა ცოდვა დატრიალდა, რა ოჯახი დაიქცა! ოჰ, იერემია, იერემია, უღმერთო იერემია!... ისმოდა ხალხში, როცა მარბაედენ ესმას.

II.

იერემია იყო ერთი ზელმოკლე თავადიშვილთაგანი. მისი დედ-მამა ყოველ ღონისძიებას ხმარობდა, შვილი გიმნაზიაში გამოეზარდა. მამამ ჩამოიყვანა ცხრა წლის ყმაწვილი ქუთაისს და დააყენა ერთი ხაცნობ ღარიბ სახლობასთან, რომელიც მოწაფეთა მოვლით რჩე-ბოდა. იერემია იდგა ქუთაისს ჩამოსახლებულ გლეხთან, რომელიც ქალაქზე იყო მიწერილი. ის სოფელს მხოლოდ იმისთვის გამოქცე-ოდა, რომ სახელმწიფო გადასახადისაგან თავი გაენთავისუფლებინა. თითო მოწაფის რჩენაში იღებდა თვეში რვა მანეთს. იერემიასთან რვა გიმნაზიელი კიდევ სხვა იდგა. მათ ჰქონდათ მიჩენილი ერთი პაწია ოთახი, წნული კედლებიანი, ჯერ მიწით გალესილი და მერე კი-რით შეფეთქილი. ოთახს აგურის იატაკი ჰქონდა დაგებული, ერთ მხარეზე, კედლის ჩაყოლებით, ფიცრის ტახტი იყო და ზედ გამო-ხუნებული, გამოცრეცილი ფარდაგი ეფინა. ლოგინზე ერთი კედ-ლიდან მეორე კედლამდის გამწვრივიანებული ჩითის ქვეშაგები იყო ჩამწკრივებული. თითო ყმაწვილს იმდენი ალაგი ჰქონდა დაქერილი მოხსენებულს ტახტზედ, რამდენზედაც თვითონ დაეტეოდა. ამ ცხრა მოსწავლეს ღამეში ერთი ქონის სანთელი ჰქონდათ მიჩენილი, რად-გან იმ დროს ჯერ კიდევ კეროსინი არ იყო შემოღებული. ღამით იმ ერთ ქონის სანთელზე სწავლობდენ ყველანი; მაგრამ იერემია ისეთი ბეჯითი მოწაფე გამოდგა, რომ გაკვეთილების სწავლას დღის სულით ასწრებდა. სანთელზე თავჩაქინდრულს წიგნის კითხვას ძალიან ერი-

დებოდა. ის თავის მეხსიერების წყალობით სამი წლის განმავლობაში მეორე კლასში გადავიდა. ამისთანა წარმატება იმ დროს ჩვენებურის ახალგაზრდისათვის ძლიერ იშვიათი შემთხვევა იყო, რადგან გიმნაზიაში ქართველ ყმაწვილებს ისე აბარებდნენ, რომ რუსულის ერთი სიტყვაც არ გაეგებოდათ. სანამდის თითო-ოროლა ფრაზების თქმას და გაგებას შეიძლებდნენ, ისინი ყოველ კლასში ორ-ორ წელიწადს უნდა დარჩენილიყვნენ. მაგრამ იერემია ისეთი მეცადინე ყმაწვილი გამოდგა, რომ არც ერთ კლასში თითო წლის მეტი არ დარჩენილა. თუ რომელსამე რუსულს ფრაზას მოჰკრავდა ყურს, მისი დაიწყოება შეუძლებელი იყო და ჩიქორთული რუსულის ლაპარაკში ცდილობდა ყოველთვის ახალი განაგონი ფრაზა ხშირად ეხმარა. ამნაირი ვარჯიშობით იერემიამ სამის წლის განმავლობაში იმდენი რუსული შეისწავლა, რომ მეხსიერებას ძალას აღარ ატანდა და თავის ჩიქორთული რუსულით უგებდა პასუხს. მასწავლებელნიც რა-კი მეცადინეობას და ნიქს ნიშნავდნენ იერემიას, მის რუსულ-ქართულ გამოთქმას კილში არ უდგენ და ახალისებდნენ კარგი ბალების დასმით.

1870 წლიდან უბედური ხანა დადგა საქართველოს ახალგაზდობის განათლებისათვის. ამ წელს აღიძრა კითხვა, რომ ქართულის ენის საფუძვლიანი სწავლება გიმნაზიებში უნდა შემცირებულიყო, შტატის მასწავლებელნი უნდა მოსპობილიყვნენ და ის დრო რომელიც ხმარდებოდა ქართულ ენას, ქართულის მწიგნობრობისა და მის ისტორიის შესწავლას, ლათინურისა და ბერძნულის ენის გაკვეთილებს უნდა მოხმარებოდა. რაკი ქართული ენის სწავლების შტატი მოსპეს, იმის მაგივრათ ლათინურისა და ბერძნულის სწავლება პირველი კლასიდან დააწყებინეს ქართველ შეგირდებს. ამათ შესამე კლასამდე რუსული ფარსაგათ არ ესმოდათ და, რადგან ბერძნულ-ლათინური რუსული ენის საშუალებით უნდა ესწავლათ, ამით თავის ქართველი შეგირდობა თითქმის სრულებით დამუნჯდა, სწავლისათვის მათი გონება დაიხშო. ლათინურისა და ბერძნულის ენის კანონებს რუსული ენის საშუალებით ასწავლიდნენ და, ჯერ რომ რუსული არ იცოდნენ, ბერძნულის გრამატიკის კანონებს საიდანღა გაიგებდნენ?...

ერთი მრავალთაგანი მსხვერპლი ამგვარის სწავლებისა შეიქნა იერემიაც. ეს ქორფა გონების მოწაფე ცდილობდა შერიგებოდა ახალ წესს; იყიდა ბერძნული და ლათინური გრამატიკები და მოსდგა გაუგებარი სიტყვების ზეპირობას. კლასში ყურთა სმენათ. იყო ის გადაქცეული, მაგრამ, რადგან რუსული ენა ჯერ კიდევ ზედმიწევნით ვერ შეესწავლა, ხშირად ეკარგებოდა თავი და თავი აზრი მასწავლებლის ლაპარაკისა. სანამდის კლასში გაფაციცებული ყურს უგდებდა, მა-

ნამდის თითქოს სჯეროდა, გაკვეთილები გაეგეო; მაგრამ, როცა სწავლა გაუთავდებოდა, შინ დაბრუნდებოდა და სადილს უკან აზოილებდა თავის ლათინურს გრამატიკას, უნდოდა დაეწყო მეორე დღის გაკვეთილის შესწავლა, მაშინ რწმუნდებოდა, რომ, რაც მასწავლებელს კლასში ელაპარაკნა, იმისი აღარათფერი ახსოვდა. მეტი რა ღონე ჰქონდა, მოჰყვებოდა უაზრო ზეპირობას ლათინურის უღვლილებისა და კანკლედობისას. ამ ქაპანწყვეტაში რაც უფრო დრო გადიოდა, ისე უფრო ეკარგებოდა სწავლის ხალისი იერემიას. ბოლოს sum, fui, esse-ს ზეპირობამ გონება დაუბნელა, ნერვები აუშალა და გააბრაზა. ყმაწვილი სრულებით გამოიცვალა, უწინდელი მშვიდობიანი სახის გამომეტყველება გაუქრა. ის მუდამ წარბშეკმუხვნილი შეიქნა. შესძულდა მასწავლებლები, შესძულდა თვით დირექტორი და მისი მოსამსახურეები. მის კლასის ბალებს მოაკლდათ სიმზიარულე. „სამი“ და „ოთხი“ ძალიან ძვირობდა. მთელი კლასის ეურნალი იერემიას სახელობაზე „ორით“ იყო აქრელებული, „ერთებიც“ ხშირად ჰქონდა. მას შეძულდა თვით გიმნაზიაც, იქ სიარული აღარაფრად ეპიტანებოდა...

ამავე გარემოებაში ჩავარდა პომეტებული ქართველი შევიდობა. მალე შესდგა თანამგრძობელთა წრე და ამ წრეში მოხვდა თვით იერემიაც. თუ თითო-ოროლა კაპეიკს იგდებდა ხელში ვინმე მათგანი, მაშინვე გამართავდნენ საერთო ღზინს და სხვადასხვა დუქნებში დახეტილობდნენ. ამისთანა „დღე-ხვალიობით“ ყმაწვილებმა ზრულებით აუგდეს გული სწავლას. ზოგიერთებს დუქნებში ვალეებიც დაედვათ და მედუქნეები დირექტორთან დასმენას ემუქრებოდნენ, თუ ვალი არ გადაგვიხადეთო. ერთი მხრით შიშმა და მეორე მხრით ქეიფის სურვილმა მოსწავლეთა წრეს აფიქრებინა ქურდობა. ერთი მათგანი იდგა ბინად ლათინური ენის მასწავლებელთან.

— ყმაწვილებო, შესძახა იმან ერთხელ თავის ამხანაგებს, — რომ იცოდეთ, ლათინურის მასწავლებელს რამდენი ფული აქვს დაგროვებული!

— როგორ! ჰკითხეს ერთად ცნობის მოყვარე ამფსონებმა.

— ეს ერთი წელია, ლათინურის მასწავლებელი ყუთში ფულს აგროვებს. თავის საწერ სტოლზე უდგას და დღე ნიადაგ შიგ თეთრ ფულსა ჰყრის; ხანდახან ისიც შემინიშნავს, რომ ყუთის ამოჭრილში ქალაღდის ფულიც ჩაუჰყრენია ხოლმე; ხშირად შევიპარები მის სამუშაო ოთახში და ყუთს გავარიჩინებ ხოლმე. ამ ბოლო დროს ყუთი ისე დამძიმდა, რომ ცალი ხელით ველარ ვილებ.

— ბიქოს!... შესძახეს გაკვირვებით ამხანაგებმა.

— ხელდახელი ყოფილა! შენიშნა მეორემ.

— ჰაი. თუ გამოაცოცო?... შეეკითხა მესამე.

აჰ, როგორ იქნება! — იკვირებო. უპასუხა პირველმა. — რომ შე-
მიტყონ, რაღა ვქნა?

— რას შეგიტყობენ! გაუადვილა იერემიამ.

— მერე მე იქ დადგომა აღარ შემძლია.

— ძალიან საჭიროა, თუ ველარ დადგები! უთხრა იერემიამ.

— წევე. ბევრს გასწავლიდეს! აუარება ფულს კი ახდევინებს
მამაშენს. ჩვენზე უკეთ ვერც შენ სწავლობ. ნახევარი იმ კოლოფში-
სულ მამა-შენის ფულებია. წაართვი, კიდევ შეგეგრება.

— ნამდვილათ შეგეგრება! დაჰკრეს კვერი დანარჩენებმა.

— წამოიღე ის ფული და გადმოდი ბინათ ჩვენთან.

— გიმნაზიიდან გამომავლებენ, — ჩაფიქრებით თქვა პირველმა.

— ჩვენ რომ კარგად ვსწავლობთ, იქ დიდხანს მაინც არ
დაგვაყენებენ.

— რაც იყოს და იყოს, წამოიღე. ერთ თვეს მაინც გვაქეიფებს,
ვალეხსაც გადაგვიხდის და კარგია; მერე ჩვენც ვიშოვით ფულებს,
აღტაცებით წამოიძახა მეორემ.

— მაშ არ გამამხილოთ! — გადაწყვეტით თქვა პირველმა.

— ვინც გაგთქვას. რიონში გადავადლოთ, დაასკვნა იერემიამ.

— ძალიან კარგი. ძალიან კარგი! მოიწონა ყველამ. ეს ამბავი
მით უფრო იამათ ყმაწვილებს რომ ლათინური ენის მასწავლებელი
სძულდათ და მისი მონაგარი ხდებოდა საჭეიფო თანხათ. როგორც
თქვეს. ისეც აასრულეს. მეორე დღეს ლათინური ენის მასწავლებელმა
თავის ყუთი რომ სტოლზე ველარ დაინახა, ეოცა. ბევრი ეძება, იღრია-
ლა. შინაური მოსამსახურე გოგო, რომელზედაც იქვე ჰქონდა შეტა-
ნილი. კიდევ გალახა, მაგრამ ყუთი მაინც ველარ აღმოაჩინა. ეს ამბავი
შეიტყო დირექტორმა, რომელმაც სხვათა შორის ჩუმი განკარგულება-
მოახდინა. თვალ-ყური ედევნებინათ იმ გიმნაზიელებისათვის, რომელ-
ნიც ლათინური ენის მასწავლებელთან იდგენ. ამას გარდა დირექტორს
არა ერთხელ ჰქონდა მოხსენებული, რომ ამ ბოლო დროს შევირდები-
ხშირად ქეიფობენ დუქანებშიო. ზოგჯერ ღამის დარაჯებშიც წაატყდე-
ბოდენ მათ თავზე რომელსამე დუქანში. მაგრამ მორიდებით ვერა
გაებედნათ-რა. პოლიცემისტერმა რამდენჯერმე შეატყობინა ეს ამ-
ბავი დირექტორს, რომ მას მოეხდინა ამ საგანზე საკუთარი განკარ-
გულება.

მართლაც დირექტორმა გააფრთხილა ინსპექტორი და ზედა-
მხედველები: აგრეთვე პოლიცემისტერსაც მისწერა, თუ სადმე შე-
იწყვილიოთ გიმნაზიელები, ღამით რომ დუქანში ქეიფობდნენ. ყვე-
ლანი დაიჭირეთ და მე წარმომიდგინეთო.

მეხუთე დღეს ერთმა გიმნაზიელმა მოიტანა ყუთის ნამტვრევი. „სადაც მე ვდგევარ, ეს იმის მახლობლათ ვნახე აგურხანაში ჩაგდებულიო“, უთხრა ინსპექტორს. ლათინურის მასწავლებელმა მაშინვე იცნო თავის ყუთის ნამტვრევი და იქვე აღარ ჰქონდა, რომ ერთი იმის მდგმურ-მოწაფეთაგანი იყო ამის მომქმედი, რომელსაც იმ ხანებში აეკრა ბარგი და ცალკე გადასულიყო. მაგრამ შეგიძლეს მიანიც ხელი არ ახლეს, მხოლოდ ზედამხედველებს მიანდევს ყმაწვილების მეთვალყურეობა.

ერთ ღამეს, როცა ჩვეულებრივით პოლიციის დარაჯები დადიოდნენ ქუჩა-ქუჩა, სადაც ქალაქს გარეთ, ერთს დუქანში, მოესმათ შეენივრად შეწყობილი სიმღერები. დარაჯები ფეხაკრეფით მიუახლოვდნენ ამ დუქანს. პოლიციის მეთვალყურემ გამოიხმო მიკიტანი და ჰკითხა სტუმრების ვინაობა. იმან უთხრა, გიმნაზიელები არიანო. პოლიციელმა უცბათ შეალო კარი და გამოუცხადა ყმაწვილებს, ღირეპქტორთან უნდა წამოხვიდეთო. შეიქნა საერთო ლაპარაკი: ზოგი ეხვეწებოდა პოლიციის მეთვალყურეს, თავი დაგვანებეთო. ზოგი ემუდარებოდა; მაგრამ ღამის მეთვალყურე ყურსაც არ იბერტყდა. ამ დროს უეცრად წამოიძახა ერთმა მოზდილმა გიმნაზიელმა: — რა ღმერთი გიწყრებათ? გინდათ, რომ ასე ცხვრებივით წაგვკრეკონ ღირეპქტორთან და ყველანი ერთიანად გამოგვრიცხონ გიმნაზიიდან?

— დაჰკარით. სანამ დრო გვაქვს, სანამ ჯერ კიდევ სხვა დარაჯებიც არ მოეშველებიან!.. — ეს ყმაწვილი იყო იერემია.

მის თქმაზე ერთბაშად ჩაერია თორმეტი გიმნაზიელი და შეიქნა საშინელი ცემა-ტყეპა პოლიციელებსა და გიმნაზიელებს შორის. პოლიციის მეთვალყურეს განსაკუთრებით ბევრი მოხვდა. იმან იცნო ლათინურის მასწავლებლის შეგირდი. ჩააელო მას ორივე ხელი ისე მაგრათ, რომ ვერას ღონისძიებით ვერ გამოგლიჯეს ხელიდან. იერემია მაინც მეტად გამწარებული იბრძოდა: ორი ხიშტიანი ჯარისკაცი დასცა და თოფები აქეთ-იქით გადაუყარა. ამ ხმაურობაზე და პოლიციელების სტვენაზე მობრიგინდნენ სხვა დარაჯებიც. ყმაწვილებმა რომ შეატყეს, ცუდათ იყო საქმე, ყველანი აქეთ-იქით გაიფანტნენ ღამის სიბნელეში; დარჩა ხელში პოლიციის მეთვალყურეს მხოლოდ ყუთის ქურდი. რომელიც წააბარეს ღირეპქტორს.

III.

ღირეპქტორმა მეორე დღესვე მოიწვია მასწავლებელთ რჩევა, რომელმაც გადასწყვიტა შეგირდების გიმნაზიიდან გამოორიცხვა. მაგრამ ამასაც არ დააჯერეს. ღირეპქტორის თანხმობით ინსპექტორმა და

ლათინური ენის მასწავლებელმა კიდევ უფრო სასტიკი ზომა იხმარეს. იმათ წაიყვანეს სამი მოწიფული გიმნაზიის დარაჯი ბნელსოთახში, სადაც ყმაწვილი სამი დღე და ღამე მარტო წყლითა და პურით იკვებებოდა, როგორც ტუსალი, გააწვინეს შეგირდი და ორი კონა წნელი ზურგზე დაატეხეს, — იმ დროს გაროზგვა კანონით მოსპობილი იყო. შეგირდმა სირცხვილით არა გაამხილა-რა, თუმცა ნაცემზე სულ სისხლი სდიოდა. ამ შემთხვევის შემდეგ ლათინური ენის მასწავლებლის სიფიცხეს და ქართველი გიმნაზიელების შეძლებას საზღვარი არ ჰქონდა. იმის მოხსენებით დირექტორმა და პედაგოგიურმა რჩევამ წარადგინეს კავკასიის მზრუნველთან გიმნაზიის გაწმენდის პროექტი. „რადგან გიმნაზიაში ხანგადასული შეგირდი ბევრია, რომელნიც ძველს კლასიკურ ენებს ველარ ისწავლიან და სხვა ახალგაზდა მოწაფეებზედაც უფრო გავლენა აქვთ, ამისათვის სპირობა ყველა ხანგადასული შეგირდები ყოველ წლობით გამოირიცხოს“.

ეს წარდგინება კავკასიის მზრუნველმა დაამკტიცა. ამის გამო იმ წელს, ეგზამენების შემდეგ, ორმოც-და-ათი ყმაწვილი გამორიცხეს, რომელთ შორის იერემიაც იყო. თვით ეგზამენებზე გადამტერებით კითხვას და შეგირდების ჩაქრას ლათინურ-ბერძნულში საზღვარი არა ჰქონდა. ამ გარემოებამ გამორიცხული ახალგაზდები ისე გააბრაზა, რომ ლათინურისა და ბერძნული ენის მასწავლებელნი კეტებით დაბრიგეს.

ზემოხსენებულმა ფიცხელმა განკარგულებამ გიმნაზიის მთავრობისამ ბევრს ქართველს ახალგაზდა მოწაფეს გზა გადაუღობა განათლებისაკენ და დაარჩინა ცხოვრებაში ულუკმა-პუროდ.

ახალი გამორიცხული ყმაწვილები მოირთენ ჩერქეზულად და ჩასხდნენ იარაღში; იმათ შეხედვას არა სჯობდა-რა. სანამდის ისინი სწავლაში იყვნენ და მათ დედ-მამებს იმედი ჰქონდათ, რომ კურსს შეასრულებდნენ და ბოლოს სწავლით ულუკმა-პური ექნებოდათ, მანამდის ისინიც არას ზოგადდნენ; ასე გასინჯეთ, თითო-ოროლა ჩამოქრილი ადგილი თუ კი სადმე მოეძეოდათ, იმათ ჰყიდიდნენ, რომ თავთავის დროზე გიმნაზიაში სასწავლო ფული ეხადნათ და მათი ხარჯიც ესტუმრებინათ. მაგრამ, რაკი ახლა შვილები გამოურიცხეს სასწავლებლიდან, იმათს მწუხარებას საზღვარი არ ჰქონდა. თუმცა მშობლები არც გიმნაზიის მთავრობის კმაყოფილნი იყვნენ, რომ ასე უნუგეშოთ დაადგეს ცხოვრებაში იმათი შვილები, მაგრამ მომეტებულს ბრალს მაინც თავის შვილების უროგო ყოფაქცევას სდებდნენ. ამან გამოიწვია მშობლებსა და შვილებს შორის უკმაყოფილება. „თქვენ ვაჟკაცები ხართ“, — ეუბნებოდნენ მამები თავიანთ შვილებს: — სანამდის

იმედი გეჭონდა, რომ ისწავლიდით და ბალოს მოხუცებულობაში. როგორც ჩვენ, ისე თქვენს უმცროსებს უპატრონებდით. მანამდის არც ვზოგავდით თქვენის გულისთვის არაფერს, ასე გასინჯეთ, ადგილ-მამულს ვყიდდით და ისე გარჩენდითო. დღეს ეგ იმედი აღარ გვაქვს თქვენი და ჩვენ უთქვენოთაც წერილი ცოლშვილი გეყავს საპატრონებელიო; გაიჭირვეთ საქმე, შედით მწერლებათ, დადექით ადვოკატებთან, ნოტარიუსებთან, სამწერლო კანტორები გააღეთ და რამენაირათ იკვებეთ თავი, თორემ ჩვენ ველარას მოგაწვდენთ, — არც თქვენი ქმევა, არც თქვენი ჩაცმა-დახურვა ჩვენ აღარ შეგვიძლიანო“. ყმაწვილ კაცებს არაფრათ იამათ დედ-მამების გულცივობა ზოგმა იმათგანმა გულიდან ამოირეცხა მამაშვილური გრძნობა.

იერემიამ, როგორც ფიცხელმა და გულ-ამაყმა, გადაუბრიალა თავის მამას თვალები, ჩაიკრა მუჭი გულში და წამოიძახა: „შენ მამა კი არა, მამალი მგელი ყოფილხარ, რომელიც ლეკვებს სჯამს და არა ზრდის! ვინ გებეწებოდა ჩემს გაჩენას, ჩემი მოვლა და პატრონობა თუ არ შეგეძლო? ამიერიდან მე არც დედ-მამა მყოლია, არც ოჯახი მქონია, ერთი თავზე ხელაღებული გამოვსულეარ, გაჩვენებთ თუ თავს ვერ ვიჩინო“. ადგა და კარი გაიარა. იერემიას დედამ ველარ გაუძლო ამნაირს სიტყვებს და შექნა ქეთინით ტირილი: „შვილო, იერემია, მობრუნდი, სად მიხვალ?“ მამამ ცალკე გამოადგინა კაცები, მაგრამ იერემია მაინც აღარ დაბრუნებულა ოჯახში.

იმან აიყოლა სამი ამხანაგი, ჩამოვიდა ქუთაისის და დაიწყეს მუდამ ერთად ცხოვრება. თუმცა არავინ იცოდა მათი სახსარი, რა გზით ირჩენდნენ თავს. ეს კი იყო. რომ ამხანაგები ყოველთვის კარგი ჩაცნული გამოდიოდნენ. თუ სადმე ლხინი, ან პატიჟობა იქნებოდა, იერემია თავის ამხანაგებიანათ ყოველთვის იქ გაჩნდებოდა. სიმღერა, ლექური, ქალების არშიყოფა მათ ხელთ იყო; ხან-და-ხან კერძო ოთახებში ბანქოსაც თამაშობდნენ. ზოგჯერ ახირებული ხმებიც დადიოდა მათს უმართებულო მოქმედებაზე: ამა და ამ საზოგადოებაში იერემიას და მის ამხანაგებს ჩხუბი მოუვიდათ, ამა და ამ კაცს თავი გადააჯრიწეს; გუბერნატორმა აუკრძალა იმას და მის ამხანაგებს ქალაქის ადგილს ცხოვრებაო. მაგრამ ხანი გადიოდა; იერემია და მისი ამხანაგები თავისას არ იშლიდნენ. პოლიციას ჰყავდა ისინი შენიშნული; მაგრამ მორიდებაც დიდი ჰქონდა იმათი, რადგან ბევრჯერ პოლიციის მოხელეებსაც მოხვედროდათ მათი მათრახი, თუმცა საბუთი ვერა ეპონათ-რა მაგრათ ხელის მოსაკიდებელი. იმათზე ქორებიც ხომ ბევრი დადიოდა. მაგალითად, იერემიაზე ამბობდნენ: ესა და ეს პატივცემული ქვრივი, კარგი ოჯახის ასული. იერემიას პატრონობს, აცმევს. ახურავს და ფულსაც აძლევსო. ბალოს მათმა ქცევამ ქუთაისის სა-

ზოგადობას თავი მოაბეზრა და მშვიდობის მოყვარე მოქალაქეები ასე გაიძახოდნენ: „ვინ, როდის იქნება, იერემია და მისი ამფსონები რომ რაიმე სისხლის სამართლის საქმეში გაეხვიონ და მათგან განვთავისუფლდეთო.“

ერთხელ გავარდა ხმა, რომ ს. ზეგანას ერთი მდიდარი მღვდელი ყოფილა, იმას ლამაზი ქალი ჰყოლია, ღვდლის ოჯახი გაუცარცვავთ და ქალი გაუუპატიურებიათო. ავაზაკების მოთავეთ ყოფილა იერემიაო. ამ საქმის გულისთვის იერემია რამდენიმე თვე კიდევ იყო დატყვევებული სატუსალოში. თუმცა ბოლოს გამართლდა, მაგრამ საზოგადოებაში იქვე მაინც არ ამოფხვრილა მის ავაზაკურ მოქმედებაზე.

ამ გარემოებამ ისე ღრმად იმოქმედა იერემიასა და მის ამხანაგებზე. რომ ყველამ ერთად განიზრახეს რომ უსაქმოდ აღარ დარჩენილიყვნენ და შევიდნენ სამხედრო სამსახურში, ცხენოსანთ ჯარში, რომელიც იმ დროს ზღვის პირათ იყო სადარაჯოზე ჩამორიგებული. უმთავრესი ადგილ-სადგომი ამ ცხენოსანის მილიციისა იყო ფოთი. იმას ჰქონდა ნაბრძანები თვალ-ყური დაეკირა, რომ ფოთში და საზოგადოთ ზღვის პირზე კონტრაბანდი არავის გამოუპარებინა.

ორი თვე არ გასულიყო მას აქეთ. რაც იერემია სამხედრო სამსახურში შევიდა და უკვე ვახმისტრობის თანამდებობას ასრულებდა. ესკადრონის თივა-ქერის ყიდვა მას ებარა. იერემია ფულის ჩამორჩენასაც შეეჩვია: მაგრამ ფულს მაინც ვერ ინახავდა. ლხინი, ქეიფი, ამხანაგების მასპინძლობა მის ხელთ იყო. ასეთი ხელგაშლილობით ძალიან შეაყვარა თავი ამხანაგობას. მისი გულისათვის ცეცხლში ჩადგებოდნენ. ამ დროს მოვიდა ფოთს იერემიას ნაცნობი გივი, რომელსაც უნდოდა რაიმე საქმის შოვნა. ის ხშირად დადიოდა იმ დუქანში, სადაც იერემია და მისი ამხანაგები იკრიბებოდნენ. გივი ერთი თვე თითქმის მათ ხარჯზე იყო. ერთი მხრით ადვილად თავის რჩენამ ნაცნობებსა და მეგობრებში. მეორე მხრით კონტრაბანდობის გავრცელება. რომელშიაც გივი ხან-და-ხან მონაწილეობას იღებდა და თითო-ოროლა მანეთს შოულობდა. შეაჩვიეს ის უსაქმურად ცხოვრებასა და ქეიფს.

ერთ საღამოს გივიმ მოუტანა ამბავი იერემიას. რომ ტრაპიზონიდან ემზადებიან ხუთი ცალის აბრეშემეულობისა და მათუდის საქონელის გამოტანას მდინარის მალთაყვის მახლობლათო. ეს საქონელი მოსდიოდა ერთს ტრაპიზონელ ლაზსა, რომელიც დადიოდა: ვითომც სიმინდის სავაჭროთ. ზღვის პირებზე შეკვეთილიდან მოკიდებული სოხუმამდის. იმას ჰქონდა დანიშნული ალაგები კონტრაბანდის გამოსატანად. ის ძალიან კარგი გაცნობილი იყო სოხუმის,

ყულევის, ოჩამჩირის, ფოთის და ოზურგეთის ვაჟებთან, რომელთათვის იბარებდა ოსმალეთის ბოლოზებიდან საეპრო საქონელს და აპარებდა კონტრაბანდით ჩეენს ქვეყანაში. მას აქეთ, რაც ქართველი მილიცია ზღვის პირად დააბარგეს კონტრაბანდის საყარაულოთ. ტრაპიზონელ ლაზს ძალიან გაუჭირდა კონტრაბანდის გამოპარება, რადგან არა ერთხელ დაიჭირეს მილიციონერებმა მისი კონტრაბანდი და დიდ ზარალში ჩააგდეს. იმან განიზრახა თვით მილიციონერების დაახლოვება. ლაზმა იცოდა იერემიას სიმარჯვე და სივაჟაკე. უნდოდა უსათუოდ მოეყიდა იგი ფულით და მის გულისათვის გაუგზავნა გივი, ძღვნად გაატანა ათი ოქრო და უთხრა: „უკეთუ ხუთ ცალა გამატარებინებ გრიგოლეთის საზღვარზე, ოც ოქროს კიდევ მოგართმევ. გარდა ამისა ყოველ თვეობით ელოდე ჩემგან ათ-ათ ოქროსო“

ამ მოულოდნელმა შემოსავლის წყარომ იერემია მეტად გაახარა, რადგან იმედი ჰქონდა თავის ამხანაგებისა, რომ არ გასცემდენ. ამას გარდა იმასაც ფიქრობდა, რომ, რაკი კონტრაბანდის ზიდვაში მონაწილეობას მივიღებ. აბრეშუმის, მაუდის და ფეხსაცმლის საქონელი შუქთად მექნებაო. ის იყო ქალების დიდი მოარზიყე და სოფლად პაყვარელიც აეჩინა იმ დროს. უცხო ქვეყნის საქონელი ბევრის ლაზმაში ქალის გულს მომიგებსო, ჩემს საყვარელს მაინც ტანსაცმელით აღავსებო, — გაივლო გულში მან.

— გივი. უთხრა იერემიამ, — ეგ ამბავი ჩემს მეტს არავის უთხრა. რომ სადმე წაგცდეს, იცოდე, შევიტყობ და დაგლუპავ. მე ხომ ნიცი, რომ შენ ხანდახან კონტრაბანდზე დადიხარ, შენი სიცოცხლე ჩემ ხელშია, მიფრთხილდი.

— რას ლაპარაკობ, კაცო! გაკვირვებით შეუბრუნა სიტყვა გივიმ: — ჩემი თავის შტერი მე ვიქნები?!...

— მაშ კარგი. ის ლაზი პირადათ გამაცნე.

— ბატონი ხარ! — მხიარულებით დაეთანხმა გივი და გადასცა იერემიას ათი ოქრო ლაზისაგან გამოგზავნილი...

ერთი კვირის შემდეგ ფოთში გავარდა ხმა, რომ დიდი კონტრაბანდი გამოუპარებიათ გრიგოლეთისკენო. ამ ხმას იმასაც უმატებდენ. რომ ვითომც თვით იერემიას გამოუპარებინოსო. ყარაულებმა თოფის სროლა ჰქონიათ, იერემია დაუჭრიათ, მაგრამ ამხანაგებს როგორც კი უცენიათ. მაშინვე გაუთავისუფლებიათ და არ გაუთქვამთო; მხოლოდ საქმე სხვისთვის გადაუბრალებიათო.

ტამოენის მთავრობამ მოახდინა ამ საგანზე ფიცხელი გამოძიება და თვით მილიციონერების ჩეენებით აღმოჩნდა, რომ იერემიას თაოსნობით მილიციელები მეკონტრაბანდეებს შეჭვედრიან; ორი ქობულელი დაუჭრიათ, თუმცა ვერ დაურჩენიათ, სხვანი გაქცეულან;

კონტრაბანდი კი ისევ ზღვაში შეუცურებიათო. ამ საქმეში მეკონტრაბანდებებს ჰყოლიათ მოთავეთ ვიღაც გივი იმერელი, რომელიც ფოთში უსაქმოდ და უპასპორტოდ დაეთრევიაო. ამის შემდეგ ტაშოუნის გამგეობამ მისწერა საიდუმლო ქალაქი პოლიცემისტერს, რომ უსათუოდ იმერელი გივი, რომელიც ფოთში უსაქმოდ დატანტალობს, დაიჭირეთ და სატუსალოში ჩასვით, რადგან კონტრაბანდის გამოპარება ბრალდებიაო. იერემიას კი მადლობა მოუვიდა მთავრობისაგან.

IV.

ცოლის მოკვლამ ბახვა ფულავა მიწასთან გაასწორა. ცხოვრების კავშირი ვუღიდან. ამოგლიჯეს. იმის ესმას ამ ყველასთან უბრალო არსებას, ამ ღვთის ანგელოზს, გული ხანჯლით გაუბეს. ვისგანაც ბახვას ცხოვრების ნაღველი შარბათად ჰქონდა გადაქცეული, ვის გამოისობითაც ტოლ-ამხანაგში თავი დიდათ მოჰქონდა, ის საუკუნოდ მოსტაცეს და მიწას მიაბარეს. ვინ რას ერჩოდა, ვისთვის რა დაეშავებინა! ის კი არა, ჯერ სიკეთის მეტი მისგან არავის ახსოვდა-რა. სწორეთ ჯოჯოხეთიდან გამოსული ბოროტი ვინმე უნდა ყოფილიყო, რომ ესმას ცხოვრება შეშურებოდა და თავის წაბილწული ვნების დასაკმაყოფილებლად ემსხვერპლა ეს უმანკო კრავი, რაც საყვარელი ცოლი მოუკლეს, ბახვას ცხოვრებას თითქოს შავი გლოვის ზეწარი გადაეფარა. მის თვალში აღარც მზეს ჰქონდა სინათლე. აღარც მთვარეს. მას მხოლოდ შავი კუპრი ელანდებოდა ამ წუთი-სოფელში; მის გულში მხოლოდ ნავთი და ცეხლი ღვიოდა და ზედ ზღვევის ალა დაჰგიზგიზებდა. — „სისხლი, სისხლი უნდა ამოვიღოვო,“ — წამოძახებდა ხოლმე გაშმაგებული ბახვა ხანდახან.

ამისთანა შავი ფიქრებით რომ ბახვა იყო გაბოროტებული, გამოძიებული საიდუმლოთ იკვლევდა ბახვა ფულავას ოჯახში მომხდარს მკვლელობას; უნდოდა, რამენაირათ აეხსნა ეს ახირებულ ბოროტება, მიმხედარიყო მკვლელობის ნამდვილს მიზეზს, შეშლილი კვალი ვისმეზე მიეტანა. იმას ჰქონდა ხელში ორი ერთმანეთის წინააღმდეგ საბუთი. ერთი იყო პირველ-დაწყებითი ბოქაულის ოქმი. შედგენილი მკვლელობის ღამეს. მამასახლისმა და ბოქაულმა ესმას ჯერ კიდევ ცოცხალს მიუსწერეს. მკლავში დაჭრილი და სისხლისაგან დაკლილი ბახვაც ძალიან სუსტად იყო. სალომე კი თმაგაწეწილი თავით უჯდა უბედურს შვილებს და მეტის სიმწარით კედელზე თავს ურახუნებდა. ბოქაულმა შეჰკრიბა ყოველნაირი ცნობა, რომლითგანაც გამოიკვლია, რომ მკვლელობის ღამეს ბახვას მიხტომოდენ; ერ-

თი მიმხრობითაგანი ბახევას კიდევ დაეკრა. ის ამტკიცებდა, ორნი იყვნენ. შემდეგ ბოქაულმა რამდენჯერმე ჩაჰკითხა ესმას, თუ ვის იყო იმისი მკვლელი. ესმამ ძლივს, გაუგებრათ ამოიყრანტალა იერემიას სახელი და სული განუტევა. ბოქაულმა მაშინვე მოახდინა საჩქაოო განკარგულება, გზები შეაკერეინა, მაგრამ მეტი კვალი დახაშაულების ველარა აღმოაჩინა—რა. ეს ოქმი წარუდგინა გამომძიებელს. პირველ-დაწყებითს გამომძიებაში ისიც კი იყო ჩაწერილი, რომ მკვლელებს სამგზავრო ბოხჩა (საკვოიაჟი) მოეტაცნათ და მასთან ოცია აუშმანიც.

ამასობაში ყოველგან გავრცელდა ხმა ბახევა ფულავას ოჯახში მიხრობაზე. ყველა იმ აზრისა იყო, რომ ეს იერემიას მოქმედება არის. იმას უნდოდა ბახევას ლამაზი ცოლი მოეტაცნა და რაკი მოტაცება ვერ მოახერხა, ქალი შემთხვევით შემოაკვდაო. გამომძიებელმა დაკვირვებით წაიკითხა პირველ-დაწყებითი ოქმი და გონება დააჯერა. რომ ბახევას ცოლის მკვლელობა გატარცვის გულისათვის უნდა მომხდარიყოსო. გამომძიებელს სხვა საქმეებიც ბევრი ჰქონდა და, რადგან თვით ბახევა ქრილობისაგან მძიმე აუათმყოფი შეიქნა, აგრეთვე ბახევას სიდედრიც ლოგინად ჩავარდა, ამისთვის ბევრი ველარა გააწყო—რა. ან კი ვისთვის უნდა ეკითხა? თავი პირები, ვისაც შეეხებოდა ეს საქმე, ისეთს მდგომარეობაში იყვენ, რომ აჩქარება არ გაეწყობოდა. იმან დაიწყო ჩვეულებრივი საქმის წარმოება, მაგრამ გამომძიება ნელა მიდიოდა.

ბოლოს, თუმცა ბახევამ დაახწია თავი სიკვდილს, მაგრამ მისი სიდედრი სალომე ამ უბედურმა შემთხვევამ თან გადაიტანა. ბახევას გული დაუჯავრიანდა და შიგ ზღვევის ცეცხლი თანდათან უფრო პრიალებდა. იმას უამივით შეძაგდა თავის სიყმაწვილის ნაშოვარი. რაკი ერთხელვე ფეხი გადმოდგა თავის ეზოდან. მეორეთ შიგ აღარ ჩაბრუნებულა. მის ოჯახს მისთვის უდროვოთ კარი ჩაეკეტა; შეენიერეს ეზოს და გარემოს მალე უდაბურება დაეტყო. ბოლოს მან თავის სახლკარსა და მამულს თავი მიანება. მისი მამული ნესტორამ აილო იჯარით წელიწადში ხუთასი თუმანი უნდა ეძლია. ამას შემდეგ ბახევამ დაიწყო აქეთ-იქით სიარული ერთი იმ განზრახვით, რომ გამომძიებელს მოხმარებოდა ახალი საბუთების კვლევიით და მეორე იმისთვის, რომ, საცა რამე ჰქონდა ვექსილებით და თამასუქებით ასაღები. უდავიდარაბოთ აღარავინ აძლევდა.

გამომძიებელმა რამდენჯერმე მიიხმო ბახევა ჩვენების ჩამოსართმევათ. ბახევამ ძალიან დაწერილებით უამბო ყოველივე თავის თავგადასავალი, თუ რანაირათ იყო ესმა ფოთში გაზდილი, იერემია იმ ღროს სად იყო. იმან ის შემთხვევაც კი უამბო გამომძიებელს, ერა

სალამოს რომ იერემიამ ესმას მოტაცება განიზრახა, მოუთხორო აგრეთვე პირველ მთისობის ამბავი და ესმას შეურაცხყოფის გულისთვის რომ იერემია ხანჯლით დაჭრა.

ამ ჩვენების შემდეგ გამოძიებელმა სულ სხვა აზრი შეადგინა ესმას მკვლელობის თაობაზე. იმისი მოსაზრებით ბახევას ქრილობა და ესმას მოკვლა უცაბედი შემთხვევა უნდა ყოფილიყო. ამ ბოროტმოქმედებას სულ სხვაგან უნდა ჰქონოდა ფესვი გადგმული. გამოძიებელმა იფიქრა: „იერემიას რომ ესმა ჰყვარებია, ეს ჩემთვის ახლა ექვს გარეშე არისო. მას განუზრახავს ესმას მოტაცება, ამხანაგები უშოვია; ისინი ბახევას ოჯახს დასცემიან და ბრძოლაში ესმა შემოკვდომიან: ფულიანი სამგზავრო ბოხჩა ალბათ ერთს ამხანაგთაგანს წაუღია და არა იერემიას“. მაგრამ ამისთანა დასკვნას თვალსაჩინო საბუთი აკლდა: გამოძიებელი კიდევ ხელმეორეთ დაუწერილბანდა ამ საქმეს და მიაქცია ყურადღება შემდეგ გარემოებას: ბახევას ოჯახს რომ დაეცენ, ნეტავ სად იყო მაშინ იერემია წარბა?

ამის ასახსნელად მას მოუვიდა პოლიციის ბოქაულისაგან ჟანდარმის ოქმი. აბაშის რკინის გზის სადგურზე შედგენილი, რომელშიაც დაწვრილებით იყო მოხსენებული რიცხვი თვისა და თვით დღეც იყო ნაჩვენები, როცა იერემიას ჩხუბი მოსვლოდა აბაშის დუქანში და ჩხუბს შემდეგ იგი მისი ამხანაგებით თფილისისკენ გამგზავრებულიყვენ მატარებლით. როცა თვის რიცხვი, წლისა და დღე შეადარა პოლიციის ბოქაულის პირველ-დაწყებითს გამოძიების საბუთებსა, გამოდგა, რომ იერემია სწორეთ იმ დღეს უნდა გამგზავრებულიყო თფილისისკენ. როცა აბაშის მახლობლათ მდებარე სოფელში იმ საღამოს მომხდარიყო ბოროტმოქმედება: ამ ჟანდარმის ოქმმა მეტად არიგ-დარია ჩვენება. სხვა მოწმეებიც გამოჩნდენ, რომელნიც ამტკიცებდენ. იერემია იმ დღეს სამტრედიის რკინის გზის სადგურზე ვნახეთო და მატარებლით ქალაქს მიემგზავრებოდაო. ცხადი იყო, რომ იერემია ამ ღამეს აბაშის გარემო სოფელში მკვლელობას ველარ მოახდენდა. ერთსა და იმავე დროს ერთს კაცს ორს სხვადასხვა ერთმანეთზე დაშორებულს ალაგს ყოფნა არ შეეძლო. ეს ყოველივე გარემოება გამოძიებელმა დაწვრილებით დასწერა და ჰფიქრობდა საქმე წარედგინა მოსასპობათ, თუმცა გული მაინც ვერ დაეჯერებინა: აქ რაღაც კიდევ ბევრი რამ, ჩემთვის აუხსნელი გარემოება არის დაფარულიო, და სხვა საქმეებთან ერთად მიაყრუა დრომდე.

V.

გვიდა კარგა ძალი ხანი, მაგრამ ფულავას ცოლის მკვლელობის საქმე მაინც წინ არ მიდიოდა. ბახვა მარად დღეს გამოძიებლის

წინაშე იყო ატეხული. რასაც კი მოჰკრავდა ყურს, ყოველსავე გამოძიებელს მიახარებდა, ცდილობდა იერემიასთვის მაგრად მოეკიდებინა ხელი, მაგრამ გამოძიებელმა მის მეცადინეობას სულ სხვანაირი თვალით შეხედა. იმან იქვით დაუწყო ცქერა ბახვას საქციელს. „ეი თუ მას წინანდელის უსიამოვნებისათვის ჰსურდეს იერემიას საქმეში გაბმა. ვინ იცის, იქნება მისი ბრალსადები საბუთები სულ პირადი მტრობის ნაყოფი იყოსო!“ ბახვას კი გულში თანდათან უფრო ბევრი ნაღველი უგროვდებოდა იმის გამო, რომ გამოძიებელი იერემიას ხელს არ ჰკიდებდა. „აქ თუ რაიმე გარეშე გავლენა არ მოქმედობდეს, ნუ თუ ქურდი და ავაზაკი, უმანკო სულების მკვლეელი და მთელი ოჯახის პირქვე დამამხობელი, აქამდის ორთაქალის ბალებში არხეიწათ უნდა ატარებდეს დროს თვით იმ მთავრობის წინაშე, რომლის წმინდა მოვალეობა მისი განკითხვა და სასტიკათ დასჯა უნდა ყოფილიყო?“ მისმა უბედურებისაგან გაბასრულმა გულმა ბოლოს გადასწყვიტა: „აღბათ გამოძიებელი ჩემგან ქრთამს ელის და იმიტომ საქმეს აგვიანებსო“...

გამომძიებელი ერთი ახალგაზდა, უმაღლეს სასწავლებელმა კურს-დასრულებული ღარიბი ოჯახის შვილი იყო. მისი ნუგეში და მოძაჯლის იმედი მხოლოდ სახელმწიფო სამსახური იყო. აქედან ელოდა იგი უზრუნველ ცხოვრების მოპოვებას. იმას ასე ჰქონდა თავის მოვალეობა გამოხატული, რომ თუ კი სინდისიანათ დასრულებდა თავის მოვალეობას სახელმწიფო სამსახურში, ბევრს დაჩაგრულს კაცსაც დაეხმარებოდა. იმას ჯერ კიდევ არ ჰქონდა ცხოვრების ჩირქი მოცხებული და ბახვა ფულავა, როგორც ვაჭრობით გამდიდრებული კაცი, რომელმაც ერთი სათავადიშვილო უკვე კიდევ შეისყიდა, არ მიაჩნდა კეთილ-სინდისიანად. მისი აზრით. ეს იყო ერთი ვინმე ჩარჩი, რომელსაც ჯარიმებით და უკანონო სარგებლის გადახდენებით ბევრი ოჯახი ჰყავდა ცეცხლზე დადებული... ამიტომაც კიდევ უფრო გაუფრილდა გული მის საქმეზე.

ერთ დღეს ის სწერდა რაღაც საქმის ქალაქს, როცა მის სამწერლო ოთახში შევიდა და ერთი მუჟა ას-მანეთიანები წითელ მაგიდაზე დაულაგა; ოთახში იმ დროს იმ ორის მეტი არავინ იყო. გამოძიებელმა რომ ამდენი ფული მაგიდაზე დაინახა, გულმა ძვერა დაუწყო, სახეზე გაფითორდა, წერას მოუჩქარა და ერთ ხანს თავი ზევით ველარ აიღო სირცხვილისაგან.

ბახვა გაილურსა და პასუხს უცდიდა.

ბოლოს, ოროგორც იქნა, გამოძიებელმა წერა გაათავა: კალამი დასდო და უთხრა, ეგ რა არისო?..

— მე, ბატონო, — დაიწყო მართოლგარე ხმით ბახვამ, — ქვეყანაზე წყალ-წალბებული კაცი შევიქენი. ისეთი უბედურება დამატყდა თავზე, რომ ან კი რაღათ ვარ ცოცხალი. ცოლი მომიკლეს, ბატონო, ურჯულო კაცებმა. აწ რაღა ჩემი სიცოცხლე! მე მისთვის ვცხოვრობდი; ის მარტო იყო ჩემი სიცოცხლე. ჩემი ესმა, ეს უმანკო ქრავი, ჩემსავე კალთაში დამიკლეს. ამის შემდეგ გული გამიტყდა ღმერთზე და კაცზე. მე აღარა მწამს-რა. ასე მგონია, ყველას ჩემ სამტროდ მოუცლია. ყველანი ჩემ დაჩაგვრას ცდილობენ. მას აქეთ თავზარ-დაცემული დავდივარ ქვეყანაზე. არ ვიცი სად ვარ, რისთვის ვცხოვრობ ქვეყანაზე, რაღას ვუტევი? ჩემი მკვლელი ქვეყანაზე ხარობდეს და მე უსამართლოდ ვიწოდე ცეცხლზე; ეს რა სამართალია?.. გარშემო ცეცხლი მაქვს შემოდებული, მაღლიანი აღარაეინ გამოჩნდა. რომ ვისმე შევეცოდო... ამ სიტყვებზე იმას გული აუჩვილდა, თვალში ცრემლები მოეჩია.

გამომძიებელს თანაგრძნობა გაეღვიძა.

— დამშვიდდი, ძმაო, დამშვიდდი, — უთხრა მან ტკბილათ. — ვიცი, რომ იერემიას მტრობას გაუშმაგებინარ, არ იცი, რას ჩადინარ. ღმერთმა ხომ იცის, მე მისი მტრობა გულში არ მქონია, მაგრამ, როგორც ახლა მე თქვენ თვალით გხედავთ, ისიც ისე იმ უბედურს მთვარიან ღამეში დავინახე; ჩემი ესმა ბავშვივით ჰყავდა ხელში აყვანილი და იტაცებდა. ესმა ჰკიოდა. როგორც მისი კვილი მომესმა, თავი დამავიწყდა, გამოვუდექი, მაგრამ მუხლები მეკვეცებოდა. ის იყო მიეწვიდა, ხელი საყელოში უნდა მეტაცნა, აი, ამ დროს დასცა იმ არაწმინდამ ჩემს ანგელოზს გულში ხანჯალი!.. — ამ სიტყვებზე ბახვას სული ყელში ამოეყუჩა, ცრემლები გადმოჰყარა...

ეგ, იქნება, აგრეც იყოს, მაგრამ მაინც საქმეს საბუთები აკლია. მარტო შენს სიტყვებს სამართალი ვერ შეიწყნარებს, იქონიე მოთმინება. იქნება, უფრო ნამდვილ კვალს წავაწყდეთ სადმე. მანამდის გთხოვ, ჩემთან ნულარ მოხვალ და ეს, რაც მოგიტანია, ისევ უკან წაიღე, თორემ ვინმე რომ შემოგვესწროს, შენვე პასუხის გებაში მიიტყე. ბახვამ უეცრად სტაცა ხელი ას-მანეთიანებს, ერთი რაღაც გიჟურათ დააბრიალა თვალები და გარეთ გამოვარდა. ის მირბოდა ქუჩაზე და ხშირად უკან-უკან იხედებოდა, თითქოს ვინღაც დადევნებოდეს დასაქერათ...

გამომძიებელმა დაიწყო თავის სამწერლო ოთახში თავ-ჩაკიდებული სიარული. დიდხანს იარა მან წინ და უკან ასე ჩაფიქრებულმა. ბოლოს წამოიძახა: „მიუცილებლათ აქ ბოროტ-მოქმედება ტრიალებს. ბახვა მეტის მწუხარებით გაგიჟეულია. თვითონაც არ იცის. რას ჩადის. ან კი რა უნდა ექნა. თუ დარწმუნეულია,

რომ იერემია მისი ცოლის მკვლელია და სამართალი მას ხმას არა უცემს. რა გასაკვირველია, რომ იფიქროს: მეც, მთელი სასამართლოც. უმაღლესი მთავრობაც იერემიას ძლიერ მფარველებისაგან მოყიდული ვიყოთ. ამ გარემოებამ იმასაც ჩემი მოსყიდვა აფიქრებინა. არა, ის გასამტყუნარი არ არის. ეს ბოროტმოქმედება აღრე თუ გვიან უნდა აიხსნას“.

VI.

ბახვამ სულ სხვანაირი შთაბეჭდილება გამოიტანა გამომძიებლის მოქმედებიდან: „ამას ან უფრო მეტი ქრთამი აქვს მიღებული. ან სასამართლოს წევრების შეეშინდა, რომელთაც ალბათ ნაბრძანებით აქვთ, იერემიას საქმე ისე წაიყვანე, რომ მოისპოსო“. იმას ვერ წარმოედგინა, რომ სასამართლოში უქრთამოთ რაზე გაკეთდებოდა: ამის მაგალითები თვალწინ ედვა. მისი წინანდელი ცხოვრება თუ ისე ფრთებშესხმული იყო, უფრო იმით, რომ მთავრობის კაცები მომადლიერებული ჰყავდა. მის სადაო საქმეებს ყველანი განსაკუთრებულს ყურადღებას აძლევდნენ. მწერლებიდან მოკიდებული მაზრის მმართველამდე ყველანი მისი მეგობრები და პატივისმცემელნი იყვნენ. ყველას ახსოვდა მისგან ხელის გამართვა და საჩუქრები.

„ეს გამომძიებელი რაღა იესო ქრისტე გამოჩნდა, რომ ფულზე უარი თქვა, თუ მეორე მხრიდან არ იყოს მოსყიდული; მაგრამ ღმერთმა ისე ნუ მომკლას, რომ ჩემს დამლუპველზე ჯავრი არ ვიყარო! რაც ჭონება მაქვს, სულ ამ საქმეს გადავატან. თავშიშველი და ფეხტიტველი ვივლი, ძაძაში გამოვეხვევი, მიწას დავფხოტნი. ქვეყანას ჩემი ცოდვით ავატირებ... თუ ამითაც არა გამოვიდა—რა ერთს მოლესილს ხანჯალს განა ვერ ვიჭონიებ?“... წამოიძახა ბახვამ თავგამეტებით.

ასეთი შავი ფიქრებით გარემოცული ჩაეშვა ერთ სასაქმო დუქნის სარდაფში, სადაც იმას დაუხვდა მისი ვეჭილი წუნკალა, გვართ ჩაფხუტაძე.

— ცა და ქვეყანა მე მომდგომია, — შეჰყვირა ჩაფხუტაძეს ბრაზ-მორეულმა ბახვამ: — ჩემი ცოცხლათ დამარხვა უნდათ, მაგრამ არა! სანამ იერემიას ცივ სამარეში არ ჩავიტან, მანამ არც მე ჩავეშვები იქ.

— რა გითხრა? — არ მიიღო? — ჰკითხა წუნკალამ.

— არ მიიღო, — უპასუხა იმედმინდლიათ ბახვამ.

— ალბათ მოწინააღმდეგე მხრისაგან არის მოსყიდული, — ვანზრახ მის გამოსაჯავრებლათ დაუროთო წუნკალამ.

შესწყდა ლაპარაკი. ბახვა თვალეზ-ამღვრეული გამოიციქრე-
ბოდა. მის გულში ზღვევის ცეცხლი ტრიალებდა და არ იცოდა, ვის-
თვის რა ექნა. წუნკალამ შეატყო ბრანზმორეულობა, ცდილობდა
რითიმე დაეშოშმინებინა და ნაღველი გულს გადაჰყროდა. ცოტა ხანს
შემდეგ შემპარავი ღიმილით უთხრა:

— მე უფრო კარგი ამბით დაგიხვდი, ბახვა.

იმან თვალეზი წუნკალას დააშტერა.

შენი აღსრულებითი ფურცლები ფიცხლად მივაყენე ქანქუ-
რაიას. განაგრძო წუნკალამ: მთელი მალაზია ავუწყურე, მერე მივედი
მე და სასამართლოს ბოქაული მის ოჯახში. თავი მოვკერი ტოლსა
და ამხანაგში, ცოლ-შვილი აუეტირე. თურმე ნუ იტყვი, ცოლზე
აპირობდა ყველაფრის გადაცემას, რომ ვალი თავიდან მოეშორე-
ბინა. უშველოს ღმერთმა ნოტარიუსს, ერთი დღით ადრე შემატყო-
ბინა. ეს ამბავი. მოგეცა სიცოცხლე, ქორივით დავესხით თავზე მე-
ორე დღეს. მეტი რა ღონე ჰქონდა, ფეხ-ქვეშ გაგვიწვა, ყველაფერ-
ზე ნება დაგვართო, ოღონდ თავიდან მოვეშორებინეთ. ერთი-ორად
თამასუქი გამოვართვი, ზედ ერთი იმდენი ჯარიმის ქალაღი და-
ვამატებინე. შენი ხომ ათას ხუთასი მანეთი ემართა. სამი ათასი მა-
ნეთის ვექსილი გამოვართვი და ერთი ამდენი ჯარიმის წერილი. ვა-
და ექვსი თვე დაეუღღევი. თუ გადააცილა, დღეში ოცდახუთი მანე-
თი აქვს შტრაფი.

— აგრე, აგრე, ნულარაის განიკითხავ: მოუქირე ხელი. სა-
სხლი ამოწუწუნე, სული ამოართვი, მეც ეგ მინდა, — სიამოვნებით
დაჰკრა კვერი ბახვამ. — მე ვინ გამიკითხა, სიკეთისთვის ვინ გამიტა-
ნა. აი, ხომ ხედავ. ძმაო წუნკალა, მინელეებენ, მინელეებენ; მაგიე-
რათ მეც უნდა მოვიწილო ყველანი. აბა, ვინ მომეშველა, როცა
ჩემი ცოლის სისხლში ხელი გაუტრია. აწ მეც უნდა გაეურო ხელი
მთელის ქვეყნის სისხლში. ცოდვა და მადლი სად არის, რომ შე-
მბაერო?... არა, მითხარი, შემატყობინე. მადლი იყო ჩემი ასე წახ-
დენა?...

ამ ლაპარაკში ბახვას თვალეზი წამოეკეცხა: მან მაგრათ დაჰკრა
მუშტი მაგიდაზე, თითქოს იმ წუთას იერემიასთვის დაეცეს მკერდზე,
ხანჯალი.

— ეგ კიდევ რა არის!.. მე უკეთესებს გიამბობ, — განაგრძო
სიამოვნებით ხელის სრესით წუნკალამ. აღსრულებითი ფურცელიც
ხომ მე დავიტოვე და მით მთელს მის სოფლის მამულს. ..ზაპრეშჩე-
ნიე“ დავადევი. იცი?... მისი სოფლის მამული ათას თუმანზე მეტად
ღირს.

— ცეცხლი მინელდება. გული მიგრილდება. შენი სულისა, დამეხმარე, წუნკალა, აგრე დამეხმარე. ჩემს გამხმარს ყელს თითქოს ცივი წყაროს წყალი მოხვდა გასალბობათ.

— ლაპარაკი არ უნდა, ეგ მამული შენ დაგრჩება.

— მეოთხედი შენი იყოს, წუნკალა!... დანარჩენს კი იერემიას შურის საძიებლათ გადავდებ.

წუნკალას სიამოვნებით თვალი აუციმციმდა. მაშინვე გულში განიზრახა პირობის ჩამორთმევა ამ საგანზე.

ამ დროს ბახვამ იგრძნო, რომ მართლაც ყელი უშრებოდა. ენას უსიამაუნოთ დაუწყო წლაკუნნი.

— მელუქნე! მძაფრად დაუყვირა ბახვამ. — ერთი ჭიქა ღვინო მომაშველე, ლამის წყურვილით დავიხრჩო; პირი გამიხმა, ენა სიმ-შილისაგან ხის ქერქათ გადამეჭკა.

ჭიქას ჭიქა მიჰყვა და, სანამ საკმელს მოუტანდენ, ბახვამ და წუნკალამ ექვს-ექვსი გადახუხეს. ამის შემდეგ ბახვამ ტანში სითბო იგრძნო, გული დაუმშვიდდა და სოფლის ვეჭილიც თვაზიანათ შეჰყვა მას სუფრაზე.

სადილს რომ მორჩენ და წუნკალამ შეატყო, ბახვას ჯავრის ღრუბელი შუბლზე გადაეწმინდა, ამოიღო თამასუქები ჯარიმის ფურცლებიანათ და ბახვას გადასცა. ბახვამ ჯარიმის ფურცლები ვეჭილს აჩუქა და ხარჯს გარდა ოცდახუთ მანეთიანი გადაუგდო. ვეჭილმა მადლობა უთხრა და თან დაატანა: „ახლა ქუბელაშვილს უნდა მივაყენო ეს ფურცლები, თუ ამ ორ კვირაში ხუთასი მანეთი არ შემოიტანა“.

— არა, ის შეძლებული კაცია. შემოიტანს, — თქვა ფიქრებ-წაღებულმა ბახვამ.

— იცი, რას გირჩევ!... — შეეკითხა ეშმაკურათ წუნკალა: — მოდი, ვადაზე დავემალოთ, იქნება ერთი დღით მაინც გადააცილოს შემოუტანლობა.

— მერე?... ჰკითხა ბახვამ.

— ამ ჯარიმის ხელწერილს ხომ ხედავ, თავნს გარდა ხუთას მანეთს კიდევ გადავაშვლეკინებ.

ბახვა ერთხანს ჩაფიქრდა, არას ამბობდა. თითქოს რალაც უნდობლათ დაუწყო ყურებაო.

— რას მომჩერებიხარ? — შესძახა სოფლის ვეჭილმა: — განა ცოტა დაგკარგვია მაგისტანებზე? ერთი მითხარი, შენ ვინ დაგზოგა? — ამ სიტყვებმა ისევ აუზღვრიეს ბახვას დამშვიდებული გონება.

— ძალიან კარგი, აგრე ვუყოთ, — დასძინა ფულავამ. — აი, დარდი? მე ვინ მიდარდა?.. თუნდ ტყავიც გაგიძვრია.

— რომ გადავახდევინო. რას მომცემ? — ეშმაკური ლომილით შეეკითხა ვეკილი.

— ეგ ჯარიმის ფული სულ შენთვის მიჩუქებია.

— აგაშენა ღმერთმა, — კმაყოფილებით უთხრა ჩაფხუტაძემ.

— იცოდე ამიერიდან თავს დაეღებ შენთვის, ბახვა, თავს დაეღებ! ბახვამ გაისტუმრა დუქანში ნახარჯი; ის და წუნკალა გავიდენ სარდაფიდან და გაემართენ თავთავიანთ სადგურისაკენ.

წუნკალა ჩაფხუტაძე ერთი იმ სოფლის ვეკილთაგანი იყო, რომელსაც საზოგადო სახელი „აბლაკოტობისა“ ჰქონდა მინიჭებული. ის წუწკ მეძებარსავით სუნით ეძებდა იმისთანა მოვაჭრეებს, რომელთაც ჯიბე სქელი ჰქონდათ და სასამართლოში სიარული აუცილებელი იყო იმათთვის, რადგან გასესხებითი წერილები მრავალი ეყარათ და მოვალეებისაგან საქმე ჰქონდათ გაქირვებული, უსამართლოთ თავიანთი გასესხებული ფული ვერ აეღოთ. წუნკალას ჰქონდა საკვირველი ნიჭი სხვისი ხელწერილების გადაღებისა. რაც უნდა ეშმაკური ნაწერი ყოფილიყო, წუნკალას ერთი თვალის გადავლები მგეტი არა სჭიროდა—რა, რომ ზედმიწევნით მიემსგავსებინა ნაწერისათვის თვისი ხელი. ამ ნიჭის წყალობით იგი ბევრს „პოდლოგებს“ უკეთებდა სხვადასხვა უსინდისო კაცებს ფულით, მაგრამ ჯერ კიდევ სასამართლოს მისთვის კლანჭი ვერ მოეკრა, თუმცა ბევრი ცუდი საქმე ბრალდებოდა. მოსამართლეებს უმართებულო ამბები ჰქონდათ იმაზე გაგონილი და ამის გამო კერძო ვეკილობის მოწმობას არ აძლევდენ. ამ მხრით რომ ვერა გააწყო—რა, მოურავობის ვეკილობას მიჰყო ხელი. მხოლოდ ის ეძებდა ფულით ჩაქვირითებულს კაცსა. ბოლოს ის წაატყდა ბახვა ფულავეს და ხელში ჩაიგდო. წუნკალა გაივლო გულში, ოქრო-ვერცხლის ხაროს მივაგენო, და ყოველ ლონისძიებას ხმარობდა, რომ მისი ნდობა მოეპოვებინა. ბახვა ფულავე იერემიას დევნით შეპყრობილი იყო, სახლკარი დაეტოვებინა, ერთი თავზე ხელაღებული გამხდარიყო, მახლობელი აღარავინ ჰყავდა და ვინც ჰყავდა, იმაზედაც გულავარდნილი იყო, რადგან ატყობდა, რომ მისი უბედური გარემოებით თვით მისიანსაც სარგებლობა უნდოდა. ამისთვის წუნკალა ჩაფხუტაძემ ნაყოფიერი ნიადაგი იგდო ხელში და აპირებდა მის ყოფა-ცხოვრებას თავზე დახტომოდა.

ის მელიასავით შეეპარა ბახვას, რომელიც უმისოთ ნაბიჯს აღარ სდგამდა. წუნკალამ იცოდა, რომ მესისხლეობით ბახვას გონება ჰქონდა დაკარგული, ჰგონობდა, რომ რასმე საშინელ ბოროტ მოქმედებას უნდა წაატყდომოდა. ჩაფხუტაძესაც ისე მიჰყავდა მისი საქმეები, რომ ეჭვი არ იყო, აღრე თუ გვიან ბახვა რაიმე „პოდლოგის“ საქმეში უნდა გაბმულიყო. აი, ამ წუთისათვის ეშმაკადებოდა წუნკალა.

რომ რაკი ბახეას თავისიანი აღარავინ ჰყავდა, თუ ეინციკობაა სისხლია სამართალში თავს გაჰყოფდა და შეეღა-აღარსაით ექნებოდა, მისი ყოფა-ცხოვრება იმას დარჩენოდა ვექსილების ჩამორთმევით.

VII.

იერემია წარბა იმ ლამის ბოროტმოქმედების შემდეგ იერეთი-დან გაჰქრა. ის და მისი ამხანაგები მაშინვე მოახტენ ცხენებს და დილის რიყრაჟამდის ჩოლბურის წყალს გავიდნენ, შეუხვიეს ტყე-ში და ერთ პაწია მინდორზე გადახტენ დასასვენებლათ. გივი ჰრა-ლობისაგან გულდასუსტებული იყო. ამ ადგილის მახლობლათ იე-რემიას ძველურაზე ერთი ნათლიმამა ჰყავდა. დაქრილი გივი იქ დააგდო. ნათლიმამას მისცა ხუთი თუმანი და სთხოვა კარგათ მო-ეველო დაქრილისათვის. იმ დღეს იქ დარჩენ და, დღე და ღამე რომ გაიყარა; ერთმანეთს გამოეთხოვენ. ირაკლიმ ობჩისკენ გასწია: იერემია დილიკაურისაკენ გაემართა; მეორე დღეს შუადღისას კორ-ტონი გადაიარა და სურამს ამოჰყო თავი, აქ ცხენი ერთ ოსს მი-ჰყიდა შვიდ თუმან-ნახევრად, ჩაჯდა მატარებელში და ღამის თერ-თმეტ საათზე თფილისს მივიდა. ის დაბინავდა ერთ იმერლის დუ-ქანში. მან მხოლოდ აქ იგრძნო თავის დაღალულობა. რომ დაეგ-დო ტახტზე, მესამე დღემდის აღარ გამოღვიძებია. გავიდა ორი კვირა. იერემიამ დაიწყო თფილისში სხვადასხვა ალაგას სიარული. დუქანში მხოლოდ საღამოობით მოდიოდა დასაწოლად. მედუქნემ იცოდა, რომ იერემია თფილისს ჩამოსულიყო და სახელმწიფო სა-მსახურში უნდოდა შესვლა.

ერთს კვირა დილას იერემია კარგათ გამოწყობილი. ჩქარა სიარულისაგან სულ-შეგუბებული იდგა ერთი დიდებული სამ-სარ-თულიანი ქვითკირის შენობის კიბეზე. მის გულს ბაგა-ბუგი გაჰქონ-და. იმას ხელი ჰქონდა მიდებული ელექტრონის ფოლაქზე დასარე-კათ, მაგრამ ჯერ არ რეკავდა, თითქოს ორ აზრს შუა იყო: დაერეკო თუ არაო. ბოლოს, როგორც იქნა, გაბედა და ფოლაქს ხელი და-აჭირა. მაშინვე გაიღო კარები და მხედრულად ჩაცმული კარის და-რაჯი გამოდგა შიგნით დერეფნიდან. იმან თვალი აავლ-ჩამოავლო იერემიას, რომელიც ხმალ-ხანჯლით იყო მორთული და ცხენოსნის მხედარს მიემსგავსებოდა. დარაჯმა იფიქრა, გენერალთან ექნება საქმეო და ჰკითხა:

— ვინ გნებავს?

— მე მინდა გენერლის ქალის ნახვა, რომელიც შვილობი-ლათ ჰყავს აყვანილი.

— არა მგონია. რომ ჯერ მისი ნახვა შეიძლებოდეს, რადგან მანდილოსანი ჯერ არა ბრძანდება მორათული, — უპასუხა გულგრილად დარაჯმა.

— მოახსენე, რომ მე მისი ნათესავი ვარ, იმერეთიდან მოსული.

— მაშ მოითმინეთ, წაეალ, მოვახსენებ, — უთხრა დარაჯმა.

კოტახანს შემდეგ იერემია ადიოდა დაფიქრებული მარმარილოს კიბეზე, რომელზედაც მაუდის საფენი იყო ჩამოგებული, ბრინჯაოს ჯოხებით დამაგრებული. შევიდა თუ არა ზევით დერეფანში, იმან უნებლიედ მიხედა დიდ სარკეს, რომელშიაც თავის თავი დაინახა და უნებურათ ხელი მოისვა შუბლზე, თითქოს ესმას სისხლის წვეთი ჰქონოდა ზედ მოცხებული და მოწმენდას ცდილობდეს. რაღაც ახირებული კანკალი აუტყდა: „ნეტა ახლა დარბაზში არ შემიყვანაო“, — გაიფლო გულში და უკან დაბრუნებას აპირებდა; მგარამ გვიანდა იყო. იმან მოიხედა უკან, და, რომ დაინახა კარის დარაჯი მისდევდა, წადგა წინ ნაბიჯი და დარბაზის კარი შეაღო.

ქალი იჯდა ტახტზე და რაღაც ხელსაქნარს აკეთებდა. იერემიას დანახვაზე ის უცბათ წამოვარდა და მიადახა.

— იერემია!.. შენ ხარ? რამ მოგიყვანა? — რა მიამა შენი ნახვა? — საჩქაროთ მიეგება და ხელი ჩამოართვა.

— ვალიდა! — დაიძახა იერემიამ და მდაბლათ თავი დაუკრა, — რა ბედნიერი ვარ, რომ თქვენ მაგრე გაკეთებულს გხედავთ, ბაღრ მთვარეს არ ჩამოუდგებით. — ვალიდას მეტად იამა იერემიას ნახვა, გამოჰკითხა ყველაფერი თავის ქვეყნისა და ნათესავების ამბავი.

იერემიამ დაწვრილებით უამბო იმერეთისა და მისი ოჯახის ამბავი, რაც რომ იცოდა.

— რაზე ჩამოსულხარ? — ჰკითხა ღიმილით ვალიდამ.

— სამსახური მიწადა და შენს იმედათ წამოვედი. საცხენოსნო ჯარში შესვლას ვეჩქრობ.

— მაგაზე ადვილი რა იქნება! — უთხრა მხიარულებით ვალიდამ. — თვითონ იმ საცხენოსნო პოლკის უფროსი ლეზოვი ჩემი კარგი მეგობარი კაცია. ერთი რომ ვუთხრა, მეტი არ უნდა, მაშინვე ჩაგრიცხავს სამსახურში. სად დგახარ, იერემია? — ჰკითხა ნათესაობრივი გულმტკივნელობით ვალიდამ.

— აქ გახლავარ ჩამომხტარი, ერთს ჩვენებურის იმერლის დუქანში.

— უი, ღმერთო მომკალი! დუქანში რა გინდა? ახლავე ჩვენთან გადმოდის. ქვედა სართულში ვუბრძანებ ბიქს ოთახი მოგიმზადოს. ახლავე ჩემს მამობილსაც გაგაცნობ.

ის მიტრიალდა მეორე ოთახში შესასვლელად და ამ დროს უცბათ გაიღო კაბინეტის კარი. იქიდან გამოვიდა ერთი მოხუცებული, მაგრამ ჯერ კიდევ ქარმაგათ მყოფი, მაღალი, განიერ მხარბეჭიანი გენერალი. წვერი მოპარსული ჰქონდა, ხელში გრძელტარიანი ჩიბუხი ეჭირა და სხვილს ქალარა უღვაშებზე ნიადაგ მიმზიდველი ლიმილი დასცემდა გულკეთილობის ნიშნით.

— პაპა! მხიარულად მიეგება ვალიდა: — რა გახარო?... რა ბედნიერი ვარ?... ჩემი ბიძაშვილის შვილი მომივიდა!

გენერალმა გულლიათ თავი დაუქრა და ხელი გაუწვდინა იერემიას. იმანაც მდებლათ, თავდახრით ჩამოართვა.

— ოჰ, გამარჯობა შენი, იმერელო! დაბძანდი. აბა, მოჰყევი იმერეთის ამბავსა. დიდიხანა იქიდან არა ვიცი-რა. თქვენი თავდაზნაურობის წინამძღვარი რასა იქმს?.. მართალია, თქვენს გუბერნატორს სულ სძინავსო?.. — ამ სიტყვებით დაეშვა ის სოფაზე, წუმწუშმა გაჰკრა, მიმქრალი ჩიბუხი ისევ ააბოლა და შემდეგ ფეხი-ფეხზე შემოიღო.

— როგორც მოგეხსენებათ, ბატონო...

— მართლა ისეთი დიდი ხარჯი აქვს თქვენს გუბერნიის მარშალს, როგორც ამბობენ?

— დიახ, ბატონო, დღე ისე არ გავა, რომ მის სახლში ერთი ძროხა არ შეიქამოს.

— ვინ მიდის ამდენი?..

— იმერეთში თავადი და აზნაური, ვინც კი ქუთაისში გაივლის, როგორ შეიძლება, რომ მას არ გამოეცხადოს, იმასთან პური არ ქამოს და ჩაი არ დალიოს დილა-სალამოს.

— მერე მაგდენს ხარჯს რა ოჯახი გაუძლებს?

— დიდი მამულისა და ყმის პატრონი გახლავს. იმერეთში ახლა იმისთანა მებატონე არაეინ გახლავს.

— ან რა საჭიროა, რომ ქვეყნისათვის კარი გაუღია?

— უიმიოთ არ იქნება. თუ პურ-მარილით არ მოიმადლიერა იმერეთის თავდაზნაურობა, ცუდათ იქნება არჩევანზე მისი საქმე ჩვენში, ბატონო, კაცი პურ-მარილით ფასობს.

— სანამდის გაქვს, როცა გამოგელევა?

— მაშინ გლახათ ჩამოიქვეითებს, ბატონო! გაიღიმა იერემიამ.

— ვაი ჩვენი ბრალი! — კაეშან-მოდებული ხმით წარმოსთქვა დარბაისელმა გენერალმა.

— პაპა! მე იერემიასთვის აქ ვუბძანე მოამზადონ ბინა. მაგას სხვაგან დუქანში როგორ დავაყენებ, სანამ სამსახურს იშოვიდეს.

— ძალიან კარგი გიქნია, შვილო. აი, მაგისტვის მიყვარხარ, რომ თაოსნობა იცი და, რაც ოჯახს მოუხდება, ისეთს განკარგულებას ახდენ.

— დედამაც მომიწონა.

— იმიტომ, რომ გონიერათ მოიქეცი.

— უპ, პაპა, რა მიხარია, როდესაც სასიერნოთ გავემგზავრებთ; მე და დედა ლანდოთი, იერემიას თან წავიყვანთ. საცა უნდა წავიდეთ, აღარსად მოვიცილებთ.

დარბაისელმა გენერალმა ერთი კიდევ ააელო თვალი იერემიას მოყვანილობას და იფიქრა: „ნეტავ ყოველთვის მაგისტანა მზღებელი მყავდეს! მთავარ-მართებელსაც არ ეყოლება მაგისტანა გამყოლი“. მერე ხმამალა წარმოსთქვა: „ნამდვილია, იერემია ყველგან დაგაშვენებთ, თუკი არ დაიზარა თქვენი გაყოლ-გამყოლა“.

— რატომ იკადრებთ, ჩემი თავი თქვენი სანაცვლო იყოს. — დარბაისელ გენერალს ძალიან იამა იერემიას ასეთი სიტყვები; წამოდგა დინჯათ, თითქოს თავი მოიწონა იერემიასთან და ღილინით გაემართა ოთახისაკენ.

— პაპა, იერემია სულ კოზლაზე გვიჯდება! — მიაძახა ვალიდამ გენერალს.

— ჩინებული იქნება! — დაატანა გენერალმა და შეიკეტა კაბინეტის კარები.

— მე წავალ, მოვირთები, თორემ აწ ვინმე სტუმარიც მოვა. — წაილაპარაკა ვალიდამ იერემიას გასაგონათ, — ლებოვი დამპირდა პირველ საათზე შემოგვივლი და კავალკადით გავისიერნოთ მუშტაიდისკენო. იერემია, შენ აქ მოიცადე, უნდა წარგადგინო პოლკოვნიკთან.

— რასაც წყალობას მიზამთ, თქვენ იცით, ჩემი სიცოცხლე აწ თქვენ ხელთ არის.

ვალიდა გავიდა მეორე კარიდან. მის სოსან ატლასის გძელკუდიან კაბას შრიალ-შრიალი გაჰქონდა.

VIII.

იერემია დარჩა მარტოდ-მარტო. ის ათვალეირებდა ზალის მორთულობას, რომელიც სულ ძვირფასი ხალებით იყო მოგებული. მაგიდაზე ათასნაირი მოოჭრული და მოვერცხლული წვრილმანი ნივთები ელაგა. ერთ მხარეზე აღმოსავლეთის გემოვნებაზე ვანიერი ტახტი იყო წმინდა თექვს ხალებით გაწყობილი, ზედ შინდის ფერი ყურბალიშები, რომლებზედაც სახლის პატრონის სახელი და გვა-

რი ეწერა, ხავერდის მუთაქები ელაგა: შუაში ძვირფასი ფერადებით ნაკერი ოქრო-ქსოვილით გამოქათქათობდა. ერთ კუთხეში დიდი რგვალი მაგიდა იდგა. ფარჩა აბრეშუმ-ნარევი, სახეებიანი მატერიით გადაფარებული, ზედ ჩინეთის. ფარფორის საფერფლე და სიგარის ჩასაწყობი კოთხოები იდგა. ამ მაგიდას გარშემო უდგა ჩაქსოვილი აბრეშუმ-ნარევი ხალხბიო გადაკრული სელები. დიდრონ ჟანჯრებზე და კარებზე ჩამოშვებული ფერადის ატლასის ფარდები ოქრო-მკედის ფორჩხებით ცისარტყელასავით ლაპლაპობდა. როცა მათ შზე მიაღებობდა. ასეთმა სიმდიდრემ მეტად დაჩაგრა იერემიას ფიქრები. „ამისთანა სიმდიდრის პატრონი როგორ უნდა დაბერდეს, ან მას მწუხარება როგორ უნდა მიეკაროს? — გაივლო გულში იერემიამ. ჯერ მას ამისთანა სიმდიდრე არ ენახა. „რაკი აქამდის შოვატანე, აწ ჩემს ბედს ძალი არ დაჰყევს. ვალიდა ჩემი მთარველი იქნება. იმის გამო გენერალიც შემეწევა. თუ ვიშოვნე ჩინი, ახლა ვიშოვნე“. მაგრამ ამ დროს უეცრად იცვალა ფერი მისმა ფიქრებმა: თვალწინ გამოეხატა იმ ღამის მკვლელობა და ტანში გააზრიალა. მას ვერ დაევიწყებინა ესმას ანგელოზური სახე; მისი უკანასკნელი ამოკენესა თითქოს ყურში ჩასწივოდა იერემიას შემდეგის სიტყვებით: „აქი მომკლა ამ ურჯულომ“.... ამით დაიდრუბლა იმ წუთას მისი ნათელი გამომეტყველება. „ბედნიერი მაშინ ვიქნებოდი, ესმა რომ სულ თვალითაც არ მენახა. დღეს მე მისი მსხვერპლი შევიქენი. იმ უბედურ ღამეს შემდეგ სულითა და ხორციით მეც დასჯილი ვარ საუკუნოთ. ვინ იცის, ხვალ რა დამემართება, ეს ჩემი პატრონები ხვალ როგორი თვალით შემომხედვენ? მაგრამ მაინცა და მაინც ხანჯალი მაგრათ არ დამიკრავს. არა მგონია, რომ სასიკვდილო რამე გასჭირვებოდეს. მე ვიცი, ბახვა გულგაშლილი კაცია, ჩემს დევნას სასამართლოს საშუალებით არ იკადრებს. რომ კიდევ იკადროს. მანამდის მე აქ კარგ ალაგს დავიჭერ, გავმდიდრდები რამენაირათ მოვრიგდებით... ესმა რომ ხელში ავიყვანე, ისე მაგრათ გამიკავა ხელები, რომ ასე მეგონა. შემკოქეს-მეთქი. იმისთანა ღონიერი ქალი კი არა კაციც არ მინახავს. ნაბიჯი ველარ გადავდგი!.. ამ დროს ბახვა კინალამ მომწვდა, მისი ქლოშინი ზურგს უკან მესმოდა... ესმამ ისე მწარეთ ჩამავლო კბილი მკლავში, რომ მისი ნაკბენი ახლაც მატყვია. გავვიყდი, არსებიდან გამოვედი. მეტი რა მექნა?.. მოვივლე ხანჯალს ხელი... ბახვას ზომ ვერ დავაჭერიებდი თავს?.. იმ ღამის შემდეგ ჩემი სიცოცხლე განახევრებულია. ჩემი გული კუპრის მორევი. გველ-ბაყაყით ავსებული. მე აწ რალამ უნდა მანუგეშოს? ის ჩემი მკვლელი მას აქეთ ავსულივით თავს დამტრიალებს... მშვიდობით აწ მოსვენებავ, მშვიდობით სიამოვნებავ“...

ამ დროს მოისმა ხარის რაწყუნე გარედან. იერემიას წარმოუდგა პოლიციელები და ისე წამოხტა ადგილიდან, თითქოს ტყის ნადირი ბუნაგიდან ძალებს გამოეგდოს. იგი თრთოლამ აღიტაცა და უნებურათ ხანჯლის ტარზე ხელი დაიდვა... ერთმა ჩერქეზულათ ჩაცმულმა კაცმა შემოალო ზალის კარები. მას მხრებზე პოლკოვნიკის პაგონები ეკერა. ის გაშლილი ნაბიჯით გაემართა იმ მაგიდისკენ, საცა ჩინური ფარფორის ტიკინები ეწყო, ჩამოჯდა სელზე და თვლები განის კარს მიაპყრო. მას იერემია არ შეუნიშნავს. ეს ნელ-ნელა კუთხისკენ მიიწია და დარჩა იქ ფეხზედ ატუზული.

უცბად განის კარი აიღო და ვალიდა შემოცქრილდა ცისფერი მაუდის კაბით, რომელიც ცხენზე საჯდომათ იყო მოწყობილი. ვალიდას თავზე შავი ქუდი ეხურა და შავი პირბადე ჰქონდა ნიკაპამდის ჩამოფარებული. ამის გამო უმისოთაც თეთრი ნიკაპი და მალალი ყელი კიდევ უფრო თეთრად მოქათქათობდა.

— სწორეთ ერთი წამიც არ გადაგიცილებიათ დანიშნულ ვადაზე, — უთხრა ღიმილით პოლკოვნიკს ლებოვს. და გაუწვდინა გძელი ნარინჯის ფერი ხელთათმანით შემოსილი ხელი ჩამოსართმევათ.

ლებოვი რწყილივით წამოხტა ზეზე. ეს იყო არაჩვეულებრივი მოქმედება პოლკოვნიკისა მის წლოვანობის შესადარათ

ნუთუ გულში გაივლეთ, თქვენთან მოვისწრაფოდი და დავიგვიანებდი? უთხრა ლებოვმა.

ერთობ მომეტებული ყურადღებაა თქვენი მხრით, — ალერსიანათ უპასუხა ვალიდამ.

ეგ კი არა, თავიც რომ შევსწირო თქვენს სიამოვნებას, იმასაც საკმაო ყურადღებათ არ მივიჩნევ. ამ წყეულმა ხელთათმანმა მაინც რალათ მომაკლო თქვენი ბროლის თითების ხილვა!

ბატონო ლებოვ, ნუ პირფერობთ! — და უცბათ გამოსტაცა ხელი. მართლა, მე სულ დამავიწყდა... აი, ჩემი ნათესავი მეწვია სტუმრად, მინდა გაგაცნოთ, — მიუთითა კუთხეში მდგომარე იერემიაზე. ამ სიტყვებზე ლებოვი, თითქოს რწყილნაკბენი, ისე მოტრიალდა და თვალი შეასწრო იერემიას. იმას არ ესიამოვნა მქირდავი თვალი მისის ტრფიალებისა ვალიდასთან.

იერემია წელში გაიმართა, ხელები ჩამოუშვა და მოწიწებით თავი დაუკრა პოლკოვნიკს.

— ბატონო ლებოვ, მე თქვენ გთხოვთ, მაგ ჩემს ნათესავს ყურადღება მიაქციოთ... იქნება თქვენს პოლკში ჩარიცხოთ, სამსახური სურს.

— რაც ჩემის ღონისძიებიდან მოხერხდება, მზათა ვარ თქვენი ნება და სურვილი ავასრულო.

ლებოვი გაემართა იერემიასაკენ ხელის ჩამოსართმევით. მისმა მოყვანილობამ გააშტერა პოლკოვნიკი. იგი დაუდგა პირდაპირ ამ უზარმაზარ კაცს და შეაქყიტა თავის პაწია თვალები. იმან შენიშნა ხმალზე ტემლაკი და გულზე ჯვარი.

იერემია პოლკოვნიკის დაკვირვების გამო აიბუძგა და აიგრუნა. „იქნება, ახლა ამას დეპეშითაც ჰქონდეს ქუთაისიდან მოწერილი ჩემი ამბავი!“ — ფიქრა იერემიამ. იმან თვალი თვალში გაუყარა პოლკოვნიკსა და უნებურათ ხელი ხმალზე დაიდვა.

— ყმაწვილო კაცო, გინდათ ჩემს პოლკში სამსახური?..

— თუ კი თქვენი წყალობაც იქნება, — მოახსენა იერემიამ.

პოლკოვნიკი უცებ გამოტრალდა ამ პასუხზე და ალერსიანად წაულაპარაკა ვალიდას:

— თქვენი ნათესავი ნამდვილი გმირია შეხედულებით, მაგასთან თუნდ ერთი პოლკი მტერიც შემოესიოს, არა გამიჭირდება. მე მაგას სიამოვნებით ჩავრიცხავ ვახშმისტრად, რადგან იუნკერი და ჯვარი აქვს. ერთ თვეს შემდეგ აფიცრობაზე წარვადგენ. იმედია, მალე მოუვიდეს.

— გულითადს მადლობას შემოგწირავთ მაგვეარის თანაგრძნობისათვის, დაატანა ვალიდამ.

ლებოვი მიუბრუნდა იერემიას და ჰკითხა:

— სად გიმსახურნიათ?

— სააზნაურო ცხენოსნის ჯარში, რომელიც თათრების საზღვარზე იყო დაყენებული.

— ეგ ჯვარი სად მიგიღიათ?

— თერთმეტ აპრილს კინტრიშის ბრძოლაში.

— ეგ კიდევ უკეთესი. ბრძოლის კვამლში გატარებული ყოფილხართ.

ლებოვი მიუბრუნდა ვალიდას:

— აბა, ქალთა შორის ქალბატონო! მშვენიერი ამინდია, დროს ნულარ ვკარგავთ, წავიდეთ სასეირნოთ.

— დიდი სიამოვნებით. მე მზათ ვარ.

ლებოვმა ერთხელ კიდევ შეავლო თვალი ვალიდას შვენიერს მოყვანილობას, თავი ჩაღუნა და კისერი გადახარა. ის ფიქრებს წაელო, ამ ქალის გულისთქმეიერ ხვნეშაში გაბოროტებულიყო მისი გონება.

ვალიდამ მოჰკრა თვალი ლებოვის უხეიროთ წაშვებულს ტუჩებსა და ტანში უსიამოვნოთ გააზრიალა...

— ბატონო ლებოვ, რაღაც ფიქრებს წაუღინხართ. რას უცდით წავიდეთ!

ბინძურს გულისთქმაში ჩაღრმავებული ლებოვი ქალის სიტყვებმა გამოაღვიძა. იმან თავი გაიქნია, თითქოს ფიქრებს იშორებდა, და მოახსენა ქალს:

— მიბძანდით წინ.

ვალიდამ კეკლუცათ შეიკრიფა გძელი კაბის კალთები. გამოიჩინა მაღალ ქუსლებიანი მოელვარე ფეხსაცმელები და წინ წავიდა.

— ოჰ, ვინ იქნება ის ბედნიერი, რომელსაც ელირსება მაგ ლამაზის ფეხების კოცნა და გულში ჩახუტება, — ნერწყვის ყლაპვით წაილაპარაკა ლებოვმა ვალიდას გასაგონათ. ქალმა მოჰხედა უკან. დაანახვა ბროლის კბილები და თითქოს წყრომით, მაგრამ უფრო ალერსით შესტუქსა:

დაატანა პოლკოვნიკმა. რადგან ვერ მიწოდმოდა თავის გულის წაშაწური ლაპარაკი არ მიაშებდა.

ლებოვმა გულისთქმით ამოიკენესა.

ამ დროს კიბეზე მოაყენეს ყარაბაღული ცხენები. ვალიდას საჯდომი ცხენი ოქროსფერი იყო, შვენიერი თავ-კისერი ჰქონდა. თითქოს განზრახ გამოურჩევიათ ვალიდას სილამაზის შესახამებლათაო.

ლებოვმა დაუქირა ვალიდას უზანგი და ფეხზე ხელის მოქერით აგრძნობინა თავის გულის ცეცხლი. მერე დაუპირა ქალს წელზე ხელის მოვლება, რომ მოხმარებოდა შესაჯდომათ, მაგრამ ვალიდამ მოასწრო, ჩიტვით შეფრინდა უზანგირზე და ამით ჩაუფუშა პოლკოვნიკს ვნება-ალტყინებული განზრახვა.

— ჩერქეზის ქალივით მარდი ბრძანებულხართ, — დანანებით დაატანა პოლკოვნიკმა. რადგან ვერ მიწოდმოდა თავის გულის წაღილს. — თუ გინდათ, იერემია ჩემი მხლებელის ცხენზე შეჯდება და გამოგყვება.

ამ წუთს იერემია ვალიდასთან იდგა და ცხენის სადავე ეჭირა ხელში. იგი უზანგირზე ქალს კაბას უსწორებდა.

— ძალიან კარგი იქნება, — მხიარულებით უპასუხა ვალიდამ. იერემიას ეს მოულოდნელი ამბავი იამა, რადგან იგრძნო, რომ პოლკოვნიკს მოესწონებოდა.

IX.

შემოდგომის ტკბილი დღე იყო. თფილისის არეს მზე აღარ სწევავდა, როგორც ზაფხულს სჩვევია, მაგრამ მისი შუქი გამაცხობებელს სასიამოვნო სითბოს და ნათელს ჰფენდა გარუჯულს ქალაქის გარემოს. ახლად დაგვილი ვალაჲინის პროსპექტი ყვავილებიანს

მდღოს მოგაგონებდათ. შემოდგომის ფერს ტანთსაცმელში გამო-
კანკლული ქალები მიდი-მოდიოდნენ ქვაფენილზე, სხვადასხვა ფე-
რად აპრიალებულნი, იმათს ხალისს ტანცმულობას შეენივრად ეხამე-
ბოდნენ შავს და ქუფრს პალტოებში გამოწყობილი ვაჟები. ფუტკრის
დასი რომ ყვაველებს შემოესევდა და თავს დაბზუის, თფილისის კოხ-
ტა ვაჟებიც ასე უტრიალებდნენ ლამაზს მანდილოსნებს ფეხაკრე-
ფით სეირნობაში. ეტლებს და კალიასკებს გაჰქონდათ ქუჩაზე გრი-
ალი. ზოგნი შიგ მსხდომნი საქმისთვის მიეშურებოდნენ, ზოგი მხოლოდ
სასეირნოთ გამოსულიყო. მდიდარი კაცები ინგლისისა და არაბის
მოდგმის ცხენებით გაბმულს კაბრიოლოტებს მიაჰქენებდნენ სხვადა-
სხვა მხრისაკენ, რომ მოსეირნეთ დასისათვის თავი მოეწონებინათ,
ბევრის ლამაზის მანდილოსნისათვის გული აეძგერებინათ; თითქოს
ყველანი ეშურებოდნენ ამ საუცხოო ამინდით და წმინდა გრილი ჰა-
ერით დამტკბარიყვენ, რადგან სუსხი ზამთარი კარზე მომდგარიყო.

ამ დროს სასახლის ქუჩაზე გამოჩნდა ვალიდა. იგი სარივით
იჯდა ოქროსფერ ყარაბაღულს ცხენზე, რომელსაც კოხტად მოჰ-
ქონდა თავ-კისერი და ოთხ-ამოღებული კვინტრიშით წინ მოჰქრო-
და, თითქო უხარიაო, რომ ქალთა-მზე ზურგით მოჰყავსო. პოლკოვ-
ნიკი ლებოვი თეთრს არაბულ ცხენზე იჯდა და ვალიდას გვერდით
მოსდევდა. ქალმა და მისმა რაინდმა მიიქცია მოსეირნეთა ყურად-
ღება.

— ვალიდა, ვალიდა!.. — გაისმა მოსეირნეებში. ქალი ჩვეულე-
ბრივის ღიმილით აძღვედა სალამს მარჯვნივ და მარცხნივ მოსეირ-
ნეთა.

— ბრალი არ არის, იმისთანა შეენიერი ქმნილება იმ ძველის
პრუშის საბურთაოდ გამხდარიყოს? — წასჩურჩულა თავის მანდილო-
სანს ლებოვის ადიუტანტმა.

— ამბობენ, კიდეც უბულრავენიათო, — ეშმაკური ჭორიკანა-
ობით შენიშნა მანდილოსანმა.

— ეგ ახალი ამბავი არ იქნება! — დაატანა ადიუტანტმა.

— როგორ?.. თქვენ ხომ არ შეგიძინევიათ? — ლაპარაკში გა-
მოსაწვევით ჩაჰკითხა მანდილოსანმა.

— არა, მაგრამ ასე ამბობენ.

— თქმით მაგაზე მეტსაც ამბობენ, დაჰკრა კვერი მანდილო-
სანმა.

— ერთ ღამეს საერთო დარბაზობიდან მესამე კადრილს შე-
მდეგ პოლკოვნიკი ლებოვი და ვალიდა თურმე სადღაც გამჰქრალან.

— ეგ მართალი არ უნდა იყოს, — ეშმაკურათ შენიშნა ადიუტანტმა, რადგან უნდოდა მანდილოსანი გამოეწვია ვალიდას შესახებ კორების საუბარში.

— გეფიცები პატიოსნებას, კამენდატის ცოლმა ილაპარაკა: „იმ ღამეს ვალიდა და ლებოვი კარჩაკეტილ კარეტაში ისხდნენ მარტოდ-მარტო და ნაშუადღევის ორ საათამდის სულ მუშტაიდის გარშემო ქუჩებზე დასეირნობდნენ“.

— ეგ ტყუილი უნდა იყოს, — კიდევ უფრო გამოსაჯავრებლათ იქვე ადიუტანტმა.

— თვითონ მეეტლეს ულაპარაკნია, კოცნის ხმა მესმოდაო.

— ოჰ, ოჰ!.. ეგ მოგონილია.

— რა ეგ გინდა, იმ დღეს თურმე თვით იმათი ლაქია ეუბნებოდა ჩვენს მოსამსახურეს: „ჩემი ბატონები რომ დაბრუნდნენ დარბაზობიდან, საათ-ნახევარს შემდეგ ვალიდა და ლებოვი მოვიდნენ ერთადო“. ჩვენმა ლაქიამ მეორე დღეს თვითონ მე მითხრა ეს ამბავი.

ამ სიტყვებზე ადიუტანტმა გადიგრიხა უღვაშები და ბრძნულად წარმოსთქვა:

— შესაძლებელია. ბევრი მაგისტანა ვარდები დაუქცნია თავის სიცოცხლეში პოლკოვნიკ ლებოვსა.

კარგი სანახავია მუშტაიდის ბალი შემოდგომაზე, ნამეტურ, როცა თბილი ამინდია. უხვად დაჩრდილული ხეები ფერის ცვლაშია. მართალია, მათ ყვავილი არ მოაქვთ, მაგრამ თვით ფოთლები იქცევა ყვავილებათ, ზოგი მიიღებს ყვითელ ფერს, ზოგი მწვანეს. ზოგი სოსანს, ზოგი სულ მოჭირებულ წითელ ფერს და ეს მრავალფერად შეღებილი ხეები კაშკაშ-ლაყვარდი ცის ქვეშ ედემის შეენიერებას წარმოუდგენს კაცს. ამ წითელ-ყვითელ ფოთლებში და თბილ მზიანს ტაროსში ხანშესულ კაცს ხშირად მოაგონდება თავისი ქაბუკობის დრო, და, როგორც შემოდგომის ფოთლები სიოს შემოკვრაზე ალაყვანდარდებიან, ისე მიმქრალი გულისთქმანი ხანდაზმული კაცისა დაიწყებენ ტოკვას და იწყებენ მოტეხილს გრძნობებს სამარის კიდეზე, რომ ერთხელ კიდევ გააბოროტონ კაცი სიყვარულის გვემითა. სწორედ ამავე მდგომარეობაში იყო პოლკოვნიკი ლებოვი, როდესაც მუშტაიდის გატყეცილს გზებზე ლამაზი ქალის გვერდით წყნარად მიატარებდა ცხენს და მის გულში ჰღვიოდა ვალიდას ტრფიალი.

იერიმია შორიახლოს მისდევდა მათ და სიამოვნების ღიმილით შეხაროდა თავის ახალ ბედს. ის გრძნობდა. რომ პოლკოვნიკი გა-

ტაცებული იყო ვალიდას შეენიერებით. „ნეტავი ვალიდას შეერთედესო, — წამოიდუღუნა იერემიამ, — მაშინ ჩემს ბედს ძალი არ დაჰყუფს. ორ-სამ თვეს პრაპორჩიკი გავხდები, მერე, იქნება, სოტნაც ჩამაბაროს პოლკოვნიკმა. მაგას რა კითხვა უნდა, რომ ერთგული სამსახურით თავს შევყავარებო“. ის განზრახ ჩამორჩა კარგათ მოშორებულს მანძილზე, თუმცა თვალისა და ჰკარგავდა ცხენოსნებს. ამ ნათელს ფიქრებში რომ იყო იერემია, უცბათ რაღაც ბოროტმა ხმამ თითქოს ყურებში ჩასძახა: „აკი მომკლა ამ ურჯულომ“. უცებ მას მოელანდა შავ-თმაგაშლილი მწყრომარე სახე ესმასი. იერემია ძლიერ შეკრთა. „რალს ვერჩები ამ წუთისოფელს! — გულგახეთქილმა წამოიძახა მან, — ესმას სიკვდილის შემდეგ მე სასიცოცხლო პირი აღარა მაქვს“...

ვალიდა და პოლკოვნიკი მოხვეულის ბურჯნარით გავიდნენ დიდ ხეების ტლავარში მტკვრის პირის მხარეზე.

— ვალიდა! — ათრთოლებული ხმით შესძახა ლებოვმა, — ეკვდები თქვენი ეშხით, მეტის მოთმენა აღარ შემიძლია.

— რას ბრძანებთ? ეგ სიტყვები არც თქვენ გეკადრებათ და არც ჩემს ქალწულობას, — პირქუშად უთხრა ვალიდამ.

— ნუთუ რაიმე უკადრისია ამ ჩემ მწვაე გრძნობებში! გიმეორებთ, მე თქვენ მიყვარხართ.

— ეგ სიტყვები ალბათ მეოცუჯერ არის წარმოთქმული ოცსხვა და სხვა თქვენ მიერ შეყვარებულთან.

— მართალია, იქნება მეოცეც იყოს; მაგრამ ეს მეოცე ჩემი გულის პასუხი ოცუჯერ უფრო გულახდილი და მწვაევი გატეხილი პასუხია მაზედ, რაც სხვებისთვის მითქვამს.

— მერე!... — შეეკითხა ვალიდა.

— თქვენი გული უნდა დანებდეს ამ ერთ წუთს ჩემ ცეცხლმოდებულ გრძნობას.

— მე წუთიერი არა მწამს-რა, — გულგრილად სიტყვა ბანზე აუგდო ვალიდამ.

— თუ ამ წუთს თქვენის ტრფიალებისას შევწირავ ჩემ სიცოცხლეს, მაშინ?.. — ლებოვი ცხენ-და-ცხენ მიიწია ვალიდასკენ, რომ წელზე ხელი შემოეხვია.

— პოლკოვნიკო! ნურას უკაცრავად. მე არც მაგ წუთიერი სიყვარულისა მწამს რამე და არც მჯერა, რომ თქვენ რომელსაც აგრე გაგიტარებიათ თქვენი დღენი, შეგეძლოსთ უმანკო ქალის გრძნობა დააფასოთ... — ეს უთხრა და უცბათ ჰკრა ქუსლი ცხენს. რომ წინ გაეგდო და ხიფათს გადარჩენილიყო.

ის მალე დაეწია ვალიდას და გრძნობიერათ უთხრა:

— ნუთუ ჩემი ამდენი ხნის ტანჯვის მოსაგოებლად მეტი სამკურნალო მალამო არ ყოფილა თქვენს გულში დაგროვებული?

— მე მხოლოდ იმ კაცისათვის მაქვს უებარი გულის წამალი ვინც სიკვდილამდის ჩემი იქნება, — ღიმილით მოხედა უკან ლებოვს და უთხრა ვალიდამ.

ამ წამს ისეთი შნოიანი რამ იყო ეს ქალი, რომ პოლკოვნიკი კინალამ გაგიედა.

იმან უტბად მიაგდო ცხენი ვალიდასკენ და უბასუხა:

— მოგცემ პატიოსან სიტყვას, რომ სიკვდილამდის თქვენი ერთგული ყმა ვიქნები.

— არა, ეგ სიტყვები მარტო არ კმარა; საქმით უნდა დაამტკიცოთ.

— როგორ საქმით? — ჩაპკითხა სახეზე აპრიალბულმა ლებოვმა.

— წმინდა ცოლ-ქმრობის კავშირით.

პოლკოვნიკს თითქოს ცივი წყალი გადაესხა თავზე. გრძნობა მორეული სიწითლე უტბათ ჩამოეშალა და მკრთალმა ფერმა გადაჰკრა სახეზე. მან უსაყვედურა:

— თქვენ ეგოისტი ყოფილხართ. არ გცოდნიათ, რომ წმინდა ქორწინება სიყვარულის ყვაველს უტბათ აქცნობს და აქრობს.

ვალიდამ აღარა უთხრა—რა, მხოლოდ შუღლით შეხედა პოლკოვნიკს, ჰკრა ქუსლი ცხენს და ოთხამოლებით გამოაფრინა შინისკენ. ლებოვი გამოეკიდა ცხენ-და-ცხენ და, როცა დაუპირდაპირდა, რამდენიმე სატრფიალო სიტყვა კიდეც უთხრა ვალიდას, მაგრამ მას აღარც პირქუში სახე შეუცვლია და აღარც ხმა გაუცია. ლებოვი გრძნობა-დაქვეითებული დაღუბდა და მოწამლული გულით მოსდევდა ვალიდას.

იერემიამ ცხენს შემოჰკრა მათრახი და, რაკი მოსეირნენი მუშტაიდის ბაღში ველარ ნახა, ქენებით გამოსდია მათ უკან. ის მოსწვდა ვალიდას და ლებოვს მიხაილოვის ხიდზე და შინამდის აღარ დაშორებია.

ვალიდამ მიაგდო ცხენი მოაჯირზე და დაუძახა იერემიას:

— მოდი, გადმომსვი.

იერემიამ ერთი ნაბიჯით წინ მიასწრო პოლკოვნიკს და ციმციმ გადმოახტუნა ზედა კიბის საფეხურზე. ვალიდა აგოგდა მოაჯირამდის და ჩამოჰკრა ზარას. ლებოვი ზანტათ აღიოდა ქვის კიბეზე. ვადაღეს თუ არა კარები, ქალი უცებ მოტრიალდა, დაუკრა კონტად პოლკოვნიკს თავი და შესძახა:

— გმადლობთ სეირნობისათვის, ბატონო ლებოვი! - შევარდა სახლში და მოიხურა კარები. ლებოვი ერთ წუთს თავჩაღუნული იდგა მოაჯირზე, შემდეგ მოტრიალდა კიბეზე. მის წინ იდგა იერემია, რომელსაც მისი ცხენი დაესადავებინა. ლებოვს იამა ეს სიმარღვი იერემიასი.

— გმადლობთ, — უთხრა გრძნობით პოლკოვნიკმა. — თუ არ დაიწარებთ, სადგომამდის გამაცილეთ ცხენ-და-ცხენ.

— მზათ გახლავარ ყოველთვის თქვენი ბრძანება ავასრულო.

პოლკოვნიკმა ჰკრა ქუსლი ცხენს და გამალებულმა გასწია შინისკენ. იერემია ოთხამოღებით გამოუდგა უკან. მსლებელმა კი დაიქირა სადავით ოქროსფერი ყარაბაღული, რომელზედაც ვალიდა იჯდა. და წამოიყვანა შინისკენ.

X.

ვალიდა იყო ერთი იმერლის თავადიშვილის ქალი, რომელიც ქუთაისის წმინდა ნინოს საქალებო სასწავლებელში იზრდებოდა. იმ დროს ბევრს არას ასწავლიდენ ამ სასწავლებელში. განსაკუთრებული ყურადღება იყო მიქცეული გარეგან აღზრდაზე. ქალს უნდა ესწავლა კარგი ტეკვაობა, სხვათა შორის მაზურკაში მიხვრა-მოხვრა და ფეხების რიგზე აყოლება. აგრეთვე უნდა სცოდნოდა ზედმიწევნით კეკლუკათ თავის დაკვრა, რევერანსი, კავალრებთან კოპწიაობა. თვითონ ვალიდა კარგი ტანადი იყო და მადლიანი მდიდარი სახე ჰქონდა. ის იყო კურსს ასრულებდა, როცა ქუთაისის სამხედრო გუბერნატორად ერთი წარჩინებული რუსეთის გვარის კაცი ჩამოვიდა. მისი მეუღლეც დიდი გვარის შვილი იყო და რუსეთის უმაღლეს წოდებაში ფრიად გაცნობილი. მან მოსვლისთანავე გამართა სალონი, საცა ყოველ შაბათობით იკრიბებოდენ მთელის გუბერნიის მაღალი ჩინოვნიკობა და თავად-აზნაურობა თავიანთ სახლობით. გუბერნატორის მეუღლემ მიიღო მფარველობა წმინდა ნინოს საქალებო სასწავლებლისა და ხშირად დაჰყავდა უფროსი კლასის შეგირდები თავის სალონში. ვალიდა მალე შეიქნა ამ სალონის უბრწყინვალესი ვარსკვლავთაგანი. ახალგაზდა ქალს მისთანა მიმზიდველი იერი ჰქონდა. რომ არ შეიძლებოდა საზოგადოებაში მისთვის კაცს ყურადღება არ მიექცინა. გუბერნატორის მეუღლემ დაუწყო მას თავის ამხანაგებში გამორჩევა. ამ ბრწყინვალე საზოგადოებაში ვალიდა ძალიან გავარჯიშდა. იგი გრძნობდა თავის მომხიბლავს სილაზათეს და ხშირად ამხანაგებს ხუმრობით ეტყოდა ხოლმე: „როცა მე დედოფლად გავხდები, თქვენ ჩემ კარის მანდილოსნებათ უნდა დაგნიშნოთო“. ისინიც მხიარულად

ქოქოლას აყრიდენ. ერთ დროს გუბერნატორს ეწვია ქალაქიდან ერთი ფრიად დამსახურებული და მდიდარი გენერალი, რომელსაც ისე მოეწონა ვალიდა, რომ იშვილა, რადგან უძეო იყო, და თან წაიყვანა.

ეს გენერალი თფილისში ერთი უწარჩინებულესთაგანი გვამი იყო თავის დიდებული ცხოვრებით. ისეთი წვეულება არ მოხდებოდა არც სასახლეში, არც საერთო დარბაზში, რომ ეს კაცი თავის ოჯახით მიპატიებულ იყო ყოფილიყო. ყველანი განსაკუთრებულს ყურადღებას აქცევდენ ამ კაცს, რადგან ძველი დიდებული გვარის ჩამომავალი, სასახლის კარზე პატივცემული იყო და მის მეუღლეს კარის დიასახლისობა ჰქონდა უმაღლესად მინიჭებული. ამ ოჯახში მთელი მალალი წოდება საქართველოსი დაიარებოდა. ასე გასინჯეთ, შორეული ქვეყნებიდან მოსულებიც თავის მოვალეობათ რაცხდენ ამ ოჯახის ნახვას და პატივისცემით მოკითხვას. მაგრამ მისი ოჯახი კიდევ უფრო მიმზიდველი შეიქნა მას შემდეგ, რაც იქ დამკვიდრებულიყო იმერეთის ერთი მოციმციმე ვარსკვლავი.

ვალიდა თვრამეტი წლისა მაისის ვარდივით ნორჩათ გაფეთქილი ყვავილი შეიქნა. მალალი, წელ-წერწეტი, წაბლისფერ სქელ-თმიანი მეტად შვეწოდა. მისი პირისახე გაბადრულ სამი კვირის მთვარეს ემსგავსებოდა. როცა მის პირზე ვარდი გაიშლებოდა, ჩარაზმული მარგალიტის კბილები შუქს ჰფენდა მიდამოს. საოცარი გავლენა ჰქონდა ყველაზე ამ ქალის მადლიანს ღიმილს. რაც უნდა გულდაბნეულ კაცს მოეკრა თვალი იმ დროს მისთვის, მაშინვე გადახალისდებოდა. ვის ყურამდისაც იმის კრიალა სიცილი მისწვდებოდა, მისი გული მაშინვე კარს გააღებდა სატრფიალოდ. ამ ქალის ლაზათიანობა თანასწორად ადებდა ემზში სისხლ-გამშრალ მოხუცსა და გრძნობა-მომღერალ ქაბუკს.

დიდებული გენერლის სახლში ვალიდამ პირველ ხანებში მოცხვობა დაიწყო. ბრწყინვალე საზოგადოებამ შვენიერად ჩაცმულ მხედართა, ეპოლეტ-ექსელბანტებით და სხვადასხვა ღირსების ჯვრებით აპრიანებულთა, ჯერ თითქოს მზავრელი ზედმოქმედება იქონია მასზე. მაგრამ იმერეთის ქალწული სამეფო ტახტზედაც რომ დააბძანო, ბოლოს მაინც თავს არ შეირცხვენს. ორჯერ-სამჯერ გაელა-გამოვლა მალალ-წოდების დარბაისელ მანდილოსნებში საკმაო იყო ვალიდასთვის, რომ მის ბუნების სილაზათეს მათი მედიდურობა შეეღაგმა. საცა უნდა გამოჩენილიყო ეს ქალი, ყოველგან თანასწორად იპყრობდა მთელი საზოგადოების ყურადღებას. ახალგაზდა ადიუტანტებს, ინჟინრებს, პალატისა და ოლქის სასამართლოს წევრებს, სულ ყველას რჩებოდათ მასზე თვალები. არც ხანში შესული გენერლები და პოლკოვნიკები უყურებდენ გულგრილად მისს ნათელ შვე-

ნიერებას. ვალიდა მალე შეეჩვია ამისთანა ცხოვრებას. ის გრძნობდა თავის მაღლიან შნოს და, ვისაც როგორ მოსწონდა, ისე ექცეოდა. იგი გაეჩვია ყველასთან აღერსიანად ყოფნას. მაგრამ ასეთვეარ თანასწორ ტრფიალში ჯერ კიდევ არ ატოკებულყო ნამდვილი გრძნობით მისი გული. საზოგადოებაში მალე გაითქვა ვალიდას სილამაზისა და სინარნარის სახელი. სასახლემდისაც მიაღწია ამ ამბავმა.

ცოტახანს შემდეგ მოხდა დარბაზობა. დიდი სალხინო ზალა ჩირაღდნებით და უზარმაზარი კანდელით იყო განათებული. მთელი თფილისის დიდკაცობა იქ იყო იმ ღამეს მიპატივებული. დარბაზობის გამგე ზალის კარებთან იღებდა პატივცემულ სტუმრებს და ყველას თავ-თავის ალაგს უჩვენებდა. ზალაში იყვენ სადღესასწაულოთ მორთულნი უმაღლესნი სახელმწიფო მოსამსახურენი სამოქალაქო და სამხედრო წოდებისა. ოქროთი ნაკერი ტანსაცმელი, ორდენებით შემკული. გაზის სინათლეზე ცისარტყელასავით ბრწყინავდა. დიდებულათ მორთული მანდილოსნები ღია მკერდ-კისრით და ტიტკელი ბროლის მკლავებით აღძრავდენ საზოგადოების გრძნობას. ნათს თმებში, მკერდებზე და თითებზე ბრილიანტები ვარსკვლავებ-ნივით მოკამკამობდენ.

ამ დარბაზობაზე იყვენ მოწვეულნი უმაღლესი ხარისხის გენერლები მათი ცოლშვილით. უცხო ქვეყნის წარმომადგენლნი და კარის დიასახლისები. ესენი, დარბაზს შემდეგ რომ ოქროს ოთახი იყო. იქ გროვდებოდენ. ამ ოთახში მთელი სახლის სამკაულს ყვითელი ფერი დასცემდა: კედლები, კერი და ფარდები ყვითელის ფერის იყო! თვით სკამები და მდივნები ოქროში დაფერილ ბრინჯაოთი იყო ნაკეთები. ამ ოქროს ოთახს იქით მესამე ოთახი ფირუზის კამარას მოვარგონებდათ თავის მორთულობით. აქ ავეჯი ძვირფასი შავი ხისა იყო და ყველაფერს მწვანე ფერი დასცემდა. აქ მთავარ-მართებელი თავის მეუღლით იმისთანა სტუმრებს იღებდენ. რომელნიც განსაკუთრებით მათი დაახლოვებულნი მეგობარნი და მასთან შესული სახელმწიფო მოხელენი იყვენ. დარბაზობის მეთვალყურემ მოახსენა მთავარ-მართებლის მეუღლეს. რომ დარბაისელი გენერალი თავის მეუღლით და მათთან ვალიდა ერთად გაიხლენო.

— მობრძანდენ, — თავის დახრით ანიშნა მთავარ-მართებლის მეუღლეს.

კარის დიასახლისმა პირველად შგმოდგა ფეხი ფირუზის ოთახში და მდებლათ გაუკეთა რევერანსი: შემდეგ წარადგინა ვალიდა. როგორც თავისი ქალი. ვალიდამ მეტად მწიონათ და თავდაბლათ ნისცა პატივი. მთავარ-მართებლის მეუღლე ღიმილით მიეგება ვალიდას. ხელი ჩამოართვა და მიუთითა მწვანე ფარჩით გადაკრულს

პაწია დივანზე. ვალიდას შუბლს ზემოთ თმაზე აჯდა ბრილიანტის ვარდი. მისი გალიაღებული მკერდ-კისერი სხვილი მარგალიტის გულსაკიდით იყო შემკული. ტანთ ეცვა ვარდის ფერი აბრეშუმის კაბა პვირფასი ლიონის მატერისა. მისი მხრებამდის ტიტველი მკლავები ბროლივით მოელეარებდენ; ზედ დიდი ბრილიანტების სამაჯურები ნაპერწკლებს ისროდენ. მისი მაღალი თავ-კისერი, გაბადრული სახე და მშვენიერი ტანადობა სწორეთ მომხიბლავი იყო. მთავარ-მართებლის მეუღლეს პირველ შეხედვაზედვე მოეწონა იგი და ალერსიანათ მოექცა. ამ დროს შემოვიდა ფირუზის ოთახში თვით მთავარ-მართებელი, რომელიც სტუმრებს ღიმილით მიესალმა. მისმა მეუღლემ წარუდგინა ვალიდა, რომლის შევნიერებამაც ძალაუნებურათ მიიპყრო მთავარ-მართებლის ყურადღება. მას უკან უდგა დარბაისელი გენერალი, ვალიდას მამობილი. მთავარ-მართებელმა ღიმილით ჩამოართვა ხელი ვალიდას, შერე მოტრიალდა გენერალისა და მის მეუღლისკენ ამ სიტყვებით: „მამა თქვენი ქალის ნახვა. გმადლობთ ამის მოყვანისათვის“. დარბაისელმა გენერალმა და მისმა მეუღლემ მდაბლათ დაუკრეს თავი. მერე ალერსიანათ უთხრა ვალიდას:

— გთხოვთ ჩემთან კადრილი ითამაშოთ. ვალიდამ მდაბლათ გაუკეთა რევერანსი. ამ დროს შემოვიდა პოლკოვნიკი ლებოვი და სთხოვა მთავარ-მართებლის მეუღლეს კადრილში თამაშობა. იგი იყო თვით მთავარ-მართებლის მეუღლის ბიძაშვილის-შვილი. მთავარ-მართებელმა იქვე გააცნო ლებოვი ვალიდას და შეითქვეს ერთად თამაში. შემდეგ მან მისცა ხელი ვალიდას და გავიდა ოქროს ოთახში; მათ უკან გაჰყვენ ხელგაყრილნი მთავარ-მართებლის მეუღლე და პოლკოვნიკი ლებოვი. ოქროს ოთახში უცბათ გაკეთდა განიერი წრე, საცა მთავარ-მართებლისა და ლებოვს გარდა რვა ტოლი ქალ-ვაჟი იყვენ მოთამაშენი: გენერალ-ადიუტანტები და უცხო ქვეყნის წარმომადგენელნი თავიანთ მეუღლეებით. დანარჩენი სტუმრები სულ დიდ სადარბაზო ზალაში იყვენ მოთამაშეთ, რომელთაც გარშემო ადგენ სამპირად უმდაბლესი სამხედრო და სამოქალაქო სახელმწიფო მოხელენი. ისინი უცქეროდენ კადრილის თამაშს. მუზიკა ორპირად გრიალებდა. პოლკოვნიკი ლებოვი განაცვიფრა ვალიდას სიშვენიერემ. მესამე, მეხუთე და მეექვსე კადრილში, როცა კავალრები დამებს შესცვლიდენ ხოლმე, პოლკოვნიკი ლებოვი რამდენსამე საალერსო სიტყვებს გადუფდებდა ვალიდას, რომელიც შესაფერ პასუხს უვებდა თავაზიანათ. ამან კიდევ უფრო მოხიბლა პოლკოვნიკის გული. როცა გათავდა კადრილი და კავალრებმა თავიანთ დამებს ჩვეულეზრვიად მადლობა გადაუხადეს, მთა-

ვარ-მართებელი და მისი მეუღლე დაბრუნდნენ ისევ ფირუზის ოთახში. ამ შემთხვევით ისარგებლა პოლკოვნიკმა ლებოვმა, მივიდა ვალიდასთან და მოწიწებით მისცა ხელი.

— კადრილის შემდეგ გეტყობათ დაგცხათ; გამხადეთ ბედნიერი, წამომყევით სანოყაგის ოთახში, ცივი სასმელით გული გაიგრილეთ. ვალიდამ მკლავი-მკლავში გაუყარა და ამრიგათ გავიდნენ დიდი დარბაზიდან განიერს დერეფანში, საცა ყოველნაირი სანოყაგე იყო გაწყობილი. ლებოვა მიიყვანა ერთ მარმარილოს რგვალ მაგიდასთან, რომელსაც გარს ორი ხავერდის სელი ჰქონდა შემოდგმული და დაუძახა მოსამსახურეს ლიმონადი და მასთან მაროჟინი მოერთმიათ.

— დღევანდელს დარბაზობაში ყველაზე მნათობი ვარსკვლავი თქვენ ბრძანდებოდით, — უთხრა ლებოვმა.

— რას მიბრძანებთ?.. არ მეგონა თუ თქვენგან მაგნაირ დაცინვას დავიმსახურებდი, — ღიმილით უთხრა ვალიდამ.

— მერწმუნეთ, მე ის ნაკლუეანება არა მაქვს, რომ ჩემ სიტყვებს სხვა აზრი ჰქონდეს გარდა იმისა, რასაც თვით ჩემი სიტყვები პირდაპირ გამოხატავენ. ჩემი უაღრესი ნაკლუეანება გულახდით ლაპარაკია.

— გამაღობთ სიამოვნებისთვის, მაგრამ მე მაგ სიტყვებს ჩემს თავზე მაინც ვერ მივიღებ, რადგან აქ ბევრი ჩემზე უფრო ლამაზიც არის და უფრო მდიდრათ ჩაცმულიც.

— ჩემს თვალში თქვენ ხართ ნამდვილი მეფა ამა დარბაზობისა, სხვამ კი თავისი იცის.

— ნუ მიბრძანებთ მაგისთანებს, მე პირფერობა არ მიყვარს.

— ეგ თქვენი სიტყვები სასტიკი ლახვარია ჩემი გულისათვის. რადგან არ გჯერათ ჩემი შთაბეჭდილების გულახდილათ გამოცხადება.

— გამაღობთ თანაგრძნობისათვის.

— ამიერიდან, იცოდეთ, თქვენის სინარნარის ჯაჭვით შევიქენი მუდამ შებოაკილი.

— მე მაგისთანა ლაპარაკის მოსმენას არა ვარ ჩვეული. მე ერთი გულმარტივი ქალი გახლავარ და რა საჭიროა ჩემთან მაგისთანების ლაპარაკი.

— თქვენ, შეუბრალებლო შეენიერებათა ღმერთავ, ნება მაინც მომეცით ხშირად განვიცადო მამა-თქვენის ოჯახში შუქი თქვენის ჰაეროვნებისა!

ამ სიტყვებზე ვალიდას ვარდივით აუწითლდა ლოყები და მისმა სახემ გააორკეცა შეენიერება.

— ღმერთო ჩემო, რა სიტყვებია?.. თქვენისთანა წარჩინებულ კაცს ჩვენს ოჯახში ყოველთვის ღია აქვს კარი.

— მე მაშინ ვიქნები დაჯილდოვებული თქვენის ყურადღებით. თუ ხვალ თორმეტ საათზე ჩემს ხლებას უარს არ ჰყოფთ თქვენს ოჯახში, რადგან ვიცი, რომ ამალამ ნაშუალამევის სამ საათამდის აქ დარჩებით და კიდევ განზრახ ვიცი, რომ ეს დრო ერთობ ადრეა თქვენ მიერ მისაღებათ სადარბაზოდ მოსულის სტუმრისა.

— დიდი სიამოვნებით. რომ მირძანოთ. თქვენი პატივისცემის გულისთვის ორ ღამესაც ზედიზედ არ მოვიკიდებ ლულსა.

— ალტაცებული შევიქენი მაგნიირი პასუხით, ზვენიერო ვა-ლიდავ.

— გამდლობთ მასპინძლობისათვის. — უთხრა ქალმა. დადგა. რა ცალიერი ფარფორის ფინი მაგიდაზე. ვალიდა წამოდგა სელიდან. ლებოვმა მიართვა მკლავი და ასე მკლავი-მკლავში გაყრილი ისევ დაბრუნდენ დიდს დარბაზში, სადაც იყო ვალსის გახურებული ტრიალი.

ვალიდას იმავე წამში გაუჩნდა კავალრათ ფრანკუზის კონსული და გაიტაცა სათამაშოთ. ქალი სიხარულისაგან აღარ იყო. იმ ღამეს მას ერთი წამის მოსვენება არ ჰქონდა; მუდამ გადადიოდა ერთი კავალრიდან მეორე კავალრის ხელში საცეკვაოთ. ეტყობოდა. მას დიდი შთაბეჭდილება მოეხდინა მთელ საზოგადოებაზე. ეს დარბაზობა მისთვის სახსოვრად შეიქნა. მთავარ-მართებლის მეუღლეს მაზედ დიდი გავლენა ჰქონდა თავის დარბაისლური ყოფა-ქცევით. ვალიდამ მისი საქციელი სარკესავით გადილო, ასე გასინჯეთ. მისი ლაპარაკის კილო და გულღია სითავდაბლევ კი შეითვისა.

XI.

პოლკოვნიკი ლებოვი იყო ცხენოსანი ჯარის უფროსი და დაახლოვებული პირი სასახლეში. თუმცა მის დაქმუქვნილ სახეს წლოვანებისა და გადაჭარბებული ცხოვრების სიამოვნების დაღი ჰქონდა დასმული. მაგრამ ჯერ კიდევ მხნედ იჩენდა თავს. ის იყო ერთ დროს ზვენიერი ვაჟკაცი. კარგი ცხენოსანი, სახელ-განთქმული მონადირე; ბეჯითი მსროლელი და დაუღალავი მოცეკვავე; მაგრამ იმ ხანებში მას ბევრი აღარა ეტყობოდა-რა ქაბუკობის თვისებისა. თუმცა ვალიდას გულმა მაინც მალე მოიხარა თავი მის წინაშე. თვით პოლკოვნიკი ძალას ატანდა თავის წლოვანებას. რომ ვალიდას ყურადღება დაემსახურებინა. იგი, რაკი მშვენიერი ქალის სიყვარულით განიმსქვალა. აღარც ცხენოსნობაში და აღარც კავალრო-

ბაში ახალგაზრდებს თავს აღარ უხრიდა. თუმცა პოლკოვნიკი ქეიფობისა და წლოვანების გამო ნეკრესის ქარებით იყო შეპყრობილი. მაგრამ ვალიდას ტრფიალებამ სულ გააყმაწვილა და წელში გახრილი ხელახლა გამართა.

პოლკოვნიკის გარდა სხვებიც მრავალნი იყვენ ვალიდას მოტრფიალენი: გენერლის შტაბის აფიცრები. ოცდახუთ-ოცდაექვსი წლის კოკობ-ულვაშებიანები: მათ მოელოდათ მაღალი ადგილის სახელმწიფო სამსახური მომავალში. დიდკაცობა და ბრწყინვალეობა, მაგრამ ქალის გული სრულებით პასუხს არ აძლევდა ამ ბრწყინვალე ახალგაზრდობის ტრფიალებას. იმ ეამად ვალიდას გულში მხოლოდ ქარებიანი პოლკოვნიკის სიყვარული ჰღვივოდა. ვინ გაიგებს ქალისა და ნამეტურ ლიხთ-იმერეთის ასულის პატივის მოყვარე ბუნებას?.. ვინ იცის, რა განზრახვები. რა წარმოდგენები ასხამდენ ფრთებს მის მომავალ ბედნიერებას. როდესაც მისი შნოიანი ღიმილი და ვნება-მორეული თვალები პოლკოვნიკის გაცივებულ გულს ხელახლად აღვიძებდენ და ათბობდენ. ნეტავი რა მოეწონა მას ამ ნეკრესის ქარებიანი პოლკოვნიკისა: ახოვნება, თუ გეგარიშვილობა, გამოჩენილი სამხედრო ადგილი თუ მთავარ-მართებლის ნათესაობა?.. დაქმუქვნილი პირისახე. თუ კონიაკით შეწითლებული ცხვირის ნესტოები?.. ძნელია ამის გამოცნობა. როცა საგნათ აქვს კაცს ლიხთ-იმერეთის ასულის დაბუწული ანგარიშების გამორკვევა. ჩვენ ვიცით მხოლოდ. რომ დარბაზობას ხნიერმა პოლკის უფროსმა მოხიბლა ვალიდას გრძნობები. მისი დარბაისელი მამობილი არა ნაკლებ გატაცებული იყო ამ შემთხვევით. რადგან იმედი მოეცა ლეზოვის დამოყვრებისა. ვალიდას სიხარულს საზღვარი არა ჰქონდა. როცა გაიგო, რომ მთავარ-მართებელს და იმის მეუღლეს უსიამოვნოთ არ რჩებოდათ ეს ამბავი. ვინ იცის, იქნება. ვალიდა მომავალ დაახლოვებას მთავარ-მართებლის ოჯახთან უფრო მდულარე გრძნობით უყურებდა: ვიდრე თავის ხნიერ მოტრფიალე პოლკოვნიკს.

ლეზოვი იყო მაღალი წოდების შთამომავალი. უცხო ქვეყანაში აღზრდილი და ფრიად განათლებული. ყმაწვილობიდან სამხედრო სამსახურში შესულიყო. ადრე მიჩვეოდა ქეიფს და დროს გატარებდა. როგორც მხედარი. ის იყო მხნე და გაჭირვებას არ ერიდებოდა. მაგრამ ჯაფის შემდეგ თავისუფალ დროს მომეტებულათ უყვარდა ღვინო და ქალი. მას ეს წუთიერი ცხოვრება ადრე მოყირკვებოდა. მისთვის სიყვარული მაისის ვარდის კრეფათ იყო გადაქცეული. როგორც ახალ მოწყვეტილ ყვავილს დიდხანს არ შერჩება სინორჩე და სურნელება. ისე არც მის გატაცებას ჰქონდა დღეგრძელობა. „ლაშაში-ქალი ინგლისის პუნში არისო“. იტყოდა ლეზოვი. „კაცის დღიურ

ვარამში ის გაჩენილა მხოლო სისხლის ასაღლელებლათ, ღონის მოსაკრევათ. ვარდიც კარგია, სანამ ნორჩია, სუნნელოვანი და ფერი არ წასვლია. როცა დაქცნება, შემდეგ ახალი კუკური უნდა ეძებოვო“. აი, ამ ახალ-ახალ თაიგულების მოპოებაში ჰქონდა იმას თავისი დრო გატარებული. რაც უფრო ხანში შედიოდა, ისე უფრო მომეტებულათ: აღიძროდა მისი ვნება-დამქრალი გული საუკეთესო ვარდის გასათუჩქნად. მას ააღლეებდა მხოლოდ არაჩვეულებრივი სინორჩე და სიშვენიერე ქალისა. რაკი ერთხელეე სიყვარულის ნაპერწყალი ჩავარდებოდა ლებოვის გულში, მერე აღარ იცოდა თავის დაქერა. თუნდ სიცოცხლეც გადაეგო, უთუოდ ხელში უნდა ჩაეგდო ის, ვისაც აღიძრა მისი მოტეხილი გულისთქმანი. „ქალია ტკბილეულობა კაცისათვის გაჩენილი. მე მიყვარს ეს ტკბილეულობა და ისე გაუზნევებული ვარ, რომ არც ერთ უზნეო ბავშვს არ ჩამოვეუვარდები ტირილში, ოღონდ კი ეს მურაბა ვიშოვნოვო“, — გაიხუმრებდა ხოლმე ლებოვი ტოლამხანაგებში. იმას ბევრი შვენიერი ქალისთვის დაეწვა გული და გაეფუქებინა სიცოცხლე. კიდეც ამიტომ დარჩენილიყო ის აქამდე უცოლოდ. მას არც სწამდა ცოლ-ქმრობითი ზნეობა, რადგან არ სჯეროდა არც ქალის სიმტკიცე, არც მისი გონიერება. „ქალისთვის ღმერთს მიუცია გული და არა ტვინი. ის არის ჯოჯოხეთის სანთელი, რომელიც მის აშიკ პეპლებს ფრთებს გვიტრუსავს; მაგრამ მისი ქმნილება იმდენათ მომხიბლავია ჩვენთვის, რომ ერთი წუთის სიამოვნებისათვის ფრთების შეტრუსვას აღარ ვნაღვლობთო“. ქალში მას მოსწონდა ტანი, სახე და გულისთქმის ალი. არც ერთ ამ თვისებას ქალისას სიმტკიცე არა აქვს. ლებოვსაც ამ წუთიერი სიამოვნებისათვის უყვარდა იგი. ვალიდას ჩინებულმა მოყვანილობამ ალაგზნო ლებოვის ვნების ქარები უკიდურესობამდის. იმას აღარც დღე ჰქონდა მოსვენება, აღარც ღამე. რაც უფრო ხშირად ხედავდა ვალიდას, თანდათან უფრო ეკარგებოდა მოთმინება, რომ რამენაირათ იგი შექმნილიყო მისი გულის უფალი. ერთი მის მკერდზე დაკონებისათვის მზათ იყო სიცოცხლე შეეწირა. მაგრამ ვალიდა სრულებით სხვას ჰფიქრობდა. მართალია, ისიც გატაცებული იყო ლებოვისაგან, მაგრამ სულ სხვანაირად. იმას უნდოდა ლებოვი ქმრად და თავის გამოსაჩენად. მისი საშუალებით ვალიდა უნდა შესულიყო მაღალი წრის საზოგადოებაში და იქ პატივისმოყვარება მოეპოვებინა. ამიტომაც ლებოვის წუთიერ აშიყობას მალე დაუდვა საზღვარი და შორს დაიჭირა მისი ტრფიალები.

ლებოვის სიცოცხლეში ეს პირველი იყო, რომ ქალი ამდენათ გამაგრებოდეს მის მწვაე გულისთქმათ. მუშტაიდში სეირნობის შემდეგ მეტად დაიქვეითა ლებოვმა. ის ერთ თვეს აღარ გამოჩენილა

დარბაისელი გენერლის ოჯახში ვალიდას სანასაყად. ლიხთ-იმერეთის მნათობის პლანები ძალიან შეარყია ამ გარემოებამ.

— ნუთუ მართლა დაეკარგე საუკუნოთ ჩემი ბედი?.. — ჩაკითხავდა ხოლმე იგი თავის გულს. ამ რამდენისაზე თვის განმავლობაში, რაც ვალიდამ გაიცნო ლებოვი, იმ პირველს დარბაზობას აქეთ, მან ბევრი მწუხარება გამოსცადა. არა ერთხელ უნახავს იგი თვალემა-დაწითლებული გენერლის მეუღლეს, მაგრამ როგორც სჩვეოდა მის დარბაისლობას, თვალს არიდებდა და არაფრით ანიშინებდა თავის შვილობილს, რომ ვიცი შენი გულის ნაღველიო.

XII.

იერემიამ ძალიან ისარგებლა ვალიდასა და ლებოვის შემდურებით. პოლკოვნიკი თუმცა უწყრებოდა ქალს, რომ იგი არ დათანხმდა კოკობი ვარდი გაეფურჩქენინებინა, მაგრამ იერემიას სამსახურში დაწინაურებით მაინც უნდოდა ვალიდასთვის ეგრძნობებია, რომ იგი წინანდულათ მისი სიამოვნების მორჩილი ყმა იყო და უარს ვერ გაბედავდა ოქროს უღლის დადგმაზე.

ლებოვმა მოსთხოვა იერემიას უწინდელი სამსახურის საბუთები. გამოჩნდა, რომ ერთხელ კიდევ წარედგინათ აფიცრობაზე, ციხის-ძირთან რომ უკანასკნელი ბრძოლა იყო, და, თუ არ მოუვიდა ჩინი, ალბათ იმისთვის რომ არც სხვებს მოსვლიათ, ვინც კი იმ უხერხო იერიშში ერია. ამ გარემოებით ისარგებლა ლებოვმა და, ოთხი თვეც არ გასულა მას შემდეგ, რაც იერემია ცხენოსანს ჯარში ჩარიცხეს. ხელმეორედ წარადგინა იგი ჩინზე. ეს ამბავი ლებოვმა გაუგზავნა ვალიდას თვით იერემიას ხელით, რომელსაც ოქროთი შემოვარაყებულ კონვერტიანი წერილი ჰქონდა გამოტანებული. ქალს მეტად გაეხარდა ლებოვისაგან წერილის მიღება. ერთი რომ მისი ნათესავი იერემია მალე დაწინაურდა სამსახურში მისივე მეოხებით. მეორე — ამ საბუთით აშკარად დარწმუნდა ლებოვის გულ-შეუცვლელობაზე.

— ვალიდა, შენით დამემართა ეს. რაც ჩემს თავზე ბედნიერების დღეა მოწვენილი. შენ რომ არა, მე ან სამსახურში ვინ მიმიღებდა, ან ასე მალე როგორ წარმადგენდენ ჩინზე, — სალი გულით ეუბნებოდა იერემია. — რომ იცოდე, პოლკოვნიკს რანაირად მიაჩნინხარ? სულ შენი სახელი ადგას ენაზე. დღეში ოთხჯერ, ხუთჯერ მაინც მიმიხმობს საუზმეზე, ან ყავაზე, ან ჩაიზე, როცა მარტოდ მართოა და თუ ჩვენ ორის მეტი არავინა ვართ მის კაბინეტში. აი, მაშინ გამომკითხავს ხოლმე შენის ყმაწვილობის ამბავს. თუ რანაირად ჰი-

ტარებიხარ წმინდა ნინოს საქალბო სასწავლებელში. ან როგორი ხასიათის იყავი ბავშობისას, ან შენი ცხონებული დედ-მამა როგორ ცხოვრობდა და სხვ. სწორედ დავრწმუნდი, რომ შენ მისი ღმერთა შექმნილხარ და უნდა კიდევ წინადადება იოგაცეს ცოლად შერთვაზე.

— უიმე. რას ლაპარაკობ იერემია?.. ეგ მეორედ არ გაამხილო. თორემ დაგემღორები. რომ ვინმემ გაიგონოს. თავი მომეკრება. სად მე და სად ის?.. ერთი უცხო ქვეყნელი კაცია. დიდი კაცია. დიდი კაცის შვილი! მე როგორ შემირთავს?..

— ვალიდა. მაგის დარდი ნუ გაქვს. ოღონდ შენ უარს ნუ იტყვი. მე იმას შენ წინაშე სულ დამუხლისთავებულს მოვიყვან. ეგ რომ მოხდეს, მართლაც ჩვენი ქვეყნის დედოფალი შენ იქნები. რამდენს შენიანს შეეწევი?.. მაგას დიდი ნათესავობა ჰყავს. დიდი გვარი აქვს; რასაც ინატრებ, ის იქნება შენს სამშობლო ქვეყანაში. ხომ იცი. ვალიდა. დღეს რომ ცხვირი წაუშვიათ და ჩვენთან გაცნობასაც არ კადრულობენ, შენ რომ ლეიბოვის მეუღლე გახდე. მერე ბუზებივით შემოგედებიან. ყველა შენი მორჩილი და პატივისცემელი იქნება. ყველა ბატონათ გაგხდის და თავზე დაგისვამს.

— სუ. იერემია. სული ნუ შემიწუხებ!.. დაანებე მაგეების ლაპარაკს თავი. — მოუთმენლათ შესძახა ვალიდამ.

— ვაიმე. ვაიმე!.. ვალიდა! არ დამღუპო. ბედი არ დაკარგო.

— ავით ხომ არ არის? — სიტყვა ბანზე აუგდო ქალმა: — ეს რამდენიმე დღეა არ მინახავს.

— დიალ. რაღაც ფეხები ტკიოდა. წინეთ გაცივებულყო, მაგრამ ახლა კარგათ არის.

— ასე მითხრეს. ქარებით არის შეპყრობილიო. მართალია?..

— ტყუილი მოუხსენებიათ: მტრობაა ყველაფერი. ატყობენ. რომ შენ მოსწონხარ და არ სურთ ბედნიერება. იმას რომ ვერა მოუხერხეს—რა. ვერ ამოარეცხინეს გულიდან შენი სახელი. ახლა სხვა ღონე მოიხმარეს: შენ გასმენენ. გეუბნებიან. ქარები სჭირსო: ნურავის დაუჯერებ. ვალიდა. მტრებს უნდათ რამენაირათ დაგაშორონ იმ კაცს და გული აგაყრევიონ. განა ცოტანი არიან თფილისში, რომ მაგის წაყოლა უნდათ და შემთხვევას სანთლით ეძებენ?.. ეს ბედია ღვთისაგან მოვლენილი შენზე. ჩემო ვალიდა: ღმერთი არ გამიწყობო. არ გაუშვა ხელიდან. თორემ მერე ბევრს ინანებ.

— რა ეუყო? პასუხი უნდა მივსწერო. რომ შენი ჩინზე წარდგენა მიმახარობლა და თავში არა მომდის—რა.

— მაგას რა ბევრი უნდა, რაც მოკლეთ და უბრალოთ გამოთქვამ შენი გულის პასუხს. ის ემჯობინება. მადლობა მისწერე შენს ნათესავზე ზრუნვისათვის და ბოლოს ასე ჩაურთე: რატომ დაგვი-

ვიწყებთქო. მეტი იმას არა უნდა-რა, სულ კოცნით აავესებს შენს ხელ-
ნაწერს და მაშინვე დაგვიხშირებს ნახვას. თუ იშვიათად დადის. შე-
ნი ბრალია. გულ მხურვალეთ ვერ ეპყრობი. გრძნობას ვერ უღვიძებ.

— კარგი. გაჩუმდი. ბევრის ლაპარაკის ნებას ნუ აძლევ თავს! —
უთხრა წყრომით და შევიდა თავის ოთახში.

„ღმერთმა ნუ ქნას. რომ ვალიდა ლებოვს ცოლად არ წაყოლო-
დეს. თავს დავსდებ და ამას მოვახდენ. აქ არის ჩემი ბედნიერება.
თუ ეს ასრულდა, მე აღარა მიქირს-რა, ჩემს ბედს ძალი არ დაჰ-
ყუფს. ქუთაისში საქმე შეუდგენიათ. გამოძიებელი ძალიან ჩაჟი-
ნებულა თურმე. უთქვამს ბახვას ცოლის მკვლელობის საქმე უნდა
აეხსნაო. ოღონდ კი ეს ამბავი კარგათ გათავდეს. ვალიდა ლებოვის
მეუღლე გახდეს და მერე მე ვიცი. ჩემ მაგიერათ იქნება თვითონ გა-
მოძიებელიც დაბრძანდეს სამსჯავროს სკამზე. სამართალი ჩემს ხელ-
ში არ იქნება?.. როცა ვალიდა თავის საკუთარ ოჯახში დაბინავდება
და ლებოვის სახლი კარგაღებული იქნება მთელის დიდკაცობისათვის,
მაშინ უნდა მიყურონ. რას მოვახდენ!..“ ფიქრობდა გულში იერემია.
მისი საქმე აბ ბოლო დროს დიდ წარმატებაში შევიდა და ამ წარმა-
ტებამ თანდათან გაანელა მისი შინაგანი სულის კვეთება და შიში.
რომელიც იმ პირველ ხანებში მის გამოხატულებას თავზარს სცემდა.
იმან ახლა სხვაგვარი ზნეობითი ღონე მოიკა. ბევრი რამ ახალი შე-
იტყო თფილისის დიდკაცობის ცხოვრებიდან: ზოგს ცოლის მკვლე-
ლობა ბრალდებოდა. ზოგს ყალბი ფულების მოქრა. ზოგს ყალბი ან-
დერძით აურაცხელი ქონების მითვისება. ზოგს საიდუმლო მკვლელო-
ბა, რომლის გამო უბრალო კაცები დაუსჯიათ. თვით მკვლელებს
კი საპატიო ადგილები ექირათ დღესაც საზოგადოებაში. ამისთანა
ამბებმა დიდი შეღავათი მისცა მის შეშინებულ წარმოდგენას. ის გან-
ვითარდა თფილისის საზოგადოებაში. საეაქრო კლუბის წევრად გახ-
და. შეიქნა მოწონებული სასიძო. ბევრი მზითვიანი ვაქრის ქალი
სურვილით უყურებდა მის თვალ-ტანადობას და ჯაყარიანობას: იმათ
გაეგონათ, რომ იგი ჩინზე იყო წარდგენილი და ისე ექირათ თავი,
რომ ერთმანეთს ექიშებოდნენ. ემუშტრებოდნენ. ერთი კარგი მზით-
ვიანი სოვდაგრის ქალი მაინც ძალიან დაუახლოვდა. იერემიამ გაიც-
ნო მისი ოჯახობა და ზშირად დაიარებოდა. კლუბში როცა თამაშობა
და ცეკვა გაიმართებოდა. ეს ქალი და იერემია სულ ერთად იყვენ:
ხუმრობდნენ. მასხრობდნენ და ერთმანეთზე ექირათ მუდამ თვალი.
ვაემა იცოდა. რომ ქალს ოცდაათი-ათასი მანეთი ნაღდი მზითვი ჰქონ-
და და მხოლოდ აფიცრობას. უცდიდა. რომ ის ქალი დაენიშნა. თითქ-
მის სიტყვაც ჰქონდათ ერთმანეთისთვის მიცემული. ამ გარემოებამ
სრულებით გააქრო იერემიას ბევალში მრისხანე სახე ესმასი. რომ-

ლის აჩრდილი უწინ წამის-წამს თავს დასტრიალებდა და მის დატახ-
ჯულ სულს მოსვენებას არ აძლევდა. რაკი ახალ ცხოვრებაში ფეხი
შედგა მანამდის მის გულში სინანულის კვალი დარჩენილიყო წარ-
სულს ბოროტ-მოქმედებაზე, ესე ყოველივე გაჰქრა და მის გულის
ფიქრიდან ამოიფხვრა. რაზედაც უწინ ალღოს იღებდა და რაც ში-
ნაგანი სულის ტანჯვის მიზეზად გამხდარიყო, ახლა ის გონების დარ-
ჯაკში გაავლო და დარწმუნდა, რომ ქვეყანაზე არც სამართალია, არც
კოდეა, არც მადლი. „ყოველიფერი სარგებლობას ექვემდებარება“!
ამბობდა იერემია თავისთვის. „ოღონდ ძალი მოიპოვე, ან ფულისა.
ან მთავრობის განმავლობისა და მაშინ, რაც უნდა მოიქმედო, შენს
ნამოქმედარს უსამართლობის კვალი არ დააჩნდება. თურმე კოდეა
და მადლი დაჩაგრულებისა, ღარიბებისა და უღონოებისათვის ყო-
ფილა მოგონილი იმ განზრახვით, რომ ისინი ამა სოფლის ძლიერმა,
მდიდარმა და გავლენის მექონე კაცებმა კიდევ უფრო ხელში ჩაიგდონ
და თავიანთ კეთილმდგომარეობის მსხვერპლათ გახადონ. აი, ბოროტა-
ლა აიღეთ, ნახეთ, როგორ ეპყრობა იგი ბუზს, როცა თავის ქსელში
გააბამს და შემდეგ გულსიამით წვენს გამოსწუწის. სულ ასე მოქმე-
დებს ძლიერების მქონე კაცი უძღურ, დაჩაგრულ არსებასთან“.

ვალიდას გამოსვლამ გააწყვეტინა იერემიას ამნაირი ფიქრები;
ქალს ხელში ეჭირა პაწია კონვერტი, რომელზედაც მოხატული იყო
ერთნაირი ყვავილების თაიგული, ზედ მტრედი იჯდა და ნისკარტში
ბარათი ეჭირა. ვალიდამ გამოთხოვებისას განზრახ დაატანა ეს სიტყვე-
ბი: „იერემია, თუ გწამდე, ჩემზე ლებოვს არა ელაპარაკო-რა“ გაატა-
ნა წიგნი და გაისტუმრა.

XIII.

თებერვალი იყო. ქუთაისში თოვლის შოლი იყო გამსკდარი
და ქუჩებზე ღრმა წუმპე მიდიოდა. ცივი ქარი ხელებს ჰყინავდა.
გამომძიებელი ეტლით მიეჩქარებოდა რკინის გზის სადგურისკენ.
ის მიდიოდა სამტრედიას. იქ ორპირის მახლობლათ ყაჩაღები ერთ
შოსახლეს დასცემოდნ და ოჯახის პატრონი მოეკლათ. რიონის რკი-
ნის გზის სადგურზე ის გადვიდა მეორე მატარებელში, საცა მან
ამოიჩჩია ერთი უკანა კლასის ვაგონი, რომელიც თითქმის სულ-
ცალიერი იყო. დაიგო ნაბადი გძელ სკამზე. თავით ყურბალიში მიიდ-
ვა, წამოწვა, ზევიდან პლედი მიიხურა და უნდოდა სამტრედიამდის
გამოეძინა. იმას მართლა ეგონა, რომ ვაგონში მის მეტი არავინ იყო,
რადგან მატარებლის დაძვრამდის არც არავინ შემოსულა და არც
გასულა. დახუჭა თვალები. მაგრამ მომავალი გამოძიების ფიქრებმა

ძილი არ მოგვარეს. მატარებელი უკვე მიჰქროდა ქვემოთკენ. ცოტა ხანს შემდეგ ვაგონში შემოვიდა კონდუქტორი, რომელსაც ღამის ფანარი ხელში ეკირა, მიიხედ-მოიხედა, გადაავლო თვალი ყველა სკამებს და კუნძულში ერთი ნაბად-მოსხმული კაცი დაინახა. რომელიც საეჭვოდ არ იმჩნევდა თავს.

— ბილეთი შენი? — ჰკითხა კონდუქტორმა.

მგზავრმა გამოჰყო თავი ნაბადიდან, ბაშლაყი გადიწია და უთხრა:

— გამარჯობა შენი, ნიკო.

— ოჰ, საბას გაუმარჯოს! — მიესალმა კონდუქტორი. ძეც არ გამიკვირდა! აბა, შენ თავის დღეში ბილეთი არ გქონია, ახლა საიდან მოიტანდი? — ღიმილით უთხრა კონდუქტორმა.

— ძმობამ, შენ რომ არ მყავდე ამ რკინის გზაზე. ცუდათ იქნება ჩემი საქმე.

— თუ მაგისტანებშიაც მეზობელს ხელი არ გავუმართეთ, რა-ლა კაცები ვიქნებით?

ამ სიტყვებით კონდუქტორმა ჩაიარა და დაათვალიერა წინა სკამები. იქ იმან შენიშნა ერთი მწოლარე ჩინოვნიკი, რომელსაც თვალები დახუჭული ჰქონდა. კონდუქტორმა იფიქრა, სძინავსო და, რადგან ქართული კაცის სახე ჰქონდა, მოერიდა, აღარ გააღვიძა. ისევე უკან მოტრიალდა. დაჯდა საბასთან და ჰკითხა:

— თუ იცი, ის ჩინოვნიკი ვინ არის, იმ სკამზე რომ სძინავს?

— არ ვიცი, ძმობამ. ის შემოვიდა და მაშინვე დაწვა; ალბათ დაღალულია ვინმე. არც კი შეუნიშნავარ.

— სად ყოფილხარ?

— სად ვიქნებოდრი? ქუთაისში ვიყავი, ეს სამი დღეა. იქა ვარ. საქონლის, სასმელების და სასაქმოს ყიდვა მინდოდა. დუქანი დამი-ცალიერდა.

-- იყიდე რამე?..

— ვიყიდე, მაგრამ მამასისხლათ ყოველიფერო. დიდძარხვა დგება. ქუთაისიცი ამ დროს გამოხიკნულაა.

— შენ უფრო ნამდვილად გეცოდინება, რა ამბავი მომხდარა ორპირის მახლობლად ს. საქ—ს? მართლა მოუკლავთ ყაჩაღებს, კაცი და გაუქურდავთ?

— მოუკლავთ, — უთხრა საბამ. — იმ დღეს წავედი ძე ქუთაისს. ეს ამბავი წინა ღამეს მომხდარიყო. ამბობენ თხუთმეტი თუმნის მეტი ვერ უნახავთ ოჯახშიო. საწყალი თურმე საშინლად დაუსა-ხირებიათ იმ ურჯულოებს. ოცდაათზე მეტი ქრილობა აქვსო ტანზე.

ეს ამბავი რომ გამოძიებელმა გაიგონა. ყური დაუგდო. იქნება ისეთი რამ გარემოება თქვანო, რომ საქმის ასახსნელათ გამო-
მომადგესო.

— ეჰ, ძმაო. ცოდვიან დროში ვცხოვრობთ. — დაატანა საბამ. თუ კაცის კელაზე. ქურდობაზე და მოტაცებაზე გაიგონებ რასმე ჩვენში, თორემ სხვა ახალი ამბავი აღარა არის—რა. ვინ იცის. იქნება ჩემს ქუთაისს ყოფნაში ჩემი დუქანიც აიკლეს. ღამე აღარ მძინავს შიშისაგან. ნამეტნად შარშან რომ უბედურება მოხდა აბა-
შის სტანციის მახლობლათ, საწყალი ბახვა ფულავას ცოლი რომ მოკლეს. მას აქეთთა მოსვენებული აღარა ვარ.

— როგორ? — ჰკითხა ცნობის-მოყვარეობით ნიკომ.

— როგორ და ის სულიერები იმ დღეს ჩემ დუქანში იწვევენ მთელი დღე და საღამოს გაილაღენ. აბაშისკენ წავიდენ. მეორე დღეს გაეარდა ხმა. რომ იერემიამ და გივიმ მოკლესო, — მაშინვე მივხვდი. სწორეთ ისინი იქნებოდენ—მეთქი. აქ რომ იყვენ ჩემ დუქანში. კარი შეიკეტეს და იმ დღეს არ გამოჩენილან. კაცებს ერი-
დებოდენ, არავინ დაგვინახოსო. მე რა ვიცოდი. საღამოს როგორც თფილისიდან მატარებელმა ჩამოიარა. მაშინვე გამოშპენ ჩემი დუქ-
ნიდან და ისევ ფოთისკენ წავიდენ. ექვი კი ავიღე, რომ იმათ კარ-
გი საქმე არ უნდოდათ. ამიტომ რომ დილის მატარებლით მოვიდენ აქ და საღამოს მატარებლით ისევ უკან წავიდენ. აქ ჩემს დუქანში ძილის მეტი არა გაუყეთებიათ—რა. თუ ისინი კარგი კაცები იყვენ, ან რათ მოვიდენ ფოთიდან, ან ისევ იქითკენ რათ წავიდენ? ალბათ ის ბოროტება ედევათ გულში და ვითამ კვალი დაკარგეს. ხმა დაეგ-
დოთ აბაშის სტანციაზე, რომ ქალაქს მივდივართო.

— მეც აგრე შითხრეს. რომ იმ დღეს იერემია თფილისს მი-
ნავალა. ახლაც იქ არის. ძალიან მიღებული კაცია სამხედრო სამ-
სახურში, დღეს თუ ხვალ აფიცრობა მოუვა.

ცოდვა კი არის, ძმაო. იმისთანა კაცის გაფუჭება. — თქვა ნი-
კომ. — მე იმისთანა თვალტანადი კაცი და მარჯვე არ მინახავს. ღმერთმა მოგცეს საამხანაგოთ. ფოთში ვიცნობდი, ბევრჯერ დავუ-
პატიეებივარ სმაში.

— მაგისთანა კაცები, ჩემო ძმაო. — განაგრძო საბამ, — სულ სჩვისი ჯიბით გამოდიან. რა ესარჯებათ ქეიფის მეტი. რატომ არ დაპატიეებენ?.. მაგნაირათ მეც დავპატიეებ ყველას. თუ გვეცარცვაკ და წავგლეჯ ვისმე. ერთმა იმათგანმა შემომითვალა, ეს სამი თვეა მჯა აქეთ. გაჩუმდი. ჩვენზე ხმებს ნუ ავრცელებ, თორემ დუქნიანა, გადაგწავო.

ვინ არის. თუ ღმერთი გწამს მითხარი. ეინ შემოგითვალა.
--- ჩაპკითხა ნიკომ.

--- ეინ არის და გივი. იმან ჩემი ამბავი არ იცის. ნუ გავიმე-
ტებ. თორემ სანამდის ჩემს ღუქანს დასწვავდეს ხუთჯერ დავაპერი-
ნებ პროკურორს: ის კი არ იცის. რომ მე ისიც შეტყობილი მაქვს, იმ
ერთ თვეს. როცა ის ზურგში დაქრილი იყო. სად იმალებოდა, სად
იჩინდა თავს. რომ გამოძიებელს ტანს გაეახდევინებ და ქრილო-
ბის ნიშანს გადმოვაშლევინებ. აბა მაშინ გაითავისუფლოს იმან თავი.

ამ ლაპარაკზე გამოძიებელმა კიდეც უფრო გამოცქვიტა ყუ-
რები. წამოიწია ნელა და სკამის ხარხას დაადეა თავი. რომ არა გა-
მოპარვოდა—რა მათი ნალაპარაკევი: ვაგონში ბნელოდა: გამოძი-
ბელი მოსაუბრეებს კარგათ ხედავდა და ისინი გამოძიებელს კი
ვერა, რადგან წინ ფარანი ედგათ. რომელსაც შავი ჩრდილი ჰქონ-
და იქით მხარეზე მიფენილი.

— ღმერთმანი ანია მაგისტანა კაცები დაისაჯოს. — სთქვა
ნიკომ

ამ დროს მატარებელმა დაისტვინა. ნიკო ადგა და წავიდა გა-
ზომძიებლისაკენ. რომელიც ამ დროს უცებ გასწორდა.

--- თქვენს ბილეთი სადამდის არის? — ჰკითხა კონდუქტორმა.

— მე სამტრედიას მივდივარ. — უპასუხა გამოძიებელმა და
გაუწვდინა ბილეთი ჩასაკეცათ.

ამ დროს მატარებელი გაჩქარდა კოპიტნარის რკინის გზის სა-
ღგურთან.

ცოტა ხანს იქით მატარებელი ისევ დაიძრა. კონდუქტორმა
ნიკომ ისევ ჩამოიარა ვაგონები და იძახოდა: „სამტრედიას მიმა-
ვალთა ბილეთები გვიბოძეთო“. იგი შემოვიდა ისევ იმ ვაგონში.
საცა გამოძიებელი იყო და მოსთხოვა ბილეთი გამოსართმევათ.

— კონდუქტორო. — მიიქცა მასთან გამოძიებელი. — ის კა-
ცი ვინ იყო. თქვენ რომ გელაპარაკებოდათ წელან. აი. იმ კუნჭულში?

— ის გახლდა საბაია გაპარიაშვილი. ის გახლავს სამტრედიის
მედუქნე. ხშირად დავდივართ იმის ღუქანში. ძალიან კარგი შოვა-
ჭრე კაცია. ჩვენ კონდუქტორებისაგანაც კარგი შემოსავალი აქვს.

— თქვენ რა გვარი ბრძანდებით?

— მე გახლავარ ნიკო ბაინდურაძე.

--- თქვენ რომელ მატარებელს დაჰყვებით ხოლმე?

— მე ამ მატარებელზე გახლავარ. ეს არის პირველი ნომერი.

— კარგი დაგემართოს. უკაცრავათ კითხვით შეგაწუხეთ. მაგ-
რამ თქვენი გაცნობა მინდოდა.

• — თქვენ ვინ ბრძანდებით, — ჰკითხა სამაგიეროთ ნიკომ გამოძიებელს.

— მე სულში ვმსახურობ სეკრეტრის თანაშემწეთ. აქ კულაშს ძივდივარ ნათესაებებში.

— კარგი და პატიოსანი. — კმაყოფილებით დაატანა ნიკომ და ჩაიარა გულმხიარულათ მითი, რომ ფიქრობდა, ერთი კარგი ნაცნობი მაინც ვიშოვნეო.

გამომძიებელმა ყოველივე დაწვრილებით ჩაინიშნა განაგონი და სიხარულისაგან აღარ იყო, რომ ამისთანა ძვირფას კვალს წაატყდა ბახვა ფულავას მკვლელობის საქმისას. როგორც კი სამტრედიის რკინის გზის სადგურს შიადგა მატარებელი, გამომძიებელმა უცებ ბარგი გადაალებინა მოსამსახურეს და გადახტა მატარებლიდან. ის გრძნობდა, რომ ამ დაფარულ მკვლელობას მშვენიერად გამოიძიებდა, ყოველსავე დაწვრილებით ახსნიდა და ესეც იცოდა, რომ ეს შესანიშნავი საქმე იმას თვალსაჩინო ნაბიჯს წაადგმევიანებდა წინ. რა შესანიშნავე აქიბი-სა მოვსტებ კბილსო — ტრაბახობდა გულში. თუ კაცი ვარ, პალატის თავმჯდომარემი შიადწევს ეს ჩემი შესანიშნავი გამოძიების საქმეო. ამისთანა ბრწყინვალე ფიქრებით გარემოცული მესამე დღეს ქუთაისისაკენვე მიჰქროდა რკინის გზით ახალგაზნდა გამომძიებელი.

XIV.

ცოლის დასაფლავების შემდეგ ბახვას სიდედრს ბევრი აღარ უცოცხლია. ის გადაიტანა მისი შვილის უბედურებამ. ამ ხანებში ბახვაც ქრილობისაგან ლოგინზე ეგდო. იმას ბევრი ფული დაეხარჯა თუ ცოლისა და სიდედრის დამარხვაზე, თუ გამოძიებებში. როცა ფეხზე წამოდგა და დაუწყო დევნა სამართლის წესით თავის ცოლის მკვლელებს, მისი საქმეები სულ უკუღმა დატრიალდენ, ვიზედაც ბევრი ჰქონდა გაცემული ან კუნძების სავაჭროთ, ან სიმიდების საყიდლათ, რაკი შეიტყვეს, რომ ბახვას უბედურება ეწვია, ყველამ უმტყუნა. ამ გარემოების გამო ბახვას ათას თუმანზე მეტი დაეკარგა. ვისთანაც თამასუქებით გასესხებული ჰქონდა, აღარც ისინი აძლევდენ უსაჩივროდ. მეტი რა ღონე ჰქონდა, ფული რაკი სჭიროდა, ვისგანმე უნდა ესესხნა. აი, ამის გამო ის მიიქცა თავის ბიძაშვილ ნესტორასთან, რომელიც კუნძებისა და სიმიდის ვაჭრობაში მონაწილეთ ჰყავდა შეყვანილი. როგორც მოხსენებული იყო, იმას მიანდო თავის ახალ-შეძენილი სახლ-კარი და ბებით დარიგებულს ფულში რაც თავის ბიძაშვილის წილი იყო, ისიც თავის თავზედ მიიღო ვალად, ნაღდათაც ორასი თუმანი გამოართვა, სამასი თუმანი

იმის წილში დაკარგული ზედ შესვა და ხუთასი თუმნის ვექსილი ვადით დაწერილი მისცა ხელში ნესტორას. როცა ვადა მოვიდა, ბიძაშვილმა, რასაკვირველია, თავის ფული სთხოვა; რადგან იმ დროს ბახვას ფული ხელში არ ჰქონდა, ვექსილი გამოუცვალა და ხუთასი თუმნის მაგიერათ რვაასი თუმნის ვექსილი დაუმტკიცა ნოტარიუსში. ამ ანგარიშით ნესტორას მოუდიოდა მინეთზე ექვსი შაური სარგებელი. ბახვამ, რასაკვირველია, იწყინა ეს ამბავი. ჩემმა გაზდილმა ბიძაშვილმა რო აღარ გამიტანა, სხვა ვინღა გამიტანსო. მაგიერათ, თუ კი ვინმე ჩაუვარდებოდა ხელში, განკითხვა აღარ იყო. ამასთანავე ის თანდათან მიეჩვია ღვინის სმას. თითქმის დღე-ნიადაგ მთვრალობდა, როცა კი მისი ვექილი ვისმე ჰქონებას ასწერდა და ვალს ერთი-ორად და სამად აიღებდა, მაშინ ხომ მის ლოთობას საზღვარი არ ჰქონდა. აი, ამის გამო ბახვა ფულავას დაარქვეს „ლოთი ჩარჩი“. ხშირად მომხდარა, რომ იგი სადმე დუქანში მთვრალობისათვის გაელახოსთ, განსაკუთრებით მის მიერ ტყავგაძრობილ მეველეებს, მაგრამ არც ის აკლებდა ხელს ცემა-ტყეპაში. ამის გამო იგი შეიქნა ქვეყანაზე ამოთვალწუნებული. ყველანი მაზედ აშვერდენ ხელს, ყველა ცდილობდა, რომ ის რაიმე საექვო საქმეში გაეხვიათ. მაგრამ ვექილი ჩაფხუტაძე ჯერ-ჯერობით არავის ანებებდა ბახვას თავს. რაც დრო გადიოდა, თანდათან უფრო ერეოდა მას მესისხლეობის ბრაზი იერემიაზე. მისი საქმე ისე მიყრუვდა, რომ დარწმუნებული იყო, დღეს თუ ხვალ უექველად მოსპობენო. ამის გამო იმან თანდათან შეიძულა გამგეობა, სამართალი, თვით საზოგადოება, რომელიც მას ეჩვენებოდა მგლების ხროვათ. ყველაზე ექვი ჰქონდა ალებული. თითქოს ყველას მის სამტროდ მოეცალა. ამგვარმა გარემოებამ კიდევ უფრო აღძრა ბახვას გულში კაცების სიძულვილი. ამიერიდან იმან ამოირეცხა გული ადამიანზე. მასში აღარც სიყვარულის ნატამალი მოიძვეებოდა, აღარც სიბრალული, აღარც ცოდვა და აღარც მადლი. ის გულ-გამეხებული დაუტრიალდა ქვეყანას. ვისზედაც ხელი მიუწვდებოდა, მრუდსა და მართალს ყველას ტყავს აძრობდა „ლოთი ჩარჩის“ სახელით.

ასეთი საქციელი ბახვასი მის ბიძაშვილს ნესტორას სრულიად არ მოსწონდა; მაგრამ რა უნდა ექნა?.. გაბრაზებულ კაცს წინ ვერ გადაელობებოდა. ის შორიდან ადევნებდა თვალ-ყურს თავის ბიძაშვილის საქმეებს და ბოლოს დარწმუნდა, რომ მისი გამზდელი ბახვა ცოცხლებში აღარ ერია. ნესტორამ კარგათ იცოდა, რომ იგი აჰყვა ერთ სოფლის ვექილს, რომელიც ბახვას სახელით ბეგრს ცუდ საქმეს ჩადიოდა: ნესტორამ იფიქრა, არ შეიძლება, რომ დღეს თუ ხვალ ჩემი ბიძაშვილი რაიმე სისხლის სამართლის საქმეში არ

გაერიოსო და დარწმუნებული იყო. რომ მას დაჰლუპავდენ. ამის გამო ისიც აღარ მოერიდა. სხვის წალებას. ჩემი ბიძაშვილის სახლ-კარს და ადგილ-მამულს მევე დავეპატრონო. უმჯობესი იქნებაო. იმან მისი ვექსილის შესახებ თადარიგი დაიჭირა. რყასი თუმნის თამასუქს როგორც ვადა გაუვიდა. მაშინვე უჩივლა: აღმასრულებლის განჩინების ძალით აწერა ეს მამული. დანიშნენი საჯარო ვაქრობა და საბოლოოთ დაირჩინა. ამგვარმა უსინიდისობამ თავისიანისამ. თავის გაზდილისა და მის მიერ გადიდებულისამ გულისწყრომის სისხლი მოჰგვარა ყელში. ამის გამოჯავრებული ბახვა კიდევ უფრო გამძვინდა თავის მეველებზე. შეუძლებელი იყო არამც თუ ვალი. ჯარიმებიდანაც ერთი კაპეიკი ეპატივებინა ვისთვისმე. ამას გარდა. ვისაც მისი ფულის გადახდის ვადა მოუვიდოდა და შეატყობდა. რომ მოვალე თავის დროზე მზათ იყო თავის ფული მიეცა. ის იმალებოდა იმ განზრახვით. რომ ფულის შეტანის ვადა გადაცილებულიყო და ჯარიმის წერილით ორმაგი ტყავი წაერთმია. რამდენჯერმე კიდევ მოახდინა ამისთანა სამარცხენო საქმე. მაგრამ ბოლოს ერთმა მეველემ დაუგო მახე. ფულის გადახდის ვადა რომ მოვიდა. ბახვა ჩვეულებრივით დაიმალა. მეველემ ფული წარუდგინა ნოტარიუსს და კვიტანცია აიღო. ნოტარიუსმა უწყებით დაიბარა ბახვა და ფული ჩააბარა. სამაგიეროთ მეველის ვექსილების და ჯარიმის ფურცლის უკან დაბრუნება მოსთხოვა. ბახვამ წუნკალა ჩაფხუტაძის რჩევით. განუცხადა ნოტარიუსს. რომ ქალაღები თან არა მაქვსო. ბევრი ექებზე და ვერც ვნახეო. მაგრამ წერილობითი ვალდებულება მისცა ნოტარიუსს. რომ ამა-და-ამ ნომრით შედგენილი ამა-და-ამ კაცზე ვექსილი და ჯარიმის ქალაღი გადახდილათ მიცენია და წარმოვადგინო სამი დღის განმავლობაშიო. ამასთანავე ნოტარიუსმა დაატოვებინა ხელწერილი. რომ მან მიიღო სრული კმაყოფილება. წუნკალა ვექილი იქ იყო და გულში ჩაიცივნა. იფიქრა: -ბახვა აქ ჩაქერილია. მაგას კარგი აღარა დაემართება. ახლა ჩემი დროა. ისე უნდა მოვექალასუნო. ისე უნდა მოვექცე და შევაყვარო თავი. რომ მე დამრჩეს მაგის ყოფაცხოვრება. რაც გააჩნიაო. ეს ხომ ვიცი. მაგას ჩემს მეტზე გული აღარა აქვს დანდობილი. აღარც არავინ მიაჩნია თავისიანათ. მაშ რა დაუშლის. მე გამხადოს მემკვიდრეთ. როცა თვითონვე იგრძნობს. რომ საჩვენოსკენ მოსაბრუნებელი პირი აღარ ექნებაო“.

ამგვარად ფიქრობდა წუნკალა ვექილი და არც სტყუოდა.

XV.

ბახვა ფულავას აზრი და გონება მხოლოდ სისხლის ძიებაში იყო გართული. იქას-აზრათაც არ მოსდიოდა თუ ნოტარიუსთან

დაგდებული ხელწერილი ფულის მიღებაზე რას შეამთხვევდა. მას ჰქონდა ეს ქვეყანა ჯოჯოხეთად წარმოდგენილი, საცა კაცი კაცს სკამდა და ვინც მოერეოდა, ცხოვრებაც იმისი იყო. რადგან ის თავის თავს სხვის მსხვერპლად და ლუკმათ ჰხდიდა, ამისათვის იგიც კანონიერად სთვლიდა ყოველი მისი მოვალე თავის ლუკმათ გაეხადნა და ტყავი გაეძრო. ის დღენიადგ რწმუნდებოდა, რომ სამართალი ფუჭი ხმა იყო ქვეყნათ დაგდებული. ვინც მისის უმანკო ცოლის მკვლელად ითვლებოდა, მას კაცი ხმას არ სცემდა! თვითონ, კი რომელსაც ნათესავეებისადმი, მეზობლებისადმი ბევრი ამაგი მიუძღოდა, დღეს ფესე-გამხმარი შექმნილიყო, მის შეძენილს ქონებაზე და ადგილ-მამულზე დღეს სხვას გაეშალა ნაღიმი და ზედ სტკებოდა. თვითონ მას კი ყველა დასცინოდა, ემტერებოდა და თავ-პირში სცემდა. „თუ ასეა, მაშ მეც უნდა გავვარდე ყაჩაღად და მედგრად მეც უნდა ვკლა. ვკბინო და ვაწვალო ყველანიო“. ის აშკარად ხედავდა, რომ მისი მიწასთან გამასწორებელი ეტლით ცაბძანდებოდა და ჯერ არ გამოჩენილიყო უმაღლესი ძალა, რომ იგი სამართალში მიეცა ბოროტ-მოქმედებისათვის. მაშ ღმერთმა ისე ნუ მომკლასო. — გაივლო გულში ბახვამ, — რომ ჩემი ესმას სისხლი მე თვითონ არ ავიღოვო. აი, ამ განზრახვით იმან დაიწყო ფულის გროვება იერემიას მოსაკლავათ. იმან დაიახლოვა ერთი ციმბირიდან გამოქცეული ყაჩაღი, რომელსაც უკვე შეეგროვებინა თავის მსგავსი ამხანაგები და ცარცვა-გლეჯით რჩებოდნენ. ბახვამ ხშირად დაუწყო ძლევა ფულისა ამ კაცებს. ბოლოს იხელთა დრო და გაუტყდა ციმბირელს იერემიას მოკვლას. იმ კაცმა სიამოვნებით იტვირთა ამ განზრახვის ასრულება იმ პირობით. რომ ბახვას მიეცა მათთვის სამასი თუმანი. იმან წინდაწინ დაუთვალა ასი თუმანი და შეჰპირდა. როცა მკვლელობას აასრულებთ. ორას თუმანს შემდეგ გადმოგცემთო. იმან პირობა დაადებინა ამასთანავე ციმბირელს, რომ მკვლელობაში მეც გამირიეთო. ..თუ მეც იერემიას ჩემი ხანჯალი ფერდში არ ჩავსცი. როგორც მან ჩემს ესმას დასცა, უამისოთ არც ჩემ სულს ეღირსება მოსვენებაო“. — უთხრა მან ციმბირელს. ამგვარი მოლაპარაკება მოხდა ერთ დუქანში, საცა მათ ნაშუალამევის სამ საათზე ჰქონოდათ ღვინის სმა. მეორე დღეს ციმბირელმა წაიყვანა სამი ამხანაგი და გაუდგა თფილისის ქალაქისაკენ. იმან დაუდგა ბახვას პირობა, რომ. როცა საქმეს მოვრთავთ, ერთი კვირის წინათ შეგატყობინებთო. მაშინვე თვით ბახვაც უნდა წასულიყო თფილისის და მიეღო მკვლელობაში მონაწილეობა. ამის მესამე დღეს ბახვამ გადასცა ვეჭხილი და ჯარიმის ფურცელი წუნკალას საჩივრის დასაწყებათ. ეს ის დოკუმენტები იყო,

რომლებზედაც ბახვამ ნოტარიუსს განუცხადა. რომ დამეკარგენო, აუშნა ამ დოკუმენტების სამაგიეროთ ფული უკვე მიღებული ჰქონდა და კვიტანციაც დაეგდო ნოტარიუსთან ნიშნათ სრულის კმაყოფილების მიღებისა. ამ სახით ბახვა ფულავამ განიზრახა ორჯელ გადახდევინება ფულისა.

ეს იყო ისეთი ამბავი, რომ ბახვა ამ საქმიდან თავს ვეღარ დაახწევდა. მით უფრო დარწმუნებული იყო წუნკალა ამ საქმეზე, რომ იცოდა მისი მოვალე გადაარაჯებული იყო ამავე საქმისთვის. რომ კიდევ უფრო მაგრათ მოეჭირათ მუხრუჭი. ბახვასთვის, წუნკალამ ვითომ გასაფრთხილებლად შემდეგი საქმე ურჩია.

— ბახვა, ამ დოკუმენტების ასე წარდგენა სასამართლოში არ შეიძლება. შენ ხომ იცი, რომ ნოტარიუსთან კვიტანცია გაქვს დაგდებული, რომელშიააც ამ დოკუმენტების ნომერი და რიცხვებია მოხსენებული. მაშ ასე რომ წარადგინო, მაშინვე დაგიჭერენ, რადგან აღმოჩნდება, რომ შენ ორჯელ გადაგიხდევინებია მეველისთვის ერთი და იგივე თამასუქებით.

— აბა, რა ვქნა?.. მაშ დამეკარგოს ეს იმედი! შენ ყველაფერს მოახერხებ, წუნკალა, თუ მოინდომე, — უთხრა თითქმის ხვეწნით ბახვამ.

— მოხერხებით როგორ არ მოვახერხებ და მერე შენთვის? შენ რომ მითხრა, თუნდ წყალში გადავეარდები, იმდენი ამავი და ძმობა მახსოვს შენგან, — უთხრა წუნკალამ.

— ზოგი აწი მიყურე, როცა ჩემ მემკვიდრედ გავხდი.

წუნკალას თითქოს არ გაეგონოს ეს სიტყვები, ისე მიაყრუა. მაგრამ სიამოვნებისაგან ტანში ჟრუანტელმა დაუარა.

— იცი, ბახვა?.. ამ დოკუმენტების რიცხვებსა და ნომრებს გამოვცვლი. მხოლოდ ხომ იცი, არ გამამხილო არსად. არავისთან წამოგცდეს, მე თუ ეს ვქენი.

— არა, შე უბედურის დღისა. მერე ეგრე მიყურებ?.. მე უნდა გავცე შენ ჩემი ქირისუფალი, ჩემი ერთად ერთი ნუგეში ამ უბედურს ცხოვრებაში?.. ეგ როგორ თქვი, შე გლახა? ნაკუწ-ნაკუწაო რომ ამქნან, მე შენ გილალატებ? მერე რალა ვიქნები, მერე რას მეტყვის საიქიოს ჩემი ესმა?..

— კარგი, კარგი. ენათ ნუ გადაიქეცი. ახლავ შევასწორებ და ისე გავხდი, თითქოს სულ სხვა დოკუმენტები იყოს.

— ოჰ, შენი სულის ქირიმე. ჩემო წუნკალა, — აღტაცებით შემოხვია ხელი ჩაფხუტაძეს და გულში მიიკრა.

— კარგი, კაცო, ლამის გამსრისო, — უთხრა წუნკალამ და ძლივს თავი დააღწია.

მევალე გადარაჯებული იყო და, როგორც კი უწყება მოუვიდა ბახვას საჩივრისა, მაშინვე დაიშალა თავის დოკუმენტები. როცა სხდომა დაინიშნა და ბახვამ თვით მოითხოვა ხუთასი მანეთის გადახდევინება, ამასთანავე ერთი იმოდენი ჯარიმის ფურცელიც რომ წარადგინა, მაშინ წარსდგა მევალე, წარადგინა კვიტანციები, ნოტარიუსის საბუთი, რომლითაც მტკიცდებოდა, რომ იმ დოკუმენტებით ბახვას ფული უკვე მიღებული ჰქონდა ნოტარიუსის ხელით. მოსამართლეებმა შეამოწმეს ვექსილის რიცხვი, ნომერი და ნოტარიუსის მიერ დამტკიცებულს კვიტანციაში მოხსენებული რაოდენობა ფულისა. აგრეთვე უწინდელი ვექსილისა და ჯარიმის ნომრები და რიცხვები. გამოდგა, რომ ეს ორი დოკუმენტები სულ სხვადასხვა დროისანი იყვენ და სხვადასხვა ნომრებისა. დაუკვირდნ და აღმოჩნდა. რომ ოდნათ ამონაფხეკი ეტყობოდა ბახვას წარდგენილ დოკუმენტს. როცა სინათლეში გახედეს. მაშინ „პაღლოლი“ ცხადათ აღმოჩნდა. მოპასუხემ განაცხადა. რომ ეგ შესწორებულიაო; მოსამართლეებმა შესწავიტეს სხდომა და გავიდნ მეორე ოთახში. თვით სასამართლოს დარბაზში შეგროვებულყო მრავალი ხალხი, განსაკუთრებით ბახვას მტრები. სხვანი, რომელთაც „ლოთი ჩარჩის“ ამბავი გაევოთ. მხოლოდ იმისთვის მოსულს იყვენ, რომ ნამდვილათ დარწმუნებულიყვენ ბახვას უსინიდილობაში. თვით ბახვა იდგა ლოყებ-აწითლებული და აღმური ადიოდა; მაგრამ ეს არ იყო არც სირცხვილის გრძობა. არც სინანული. იმას ამაყათ აელო თავი და მთელს საზოგადოებას ზევიდან დასცქეროდა. მას ეტყობოდა სასტიკი სიმძულვარე იმ საზოგადოებისა, რომელიც იქ იყო მოგროვილი. 'ისეთი მრისხანებით გამოიციკირებოდა ბახვა, თითქო ყველას შემუსვრა სდომებოდეს.

საზოგადოებაში აქა-იქ ისმოდა ჩურჩული. ზოგი ბახვას უპატიურად იხსენიებდა, ზოგი „ლოთ ჩარჩს“ ეძახოდა. ზოგი ემუქრებოდა და იტყოდა: „ძლივს არ დაიკირეს ეს გაიძვერაო. მოინელა მაგან ქვეყანა, მაგრამ აწ მაგასაც მოუვიდა დრო ციმბირისკენ გაგზავნისაო. ღმერთმა ყოველ მაგისთანა კაცს ნუ მოუშალოს ეს ბედი. კარგი არ იქნება. მაგის ვექილიც რომ აგრე გაეხმებოდეს, როგორც ეგ გაეხაო. სულ აი. იმის ბრალია ყოველიფერი, აგერ კუნძულში რომ მიკრუნჩხებულა და ჩუმ-ჩუმათ იკრიკება. ბახვა იმდენათ დამნაშავე არ არის, როგორც მისი გაიძვერა ვექილი. ეს გადასწორება ნამდვილათ მაგის ბრალი იქნება. მაგრამ ვინ დაუმტკიცებს?“ — ისმოდა ამისთანა მსჯელობა ხალხში.

ამ დროს მოსამართლენი გამოვიდნ. ჩამოვარდა საყოველთაო სიჩუმე. იმათ გამოიტანეს შემდეგი განჩინება: ~

„რადგან სასამართლო სხდომაზე განიხილა ბახვა ფულავას მიერ წარმოდგენილი საბუთები და 1 — ერთი, რომ თვით საბუთები დაწერის შემდეგ ამოფხეცილნი და შესწორებულნი არიან და 2 — მეორე, რომ ეს საბუთები, როგორც გადახდილნი, უკვე გაუქმებულნი უნდა იყონ, ამისათვის სასამართლო დარწმუნდა, რომ აქ ორნაირი ბოროტ-მოქმედებაა ამოჩენილი; პაღლოლი (ПОДЛОГ) და ერთი და იგივე ვალის ორჯელ გადახდევინების წადილი. ამა და ამ კანონების ძალით ბახვა ფულავა მიეცეს პასუხის გებაში და დოკუმენტები გადაეცეს პროკურორს სისხლის სამართლის გამოძიების დასაწყებათ და ბრალდებითი ოქმის შესადგენათ“.

მთელი საზოგადოება გამხიარულდა ასეთის განჩინებით. ბევრი ლანძღვა და მუქარა მოხვდა ყურში ბახვა ფულავას; მაგრამ იმას ყურიც არ გაუპარტყუნებია. ასეთმა განჩინებამ კიდევ უფრო გააბრაზა ბახვა მთელს საზოგადოებაზე და მის სამართალზე. იმან ყველას კბილის ღრქენით მიუგო პასუხი.

გამარჯვებულმა მეველემ კი ქოქოლა დააყარა თავზე ბახვა ფულავას.

XVI.

რაც უფრო მაგრათ იდგა ვალიდა კანონიერ დამოკიდებულებაზე პოლკოვნიკ ლებოვთან, იმდენათ უფრო მოედვა ენის ალი მის გულსა, იმდენათ უფრო ძალმომრევი შეიქნა ლებოვის ბუნებაზე მისი ვნებიანი სურვილი. მის ბიწიერს წარმოდგენას საზღვარი აღარ ჰქონდა. ვალიდას ტანს მშვენიერების ღმერთას ვენერისას ადარებდა, ხოლო სილამაზესა. და მგრძნობელობას ჰომიროსის მიერ გალექსული ელენესას. მით უფრო აღელდა და აზევდა ლებოვის ნდომა. რაკი მისი გამოცდილი მანქანება ახალ აფეთქილის ქალების გასატაცებლათ სულ ამაოდ დარჩა ვალიდას შესახებ, შემდეგ სხვა ხერხი იხმარა. დემონმა ანგელოზის ნათელი ფერი შემოსა და ვალიდას ისეთის ქაბუკის გრძნობებით შეპყრობილი დაენახვა, რომ ქალიც ამგვარივე გრძნობებით მოიხიბლა. იმას სწამდა პოლკოვნიკის წარსული ყოფაქცევა, რომელიც ასე გარეწარი იყო და გართულებებაში მიმდინარეობდა, მაგრამ ძველს გაუზნევებულ არშიყს. უმანკო გრძნობით მოვაქცეო, — იფიქრა ვალიდამ და აი, ამ ნათელს გამოხატულებაზე ააგო მან თავის ბედნიერების კოშკი. ეს კი დაავიწყდა გატაცებულ ქალს, რომ მისი სიყვარულისა და ბედნიერების კოშკი ქვიშაზე იყო ანაგები და ფეხი მაგარ ნიადაგზედ არ ედგა. ოღონდ კი ლებოვს ვალიდას მკერდი საბურთაოდ ჩაეგდო და სულ ერთი იყო

მისთვის. გინდ ქორწინების კომედია ეთამაშნა, გინდ დაუქორწინებლათ აღესრულებინა თავის გულის წადილი. უეკველი იყო, რაკი ვალიდას სინორჩის ვარდს გაფურჩქენიდა, მერე მის ვნებასაც და მასთან ცოლ-ქმრობითს ვალდებულობასაც ბოლო მოეღებოდა. პოლკოვნიკის აზრით, ღმერთს ქვეყანა მოუღეველი გაეჩინა. თუ კაცის ზღვა გული ახალ-ახალ გემოვნებაზე გაწუწკადა, იმას აღარც გაზაფხულზე გაშლილი კოკორი დაეღევა.

ასე იყო თუ ისე, ვალიდამ მაინც იმ პირველ ხანებში შეყვარებული პოლკოვნიკი თავის ზნეობის სიმალლით დაიმორჩილა, მისი უკანონო განზრახულება ალაგმა. მაგრამ ასეთს ხელოვნებით შეკრულს კავშირს იმ თავითვე ეტყობოდა, რომ კარგი ბოლო არ მოელოდა. ამგვარი კატა-თაგვობის თამაში დიდხანს არ გაგრძელებულა.

დარბაისელმა გენერალმა და მისმა მეუღლემ თავისი საცადი მიიღეს, რომ ამ გადუწყვეტელს დამოკიდებულებას ვალიდასა და ლებოვს შორის კარგი ბოლო მისცემოდა. იმათ მიმართეს დიდებული ნათესაეების შუამდგომლობას, რომელთაც აიძულეს ლებოვი, რომ ვალიდასთვის წინადადება მიეცა ცოლ-ქმრობაზე. ამ სახით პოლკოვნიკმა ნებაყოფლობით დაიდგა კისერზე ოქროს უღელი. მოხდა მალე დიდებული ქორწილი და იქ მთელი უმაღლესი წოდება თფილისის ქალაქისა დაესწრო. სხვათა შორის იერემია წარბაც მეტად შევენოდა ამ ქორწილზე თავის ახალი ეპოლეტებით. მისმა იმერულმა თამაშობამ განსაკუთრებული სიამოვნება გამოიწვია მთელის საზოგადოებისა. იგი ტაშისკვრით მიეგება მის ცერებზე ტრიალსა და ხანჯლებით თამაშსა.

მეორე დღეს ვალიდა და მისი მეუღლე საზღვარს გარეთ გაემგზავრენ.

იერემია ამ ჟამად სოტნის უფროსად იყო დანიშნული და ლებოვისაგან დაბარებული ჰქონდა, რომ ორი თვის შემდეგ მოეალთო და ამ დროისთვის რვა-ოთახიანი სადგომი საუკეთესო თფილისის ქუჩაზე მოგვიმზადეო. სოტნის კამანდრობას გარდა იერემიას პოლკის კვარტირმეისტრობაც ჩაბარდა და ბაჯალლო ოქროებში ხელის რევა დაიწყო. ამ ხანებში იერემია ძალიან გაერთო თფილისის საზოგადოებაში. არც მისთანა დახედნილს ცხენზე იჯდა ვინმე, არც მისთანა წამყოლ-წამომყოლი მოიძებნებოდა კავალკადაში. დღისით ვიზიტებს უნდებოდა, ღამით სავაქრო კლუბში ატარებდა დროს და შეექცეოდა ბანქოს თამაშს — ვინტს და პრეფერანსს. ერთ საღამოს, როცა კლუბში ბალი იყო, მის მიერ გატაცებულმა სოვდაგრის ქალმა ცეკვის დროს პატარა არშიყოზის ბარათი ჩაუგდო იერემიას ჩოხის

უბეში. ამის შემდეგ კიდევ უფრო დაახშირა მან სოვდაგარის ოჯახში სიარული და ისე იქცეოდა, თითქო სასიძო ყოფილიყო.

ქალის მამას ძალიან კარგათ შეეტყო იერემიას ვინაობა, ბოლოს ის სმაც ჩასწვთოდა ყურში, რომ მავას ბახვას ცოლის მკვლელობას აბრალებდნენ. მას არაფრათ ეპიტნავებოდა ამგვარი კაცის ოჯახში შემოსვლა და მისი ქალის აღევნება; მაგრამ ან კი რა ექნა? იმ წუთას თვით სოვდაგარის ბედ-ილბალი იერემიას ხელში ჩაეარდნილიყო. ქალის მამას იმ პოლკის თივა, ბზე, ქერი და საკლავი იჯარით ჰქონდა აღებული, საცა იერემია კვარტირემისკრათ გამხდარიყო. ამის გამო თუმცა იერემიას ყოველს დანახვაზე ვარდი ეშლებოდა სახეზე, მაგრამ მის გულში რომ ჩაგხედნა, იმავე დროს სულ სხვანაირათ ქოთავდა, წყევ-კრულვის მეტი შიგ არა მოძიებებოდარა. ამ ხანებში იერემიამ მისი ქალი გაინავარდა კავალკადაში, საცა მათ ტრფიალებას საზღვარი არ ჰქონდა. თვით ქალის დედა აღტაცებული იყო ქალ-ვაეის დაახლოვებით და სრულებით არ აქცევდა ყურადღებას თავის ქმრის ჩუმს მწუხარებას. იმას ეგონა, რომ სოვდაგარს სიძუნწით და ქართველების სიმძულვარით მოდიოდა ეს ამბავი. „დიად, როგორ არა! იტყოდა დედა — იქნება ჩემს გამოშტერებულ ქმარსა ჰგონია, რომ მე ჩემი კატო ვისმე სოვდაგარის შვილს მივცე. ან შტატსკისა. უწინაც თვალი დაუდგება ჩემს უნიქო ქმარსა!“ წინათაც არ იყვნენ ცოლ-ქმარნი კარგს განწყობილებაში და ახლა, როცა იერემია მათს ოჯახში შევიდა, სულ აღვირი წაიხსნეს დედა-შვილმა. რასაც უწინ ხარჯავდნენ, ახლა ერთი ხუთად მეტი ეხარჯებოდათ, რომ კიდევ უფრო მდიდრულათ მოეჩვენებიათ თავი იერემიასათვის. საწყალი სოვდაგარი თავის გულს ასკდებოდა. მაგრამ ვერაფერი გაემხილა-რა იერემიას ხათრით. ამასობაში დედა აჩქარებდა ჯვარის წერის საქმეს. ერთი კი იყო, რომ სოვდაგარს ისე ეჭირა თავი. თითქოს არა იცოდა-რა შეყვარებულებისა და არც ცოლის განზრახვისა. როგორც კი თავის მეუღლეს შეატყობდა, აი. ახლა აპირებს ჩემთან მოლაპარაკებასაო, სოვდაგარი მაშინვე რაიმე პატივსადებ მიზეზს გამოძებნიდა, „ახლა სალაპარაკოთ არა მცალიანო“. — ღრენით უპასუხებდა თავის მეუღლეს და გარბოდა სახლიდან.

პოლკოვნიკი ლებოვი და ვალიდა მალე დაბრუნდნენ საზღვარგარეთიდან. მთელმა თფილისის მაღალის წრის საზოგადოებამ სასიამოვნოთ მიიჩნია ეს ამბავი. ბევრმა ახალგაზდა აფიცრმა გადიგრიხა ულვაშები. დარბაისელი გენერალი და მისი მეუღლე აღტაცებაში იყვნენ სიძე-ქალის მობრუნებით. გახშირდა ვიზიტები. მისვლა-მოსვლა. მიწვევ-მოწვევა და ერთი დაუბოლოვებული ღზინი ხან პოლკოვნიკის ლებოვის სადგომში, ხან დარბაისელი გენერლის ოჯახ-

ში, ხან სხვა დიდ-კაცობაში, რომელნიც რიგ-რიგათ იწყევდენ ახალ დაქორწინებულებს. ვალიდას დღითი-დღე ემატებოდა პატივი. თვით მთავარმართებელმაც კი გააბედნიერა ნახვით მისი ოჯახი. ვალიდას პირველ ხანებში ძალიან დაკრძალვით ეჭირა თავი. მაგრამ ამან კიდევ უფრო გაამრავლა წარჩინებულნი მოტრფიალენი მისის შვენიერებისა და ზნე-სიმაღლისა. მათ რიცხვში ერთი უმაღლესი წევრი სამოსამართლო დაწესებულებისა მაინც მეტად გაიტაცა ვალიდას შვენიერებამ. იმან ხშირად დაიწყო ვალიდას ოჯახში სიარული, არავითარს შემთხვევას არ გაუშვებდა. რომ განსაკუთრებით ყურადღება არ დაემტკიცებინა ლებოვის მეუღლისთვის. მაგრამ ქალის ფიქრი ცოლ-ქმრობით ვალდებულობაზე ისე მტკიცე იყო, რომ ვერაინ ვერ გაბედავდა მისი გულის დამორჩილებას. თუმცა მისი ოცნებები ცოტა არ იყოს ამ ბოლო დროს შეირყენ ქმრის უწესო ყოფაქცევით. ლებოვის მიერ დანთბული წმინდა სიყვარულის კანდელი უკვე ბეუტავდა. ვალიდა ვერ შერიგებოდა ასე უცებ თავის მეუღლის გულის გაგრილებას. მის წინანდელს აღტაცებულს გრძნობას იქვიანობის ნალეული უკვე ჰქონდა გადანთხეული. თუმცა მის გულის კრილობას ახლა წარჩინებული ახალგაზრდა კაცების ტრფიალებამ მალამოს ცხება დაუწყო, მაგრამ მისი ზნეობის ფარი ჯერ კიდევ არ იყო კუპიდონის ისრით განგმირული. პირბადე-ახდილს გრძნობის გამოცხადებას რომლისამე პატივემულის მოტრფიალისას ვალიდა ეძახოდა უგულო კომპლიმენტს. მართლაც. ამ შემთხვევაში იგი სრულებით ურწმუნო გამხდარიყო. ჯერ იმას ნამდვილი გრძნობა, გულლია პასუხი თავის შინაგანის ვითარებისა ვერვისთვის შეენიშნა. ნუთუ ამ კაცებს ყველას გულის მაგიერათ გულდაფშუტა უცემთ მკერდშიო. — წამოიძახებდა ხოლმე თავმობეზრებული ვალიდა. „ოჰ, თქვენ ზნე-გაფუქებული კაცებო. უმანკო ქალის ფეხთა მტვრათაც არა ღირხართო!..“ მაგრამ მისი მოტრფიალენი ამისთანა გულდაკოდილს სიტყვებს კეკლუცობაში ართმევდენ და კიდევ უფრო დაეინებით უფენდენ სიყვარულის ფიანდაზს. ამრიგათ რასაც ჯერ კიდევ წაუშხდარი გული ვალიდასი ეტრფოდა. იგი ყოველივე გაუცრუვდა მას. აბა, რას იფიქრებდა, რომ ხან-გადასულ კაცს დაუმონავებდა მთელს თავის არსებას და ის კი ასე მალე ფეხით გაჯეგდა მის წმინდა გრძნობებს, მისი გული ასე მალე გაცივდებოდა ცეცხლმგზნებარე გრძნობებისათვის?.. ამის გამო ვალიდამ იწყო სულ-მოდრავი ტანჯვა და მისმა სამართლიანმა გულის წყრომამ ადრე დააჩინა ფერმიხდილობის კვალი მისს სახეს. რაც საზღვარ-გარეთიდან დაზრუნდა. მისი ნათელი ღიმილი აღარავის უნახავს. ვისაც მისი უმანკო გულით კრიალა სიცილი გაეგონა, არ სჯეროდა. რომ მას მძიმე

მწუხარების ლოდი არ დასწოლოდეს. მართლაც, მეტი მძიმე ტვირთი რაღა იქნებოდა ახალგაზდა ქალისათვის, როცა ორი თვეც არ გასულიყო. მისი საყვარელი ქმარი აღარ ქმრობდა, მისს გულს საღი პასუხი არ ეძლეოდა მისგან. ვისგანაც ყველაზე უფრო ესიაშოვნებოდა ტრფიალი. ქალს ისე არაფერი დაჩაგრავს, როგორც გრძნობის ოცნებაში თავის მოტყუება.

ლებოვმა წახსნა აღვირი თავის ცოლ-ქმრობის მოვალეობას. იმან იწყო ოჯახს გარეშე ქეიფი და დროს გატარება. ვალიდა რჩებოდა მარტოდ-მარტო მოტრფიალეთა ყბაში, რომელნიც ერთის წამის მოსვენებას აღარ აძლევდენ. აფიცრები. პოლკის ადიუტანტები და გარეშე სამსახურის კაცები დღენიადაგ მის სახლში ეყარენ. მათმა დაშაქრულმა სიტყვებმა ცხოვრებაც კი შეაძულა ვალიდას. უმაღლესი სასამართლოს დაწესებულების უფროსი მაინც დილა-სალამოს მასთან იყო; არც ერთს მის სეირნობას არ დააკლდებოდა. თუ კი სადმე შესანიშნავი რამე გამოჩნდებოდა, ან თაიგული, ან უცხო ქვეყნის ხილულობა და შაქრეულობა, ვალიდას კაბინეტს არ ასცილდებოდა.

XVII.

ამ დროს თფილისს ჩამოვიდა პეტერბურგიდან ერთი მშვენიერთა მოთამაშეთა დასი, მათ შორის პრიმადონა მეტად ლამაზი და ნიჭიერი. თუმცა ვალიდას თეატრში სიარული და წარმოდგენების ყურება არ უყვარდა, მაგრამ ახალი პრიმადონის ქებამ მიიზიდა მისი გული. უიმისოთაც პოლკოვნიკი ლებოვი შინ არ რჩებოდა ხოლმე, იფიქრა ბარემც გარეთაც ერთად ვიყოთ, ისა სჯობიაო. ამის გამო მთელი ზამთრის აბონემენტი აიღეს თეატრში. მართლაც პრიმადონა შესანიშნავი მოთამაშე გამოდგა და ვალიდასაც შეუყვარდა თეატრი. ლებოვზე პრიმადონას თამაშს დიდი გავლენა ჰქონდა, მით უფრო, რომ ის ქალი გამოდგა სილამაზის გარდა ფრიად განვითარებული საზოგადოებაში. იგი იყო შეუდარებელი ოხუნჯი, წარჩინებული მომღერალი და ხელოვანი დამკვრელი როიალზე. პოლკოვნიკი ლებოვი უცებ აღენთო მისდამი ტრფიალებით. წარმოდგენა ისე აწავთავდებოდა, რომ ლებოვს ან ძვირფასი ყვავილებით შემკული გვირგვინი არ გაეგზავნა პრიმადონისათვის, ან რაიმე ოქროს იარაღეულობა, ან ბრილიანტით შემკული ნიეთი. პრიმადონა ინსტინქტიურად ჰგრძნობდა ლებოვის სიყვარულს და, როცა სცენაზე გამოდიოდა. ხშირად ვალიდასა და ლებოვის ლოყისაკენ ჰქონდა თვალები მიქცეული. ერთხელ ერთს წარმოდგენაში პრიმადონას პირველს მოქმედებაში ჰქონდა მარტო რაღაცა სათამაშო და შემდეგ თავისუფალი

იყო. მეორე მოქმედება რომ გათავდა, ლებოვმა ურჩია ვალიდას პრიმადონის გაცნობა და ნება აიღო ცოლისაგან, რომ იგი მიეპატივნათ. ლოქაში. ვალიდა დასთანხმდა. ცოტა ხნის შემდეგ ლებოვმა ხელი-ხელ გაყრილი მოთამაშე ქალი წარუდგინა თავის მეუღლეს. ვალიდას იამა მასთან საუბარი და მესამე, მეოთხე და მეხუთე აქტი ლოჯიდან აღარ მოუცილებია. პრიმადონა და ვალიდა წინ ისხდნენ. ლებოვი მათ უკან. მაგრამ როდესაც მოქმედება გათავდებოდა, ლებოვი მეტად მხიარულად იყო პრიმადონასთან. ვალიდას ამ ქალის ოხუნჯობა და განუწყვეტელი მახვილი საუბარი მის ქმართან არაფრად ექაზნია. იგი უფრო უკმაყოფილო მითი შეიქნა. რომ მას მოეჩვენა ვითომც ლებოვი მეტს ყურადღებას აქცევდა პრიმადონას. ვიდრე თავის კანონიერ მეუღლეს. ვალიდამ წარბი შეიკრა. რომ ქალისთვის ეგრძობინებინა. ეგრეთი თამაშობა პირველ გაცნობასთანავე უმართებულაო. პრიმადონა თითქოს მიუხედა და მის გამოსაჯავრებლათ კიდევ უფრო აიყოლია ლებოვი. როცა წარმოდგენა გათავდა და ლებოვი გამოაპყვა ლოქიდან, ამ დროს მათ შეხედათ ლებოვის ადიუტანტი. რომელმაც მოწიწებით დაუკრა თავი ვალიდას და მიაჩნოთა გარეთა ტანსაცმელი. პრიმადონამ ჩაილაპარაკა: „ახლა მე მარტო უნდა წავიდე შინ, კავალერი არაფერს მყავს“. ლებოვმა მოკრა თუ არა ყური მაშინვე მიუბრუნდა თავის ადიუტანტს ამ სიტყვებით: „გთხოვთ ვალიდას გაპყვეთ, მე პრიმადონას მიეაცოლებ სახლამდის და ახლაც მოვალა“. ამ დროს პრიმადონა ღიმილით მიუბრუნდა ვალიდას და დიდი ალერსით გამოთხოვა მას. იგი სახეზე აენტო. მისთვის ეს წამი ისეთი საშინელი რამ იყო, იმ დროს მიწა რომ გახეთქოდა და შიგ ჩაეარდნილიყო, ის ერჩია. ვალიდამ გულგრილად მისცა ხელი, მიუბრუნდა ზურგი თავის ქმარს და გასწია წინ საჩქაროთ. ადიუტანტმა უბრძანა პოლიციელს ვალიდას ლანდო მოეძებნა. ვალიდა ჩაჯდა ეტლში, მიიკრუნჩხა ერთ კუთხეში და ისე იყო გაყურებული. თითქოს მთაწმინდის გორა მკერდზე დასწოლოდეს. მას გვერდით უჯდა ადიუტანტი, რომელმაც. რაკი შეატყო ვალიდას მოწყენილობა, სახლამდის ხმა არ გაუცია. მიადგა თუ არა ეტლი კიბეს, ვალიდამ თვით გააღო კიდობნის კარი და უცებ გადმოხტა. ადიუტანტმა ვერც კი მოასწრო ხელის მოკიდება: ქალმა აირბინა კიბეზე; დააქირა ხელი ელექტრონის ფოლაქს. მერე უცბათ მოტრიალდა და გამოეთხოვა ადიუტანტს შემდეგი სიტყვებით:

— გმადლობთ პატივისცემისთვის. მეეტლევ! — ბრძანებლობის ხმით დაუძახა. — მიაცილე უფალი კაპიტანი სახლამდის.

ადიუტანტმა თავი დაუკრა ვალიდას. ჩაჯდა ეტლში და გაექანა შინისკენ.

რა ახირებული. მიუკარებელი ქალია ეს ვალიდა! — ჰფიქრობდა გზაზე ადიუტანტი. ნუ თუ მაგას ამდენი წარჩინებული კაცი თაყვანსა სცემს და ჯერ საქმე არავისთან დაუქერია? რა მიუწონა ამ ბებერი უზნეო პოლკოვიკისა?!.. მაგრამ ვინ იცის?!.. მე რომ ასე ვკავარ აგდებული და ჩემს გრძნობას ყურადღებას არ აქცევს, იქნება ფიქრობს განზრახ ვიყო მაგის ქმრისაგან გამოსაცდელათ მოგზავნილი და მისთვის მერიღებოდეს! რა მშვენიერი დრო მქონდა ამ დახურულს კიდობანში!. რა ღმერთი გამიწყრა. რატომ ვერა გავუბედე-რა?!.. მაგრამ გული ამიკანკალდა. ენა დამება... არა. გუნებაზე არ იყო ამაღამ. ისე შეიკრა ერთ კუთხეს. თითქო შიშობდა ახლოს არავინ მომეკარესო. სხვა დროს ძალიან მეგობრულად მექცეოდა. ახლა რა დაემართა?!.. ქალი წყეულია. ვინ იცის? იქნება ჩემზე უფრო ის იყო აღლვებული. იქნება კიდაც ელოდა ჩემგან რასმე?.. იქნება იმას კიდევ ჩემზე უფრო უკანკალებდა გული. ელოდა ჩემს ალერსს, ჩემს ხვეწნას და. რომ შემატყო, ლენჩსავით ვიყავი გარინდებული, ეგება. გულიც მოსდიოდა. ოჰ. რა დრო დავკარგე!.. — გახდა ტკვლევა თავში ადიუტანტსა. იმან სასოწარკვეთილებით შემოიკრა შუბლზე ხელი. — განა არ ვიცი, რომ ქალებს ჟამივით შესძულდებათ იმისთანა არშიცი. რომელიც დროს შოულობს და სიგლახით ვერ ისარგებლებს. კამე. ვაიმე! რა წამი. რა ბედი დავკარგე!.. ღრმით ამოიხვეწა ადიუტანტმა და გადმოხტა ეტლიდან, რომელიც უკვე მიმდგარი იყო მის სახლთან. ადიუტანტმა ერთი მანეთი აჩუქა მეეტლეს. ამ შემთხვევაში იგი ალბათ ისე მოიქცა. როგორც ყოველი წაწყმენდილი, რომელიც ღმეთსა და ეშმაკს თანასწორათ უნთებს სანთელს, სწირავს საკმეველს და თან ჰფიქრობს. ვინ იცის. რომელი როგორ გამომადგებაო.

ვალიდას ჯავრისაგან გულის ფრიალი აუტყდა. შინაური მოსამსახურეები დიდი ხანია დაითხოვა დასაწოლათ. თვითონ ქუჩაზე რომ ფანჯარა გადიოდა. ის გაალო. ფანჯრის წინ დაჯდა და ბნელს მიაპყრო თვალები. ამ მდგომარეობაში განვლო მან საათნახევარი. მისი ქმარი ჯერ მაინც არ მოსულიყო. შემდეგ დაძხურა ფანჯარა და წავიდა საწოლ ოთახში დასაძინებლათ. მისი გული მეტად გაშფოთებული იყო. მას ახლა ეჭვი აღარ ჰქონდა, რომ ლებოვმა ფეხით გაჯევა მისი უმანკო გრძნობები. ის ჩაწვა ლოგინში, მაგრამ ძილი მაინც არ ეკარებოდა, წამის-წამ შფოთავდა და ციბრუტივით ტრიალებდა ქვეშსაგებელზე.

მეორე დღეს ვალიდას უძილობისა და ღრმა შინაგანი ბრძოლისაგან ტანი დაეთეთნა, მოიავათმყოფა თავი და სტუმრებს არ გაჰკარებია.

ლებოვმა რამდენჯერმე უაღერსა, მაგრამ ვალიდას მისი აღერსი არაფერად იამა. იგი მიუხედა თავის ცოლის ეკვიანობას და ყურადღება აღარ მიუქცევია, რადგან ჰფიქრობდა, ამითი გადაეაჩვევ ამ უხეირო და უმართებულო თვისებასაო. პოლკოენიკის ლებოვის თვალში იკვიანობა რაღაც შეუფერებელი საქციელი იყო იმ საზოგადო წრეში. რომელსაც იგი ეკუთნოდა. „ეს უგვარობაა და სხეა არადერიო“. იტყოდა ხოლმე ლებოვი ვალიდას გასაგონათ. ქალი კი თავის ქმრის აღეირწადრობილ არშიყობას ზნეწამხდრობას ეძახოდა და მისი გული თანდათან შორდებოდა ლებოვს. ვალიდა ამ საღამოს შემდეგ აღარ წასულა თეატრში, თუმცა ლებოვი კი ყოველ საღამობით იქ იყო. მისი ცოლის მაგიერათ პრიმადონა გამოიყურებოდა ხშირად დაჭირავებული ლოჯიდან.

ვალიდამ ერთხელ კიდევ შეიკრიბა ზნეობითი ძალა და ნაზად მიმართული საყვედურებით შეეცადა. მოექცია ქმარი თავის მოვალეობისადმი. როცა ამ მხრით ვერა გააწყორა, პაწია შინაური უსიამოვნებაც თან მოაყოლა. ლებოვმა ეს იუკადრისა და მას აქეთ მათ შორის თითქმის სრულებით შესწყდა ცოლქმრობითი კავშირა. ვალიდამ ეს ამბავი შეატყობინა თავის დარბაისელ გენერალს და დედობილს. წარმოიდგინეთ მისი გაშტერება, როცა დარბაისელმა გენერალმა და მისმა მეუღლემ. კარის დიასახლისმა აინუნშიაც არ ჩაიგდეს ვალიდას მწუხარება.

— შეილო, განა მარტო შენზეა მაგნაირი ამბავი? — უთხრა დედობილმა და კარის დიასახლისმა. — ცოლქმრობა და ნამდვილი სიყვარული შორი-შორს არის ერთმანეთზე. ქალისათვის ქმარი სახელია და ზნეობის ფარი. ამ მდგომარეობაში იგი მითია ბედნიერი. რომ სრულებით თავისუფალია; იგი საზოგადოების გულამაყი წევრია, მის ლირსებას მჭირდავი თვალი და ბოროტი ენა ვერას დააკლებს. მას აქვს უზრუნველი მატერიალური მდგომარეობა და თვითონ კი, როგორც მას ესიმოვნება. ისე უნდა მორთოს თავისი ცხოვრება. კარგიცა და ავიც. პატივისცემა და უპატივცემულობა მის მოხერხებაზეა დამოკიდებული. თუ ქმარი არ შეეშნობს უმანკო გულის ერთგულებას. ვაი მის გუნებას! თავის თავს დააბრალოს, რაც შეემთხვევა. შენ რას დაეძებ, შენ, შეილო, მაგისტვის სრულებითაც ნუ შეიწუხებ თავს. შენ ხარ გვარიშვილობით და წარჩინებული დამოკიდებულებით — ლებოვის მეუღლე. საზოგადოებისაგან დაფასებული და მთავარმართებლის კარზე მიღებული. ამ მდგომარეობაში რომ შენისთანა მშვენიერებათა ღმერთამ ბედნიერათ ვერ მოაწყოს ცხოვრება. სწორეთ ჩასაქოლაეია. შენ გაქვს ლებოვის ცოლის სახელი. ეს კმარა შენის პატივის მოყვარეობისთვის; დანარჩენი სულ

წრილმანი საქმეა. ამას შემდეგ თვით შენზეა დამოკიდებული შენი ბედნიერება. როგორც გესიამოვნოს, ისე მორთე შენი ცხოვრება. ლე-ბოვმა, ნეკრესის ქარებით შეპყრობილმა ბებერმა კაცმა, რაც უნდა, ისა ჰქნას... შენ რა?.. შენ შემთვის იზრუნე, ეცადე შენს სიმოვნებას. ოლონდ ხერხიანად მოიქეცი, რომ საზოგადოების თვალში შენს გარეგანს ყოფაქცევას ჩირქი არავინ მოსდოს. ჩვენს შინაურ მოქმედებასთან და ჩვენს საწოლთან ვის რა საქმე აქვს?

ასეთი ზნეობრივი დარიგების შემდეგ ვალიდამ ამოირეცხა გული სიყვარულზე; იმან ხელიდან გააგდო ზნეობის ფარი, როგორც ერთი რამე გამოუსადეგარი ნივთი. ის ახლა შეუდგა თავის შეგინებულის წმინდა გრძნობის გულისთვის შურის-ძიებას. იმანაც წახსნა აღვირი თავის ზნეობითს მოვალეობას. მაგრამ გაკიცხვის მაგიერათ კიდევ უფრო მოწონებული შეიქნა თფილისის უმაღლეს წოდებაში. აძიერიდან მას აღარ ჰქონია არავითარი რწმუნება აღარც სიყვარულზე. აღარც გულახდილს მეგობრობაზე, გარდა პატივის მოყვარეობისა. მისი გრძნობა და გული ეკუთვნოდა მხოლოდ მას, ვინც შეიქნებოდა განუსაზღვრელი მონა მისი ნებისა. ტრფიალებაში ის ეძებდა რაიმე ნივთიერს სარგებლობას. მისთვის სულ ერთი იყო პატიოსანი კაცი, გინდ ავაზაკი, მექრთამე, მრუში, ხაზინის ქურდი და სამართლის დამარღვეველი, მცხოვანი, გინდ ქაბუკი, ოლონდ იგი მისი ნების მორჩილი ყოფილიყო და, რასაც დაასაქმებდა, აესრულებინა.

ლებოვმა ველარ გაუძლო ვალიდას მძინვარე მოქმედებას და საუკუნოდ გადასწყვიტა, თბილისის არეს მოშორებოდა. მართლაც. ამ დროს ზაფხული მოახლოვდა და თეატრის მოთამაშე დასმა გაათავა თავისი ხელშეკრულება. ლამაზი პრიმადონა გაემგზავრა ჩრდილოეთისაკენ. ცოტა ხნის შემდეგ ლებოვმა აიღო ოთხი თვის ნება სამსახურიდან დათხოვნისა და, ვითომცდა საზღვარ გარეთ მივდივარ წყლებზე საექიმოთო, გაემურა პეტერბურგს.

მალე დაეარდა ხმა საზოგადოებაში, რომ ლებოვი განშორდა თავის მეუღლესო. მაგრამ ვალიდას თავისი ოჯახი და მალალ წოდებაში წარჩინებული მდგომარეობა არ მოუშლია; იმან კერიას წყალი მაინც არ დაასხა. იგი წინანდულათვე ითვლებოდა ლებოვის მეუღლეთ, მოსდიოდა ქმრისაგან საკმაო ფული და წინანდულათვე ატარებდა ბრწყინვალე ცხოვრებას, როგორც ლებოვის კანონიერი მეუღლე.

ამიერიდგან ვალიდა შეიქნა ბევრის საექვო რომანიულის ყოფაქცევის ამბების საგნათ. იმას გარეგნათ ისე ეკირა თავი, რომ მალალ წოდებაში თავის შესაფერი გავლენა არც ახლა დაუკარგავს: უმაღლესი გამგეობის აღვირები ხელში ეკირა და რასაც მოინდო-

მებდა, ყველაფერს ასრულებდა. ამ დროს დაესიენ მას თავის ქვეყნის კაცები, ნათესაობა და მეგობრები. ყოველ გაჭირვების დროს ისინი მიჰმართავდნენ ვალიდას და მის შემწეობით ბევრს მძიმე დამნაშავეს გამოუხსნია თავი ხიფათისაგან.

ვალიდას არ დარჩენოდა არც ერთი შინაური მეგობარი იერემიას გარდა, რომელიც შექმნილ იყო მის მესაიდუმლედ და ერთგულ აღმასრულებლათ ყოველი მისი ნებისა და განზრახვისა. ვალიდა სხვათა შორის ძალიან თანაუგრძნობდა იერემიას და მის დამოკიდებულებას სოვდაგრის ქალთან, უნდოდა ამ ქალის შერთვით გაეხედნენ იერემიას და ცხოვრებაში უზერუნველი გაეხადნა. ამის გამო იმან დაიახლოვა სოვდაგრის ქალი და იმის მამის ოჯახი. მაგრამ მათს ჯვარის წერას კი რაღაც ახირებული, აუხსნელი დაბრკოლება უდგა წინ: არც თვით იერემია ჩქარობდა ჯერ-ჯერობით შეუღლებას და სოვდაგრის მხრითაც არა ისმოდა-რა.

XVIII.

გამომძიებელმა დაგზავნა უწყებანი კულაშს და რკინის გზაზე დაიბარა მედუქნე საბაია გაპარიაშვილი და კონდუქტორი ნიკო ბაინდურაძე. ის დაუწვრილმანდა ესმას მკვლელობის საქმეს, განსაკუთრებით დიდათ საქირო იყო მისთვის, ცხადათ, თვალსაჩინო საბუთებით დარწმუნებულყო, რომ იერემია და იმისი ამხანაგები სწორეთ იმ დღეს, რომელსაც უანდარმის ოქმი იხსენებდა, — იერემიამ და მისმა ამხანაგებმა აბაშის დუქანში ჩხუბი მოახდინესო და რკინის გზის მატარებლით ქალაქისკენ გასწიესო. — კულაშს იქით არ გაცილებიან. თუ ეს საბუთი დამტკიცდებოდა, მაშინ ბახვა ფულავასი და მომაკვდავ ესმას ჩვენებაც მართალი იქნებოდა. აი. ამ გარემოების ასახსნელად დაიბარა გამომძიებელმა საბაია გაპარიაშვილი, რომელმაც ვაგონში დაასახელა კონდუქტორ ნიკო ბაინდურაძესთან ესმას მკვლელები. საბაიამ ისიც აჩვენა, მკვლელები რანაირათ ერიდებოდენ ნაცნობებს, როცა მის დუქანში შეიკეტეს კარები, და სალამოს მატარებლით როგორ დაბრუნდენ ისევე აბაშისკენ. გამომძიებელმა გაიხსენა კიდევ ერთი ამბავი: იმ დღეს, ვაგონში რომ საბაია გაპარიაშვილი ელაპარაკებოდა ნიკოია ბაინდურაძეს, — საბაიამ წარმოსთქვა ამგვარი სიტყვები: „გაჩუმდეს, ნუ შემუქრება, თორემ გამომძიებელს იმასაც კი ავუხსნი. მკვლელობის შემდეგ გივი ერთის თვის განმავლობაში სად იმალებოდა თავის ქრილობის მოსარჩენათ. თუ რომ გამომძიებელი კითხვით გამოიკვლევდა ამ გარემოებას გივისას, შეიძლებოდა მერე ის კაციც მიეგნო, ვისთანაც გივი წამლობდა. იქნება.

საბაიას არც გვარი, არც სახელი არ სცოდნებოდა იმ კაცისა; მაგრამ მისთვის საკმაო იყო სოფლის დასახელება. თუ სოფლის სახელს მაინც შეიტყობდა, მერე უეჭველად მიაგნებდა. საცა ერთი თვის განმავლობაში დაქრილი უცხო კაცი იწვა და წამლობდა. მოუხერხებელი იყო და არც შეიძლებოდა მთელის სოფლის თვალიდან დამალულიყო ეს გარემოება. უეჭველად იმ სოფელში იმისთანა კაციც ან ქალიც გამოიძებნებოდა, რომ ეს დაქრილი ენახოს წამლობის დროს და ამ კაცისა და იერემის დამოკიდებულებაც სცოდნოდათ, რადგან ასე მძიმეთ დაქრილი კაცი მარტო ვერ მივიდოდა იმ ოჯახში; უსათუოდ მიიყვანდა ვინმე და ამ ვინმეებს ან სოფლელი დაინახავდა გლეხისას მიმაჯალს, ან თვით გლეხი ეტყოდა ვისმე თავისიანს და შესჩვილებდა თავის საშიშს მდგომარეობას. ამ სახით, რაკი გამომძიებელმა ასე დაწვრილებითი პროგრამა შეადგინა თავის მომავალი გამოძიებისა ბოროტების ახალი საბუთების მისაკვლევად; შემდეგ გულ-არხეინათ მიჰყო ხელი კითხვას. საბაია გაპარიაშვილი რამდენჯერმე დაიბარა ამ საქმისათვის. მერე ცალკე გამოჰკითხა კონდუქტორს ნიკო ბაინდურაძეს, რომლის ჩვენება მხოლოდ იმიტომ იყო საჭირო, რომ იმას უნდა დაემტკიცებინა ყოველივე. რაც საბაია გაპარიაშვილმა ილაპარაკა მასთან ვაგონში. ბევრი რამ ნალაპარაკევი საბაია გაპარიაშვილისა დაეწიებოდა ნიკო ბაინდურაძეს; მაგრამ როცა თვითონ საბაია დაუყენა ნიკოს პირდაპირ და ის გაახსენებდა ხოლმე დაეწიებულ გარემოებას, შემდეგ ნიკო თანდათან უფრო ბევრსა და ბევრს ამბებს. ასაბუთებდა, რაც საბაიას მისთვის სხვადასხვა დროს ელაპარაკნა ამავე ესმას მკვლელობის შესახებ. მხოლოდ გამომძიებელმა ბევრი ვერა შეიტყო—რა გივის ავადმყოფობაზე. ვერც ის შეიტყო. ვინ იყო ის კაცი, რომელთანაც გივი ამხანაგებს დაეგდოთ. საბაიამ თქვა და ესეც საეჭვოთ იყო. რომ გივი უნდა დაეგდოთო ამხანაგებს სოფ. ძვერულაში ვილაც იერემიას ნათლიმამასთან.

თუ ეს ახალი ჩვენება საბაიასი მართალი გამოდგებოდა. გამოძიებელი დანარჩენს ყოველსავე ადვილათ გამოიკვლევდა. მხოლოდ მესამე ამხანაგისა კი ვერა თქვა—რა საბაია გაპარიაშვილმა. ის ამტკიცებდა ექვს გარეშე. რომ მის ღუქანში იმ დღეს სამს კაცს ეძინაო: გივის, იერემიას და მესამეს. მაგრამ ეს მესამე ვინ იყო, საბაიამ არ იცოდა; ვერც მისი სახე შეენიშნა და არც მიექცია ჯეროვანი ყურადღება. როდესაც გამომძიებელმა გაათავა თავისი გამოძიება ამ ორის მოწმის შესახებ და იმათ უჩვენეს ყოველივე; რაც მისთვის საჭირო იყო, ახლა სხვა გზას მიჰმართა მან.

გამომძიებელს ჰყავდა ერთი ჩაფარი. რომელიც შორაპნელი იყო და ამ ჩაფარობაში დაბერებულყო. იმას თავის სიცოცხლეში

ბარე ოცდაათამდის გამოეცვალა მაზრის მმართველები და გამოძიებლები. ბოლოს, ახალი სამოსამართლო წესები რომ შემოიღეს, იმან ირჩია უფრო გამომძიებელთან ყოფილიყო და პატივ-სადები მიზეზებიც ჰქონდა ამისა. მაშინ, როდესაც მაზრის მმართველები და მისი თანაშემწეები ხშირად უსამართლობას უშერებოდნენ: ხან ჯამაგირს არ მისცემდნენ, ხან მწარე მათრახის წვერსაც აგებებდნენ, გამომძიებელნი უფრო გულ-ლმობიერები და კაცობრივნი გამოჩნდნენ. ისინი ზოგჯერ ამხანაგურათ და მეგობრულათ ეპყრობოდნენ ამ ჩაფარს, იმას განსაკუთრებით ეს ახალი გამომძიებელი შეუყვარდა და, თუ რასმე დაასაქმებდა იგი, გველის ხვრელში გადაკრებოდა და შეიტყობდა. ის კარგათ იცნობდა ძევრის სოფელს, რადგან თვითონ ჩხარელი იყო და იქ იმ სოფელში ბევრი ნაცნობი და მეგობარი ჰყავდა. ერთ დილას, როდესაც გამომძიებელმა თავის ოქმები გაათავა და ახალი გამოძიების საქმე შეადგინა. მოიხმო თავის შორაპნელი ჩაფარი და ჰკითხა:

— სოფელი ძევრი იცი სად არის?..

— როგორ არ ვიცი, ბატონო! იქ დაებერდი და არ მეცოდინება?

— გყავს ვინმე ნაცნობი იმ სოფელში?

— ბევრი, ბატონო, — უთხრა ჩაფარმა.

— აბა, ერთს საქმეს მოგანდობ და ისე შემიტყვე. როგორც შენს გამოცდილებას შეეფერება.

— მიბრძანეთ, ბატონო, თუ კი რაიმე მოხერხდება. ჩემს საცადს, კარგათ მოგეხსენებათ. თქვენთვის არ დაეშურავ.

— მაშ, წადი და შემიტყვე. ვინ ჰყავს იქ იერემია წარბას ნათლიმამა, და, თუ მიაგრო, მერე ესეც შემიტყვე, ამა-და-ამ ხანებში ზომ არაეინ ჰყოლია მის ნათლიმამას ავათმყოფი: თუ ჰყოლია. ვინ წამლობდა მას. რა ერქვა იმ კაცს. ან თუ იციან. რა სენით იყო ის კაცი შეპყრობილი, რა გვარი იყო, რა ერქვა მას სახელად.

— ბატონი ბრძანდები. დღესვე გიახლები. თუ მიბრძანებ.

ერთ კვირას შემდეგ შორაპნელმა ჩაფარმა მოუტანა გამომძიებელს ზედმიწევნით შეტყობილი ამბები. სოფელს ძევრს ყოფილიყო ერთი გლეხი. გვარათ ქარქაშაძე. მოხუცებული, რომელსაც ყმაწვილობაში ქურდობის სახელი ჰქონდა დავარდნილი და ხშირად გადაჰყავდა ნაპარევი ცხენები ს. ბანძიდან ყვირილის ხეობით ყორნისის ხეობაში ოსეთს. ეს გლეხი ყოფილიყო მართლაც იერემიას ნათლიმამა და იმასთან წოდებული მხრებში დაქრილი რევოლვერის ტყვიით, სახელად გივი. წამლობდა მას თვით მოხუცებული ქარქა-

შაძე. გივი მიეყვანა ექ იერემიას. იმათ მესამე კაციც ახლდათო, რომელსაც იერემია ირაკლის უძახოდა.

იერემიამ ჩააბარა ავთომყოფი ქარქაშაძეს მოსარჩენათ. იგი დაექრათ, ვითომც წვეულებაში ჩხუბის დროს. იერემია და ირაკლი იმავე ღამეს ზემოთკენ წასულიყვნენ ცხენებით. ავთომყოფი ერთ თვეს წოლილიყო მასთან; საექიმო მიეცათ ხუთი თუმანი; გივი რომ მორჩენილიყო, ქუთაისისკენ წასულიყო და მას აქეთ აღარაფერი ვიცითო.

ესენი ყოველივე დაწვრილებით დასწერა გამომძიებელმა და შემდეგ ამ ჩვენების დასაბუჯითებლათ დაიბარა თვით ქარქაშაძეცა. ახლა მისთვის ექვს გარეშე იყო ბოროტ-მოქმედება იერემიასი. როდესაც ყოველივე ჩვენება სისტემით და კვალ-და-კვალ დასაბუთებით შეამზადა, შემდეგ დაიბარა უწყებით გივი და ჩააგდო საპყრობილეში. ის ჯერ უარზე იდგა, არაფრის ჩვენება არ უნდოდა, მაგრამ გამომძიებელმა დაუწყო ერთი-მეორეზე ზედმიყოლითი ჩვენებათა კითხვა, რაც საბა გაპარიაშიღს ეთქვა და აგრეთვე ქარქაშაძესაც. გივი ძალიან შეარყია ამ საბუთების კითხვამ, დაიწყო არეგ-დარევეთ ლაპარაკი; მაგრამ მაინც ძალიან უარს ამბობდა ყველაფერზე; უარი თქვა აგრეთვე საბა გაპარიაშიღის ცნობაზე და მით უმეტეს ქარქაშაძისა. მაგრამ, როდესაც მან დაიბარა თვით საბა გაპარიაშიღი და ქარქაშაძე, წაუყენა იგი პირში, მაშინ კი გივი სრულებით მოეშვა. იმან ამოუშვა ტირილი, დაიჩოქა და მუხლებზე მოღჩეია გამომჩიებელს ამ სიტყვით:

— ნუ დამღუპავ, ბატონო, ღმერთმა ხომ იცის, მე მაგაში საკუთრად არა ვარ დამნაშავე. ეგ სულ იერემიას საქმეა, იმან გაჩაბრიყვა, იმან გამრია ამ საქმეში. მე ცხოვრებაში მისი წერა შევიქენი. რაკი ერთხელვე ჩამავლო კლანჭი, ველარ დავაძერე თავი მის გავლენას.— როცა ამგვარათ მოიტირა და აღიარა თავის შეცოდება, შემდეგ დაიწყო:

— აღრე უნდა მცოდნოდა. რომ იერემიას ბედისწერა ვიყავი. უსაცილოდ დამღუპავდა. კიდევ იმიტომ გადამეკიდა ის წყეული აღრიდგანვე. ნეტავი არც ის მენახა და არც ჩემს დედას ჩაქსახებოდი. ეშმაკმა ამატრუა, თორემ რა მინდოდა ფოთში?.. მისელისთანავე იმან მომძებნა. მაშინ იგი ვახმისტრად იყო საღარაჯო ცხენოსანის ჯარში გაწესებული. ჯერ ამიყოლია დროს გატარებაში. მერე ისეთი გავლენა მოიპოვა ჩემზედ, ველარაფერში წინააღმდეგი ველარ გაუხნდი. ერთხელ კონტრაბანდის საქმეში გამრია და კინალამ დამღუპა. იმის ბარობით ექვსი თვე ვეგდე ფოთის სატუსალოში. ძლივს ჩემმა სიმატლემ მიშველა, თავი დავიწყველე იმასთან აღარ გავიპრომეთქი, მაგრამ ეშმაკს საღ დაემალეები, ან რანაირათ მოიგერებ?...

„იმ უბედურის წინა ხანებში ფოთში კიყავით და კონტრა-
ბანდი გამოვაპარეთ ერთ თათრის ვაჟის სახელობაზე. იმაში ავიღეთ
ათი თუმანი. მეორე და მესამე დღეს ქეიფი არ გაგვისხლეტია; კლო-
თობდით. როგორც უკანასკნელი სალდათი. იმ წყეულს ღვინო არ
ეკიდებოდა, არ მახსოვს. რომ ფეხი შეშლოდეს. მაგრამ გინდ ფხი-
ზელი ყოფილიყო. გინდ მთვრალი, ესმას სახელი მაინც ენაზე არ
სცილდებოდა, საოცრად უყვარდა ის მადიანი. რეცა ესმა გათხოვდა,
მას აქეთ იერემია გაცინებული არ მინახავს. სულ ასე იძახოდა, ბახვას
ესმა თუ არ მოვსტაცე, ჩემი სიცოცხლე არ მოხერხდებაო.

„მე ხშირად ვიყავი ჩემს სახლში. ბახვამ რომ ჩვენს სოფელში
თავადისშვილის სეული იყიდა, მერე. მეტი არ შეიძლება, ისეთი
კარგი მეზობლობა დაგვიწყო. ჩვენ ოჯახობაში ბევრჯელ გვისესხნია
მისგან ფული, სარგებელსაც არ გვახდევინებდა. ჩვენი სახლის კა-
ცებიც მომადლიერებული ჰყავდა. ჩვენს სოფელში ვერავინ ვერ
იტყოდა მის ცუდს. ცოლი და სიდედრი მაინც ღვთისნიერი ადამიან-
ები ჰყავდა. არ შეიძლებოდა ვაჭირვებული კაცისთვის ხელი არ
გაემართათ. ქირში და ლხინში არ გამოგვაკლდებოდენ. მითგან ყო-
ველთვის შესაწევარი მოგვდიოდა ხოლმე ამ შემთხვევაში. ესმას-
თანა მადლიანი ქალი მაინც არ მინახავს. როგორც ჩემს საკუთარს
ოჯახში. ისე ვიყავი მათთან მიღებული...

„გადამეკიდა ის წყეული იერემია და აღარც მომცა საშველი.
ერთხელ მისგან წიგნიც მივეუტანე ესმას; მაგრამ იმ მადლიანმა სი-
ახლოვესაც არ მიიკარა. ბარათი ცეცხლში ჩაწვა და მე ასე მითხრა:
„თუ ჩემი ოჯახის დაკარგვა არ გინდა, მეორეთ არ გაბედო იმ აბრა-
გისაგან წიგნის მოტანაო. მართლაც რომ ნამდვილი აბრაგი და ყა-
ჩალი იყო ის წყეული იერემია. რასაც გულში ამოიჭრიდა, საშველი
აღარ ჰქონდა, უსათუოდ უნდა აესრულებინა. გლახა პასუხი რომ
მივეუტანე, სულ გადირობა. რამდენჯერ უთქვამს ჩემთან: „ღმერთმა
ნუ ქმნას, თუ ბახვას გულ-ღვიძლი არ გადმოვყრევი და ესმა ცო-
ლად არ წამოვიყვანეო“. გადამეკიდა, საშველი არ მომცა, არავეითარი
უარის თქმა არ გამივიდა. ამ გზით რომ ვერა მომიხერხა-რა, შემდეგ
დამემუქრა: „თუ არ დამხმარებინარ, როგორც ძალი ისე დაგახჩობ
და ზღვაში გადაგადებ კისერზე ქვა-შებმულსაო. ბახვას სამგზავრო
ბოხჩაში (საკეოიაყში) ათასი თუმანი ფული აქვს და მუდამ თან ატა-
რებსო. იმ ფულს მოვსტაცებ და სულ შენ გადმოგცემ: ესმა მე დამრ-
ჩება, ფული შენაო. მეც ხშირად ვნიშნავდი, რომ სამგზავრო ბოხჩა
მუდამ მხარზე ეკიდა. ღმერთო, შეგცოდნე. მუდამ თვალი მრჩებო-
და ზედ. შინ რომ იყო, საცა ცოლ-ქმარი იწვენ, ბოხჩაც იქვე კედელ-
ზედ ეკიდათ. მე იმან უფრო გამაბრჩევა; ამდენის ფულის შოვნის

სურვილმა თავი დამაეიწყა. ბოლოს გადავწყვიტეთ წასვლა და ერთი ამხანაგიც თან წავიტანეთ. იერემიამ პლანი დაგვიწყო: „რომ აზრი არავენ შეიტანოს ჩვენზე. ფოთში უნდა დაეყაროთ ხმა, ტფილისს მივდივართ“. წინა ღამით მივედით აბაშას სადგურზე: იქ ერთ ჩემს მეზობელს თავლა ჰქონდა. სამი ცხენი—ჩემი ირაკლის და იერემიასი ერთ კვირას იქ გვება. რაკი ამ საქმის ასრულება გადავწყვიტეთ. მეორე დღეს აბაშაშიაც უნდა გაგვევრცელებინა ხმა, თფილისს მივდივართ, მატარებელს ვუტოვებთ. შემდეგ სამიკიტნოში სადილი უნდა გვეჭამა. იქ ჩხუბი აგვეტება მეგრელებისათვის, რომ ყანდარმს უწესოების მოხდენისათვის ჩვენთვის ოქმი შეედგინა. როცა მატარებელი ამოიღლიდა ფოთიდან. უნდა ჩამსხდარიყავით და თფილისისაკენ გამგზავრებულყავით: მაგრამ სამტრედიაში უნდა გადამხტარვიყავით შეუნიშნავათ. იქ საბაია გაპარიაშვილი კარგი ნაცნობი იყო ჩვენი. იმის დუქნის უკანა ოთახში დავბინავდით. საქმელი იქ მოვათხოვინეთ, შემდეგ იქვე დავიძინეთ საღამომდის. იმ დღეს იქ გარეშე კაცს აღარავის გამოეჩინებართ. როცა თფილისიდან მატარებელმა ჩამოიარა ფოთისკენ წასასვლელად, ჩვენც მაშინვე შევედით ერთს უკანა ვაგონში. საცა ცოტა მგზავრები ისხდენ. ამნაირათ იმავე ღამეს აბაშას მოვბრუნდით, შევსხედით ცხენებზე და ის უბედურება შეგვემთხვა. საქმით აღმოჩნდა, რომ მკვლელობის წინა ღამეს იერემია თფილისს გამგზავრებულყო. აბა. ვინ რა ექვს აიღებდა ჩვენზე ესმა ფულავა მკვლელობაში. რომ კიდევ აელოთ, ვინ დაიჯერებდა? ესმას სიკვდილი სულ უცაბედი შემთხვევა იყო, ღმერთმა ხომ იცის. მისი სიკვდილი არავის უნდოდა. იერემია გაგიყებულ იყო მისი სიყვარულით. აბა. როგორ მოჰკლავდა? ის კი არა. თავის თავი უნდოდა მისთვის შეეწირა. მას უნდოდა მხოლოდ მისი მოტაცება და არა სიკვდილი. მერე თვითონაც ნანობდა, თვითონაც ვერ აეხსნა კარგათ ეს ამბავი. გავგიჟდი. ბნედა მომივიდაო. არც მახსოვს. რანაირათ გავწირე ის უბედურიო. სულ ყველაფერს იმ შემთხვევას აბრალებდა, რომ ესმა ვერ დაემორჩილებინა. იმას საშინლად ეკბინა მკლავზე იერემიასთვის და ბახვაც დასწოდა. რომ ისე არ ექნა, ბახვა უსაკლოდ მოკლავდა იერემიას. მეც ბახვამ დამჭრა იმ ღამეს“.

გამომძიებელმა დაწერილებით დასწერა ეს ამბავი. აღუთქვა გივის შელავათი სამართლის მიერ: შემდეგ მესამე ამხანაგის ერეკლეს ამბავი გამოჰკითხა. ის ყოფილიყო საჩინოელი აზნაური. ნამსახური ცხენოსან ჯარში და იერემიას მეგობარი. ისიც დაიბარა გამომძიებელმა. მაგრამ მისი კვალი ვეღარსად მიაგნეს. როცა შეიტყო გივის დაქერა, მაშინვე გადავარდნილიყო. გამომძიებელმა გივი ისევ სატუსალოში გაგზავნა. თვითონ კი გამოსაძიებელს ოთახში დაიწყო

წინ-და-უკან სიარული. მის განიერს შუბლს რაღაც ნათელი აზრი დაჰკრთოდა, სახეზე გადახალისდა და უღვაწეებში სიამოვნების ღიმილი მოსდიოდა. ის გრძნობდა, რომ ამ დახლართულის ბორბ-მოჭმელების ახსნით შესამჩნევ ნაბიჯს წარსდგამდა წინ სამსაუ-ხურში. მას მოელოდა კარგი ადგილი.

XIX.

ერთს აედრიანს საღამოს აბაზ-აბადის ვიწრო ქუჩაში საათის მეშვიდეზე ძალიან გაჩაღებული იყო მეორე სართული ავეტიკა ზოვდაგრის სახლისა. როგორც დღე. ისე იყო ის ქუჩა განათებუ-ლი კანდლებისა და ლამპების შუქით, რომელიც სახლის ფანჯრე-ბიდან გამოქათქათებდა. გამელელ-გამომვლელებს მეტად უკვირდათ ეს ამბავი.--ახპერ. ეს რა მოსვლია ამ ქოფაკ ავეტიკასა?... ეა, სიკედილს ხომ არ უკბენია იმისთვისა?... მის დღეში ქონის სანთლისა, კრაქისა და ლამის ლამპის მეტი სახლში არ დაუნთია! კაცო, წინ-და-წინ ქე-ლესს არ იმზადებდეს?... აი, დაიღუპა მაგის ძუნწი თავი!... მოლაპა-რაკობდენ იმ დროს ხმა-მანლა ორი კინტო ამ ნათელს ქუჩაზე.

— კაცო. იქნება იმ საზამთროსავეით დარგვალეებულს თავის კატოს ათხოვებდეს?... — ეკითხებოდა მეორე.

— მეც ეგრე მოვკარი ყური. — დაჰკრა კვერი პირველმა.

— მე შენ ვითხრა, მზე-ქალსაც წაიყვანს თავის ოჯახში მისი ქმარი! — დაცინვით განაგრძო მეორემ.

— აი. გასწყვეა მაგის კუპრი თავი!... ხარაზის დაზგათ გამოადგე-ბა ქმარსა. დასძინა პირველმა.

ბოლოს ორთავ კინტოურათ დაიყვირეს: „ჰეი. ჰეი. შაუბე-როს!“... და ჩაიარეს.

ამ დროს მდიდრულათ მორთულ ოჯახში დიდი სარკის წინ იდგა ერთი დაბალ-დაბალი ძვალ-მსხვილი, კისერ-მოკლე და სალი-ანის ხიზალალ-თევზეულობით ჩასუქებული, გულ-მკერდ გადაშლი-ლრ ახალგაზნად ქალი. თხუნველა-ცხვირი მსუქან ლოყებში თითქმის არც კი უჩნდა. მსხვილი შავი წარბები ამ პაწია მუშტუკუნა სახეს შნოს აძლევდნენ. შუბლზე სქელი გრუზა თმა ჩამოჭყენოდა. ზედა ტუჩზე ოდნათ ამოკიკინებდა შავი ბუსუსი. თუმცა ამ ქალის შავ-გრემანი სახე არც ლამაზი იყო. არც წარმოსადგევი: მაგრამ სანდო-მობა და სილაზათე მაინც არ აკლდა. მისი მელნის-ტბასავით შავი თვალები ცეცხლის ნაპერწკლებს ისროდენ. იმას ეცვა წითელი ატლა-სის კაბა, გარეშემო დანაოჭებული ძვირფასი კრუეოეო შემოდგო-მოდა და მის საესე გულ-მკერდს ალამაზებდა. ბრილიანტის საყუ-

რეები და აღმასის გულსაკიდი სხივს ჰფენდენ მის თავ-კისერსა. აქორ-
რილს თმებზე ძვირფასი თვლებიანი ბუზამკალია შესჯდომოდა. ეს
იყო ავეტიკა სოვდაგრის ქალი. მეორე ახალგაზდა ქალი, ისიც შავ-
გვრემანი, პირ-ხმელი, მაღალის ტანისა გარს უტრიალებდა, თმას უკე-
თებდა და ტანსაცმელს უსწორებდა.

— ნეტავი შენ, კატო, რა ბედნიერი ხარ! — უთხრა მან — რა
კარგი საქმრო იშოვნე. იერემიასთანა მოხდენილი ვაჟაკი ჩვენს ქა-
ლაქში არ მოიპოვება. ნეტავ რა ქალი უნდა იყოს, მის გმირულს შე-
ხედვას გაუძლოს, რომ გულში არა გაივლოს-რა.

— დიალ. ეხლა შენც დამემუშტრე. უთხრა სიცილით კატომ.

— ქალო, ერთი ციდა ქუსლებიანი ბოთინკები მაინც ჩაიცვი,
თორემ რა გეშველება. საყდარში რომ წარდგები იმ უზარმაზარ-დევე-
გმირთან, რალა გამოჩნდები?.. მუხლებამდისაც ვერ ასწვდები სი-
მაღლით.

— არ გაგიგონია. რუსული ანდაზა: ოქრო პატარაა, მაგრამ
ძვირფასია, — უპასუხა კატომ და გაიკეთა მკერდზე მარგალიტებით
გარემოსხმული იაგუნდის გულსაბნევი.

— რაც უნდა თქვა, იმ დევგმირს მაინც ერთ ლუკმათ არ ეყო-
ფი. — გაუხუმრა პირხმელმა ქალმა.

— ისე გგონია?.. ვერ ხედავ ამ ჩემს დევგმირებსა?.. — ანიშნა
კატომ კოკრებზე, — მის სიცოცხლეშიაც ვერ მოლევს.

— ქალო, რა უნასს სიტყვებს ლაპარაკობ?.. გამოჯავრებით
უთხრა პირ-ხმელმა მანდილოსანმა.

— შენ კი გეხარბება, მაგრამ რა^აგაეწყობა. დიალ, ბევრი უტრი-
ალე, ლიზიკოჯან, იმ ჩემ ტარიელსა მაგრამ მაინც ვერ წამართვი, —
ამოსდო ხელი სიყვარულით ნიკაპზე კატომ და მხიარულათ უთხრა.

— გაჩუმდი, ქა, რაებს ჩმახავ? — ეგ უნასი ენა დაამაგრე. თო-
რემ თავსაც დაგანებებ.

— არა, გენაცვა, ლიზიკო. არ გამიწყრე, განა არ იცი, ჩემი
ბედნიერების წამია, მხიარულათ ვართ. განა შენ კი არ გესიამოვნება
ჩემი ბედნიერება?..

— შენ სულ ეგრეთი იყავი პატარაობიდან. არ გახსოვს, ინ-
სტიტუტში რომ გიმნაზიელებმა მიწერ-მოწერა გაგიმართეს და ჩვენ-
მა ზედამხედველმა ქალმა დაგიპირა?..

— სსუ, ქალო. ეხლა რა დროს მაგისტანებია? — ვინძლო, იერე-
მიასაც უთხრა? გაუხუმრა კატომ.

— კატოსთანა უსირცხვილო ვიქნები მაშინ. — უპასუხა ლი-
ზიკომ.

ეს პირ-ხმელი ქალი იყო კატოს ბიძაშვილი და სიყმაწვილი-დან მისი მეგობარი. ისინი თითქმის ერთად იყვენ შეზრდილნი, ერთი მეორის ბედნიერებაში გულთ მონაწილენი. კატოს მამა ავეტიკა აბ ბოლო დროს გამდიდრებულყო, მაშინ, როდესაც ლიზიკოს მამა გა-კოტრებულყო და ლარიბად ცხოვრობდა. ამისათვის ლიზიკო მუდამ კატოსთან იყო, ორნივე ერთ დროს სწავლობდენ ინსტიტუტში. კატო მეხუთე კლასიდან დაითხოვეს რალაც უმართებულო მოქმედე-ბისათვის.

გაათავა თუ არა თავისა და ტანის მორთულობა, კატომ აიღო ძვირფასი თვლებით შემკობილი სამაჯურები და ხელზე გაიკეთა. შემდეგ გაიარ-გამოიარა დიდი სარკის წინ. მიტრიალ-მოტრიალდა და უთხრა ლიზიკოს:

ქალო, კარგათ შემომხედე, ნატერის-თვალს არ ვგეჟარ?..

— მშვენიერათა გაქვეს ყოველიფერი, კატოჯან. საყდარში წა-სვლის მეტი არა გაკლია-რა. მერე მზაკვრობით უთხრა: ქა, პირზედა რომ გათეთრებულხარ?..

— სითეთრეში შენ კი ვერ დამცინებ, მაგრამ...

-- ვერც სიმალლეში განა, კატო!... ნიშის მოგებით ჰკითხა ლიზამ.

— არა, გეთაყვა, შენს მიმხმარს გულ-მკერდს არ დაუტოლო ეს ჩემი მადლიანი კოკრები?..

— ქა. კოკრების მაგიერათ რუმბები თქვა?.. სიცილით შე-ნიშნა ლიზამ.

-- ქალო. რას ამტეხინარ ამალამ? — გაწყვა შენი ფარგა თავი.

— ი!.. მეხი კი დავაყარე შენ კვატრუშა თავსა!

-- მოდი, ლიზიკო-ჯან, კმარა ჩხუბი, შევრიგდეთ.

კატო მიუახლოვედა ლიზას, გადახვია ხელი და გადაჰკოცნა. შემდეგ გაეშურნენ და დასხდენ ტახტზე. კატომ განაგრძო ალტ-კებით.

— რომ იცოდე, ლიზიკო-ჯან, როგორ მიყვარხარ?.. ნუ იფიქრებ, რომ ოდესმე მოგიცილო, ჩემო კარგო. რაკი ჯვარს დავიწერთ, შენც ჩემთან უნდა იცხოვრო. ასე ამბობენ, იმერეთში სულ იერე-მისათანა მოხდენილი თვალ-ტანადი ყმაწვილ-კაცებიარ. შენ ხომ გი-ყვარს იმერლის სილაზათე და კოპწიაობა. იცოდე, ლიზიკო-ჯან, იმერლის თავადიშვილს უნდა მიგცე... ჩემს მეზობლათ უნდა გავათ-ხოვო, ქალო! იერემიამ მითხრა, ჩვენს სოფელში სულ თავადიშვი-ლები ცხოვრობენო, მუდამ მისვლა-მოსვლა აქეთო და მშვენიერი დროს გატარება იციანო ერთმანეთში... ოჰ, ლმერთო ჩემო!.. მამა ჩემმა კი დანავსა ჩემი ბედნიერების დღენი. რაები არ ულაპარაკენია,

ქალო, ჩემს იერემიაზე. ქა, არ უნდა. რომ იმერეთს გავთხოვდე... იქაო. ყველანი ავაზაკი არისო... სულ ცხარის ცრემლით მატირა!... რომ დედას არა, კინალამ გული წამივიდა. მივარდა დედა და ასეთი დღე დაუთია. მიწაში გააძვრინა: შე, ვეშაპო, რა დაგემართა; რას ჩაგვეცივებიხარ. რათ მოგვინელეო!.. ასპიტი ხომ არა ხარ, შენი კბილით შენივე შვილები დასკამოვო!.. ჩვენ ღირსიც არა ვართ, იმისთანა კაცი ღმერთმა ხელში ჩაგვიგდო!.. რას დასჩხავიო შავი ყორანივით ჩემ კატოს ბედ-იღბალსა!.. რაები არ უთხრა, ლიზიკო-ჯან!.. იმას უნდა, ვილაც ლალუსტაანთ ნოქარია. იმას მიმცეს... მდიდარია!.. მამა. ჩემი თუ მდიდარია, რა ბედნიერება აქვს მითი დედა-ჩემსა? ნიადაკ ლანძღვა-გინებაში ვატარებთ დროსა. ქალაქში სირაჯსა და ზარაფს გვეძახიან. დიდ-კაცის ოჯახში ვერ შევსულვართ. ჩემი იერემია სოტნის კაშანდირია. გამოჩენილი აფიცარია! ვალიდას ნათესავია. ღმერთი ბედს მაძლევს. დიდ-კაცობაში ფეხსა ვსდგამთ... მამა ჩემი კი მუდამ დღე ჩაგვიჩინებს: რა ჩვენი საქმეა ბედოვლათ ქართველებთან საქმის დაქერა. ხარჯის მეტი იმათ რა უნდა მოგცენო?.. ერთი ჯეპარი დავიწერო, მერე მე ვიცი, ქალო, ამ ლაბაზნიკებში თავი მოკბეზრდა!..

რაკი წავალ იმერეთში, აქაურს ცას სულაც აღარ დაეინახავ. შენ მიყურე. ლიზიკო-ჯან, მე და შენ რომ სალონს გავმართავთ და მთელი იმერეთის საზოგადოება ჩვენს სალონში დაიწყებს სიარულსა. უჰ; რა ბედნიერი ვიქნებით!..

— აბა, შვილო. მოირთვე კიდევ?.. — შესძახა შემოსვლისთანავე კატოს მისმა დედამ, რომელიც ქართულს ხავერდის ქათიბში გამოწყობილიყო.

— დედი, მე მზათა ვარ. აბა შემხედე?... ამ დროს წამოდგა კატო და გაიარ-გამოიარა დიდი სარკის წინ.

— დედა გენაცვალოს, აღდგომის კვერცხივით აწითლებულ ხარ. შენ ისეთი მოხდენილი ხარ, ყოველიფერი დაგშვენდება. აკი მირომაც არ გააგეჟე იერემია?... რა მშვენიერად გიხდება თმაში ზურ-შეხტის ბუზამკალია!.. შემდეგ მიუბრუნდა ლიზას და წააქეზა „აბა, ლიზიკო, სტოლი გავაწყოთ: ხმელი ხილი. ტკბილეულობა. შამფანცკები და სხვატკბილი სასმელები შევამზადოთ. დაგვიანდა. მეცხრე საათი კიდევ დაიწყო. საცა არის სასიძოც მოვა“.

მოსამსახურებმა ამ დროს შემოიტანეს ვერცხლისა და ბროლის სერვიზი. ნათესავებმა ნელ-ნელა იწყეს მოდენა ზალაში. ყველანი მხიარულად იყვენ. მხოლოდ ავეტიკ სოვდაგარს რალაც ვულე უღრინავდა. აღარავის აღერსიანათ ხმას აღარ სცემდა. განსაკუთრებით მოსამსახურებებს აცხრობდა თავის ჯავრს; მაგრამ მაინც-

და-ძაინც დიდ ყურადღებას არავინ აქცევდა იმის ჯაჯლანს. რადგან იკოდენ იმისი ამბავი.

ამ დროს მოისმა ქუჩაზე გამალებული ეტლების რიხინი. ზალაში მყოფი სტუმრები ყველანი ადგენ და მიადგენ ფანჯრებს. „ვალაიდა, ვალიდა!“ — გაისმა საზოგადოებაში. ცოტა ხანს იქით მართლაც დარბაზში შემოვიდა იგი. პირველად მას მიეგება ავეტიკას მეუღლე თავის ქალიანათ: შემდეგ ავეტიკამ დაუკრა მდაბლათ თავი. „ეს რა ბედნიერი წამია ჩემთვის. რომ თქვენს ბრწყინვალეობას ვხედავ ჩემს საწყალ ოჯახში“, — მოახსენა ავეტიკამ. ვალიდამ დარბაზის-ღურად მოიკითხა ოჯახის პატრონები. დაჰკიცხა კატო და წარუდგინა მას იერემია. რომელიც მას უკან მოსდევდა. ვალიდა დაბრძანდა: მდიდრათ მორთულს ტაბტზე. გვერდით მოისევა კატო. ამის გვერდით დაჯდა იერემიაც. იმას ეცვა წითელი ატლასის ახალუხი სირმით გაწყობილი და შავი ეპოლეტებიანი ჩოხა. მისი ქამარ-ხანჯალი. ოქროთ-მოქედილი. ლამპრების შუქზე ელვარებდა. ცოტა ხანს შემდეგ სტუმრები აქეთ-იქით ოთახებში გავიდნენ. ვალიდამ წაიყვანა ავეტიკა და მისი მეუღლე ცალკე ოთახში მოსალაპარაკებლათ. დარბაზში დაჩენ მხოლოდ იერემია და კატო.

-- კატო. რა ბედნიერი ვარ ამ წამს!.. მე როგორ წარმოვიდგენდი, რომ შენისთანა ანგელოზი ჩემდა ბედათ. დაისახებოდა. შენი სიყვარული თან-და-თან სწვავს ჩემს გულს.

— კაცებმა ყველამ ეგრე იცით ლაპარაკი. სანამდის ჯვარი არ დაგიწერიათ, მერე კი ეს მხურვალე გული მყინვარზე უფრო ცივი გახდება. — უთხრა კატომ და მოჰკიდა ხელი წითელ ატლასის ახალუხის ღილს. თითქოს ცდილობს იმის გახსნას.

იერემიამ უცებ აკოცა ამ პუტკუნა ხელს.

კატო ამ დროს აბრეშუმით ნაქარგ ყურბალიშზე მიესვენა. იერემია ინსტიკტურად მიჰყვა მის ნებას. შემოხვია თავის მძლავრა ხელები წელზე და გულის თქმით დაეკონა ქალის მკერდს. კატო მიიბნინდა. ზედა ტუჩები ასწია და მარგალიტის ფერი ტუჩები კბილებზე გამოაჩინა. იერემიამ გიჟურათ ჩაკიცხა მისი ტუჩები და ერთხანს ორივე იყვნენ ასე ხმა-გაკმენდილნი. უცებ ვალიდას შემოსვლამ გასწყვიტა ეს ნეტარი წამი. იმას შემოჰყვეს კატოს დედ-მამა და სხვა შინაური სტუმრებიც. ვალიდას ხელში ეჭირა ორი ნიშნობის ბეჭედი. იგი მოუჯდა კატოს გვერდით და იმას და იერემიას ბეჭედი შეუუცვალა. ამას შემდეგ მთელმა საზოგადოებამ მიულოცა დანიშნულებს. კატოს დედის ბედნიერებას საზღვარი არ ჰქონდა. იმან გადაჰკიცხა ახალ-დანიშნული ქალ-ვაჟი და შემდეგ იერემიას აღარ მოსცილებია. ვალიდა იდგა. მივიდა მაგიდასთან. აიღო შამპანურით სავსე ბროლის

კათხა (ბაქალი) და დალია ახალ დანიშნულების სადღეგრძელო. სტუმრებმაც დალიეს მათი სადღეგრძელო.

ამ წუთას მხოლოდ ერთის კაცის სახეს რაღაც უსიამოვნების დრუბელი ჰქონდა გადაკრული, თუმცა კი ნაძალადევათ მხიარულობდა. ეს იყო ავეტიკა. როცა ყველანი ალტაცებაში იყვნენ გართულნი. შამპანიურებს სვამდნენ, იერემია კატოს ეტრფიალებოდა, ავეტიკას მეუღლე იღებდა მხიარულად მილოცვას, ხან ერთთან იყო, ხან მეორესთან და ყველას შამპანურს. ხმელ ხილს და ტკბილეულობას აწოდებდა, ამ დროს უეცრად დარბაზში გაჩნდა პოლიციის ბოქაული. იმან დაინახა თუ არა ვალიდა. ცოტა არ იყოს. შეკრთა და ზრდილობიანად წარმოსთქვა:

— უეცრავად, რომ ამ უდროვო დროს შემხვდა მე აქ ხლება. მაგრამ კანონი ძალას მატანს.

მთელს საზოგადოებას თავზარი დაეცა, ყველამ ხმა გაჰკმინდა. ერთხანს ისეთი სიჩუმე ჩამრვარდა, ბუზის ბზუილს გაიგონებდა კაცი. ვალიდა განცვიფრებული შესცქეროდა პოლიციის ბოქაულს, უნდოდა საჩქაროთ მოესმინა ამ უდროვო დროს მისი მოსვლის მიზეზი.

— მე ვარ გამოგზავნილი იერემიას შესაპყრობათ. რომელსაც ბრალდება ბანკა ფულავას ცოლის მკვლელობა.

კატომ იწივლა და გული შემოეყარა. მისმა დედამ აგრეთვე მორთო კივილი. „წყალი. წყალიო!“ — გაისმა საზოგადოებაში. ვალიდა გაფითრდა. მაგრამ იმდენათ შეიკავა თავი, რომ ბრძანებლობის ხმით უთხრა პოლიციის ბოქაულს: „თქვენ მიბრძანდით და უთხარით ჩემ მაგიერათ პოლიცემისტერს. რომ ხვალ დილას იერემია ჩემთან იქნება და. როგორც ენებოს. ისე მოიქცეს. ახლა კი დრო არ არის!“

პოლიციის ბოქაულმა პატივისცემის ნიშნათ დაუკრა თავი და წავიდა. ავეტიკას მეუღლის მწუხარებას საზღვარი არ ჰქონდა. გულ-შეწუხებულს ქალს უცბათ გაუხსნეს კარსეტი და ასხეს ოდეკოლონი. ის წამის-წამს ვარდებოდა უგრძობლობაში. რომ აღარა ეშველა-რა. ვეღარ მობრუნდა. ბოლოს აიყვანეს და ციმციმ შეიტანეს საწოლ ოთახში „ეკიმი. ეკიმიო!“ — გაისმა ხმა. ავეტიკა გაეარდა და აფრინა ბიჭი ეკიმზე.

ამ საზოგადო არეულობაში თითქოს მცირეოდენ მონაწილეობას იღებდა მხოლოდ ორი პირი. ისინი სრულებით გაშეშდნენ. ერთი მათგანი იყო იერემია, რომელმაც შემადრწუნებელი გამომეტყველება მიიღო, მის სახეს დაეცა რაღაც ბინდი, წვერ-ულვაში აბურძგოდა, მსხვილი შუბლზე გადახლართული მისი წარბები კიდევ უფრო მოიღუშნენ. წარბებს ქვემოთ დემონური თვალები გიჟურათ გამოიცქირებოდნენ. თვით იერემია აღდგომის კელაპტარივით იყო აყუდებუ-

ლ, გრუხა თმა აქოჩვოდა და სატანის რქებს დამზავავსებოდა. მეორე მხრით იღდა ვალიდა, რომელსაც მობერებული მთვარის ფერი გადევრა სახეზე. იგი მდიდრულს თეთრ-ბრწყინვალე ტანსაცმელში ისე გამოიციქირებოდა, თითქოს ანგელოზი ჩამოფრენილიყოს ზეციდან და შებრძოლებოდეს სატანას, რომ საწყალი კატოს სული დაიხსნას იმის ხელიდან. ერთხან ამ ენით გამოუთქმელს მდგომარეობაში დარჩა მთელი საზოგადოება. მისს შეწუხებულს მეუღლეს, რომელსაც აქამდის „ეის“-ს და „უის“-ს ძახილი ვერ შეეწყვიტა..

-- დამშვიდდით, აქ რაღაც მტრობაა, რომელსაც მე ვერ მიმხვდარვარ. მაგრამ მოგცემთ პატიოსან სიტყვას. მე ჩემის ნათესავის გულისათვის თავს დავსდებ. თუ საჭირო იქნა. თვით მთავარ-მართებელს მუხლებს მოვეუყრი და იერემიას არას გაეუქირებ, — ანუგეშა ვალიდამ კატოს ღელ-მამა. შემდეგ გადახედა იერემიას და უბრძანა: „აბა, წავიდეთ“.

იერემია დარეტიანებულებით უკან გაჰყვა ვალიდას, თუმცა იმ დროს იქნება სრულებითაც არ გრძნობდა. ვის მიჰყვებოდა. რისთვის და ან სად მიდიოდა.

სტუმრები უცბათ წავიდენ. დარჩა დარბაზში ავეტიკა თავის მოკრიახე მეუღლით მარტოდ-მარტო. ყოველ მისს „უი“-ს დაძახებაზე ავეტიკა გაჯავრებული შესძახებდა: „ზანრუმალ!.. მაშ მე ვირის მომდენი ვიყავი, რომ გაფრთხილებდი. რაზბოინიკს ქალს არ მივეცემ-მეთქი?... აი. ეხლა მიბრძანდით შენ და შენი ქალი და გკოპწიავეთ, ეალერსეთ იერემიას მეტეხის ციხეში!“...

მეორე დღეს მთელს ქალაქს მოეფინა ეს ამბავი, რომ იერემია დაუქერიათო, მკვლელობას აბრალებენო!

ცოტა არ იყოს. ვალიდასაც ეცხებოდა ჩირქი ამ გარემოებით. ბევრი მითქმა-მოთქმა შეიქნა, მრავალნი სავაჭრო კლუბის საზოგადოებასაც ამტყუნებდენ; ამბობდენ, რომ კლუბის წევრები ძალიან განურჩევლად იღებენ ახალ წევრებსაო. ქურდსა და ავაზაკს კარი გაღებული აქვს პატიოსან საზოგადოებაშიო. ერთს სადამოს ამ გარემოების გამო თვით სავაჭრო კლუბში ჩოჩქოლი ატყდა, მაგრამ იქ ერთმა გამოცდილმა ვაქარმა დააშოშმინა: „რაო, ვითამ რა მოხდა?... იერემიას მკვლელობა დასწამეს?... დიდი რამე ყოფილა! განა ჩვენს შორის კი ცოტანი არიან, რომ იერემიაზე უარესი ბოროტება ჩაედინოსთ? აი, ნახავთ, რომ იერემია კიდევ შემობრძანდეს ჩვენს კლუბში და ისინი, ვინც მას ზიზლით იხსენებენ კიდევ. მისი ყურმოქრილი ყმები გამხდარიყონ!“...

გასულ გიორგობისთვის ქ. ქუთაისში ერთს დაბალ-ქერიანს დუქნის უკანა ოთახში დილით ადრიაანათ იჯდა თმა-გაშლილი და უღვაშებ-აბუბგული დიდ-მუცელა კაცი, რომელიც თვალებ-ამღერ-ული გაჰყურებდა პაწია სარკმლით ქუჩაზე. გაღმით აიმაბრებოდა ორ-სართულიანი ქვეთკირის შენობა, რომლის დიდი კარები წამის-წამ იღებოდა და შიგ სასამართლოს მოსამსახურენი შედიოდნენ. ყოველ კარის გაღებაზე და კოკარდის დანახვაზე იმ კაცს სახე ექმუ-ნებოდა. ეტყობოდა, რომ მას არც ეს სასამართლო მოსწონდა. აოც ეს კოკარდიანი კაცები. ყველას წყევითა და კრულვით იხსენებდა. იმ კაცს რალაც გარემოებით გული ჰქონდა დაჩაგრული. ამ დროს გაიღო დაბალი კარი ოთახისა და შემოვიარდა ჩერქეზულს ტანისამოსში გამოწყობილი ცალ-გვერდელა. თვალებ-გადმოკაკლული და მანქია კაცი. ისეთი სისწრაფით შემოვიარდა ის. რომ კაცს ეგონებოდა დუქან-ში ცეცხლი გაჩენილაო და უნდა ეს დაღვრემილი კაცი უბედურებას გადაარჩინოსო. — „ახალი ამბავი, ახალი ამბავი!“ შეჰყვირა იმ მანქია კაცმა. გულ-დაბურულმა კაცმა ნელა მოიბრუნა სახე და ყურთა სმენათ გადიქცა. — „იერემია ჩამოუყვანიათ ქალაქიდან და სატუსალო-შია გამოქიმული.

ამ სახელის გაგონებაზე ის კაცი, რომლის სახეც აქამდის და-ღონებისა და სასოწარკვეთილების მეტს არას გამოხატავდა, უცბათ წამოვიარდა ადგილიდან და გალალმულს წელზე უნებურად მოისვა ხელი. თითქოს ხანჯალს ეძებსო. თვალები გადმოაბრიალა და შე-ძახა:

— რას ამბობ?

— ნამდვილ მართალს ვამბობ. — გამომძიებელს ყველაფერი აუხსნია, გივი დაუქირავს. რომელიც გამოტეხილა. ამ სახელის გაგონებაზე დიდმუცელა კაცი ისევ უცბათ მოეშვა. თითქოს თავზარი დასცემოდეს და ჩაიკეცა სკამზე უძლურათ.

როგორც მკითხველი მიხვდება, ეს კაცი იყო ბახვა ფულავა. ხოლო ამბის მთხრობელი — მისი ვეჭილი წუნკალა ჩაფხუტაძე.

— რას შეწუხებულხარ?.. ვაეკაცი არა ხარ?... — შესძახა წუნ-კალამ. — ძლივს გასჭრა ბოლოს ღეთისა და კაცის სამართალმა. ბო-როტ-მომქმედს აწ კი აუგებენ წესს.

— ვინ იცის. ფონი ჯერ კიდევ გასავალს არის. იმას ძლიერი პატრონი ჰყავს, კიდევ გამოძვრება. — წარმოსთქვა უიმედოთ ბახვამ.

— ბრალდებითი ოქმი კიდევ ჩაუბარებიათ იერემიასათვის. ამ ერთ კვირას უნდა განიხილონ მისი საქმე ოლქის სასამართლოში. ჭე-

თაისში დიდი მითქმა-მოთქმაა ამ საგანზე. ბევრსა სწყინს. ბევრი კი მხიარულია. ის აქამდისაც უნდა გაეგზავნათ კატორგაშიო. რაც იმან ცუდი საქმეები ჩაიდინა. საკვირველია. აქამდისაც როგორ დადის დედამიწაზეო? — იძახიან ყველანი.

- ბანვამ გადმობლანცა თვალები. დააბჯინა მაგიდაზე ნიდაყვი. ჩამოსდო ხელზე ნიკაბი და ასე ვაშტურებული ყურს უგდებდა ვეჯილის ლაპარაკს. მის სახეზე ორნაირი აზრი იხატებოდა: ერთი თავმოცემულობისა. როცა კაცი უიმედობაშია ჩაქარდნილი და მეორე ამბის მოსმენისა, რომელიც ნახევრად სჯეროდა.

-- ძალიან არ მოახერხა გამომძიებელმა??.. ჩინებული კაცი ყოფილა. — დაიწყო წუნკალამ. — ჟანდარმის ოქმი რომ აღმოჩნდა. მითი მტკიცდებოდა, რომ იერემია იმ ლამეს ქალაქს წასულიყო. როცა შენი ცოლის მკვლელობა მოხდა. შემდეგ აღარავითარი საბუთო, არც შენი ჩვენება და არც ესმასი სიკვდილის ეამს პატივდებაში აღაო იდო მისაღები. ისე იყო წაყვანილი საქმე. რომ გამომძიებელს კანონი ძალით უნდა წარედგინა მოსასპობათ. მაგრამ დახე იმის ქკუის გამჭირა-ხობას, მის სულგრძელობას!.. რაკი ერთხელე ექვი შეიტანა. თუმცა ივალსაჩინო საბუთი არა ჰქონდა. ზაინც საქმეს აღარ მოეშვა. დროებით მიივიწყა იგი. თუმცა თვალგათვაციკებული ეძებდა ყოველგან. რომ რაიმე კვალი მიეგნო ბოროტ-მოქმედებისა. ჭეშმარიტად განგებაა, თორემ რალა იმ ვაგონში მოხვდა. საცა საბაია გაპარიაშვილა კონდუქტორს უყვებოდა თავის თავგადასავალს. იმ ლამის ნალაპარაკევი ერთი სიტყვაც არ გამოპარვია გამომძიებელს. რომელიც თურმე მიზნელელების ვაგონის კუნჭულიდან ყურს უგდებდა. შემდეგ აკვლია. იკვლია. დიდხანს იკვლია საქმე. ბოლოს იმ გლენსაც კი მიაგნო, რომლის ოჯახშიაც გივი წოლილიყო შენგან დაქრილი. ბოლოს სტაცა გივის ხელი. ჯერ თურმე ძალიან უარზე დადგა. მაგრამ როცა პარში წაუყენა საბაია გაპარიაშვილი და თვით მისი მომჩინელი გლენიც, მაშინ კი წახდა თურმე. დაიწყო უირილი, ყოველიფერს აქ საქმეს იერემიას აბრალებდა და ეხვეწებოდა გამომძიებელს ვუღანსდილათ გამოტეხისათვის. დასჯის შედავათს. გივი ჩააგდეს სატუსალოში და იერემია მოაყვანიან ქალაქიდან დაქერილი. იმასაც პირველად წაუყენა გივი. წახდა. თურმე ფერი ეცვალა. ისე გახდა. როგორც ყვითელი ზაია: მაგრამ დახე იმის გაუტეხლობას!.. პასუხი შეიტანა. რომ გივიმ ყოველივე მტრობით გადმომამბრალაო. რადგან ფოთში ყოფნის დროს კონტრაბანდის გაშობანაში დავიჭირე და 6 თვე ფოთის სატუსალოში გამოაღპესო.

იერემიას ჩვენი ენატანტალა ვეჭილი სივილა აუყვანია. როგორც კი დაუჭერიათ იერემია. მაშინვე სივილა დაუბარებიათ თფი-

ლისს, ფული წინ-და-წინ მიუციათ და დაჰპირებიან გაგაკეთებთო, ოღონდ მოეხმარე იერემიას და ამ ხიფათისაგან გამომიხსენიო. ესეც მაშინვე გაქცეულა ფოთში. შეუტყვია იქ ყოველივე გივის ამბები, მაშინდელი იერემიას ამხანაგები ყველა უნახავს და ისინი მოწმებით დაუნიშნავს თვით გივის გამოძიების საქმე დაწვრილებით შეუსწავლია. ფოთის დამოუკიდებელი მის შესახებ გამოძიების კოპიოები გამოუტანია და უნდა ყოველი ღონისძიებით დაამტკიცოს, რომ ეს ბოროტმოქმედება თვით გივის საქმეა და იერემია ვითომც შიგ მტრობით იყოს გაბმული.

სანამდის წუნკალა ამ ამბის ლაჰარაკში იყო. ბახვას თან-და-თან ერეოდა ბრაზი და ბოლოს რომ ველარ მოითმინა. წამოვარდა ზეზე ამ სიტყვებით: „ჰოი, მაგათი სული აღარ იყოს!.. იტყვიან სამართალია ქვეყანაზეო!.. სივილას რომ ღინდისის ნატამალი ჰქონოდა, აგრე მოიქცეოდა?.. კაცის მკვლელს და მთელი ოჯახის ცეცხლზე დამღებს გაუხდებოდა მფარველად?.. ვთქვათ; იერემია დასაკარგავია, მაგრამ ეგ სივილა ძალივით დასახჩობია!.. განათლებაო!.. მაგისტვის იზრდებიან უნივერსიტეტებში, რომ ქვეყანა გარყვნან და საწყალი კაცი ამოიქამონ?.. აწ რაკი მაგნაირი კაცების სინსილა გამრავლდა. საწყალ კაცს როგორღა გაეძლება ქვეყანაზე“; — დაჰკრა ბახვამ ჯავრიანათ მუშტი მაგიდაზე.

— დამშვიდდი. ბახვა. ვერას იზმენ, იერემიას დღე დათვლილია. შენი გულის წადილი არ შეიძლება, რომ არ ასრულდეს. ღმერთი არ დაგჩაგრავს მართალ კაცს.

— ეჰ. ძმაო, ესე რომ იყოს. მაგისტანა კაცებს როგორ უნდა ედგომებოდეს ქვეყანაზე, რატომ შეხი არ უნდა დაეცესთ!.. მაგრამ არა. ძმაო. ქვეყანაზე პირუტყვობის მეტი არა არის რა. — ბახვამ დაიწყო გაცხარებით ოთახში სიარული.

ამ დროს ოთახში შემოიმართა ერთი წითელ-წვერა, პირ-ხმეღლი მაღალი კაცი, რომლის თვალები ვერცხლის წყალივით აქეთ-იქით დასტოდენ თვალის ქუთუთოებში.

წუნკალას მის შეხედვაზე რაღაც ახირებული თრთოლვა მოუვიდა. ბახვამ შეასწრო თუ არა თვალი ამ კაცს. მიუბრუნდა წუნკალას და მეგობრულათ უთხრა: „თუ ძმა ხარ, ცოტა ხანს დუქანში გაისეირნე“. ვეჭილმა იჭვიანათ შეხედა ბახვას და კარი გაიგდო. მის გასვლისთანავე კარები ჩაჩაზეს. მერე ბახვამ მისცა ხელი მეგობრულათ ახალ მოსულსა.

— მე გუშინდამ ჩამოვედი ქალაქიდან, — დაიწყო წითელ-წვერაბ. — როგორც პირობა გქვონდა, ისე მოვიქეცი. იერემიას სადგომი მივიკვლიე. მისი მოსამსახურე დავიმეგობრე; გავანდე ყოველიფერი,

შენი უბედურებაც დაწვირლებით ვუთხარი, სულ გული ავეუტირე. ძალიან შეებრაღე, შემწეობასაც დამპირდა. ვერ წარმოიდგენ, დავასკენით პირობა, იმ კვირის სწორისათვის უნდა დავსხმოდით თავზე... იერემია ქალაქში პირველი კაცი ყოფილა. მის სახლში, აფიცრიდან მოკიდებული გენერალმდის, ყველანი დადიოდნენ. ორი ბედაური ისეთი უბია სახლში, რომ ძმასა და ძმას შუა თითო სამას მანეთად არ გაიციმა. უეტლოდ ფეხს არა სდგამს. მთელი პოლკის ხარჯი და მზრუნველობა მის ხელში ყოფილა. ამ ორი კვირის წინათ ერთი მდიდარი სოფ-დაგრის ქალი დაენიშნა და დიდებულ ქორწილს ემზადებოდა. ჩვენ გვინდოდა ქორწილის წინა ღამეს დავსხმოდით თავზე. შენთანაც მინდოდა ერთი ამხანაგი გამომეგზავნა, რომ დროით ჩამოსულიყავი; მაგრამ ნიშნობის მესამე ღამეს იერემია დაიპირეს და მეტეხში ჩასვეს: თურმე შენი ცოლის მკვლელობას აბრალებენ და გამომძიებელს კიდევ დაუმტკიცებია მის ბოროტ-მოქმედებაო.

— მაღლობა ღმერთს, — ჩაილაპარაკა ბახვამ თავისთვის.

— ახლა, ძმაო. — განაგრძო ახალ-მოსულმა, — რაც ფული მომეცი, კიდევ დამეხარჯა საქმეებზე. ის კი არა, ცოტა ვალიც წამომყვა. იერემიას მოსამსახურეს ოცდაათი თუმანი მივეცი. ჩემი ამხანაგები საშველს არ მაძლევენ: რჩენა გვინდა, ფული მოგვეცი, თვარა ან მოგკლავთ, ან დაგიპყროთ და მთავერობასთან წარგადგენთო. ჩემისთანა უბედურს მდგომარეობაში კაცი არ არის. ერთი წამის მოსვენება არა მაქვს. ყველასი მეშინია. შინაურისა და გარეულისაც.

— რამდენი გინდა?.. შეეკითხა ბახვა.

— ოცდაათი თუმანი; თუ არ მომეცი, მე აქედან ვერ წავალ.

— ძმობამ, ახლა. ამ ოცის თუმნის მეტი არა მაქვს. წაიღე და ამ ცოტა ხანში კიდევ მოგაწვდენ.

ახალ მოსული სახეზე გახალისდა.

— აწ როგორ უნდა მოვიქცეთ?.. — დაითვალა ფული თუ არა. ჰკითხა ბახვას ახალ მოსულმა.

— ჯერ-ჯერობით, შენ აღარა ხარ საქირო. ვუკუროთ სამართალს. იერემია დაქერილი ჩამოუყვანიათ ქალაქიდან. ამ კვირაში გაასამართლებენ. თუ სამართალმა ჩემი სისხლი ამოიღო, ხომ კარგი, თუ არა და მე მაგ საქმეს თავს ვერ დავანებებ. ცოლის სიკვდილის შემდეგ მე ცოცხლებში აღარ ვურევივარ. აღარც სიკვდილისა მეშინია და აღარც ციმბირისა. ჩემთვის სულ ერთია. ჩემს გულს მარტო ერთი რამე დაამშვიდებს: ან იერემიას მოკვლა, ან ციმბირს ვაგზავნა, მანამდის მე სახრჩობელა მაქვს კისერზე მობმული. დღე და ღამე სისხლი მომწოლია კისერში და მახრჩობს. ცოცხლად ტანჯული შევიქენი, სანამდის იერემიას დასჯილს არ დავინახავ, მეც ამ ტანჯვაში უნდა ვი-

ყო მეტის ჯგერისაგან ხანდახან სიგიჟეც მომდის, შინაგანს ცეცხლს ღვინით ვანელებ ხოლმე.

— შენი ნებაა. მოეუცადოთ. მაშ მეცა და ჩემი ამხანაგებიც მანამდის შენს სამსახურში ვითვლებით.

— დიაღ. ასლა ამ მსარეს გაეცალეთ. არაეინ შეგნიშნოთ. ხოი იცი. პოლიცია თვალს გადაევენებს.

— ჩვენ ამალამე მოვკურცხლავთ გურიისაკენ.

— არაყს არ დალევ? -- ჰკითხა ბახვამ.

— კარგი იქნება.

ბახვა თვითონ გავიდა დუქანში და ერთი დიდი ჭიქა არაყი გამოუტანა ახალ-მოსულს.

მან გადაშუშა. გაჰკოცნა ბახვა, რომელმაც გზა დაულოცა. და გაჰქრა ოცახიდან.

XXI

წუნკალა მეტად აღელვებული შეიქნა. ის თუმცა გავიდა დუქანში. მაგრამ ისევ მალე დაბრუნდა და ფეხ-აკრეფით მიეპარა დუქანის ოთახს, საცა ბახვა და ახალ-მოსული საუბრობდენ. იმან კარის ქვრიტიმალაში მიადგა ყური და მოისმინა ყველაფერი. როგორც კი იმათ საუბარი გაათავეს, წუნკალა გახტა ისევ დუქანში და წინ შეჩრგვება ბახვას. რომელმაც მდუქვნეს ერთი ჭიქა არაყი ჩამოასხმევინა სტუმრისთვის. ბახვა წუნკალას თავისი ყოფა-ცხოვრებით ხელში ჰყავდა ჩაგდებული და გაფრთხილებული იყო მუდამ. რომ ვისმე გარეშე კაცს აღარ დაეჭირა მასთან საქმე. ახალ-მოსულის ნახვა და ბახვასთან საუბარი არაფრად იამა მას. განსაკუთრებით, როცა მათი საუბარი მოისმინა. სულ გადუტრიალდა გული. აი, სად ხარჯავს და რა კაცებს აძლევს ბახვა თავის ამოგებულ ფულებს?.. იმან იცნო, ვინც იყო ის ახალ-მოსული. მას ციმბირელი წინათაც ბევრჯელ ენახა და ამ ბოლო დროს მაინც იმისი და იმის ამხანაგების მოქმედებით ქვეყანა იყო აყაყანებული. პოლიცია და მთელი გუბერნიის მთავრობა თვხზე იყო დაყენებული. უნდოდათ რამენაირათ ან მოეკლათ, ან დაეჭირათ ავაზაკების მოთავე. ახლა წუნკალასათვის ორნაირათ საქირა იყო ის ახალ-მოსული. მას ციმბირელი წინათაც ბევრჯელ ენახა და ფულისგან სცილიდა. იმან მაშინვე განიზრახა პოლიციისათვის შეეტყობინებინა მისი ქუთაისში ჩამოსვლა; მაგრამ ჯურ უნდოდა თვით ბახვასთვის გადაეცა, რომ ყოველივე კავშირი გაეწყვიტა ციმბირელთან. რომ პოლიციას ხიფათი რამე არ აეტეხნა ბახვასთვის და იმათ კავშირის კვალს არ წაწყდომოდა. მეორე ესეც ჰშურდა. რომ ბახვას

ჯულები ციმბირელს მიჰქონდა. რადგან იცოდა. ადრე თუ გვიან ყველა ბახევას ფულები მის ხელში უნდა გადასულიყო. მას აქეთ. რაც სასამართლომ სისხლის სამართალში მიცემა გადუწყვიტა ბახევას „პოდლოგებისათვის“. წუნკალა მარჯვე დროს ეძებდა დაეტყუებინა მისთვის ვექსილები ორი იმდენის შეძლებისა. რაც ბახევას ებადა. იმან იცოდა. რომ დღეს თუ ხვალ ბახევას დაამწყვდედნენ სატუსალოში. მას სურდა მანამდის მოეხდინა ესე ყოველივე. მაგრამ ჯერ მარჯვე დრო ვერ ჩაეგდო ხელში მოსალაპარაკებლათ.

წავიდა თუ არა ციმბირელი, იგი მაშინვე შეეპარდა გულ-გახებობილი ბახევასთან და ჰკითხა:

— ის კაცი ვინ იყო?

— ერთი ჩემი ძმა კაცი იყო. იმას ბევრი ამაგი მიუძღვის ჩემზე. — უთხრა გულ-დამშვიდებულათ ბახევამ.

— რა უნდოდა აქ?..

— ჩემ სანახავათ მოვიდა.

— აბა, მე გეტყვი, ეგ ვინც არის. ეგ ციმბირიდან გამოქცეული არ არის. პოლიცია რომ დღე და ღამე დაეძებს?

— რას ლაპარაკობ. წუნკალა?.. განა ეგრე მიცნობ. ციმბირელებთან დავიჭერ საქმეს?

— ბახევა. კმარა ხუმრობა. სიმონა ციმბირელს მოხარშულსაც ვიცნობ. მე არ ვიყავი მაგის ვექილი. კაცის მკვლელობისათვის რომ ასამართლებდნენ?.. პოლიციამ რომ შეიტყოს. ხომ შენც მაგასთან გაგდაგრავეს!

— შენ არ ეტყვი და სხვამ არაფერ იცის. — ღიმილით უთხრა ბახევამ.

— აგრე გგონია! დუქანში შემოვიდა პოლიციის მეთვალყურე, გამიხმრ განზე და მკითხა: „სიმონა ციმბირელი ჩამოსულა ქუთაისს და ამ დილას ამ დუქანთან გაუვლიაო. შენ ხომ არ მოგიკრავს თვალიო“. მე დავუფიციე — არ მინახავს-მეთქი. რა გვეშველებოდა, რომ შენი ოთახი გაესინჯა, როცა იმასთან საუბრობდი? კაცო. გეუბნები, თავი დაანებე მაგისთანა კაცებს. თორემ დაიღუპები.

— მეტილა დაღუპული კიდევ იქნება ვინმე. მე რომ ვარ? — სასოწარკვეთილებით უთხრა ბახევამ.

— შენ ხომ არ იცი, აქამდის ვერ გითხარი. ვერ გაგიბედე, არ მინდოდა უმისოთაც მწუხარე შემეწუხებინე. მაგრამ რა ვქნა? რომ დაგიმალო, ჰირი მაინც თავის თავს არ დამალავს. ძალიან უბედურათ წავიდა შენი გამოძიების საქმე.

— მერე რა? — ჰკითხა ბახევამ, რომელიც ოდნათაც არ აგდებდა „პოდლოგის“ საქმეს.

— ექსპერტებს დაუმტკიცებიათ, რომ რიცხვი წლისა და თვისა იმ დოკუმენტში ყოველგან სხვისი ხელით გადასწორებულიაო. სასამართლოში მითხრეს, რომ შენ ბრალდებითს ოქმს გიდგენენ, რომ ორჯერ გნდომებია მევალისათვის ფულის გადახდივინება. ბევრი გეხევეწე მაშინ და არ დამიჯერე. მაშინვე გითხარი, რომ კარგი არა გამოვიდოდა—რა იმ გადასწორებით; მაგრამ ვერა შეგასმინე—რა, ახლა მე ცოცხლათ ვიტანჯები, როცა ვფიქრობ რომ ვაი თუ შე გაეხდე უნებურათ შენი დალუპვის მიზეზი!

— დარდი ნუ გაქვს მაგისი, ყველაფერში მე თვითონ ვარ დამნაშავე. — სანუგეშებლათ უთხრა ბახვამ: — მე შენი მადლობის მეტი არა მმართებს—რა. ერთად-ერთი შენ დამრჩი ამ უბედურებაში მეგობრათ.

— ძმობამ, — გულმტკივნეულსთ უთხრა წუნკალამ, — ესწუხვარ და ვერა მომისაზრებია—რა. რაც შენ ფულები გაქვს ასაღები აღმასრულებელი ფურცლებით და ვექსილებით თითქმის ათას თუმანზე მეტი იქნება. რომ რამე გაგიჟირდეს. ვის. უნდა დარჩეს ეს ქონება? გააკეთე ახლავე ანდერძი, ან ზედ წარწერით გადაეცი ეს საბუთები რომელსამე შენს ნათესავს.

— მე მაგაზე აქამდის არ მიფიქრია. სწორედ ეგ კარგი მომაგონე. მაგრამ იცი: წუნკალა? — გულახდილათ უნდა გითხრა, ქვეყანაზე აღარც ნათესავი მყავს, აღარც მეგობარი. ნათესავიც მტრად გადამეკიდა და მეგობარიც, შენს მეტი. მაშ გააკეთე, ან მირჩიე, როგორც რიგი იყოს; მე თვითონ დავაწერ დოკუმენტებზე, რომ ჩემს შემდეგ ჩემი მოძრავი ქონება ყოველივე შენი იყოს. უძრავი ხომ სულ ერთიანათ ჩემმა ბიძაშვილმა ნესტორამ წამართვა.

— მაგას მაინც არ ვიზამ, დანა რომ გამიყარო ყელში. — უთხრა წუნკალამ.

— მე შენ რასაც გეუბნები, ის ჰქენი; — უთხრა ბრძანებლობით ბახვამ.

— არა, არ შეიძლება. მე ჯერ ჩემი სინიღისი არ გამიყილია... მაშინ მოგიკვდეს წუნკალა!

— წუნკალა! — შესძახა ბახვამ; — მე არ გეხუმრები. შენ თუ მართლა, ჩემი გულის შემატკივარი ხარ, აი, ეხლა გამოგაჩნდება. რადგან ჩემი ვეჭილი ხარ, უნდა გაგიტყდე, არც შენზე მაქვს ნდობა, ასე მგონია, მლაატობ, რადგან ვიცი, რომ ჩემი მემკვიდრე არა ხარ. როცა გულახდილათ დაგიმტკიცებ ყოველს ჩემს ქონებას, იქნება მაშინ დავრწმუნდე. რომ შენ ჩემი ერთგული იქნები.

— კიდევაც ემაგისტვის არ მინდა. რომ დამიმტკიცო რამე. რადგან მე შენი ერთგული ვარ. რას შერები, ბახვა? ვგონებ შენს ქუაზე ალარა ხარ!

— მე დიდი ხანია ჩემს ქუაზე ალარ ვარ. მაგრამ ის მე ვიცი, რასაც ვშერები. და თუ არ გინდა ჩემი პატრონობა. ახლაც უნდა გავიყაროთ, მე სხვა ვეჭილს მოვძებნი.

— კაცო, რას გაუგებებინარ, რას ლაპარაკობ! მე შენი ვერა გამიგია-რა!..

— გეუბნები. დოკუმენტები გამიკეთე მეთქი შენზე გადმოსაცემათ! არ გინდა და მშვიდობით!

— შენი სამოწყალო მე არა მჭირს-რა, — უთხრა თითქოს გადაწყვეტით წუნკალამ.

ამას შემდეგ სიჩუმე ჩამოვარდა. წუნკალამ მოიწყინა და შესცქეროდა ბახვას გაშტერებით. იმას ვერ გამოერკვია, როგორ უნდა მოქცეულიყო, რა ეპასუხნა? ბოლოს ღრმათ ამოიხვნეშა. ორი ცრემლი გადმოაგდო და გულშემატკივრათ უთხრა ბახვას: „ძმაო ბახვა. ისე მებრალეები, მგონია, ჩემს თავს რაღაც ფარსაგი არ ავეუტეხო. შენ რომ იგარე ზნეობით აღელგებულს გხედავ. თუ რამ შენს გულში კიდევ მეგობრობის ნაპერწყალი ღვივის. ერთს რასმე გთხოვ და ამისრულე.

— რა არის? — ჰკითხა ბახვამ.

— ამ წუთას ნუ მატან ძალას, რომ ჩემზე გადმოსაცემი დოკუმენტები გაგიკეთო; ცოტა მოითმინე. როდესაც იერემიას დასჯიან და შენი გული დამშვიდდება, მაშინ, თუ კიდევ შენმა გულმა ჩემი გაბედნიერება გირჩიოს, რაც გინდა. ისე ჰქენი. ახლა კი მეტს ნულარას გამიმხელ.

— არა, არა, არ შეიძლება. მე რაც ვსთქვი. ის უნდა მოხდეს. ხვალიდანვე უნდა შევეუდგეთ საქმეს. ვინ იცის, მერე რა მოხდება? იქნება, მე ამაღამ მოვიკლა თავი. რასაც გეუბნები. შენ ის გააკეთე. — დაუინებით დაიძახა ბახვამ.

— შენი ნებაა. — ხვნეშით წამოიკრინა წუნკალამ. ის გამოეთხოვა ბახვას და კარი გაიარა.

ქუჩაზე რომ გამოვიდა. სიხარულისაგან თავი ვერ დაიკირა. ერთი გიჟურათ ასწია მხრები და ჩაიჭრითინა. წუნკალა გახდა ამ სახით ბახვას მემკვიდრე. ყველა ვეჭსილებზე და აღსრულობით ფურცლებზე დააწერინა წუნკალაზე გადაცემა და ნოტარიუსს დაამტკიცებინა. ნაღდ ფულს არ შეხებია. რადგან გულარხეინათ ფიქრობდა. როცა ციმბირს გადუწყვეტენ, მაშინაც მოგესწრები იმ ფულების ხელში. ჩაგდებასო. მხოლოდ მას ჰქონდა ციმბირელის შიში და იმავე წამ-

ში გასწია პოლიციაში. რომ სწორ კვალზე დაეყენებინა ციმბირელის
ზღვევარნი. იმან გაასწავლა ისინი გურიისკენ; მაგრამ მართლა იქით
წავიდა სიმონა ციმბირელი. თუ სხვა მხრით. ეს, თვით სიმონას მეტკვა
არავინ იცოდა.

XXII.

ნაფიცი ვეკილი სიკილა ერთი იმ განათლებულ ახალგაზდა-
თაგანი იყო, რომლის ცხოვრებით ბუნება, ბასრი ენა და მოძრავი ტვი-
ნი ჯერ კიდევ გიმნაზიაში ბევრს იმედს იძლეოდა. მან შეენიერათ
დაათავა აქ სწავლა და გაემგზავრა უნივერსიტეტში იურიდიულ ფა-
კულტეტზე. მისი ნორჩი და მღელვარე მგრძობელობა ბევრი კარ-
გი მოქმედების, თავდები იყო, რომ ჰქონოდა მტკიცე საფუძველი
აღზრდაში.

ამ მხრით ქართველ ყმაწვილს დიდი ხანია ნიადაგი აქვს და-
კარგული. აწინდელი საზოგადო ზნე-დაცემულობა უფრო მეტად ან-
გარემოებას მიეწერება. ძველი აღზრდითი წესი მოიშალა. სარწმუ-
ნოება. უმცროს-უმფროსობითი მორჩილება და ბუნების ენაზე გო-
ნებითი წარმატება შეფერხდა. ნივთიერი შეძლება. რომლითაც განი-
საზღვრებოდა წინათ დედ-მამის ოჯახის მუდმივი ზედამხედველობა
ყმაწვილზე დღეს აღარავის შერჩენია. ვაჟი, ან ქალი ცხრა წლიდან
მოკიდებული მოშორებულია დედ-მამას და შორს ქალაქში გაგზავნი-
ლია სხვის ანაბარათ. იქ იგი ისეთს სახლობაში იზრდება, საცა მომე-
ტებულ ნაწილათ დღიური ლუკმის ვარამი თვით იმასვე აგდებს გარ-
ყენილების ლექში, და აი, სად ეძლევა ჩვენს მოზარდ თაობას ესე-
ვითარი მაგალითი. აი, რა ნიადაგი ზრდის ქართველს ყმაწვილსა.
ამისთანა გარემოებაში იმას რა ზნეობა უნდა შერჩეს, ან რა სარწმუ-
ნოებრივი გრძნობა უნდა განელვიძოს. ან რა პატივის-მოყვარება უნდა
შეითვისოს! ბავშვი. დედ-მამის უსაშველოების გამეო შორს გაბარებუ-
ლი, ვიგინდარათ და უპატრონოთ მიგდებული, გამოდის ან ზნეობით
მახინჯი. ან ადრევე ესპობა სიცოცხლე. ასეთს მკაცრ გარემოებას
იშვიათად თუ ვინმე აიტანს, რომ შემდეგ ცხოვრებაში დარჩეს მტკიცე
სასიათისა და მტკიცე ზნეობის მექონი. ის კი არა, ჯერ ამის მაგალი-
თი არც ჩემს თვალს უნახავს არც სხვას მოსწრებია. მომეტებულ ნა-
წილად. თუ ვინმე ყმაწვილობიდანვე მაგარი ბუნებისა და გონების
პატრონი გადრჩა ამ გარემოებას, ის მაინც ცხოვრებაში მტკიცე ხა-
სიათს მოკლიბოლია. მას ადვილად რყენის ცხოვრების ვითარება და
დაბალის ხარისხის მიმართულებანი. აი, ამ ნიშნის ახალგაზდა იყო
ჯერ კიდევ პაწია გიჟნაზიის შეგირდი სივილა. როცა მან დაამთავრა

სწავლა და სამშობლო ქვეყანამ მოსთხოვა მას სამსახური, იგი ვერ აღუდგა წინ ცხოვრების მიმდინარებას. მან უცბათ შეითვისა იგივე ღირსება და იგივე მწიკელი, რომელიც დიდი ხანია არ არის, რაც ჩვენს აწინდელ ცხოვრებას სხვა და სხვა მოქმედების ძალით სარჩულად დაედვა.

სივილა უნივერსიტეტიდან ჯერ კიდევ სტუდენტად დაბრუნდა თავის ქვეყანაში; იმ დროს მასთან ლაპარაკი სწორეთ სასიამოვნო იყო. იმას მუდამ ენაზე ეკერა საზოგადოებისათვის თავგანწირულება, იმის გულისთვის დაუღალავე შრომა და მსხვერპლის მოტანა. მას მიელო სტუდენტობის მოძრაობაში მონაწილეობა და კიდევ ამისთვის გამოესტუმრებინათ იქიდან ასე ადრინათ. მაგრამ ამით მას უფრო კარგი სახელი ჰქონდა ტოლ-ამხანაგებში გაეზრდინილი. სივილა არ ეშვებოდა სწავლის გათავებას. ის ხელმეორეთ აპირებდა უნივერსიტეტში გამგზავრებას. „თუ ღმერთმა მომასწრო და დიპლომი მეღირსა, მე ვიცი მაშინ, რაც ვიქნები ჩემი მოძმეებისათვისო. მე უნდა გავხდე დაჩაგრულების ვეჭილიო“. ბევრი მისი ამხანაგთაგანი. რომელთაც უმაღლეს სასწავლებელში კურსის დასრულება არ ღირსებოდათ, გატაცებულნი იყვნენ იმის ლაპარაკით. „სივილა, — ეუბნებოდნენ ისინი, — შენ ოღონდ მოდი მალე, მეტი არა გვინდა-რა. ჩვენ ყველანი მხარს მოგცემთ, შენის გულისათვის ცეცხლში ჩავდგებითო“, — ეტყოდნენ ნაამხანაგარნი. როცა სვირის ღვინით თავი ჰქონდათ გახურებულნი. იმ დროებში. სივილა სოფლად დაიარებოდა თავის ნათესაებებში და მეგობრებში. საცა მივიდოდა, ყველგან მისი ნაამხანაგარნი, თუ ვინმე აღმოჩნდებოდა. უმართავდნენ მას ლხინს: შეიქნებოდა ტოლუმბაშობა. სიტყვების წარმოთქმა და სხვა. სივილა ყოველთვის თავს გამოიჩენდა. ხოლმე ამისთანა შემთხვევაში. იმის სიტყვას ტაშის კერით და მოწონებით ეგებებოდნენ. ამისთანა დროს-გატარებას ბოლო არ ჰქონდა. სანამდის სივილა მეორეთ არ გამგზავრდა უნივერსიტეტში კურსის დასასრულებლათ. წვეულობის დროს ყველას მოსწონდა მისი სხარტი ენა და მაღალ საგნებზე ლაპარაკი: მამულის სიყვარულზე, სამშობლოს შეილის მოვალეობაზე, ქვილმოქმედებაზე და სხვ. ყველანი აღტაცებულნი იყვნენ მისი აზრებით. ორ წელს შემდეგ კურს-დასრულებული კანდიდატის დიპლომით მობრუნდა სივილა თავის ქვეყანაში და მაშინვე მიჰყო ხელი ვიქილობას. მას შემოეხეიენ ნაამხანაგარნი და დაუფაცურდნენ საქმიანობის შოვნას. პირველსავე შემთხვევაში მას შეხვდნენ საექილოთა ისეთი კაცები. რომელთაც ვეჭილებით და ჯარიმით სურდათ ჰკლავდნენ ისაგან ფოლის აღება. ვალის გადახდევინება, პირველ შემთხვევაშივე მას გარს შემოედვენ სულ ჩარჩები და იმისთანა კაცები, რომელნიც ათი-თორმეტად ასეს-

სებდენ ფულსა და, რაც უფრო მაგრათ გააძრობდენ ტყავს თავის მვეალეებს. რაც უფრო ბევრს წართმევდენ, მით უფრო ესახელე-ბოდათ თავი, თუმცა იმავე დროს სივილასთან თავს იკატუნებდენ და დღე ნიადაგ შესჩივოდენ თავის მვეალეებზე. რომ ისინი ვითომც უსინიდისოთ მოექცენ, ვითომც განზრახვა აქეთ სულ დაგვიკარგონ ჩვენი ნაშრომი მით, რომ აპირებენ ცოლზე, ან სხვებზე მამულების გადამტკიცებასაო. ისინი ამისთანა კაცებს სივილას წინაშე ეძახდენ „ავილე — აღარ მოგეციო“. მართლაც, სივილას ძალიან მოეწონა ეს სხარტი შედარება და ყოველ მვეალეს, პირიანს და უპირულს. ყველას ერთს ტაფაში აქცევდა, ყველას მომჩივან ჩარჩების თვალებით დაუწყო ცქერა. იმათ ეძახდა გაიძვერებს. რომელთაც ვითომ სურდათ მოსესხებებისათვის ქეჩა ქვეშიდან გამოეძროთ. ხშირად საზოგადო ლაპარაკში ისეთ ახირებულს აზრებს წამოუჩვენდა სივილა, რომ გეგონებოდათ, ეს მაღალი განათლების პატრონი კაცი ჩარჩებს უქერდა მხარს და არა მათგან ჯვარზე ცმულეებსო.

ზემონხსენებული რჯულის კაცებს გარდა სივილას დაესია მრავალი ბოროტ-მომქმედი პირი. რომელთაგან ზოგს ქურდობა ბრალდებოდა. ზოგს ავაზაკობა, ზოგს კაცის კვლა. ზოგს „პოდლოგები“. მიწის მფლობელობითს საქმეში უფრო მეტათ იმისთანა საქმეები იყო, საცა ან მფლობელობის დარღვევა, ან უძრავ საკუთრებაზე შედავება იყო გამოცხადებული. რადგან წერილობითი საბუთები ბევრს არ ჰქონდა უძრავ ქონებაზე მეტი წილი ამისთანა საქმეებისა სასამართლოში მოწმეების კითხვით წყდებოდა. საჩივრის ინტერესი იმას ჰქონდა, ვინც ძალმომრეობაზე იყო დამდგარი, ვინც სხვას მფლობელობას ურღვევდა და სურდა საქმე გაეტანა. სულ ამნაირი ხალხი მირბოდა სივილასთან, ქებას ასხამდა მის ცოდნას, მის განათლებას, და ეძებდა მის მფარველობას. ისინი ასე ეუბნებოდენ: „აბა, სივილა, შენთან იმისთვის მოვრბივართ, რომ გავგიგონია, დიდი განათლებული, დიდი სჯულისა და კანონების, მცოდნე კაცი ხარ. ერთ მხარეზე დასდებ კანონებს იმ მხარეზე გამოვა სამართალი, მეორე მხარეზე დასდებ, მეორე მხარეზე გამოვა. აბა, მიმსახურე, მიირთვი, რასაც ითხოვ, და საქმე კი მომაგებიანე“. ისინი პირდაპირ ეუბნებოდენ: „მართალია, მე ვიძალადე, მფლობელობა დაეურღვიე, მაგრამ შენთან მისთვის მოვრბივარ, მე რომ მიჭირს, მე უნდა დამეხმარო, მე უნდა მომაგებინო საქმე, თორემ მართალ კაცს რა დახმარება უნდა; ის უიმისოდაც მოიგებს, თუ შენ არ გადმოსწიე სჯულის სასწორი ჩემსკენ. ავადმყოფს უნდა წამლობა, თორემ კარგათ მყოფი ექიმთან რათ მიიქცევაო“. ამავე გვარად შესჩივოდა ყოველი ბოროტ-მომქმედი კაციც, რომელიც სივილას შემწეობით ეძებდა თავის შეე-

ლას: „აბა, სივილა, გაქირვებული ახლა ვარ, ახლა მიშველე, დამიხსენ სასამართლოსაგან, მემთხვია ცოდვა, კაცი შემომაკედაო“; ან კიდევ: „გაგებრიყვდი და მეზობელს დავესხი თავზე, გავცარკვე და დავსქერი. ოღონდ დამიხსენ განსაცდელისაგან და მიირთვი, რამდენიც გინდაო“.

სხვა ნიადაგი ვეჟილის მოქმედებისა აღარა გამოჩნდა—რა ჩვენს საზოგადოებაში არც სასარგებლო, არც სასახლო. ვინც სიმართლეს და სინდისს მისდევდა, იმას სამართლის კარზე ვერც კი გაატარებდო, ყოველ ღონისძიებას ხმარობდა, იქ არ შესულიყო, თუ გაქირვება და ძალმომრეობა არ შეიყვანდა. მაშინაც ძვირად მიიქცეოდა ვეჟილთან, რადგან სწამდა, სიმართლეს რალა დახმარება სჭირიაო. მაშასადამე, ვეჟილი რომ ამგვარის კაცების იმედათ დარჩენილიყო, შიმშილით უნდა ამოხდენოდა სული. თუ რომელსამე ვეჟილს სურდა ცხოვრების საშუალება უხვად მოეპოვებინა და საზოგადოებაში კარგი ხმა გავარდნოდა, უსათუოდ უნდა ცდილიყო, ბევრი უსამართლო საქმე მოეგო, ბევრი ბოროტ-მომქმედი გაემართლებინა. ამისთანა გარემოებაში ჩაყენებულ კაცს რკინის ხასიათი, გული და ქვის მოთმინებაც რომ ჰქონებოდა, ბოლოს მაინც უნდა მომბალიყო და გაჰყოლოდა ანგარების მოყვარე კაცებას.

ვეჟილი სივილა მალე შეიპყრო ამგვარმა ცხოვრების ვითარებამ. მისი ნაამხანაგარნი სულ ფუტკარივით დაედვენ და ცდილობდნენ, კარგი მომგებიანი საქმეები ეშოვნათ იმისთვის. რაკი მას ენამკევერობა შეატყვეს და კანონის მოხერხებულათ ტრიალი, საეჭვო ზნეობის კაცები სულ იმას მიესიენ. სივილას ჩაუვარდა ხელში ბლომით ფული. მას დღედაღამ მის ნაამხანაგევი კაცებისაგან მოსვენება არ ჰქონდა; იმათ დაიწყეს ერთის მხრით სივილასა და მეორე მხრით მოშჩივან-მოპასუხეებს შორის შეამავლობა. სარგებლობდნენ ამ უკანასკნელებისაგან თითო-ოროლა მანეთს და ურიგებდნენ საქმეს სივილასთან. ამას გარდა თვით სივილა-ადვოკატის სახლი მათთვის შეიქნა კარ-გაღებულთ, ისინი აქაც კარგათ ატარებდნენ დროებას ბანქოს თამაშში და სადილ-ვახშამში. სივილამ მალე იცვალა ფერი ამისთანა საზოგადოებაში. თუმცა უწინდულათვე არ იშლიდა მაღალ ჰანგზე ლაპარაკობს, ახლაც ისე ამბობდა, როგორც წინათ: „მე მსხვერპლად უნდა გავხდე ჩემის ქვეყნის გულისთვის. დაჩაგრულების ზურგი უნდა შევიქნეო“. მაგრამ ნამდვილათ გამოდიოდა, რომ ის ჩარჩუნდა. ძალმომრეების და ავაზაკების ზურგათ და შემწეთ გამხდარიყო. სამართლისაგან დევნილი ბოროტ-მომქმედნი მთელ საზოგადოებათ წარმოედგინა. ოვით სასამართლო იმათ ხატანგათ. რომელშიაც თუკი ვინმე ზემოხსენებული რჯულის კაცთაგანი ჩავარდენ-

ბოდა, ის ყოველ ღონისძიებას, მართალსა და არამართალს ხმარობდა, რომ იქ ჩაბმული ვაჟოებსა, კანონებში და სენატის გადაწყვეტილებებში ეძებდა ისეთ ვარემოებებს და კაცებს, რომლითაც შესაძლებელი ყოფილიყო დამნაშავეის გამართლება. ის მიეჩნეოდა მოწმეების დარიგებას და დამნაშავეთა სწავლებას, რა უნდა ეთქვათ მსაჯულთ წინაშე და რა არა. ამ სახით იმან ყოველ უკუღმართსა: საქმეს, მიჰყო ხელი მისდა უნებურათ და ამით განითქვა სახელი ჩინებულის ადვოკატისა. იმან დაიწყო საქვეყნო ქადაგება: „სამართალი და დანაშაულობა სულ პირობითია. ჩვენ ვამბობთ, რომ ამა-და-ამ კაცმა კაცი მოჰკლა, ამ-და-ამ ჩარჩმა სხვას ტყავი გააძრო. ყოფა-ცხოვრებისაგან გაცალაო. დიად, ვამბობთ და კიდევ ზიზლით ვუყურებთ-ვითომც ბოროტ-მომქმედსა; მაგრამ, თუ ზერელეთ არ განესჯით და სათავეში გავსინჯაეთ საქმეს, გამოვა, რომ ის კი არ ყოფილა დანაშავე, რომელსაც კაცი მოუკლავს, არამედ ის, რომელიც მომკვდარა. რადგან ამ უკანასკნელს განზრახვა ჰქონია პირველის მოკვლისა. ტყუილად არ არის ეს ანდაზა ხალხში დარჩენილი: „ის კი არ არის დამნაშავე, ვინც მოკლაო, არამედ ის, ვინც თავი მოაკვლევინაო“. ჩვენ ვეძებთ ჩარჩს ყოველ მოსესხეს, რომელსაც გაჭირვებულისთვის ხელი გაუმართავს, და შემდეგ ამ გაჭირვებულს აღარ ნდომებია ფულის გადახდა. რომელია აქ ჩარჩი? ის, ვინც გაჭირვებაში მეზობელს დახმარებია, თუ ის მეზობელი, რომელსაც ფულის შეწვლით ნდომებია მამულის სხვაზე გადამტკიცებით? გავიხსენოთ ლირის სიტყვები: „არავითარი დამნაშავე არ მოიპოვება ქვეყანა-ზეო“. მე, როგორც ვეჭილს, როგორც დამცველს ყოველის გაჭირვებულისა და დამნაშავეისა, არ მწამს დანაშაულობა. თვით სამართალი, კანონი და სასამართლო მაძლევს უფლებას დავიცვა ბოროტ-მომქმედი, შევუმსუბუქო სასჯელიო“. ამგვარი მსჯელობით იგი შეიქნა ნამდვილი ავაზაკების დედა-ბურჯი, მალე შეითვისა მათი ხასიათი. ცხოვრება და შეხედულობა. ამიერიდან სივილა, რაც უფრო დიდი ავაზაკის განთავისუფლებას შეიძლებდა სამართლისაგან-იმდენათ უფრო თავი მოსწონდა, იმდენათ უფრო ნიჭიერებისა და კვიანობის სახელი ჰქონდა გავარდნილი მის ვარემორტყმულ წრეში, ამხანაგობაში და მთელ საზოგადოებაში. ეს იყო ნამდვილი ნაყოფი ჩვენის ახალი ცხოვრებისა.

XXIII.

სივილამ სიამოვნებით აიღო იერემიას დაცვა. იგი დაიბარა ვალიდამ, რომელმაც მომხიბლავი პატივისცემით მიიღო და თავის.

ზრწყინვალე დარბაზში გააცნო უმაღლესი სასამართლოს მოსამს-
სურენი. სივილას მოძრავი ქკუა და მქვერმეტყველება ფრიად მო-
წონათ იმათ, ზოგმა კიდევ დაიახლოვა. დაბრუნდა თუ არა. სივილა
კიდევ უფრო გულმოდგინეთ შეუდგა იერემიას საქმის შესწავლას.
თუმცა ზედმიწევნით მიმხედარი იყო, რომ ნამდვილათ იერემიას
ჰოეხდინა ეს მკვლელობა. მაგრამ საქმის გარემოება. მისი ფორმალუ-
რი მხარეს ისეთნაირათ იყო დაცული. რომ იერემიას გამართლებას
წინ აღარ უდგარა. იმან იცოდა პროკურორის აზრი, აგრეთვე მო-
სამართლეებისა, რომელნიც ბეჯითად დარწმუნებულნი იყვნენ იე-
რემიას დანაშაულობაში; მაგრამ სივილა კიდევ უფრო ალტაცებუ-
ლი იყო ამ გარემოებით. ის გრძნობდა, რომ შინაგანს დარწმუნებას
ალაგობრივი მოსამართლეებისას მისი მქვერმეტყველება ვერ შეარ-
ყევდა: მაგრამ. როცა საქმეს აპელაციით გადიტანდა უმაღლეს სასა-
მართლო დაწესებულებაში, აი. იქ მოელოდა მას ბრწყინვალე შე-
დეგი. იმან იცოდა. რომ იქ განსაკუთრებით ფორმალურ მხარეს სა-
მართლის წარმოებისას მიაქცევდენ უფრო დიდ ყურადღებას. თვის
ფორმალურათ შედგენილი საბუთები მისკენ სწევდენ სამართლის
სასწორს. იქ ხომ გულით დაჯერებული მოსამართლეები აღარ იქნე-
ბოდენ. იმათ უნდა ამოეკითხათ და განესაჯათ იერემიას დანაშაუ-
ლობა მხოლოდ ფურმალურის საბუთებით. რადგან სხვა უფრო პა-
ტივისადები საბუთი. ესე იგი შინაგანი რწმენა, თვით საზოგადოების
რწმენა იერემიას მოქმედების შესახებ მათ გონებაში ვერ გაივლი-
და. სივილა წინდაწინვე სტკებოდდა თავისი ძლევით. „მაშინ მიყუ-
რონ, აქაურ მოსამართლეებს რა ფრთებს ჩამოვაყრევინებო“; — ამ-
ბობდა იგი გულში.

ბოლოს დაინიშნა იერემიას საქმის გარჩევა. მთელი ხალხი სა-
სამართლოს კარებს მოაწყდა. საზოგადოებამ დილიდანვე იწყო დე-
ნა სასამართლო დარბაზში. იგი ისე გაიტენა მაყურებლებით, რომ
ნემსი არ ჩავარდებოდა ძირს. მათ შორის მრავალი იყო იერემიას
ნათესავი, მეგვარე და კეთილისმყოფელი. ბევრი მისთანაც ერია.
რომ საინტერესოთ მიაჩნდათ მართლმსაჯულების ძლევა. ისინი გუ-
ლით დაჯერებულნი იყვნენ იერემიას ბოროტ-მოქმედებაში და უნ-
დოდათ შეეტყოთ. რამდენათ ძლიერი გამოჩნდებოდა პირუთნელი
სამართალი კაცის მიერ შემზადებულ ხერხზე. ჯერ სხდომა არ და-
წყებულყო. გივი და იერემია არ შემოეყვანათ, არც მოსამართლეები
გამოსულყვნენ, რომ სივილა რიკულებს შიგნით ასპარეზზე მიდი-
მოდოდდა ფრაკით და გამოცდილ ფალავანს ჰგავდა. რომელსაც თით-
ქოს ჩოხის კალთები შეეკეცა და ელოდა მოპირდაპირეს.

ამ დროს შემოიყვანეს დამნაშაენი. გივის სულ დაკარგოდა ზნეობითი ძალა, ეტყობოდა, იგი ზეზეულათ ისჯებოდა; სახეზე მნდალი გამომეტყველება ჰქონდა, თვალები ძირს დაეშვა და მთელი ის დღე ზევით არ აუხედავს. იერემიას დასდებოდა ნაცრის ფერი, სახეზე გამხდარიყო და თვალები ჩაცვივნოდა; მაგრამ მისმა ახოვანებამ მაინც საზოგადოების ყურადღება მიიქცია. „ბრალი არ არის ამისთანა ვაეკაცის გაუბედურებო“, — გაისმა ჩურჩული ქალებში. მოსამართლეები გამოვიდნენ, სხდომა დაიწყო. თავმჯდომარე შეუდგა მოწმეების კითხვას; შემდეგ ჟანდარმის ოქმი წაიკითხა, მერე პოლიციის წინამორბედი გამოძიება.

ბახვა ფულავა, როგორც ენებული ამ ბოროტებისაგან, იქ იყო მიწოდებული. მას თავის მჩრით მოეყვანა მოწმეებათ მოჯამაგირენი და მუშები. რომელნიც იმ ღამეს მკვლელობას დასწრებოდნენ. ბახვა იჯდა სახე-გაქარხლებული და მოსამართლეებისათვის თვალი არ მოუშორებია. ერთხელაც არ მიუხედავს იქითკენ, საცა გივი და იერემია ისხდნენ.

ადვოკატი სივილა დიდათ მეცადინეობდა, ჩაუდგა ბახვას და მის მოწმეებს კვალში, უნდოდა იმათი ჩვენება აერია. როცა ყოველივე დასაბუთება საქმისა გათავდა, თავმჯდომარემ სთხოვა პროკურორს სიტყვა წარმოეთქვა. ამან იხელმძღვანელა გამოძიებით და ისე ცოცხლათ გამოხატა მკვლელობა ესმასი იერემიასაგან, რომ მთელი საზოგადოება შეარყია. შემდეგ მოჰყვა სივილა. იმან სამ ნაწილად გაჰყო თავისი სიტყვა. პირველი დააფუძნა ჟანდარმის ოქმზე და წარმოსთქვა აზრი, რომ კაცი, რომელიც თუილისში იმყოფებოდა. იმავე დროს აბაშის სოფელში ვერ გადაფრინდებოდა. რომ მკვლელობა მოეხდინაო. მეორე ნაწილში მან დაარღვია საბაია გაპარიას ჩვენება შესახებ იერემიასი მით, რომ საბაია გაპარიამ ვერ მოიგონა იერემიას ტანსაცმელი და მისი სამხედრო ნიშნები იმ დროს, როცა ვითომც იგი ჩამომხტარიყო დუქანში. ის ამტკიცებდა, რომ, მართალია; საბაიას დუქანში მკვლელები ყოფილან, მაგრამ მათშა იერემია არ რევიაო. ამასთანავე მან დაარღვია ბახვა ფულავას ჩვენება და ამტკიცებდა, რომ ღამეში არ შეიძლებოდა კაცის ნამდვილათ ცნობა, ნამეტურ მაშინ; როცა თვით ბახვა ბრძოლაში იყო გართული ერთ მკვლელთაგან — გივისთან, რომელიც კიდეც დაეჭრა, იგი რადგან მოსისხლე მტერი იყო იერემიასი, წარმოიდგინა. რომ უსათუოდ იერემია უნდა რეოდა მის უბედურებაშიო. მესამე ნაწილში განიხილა გივის დამოკიდებულება იერემიასთან, რომელიც მან ძალით გააფხია საქმეში. რადგან ძველი მისი მტრობა ჰქონდა გულში კონტრაბანდის დაქერის გამო და ისიც იცოდა, რომ იერემიას ესმა უყვარდაო. ბო-

ლოს წარმოსთქვა, რომ გვიმ და მისმა ამხანაგებმა მოახდინეს ეს მკვლევლობა, ალბათ გაცარცვის გულისათვის, და იერემია აქ არაფერ შუაშია.

მისმა ლოდიკურმა სიტყვამ საზოგადოებაში მოწონების მითქმა-მოთქმა გამოიწვია: „იერემიას უსათუოდ გაამართლებენ“. ახლა თავმჯდომარე მიიქცა ბახვასთან და მოითხოვა მისგან პასუხი.

ბახვა წამოდგა, შეანათა იერემიას ცრემლ-მორეული თვალები და შესძახა: „შე ურჯულო, რას ემართლებოდი ჩემს უმანკო ანგელოზს — ესმას. რომ გვერდი ხანჯლით გაუბე?!“... იერემიამ ამ სიტყვებზე სახე იქით მიიღო და ველარ შეხედა ბახვას.

შემდეგ ბახვა მტირალი ხმით მოჰყვა იერემიას დამოკიდებულების ამბავს ესმასთან: პირველათ მან როგორ შეაშინა ესმა ღამეში, მერე ისიც მოიხსენა. როცა ესმა ქორწილს შემდეგ ეტლში ჯდებოდა, როგორ მიეპარა მას ბახვას შეუნიშნავით და გააგონა ეს სიტყვები: „ბოლოს მაინც ჩემი იქნებიო“; დაასურათა გრძობიერათ ესმას შიში და შემდეგი აღშფოთებული ცხოვრება ამ საშიშარის სიტყვების გამო: უკანასკნელათ აღწერა მთვარიანს ღამეში ესმას ბრძოლა იერემიასთან, როცა ხელში აყვანილი გატაცებას უპირებდა. მაგრამ ესმამ არ დაანება თავის თავი; წარმოადგინა ძალიან ცოცხლათ იერემიასაგან ხანჯლის ფერდში ჩაკერა და ესმას კივილი: „აკი მომკლა ამ ურჯულომ, ბახვა, მიშველე. მოგიკვდიო!“ დაიძახა თუ არა ეს სიტყვები. ბახვამ ცრემლები გადმოჰყარა და გულსაწვეათ ატირდა. საზოგადოებაში მოისმა კენესის ხმა, ქალები აქვითინდნენ, მაგრამ მაყურებელნი კიდევ უფრო ააღელვა შემდეგმა ბახვას სიტყვებმა: „ვთქვით, სააქაოს კაცის სამართალმა გაგამართლოს. ღმერთს რაღას ეუბნები, რა პირით მიხვალ მასთან. როცა მის მფარველობის ქვეშე მდგომარე ჩემი ესმა შემოგაკივლებს: „აი, აგერ მოდის ჩემი მკვლელიო“!... კენესისა და ქვითინის ხმა კიდევ უფრო გაძლიერდა საზოგადოებაში.

ამ დროს იერემიამ ორივე ხელი მიიფარა სახეზე. მოსამართლენიც შეარყია ამ სურათმა. თავმჯდომარემ ჰკითხა იერემიას, ხომ არა გაქვს-რა დასამატებელიო. იერემიამ თითქმის ჩურჩულით წარმოსთქვა:

— ჩემი პასუხი ჩემმა ვეჟილმა მოგახსენათ. მე ბრალი არა მაქვს-რა.

მსაჯულნი გავიდნენ მეორე ოთახში და ნახევარ საათს შემდეგ გამოიტანეს თავის გადაწყვეტილება.

იერემიას ჩამოართვეს ღირსება და თორმეტი წლით გაგზავნეს კატორღაში. გვიმ კი რვა წლით.

იერემია გაშრა: თვალები კიდევ უფრო ჩაუცვინდა. გივი უხე-
იროთ ატირდა. მათ შემოერთყენ სამხედრო დარაჯები და გაიყუა-
ნეს სასამართლო დარბაზიდან.

სივილა ძალიან ააღლევა ასეთმა გადაწყვეტილებამ. ის დადი-
ოდა ერთხანს სასამართლო დარბაზში და ბახვას გასაგონათ იძასო-
და: „ძალიან უსამართლოდ გადასწყდა ეს საქმე. შეუძლებელია. რომ
უმაღლესმა სასამართლო დაწესებულებამ შეიწყნაროს ამნაირი გა-
დაწყვეტილება. ფორმალურის მხრით კანონი დარღვეულია. მე ხეალ-
ვე შევიტან აპელაციას და ვნახოთ. თუ იერემია არ გამართლდება“.

XXIV.

ბახვა ჭულაქამ იერემიას განსჯას შემდეგ საშინელი მძიმე
ტვირთი მოიხსნა ზურგიდან. იგი სულით დამშვიდდა. დაამდა. ამ
წამს იგი მიემსგავსებოდა იმისთანა კაცს, რომელიც რამდენსამე წე-
ლიწადს ბნელს ხაროში ყოფილა ჩამწყვდეული და უცბათ მის
საპყრობილეში მზის შუქი შეჭრილა. იმას ჯერ კიდევ არ სჯერო-
და თავის ბედნიერება, როგორც იმ ტუსალს ბნელს ხაროში, რო-
მელიც სინათლეს გადაჩვევია და პირველი მზის შუქი რაღაც მო-
ჩვენებათ მიაჩნია. მას სურდა ეს თავის ოცნება ვისთვისმე გაეზიარ-
ებინა. ამ წუთას გასჩენოდა ვინმე ისეთი მეგობარი, რომ მისი
სიტყვითაც მოესმინა თავის მრულოდნელი ბედნიერება. აი, ამ დროს
დაეწია მას ქუჩაზე გახარებული წუნკალა, რომელიც თან სიცილით
და თან ხელების მტვრევით უკან მოსძახოდა:

— ბახვა, მომილოცავს!.. კაცო. ეს რა ჰქენი შენ დღეს? პირველ
ადვოკატს აჯობე! მისი ბრძნული სიტყვა, მისი შეუტყვეველი საბუთე-
ბი სულ თავზე დაამსხვრიე, ლაფი დაასხი. კაცო, პირველი ადვოკა-
ტი შენ ყოფილხარ!.. მთელი საზოგადოება აატირე, მსაჯულებს გუ-
ლი შეუძარი!.. ეს რა ჰქენი?.. დღეს ნამდვილათ შენ შეიქენი იერემია-
სათვის ღვთის რისხვათ მოვლენილი, მისი განმსჯელი, მისი ცოცხლათ
დამტანჯველი. როგორც ეშმაკი მთავარ-ანგელოსის წინაშე, ისე მო-
იბღუნდა იგი შენს წინაშე. პაპ!.. პაპ!.. პაპ!.. პაპ!.. რა იყო?.. ჯერაც
ვერ მოვსულვარ გონებაზე.

— ეპ, არა, ჩემო წუნკალა. ეს ჩემი მკედარი გული მაინც აღარ
გაცოცხლდება. მე დღეს მართალია გულის ჯავრი ვიყარე, მაგრამ
სანამ ცოცხალი ვარ, ნაღველი არ მომეშლება. ერთხელ დამწარებულ
სიცოცხლეს ველარა დაატკობს-რა. ჯერ კიდევ მაინც ფონი გასაველის
არის. ვინ იცის, უმაღლეს სასამართლოში საქმე როგორ დატრიალდუ-

ბა? სანამდის იერემიას ჩვენს ქვეყნის ცა თავზე ჰხურავს, მანამდე რეაქციონერობა არ შევლირბება.

— ნუ გეშინია იმასაც მალე ნახავ. რომ იერემია თავ-მოკაოსული ტუსაღის მაზარით და წინ გულზე შავ-ფიცარ-დაკიდებული გაციმოიჭრის დარაჯებ-შემოხვეული ამ ჩვენს მოედანზე. ფიცარზე ეწერება მისი კარგი კაცობა: „კაცის მკვლელობისთვის“. როცა დადის ცემით ჩამოატარებენ და ციმბირს გაუსაჯებენ. მაშინ ხომ დაიჯერებ?

— მე ამ ბოროტებით სავსე ცხოვრებაში აღარა მჯეოა-ოა. განა ცოტანი არიან. მაგნაირი ბოროტების ჩამდენნი გამართლებულნი?

— მაგას რაღა მოეხერხება: მაგის საქმე გადაწყვეტილია.

— იერემიას მძლავრი მფარველები ჰყავს.

— მაგრამ მაგას კაცი კი არა. ზეტაც ველარ უშველის.

— ენახოთ, რა იქნება. იქვიანაა წარმოსთქვა ბახვამ.

ამგვარი ლაპარაკით ისინი შევიდენ სასაქმო დუქანში. ბახვამ მოითხოვა სადილი. სადი-ოთხი ტიქა ღვინო ზედ-ზედ გადაქრა და გამხიარულდა. შემდეგ უფრო მოსვენებით დაიწყო ლაპარაკი.

როცა შუა ჰამაში შევიდენ, ბახვა თითქოს სულ გახალისდა. ის შეუდგა მომავლის ფიქრებს. უთხრა წუნკალას. სახლი ვიყიდოთ და ერთად დავიწყოთ ცხოვრებაო. შენ ჩემი საქმეები აწარმოვე და მე, როცა იერემიას ციმბირისაკენ გავისტუმრებ, ისევე ეაქრობის საქმეს შევეუდგებიო. ღმერთმა ჩემი ბიძაშვილის ნესტორას დასაცინარი ნუ მომკლასო.

მეგობრებმა მადიანათ სკამეს პური. სადილს უკან ბახვამ კიდევ გაუხუმრა წუნკალას, ცოლი უნდა შეგროთ. კარგი მზითვიანა ქალი და მე მამათ უნდა დაგიდგეო. ოხერო. შენს მეტი მემკვიდრე ხომ აღარაეინა მყავს?...

ეს პირველი იყო მისი ხუმრობა ესმას სიკვდილის შემდეგ. წუნკალას თითქოს გული მოუვიდა ამ ხუმრობაზე და გაჯაერებით შესძახა:

— ღმერთმა შენც შეგარცხვინოს და შენი მემკვიდრეობაც!

იმას წარმოუდგა თვალში. რომ ბახვა მართლა დამცინისო. ეს იმის ნიშანია, ვაი თუ ჩემი შინაგანი გულის წადილი შეიტყო. აზრი აიღო ჩემს გაიძევრობაზე და უნდა თავი იხსნასო. ასეთი ფიქრი მით უფრო დასაჯერებელი იყო, რომ ბახვას გონება განთავისუფლდა საპყრობილისაგან. რომელსაც ყოველივე მისი მოსაზრება, გარდა იერემიას ზღვევისა. დაებნელებინა. ახლა რაკი იერემია დასაჯეს და ბახვასაც შეუსრულდა თავის საწადელი. უეჭველად მის გონების

ავალებს ბინდი ჩამოეცლებოდა და დაინახავდა წუნკალას უმზგავსო ხროკებს. ჩაფხუტაძე აპილპილდა, როგორც სჩევია ყოველ დამნაშავე ბოროტ-მომქმედს, როცა, განზრახვით, თუ გულმარტივით, სულ ერთია გადაჰკვრენ მისგან ჩადენილს ავჯაცობას.

— არა, ჩემო. წუნკალა, გული არ მოგივიდეს. განა შეგშურდა ჩემი ხუმრობა?.. აი. რა გესლიანნი გულის ყოფილხარ? თითქოს მარიგებდი ნალველს ნულარ შეინახავო?... უთხრა გრძნობით ბახვამ.

წუნკალა ახლა კი მიხვდა ბახვას გულმარტივობას და ჯაშოშ-მანებულმა უთხრა:

— ბახვა. შენი ქირიშე, მეორედ ნულარ გამიხუმრებ მემკვიდრეობაზე. მე. ძმაო, მოგნდობივარ,, რადგან მებრალები, რომ ცხოვრებაში არაეის გაუტანიხარ. მე შენგან ბევრი სიკეთე მახსოვს. შენისთანა გულკეთილს და პატიოსანს კაცს ჯერ არ შევყრივარ. ამიტომაც გემსახურები ერთგულათ, მინდა შენი საქმე არ წავახდინო. მტერი არ გაგიხარო. იქნება. მართლა, იმას ფიქრობდე. რომ შენი ქონების ინტერესი მქონდეს?.. არა, ძმაო, თუ მაგას ფიქრობ. ბარემც მოთხარი და მოგშორდები.

— კაცო. რას გაუგიეებისარ? მე ვრჩები და, მგონია, ჩემი ავთ-მყოფობა ახლა შენ გემართება. რაებს ლაპარაკობ?.. ვინ რა გითხრა მაგ აზრით? შენ გგონია. მე ვისიშე გავლენით რამე გავაკეთო, ან მოვიქმედო? ეგ თავის დღეში არც ყოფილა და არც იქნება. მე ვარ ერთი ჩემი-ნება კაცი. რასაც გავივლებ გულში. უნდა ავასრულო. ხუმრობა კი ნუ გგონია, რომ შენ მემკვიდრეთ მინდებხარ. სრულებითაც არა. მე ჩემს დღეში ცოლს აღარ შევირთავ. ნათესაეებს მოვშორდი. საზოგადოება აღარ მინდა. რადგან გაჭირვების დროს, ყველამ ხელი დამირეკა. თუ ჩემის ხელით გამოჩიჩქნილმა და კაცად გამოყვანილმა ბიძაშვილმა გამცარცვა, სხვას ვისლა უნდა ვენდო? შენ დამრჩი ერთად-ერთი ჩემი ამხანაგი, მეგობარი და სიტყვის გამცემი ჩემს უბედურებაში. მაშ მე ვინ უნდა მყავდეს შენზე მახლობელი? დამერწმუნე. არაეინ. ამას გულახდილათ გეუბნები. მე თუ ვიცოცხლე. იცოდე. შენთვის ვიცოცხლებ და ჩემს გადწყვეტილებას ველარაფერი შეცვლის.

წუნკალას აღტაცებას საზღვარი არ ჰქონდა.

— ჩემო ბახვა, ჩემო დედა, ჩემო მამა. ჩემო ყველაფერო, ერთი მამა-შვილურად გადამეხვიე, მაკოცე. გული დამიამე, ქიკვიკობდა შეზარხოშებული წუნკალა და თან ეხვეოდა ბახვას. — რა, ძმაო. მე შენი რათ მინდა რამე?.. მადლობა ღმერთს, სანამდის ეს სამოსა-მართლო წესდება არ მოიშლება. — ვენაცვალე იმის მომგონს. — ჩემს წრომასაც შესაფერი ჯილდო ექნება.

— მაგას ვის გეუბნება?.. ვინ რამე გკადრა მე შენ მხოლოდ გხედავ ჩემ საკუთრათ ამ სოფელში და შენთან მინდა გაგატარო დანარჩენი ჩემი გაძაღლებული ცხოვრება.

— რაკი ეგრეა, — უთხრა წუნკალამ. მეც ღმერთმა შენ მეტი მამა ნუ მომცეს. მაგრამ ერთს კი გეხვეწები, იმ ციმბირელს თავი დაანებე.

— ჯერ ვერა, ჯერ ვერა. ფონი გასაეაღს არის. — დაატანა ბახვამ.

— შენ არ იცი იმ კაცის ამბავი? რასაც. დაგიგულებს. სულ-ხორცისაგან გაგცლის.

— არა. მე იმასთან პირობა მაქვს შეიკრული. უკეთუ ერთ საქმეში დამჭირდა, უნდა ამისრულოს და მისი სასყიდელიც მზათა მაქვს. ეს ორასი თუმანი თუნდ წყალში გადამიგდია.

— აბა, მითხარი. რა პირობა გაქვს?.. თუ ჩემად გინდა თავი. ნურას დამიმალავ.

— ჯერ ვერ გეტყვი, ჯერ ვერა. მოვა დრო, ყველაფერს შეიტყობ.

— ეგ რაღა თავისიანობაა, თუ კი ჩემგან დაფარული გაქვს რამე.

— ამასაც გეტყვი, მაგრამ მერე, როდისმე. ახლა არა და ნურც ჩამცივებიხარ.

— შენი ნებაა. მაგრამ ბოლოს არ ინანო. რომ გეთქვა. იქნება, რასმეში გამოგდგომოდი. ვინ იცის, იქნება. კიდეც ვიცოდე შენი საიდუმლო და რჩევა მინდოდეს, მაგრამ ნებას რომ არ მაძლევ.

— სწორეთ არ გაძლევ. მაგას თავი დავანებოთ. სიამოვნების პურის ქამას ნულარ დავიმწარებთ. სიმწარე და შხამი იერემიას დავულოცოთ. — გაუმარჯოს ყოველ დაჩაგრულს და მართალ კაცს! — წამოიძახა მზიარულებით ბახვამ და სავსე ჭიქა დაცალა.

— გაუმარჯოს! დაატანა წუნკალამ.

ერთ საათს იქით ამ ორ შეგობარს ტკბილათ ჩასძინებოდა თავ-შექცეული პაწია დუქნის ოთახში მწვირიანს მუთაქაზე.

XXV.

ერთ განიერს კუკიის ქუჩის პირად აიმართებოდა ორ-სართულნიანი ქვეთკირის სახლი. საღამოს მეცხრე საათზე მის თალით შეკრულს მოაჯირთან მიადგა ეტლი. მეორე სართულიდან ბოლქვად გამოდგინდა კანდელების შუქი, რომელიც ზოლ-ზოლათ ეფინებოდა არამც თუ ქუჩაზე, არამედ მისგანვე განათებული იყო პირდაპირ მა-

ლალი სამ-სართულიანი სახლის კედლებიც. კარგ დარბაზს ღამეში ამ ქუჩის ქვეფენილზე უყვარდათ სეირნობა იმ უბნის მცხოვრებლებს, რადგან, როგორც ცხოველი სინათლით, ეგრეთვე ეტლების რიხინითა და სტუმრების მოსვლით. ეს კუთხე სხვა ადგილებზე უფრო გაცოცხლებული იყო. მოსეირნეთ თითქმის ყოველთვის იმ დიდებულ პირზე ჰქონდათ ლაპარაკი, რომელიც ორ-სართულიან სახლში ცხოვრობდა. ზოგი რას ქორიკანაობდა, ზოგი რას: მაგრამ თვით იმ დიდებულ მდგმურს ყოველთვის პატივისცემით იხსენიებდნენ. თითქოს მხოლოდ მას არ შეეხებოდა ის მწიკელი, რომელიც სხვა უფრო დაბალი წოდების გვამზე რომ თქმულიყო. უეჭველათ თავზე ქუდს. ან მანდილს მოხდიდა.

იმ დროს მოაჯირთან მხოლოდ ის ერთად-ერთი ეტლი იდგა, საიდანაც გადმოხტა მაღალი კოთხოიანი კაცი. შინელში გამოხვეული, და ოდნათ მიაკარა თითი შესავალ კარებთან მიქედის ელექტრონის ფოლაქს. მოისმა ზარის რაწყუნე და იმ წუთსავე გაიღო დიდაკარები. გაჩირალდნებული დერეფნიდან გამოვარდა ცხოველი შუქი და კიდევ უფრო გაანათა ის არე-მარე. დერეფანს აუყვებოდა მარმარილოს კიბე, ძვირ ასი წითელი მაუდით ჩამოგებული, რომ სტუმრების ფეხის ხმა ასელის დროს არ გახმაურებულიყო. ახალ-მოსულ სტუმარს კარებში მოეგება ჩინებულია ჩაცმული კარის დარაჯი: მისი ყვითლად მოქარგული საყელო ლამპრების შუქზე ბრწყინავდა.

— ქალბატონი შინ ბრძანდება? — ჰკითხა საიდუმლოთ სტუმარმა.

— დიალ, შინ ბრძანდება, — მიუგო დარაჯმა.

— სტუმრები ბევრნი არიან?

— არა, ბატონო, სრულებით არაინ გახლავს.

ამ პასუხზე სტუმარს ტანში სიამის ქრუანტელმა დაურბინა. „მე აქ ისე არ მოვსულვარ, რომ ხუთი-ექვსი სამხედრო. ან სამოქალაქო წარჩინებული პირი არ დამხვედროდეს“. გაიკლო გულში სტუმარმა. — „დღეს რა ამბავი უნდა იყოს, რომ მისი საკუთარი ხელით დაწერილი პატივობის წერილი მივიღე? ნუ თუ მისი გამქისებული გული ბოლოს მოაღბო ჩემმა მდულარე გრძობამ?.. ან იქნება რაიმე საიდუმლო მახეს მიგებდეს?“

ამ ორი ერთი მეორის წინააღმდეგი აზრით შეპყრობილი სტუმარი შეჩერდა პირველ კიბის საფეხურზე. დარაჯი უცქეროდა თვალებში სტუმარს. ფიქრობდა. იქნება კიდევ მიბრძანოს რაიმე.

— სასტუმრო დარბაზში ბრძანდება, თუ თავის საკუთარ ოთახში? — განაგრძო კითხვა ახალ-მოსულმა.

სასტუმრო დარბაზში მიბრძანდით. და იქ მოგეხსენებათ
შენილაფერი.

-- ხომ არსად აპირებდა წაბრძანებას?..

-- არა, ბატონო. დღეს მთელი დღე ნაბრძანები გვაქვს. თქვენს
გარდა ყოველ სტუმარს მოეხსენოთ: „ქალბატონი შინ არ ბრძან-
დებო“, — უთხრა ღიმილით დარაჯმა.

ამისთანა პასუხის შემდეგ სტუმარი კიდევ უფრო აიტაცა
მგრძნობელობამ. იმან ამოიღო სამ-მანეთიანი და გადაუგდო დარაჯს.
მოსამსახურემ მდაბლათ დაუკრა ხავე და დარაჯა მოაჯირის კარები.
სტუმარი, მღელვარე გრძნობით აღტყინებული. შეტორდა კიბეზე.

დარბაზის წინა დერეფანში ლაქის მაგივრათ. მას მიეგება ხმე-
ნივრად მორთული მოსამსახურე ქალი. ამ შემთხვევამაც არა ნაკლები
ლხენა მოჰქონა სტუმრის გულს.

— ქალბატონი შინ ბრძანდება?... — ღიმილით განუმეორა სტუ-
მარმა.

— დიალ, დარბაზში შებრძანდით. ეხლავ გამობრძანდება.

სტუმარმა მოიხსნა შინელი და მისცა ქალს. თვითონ დადგა იქვე
დერეფანში ამართულ დიდ სარკეს წინ და დაიწყო წვერ-ულვაშისა
და თმის ვარცხნა წმინდა სავარცხლით.

მორთვა რომ გაათავა. მან გაუწვდინა მოსამსახურე ქალს ხუთ-
მანეთიანი.

— რატომ იკადრებთ? — მოახსენა ზრდილობით ქალმა. -- ჩვენ
ფულს არ ვიღებთ.

სტუმარი შეწითლდა და წაილულლულა:

— უკაცრავად. მაპატივეთ.

— არაფერს, ბატონო, — ღიმილით მიაგება პირში მოსამსა-
ხურემ და გაუღო დარბაზში შესასვლელი კარები.

სასტუმრო დარბაზი ძვირფასის, მრავალფეროვანის ხალებით
იყო მოგებული; ზოგზე სხვადასხვა ნადირისა და მხეცების სახეები
ფერადებით ნაკერი, ზოგზე კურდღლის ნადირობა იყო ჩაქსოვილი:--
წინ კურდღელი მიხტოდა, უკან მწვეარი სწვდებოდა. ეს სურათი ისე
ცოცხლათ იყო ხალზე გამოყვანილი, რომ უცხო კაცი, რომელსაც
არ ენახა, მორიდებით ვერ მოახერხებდა ზედ ფეხის დადგმას. ახალ
შემოსულმა სტუმარმა კი დაიწყო არხეინათ სიარული. ეტყობოდა
არა ერთხელ გაეჯეგა მის ფეხებს ეს შვენიერი ნაქსოვი მხატვრობა.
ის ხშირად იცქირებოდა დიდრონს სარკეებში. ბოლოს დაჯდა ერთი
ნახატის წინ, რომელიც პირდაპირ კედელზე იყო ჩამოკიდებული იგი
წარმოადგენდა ოჯახის პატრონის სურათს. ხელოვნურად დახატულს.
ბევრი სხვა ნახატიც იყო იმ კედელზე მიკიდებული, გამოჩენილი

მხატვრების ნაწარმოები. ერთგან აივაზოვსკის მიერ დახატული ბა-
ოამის გარემო მდებარე ალაგები ზღვიან-მთებიანი ეკიდა. მაგრამ
სტუმრის გონება და გრძნობა მხოლოდ სახლის პატრონის დიდ-შვენი-
ერ სურათს შეეპყრო.

ამ დროს გაიღო განის კარი და შემოვიდა ჩინებული თვალ-
ტანადი ქალი. სტუმარი შეკრთომით წამოვიარდა ზეზე და უნებურათ
წარმოსთქვა:

— ვალიდა!

ქალს ეცვა ჩალისფერი აბრეშუმის კაბა. რომლის შიგნიდანაც
მისი მომხიბლავი ტანი გამომსქვირვალებდა. სტუმარი აღიტაცა ამ
სანახაობამ. ის კრთოდა ვერხვის ფოთოლივით. ქალს ეკირა ხელში
სპილოს ტარიანი წკეპელი, რომლის აბრეშუმის ნაქსოვს რქის მარ-
თული ჰქონდა გაყრილი.

— თქვენ მოწყალეო ხელმწიფევე, ასე რად დაიგვიანეთ? — მის-
ცა ხელი და უთხრა. — მე რვა საათზე დაგიბარეთ, ერთი საათი მეტი
რად დამატუსაღეთ ჩემს ოთახში? რათ მაკდევინეთ ამდენი ხანი?..
გაგონილა ესეთი უმართებულობა?..

ის თითქო ნახევრად ხუმრობდა. ნახევრად ნამდვილ წყრებო-
და. სტუმარმა მაინც ხუმრობაში და კეკლუცობაში ჩამოართვა ეს
შენიშვნა. იგი გულისთქმით დარეტიანებულიყო და ვითომც ბოდის
მოსახდელათ თვითონაც არ გაეგებოდა, ათრთოლებულის ხმით რაებს
ბლუწუნობდა.

ვალიდამ შენიშნა ყველაფერი; დაცინვის ღიმილი გადაეკრა
სახეზე, მიუახლოვდა, აათამაშა წკეპელი და უთხრა:

— ნება მომეცით ამ წკეპლით კანონი მოგხადოთ.

— თქვენი ნება არ არის? — მიუგო სტუმარმა.

ვალიდამ ჯერ ნელა გადაჰკრა ზურგზე წკეპელი.

— თქვენი მორჩილი მოსამსახურე გახლავარ. გენებებათ დამს-
ჯით. გენებებათ სპილოს ძვლის ტახტზე დამსვამთ.

— აა! არ გეტკინათ! — და უფრო მაგრად მოუნაცვლა.

— კნინა! — შესძახა სტუმარმა ღიმილით და ცოტა ტანში
დაიწმაწნა.

ვალიდამ მესამედ კიდევ უფრო მაგრათ გადაჰკრა.

— კნინა, თქვენ აღარც კი ხუმრობთ.

— სრულებითაც არა, — წარბ-შეკმუხვნით უთხრა ვალიდამ,
და მეოთხედ კიდევ გადაჰკრა.

სტუმარმა მუხლი მოიყარა ვალიდას წინაშე და გულის თქმით
უთხრა:

— თუნდ კიდევ მომკალით, თქვენი მსხვერპლი არა ვარ?

— გეყოფათ, — ნარნარი ხმით დაუტკბა ქალი და თეთრი ფუნ-
ჩულა ხელი გაუწოდა.

სტუმარი გაგიჟებულოვით მივარდა და ზედ ცხელი ტუჩები
დააკრა,

— ახლა შევირგდეთ, — განაგრძო ლიმილით ვალიდამ. იგი დაე-
შვა გძელ სელზე, ნახევრად მიწვა და უბრძანა სტუმარს მეორე სელი
მიეჩაჩებინა.

— იცი, რომ თქვენთან ერთი შიშვე სათხოვარი მაქვს? —
მომხიბლავი ხმით შეეკითხა ვალიდა.

— ათასი ბრძანეთ. მზას ვარ, ყველა აღვასრულო.

— იერემია რომ დაუსჯიათ კატოლით, მე ამან ძალიან შემე-
წუხა, ტინი ამირია. ის ჩემი ბაისის შვილიშვილია.

— ვიცი, კნინა. საქმე კიდევ მოგვივიდა. სივილას აპელა-
ცია გადმოუტანია. თქვენ არ მიბრძანეთ, მაგ საქმეს ყური უგდეთ?
მთელი წარმოება გულდასმით გადვიკითხე. ძალიან შესანიშნავი საქ-
მეა. მეტად ქუეიანათ არის მოხდენილი ეს ბოროტმოქმედება. შინა-
განი აზრი სჩანს, რომ იერემიას ქალის მოტაცება სურვებია და არა
მისი მოკვლა; მაგრამ რაკი ქალი არ დაჰყოლია ნებას, გამწარებულა
და მასთან შიშის გამო, რომ არ დაეჭირათ, უნებურათ დაუკრავს
ფერდში ხანჯალი. იგი ყოფილა მისი ქმრის მტერი და ქალის მო-
ყვარული.

— როგორც გინდათ, ისე იფიქრეთ; მაგრამ იერემია კი არ უნ-
და დამიკარგოთ.

— დამნაშავე თუ არის?

— ამისთვის მოგმართეთ, რომ რალაც იქვია მასზე მიტანილი.
თორემ, ეგ რომ არ იყოს, არც დაგსჯიდით.

— მე რალა შემიძლია, კნინა, მართლ-მსაჯულების წინაა-
ღმდეგ?

— თქვენ უნდა გაამართლოთ.

— სჯობს უმალ დამბაჩა დავიცე, ვიდრე სინილისს გადავუდგე.

— ჰა, ჰა, ჰა, ჰა!.. კაცების სინილისი! — გადიხარხარა ვალიდამ.

— კნინა, ეგრე ნუ დასცინით ჩემს სინილისს! საშიშროება
თქვენ აღარავისი არა გრწამთ-რა. სჩანს, სრულებით შეგძულეობით
კაცის არსება.

— მე ისინი მეზიზღებიან.

— მაშ, მე რისი მოხელე ვყოფილვარ, თქვენი ეშხით ამდენი
ხნის თითქმის სულმობრძავეი.

— კიდევ მისთვის მეზიზღებით, რომ მხოლოდ ენაზე გაკრავთ
სიტყვა „სიყვარული“ და გული გარყენილებით გაქვთ საესე.

— კნინა, მაგას ნუ ბრძანებთ. მე თქვენი სიყვარულით მკვდარი ვარ, თითქმის ბოროტებამდის მიღწევილი გაგიტყდებით, თქვენდამი გრძობამ ცოლ-ქმრობითი მოვალეობაც კი დამავიწყა.

— სიტყვით, მლიქვნელობით.

— რით უნდა დაგიმტკიცოთ?

— იერემია გამიმართლეთ.

— ეგ შეუძლებელია. არც ჩემზედ არის დამოკიდებული.

— თუ თქვენ გინდათ, სხვების აღვირიც ხელში გიჭირავთ.

— არა. საერთო განსჯაში გავლენას ალაგი არ უნდა ჰქონდეს. ამ პასუხზე ქალი აღელვებული წამოვარდა და შესძახა:

— მე თქვენ მეზიზღებით ამდენის ხნის ფარისევლობისათვის ჩემ წინაშე!

კაცი წამოდგა ზეზე დაფიქრებული. მის გულში საშინელი ბრძოლა მოხდა. იგი ყოყმანობდა მოვალეობას და გულის-თქმებს შორის. ბოლოს საიდუმლოთ გადასწყვიტა: „სჯობს ამ მომხიბლავ სატანის სიტკბოების სახეს მოვშორდეთ“.

ვალიდამ თითქოს იგრძნო ეს. გადაწყვეტილება, უცებ მოტრიალდა და მის მშვენიერი ფეხის წვერი, თეთრ ატლასში გახვეული, გამოჩნდა თავ-ჩაქინდრულ სტუმრის წინ. იგი აენთო ახალი გრძობით უცებ ასწია თავი. მისი გულისთქმით სავსე თვალები შეხვდა ვალიდას ლაყვარდ თვალებს, რომელშიაც ღელავდნენ აზვავებული ენებანი.

სტუმარმა უნებურათ მოხვია მას წელზე ხელი, ჩაიკრა გულში, ტუჩი-ტუჩს შეუწება და მიასვენა გძელ სელზე.

— ოჰ, შენ შემოგველოს, ვალიდა, ჩემი ცხოვრება, ჩემი სინილისიც შენ ფერხთა მტვრათ გამიხდია!..

ვალიდამ გადააგდო ბროლის კისერი.

კაცს სწევდა გულის-თქმის ალი; მან წაიღო ხელი ქალის მკერდის გასაფურჩქნათ, მაგრამ ვალიდა უცებ წამოვარდა სელიდან და უთხრა:

— ეგ არა! ჯერ აღრეა.

— მომკალ და ნუ გამწირავ!

— დამშვიდდით, თქვენს თავს მეტის ნებას ნუ აძლევთ!

ამ სიტყვებმა თითქოს ცივი წყალი გადაასხა კაცის გრძობას. იგი უკუჯდა ისევ თავის სელზე.

— მე თქვენ გთხოვთ, თუ ჩემი თავი გინდათ, იერემია გამიმართლეთ, უთხრა კიდევ დაჟინებით ვალიდამ.

— გავამართლებ, — გადაწყვეტით დაჰკრა კვერი კაცმა. — სჯობს ათი დამნაშავე გამართლდეს, ვიდრე ერთი უსამართლოდ და-

ისაჯოს. იერემიას საქმეში მართლაც ბევრია ისეთი საეჭვო კითხვა. რომელიც ბევრთად არ ამტკიცებს მის ბოროტ-მოქმედებას. მართლაც, ვინ იცის, ერია თუ არა იგი ფულავას ცოლის მკვლელობაში? ჟორმალური მხარე საბუთებისა სულ მის მხარეზე სჭრის სამართალს. ჩვენ არცა გვაქვს ნება ჩვენი შინაგანი დარწმუნებით ვიხელმძღვანელოთ ამ შემთხვევაში. გონება სხვას ამბობს. საქმის მიმართულება კი სხვას. ჩვენ მხოლოდ ამ უკანასკნელზე უნდა დავაფუძნოთ ჩვენი გადაწყვეტილება.

— მაშ მოიქცა მძევინარე ფრწმუნოცა!...—მხიარულების თვალის ციმციმით შეეკითხა მოსამართლეს ვალიდა.

სტუმარმა თანხმობის დასამტკიცებლათ მხურვალედ აკოცა ხელზე.

— მაშ, სანამდის მის გამართლებას არ მომიტანთ, ლოცვითა და მარხულობით უნდა შეინახოთ თავი.

— მეტი რა ღონეა; მაგრამ მით უფრო სასიამოვნო იქნება ჩემთვის მოთმინების შემდეგ გახსნილება. იმან დაუჭირა ხელები ვალიდას, მიიწოდა მკერდზე და გულისთქმით გამოეთხოვა:

— ნახვამდის. ჩემო ციურო სიტკბოებაე!..

XXVI.

ლამის თერთმეტი საათი იყო. ერთ სასაქმო დუქნის უკანა რთახში ისხდა სამი კაცი. ერთი იყო ღიბ-გადმოვდებული, დაბიჟენიებული პირისახისა; მეორე — პირხმელი, წითელ-წვერა; მესამე — სერთუკიანი ღიბ-გამოპარსული შავგერემანი კაცი. იმ ორ კაცს მკითხველიც იცნობს; მესამე კი იერემიას შინა მოსამსახურე იყო.

— როდის დაბრუნდება ხოლმე შინ იერემია? — ჰკითხა მოსამსახურეს ბახვამ.

— ის ყოველ საღამოს კლუბში დაიარება, ვახშამს იქ მიირთმევს. შინ მოდის მეორე საათზე ღამით.

— აბა, თქვეი, როგორ მოვართოთ საქმე?.. — ჰკითხა ბახვამ და ამოიღო ჯიბიდან ერთი მუჭა ათმანეთიანები.

მოსამსახურემ არა თქვა—რა, მხოლოდ თვალეხი დააშტერა ჯულებს.

— ერთი, ორი, სამი, — ჩათვალა ბახვამ ათამდის, მერე შეხედა მოსამსახურეს. იგი არას ამბობდა.

— თერთმეტი, თორმეტი, ცამეტი... — გადათვალა ოცამდის. მოსამსახურემ ხმა გაკმინდა.

— ოც-და-ერთი, ოც-და-ორი, ოც-და-სამი...—განაგრძო თელა ოც-და-ათამდის. — შე კაცო, რას გაჩერებულხარ, რატომ არას ამბობ?

მოსამსახურემ ჩაახველა, თითქოს ხმა ამოიწმინდა.

— ოც-და-თერთმეტი, ოც-და-თორმეტი... — მიჰყვა ორმოცამდის.

ბარემაც ყველა მიათვალე და ის იქნება. — ღიმილით უთხრა მოსამსახურემ.

— ეგ ბევრია. კაცო! — შეევაჰკრა ბახვა.

— მიათვალე, მიათვალე, ნუ გეშურება, განა ჩემი დახმარება კი ცოტა იქნება? ის კი არა, ორ მაგდენათაც ღირს.

— აქ სულ ორმოც-და-ათი თუმანია. — უთხრა ბახვამ.

— როგორ?... მაგასაც მაკლებ თუ?..

— ალალი იყოს შენზე მოგცემ...

მოსამსახურემ გადიწმინდა ულვაშები და დაიწყო ლაპარაკი.

— საქმე აი. რაშია: იერემიას ძილის წინ კითხვა უყვარს, ნახევარ საათზე მეტს კითხულობს. შემდეგ სანთელს დააქრობს და დაიძინებს; მაგრამ ღამის პაწია ღამპარი მაინც უნთია.

— ასე რომ ხომ სულ არ ბნელა მის საწოლ ოთახში?

— არა, ცოტათ მიბნელებულია, მაგრამ კაცის სახე როგორც ახლა, შენ გიყურებ, ისე იხედება. ჩემი ფიქრი ასეა: მე უნდა დავტოვო გარეთა დერეფნის მეორე ფანჯარა დაურაზავი, მხოლოდ მიხურული იქნება. თქვენ უნდა გადახტეთ იმ ფანჯარაში.

— რათა? ის არ სჯობია, დერეფნის კარი ღია დატოვო? — უთხრა ბახვამ.

— ეჰ, ეგ როგორ შეიძლება? მაშინვე ექვს აიღებენ ამაზე, შინაურის ბრალიაო, — თქვა ციმბირელმა და მიუთითა მოსამსახურეზე.

— კარგი, მაშ აგრე იყოს, — დაჰკრა კვერი ბახვამ.

— დერეფანს იქით ზალის კარებია. ზალის მარჯვენით მისი საწოლი ოთახია. კარები ორივე დაურაზავი რჩება ხოლმე ყოველთვის; ასე აქვს ჩვეულება.

— ეგეც კარგი. — თქვა ბახვამ.

— საწოლი ოთახის ფანჯარა მაღალზეა? — იკითხა ციმბირელმა.

— ორი საყენია მიწიდან.

— იმას იქით ეზოში რა არის? — განაგრძო ციმბირელმა.

— იქით ეზო მაღალი სარებიით არის შემოღობილი, ჩიტიც ვერ გადაფრინდება ზედ.

— ძირს სამზარეულოს ხომ მაინც აქვს იქით კარგი გასაველი?
— სამზარეულოს აქვს უკანა კარი; მაგრამ, თუ შიგ არ გაიარე, ისე ქუჩაზე ვერ გამოხვალ.

— მაგას რათ კითხულობ? — უთხრა ბახვამ. — განა იმავ გზით ვერ გამოვალთ?

— არა, მე ჩვეულება არა მაქვს, საიდანაც შევეალ, იქიდანვე გამოვიდე, — თქვა ციმბირელმა.

— ფული ახლავე მომეცი, — დაატანა მოსამსახურემ.

— არა. როცა მოვალთ და ვნახავთ, რომ ფანჯარა გაღებულა, ფულს მაშინ ჩაგაბარებ.

— რა ვიცი, ღამეში რამდენს მომცემ.

— ა, ძმავო, შენ თვალის წინ შევეკერავ ამ ორმოც-და-ათ თუმანს, აი, ამ ნაჭრით; ხომ შეატყობ ხელი რომ მოუსვა? — ჰკითხა ჰახვამ.

— კარგი აგრე იყოს.

ამ დროს ოთახის კარების რაკუნის მოისმა.

ვინ ხარ? — დაიძახა ბახვამ.

— მე ვარ, წუნკალა.

ის ორი კაცი მაშინვე გავარდა გარეთ ქუჩის კარებიდან.

ბახვამ გაულო კარი.

— ასე გვიან რათ მოსულხარ?

— სხვაგან ვიყავი, შინ წასვლა დამეზარა და შენთან შემოიხუხვიე, — უთხრა წუნკალამ.

— მშვიდობით, წუნკალა! ამაღამიდან ველარ მნახავ.

— რა ამბავია?.. — შეშინებულათ ჰკითხა წუნკალამ.

— მე იერემია უნდა მოვკლა ამაღამ. ან ზედ დავაკვდე.

— რას გაუგეებებიხარ?.. არა. რომ აქავ სული ამომაძრო, მაინც არ გაგიშვებ. — ჩაატანა ჩოხაში ხელი.

ბახვამ ამოიღო ჯიბიდან ორმოცდა-ათი თუმანი, დააგდო მაგიდაზე და უთხრა:

— ჰა, ძმავო, ამის მეტი აღარა დამრჩენია-რა. ღმერთმა მოგახმაროს ყოველი ჩემი ნაჭირნახულევი.

— არა. არ შეიძლება შენი გაშვება. — ეკოწიწებოდა ჩოხის კალთაში წუნკალა.

— მე ხუმრობის თავი არა მაქვს. მომშორდი. — დაჰკრა ხელი ჩოხის კალთას და გააშვებინა. ის საჩქაროთ გავარდა გარეთ ქუჩის კარიდან. წუნკალა ერთხანს იყო ხმა-გაკმენდილი. მერე წამოიძახა: „ჯანდაბამდისაც გზა გქონია. შენ ჩემთვის აღარ ხარ საჭირო“. იმან

გააქრო სანთელი, გამობრუნდა ისევ იმ კარით, შევიდა მედუქნესთან და იკითხა:

— ბახვა სად წავიდა?

— არ ვიცი, მანდ იყო. მგონია, ვილაც სტუმრები ჰყავდა.

— არა, ისინი ოთახში აღარ არიან.

მედუქნემ სასინათლო წამოიღო, შეანათა ოთახში, მიიარ-მოიარა, კარები დაათვალიერა. „აღბათ სადღაც წასულანო“ — გულ-დამშვიდებით წაილაპარაკა, დარაზა ქუჩისკენ გასავალი კარი და ისევ დუქანში შევიდა.

წუნკალა გამოემშვიდობა მედუქნეს და უთხრა:

— თუ ძმა ხარ, რომ მოვიდეს, უთხარი, წუნკალა იყო-თქო.

— ბატონი ბრძანდები.



იერემიას ეკირა შეენიერი ერთ-სართულიანი სახლი, რომელსაც ქვემოთ სამზარეულო ჰქონდა, ეზო და ცხენების ბოსელი. სადაც ორი ბედაური ება. მისი სადგომი მდიდრულათ იყო ხალებით და სახლის სამკაულით მორთული, რომელიც სტუმრის მისაღებ ოთახად ჰქონდა დანიშნული, ის წმინდა მუზეუმი გამხდარიყო, საცა ძველებური იარაღები. ფარ-შიმშირიდან დაწყებული ჰიბოდის თოფამდის. შვიდი-რვა საუკუნის სამხედრო მორთულობის ნიმუშები — კედლებზედ ეკიდა ლამაზათ ჩამორიგებული. ბევრი იყო მათში ოქროვერცხლით მოქედილი. ერთი ფრანგული ხმალი ეკიდა ამ კედელზე. რომელშიაც ას თუმანს აძლევდენ, მაგრამ არ ჰყიდდა. მისი საწოლი მდიდარი ატლასის საბნებით იყო გაწყობილი, ოთახი კი თექვის ხალებით და ფარდებით მორთული. მარტო მისი საწოლი ტანტი თხუთმეტ თუმანთ ღირდა. იგი იდგა ცალკე, ითვლებოდა მდიდარ სასიძოთ და ბევრი ახალ-გაზნა ქალი შენატროდა მის ქმრობას; მაგრამ იგ ცოლს არ ირთავდა.

იმ ღამეს იერემია ჩვეულებაზე ადრე დაბრუნდა; გრძობდა რალაც დაღალულობას. მოვიდა თუ არა კლუბიდან, მაშინვე დაწვა და მოსამსახურეს უბრძანა: „კარები მაგრათ დარაზეო“, საწოლთან კედელზე ეკიდა ვალიდას სურათი, რომელსაც დაწოლის დროს ყოველთვის გამოეთხოვებოდა და ხელზე აკოცებდა ამ სიტყვებით: „შენ რომ არა. ვინ იცის. მე ახლა სად ვიქნებოდი? იქნება, მადნების მუშაობაში სული ამომრთმევოდა!“

უმთვარო ღამე იყო. ნაშუალამევის შესამე საათზე ორი კაცი მივიდა იერემიას სახლის კიბეზე. ერთი იქვე დადგა. მეორე ავიდა

მალა და მიაწვა დერეფნის კარს; მაგრამ ეს კარი დაკეტილი დაუხედა; შემდეგ გაპყვა განზე სახლის არშის და გასინჯა განის ფანჯარა, რომელიც იმ წამსვე გაიღო. ამ დროს, ძირს რომ კაცი იდგა, ის გაპქრა სადღაც ბნელაში. ცოტა ხანს იქით ისიც ავიდა კიბეზე, დაეკოწიწა გაღებულ ფანჯარას და ძლივს გადაფორთხდა დერეფანში. დერეფნიდან შევიდა კარ-გაღებულ ზალაში. ამ დროს მას მოეგება შიგნიდან მეორე ამხანაგი და უთხრა ჩურჩულით:

— ძალიან ტყბილათ სძინავს. ეს იყო სიმონა ციმბირელი, რომელმაც ყოველივე უკვე შეიტყო, სანამდის ბახეა დერეფანში გადაფორთხდებოდა. ციმბირელმა უტია გზა ბახვას და უკანიდან მოუდგა. ბახეა შევიდა საწოლში და დაადგა მძინარე იერემიას თავზე. ამ დროს იერემია გაიშმუშნა.

— იერემია! — კარგა ხმამცლათ დაუძახა ბახევამ.

იმან თვალეზი გაახილა.

— მოვიდა შენი განწირვის დღე. მოვედი შენი მსაჯული. ესმასგან გამოგზავნილი. — ამ სიტყვებით დაპქრა იმან ფერდში ხანჯალი; მაგრამ, ხანჯლის წვერმა ირეკლა გვერდი წნელზე და ჩაუხვია ფენტხებში. იერემია თვალის დახამხამებაზე უმალ წამოვარდა.

— რას შერები, შე ურჯულო?! — შესძახა ტკივილისაგან გამწარეუბლმა. იმან სტაცა ცალი ხელი მაჯაში და მეორე ყელში წააგლო. მძლავრად გადაუყინელა პაჯა და ხანჯალი ხელიდან გაადგებინა. შემდეგ პქრა ფერდში მუხლის თავი, დასცა საწოლზე და ჩაუქირა მარცხენა ხელი ყელში. ბახევამ ამოუშვა ხროტინი. ამ დროს ციმბირელმა დაპქრა უკანიდან თავში ხანჯალი იერემიას და ძვალი გაუპო.

— ვაიმე, მომკლეს ამ ავაზაკებმა! -- დაიღროილა იერემიამ. უშვა ხელი ბახვას და ჩაიჩოქა გულდაღმა ლოგინში.

გაბრაზებული ბახეა უცებ დასწლტა ხელიდან, აიღო ისევე ხანჯალი და ჩასძახოდა: „ფერდი უნდა გაგიპო, ფერდი. როგორც შენ ზემ ესმას გაუპე!“... იმან ხელმეორედ უნაცვლა ხანჯალი. იერემიამ დაიხროტინა და პირიდან სისხლი გადმოანთხია. ეს იყო სულ ერთი წამის საქმე. ციმბირელი იქ აღარ იყო. ამ დროს მოისმა ეზოში საშინელი ყვირილი მოსასახურისა:

— არიქა, მიშველეთ. ავაზაკები დაგვესხენ. ავაზაკები!... შეიქნა პოლიციელების სტენა. მალე მოვარდენ დარაჯები. ბოლოს მოესწრო იმ ღამის პოლიციის მეთვალყურეც. შევარდა კიბეზე და პქრა მძლავრად ფეხი დერეფნის კარებს; მაგრამ ვერ გააღო; იმან შენიშნა განის ფანჯარა გაღებული და უცბათ გადავარდა დერეფანში. იმას გადაპყვენ სხვა პოლიციელებიც, შევარდენ საწოლ ოთახში და იქ დახვდათ იერემია, რომელიც სისხლში სცურავდა: მის ქვეშაგებში

სისხლის ტბა იდგა და იქვე დოინჯებ-შემოყრილი ბახვა ელოდა პოლიციელებს.

— ეს რა გიქნია, შე ლოთო, ჩარჩო? — გულმოსულად შესძახა პოლიციის მეთვალყურემ.

— სამართალი გავაჩინე, სამართალი! ქვეყანამ არ მაღირსა სამართალი და მე თვითონ გავაჩინე. ეს არის ჩემი ცოლის ესმას სამაგიერო. აი, ახლა გავცოცხლდი! მე ახლა გავხდი ისევ უწინდელი ბახვა. ამიერიდან საცა უნდა ვიყო, ყველგან ბახვა მერქმევა და ქუდიც თავზე მეხურება. მადნების მუშაობაში გამგზავნიან? — იქაც კაცი ვიქნები.

პოლიციის მეთვალყურე დარწმუნდა, რომ სწორედ გიყაო. უბრძანა დარაჯებს, შეპკარით და წამოიყვანეთო. „მე გახლავარ ბახვა ფულავა! გაიგოს მთელმა ქვეყანამ. რომ მცოდნია ვაჟკაცურად სისხლის აღება!“ — ყვიროდა იგი ლამეში, როცა მას თოფის კონდახით სცემდენ და ისე მიათრევდენ პოლიციაში.



პიკოლიკი, ჩიკოლიკი და კუდაბზიკა.

კიკოლიკი, ჩიკოლიკი და კუდაბჯიკა.

ნაწილი პირველი.

I.

186... მაიისის უკანასკნელ რიცხვებში ქ. ჩამოვიდა კიკოლიკი. ის მიემგზავრებოდა მთისკენ. წარმოიდგინეთ ჩემი გახარება, როდესაც ამ კმაწვილმა მირჩია. თან წავეყოლოდი. შინ ძილის მეტს არას ვაკეთებდი და თვითონ სახლობაც გვერდზედ მიყურებდა. ბევრჯელ მოვიწადინე თოხის და ბარის ხელში ალება: მსურდა, სმა და ჭამის ფასი მაინც გამეკეთებინა, მაგრამ მაშინვე დამიტატანებდენ, გაჯავრებით: მეტყოდენ, თოხი და ბარი რა შენი საქმეა. მაგის ხმარება ჩვენც კარგათ ვიცითო. თუ ჰელს გერჩის, იქ შედი (კანცელარიაზე შიშითითებდენ). ოჯახში ფული შეგმოიტანეო. მე კი. სწორე მოგახსენოთ, არაფრად მეხალისებოდა სამსახურში შესვლა. უღელ-შეუჩქვეველმა მოზვერმა რომ უღლის დადგმა იუკადრისოს. ეს გასაკვირველი არ არის. სამსახურში შესვლას რალაც გული არ მითხრობდა. ბუნებაც მას ეწინააღმდეგებოდა. წარმოიდგინეთ კაცი. რომელსაც თავის დღეში სხვის სიტყვით ერთი ნაბიჯიც არ გადაუდგამს. სხვისი ნებით უბრალოთ წარბიც არ გაუმართავს. ახლა უკბათ სამსახურის მტკიცე კალაპოტში უნდა ჩამდგარიყო, მორჩილების დალი შუბლზე მიეკრა, ან მუდამ თავ-დახრილს და ტუჩ-მოპრუწულს კალამი უნდა ეწროპინებინა ქალღღზე, ან და ყურში კალამ-გაჩრილი. ისიც დამორჩილების ნიშნათ წარმდგარიყო უფროსის წინაშე და, სურდა თუ არ სურდა მაინც გაეკრიჭა. ვითამ-და მხიარულათ გახლავარ, სულ ვიცინი სულ ცანგალას ვთამაშობ თქვენ კეთილშობილების, ან მაღალ კეთილშობილების. ან კიდევ მაღლა. ესე იგი აღმატებულების საფარველს ქვეშეო. ბევრია ისეთი კაცი, რომელიც ამისთანა მდგომარეობას შენატრის. იმისთვის რომ იმას კარგი ტკბილი ცხოვრება მოჰყვება ხოლმე და ზემოხსენებული ჩვეულება დიდ პოლიტიკათ. გონიერების ნიშნათ მიაჩნია. მე.. მე... კი ვერაუდეს ვერ დავმორჩილდი ამას. ახირებული გამოხატულება მჭონდა! ამის წარმოდგენა და ტანში ერუანტელის დავლა ერთი იქნებოდა ჩემთვის... „არ მინდა“ მეთქი. შევეყვირებდი ჩემიანებს

და შინ რომ ვყოფილიყავ, გაბრაზებული ავდგებოდი, გარეთ გამოვიდოდი.

სახლეულობა ამისთვის შეჩხუბებოდა და ერთი დავიდარაბა გექონდა. ამ დავიდარაბას რომ მოვრჩენილიყავ, სახლიდან გაქცევა დავაპირე, მაგრამ სად წახვალ, გროში ჯიბეში არ გიქყავა! ამისთანა მდგომარეობაში, თვითონ იფიქრე, მკითხველო, როგორ გამეხარდებოდა კიკოლიკის ჩამოსვლა.

ვინ წარმოიდგენს იმ სიამოვნებას, რაც მე ამ გზაზედ გამოვსცადე: ხან მოხდებოდა, რომ მთის ქედზედ დგებარ, ძირს დაჩერებიხარ მდინარეს. რომელიც გველივით კლაკენით მიძვრება დობილოებში*). გაღმა მთის კალთებში აქა-იქ პატარა ხის სახლები გაბნეულან: ის არის სოფელი. საიდანაც ყრუთ მოგესმის ძაღლების ყეფა. კლდეზედ თხა ნეკერს სწვდება, მწყემსი სასწრაფოს**) უკრავს, ტყეში ცულდს ურახუნებენ. ზოგჯერ შეხედავ, რომ კლდესა და კლდეს შუა მდინარე გადმოჩქრიალებს ორ საყენ სიმაღლეზე. იმისი ხმა ქოჩორა ნაძვის ტყეში შორს გაისმის. ხან დგებარ თოვლიან ქედზედ; შორს მთის ნახეთქებში ვეება თოვლი ჩამოწოლილა; ის თან დნება და თან ადამის წლის კლდეებს გრგვინვით არღვევს. ზოგჯერ ისიც მომხდარა: რომ თვალაუწვდენელის მთის ძირზე დავბინავებულვართ, ზევიდგან გათეთრებული მთის წვერი მიმინოსავით დაგვეყურებს. უეცრათ ბნელ ღამეში ამობრწყინდება კაშკაში მთვარე და შეხედავ, რომ იმ მთის ძირზე შემოებხვია ბამბის ქულასავით თეთრი ღრუბელი. დილას, როცა მზე ცას გააპობს, შეხედავ, რომ იგივე ბამბის ქულა ღრუბელი მთის წვერზე ადენილა და იქ დამჯდარა წმინდანივით. ამ გვარი სურათების ნახვას რა სჯობდა ქვეყანაზე!..

186... 9 ივლისს, ნაშუადღევის 5 საათზედ ქ...დან გამოვედით. ჩვენ ოთხნი ვიყავით: ჩიკოლიკი, კიკოლიკი, კუდაბზიკა და მე. კუდაბზიკა იურულათ იყო გამოწყობილი. მარდი და მეტიჩარა. იშის ქერა თმაზე, ნისკარტიან ცხვირზე და წვრილად გაწყვიპინებულს უღვაშებზე რომ შეგებენდა, მაშინვე იტყოდი, ეს იმერელი უნდა იყოსო. ასეთი ამაყი და უკადრისი რამ იყო ეს დალოცვილი, ტყუილა ცერი რომ გეჩვენებინა, ერთ ადღზე შეხტებოდა. ასეთს გახრეკილს ცხენზე იჯდა, რომ ძვლისა და ტყავის მეტი არა იყო რა. სწორეთ წყალში ამოწუმბულს ვირთაგვას ჰგავდა. კუდაბზიკა ხშირათ მოსკიმავედა ხოლმე სადავეს. რომ თავის ბედაურისთვის კისერი მოედრიკა და ამას-

*) დობილოს იმერეთში ეძახიან ხეზე ასულს ყურძნის ვახსა.

**) სასწრაფო არის ერთგვარი საკრავი. ის არის შემდგარი წვრილ-წვრილ ლერწმის მასრებისაგან, რომლებიც ერთად ბლის ქერკით არიან შეწნულნი: ამ საკრავს ნაზი და მრავალ-გვარი ხმა აქვს.

თანავე ჰკრავდა დეზებიანს ქუსლსა. რომ ცოტაზე მაინც გაეცუნდრუ-
კებინა, ვითომ შემხედეთ. როგორს რაშზე ვზივარო. საწყალს ვირთა-
გვა ცხენს იმის დეზებისაგან გვერდები ჰქონდა გაცლილი.

მე მეცვა გასვრილი თეთრი შალის ჩოხა. ვიჯექი ოცდა-ხუთის-
წლის გაუტრეპელს ჯორზე და უკან ასეთი ხურჯინი მეკრა. რომ ქვე-
ითს კაცს წელს მოსწყევტდა. ჩემი ჯორი მეტად გაუწვრთნელი რამ
სულიერი იყო. იმისთანა ზანტი ნურც გინახავს კამბეჩი ქიზიყისა. ასე-
თი თავისნება იყო. რომ. თუ აზრში არ მოუვიდოდა, იფნის ჯოხიც ფეხს
ვერ გადადგმევინებდა: ეს იყო პირდაპირ იმ ძველი კაცისთანა, რო-
მელსაც არც დიდი განათლება მიუღია და არც ისე დარჩენილა სულ
უარარაოთ; ყოფილა პირველთაგანი იმ დროს, როდესაც უკანას-
კნელები პირველობდნენ, როდესაც ამ პირველობაში უკანასკნელს
თავი გასვლია. მომეტებული პატივის დაყრით კანი გასქელებია, უგუ-
ნურების ნიშანი გონიერებათ შესცვლია და რაც უნდა უთხრა, მაინც
თავისას არ იშლის. მაგლითად, რომ უთხრა: ბატონები ცხენებიდან ჩა-
მოაბძანეს და მოკლე კუდიანებზე შესვესო, ის მოგიგებს: „ვინ გითხრა..
ისევ ის ბედაურები გახლავსო“. — ბატონო. ყური უნახე და კუდი ხელ-
ში დაიჭირე, თუ ის არ არის. — „ყურიც ვნახე, იმის კუდიც ხელში მი-
ქირავეს, მაგრამ მაინც ბედაურები არიანო“, მოგიგებს. სწორეთ ამის-
თანა ძველ კაცს წარმოადგენდა ჩემი ჯორიცა.

წინათვე ვიცოდი ამისთანა მატარებლის თვისება და დეზებით
შევიარადლი. ქვეყანაზე ყოველთვის ასეა: როცა სიტყვა არ გავა,
წნელს ხმარობენ და. თუ წნელიც აღარ იმოქმედებს; დეზებს გაჰკრა-
ვენ ხოლმე გვერდებში. მაგრამ ახლა ეს უნდა ვიკითხოთ, თვითონ ის
არსება რა შვილი უნდა იყოს, რომელიც დეზებით გვერდებს აჩხვლე-
ტინებს?.. ის სწორეთ ჩემ ჯორს ემგზავსება.

II.

კიკოლიკის ჩინოვნიკსავით ეცვა და ჩიკოლიკს წითელ-საყელოი-
ანი სერთუკი. არ გიკვირსთ, რომ ამისთანა მცირე საგნებზედ ვლა-
პარაკობ! — მაგრამ რადგანაც აქ ტანსაცმლით აფასებენ კაცებს, ამის-
თვის არ შეიძლებოდა, რომ ამაზედაც არა მეთქვა რა, მით უფრო, რომ
ჩემმა ღარიბმა ტანსაცმელმა, როგორც ტრაბახა აზნაურის მოდგმას,
ბევრი დამცრობა გამომარონინა. ამ მხარეში თუ ვისმე ჩინოვნიკსავით
აცვია, მაშინვე გაიფიქრებენ. უთუოთ ვინმე უფროსი უნდა იყოსო..
მაშ დღეს იქნება თუ ხვალ. იმის წინ თავის დაკვრა დამპირდებარო. მარ-
თლაც, ჩვენებური ისე როგორ გაწბილდება, რომ უფროსთან თვეში
ერთხელ მაინც არზით არ მივიდეს. ამის გამო თანამდებობის კაცს.

როგორც ძალიან საჭირო გვამს, ჩვენში დიდს პატივს სცემენ. თუ ტან-საცმლით თანამდებობის პირათ გიცვენეს, სადაც უნდა შემოვალამდეს. ყოველგან იპოვნი ლამის ვასათევსაც და კარგს მასპინძელსაც. მაგრამ თუ ჩვენებურათ უბრალოდ გაცვია და უბრალო კაცათაც გიცვენეს, მაშინ კი ღმერთმა შეგინახოს! კარ-გაღებული სახლის წინაც რომ მიხვიდე ლამის გათევინება სთხოვო, სახლის კარებს შენ წინ მიხურავს და შიგნიდან დედაკაცი გამოგძახის: შინ არავინ გახლავსო. მეზობლისა-კენ თითს გაიშვერს და ვეტყვის: იქ მიბრძანდით, იმ მეზობლისას, იქ მოგისვენებენო. ამისთანა გარემოებაში, რასაკვირველია, ჩინოვნის კაკარდასაც დიდი მნიშვნელობა აქვს...

ქ...დან რომ გამოველით, მზე გადახრილი იყო, მაგრამ ის მაინც ასეთნაირად გვაქერდა, რომ ვარჩიე, ჩემ დამტვრეულ ჭოლგას ქვეშ თავი შემეფარებინა. ჩვენ მივედიოდით გლახათუბნის გზაზედ. ჩიკოლიკი და კიკოლიკი დაწინაურდნენ, კულაბზიკა კი ჩემ გვერდით მოდიოდა. იმისი გახრეკილი ცხენი ისე დაუძმობილდა ჩემ ჯორს. რომ უიმისოთ ნაბიჯის გადადგმასაც არ აპირებდა. კულაბზიკა ჩემთან ძალიან ამაყოზდა და ცდილობდა უკან ჩამოვერჩინე; ამის გამო ის ხშირად ასაჩუქრებდა დეზებით და მათრახით თავის ბედაურს. მაგრამ საწყალი ცხენი ხენეშით თითქოს ამას ეუბნებოდა: „ტყავიც რომ გამაძრო. ჩემ ძმობილს ვერ დავეცილდებიო; პატრონის თვალის მოსატყუებლად ცოტაზედ გაჩანჩალდებოდა, მერე შეჩერდებოდა და ისევე გვერდით ამოუდგებოდა ჩემ ჯორსა. კულაბზიკას მეტის-მეტე სიკაპასით ცხვირი უწითლდებოდა. ის ჯავრობდა ჩემ გვერდით სიარულს. ჩვენში გაუკრეველ ჯორზე შეჯდომა ძლიერ ეთაკილებათ; თუ მოახერხა. ჩვენებური ცხენს უკან ხურჯინს არ შემოიკრავს. არც თავადიშვილი და არც აზნაურიშვილი გვერდით არ ამოუდგება იმ კაცსა, რომელსაც გლენხურად აცვია, თუნდ კეთილშობილიც იყოს: „იმიე, იმ კაცს გვერდში რავე ამოუდგები, ვისაც ყაძახურათ (გლენხურად) აცვია: რომ ვინმე შეგვეყაროს, მეც ყაძახს არ დამიძახებს!“ კულაბზიკაც. რასაკვირველია, ასე ფიქრობდა ჩემზე. ის გაჯავრებული სწყვეტდა და სწყვეტდა მათრახს თავის ვირთაგვა ცხენსა, მაგრამ ცხენი ყურსაც არ აპარტყუნებდა. სერზედ გავედით. სამხრეთით მიეფინებოდა ჭალები, რომელზედაც აქა-იქ სიმინდის ყანები მწვანედ მოელვარებდნენ; ამ ჭალებს საზღვრავდა ლურჯი ბაწარი მთებისა. ამ დროს ერთ ხის ძირას მუშები დავინახეთ. იმათ სამხარი ექამათ და ისვენებდნენ. „შებდე იმ დედა-გ... რავე ტყულა არიან! სულ ძინავენ! ღარიბი იქნებიან, აპა, რა იქნებიან!“ მითხრა კულაბზიკამ. — ნეტა ერთი შენც თოხი მოგცენ და დილიდან საღამომდე ამისთანა სიტყეში გამუშაონ. ვნახავ, იტყვი თუ არა მაგისთანა სიტყეებს? ეს პასუხი გულზედ ლახვ-

რად დაესო ჩემს გულ-ამაყს მეგობარს. გაფიცხდა. გულში რას ფიქრობდა, ისიც ვიცოდი: როგორ გამიბედა ამ უჯიშომო. ნეტა კარგად მაინც ეცვას. რომ ვინმემ შეხედოს, გლენი ეგონება. აბა, ერთი კიდე, გაბედვით მაგისტანა სიტყვები და გაყურებინებ შენ სეირსო. თუმცა გულში ამას ლაპარაკობდა, მაგრამ ცხადათ კი ჩემზედ ხელი ემოკლებოდა. იცოდა, რომ გლენკაციის ტყაპუქში აზნაურისშეილი ვიყავ გამოხევეული. ამის გამო ჩემი ჯაერი თავის ცხენზედ ამოიყარა. რითაც იქმნა. ოთხი ამოაღებინა და წინა მგზავრებს დაუახლოვდა. ვითომ ამით დამიმტკიცა, რომ „შენისთანებს თავს არ გავუყადრებო“. მე მაინც ჩემთვის ვსთქვი: „მალე გნახავ, ლიახვო, დაგხვეოდეს კოლოები“... მართლაც, ხუთ წამს არ გაუვლია. ისევ ამომეტუზა. კულდაბზიკა როგორღაც თვალს მარიდებდა; შეენიშნე, ჩემზედ ძლიერ გამწყარალა იყო. ის ძალიან შეუშინდა ჩემს სიტყვას. მგონია. კოდით სიმინდს *) დაპირებოდა თავის განრეკილ ცხენს, ოლონდ კი დაწინაურებულ იყო. მაგრამ იმის საუბედუროთ ვირთავა ბედაურს ფეხს არ ერჩოდა. დაბინდდა. გლახათუბანს რომ მივედით, ათი საათი შესრულდა. აქ ჩიკოლიკს ბევრი მეგობარი ჰყავდა. არჩია, არჩია, ვისას ჩამოვბტეთო. და ბოლოს გადაწყვიტა, ერთი შეძლებული აზნაურის ოჯახში მისვლა და იქ ჩამოხტომა. „აბა, კულდაბზიკა, წინ წადი და მასპინძელს ჩვენი მოსვლა შეატყობინეო. უთხრა ჩიკოლიკმა. — მამა ნუ წაგიწყდება. ერთი წინ წაითამაშე შენი ბედაურით მეთქი, მეც დავემეტე. ვეპლაცი!.. შენი გაუკრეკელი ჯორი არ გეგონოს, ყმაწვილო!“ სიამაყით მომიგო კულდაბზიკამ. ცოტახანს კიდევ ისმოდა იმის მათრახის ტაკუნნი უმთვარო ლამეში, მერე კი სულ მიწყნარდა. ჩვენ ცოტა დუქანთან შევიცადეთ და შემდეგ მიემართეთ. აზნაურის ბიჭმა ჭიშკარი ააქრილა. ეზოში ჩავედით. გზაში ძალიან დამტანჯა ჩემმა ჯორმა. იმისმა ჯაგჯაგმა და ჩემმა ქუსლის ცემამ ტანში დამამტერია, ფეხები დამეფორხა. ჯორიდან ჩამოხტომა მენატრებოდა. ვიფიქრე, ჩემ ნივთებ, მასპინძლის ბიჭებზე ყურს უგდებენ. ჩემს ჯორსაც იმათ გადაეცემ მეთქი. მინდოდა, რაც შეიძლებოდა. მალე ჩამომხტარეყავ და ავიანში დაეწოლილ ვიყავ. ვაი, როგორ მოვსტყუედი! მასპინძლის ბიჭებმა. როგორც კი გლენური ჩოხით შემნიშნეს. იფიქრეს. ეს ხლებული უნდა იყოსო, და გვერდი ამიარეს. ზედაც აღარავინ შემომხედა. „აი, გაგიწყრა ღმერთი“, ეთქვი ჩემ გუნებაში. კულდაბზიკა აქ დატრიალებდა და ამისთანა გაქირვებულს მდგომარეობაში რომ დამინახა. ძალიან იამა, ალბათ გულში გაიფიქრა: „ჰი. მასე გირჩენიაო“. ვითომ ვერ

*) ქვემო იმერეთში ქერს იშვიათად სთვსენ: იმის მავიკრათ ცხენს სიმინდს აკმევენ.

ვხედავო. ზურგი შემაქცია. ჩემ ჯორს ხვირჯინ-უნაგირი მოვხადე და მასპინძლის სადგომში მიმქონდა. როგორც კი ფეხი შევდგი კიბის მეორე საფეხურზედ. ფიცარი ჩამიტყდა და ხვირჯინ-უნაგირიანათ ყირამალაზედ გადავეცურდი. კუდაბზიკამ ზევიდან დამიძახა: „აქ მოდი და ავაყენებო!“ ამისთანა დაცინებამ სულ სირცხვილით დამწვა. მე ვიყავი შთამომავლობით აზნაური. უფრო ესა მკლავდა. რომ მასპინძლის ბიჭებმა ამიგდეს. მინდოდა. ისინი მათრახით დამესივებინა. მაგრამ სხვის ოჯახში ვიყავი და ამასაც ვფიქრობდი: შალის ჩოხაში რომ აზნაურობა აღარ გაიკითხონ და ხელი შემდევან, მაშინ ხომ სულ გავუპატიურდები-მეთქი. ვარჩიე ისევ ჩემ ბედის წერას დავმორჩილებოდი. — ნეტავ აზნაურისშვილათ მაინც არ მიცნონ. — ვფიქრობდი გუნებაში. ჩემ მასპინძლის სახლს პატარა აივანი ჰქონდა, მაგრამ რიკული კი ერთიკ აღარ ებადა, სულ ჩაცვენოდა ადამის წლის მოხუცებულებით. ხარისხაც ასეთ რიგათ ირწევოდა, რომ იმის ჩაქცევას ერთი ხელის კვირის მეტი არა უნდოდა რა. ჯერ მინდოდა აივანზე თავისუფლად წამოვწოლილეყავ; მაგრამ, რაკი ხარისხის სისუსტე შევამჩნიე; ისევ ოთახში შესვლა ვამჯობინე. სასტუმრო ოთახი ფიცრის იატაკით იყო მოგებული. ფიცარსა და ფიცარს შუა იატაკს ასეთი ფარღალალები ჰქონდა დატანებული, რომ დიდი გაფრთხილება მართებდა კაცს, ფეხი არ ჩავარდნოდა. „ზამთარში აქ მგელს გაყინავს“ მეთქი, გავივლე გონებაში. შიგნით იდგა ორი გრძელი რიკულებიანი სკამი; ერთზე შეხვეული ფარდაგი იდგა. დალოცვილს სახლის პატრონს ისიც არ გაეშლევინებინა, ალბათ უნდოდა ჩვენთვის დამეტკიცებინა, რომ ფარდაგი გვაქვსო. იქნება ეს შეხვეული ფარდაგი ერთხელაც არ გაშლილიყო. გაშლა რა საჭიროა! საქმე ის არის, უცხო კაცმა არა სთქვას, რომ მასპინძელს ხალიჩა არა ჰქონიაო, თორემ შეიძლება სახლში ხალიჩა სულაც არ იხმარონ. ხშირად ნახავ აქეთქენ ოჯახში იმისთანა ნივთს, რომელიც ოჯახობაში სრულებითაც გამოსადეგი არ იყოს და რომლის ხმარება იქნება არც არავინ იცოდეს, მაგრამ ოჯახის პატრონს ეს ნივთი იმისთვის უყიდნია, რომ სხვის სახლში უნახანეს, და რაც სხვასა აქვს, ის რომ იმას არ ჰქონდეს, დიდი სირცხვილია. იქნება ამ ნივთის მოპოვებამ ერთი წლის მონაგებიც მოინდომოს; მაგრამ ჩვენებური კაცი მაინც იმითი ინუგეშებს თავს, რომ სტუმარს თავი მოვაწონეო... ჩვენს ოთახს ცალ გვერდზე ჩანგრეული ბუხარი ეშენა. იმის წინ სამფეხა სკამი იდგა. როგორც ეტყობოდა, ამ სკამზედ ოჯახის ყმაწვილებს დურგლობა ესწავლათ; სკამი სულ დანით იყო დაჩეხილი. ჩვენ რომ ოთახში დაგვაბინავეს, იქ რვა კაცი თუ მოთავსდებოდა, მეტი არა. ამას გარდა კიდევ იყო სხვა ორი ოთახი უქერო და უიატაკო. იმაში თვითონ მასპინძელი იდგა. პარასკევი

ლამე იყო. მარხვაში ხორცის ქამა ჩვენში იმდროს ძალიან ცოდვით მიაჩნდათ, მაგრამ რადგანაც ჩვენ ლობიოთი მუცლები გვქონდა და-გოდრილი, ამისთვის ჩიკოლიკმა უთხრა თავის კუდაბზიკას, რომ მას-პინძლისთვის ჩვენი უძლურება გაემელავენებინა და ვახშმათ სახსნილო მოემზადებინა. კუდაბზიკა მაშინვე დაფაცურდა. სამზარეულოში ბევ-რი აფურთხეს, ჩუმათ, „უსჯულოც“ ზეერი გვიძახეს, მაგრამ გოპი მაინც ააჭყვირეს. კუდაბზიკას თავი მოსწონდა. რომ უფროსთან იყო განწესებული; უცნობებს ყველას ეუბნებოდა, ჩემი უფროსი მთავარ-მართებლის შესული ყმააო, და ამასაც დაატანდა: „მე ძალიან ვუყუ-ვარვარ, უჩემოთ გარეთაც ვერ ვავაო“. ახლა სამზარეულოში მარხვის ქამის გამო რომ ფურთხება დაიწყეს. კუდაბზიკამ, როგორც მთავარ-მართებლის შიკრიკმა, თავი გამოიღვა: „როგორ თუ თქვენ მაგა გა-ბედეთ, ვის უბედეთ ფურთხებას და რაეა გაბედეთ და ვინ გგონიათ მაგი და ასე და ისეო... ახლათ-ახლათ თქვენ თავს დავაქვინებ და ციმბირში გატყუვინებთ!“ სამზარეულოს ბიჭები შეშინდნენ და ფურ-თხება უცბათ შესწყვიტეს. ცოტახანს შემდეგ კუდაბზიკამ ხმა მოუმ-დაბლა და თითქოს დაიწყა იმათი განათლება ამ სიტყვებით: „მარხვა... რა ვუყოთ! მას აქეთ, რაც ჩიკოლიკთან ვარ, მეც დევიწყე იმის ქამა... არ მომეშვა ბატონი, შენი ქირიშე და თუ გიყვარდეს და ჩემი მამაშვი-ლობა თუ გწამს, რა ვიცი. რა არ მითხრა, ბოლოს კიდევ მაკოცა. რაეა ვაწყენინებდი. კაკალ დიდმარხვის ორშაბათს გაეხლიჩე ქათმის ბარკა-ლი: მოგეცა სიკოცხლე, ის გემრიელი მეჩვენა. ახლა არც კი ვიცი. როდის არის მარხვა და როდის არა... ასე ჰო, თურმე ცოდვა როდი ყოფილა მარხვის ქამა. რომ არაფერი ჰქონიათ სახსნილო. ბერებს იმი-ტომ მოუგონიათ მარხვის ქამა, ასე მითხრა ჩიკოლიკმა...“ ამ ლაპა-რაქს ყურს უგდებდნენ სამზარეულოს ბიჭები. მაგრამ მაინც თავს აჭ-ნეედნენ მარხვის ქამაზე. ეტყობოდათ, კუდაბზიკას სიტყვები არა-ფრად სჯეროდათ.

ვანშამს ბევრი არ დაგვიანებია. ცოტა ხანს შემდეგ ოთახში ხუ-თი თავშიველა ბიჭი შემოიტუხა: ერთს ტაშტი ეჭირა, მეორეს თუნ-გი. მესამეს ხელსახოცი, მეოთხე და მეხუთე ბიჭი კი იმათი კუდებო იყო. დახედე მოსამსახურის უსინდისობას! ხელი დამაბანინეს და ხელსახოცი კი არ მაღირსეს, რომ ხელი გამეწმინდა: არა გიშავს-რა. ხელს ჩოხითაც კარგად გაიწმინდავო. ფიქრობდნენ. ალბათ იქ ასეა ში-ლებული: მებატონის სახლში მომცრო კაცს სადილ-ვახშმის წინ ხელს დააბანებენ და ხელსახოცს არასოდეს არ მიაწვდენენ ხელის შესაწმენ-დათ. მაგრამ ჩემი მდგომარეობა უნდა გენახათ, რა ნაირად მეწყინა, რომ მოსამსახურემ ხელ-შესაწმენდი არ მომცა. ჩემისთანა წარჩინე-ბული აზნაურის შთამომავლობა გლეხკაცად ჩამავდო! აზნაურის კა-

ნი სირცხვილით დამწვა. მაგრამ რას ვიქმობდი! უნდა მომეთმინა, ამიტომ რომ აზნაურის ბუნება გლეხკაცურს ტყაპუქში მქონდა გამოხვეული. გულში კი ასე ვემუქრებოდი მასპინძლის ბიჭებს: „მაჩვენა ტქვენი თაფი. როცა სირმით ვატყლაპული ჩონხა მაცვია. დაგიფრთხობთ ანგელოზებს!...“ — მეთქი.

ჩიკოლიკს როგორც კბილები, ისე ენა არ გაუჩერებია. იმის მეტი აღარაეინ მინახავს. რომ ერთსა და იმავე დროს ორი საქმე გაეკეთებინოს: გოქიკი გაანახევრა და ენაც ამღერა; ვინ მოსთვლის. რაც იმან იმ ღამეს ილაპარაკა! ქვეყანაზედ ერთი საქმეც არ დარჩენილა, რომ იმისი ენა არ შეხებოდეს. რასაკვირველია. ბევრსაც უმატებდა, მაგრამ ეს ხომ ქართველის თვისებაა. დღეში რომ ერთი მაინც არ მოეპოროთ, ისე როგორ გაეძლებთ; მაგრამ ამ დალოცვილს ჩიკოლიკს მაინც, მგონია, ენის ძარღვი გაწყვეტოდა. მარხვის ჭამა, რასაკვირველია. მეც გავიზიარე. ეს შემთხვევა გულში ტყვიასავით ჩამრჩა. ექვი მქონდა, ვაი თუ ჩემმა სახლობამ შეიტყოს ჩემი მარხვის ჭამა. საუბედუროთ ეს ექვი გამართლდა. ორ თვეს შემდეგ, როცა შინ დავბრუნდი. ერთი ალიაქოთი ამიტეხეს, როგორ თუ მარხვის ჭამა გაბედეთ! ბევრი მათურთხეს ცხვირპირში, მაგრამ ხელით კი არ შემხებთან. მაშინ ოც-და-ორის წლისა ვიყავი. ხნიერობა ძალიან შემეწვია, თორემ თოთხმეტ-თუთხმეტის წლისას ლოყებს ამიწითლებდნენ. მე ეს მაკვირვებდა: გლახათუბნიდან ასე შორს როგორ გაიგეს ამისთანა მცირე შეცოდება!.. როგორც სჩანს, ჩვენში იმ დროსაც ბევრი მთხრობელი ყოფილა.

მეორე დღეს ალიონზედ ვნახე, რომ ჩემ ჯორს ქვიქვირი ჩამოეგდო, ყურები ჩამოეყარა და ღობის ძირს ატუზულიყო; მივხედი, რომ იმ ღამეს საწყალს არა ექამა-რა; ან კი რა უნდა ექამა, ათი ქცევა ეზო სულ მოტლეკილი იყო. აქა-იქ გამხმარი ბალახის ღერები ობლად ამოჩრილიყვნენ მიწიდან. უწვიმობისაგან მიწა დამსკდარიყო. მაგრამ ეზოს თავისი შევენება მაინც არ აკლდა. მრავალი ნიგვზის და თხმელის ხეები. რომლებშიაც ყურძნის ვაზები იყვნენ გაწუნულნი. მაინც ჩრდილავდენ ამ განიერს ეზოს; იმათი მწვანელი და გრილი დილა გულს ატკბობდა.

ცხენზე რომ შევსხედით, ცამ მტრედის ფრად ინათლა. ამ დროს მაღალი თხმელიდან მამალი გადაფრინდა მწვანედ დახავსიანებულს ოდის თავზედ და დაიყვილა, თითქო გვეპატოყებოდა, ასე ადრე სად მიბრძანდებით, ცოტა მოგვითმინეთო, მაგრამ ჩვენ გვეჩქარებოდა. მოსამსახურეებმა კიშკარი ააქრიალეს და ჩვენ მასპინძელს გამოვეთხოვეთ.

დილა გრილი დაგვიდგა. ცას ნისლი გადაეფარა, რიქრაეი და შზის აღძობრწყინება აღარ გეინახავს. გზა მიგვიძლოდა ფართო ქალებზედ. მდინარის შხუილი ხან-და-ხან ბუნდათ მოგვესმოდა. მინდორს უწყვილობით მოყვითლო ფერი დასცემდა; ეკლით გაბანდული მწვანე ბუჩქნარი ზოლ-ზოლებად გადაუყვებოდა. ერთი საათი მეტი ვიარეთ ამ მინდორზედ და შემდეგ შევედით სქელს დობილოში: ლოტნარა თხმელის ხეებს ქოჩორა წვერები ვაზის ფოთლებით ჰქონდათ შეხვეული. მაჯის სისხო შავი ვაზები ხეებსა და ხეებს შუა ბაწრებად გამბულიყენენ და თვითონ იმათაც გველსავით შემოხვეოდენ. ამ დროს შხემაჲ პირი გვიჩვენა, მაგრამ იმისი ცხელი შუქი ჩვენთვის უვნებელი დარჩა: ხშირად გაბნეული თხმელა, ხურმა და კაკლის ხეები სქლად გვიჩრდილებდენ. თვითონ მინდორმაჲ ამ დობილოში ფერი იცვალა. როგორც ეტყობოდა. შზის შუქს, ამ ჩრდილში ბალახისთვის სისველე ვერ წაერთმია. დობილოს ტყეში სუნთქვა ძლიერ გაგვიტება; გონებაში გავივლე. ამისთანა მწვანელოვანს ბალში კაცი არ უნდა დაბერდეს მეთქი. ხანდაზმით დედაკაცის ძახილი გვესმოდა; მიუცილებლათ სადმე ახლოს სოფელი უნდა ყოფილიყო, მაგრამ ვერც სახლი და ვერც კომლი ვერ დავინახე; ან კი რას დაინახავ იმისთანა სქელ დობილოში. კუდაბზიკა ცრტად წინ მიდიოდა. ჯორს ქუსლი ვკარი, დაეწვიე და დიდი კრძალვით ვკითხე: აქ რა სოფელია მეთქი. თუ საკითხავი რამე; მექნებოდა. მორიდებით უნდა მეკითხნა, თორემ ხმასაც არ გამცემდა. ჩემ კითხვაზედ იმან შულლი მიჩვენა, თვალები ჩემკენ გამაპარა. უნდოდა შეეტყო, დაცინვით ხომ არ მკითხავსო და!. რაკი დარწმუნდა ჩემ გულკეთილობაზედ, მიპასუხა: „ცხენი-პარიას ეძახიანო“. ამ დროს თავს წავაწყდით ერთს ტყიან მთის ცხვირსა, რომლისთვისაც გარს უნდა შემოგვევლო. კიკოლიკმა ცხენი შეაჩერა და დაუძახა თავის მოსამსახურეს, რომელიც უკან მოგვდევდა: — დათუნა, (ასე ერქვა კიკოლიკის მოსამსახურეს) ცხენი-პარიას წადი და ხელოსანს (მამსახლისს) შეატყობინე. რომ ახლად-ახლავე ორი ცხენი გვიშოვნოს. დათუნამ ძალიან ზანტად გააბრუნა კისრამდის დატვირთული ცხენი. ამ ტვირთში ისე ღრმად იყო ჩაფლული თვითონ დათუნა, რომ თავისა და მხრების მეტი არა მოუჩანდა-რა. მთის ცხვირს იქით ფართო მინდორი ვიწრო არშიად გადაგვექცა. ამ მწვანე არშიას ცალი მხრით დაბალი ტყიანი ქედი საზღვრავდა. მეორე მხრით ჩქარი მდინარე. მწვანე არშიაზე ბევრი არ გვივლია: ჩვენ წინ გამოჩნდა ერთი პატარა კლდის ნახეთქი, რომელზედაც ხიდს ჰქონდა ცალი თავი დაბჯენილი და გაღმითაც იმ გვარივე კლდე ჰქონდა ბურჯად. ამ ორ კლდის

ნახეთქს მდინარის კალაპოტი ძალიან შეევიწროებინა. იგი შეგუბებულ-
ლიყო და იმ დროს ორ კლდეს გიჟურად სცემდა. ამის გამო კლდის ნა-
ხეთქები და ხიდიც ძალიან ძვერდა. ხიდს ქვეშ მდინარეს ქაფი მოეგ-
დო და შხეფს ერთს ადღზედ ისროდა: ხიდზედ გავედით... გაღმიჯ-
მქისი და ქვიანი ადგილი დაგვიხვდა. ეს ალაგი იყო დაბლობი და მე-
ტად ვიწრო. აქა-იქ გვირილა და ეკლნარი გაბნეულიყვნენ. სხვა ბა-
ლახი არა მოიძეოდა-რა. ამ ვიწრო დაბლობზედ ხიდს ახლო იდგა ერ-
თი გახრეკილი დუქანი და იმის პირდაპირ მეორე. დუქანს იქით აი-
მართებოდა გარუჯული კლდიანი მთა, რომელსაც ასკილგაბანდული
ჯაგები ჰმოსავდა. იმ გარუჯულს მთის ფერდზედ დასავლეთის მხრით
ახალ-აღებული ყანა იყო, იმისი ღობე ნახირს შეელეწა და შიგ ბალახსა-
სძოვდა. ჩემი ჯორიცი იქვე გავუშვი. ხიდთან რომ დუქანი იდგა, ჩვენ
იქ ჩამოვხდით. დუქნის ყაფაზაზედ იდგა სამი სავსე გობი: ერთზე ეყა-
რა ღომი, მეორეზე სიმინდი, მესამეზე ლობიო და თავზედ ხუთი კვერ-
ცხი ჰქონდა ირგვლივ შემოწყობილი. შიგნით დუქანში რამდენიმე შუ-
შა ყვითლად და თეთრად გამოსქვერდენ: ზოგში ყვითლად შეღები-
ლი ოტკა ესხა, ზოგში თეთრი; ზევით ბაწარზედ ოციოდე სულუგუნი
ეკიდა; ამას გარდა ყაფაზას ქვეშ ორი ტიკი ღვინით სავსე ჰგორავ-
და. მთელი დუქნის სიმდიდრე ეს იყო. დუქანში ვაჭრობდა ერთი პირ-
ტიტველა ყმაწვილი. ის თავის უუუუნა თვალებს მკვირცხლად აბრია-
ლებდა. ამ პირმოგრძო ყმაწვილს წყლის ფერი ჩოხა ეცვა და ფეხ-
ზედ წულა-ქალამანი (წულას ჩუნტს ეძახიან). იმის გვარა იყო ჩიგუ-
ნია და, როგორც თვითონ ამბობდა, ოდიშში პირველ აზნაურად ითე-
ლებოდა. ჩვენს მისვლაზედ ჩიგუნიას თვალები აუციმციმდა და პირმა
გაუღიმა, ალბათ გულში გაივლო: „ეს კაი სტუმრები მომიყვანა დღეა-
მიქელ მთავარ-ანგელოზმა, დღეს კაი დახლი მექნებაო“. როგორც-
დაველაპარაკეთ, ჩიგუნია იმ წამს ამნაირი სიტყვები მოგვაგება: „პა-
ტონი (ბატონო), ოდიშის როის იქნება თავად-აზნაუროფის გარჩევა?
ნიტე, თქვენი წყალობით, მალე დეინიშნოს კამინსია... მე პირველი
აზნაუშვილი ვარ; ჩემ თავს პირველით ჩავაწერიეფ“. — უყურე ახლა
ამ გაქუცულს მეგრელს, — წაიჩურჩულა კულაბზიკამ, — პირველი კი
არა, უკანასკნელიც არ არის. დედა... რატომ ქვეყანა არ დაიქცევა-
მაგიც რომ აზნაუშვილობას ეძებდეს!.. მაგი ჩიგუნიას ბუშია (ბუშს
ნაბიჭვარს ეძახიან); მართლა, ჩიგუნია კი არ გეგონოს. ბუშია, ბუში!...
— სამჯერ კიდევ ჩამძახა ყურში კულაბზიკამ.

კულაბზიკა სიცხარით პირზე აენტო. იმას საშინლად სწყინდა,
რომ ჩიგუნია იმ აზნაურობის შოვნაზედ იმედი გამოაცხადა. კულაბზი-
კას შეშურდა იმის აზნაურობა, რადგანაც ის უკანონოდ შობილი იყო.
„ღმერთო, კი მომკალი, — მეუბნებოდა ჩუმად კულაბზიკა: — ბუშმაც:

„კომ აზნაუშვილობა დემიტციოს, მერე რათ ევარგება აზნაურობა, მთლად წაპილწდება, გროშათაც აღარ ელირება... აზნაურობის შოვნა რავე იფიქრა მაგ ბუშმა, მაგან!..“

— პატონი ჩიკოლიკი კი მიცნობს, ვინცხა ვარ. მე გამოუძიებლადაც უნდა ჩამწერონ აზნაუროფის ქალაღდში. — იძახოდა ჩიგუნია.

— ჰო. ჰო, დარდი ნუ გაქვს, აზნაურობას მე გაშოენებ! — უთხრა ჩიკოლიკმა. — შენ ახლა ცოტა რამე საქმელი გეშოენე.

ჩიკოლიკი ძალიან თავმოყვარე კაცი იყო და სადაც მივიდოდა, ყველგან ცდილობდა პირველი ადგილი დაეჭირა და დასამტკიცებლად, რომ პირველი იყო, შუბლზე კოკარდას და ყელზე სისხლის ჯვარს არ იცილებდა; უცხოსთან ისე იქცეოდა და ისე დიდ ვინმეთ აჩვენებდა თავს. რომ გეგონებოდა, ამისი სიტყვა და ღეთის სიტყვა მთელ დედამიწის ზურგზე ერთგვარად უნდა მოქმედებდნო. იმის ლაპარაკს რომ გაპყლოდი, იფიქრებდი, მთელი ქვეყანა ამის ფერხთა მტვერი უნდა იყოსო...

ჩიგუნიათ კიდეე თავის აზნაურობაზედ ჩამოაგდო ლაპარაკი. როგორც ეტყობოდა, აზნაურობის შოვნა არც დღე და არც ღამე მოსვენებას არ აძლევდა. იმას ძალიან ეფიქრებოდა, საეჭვოდ არ გამხდარიყო მისი აზნაურობის ღირსება. ამისთვის თუ ვინმე სერთუკიანი შგზავრად გაივლიდა იმის დუქნის წინ, ყველას უმტკიცებდა თავის ძველს აზნაურობას. ალბათ ფიქრობდა. რომ ეს სერთუკიანი კაცები კამისიის წევრებს ეტყვიან: „სოფელს ცხენი-პარიას რომ მედუქნე არის, ის გამოუძიებლად აზნაურად ჩაწერეთო“. საუბედუროთ, ვერც ჩიკოლიკი და ვერც კიკოლიკი კამისიაში ვერ დაესწრებოდენ. ამის გამო უნდა ვიფიქროთ, რომ ჩიგუნიას აზნაურობის შოვნა გაუძნელდებოდა. ის თავის თავს ძველ აზნაურად სთელიდა, მაგრამ, კუდაბზივას სიტყვით, უფალი ჩიგუნია უკანონო ძირითგან მომდინარეობდა.

IV.

დასავლეთის მხრით გარუჯული მთიდან ერთი გზა-წვრილი ჩამოჰყვებოდა. ჩვენ გვითხრეს, ეს გზა-წვრილი მარტვილიდან და ცაიშიდან მოდისო. ამ გზა-წვრილზედ ხან-და-ხან ცხენის გროვე ჩამოჰყვებოდოდა, გაირბენდა დუქნების წინ და მიეშურებოდა აღმოსავლეთისკენ. თითო ცხენის გროვას უკან მისდევდა უბელო ცხენზედ მჯდომი თავ-მოპარსული და ფეხ-შიშველა მეგრელი, რომელიც ცხენებს „ჩღროუს“ მისძახოდა.

— ეს ამდენი ცხენები აქეთ სად მიჰყავთ? — იკითხა კიკოლიკმა. ჩიგუნიას ძალიან იამა კიკოლიკის გამოლაპარაკება; იმას სა-

შინლად უნდოდა კიკოლიკის გაცნობა, რადგანაც გულში ფიქრობდა, იქნება აზნაურობის შოენაში დამეხმაროსო. ჩიგუნია დუქნიდგან სწრაფად გამოვარდა და დიდის პარტივისცემით უამბო იმას, რომ ეს ცხენები მთაზედ მიჰყავთო საზაფხულოდ. ეს მთა ეკუთვნის სამეგრელოს. რაც გამხმარი და გაცვეთილი ცხენი იპოვება მთელს სამეგრელოში, ყველას იმ მთაზე წაასხმენ ხოლმე ზაფხულში გასასუქებლად.

მთა არის ძალიან მაღალი და უზარმაზარი სვეტივით ამართული. ერთგან მეტად იმ მთას კაცი ვერ მიუდგება. ამ ერთგან მთას აჰყვება წვერამდის პატარა ბილიკი. მთაზედ რომ ახვალ, იქ დაგიხედება თვალ-გაღუწვდენელი მინდორი, სადაც ზაფხულში ბალახი სათიბავია. იმ მთას ადგილი არ შეედრება საძოვრად. მაგრამ ერთი ძალიან ცუდი ნაკლულევენება სჭირს — წყალი არა აქვს. ჩამდგარი წვიმის წყლები ბევრგან არის, მაგრამ რად გინდა!.. ისინი არიან მღვრიეენი გოლვიანობაზედ კიდევ დაშრებიან. ესეები ჩიგუნია ამ ასეთი მოწიწებით და სიმდაბლით უამბო კიკოლიკს, რომ გეგონებოდა, ეს არის, სულში ჩაუძვრებაო. — ვიცი, რაც შეილი ხარ, ვთქვი გუნებაში: — გინდა განა კიკოლიკს თავი მოაწონო, რომ ორიოდ სიტყვა შენთვის დაჰყვეფოს კამისიაში. ვაი, საწყალო. როგორ სცდები. კიკოლიკს რა ეკამისიება, ან სად ნახავს კამისიის წვერებს და რომ კიდევ ნახოს, რა გაუვა.

ამ დროს გაეხედეთ და მთიდან გზაწვილილზე ჩამოთხარკდა, ერთი თავვისოდენა შავი ჯორი, რომელზედაც დიდი ძარის სისხო. კაცი შედბულიყო; საწყალო ჯორს გძელი ყურებისა და თავის მეტი არა მოუჩანდა-რა. ეს მსხვილი არსება თუმცა ჯორზედ იჯდა. მაგრამ ფეხებს თითქმის მიწაზედ მიათრევდა. ამ საკვირველს ცხენოსანს უკან, ორი ფეხ-შიშველა და დაკონკილი მსახური მოსდევდა. ეს მსხვილი ცხენოსანი. ჩიგუნიას დუქანს როგორც გაუსწორდა, ის ორი მსახური ჯორს მივარდა. ერთმა სადავე დაუჭირა და მეორემ უზანგი, რომ ძირს უვნებლად ჩამოესვათ მსხვილი არსება. რომელიც დიდი ხენეშით შემოსვენდა ჩიგუნიას დუქანში. ჩიკოლიკმა და კიკოლიკმა სალამი მისცეს დიდის პარტივით და ისურვეს მისი გაცნობა. მათი ბრწყინვალეობა დაზგა (ასე ეწოდებოდა იმ მსხვილ არსებას) დაბრძანდა დუქნის წინ და კინალამ ცხვირი არ დაჰკრა წინგამოგდებულს. ლაზე. მათს ბრწყინვალეობას დაზგას ჩიკოლიკისა და კიკოლიკის ნახვა ძალიან ეუცხოვა და ინდოურივით თავი მიიღ-მოიღო, რომ ჯარად დაეთვალეირებინა უცხო სტუმრები.

— ბატონო, აქეთ სად ბრძანებულხართ? — ჰკითხა ალერსიანად კიკოლიკმა.

მათი ბრწყინვალეობა დაზგა ყველის ვაჭარივით გაიკრიჭა და მეტი არა სთქვა რა. ის იჯდა გამოშტერებული დუქნის წინ. იმისი სველი თვალები და ახირებული ღიმილი თითქოს მუდამ თევზსა და ღომს შებრტყოდენ, მაგრამ მე კი არ მჯერა, რომ ამ პატივცემულის არსებობის მუცელი მარტო ღომს გაებეროს ასე საშინლად. ღომი უფრო აწვრილებს და არ ამსხვილებს. როგორც ვფიქრობ, იმას უფრო ბევრი მკადის გუნდები უნდა ეყლაპა თავის გლეხებისა სასუქ ინდოურსავით. ბრწყინვალე დაზგას თავზედ ორიღა ბუსუსი თმა შერჩენოდა. მეტი არა; ამასთან წვერ-ულვაშიც გათეთრებოდა და სისუქნის გამო წამოზრდილი ღაბაბი გულზედ ეკიდა. ჩიკოლიკმა და კიკოლიკმა ბევრჯელ სცადეს გამოლაპარაკება, მაგრამ ის ხან. „კის“ იძახოდა და ხან „არას“; უფრო ხშირად ქშინავდა. ამ დროს იმის მეძალეც მოვიდა. ჩვენ დავრწმუნდით, რომ ბრწყინვალე დაზგა საკურდლოდ ყოფილა. მეძალეს ზურგზედ ეკიდა გიდელი (გრძელი კალათი) და ორმოცამდე მწვეარ-მეძებარს, ერთი-ერთმანეთზედ გადაბმულს. წინ მიუძლოდა. როგორც კი მეძალე მოუვიდა, ბრწყინვალე დაზგამ მოითხოვა თავისი ჯორი და ისევ ზედ შეედო. საწყალი ჯორი კუდს ცხარედ აცმატუნებდა, ეტყობოდა, რომ მძიმე ტვირთით საქმე ჰქონდა გაკირვებული; გაკირვების დასამტკიცებლად კუდის ძირში მუზიკა დაუკრა და წათოხარიკდა. ორი ფეხტიტველა მსახური ისევ უკან აედევნა და მეძალეც თან გაჰყვა. მინამ ბრწყინვალე დაზგა დუქნის წინ იჯდა. ჩიგუნია მხრები ჩამოუშვა; ზედ ეტყობოდა, რომ იმას ბრწყინვალე დაზგის ძალიან ერიდებოდა. წავიდა თუ არა, ჩიგუნია ისევ ენა ამოიდგა, მოჰყვა იმის ქებას: „პატონი. მაგი ოდიშში პირველი თავადიშვილი არის; ძალიან ბრველი (ბევრი) ყმა და მამული ჰყავსო...“ ამაში არც ჩვენ ვეჭვობდით. ბრწყინვალე დაზგას ზედვე ეტყობოდა: ეს უნდა ყოფილიყო კარგს მოსაქმელ მიწაზედ აღმოცენილი. თორემ იმდენს ვეება ხორცს უნაყოფო მიწა ვერ შეაბამდა.

V.

შუადღემაც მოატანა. ცა გადიწმინდა და პაპანაქება სიციხე დადგა. მხოლოდ დასავლეთისკენ ამოფუღულიყვნენ თეთრი ღრუბლები. წინათვე ვიგრძენ, რომ ეს ღრუბლები საღამოზედ დაგვასველებდენ. ამ მხარეში ხშირად სიციხიანი დღე წვიმიით გათავდება ხოლმე. განსაკუთრებით მაშინ, როცა მოწმენდილს ცას ღრუბელი არ მოსცილდება. კარგად მოგვშივდა. ჩიგუნიას რაც კი ეშოვებოდა, არა დაგვაშადლა რა. სუფრა გავშალეთ. ჩიგუნია ხუთი თუ ექვსი გამხმარი პურის კვერი მოგვიტანა; ამასთან სულუგუნი (ყველი) და ჩარეკა ღვი-

ხო. პურს კბილი ვერ დაეკარეთ. ისე გამხმარიყო, რომ დანასაც კი უქირდა იმისი გაქრა.

— ჩიგუნია, ამის დაღეკვას დევის კბილები უნდა, — უთხრა ჩიკოლიკმა. — სად გიშოვნია ეს რკინის კვერები?

— პატონი, თქვენც კი იცით, ჩვენ პურს არაფელათ ვეწყოებით, ჩვენი საკმელი ლომია. პურს, ასთე, თქვენისთანა პატროსნფელისთვის გამოვაცხოფიეფ და მაქვს აქანეი შენახული. სამი კვირე გეიარს, რომ პურს არავინ მოითხოვს: გახმება, აპა, რა დეემართება!“. სადილს შემდეგ ჩიკოლიკმა და კიკოლიკმა მოისვენენ; მე კი ჩიგუნიათ გამიხმო დუქანს უკან და დამიწყო კითხვა ჩემ ვინაობაზედ და კიკოლიკზედ. ჩიკოლიკს ისიც იცნობდა, რადგან ამ გზაზედ ხშირად დადიოდა. ჩიგუნიათ წინათვე შეიტყო, რომ მე აზნაური ვიყავ და ცოტაოდენი მთავრობის ანგარიშიც გამეგებოდა. სკამზედ ჩამოვეჯექით. იმან თავადურად მხრები აიწია, თავი აიმართა და ცოტა გვერდზედ მელაპარაკებოდა; ვითომ ამ გვარი მოქცევით დამიმტკიცა: თუმცა შენ აზნაური ხარ, მაგრამ მე კიდევ შენზედ უფრო დიდი აზნაური ვარ, თავადობაში ცალი ფეხი მიდგასო. მართლაც, ჩიგუნია ცალფეხა თავადი იყო, იმიტომ რომ მამა თავადი ყავდა და დედა გლეხი, ქალი, რომელიც იყო მოახლედ თავადის კარზე.

— შენ კი გეცოდინება, ვინ არი მაგი, კიკოლიკი რო-ჰქვია? — მკითხა ჩიგუნიათ.

— როგორ არა. ეგ თ...ში ძალიან მიღებული კაცია და თვითონ შენც კარგად გეცოდინება, რომ დიდი მთავრობა სულ იქ არის.

— აპა, ერთი უნდა გკითხო: იცნობს მაგ იმ კამინისის ჩინონიკებს, სამეგრელოს თავად-აზნაურეთს რომ გამოიძიებენ?

— უეჭველად უნდა იცნობდეს-მეთქი. ქ. თ..ს ხის ფოთოლიც ისე არ ჩამოვარდება, მაგან რომ არ შეიტყოს-მეთქი, — ტყუილების თქმა დაეიწყე, მინდოდა იმის გულის პასუხი გამეგო.

— შენ კი გეგეგონება დიდი ჩ* გვარი ოდიშში. ჩ* გვარი ჩვენში პირველი თავადია. დ — ნს გ. ჩ* პირველ კაცად ჰყავდა. მე იმის სახლი-კაცი ვარ.

— მაშ შენც თავადი უნდა იყო. აზნაურობას რომ ეძებ. რატომ თავადობას ხელს არ მოჰკიდებ.

— მაგი მეც კი მინდოდა, მარამ დიდმა გ. ჩ* იმ ოჯახგაწყვეტილმა მომიშალა! მე და იმას ჩხუბი მოგვივიდა და დ — ნს ჩამასმინა: უთხრა, მაგი აზნაურად გახადეო და აზნაუროფის ქალაღდი მოაცემინა ჩემთვის.

ამ სიტყვებზედ ჩიგუნიათ ერთი ქალაღდის ნაგლეჯი ამოაძვრინა ჯიბიდან. ის დ-ნის ხელმოწერილი იყო.

— კი ვიცი, ნასწავლი ბოში (ბიჭი) ხარ და მე რომ გითხრა, ის ამისრულე. ამ ხელს ვერ გედილებ სხვა ქალაღზედ? (და დ-ნს ხელ-მოწერილზედ თითით მიჩენა). თუ გინდა საწერელს და კალამს მო-გიტან. იცი. რეტომ მინდა ამ ხელის გადაღება? ოჯახი დეექტეს ბიძა-ჩემს გვათა ჩიგუნას, ჩემი აზნაუროფის ქალაღები მთლათ იმან და-მიწვა. ამ ქალაღის მეტი არ გადარჩენილა. ვერ ხედავ. აგიც დამ-წვარია?

მართლაც ქალაღის ნაგლეჯს ნაპირები მომწვარი ჰქოდა, მა-გრამ ის კი არ ვიცი, სხვა ქალაღებთან დაწვოდა, თუ იქნება თვი-თონ ჩიგუნამ სანთელზედ გარუჯა თავის აზნაურობის ნაგლეჯი, რომ უფრო დავეჯერებინე.

— მე მაგდენი არ მისწავლია, რომ მაგ ხელის გადაღება შემე-ძლოს სხვა ქალაღზედ. — ვუპასუხე ჩიგუნას. — ისევ სჯობია ქ...ს წადი, იქ გადაღებინე, თორემ ჩემ გადაღებულს ყველა მიხედება და. ხომ იცი, ფალშივობა რომ შეგწამონ. დაილუბები მეთქი.

— კი, კი, შენ მართლს ამბობ. მაგ არაფელია: ამის გადამღებს სხვასაც ვიშოვნი, მარა ეს მაინც მიქენი: კიკოლიკს უთხარი. რომ კა-მინსიის ჩინონიკებს ჩემი თავი გააცნოს. მაგ. თუ იზამს და კამინსიის ჩინონიკებთან შემეწევა, კი ჩამწერენ აზნაურად.

— ბატონი ხარ. მაგას ვეტყვი კიკოლიკს და იმედიც მაქვს. შენს თხოვნას აასრულებს-მეთქი.

— მე შენ კაი სულუგუნს გაჩუქეთ. — მითხრა ჩიგუნამ და გა-მოიტანა ერთი გამხმარი ყველი დუქნიდან. ამისთანა საჩუქარმა ქრთა-მის აღება მომაგონა. შევდექი: ვთქვი, არ გამოვართმევ-მეთქი; მართ-ლაც უარი უთხარი. უნდა გაეტყდე, გულში კი ძალიან მინდოდა ამ სულუგუნის შოენა. პატარაობიდანვე ამისთანა ყველებზე დაფეთე-ბული ვიყავი. ჩიგუნამ სულუგუნი მეორეთაც შემომამძლია, მაგრამ მე ისევ უარი ვსთქვი: თუმცა ჩუმად ჩემს თავს ვიწყევლიდი. რატომ არ გამოვართვი-მეთქი; მეშინოდა, ვაი თუ მესამედ აღარ შემომამ-ლიოს და ამისთანა კარგი სულუგუნი ხელიდგან გამისხლტეს-მეთქი. ღმერთმა უშველოს, მესამეთაც შემომეპატიეთა და სულუგუნი ხელში ჩამიღო. მერე კი, არ მოგეტყვას მარცხი, მე ის აღარ გადამეგდოს. ჩუმად მადლობასაც ვწირავდი. დარწმუნებული ვარ, მკითხველო. რომელიც დაჩვეულხარ ქრთამის ან საჩუქრის ღებას, ეს ჩემი მოქმედება წარ-მოგიდგენს იმ პირველ ნაბიჯს, რომლის გადაღებამ ასე სწრაფად გაა-ღიდა შემდეგ შენი კეთილი მდგომარებოა.

ამ დროს დათუნაც მოჩანჩალდა დატვირთული ცხენით. კისერი ვერდზედ გადაეგდო; როგორც ეტყობოდა, უკმელობით და ბევრი სიარულით არაქათი წართმევიდა. შავი ქული ბოყვივით თავზე ჩამოცმოდა: ქალამნიანი ფეხები უზანგებიდან გამოელო და. თითქო ფეხები ვისმე მოემტერიოს, საცოდავად მოაქანებდა. ის მოჩანჩალდა ყოველ იმედ-მიხდლი; ვერც ხელოსანი (მამასახლისი) ენახა და ვერც ცხენები ეშოვნა. დათუნამ ცხენი დუქნის წინ დააყენა, აუარებელ ტვირთს. დიდის გაკირვებით თავი დააღწია, ერთი ღრმად ამოიხვნეშა და ენა გამოაგდო. ამით დაგვიმტკიცა, რომ, თუ რამე საკმელი ჩქარა არ მომაწოდეთ, ეს არის. შიმშილით სული ამომძვრებაო! ამ დროს კიკოლიკი დუქნიდან გამოვიდა ნამძინარევი და ჰკითხა დათუნას: — ცხენებისა რა :ქენიო? — შენ ნუ მოუკედები ჩემს თავს, მთელი ცხენისპარია სოფელი შემოვიარე. ხან აქ ვეცი, ხან იქ მარა ხელოსანი მაინც ვერ მოვიგდე ხელში: ერთ მოსახლესთან რომ მივედი. მიტბრეს, ყანაში მუშაობსო; მეორე მოსახლეს რომ მივადექი, ნაჩანიკთან წვევიდაო მესამემ კიდო სულ სხვაგან გამასწაელა, არ იქნა, ის ოჯახ-დაქცეული ვერ მოვიკვლიე და ვერა! საძაგელი ქვეყანა ყოფილა, ბატონო. ეს ქვემოთი (ქვემო-იმერეთი)— დიდის სიმწუხარით ამოიხვნეშა დათუნამ და თავი გადააქნია. თვითონ ის ზემო-იმერეთიდან იყო. ეპ. შე საწყალო! — უგემურის ღიმილით უთხრა კიკოლიკმა — შენ მაინც მაგრე იცი: ცხვირის წინ რომ გიდგეს, მაშინაც ძებნას დაუწყებ.

მართალია, დათუნა მოხერხებული კაცი ვერ ბრძანდებოდა. მაგრამ ხელოსნის გამოგდება თავის საბუნაგოდან გამოქნილს იმერელსაც გაუჭირდებოდა. ამ ქვეყანაში ხელოსანი, როგორც კი უფროსის სახელს გაიგონებს, კარში რომ იყოს, სახლში შევიარდება, და მინდორში რომ იყოს, მაშინვე ტყისკენ გაქუსლავს, სადმე კურდღელივით გაინახება და ათასი მეძებარიც ვეღარ გამოაგდებს თავის სოროდან. მეტად ეუცხოებათ ხოლმე საწყალებს უფროსის მოვლენა: ალბათ ბევრჯელ გამოუტლიათ იმისი მწარე ღეზები.

დათუნა რომ ხეირს არ იქმოდა, ეს წინდაწინვე ვიცოდით. იმის მსხვილ-ძარღვებიან ხელფეხსა და მძიმე აგებულებას ზედვე ეტყობოდა, რომ ის კარგი ღონიერი მიწის მუშა ვაჟკაცი იყო, და არა ცქვიტი იმერელი მოსამსახურე. იმისთვის უნდა მიგეცა ხელში თოხნი ან ნამგალი და გაგეშვა სამუშაოდ. ამისთანა საქმეში დათუნას ვერავენი აჯობებდა: მაგრამ ხელზე სამსახურისა, ე. ი. ლაქიობისა, კი რა მოგხსენოთ. მარდის სამსახურისათვის არც ხელფეხი მოსდევდა და არც მსხვილი ტანადობა. წლოვანებით დასერილ იმის შუბლს ეტყობოდა.

რომ იმ ხასერებში მძიმე შრომისა გამო ხშირად ჩამოდენილა ოფლის ანკარა. თვითონ სახეზედაც დათუნასთვის ცხელს მზეს სპილენძის ფერი გადაეკრა. ამ კავკასიის მთებში ის მალმალ შემომწუწუნებდა ხოლმე: — სადაური სად მოვდივართ!.. მე აქ რა მინდა? ეშმაკს თვალს არ უჩანს: ერთი რომ ფეხი გადამიცდეს ამ უძირო კლდეებში, ხომ ჩემს ძვალსა და რბილს კაცი ველირ ნახავს!.. თურმე კაცი რას შეესწრება თავის სიცოცხლეში!.. რავე მოვიფიქრებდი, რომ როდისმე ამისთანა ოღრო-ჩოღროში მომიხდებოდა სიარული. ღმერთო. ვინ მიხვდება შენს სამართალს!.. კლდეებში ტანტალი რა ჩემი საქმე იყო?.. ჩემი ხელობა თოხნა და მკაა. ამრიგად მოიგლოვდა თავის მდგომა: რიობას; მერე მომიყვებოდა, თუ როგორი ნამუშევარი მოდის იმათ მხარეში. „ვაი, სადა ვარ ახლა, რომ ჩემს ტარო-გამოდებულს სიმიდის ყანას არ ვუყურებ; რატომ ჩემს ყურებს არ ესმის იმის სისინი?...“ სიმწუხარით წაიღულუნებდა დათუნა. „ჯერ ახალი სიმიდი არ მიკამია. წრეულს სიმიდს ვერ დაუდგა კარგი ამიდი. ერთობ გვალვა იყო ამ წელიწადში: სიმიდის ყანები სულ ჩაყვითლებული დავტოვე. მარაპურის სამდურავს ვერ ვიტყვი; მოგეცა სიცოცხლე. წრეულს იმას კარგი გამოსავალი ჰქონდა!“ ამ უკანასკნელ სიტყვებს სიამოვნებით და თავის ქნევით წარმოსთქვამდა. პირველად იმისმა ლაპარაკმა საქმე გამიჭირა: წამის-წამ ერთსა და იმასვე ყურში ჩამძახოდა. მუდამ ნამუშევარზედ ლაყბობა ძალიან მომბეზრდა და თავის მორიდება დავიწყე; მერე-და-მერე ათასში ერთხელ თუ ჩამოგდებდა ხელში სალპარაკოდ, ისიც კარგი იყო; ამისთვის დათუნა უფრო ხშირად მოგვდებდა უკან ხმა-გაკმენდილი; მუდამ თელემასში იყო და გაუწყვეტლად თავს გვიკრავდა. ხან-და-ხან უეცრად თვალებს გამოაქყვეტდა და, უძირო ღრეებს რომ დაინახვდა, მკერდზედ მუქს მიიბრაგუნებდა და მწუხარებით გამოიძახებდა: „ჰომე, ჰომე, ჰომე!..“ მერე, როცა სამშვიდობო გზაზედ გამოვიდოდით, ისევე თელემას და თავის კერას მოჰყვებოდა. ერთხელ პატარა მთის ბილიკზედ მივიდოდით: მოვიხედე თუ არა უკან, დათუნამ შორიდან ისე მდაბლად დამიკრა თავი. რომ ცხენიღვან გადმოვარდა და ჯაგებში ჩავარდა. წვერ-ულვაშ-გაწეწილი დათუნა მსწრაფლად წამოხტა, პირზე ეკლები მოიშორა. ცხენი დაიჭირა და ზედვე შეეღო. შევჩერდი. როცა დამიახლოვდა. ხუბრობით ვკითხე: დათუნა იმ ჯაგებში რას ეძებდი, ხომ არ დაგკარგვიარა-მეთქი. ამისთანა კითხვა დათუნას არაფრად იამა და უმადურად მიპასუხა: „ნეტაი შენ, რომ არაფერის ჯავრი არ გაწუხებს. ვიცი. ენაზე არა დაგადგება რა და ამ ჩემს გადმოვარდნას კიკოლიკსაც მიახარებ.“ გულში რცხვენოდა, ეს უხეირო შემთხვევა როგორ დამეპართათ და შიშობდა, ეს ამბავი კიკოლიკს არ გაეგო. როცა მც

და კიკოლიკი დაეცინებდით დათუერი მიხრა-მოხრისათვის, თუმცა არას იტყოდა. მაგრამ გულში სწყინდა. პაპანაქება სიცხეში ჩემს ნაბადს და ჩემს კრელს შრაფს იმას მივცემდი შესანახავად. ის ამ უამით სარგებლობდა. თუმცა სიცხე ზურგში აღიმულს გვადენდა. მაგრამ დათუნას ხან-და-ხან კობტაობა ისე მოუნდებოდა, რომ სიცხეს არ დასდევდა: ჩემს შარფს კისერზედ მოიხვევდა და იმის კრელს ფოჩებს გულზედ გადმოიკიდებდა, ნაბადს წამოისხამდა და თითქოს გულში ამას ამბობდა: „კარგი ჩაცმა მე-კი არ დამშვენდება თუ? ახლა ამ შარფში და ნაბადში რათი მჯობია კუდაბზიკა?“ ეს ახირებული მისი ხასიათი მე კი არაფრად მომწონდა, სწორეთ მოგახსენოთ, იმის ოფლიანი კისრისაგან ჩემ შარფს ცუდი სუნის დაედინა. რამოდენსამე ხანს შემდეგ იმის პომადით ჩემს შარფს ასეთნაირად გაიმურა, რომ მეტი გზა არ მქონდა, დათუნას ვუთხარი: „შენი შენთანვე იყოს“—მეთქი და შარფიც ვაჩუქე. დათუნას სხვანაირად მორთეაც უყვარდა. დიდილილობით გამოლვიძებას ვერავინ მოასწრებდა. ჯერ კიდევ მზის სხივი არ იქნებოდა გაბნეული ცვარით ჩამარგალიტებულს მინდორზედ. ისე ხევის ნაპირას იდგა და პირზედ წყალს იშხათუნებდა, მერმე ჩონის ან ახალუხის კალთით პირს შეიწმენდა. მოჰყვებოდა თებოიანი ხის საეარცხელით თმისა და წვერ-ულვაშის ვარცხანას; ულვაშებს გაიწვიპინებდა, ბოლოებს მოუტრებდა. იქით და აქით რგოლებს გაიკეთებდა; მერე ლურჯი გამურული ულვაშსაკრით აიკრავდა. ხშირად ვეტყოდი ხოლმე: — ვაი, მაგ ულვაშების ბრალი შენს ხელში. მე რომ მაგათ ადგილას ვიყო, აქამდის სადმე გაგექცეოდი. ულვაშების მაგდენი გრება და გლეჯა როგორ იქნება-მეთქი. — „კაცს ვაუკაცობა ულვაშებში შეეტყობაო — მიპასუხებდა: — ღმერთს ულვაშები საშვენებლად მოუცია; ისიც რომ კარგად არ შევიანახო. რა კაცი ვიქნები! კაი დეემართოს, კირგს ის შევბოდეს, ვინც ულვაშებს იქნაქავს და იპარცავს!.. იმას კაცს რაეა დოუძახებ? ის ქალიაო“. დილით ულვაშების აკვრა და წვრილ-ტარიანის ჩიბუხის წვევა ძალიან უყვარდა დათუნას. გძელი თუთუნის (თამბაქოს) ქისა მუდამ უკან სარტყელში ჰქონდა ჩაბნეული და, თუ არ სწყევდა, ეს წვრილ-ტარიანი ჩიბუხი თუთუნიანს ქისაში ედგა ხოლმე.

მიხვრა-მოხვრაში დათუნა მართლაც დათვის მოდგმისა იყო. იმასთან ახლოს მიკარება მეძნელებოდა; მაშინვე ან ფეხს დამადგამდა ან იდაყვის თავს გვერდებში მითავაზებდა. დათუნას ერთი საქმისათვის ძალიან ვებრალებოდი. ჯორს ნახევარჯერ სულ ის მიკაზმავდა ხოლმე და ჩემს ბარჯზედაც თვალყური ექირა. ერთხელ გზას მივეჩქარებოდით და ჩემს ჯორს მე თვითონ ვკაზმავდი. მოსართავი რომ მოუეჭირე, ამ დროს დათუნაც გვერდით ამომიდგა, უნდოდა, ჩემი

ჯორი თვითონ შეეკაზმა, მაგრამ, როგორც კი დაიძრა, მექექზე ფეხი დასადა. — დათუნა, დათუნა, ფეხი, ფეხი აიღე, თორემ, ეს არის. მოვეკვდი! — შევეკივლე გამწარებულმა და წაიქეცი. ფეხის ნეკის ტკივილისაგან გაბრაზებულმა წიხლი ვუთავაზე. იმან ფეხი ფეხზე უპოირტყა, წაბორძიკდა და ეს ვეება კაციც თავზე დამეცა. — „ა. გაგიწყრა შენ ჩემი წმინდა გიორგი!“ — გაჯავრებით მივატანე. — შე დალოცვილო, რა არის, რომ მიდღეჩი ჩხიკინს არ მოიშლი? — წამოდგომანედ წაიდუღუნა დათუნამ. — თუ აგრეა, სულაც აღარ მოგეკარები, აღარც ჯორს შეგეკაზმავ და არც შენ ბარჯს ყურს ვუგდებო.“ მე უნდა გავწყრომოდო და პირიქით იმან დამიწყო ჯავრობამას კი აღარ ეძებდა, რომ ოხერმა კინალამ ფეხის ნეკი მომამტერია...

თუმცა ამისმა დათურმა ყოფა-ქცევამ გზაზე ბევრი უსიამოვნობა გამოგვარონინა. მაგრამ მუშაობით გამხნევებულს იმის სახეზე რომ შეგებენდა, არ შეიძლებოდა, პატივი მაინც არ გეცა. ის თავის წინდაუხედავობით და მიუხელომლობით ხშირად აჯავრებდა ხოლმე კიკოლიკს. ესეც თუმცა ძალიან თაფლი-კაცი იყო, მაგრამ ხან-და-ხან ველარ მოითმენდა და შეჰყვირებდა; მაგრამ დათუნა ფილოსოფოსურად სახეს არ იცვლიდა; ის მხოლოდ ჩემად დაიწყებდა კენესას. თითქოს ნანობდა: კიკოლიკის საწყენი საქმე რად მომივიდაო. დათუნა რომ ცხენზე იჯდა, კიკოლიკისა იყო, და ამ ცხენის სიყვარული იმას გულში ჩაეარდნოდა. ის ხან-და-ხან მიჩურჩულებდა: — იქნება კიკოლიკმა ეს ცხენი მაჩუქოსო. თურმე დათუნას ამისთვის უფრო ეკირა თვალ-ყური ჩემს ჯორზედ: იცოდა, მეც გამოსადეგი კაცი ვიყავი მისთვის. — ვითომ არ შერგება თუ? მკითხავდა დათუნა. — რაც მე ამ უძირო ფხრეწებში (ღრეებში) შიში და წვალება გამოვიარე. ერთ ცხენად არ ღირს თუ?.. ჩემი შარფი რომ დაისაკუთრა, ცხენიც იგი რიგადვე უნდოდა დაესაკუთრებინა და ამის გამო ხშირად მეხეცებოდა. კიკოლიკთან ცხენი გამიჩიგეო.

VII.

თითქმის სამხრობამ მოაწია და ჩვენ კიდევ ცხენი-პარიას სოფლის ღუქანთანვე ვიყავით დაბარგებულნი. ხელოსნის უნახაობამ ერთობ დაგვალონა. ცხენები არსად გეყავდა და ვერც დავიძროდით. ზვენი ბარჯი ძალიან შიძიმე გამოჩნდა. რაც თან მოგვექონდა, ერთი იმდენი და მეტიც ხიდთან დაგვახვედრეს სვანებმა, რომელნიც ჩიკოლიკის ხლებულნი იყვენ და ჩვენზედ ერთი დღის წინად წამოსულიყვნენ. ორი სხვა ცხენი კიდევ დაგვეკირდა; მაგრამ სად იყო? გვეშიშნოდა, ამ ადგილზედ არ შემოგველამებოდა. ამ დაღონებაში რომ ვართ,

ერთი ტალახში ამ.ითხუპნული იმერელი მოგვეპარა და განზედ დადგა; თავის კურტნიანი ცხენი ღუქნის წინ სვეტზე მიაბა. მეორე კურტნიანი ცხენი მეორე ღუქანთან გაჩნდა. ეს იმერელი იყო გლახათუბნიდან. ვლახათუბნელს ეცვა ნარინჯის ფერი დაკონკილი შალის ჩოხა. ჩოხის პაფლეთები ერთი ერთმანეთზე თეთრი სელის ძაფით ჰქონდა აკინძული: პირველ შეხედვაზე იტყოდი, ალბათ ჩვენს წინაპრებს, ადამს და ევას. ამ გლახათუბნელსავით ფოთლებ აკონკილი სამოსელი უნდა ცმოდათო. შორიდან გლახათუბნელის ჩოხა მართლაც გამხმარი ფოთლებისა გეგონებოდა. ტიტველა წვივები ამას მუხლამდის ჰქონდა აკაპიწებული (დაკარწახული) და კანკები სქელი ტალახის ქერკით შეემოსა, თავზედ ჩალის შლაპა (*) ეხურა და შლაპის ქვემოდან ცეცხლივით თვალებს აბრიალებდა. მაშინვე იტყოდი, ეს გაიძვერა ვინმე უნდა იყოსო. იმის გარუჯულს სახეზე შავად წამოზრდილს წვერულვაშს მგლოვიარების ბეჭედი დაესვა. ის მართლაც მძიმეთ გლოვდა რალასაც და ეს რალაცა იყო მთელი იმისი მოუსვენარი ცხოვრება. ზედვე ეტყობოდა, რომ გლახათუბნელს წარსული თავისი სიცოცხლე სულ კაპანწყვეტაში ჰქონდა გატარებული. თითქოს შეუბრალებელს გარემოებას ნდომებიაო ამისი დაჩაგვრა და წელში გატეხა, მაგრამ გატეხის მაგივრად იმისი ზნეობითი მხარე წნელივით მიქნილ-მოქნილიყო. გარეგანის უსამართლოებისათვის გლახათუბნელს უსამართლოებითვე გაუცია პასუხი — მითი, რომ ის თვითონვე შექნილა უსამართლო და გაიძვერა. იმაზედ მუდამ თვალყური უნდა გქეროდა, რომ ან არ მოეტყუებინე და ან რამე შენთვის არ წაეგლიჯა...

ის ჩვენ შორი-ახლოს დადგა ღუქანთან. მაშინვე შეატყობდი, რომ იმას ჩვენგან რალაც უნდოდა.

— შენია ეს ცხენები, აქანა და იმ ღუქანთან რომ აბიან? — ჰკითხა მას კულაბზიკამ.

— აგი ერთი ჩემია და ის, იქინა რომ აბია, ლეჩხუმელისაა, — მიუგო გლახათუბნელმა.

— შენ სილოური ხარ?

— მე გლახათუბნელი ვარ.

— გვაქირავე შენი ცხენი, კაი ფასს მოგცემთ.

— სა მიბძანდებით? /

— ჩვენ შორე გზა გვაქ. მაგრამ შენი ცხენი მარტვა თეთრ კოშკამდის დაგვჭირდება.

(*) იმერეთში პურის ღერისაგან აკეთებენ შლიაპებს.

თეთრი-კოშკი არის ერთ ქალაქედ მდებარე სოფელი. ეს სოფელი უწინ დადიანებს თურმე ძალიან ჰყვარებოდათ. იქ იმ დროს გაცივებული ხის სასახლე იდგა უწინდელი დადიანებისა.

— უუპ! — დაიყვირა გაკვირვებით გლახათუბნელმა. — იქინა მე და ჩემს ცხენს რა გაგვიყვანს? მე და ჩემი ცხენის მოკვლა გდომებოდა და ისაა! იმისთანა პილწი გზებია, რომ რას მიბძანებთ?... იქინა არ მოვკლა ჩემი ცხენი, აქანა ცხენისწყალში ჩაეახხოფ და ის იქნება!.. აჰ. მაგი ჩემი საქმე არაა. მაგას იგი მიჩიქვინა, გლახათუბნისაკენ გოუდგები. სინემდის თეთრ-კოშკს ჩევიდოდე, ხუთჯერ მაინც ჩევიტან ლეინოს ქ — ს... გლახათუბნელი გაგეშორდა და მეორე დუქანთან მივიდა. ხუთ წამს არ გაუვლია, ის ისეე მობრუნდა და თან ლეჩხუმელი მოიყვანა. ლეჩხუმელი იყო პატარა, მაგრად ჩასმული ბიჭი, ქერა და თაგვსავით თვალებ-გამოკუსული. რომ შეგეხედნა, იტყოდი, იმის ნიკაბი პირის-სახეს ჩაულაპავსო. თავზე თეთრი ყაბალახი ეხურა და ყალიონს (ჩიბუხს) სწევდა. ის იყო ახალგაზრდა. პირზედ წვერ-ულვაში ამოსდიოდა.

— იქინა რომ კურტანიანი ცხენი აბია, ის შენია? — მეორე დუქნისკენ თითი გააშვირა კუდაბზიკამ და ჰკითხა ლეჩხუმელს.

— ჩემია. — უთხრა ლეჩხუმელმა.

— თეთრ-კოშკამდის ვერ გვაქირავეფ?

— რატომ არა, თუ კაი ფასს მომცემთ.

როგორც ეტყობოდა, გლახათუბნელს ჩაეგონებინა. ახლა შენ მიდი და ფასზე მოელაპარაკე, თორემ მუშტარი დაგვეკარგებო; თვითონ კი პირველადვე ასეთი უარი სტკიცა კუდაბზიკას, რომ ჩვენთან მოსასვლელი პირი აღარ ჰქონდა. ახლა გლახათუბნელი განზედ იდგა და შორიდან ეშმაკივით თვალებს აბრიალებდა. იმის გასაგონებლად და გასაუჯავრებლად კუდაბზიკამ უთხრა ლეჩხუმელს.

— აჰა, ძალიან კაი. იმდენი ბარგი არც კი გვაქვს: ჩვენს ბარგს ერთი ცხენიც ეყოფა.

— რაა თქვენი ფასი?... — ჰკითხა ლეჩხუმელმა კუდაბზიკას.

— შენ ნუ გეშინია. კაი ფასს მოგცემთ და კილოც კარგად გაქმევთ.

— მაინც რამდონს მომცემთ?

— ორ მანათს; მეტი რა გინდა. მამაჩემი ნუ წამიწყდება, ძალიან კაი ფასია.

— აჰ. ორ მანათად რაეა იქნება? ამისთანა გლახა გზებში ორ მანათად ცხენს რაეა მოვკლავ?... — ლეჩხუმელი გაბრუნდა და გლახათუბნელიც თან გაჰყვა.

— ბიკო, შენ, გეიგონე, ორ მანათს და ერთ აბაზს მოგცემ. — დაუყვირა კურაბზიკამ.

— ეჰ, რა გეეწოება, სამი მანათი მაინც მომეცით, — სთქვა-ლენხუმელმა და ისევ ჩვენთან მობრუნდა.

— თუ გინდა, ორი მანეთი და ექვსი შაური წვილე, თუ არა და გამეცალე, დეიკარგე აქედან! — წყრომით შესძახა კურაბზიკამ.

— ბატონო. წყრომა რა შენი საკადრისია! აჰა, ორი მანათი და ორი აბაზი მაინც მომეცით, და ისიც ნუ დაგავიწყდებათ, ლენხო ბრეველი მასვით.

როგორც კი ეს სიტყვები გაათავა ლენხუმელმა, ასეთი ნიდაყვის თავი იგრძნო გვერდებში გლახათუბნელისაგან, რომ ლენხუმელი ერთ აღღზედ გახტა. — ჰატ, შე სუნელო, შენ! — წაილულულა გლახათუბნელმა. — ცოტა კილო რომ მოგეცადა, რა გიჭირდა, შე საწყალო. აჰა. აქანა მაგენი ცხენებს სად იშონიდენ? სამი აბაზი ტყუილა მეც დამაკარგვიე და შენც, — უთხრა წყრომით გლახათუბნელმა. გაშორდა ლენხუმელს და თავისი ცხენიც თან წაიყვანა. კიკოლიკს იმედი დაეკარგა, ვაი-თუ მართლა გლახათუბნელმა იმ ფასად ცხენი არ გვაჭირავოსო, და დაუყვირა, რომ მობრუნებულყო; უნდოდა ჭირა მოემატებინა, მაგრამ კურაბზიკა მეტად გაცხარდა: „რას ამბობ!.. ბატონო. მაგი რავე იქნება! მეტს რეიზა აძლევეთ?... რავე შოუძლია, რომ მაგან ცხენი არ გვაჭირავოს, მაგრე ადვილია ჭირის შონა თუ?.. ჩვენ რომ არ წამოგვეყვეს, ერთ თვეს ისთე იქნება, რომ კაპეიკს ვერ იშონის. ჩა-ლანდრების ამბავი კი ვიცი. მაგენისთანა გალღეტილი კაცები არაა ქვეყანაზედ. შენ ნუ მოუკვდე ჩემ თავს, თუ ცოტა მეიცითთ, პირიქით შეგვეხვეწება“.

ცოტახანს შემდეგ გლახათუბნელი ისევ დუქანთან მოგვეპარა. გულში იფიქრა, მართლაც ბარგი მაგდენი არ არის რაო; ცხენიც არ გამელახება და არც ჭირაა მაინცა და მაინც ცოტა. გლახათუბნელი რომ დაინახა კიკოლიკმა, ველარ მოითმინა და განუთქორა: „რას დგეხარ, რატომ ცხენს არ მოიყვან? ჭირას კარგს გაძლევეთ, მეტი რა გინდა.“

— არა. ბატონო, სამ მანეთ ნაკლებ ვერ წვევილებ. ერთჯენ არ გამივლია ამ გზებზე და ორჯენ. ტყულა ცხენი გემელახება და ჭირაც მაგდონი არაფერია, თქვა გლახათუბნელმა.

— ბიკო, შენ ჩემი სიტყვები არ გესმის? ორ მანათს და ორ აბაზს გაძლეე: თუ გინდა წვილე, თუ არა და რატომ დგახარ აქანა? გინდა ამ მათრახით შეგიწითლო გვერდები, თუ რავეა შენი საქმე? ვინ გგონივართ! შენი ტოლები ვართ თუ?... უყურე ახლა ამ ყურუმსაღს, ამას!... გასწი, გეთორიე! — დაუყვირა კურაბზიკამ და მეტისმეტი გაჯავრებით ცხვირპირი აენთო.

— ორ შაურს კიდევ მოვიმ....

— ბატონო მაგი რავე იქნება? — სწრაფად უთხრა კიკოლიკს კურაბზიკამ. — ყაძახს (გლენს) თავს რავე გაუცვლი! თუ მაგის ნებაზე მიუშვი მაგი, მთლად ქუთაისს მოინდომებს.

— არა, ბატონო, მაგიც ძალიან ცოტაა! — წაიღუდუნა ცხვირ-ში გლახათუბნელმა.

მაგრამ ცოტა ხანს შემდეგ ცხენი მიანიც მოიყვანა.

ჩემოდნები ისე დიდები არა ჩნდენ, თუმცა სიმძიმე სამყოფი ჰქონდათ. როგორც-კი გლახათუბნელმა ჩემოდნებს მისწი-მოსწია. მაშინვე დაბალის ხმით ჯავრობა დაიწყო: „აჰ, ამაშიც-კი მომატყუეს!.. ამისთანა მძიმე რომ მგონებოდა. რავე გოურიგდებოდი ასეთ ცოტა ფასათ“. მერე იმან და ლეჩხუმელმა დაიწყეს თანასწორად გაყოფა მთელი ბარგისა. გლახათუბნელმა ჰინჯულიანობა დაიწყო. წამის-წამს უჯავრდებოდა ლეჩხუმელს, შენ ცოტა ბარგი დაიტოვე და მე-კი ბევრი მარგეო. „უჰ, შე სულელო, შე უქკუო, დღეს შენ წამიხთინე საქმე: შენ რომ არა, მაგენს სამ მანეთზე ნაკლებს რავე დაეჯერდებოდი!“ გულდაწყვეტილი ეუბნებოდა ლეჩხუმელს. გლახათუბნელის ლოყები და ცხვირი ნათლად ხატავდენ იმის შინაგან მღელვარებას, ის იყო მთელს ქვეყანაზედ გაჯავრებული და წამის მოსვენება არ ჰქონდა. ყოველთვის სწუხდა. მთელს ჩვენს მგზავრობაში ის ერთხელ მეტად არ მინახავს გაღიმებული და მაშინაც იმის თეთრი კბილები შავს წვერ-ულვაშთან და ჩალურჯებულს თვალებთან ერთად თითქოს მთელ ქვეყანას დაგლეჯას ემუქრებოდა...

ცხენი-პარიას სოფლის დუქნიდან რომ აეებარავთ სამხრობაზედ გადასული იყო. წინათ თეთრად გაპენტილი ღრუბლები უეცრად მთელ ცას გადაეფარა, ფერი შავად იცვალა და გამოუშვა ქექა-ქუხილი; მოშორებით მეხი გავარდა და მსხვილმა კოკურმა წვიმამ დაგვიშინა. გლახათუბნელს კენესა და ჯავრობა არ გაუწყვეტია: ის ხან თავის გაჩენის დღეს იწყევლიდა, ხან სწუხდა, თუ რად წავეყვიო. ჩვენ მიედიოდით მთის ბილიკზე და ალაგ-ალაგ დასველებულმა ქვის სიპმა .საქმე გაგვიქირა; ცხენები ფეხს ვერ იმაგრებდენ. წვიმა ორ საათს მეტს უწყალოდ გვცემდა თავში და ბექებში. ისე დავსველდით, რომ ძვლამდის გაგვატანა, ბოლოს ცუდი ამინდიც დაწყნარდა და საღამოს ჟამს დასავლეთით მზემ ერთხელ კიდევ თვალებში შემოგვაქყიტა, თითქოს დაგეცინოდა: თქვე საწყლებო, წყალში ნათრევს კნუტებსავით როგორ ამოწკუპუნულხართო! სერზე სოფელი გამოჩნდა. საღამოს იმ სოფლის ხელოსნისას დავეციოთ ბინა.

იმისთანა თქვენს მტერს, კულაბზიკას ვირთავვა ცხენს რომ ამ გზაზე საქმე მოუვიდა! იმან უეცრად პირზე ჭაფი მოიგდო და თავის

მხედრიანათ მიწაზე ტყეპა გაადინა. ამ მოულოდნელის შემთხვევის გამო კულაბზიკას თავისი ამაყობა სულ გაეპარა. ის შიშით, ცხენი არ მომიკვდესო, ასეთნაირად გაწერილდა, რომ საცერის რგოლში გაძვრებოდა. სიმწუხარით ქვედა ლაფშიც ჩამოაგდო; თვალები უწინდულად ველარ გამიმართა: გონებაში ვამბობდი, სადღაა შენი ქედუყრელი ამაყობა და თავმოწონება? მაგისტანა ცოტა საქმემ ეგრე როგორ დაგცა, ჩემო კულაბზიკა?! საწყალი მწუხარებით მეუბნებოდა ხოლმე: „დედა, რა მეშველება. ჩემი ცხენი რომ მომიკვდეს!.. უბედურება იგია. რომ საყიდელ ცხენსაც ვერ იზონი ამ საძაგელ ადგილს...“ აღბად, საწყალი ღმერთსაც შეებრაღა: მეორე დღეს იმისმა ცხენმა ისევე ყურები აცქვიტა. თურმე ნუ იტყვი, ამ ვირთაგვა ბედაურს მუცელი სტკივებოდა. როგორც სჩანს, იმერეთში კაცსა და ცხოველს სულ ერთი და იგივე სენი აწუხებს.

VIII.

სოფელს მწირისუბანს რომ მივედით, საღამო შეიქნა. გიორგი სვანი ხელოსნისას მიგვიძღვა. სახლის პატრონი შინ არ დაგვხვდა, მაგრამ ვინც იყვენ. კარგის გულით მიგვიღეს. ხელოსანი ესახლა შუაგულს ტყეში, ერთს მთის ფერდზე. იმისი სამოსახლო მაღალის წიფლისა და წაბლის ხეებში იყო ჩამალული; ეზო-კი აწლითა და გვიმრით (ჩადუნათი) იყო გავსებული. ჩვენ შეგვიყვანეს სასტუმროში. ეს იყო ახალი ფიცრის სახლი. სარის ღობე შიგნით სასტუმროს ორ ნაწილადა ჰყოფდა: ერთი ზღვეთი იყო მოგებული და ბაგაზე ცხენები ება. ამის გამო თითონ სასტუმროში სუნნელოვანი ბოლი იყო გამდგარი: თუმცა ეს ბოლი ჩემ ცხვირს ძალიან ემლაშა, მაგრამ გლახათუბნელისა და ლეჩუმელისთვის რომ გეკითხნა, ამისთანა კარგი სუნი თუ რასმე აუღინდებოდა, არ ეგონათ. სასტუმროს მეორე ნაწილზე კედლებთან, ერთმანეთის პირდაპირ, ორი ტახტი ჩაუყვებოდა. რომელი ტახტიც უფრო განიერი იყო, ის ხალიჩებით და ფარდაგებით მოჰფინეს. საფენები ზოგი სახლის პატრონისა იყო, ზოგი ჩიკოლიკისა და კიკოლიკისა. ამ ტახტზე ხელმწიფურად განისვენებდა ჩიკოლიკი და იმის მახლობლივ კიკოლიკი. ხელოსნის სახლობა ძალიან ფაცა-ფუცში იყო. ძველი გამურული და გამქვარტლული სახლიდან წამის-წამს მოისმოდა კარების ქრიალი, კაცის და ქალის ხმა და აგრეთვე ძუძუ-მწოვარი ყმაწვილის ტირილი. ჩიკოლიკმა მუთაქაზე ნიდაყვი დააბჯინა, ტალახიანი ჩექმები წინ გადმოაშვირა. ერთი ლაზათიანი დაამთქნარა, პირზე ხელი წაისვ-წამოისევა და დაიძახა: „ოჰ. ოჰ. ოჰ, ოჰ! როგორ დავიწუწენით, ამისთანა წვიმა მე ჯერ არ მინახავს.“ — „იმდენი რა

გი:ბრა, რამდენი უარესიც გენახოს ამ მთებში! შე ოჯახქორო. სულ ამ მთებში არ დადიხარ!.. მგონია, ათასჯელ მინც გაგივლია და გამოგვივლია. შარშან რომ ამ მთებში წვიმა იყო, წრელს (ამ წელს) იმის ნახვევარიც არ არის!“ წაილულულა ჩუმით გლახათუბნელმა და პირიდან ჩიბუხი გამოიღო. ტალახით გათხუპნული ფეხები თბილ ნაცარში ჩაეწყო და ალზე ხელებს უფიცებდა. მოვიდა თუ არა. იმან მაშინვე დაიყვირა: „ცეცხლი, თვარა, ეს არის, მთლათ გევიყინეთ!.. ოჰ. ღმერთო, შენ დააქციე ეს ქვეყანა და (დაბალი ხმით) იგიც, ვინცლამ აქეთ წამომიყვანა!.. ბიჭო, არ გაეუბრება შენ!.. წადი, ახლათ-ახლავე ცეცხლი მეიტანე, თვარა, ეს არის, მოგკალი!“ — შეუტია პატარა ბიჭს, რომელმაც იმ დროს ძველი სახლიდან თავი გამოყო. გლახათუბნელისთვის რომ შეგეხებდა, მართლაც შეგეცოდებოდა. და-გლეჯილი ჩოხა ფოთლებსავეთ ტანზე დაკვროდა. წვერ-ულვაშ ჩამოწკუმპლული სწორედ წყლის ქაჯი გეგონებოდა. როცა კერას ხმელ შეშას აყრიდენ, ის სიხარულით ამხნევებდა ბიჭს: „აი, შენ დოურჩი (ნუ მოეშალე) შენ დედას!, ბიძაშვილობამ, ძალიან დავსველდით! ჩემი პერანგი სუნთლად მთხლესავეთ წავიდა... კიდო მეიტანე, ძამიძ, კიდო მეიტანე. ნუ გეშინია, შეშა ბრეულია...“ კერაზე დიდი ცეცხლის ალი ავარდა, მსხვილი მუხისა და წითლის ხეები ბლომად დააყარეს. შეშის ტკაცანმა და ცეცხლის ბრიალმა გაყინულებს სული ჩაგვიდგა ხეებზე კერის მახლობრივ ოთხი სვანი შესკუპდა; გლახათუბნელის გვერდით ლეჩხუმელი იჯდა. იმათ ზურგს ორთქლი სქლად ადიოდა. ამ დროს ერთი პატარა ბიჭი, თავშიშველი, უნიფხო და პერანგის ამარა ჩვენთან შემოძვრა; ხელში ცოცხი ეჭირა.

— აბა, დახვეტე, შენ გაზდას. თვარა მგონია, ერთი კვირეც არის, რომ არ დახვეტილა ეს სახლი! — უთხრა დათუნამ, რომელიც ამ დროს გლახათუბნელის ზურგის უკან იდგა და ხელები ალზე პქონდა გაწვდილი. ის ასეთი მრისხანებით უბრიალებდა თვალებს გლახათუბნელსა, რომ მაშინვე მიხვდებოდი, რასაც გულში ჰფიქრობდა: „აბა, თუ აქვს სეინდისი ამ ტალახიანს კაცს! ხომ იცი. რომ იმის ზურგს უკან ვდგევარ, რატო არ ჩამომეცლება?“ მაგრამ გლახათუბნელი ყურსაც არ აპანტურებდა. იმან იცოდა, თუ დათუნა რა ლირსებისაც იყო. „ცხენით რომ მოეთრევა, ამიტომ დოეუცლი (დაუთმობ) ადგილს თუ?...“ პატარა ბიჭმა მიწას სქელი ბოლი აადინა. მეტი გზა არ იყო, გლახათუბნელი და სევანები უნდა ჩამოცლოდენ. ეს დრო დათუნამ აირჩია გასაწყრომად:

— ადე. კაცო! ვერ ხედავ, რომ ნაგავი გეყრება. ღველფში რას ჩაგიყრია ტალახიანი ფეხები! არ იცი, შენ პირდაპირ ვინ ჯის? შენი ადგილი რატომ არ იცი?

— ჰო, რაა?.. რას ყვირი? ვინცხაა, ჩვენც კარგად ვიცით. მაგ-
რამ გაშრობას მაინც არ დაგვიშლის! (მდაბალი ხმით) ვინც უნდა-
იყოს! ვინ არი და ჩიბურდანიძე!.. ჩინონიკი არ მინახავს თუ?.. უყურე
ახლა ამ ყურუმსალს! ტყულა-კი არ ამბობენ, ყაძახი (გლახი) ცხენზე
შეაჯდინე და ღმერთი დააფიწყდებო. იმას ჰქვონია, რომ იმაზე უა-
რესი ვიყო! — ჩუმად წაიდუღუნა გლახათუბნელმა და კერიდან ადგა.
დათუნამ იმისი ადგილი დაიჭირა. გლახათუბნელი მეტად გაჯავრდა
ამაზე, მაგრამ მაინც ვერა გაამხილა-რა, რადგან დათუნას კიკოლიკის-
შეწევნით ზურგი მაგარი ჰქონდა. ამ დროს ლეჩხუმელმა დაიყვირა:

— არიქა, არიქა, საქვებე დეიწვა, საქვებე!... — მართლაც ხე-
ლი სტაცა კერაზე ჩამოკიდებულს ხის კავსა, ჩამოიღო და ნაცარში
შეხვია, რომ კავზე ცეცხლის ალი გაექრო.

— მამაშვილობას, როცა დაჰკიდო, ზეით ასწიე, თვარა ცეცხლი-
კიდო გოუჩდება! — უთხრა ხელოსნის ძმამ ლეჩხუმელს. ლეჩხუმელი
ბევრი ეწვალა, ფეხის წვერებზედაც შედგა, მაგრამ ტანმორჩილობის
გამო ვერა გააწყო-რა, კავი ზევით ველარ დაჰკიდა.

— ჰატ, შე გლახა! მომე აქ, თუ არ შეგიძლია, რეიზა ეპოტი-
ნები (ეჩრები)! — გლახათუბნელმა გამოგლიჯა კავი ლეჩხუმელს და
რიკით კარგა მალლა ჩამოჰკიდა.

ასეთი უმთვარო ღამე იყო, რომ კაცი თვალთან თითს ვერ მიი-
ტანდა. ეტყობოდა, რომ ღრუბელი ცას სქლად გადაჰპენტოდა. წი-
ნათვე ვიცოდი, რომ მეორე დღესაც წვიმა არ მოგვესვენებდა. სასტუ-
მროს მეორე კუთხიდან ცხენების ხრაშუნი მოგვესმოდა, რადგან ჩალა
და ბზე ბლომად ჰქონდათ. ჩვენც დაეშრიოთ და ვახშმის მეტი არა გვა-
კლდა-რა. ცალ გვერდზე განისვენებდა ჩიკოლიკი და იმასთან კიკო-
ლიკი. შორიდან რომ ჩიკოლიკისთვის შეგეხებდა, იტყოდი, გაბერილ-
ტიკისთვის სერთუკ-შარვალი ჩაუცმევიათ და ზედ კაცის თავი დაუ-
დგამთო; კისერი მხრებში ჩაეარდნოდა და ტახტზე კოტრილობდა.
იმისი გადაჟღაეებული ლოყები და მსხვილი გადმოვარდნილი თვა-
ლები ასეთს დიდს გულისთქმას გეცხადებდენ, რომ ის მზად იყო,
ჩაენტქა მთელი ქვეყნის გრძნობიერი სიტკბოება. ჩიკოლიკმა ენა აიდ-
გა. იმან და კიკოლიკმა დიდხანს იბაასეს სამეცნიერო საგნებზე. მე
შევატყვე, რომ ჩიკოლიკს ძალიან შეჰყვარებიყო ფრანცუზის ისტო-
რიკოსი და ფილოსოფოსი გიზო. ამ მწერალს ის დიდი პატივის-ცე-
მით იხსენიებდა: „გიზო ძალიან კარგი ისტორიკოსია. თქვენ ხომ გი-
კითხავთ იმისი თხზულება. იმისი ლექციები სორბონში? ოჰ, რა მშვე-
ნიერია! ოჰ, რა ღრმა აზრებით არის ავსებული იმისი თხზულება!“
ამისთანა სიტყვებს უხვად აფრქვევდა ჩიკოლიკი. „კარგი,“ „მეტად
შვენიერი,“ „ფრიად მოსაწონი,“ „ღრმა შეხედულება“ და სხვა მრ-

ვალი ამისთანა მაღალი ფრაზეოლოგია წყაროსავეთ გადმოსდიოდა პირიდან ჩიკოლიკს.

როგორც-კი გიზოს სახელი მომესმა, მაშინვე თვალები გამოვა-
კეციტე და ჩიკოლიკთან ახლოს მივეჯექი: მინდოდა შემეტყუა, თუ სა-
ხელდობრ რის გამო ეძახოდა ჩიკოლიკი გიზოს ღრმა აზრის მწერალს.
ბევრი ვეცადე, მაგრამ, რაც მინდოდა, მინც არ ამისრულდა. მე ეს
მაწუხებდა, რომ კაცს ასე საშინლად აქებდენ და რისთვის აქებდენ,
ის-კი ვერ შევიტყე; ამ გვარმა ფილოსოფიურმა მსჯელობამ თითქმის
ერთი საათი გასტანა.

გიზოს გარდა. ჩიკოლიკის წყალობით, სხვა შესანიშნავმა ევრო-
პელმა მწერლებმაც გამოპყვეს თავი მწირისუბნის ხელოსნის სასტუმ-
როში: ჩიკოლიკმა ეს მწერლებიც ქებით ცამდის აიყვანა, მაგრამ არც
იმათი შრომა და ღირსება უჩვენებია ჩვენთვის, არც ასეთი რამ ამ-
ბები, რომ კაცი დარწმუნებულყოფიერად უთუოდ რამე წაუყითხავს ამ კა-
ციების თხზულებიდანო. ამის გამო იმას თავისი მაღალი ფრაზეოლო-
გიით მხოლოდ ფუქსავატი მსჯელობა გამოსდიოდა. ჩიკოლიკი სწო-
რედ ამას ფიქრობდა: „ვითომ რა საჭიროა იმათი მწერლობის გარ-
კვევა და ღვაწლის საფუძვლიანად დაფასება. საქმე ის არის, რომ მე
ამ მწერლების სახელი ვიცი, ზოგი იმათი თხზულება კიდევ მინახავს,
თუმცა არ წამიკითხავს. ისიც ვიცი, რომ ეს მწერლები ევროპაში სა-
ხელ-განთქმულები არიან; მაშასადამე, მე მაქვს ნება, ვითარცა ჩვენ
დროების განათლებულს კაცსა, დავიწყო იმათი ქება, რადგან რუ-
სულს უურნალებშია ამევე მწერლებს ხშირად აქებენო“. ამ სული-
ერს თავის ფუქსავატს მსჯელობაში ეტყობოდა, რომ იმისი უმთავრე-
სი წყარო განათლებისა მხოლოდ უურნალები და გაზეთები ყოფილან.
ამათში მრავალგვარ საგნებზე სწერენ ხოლმე და თვითონ საუურნა-
ლო სტატიის დამწერიც თავის ამორჩეულს საგანს იმ გვარად განიხი-
ლავს ხოლმე, რომ მკითხველი დაარწმუნოს თავის აზრზე და ეს აზრი
იმას თავში ჩაუდოს. დამამტკიცებელი საბუთები ბევრი არ ექნება ამ
გვარს სტატიას, მაგრამ საბუთები კი ამგვარი აქვს არჩეული, რომ ძა-
ლიან გაამართლოს მწერალმა თავისი აზრი და ამით მკითხველის გო-
ნება მიიმზროს. უურნალები ცდილობენ, რომ იმათი აზრი, რაც შეი-
ძლება, ბევრმა გაიგოს; მაშ შემსაძლებელიც არ არის, რომ იმათში
ვრცლად და დაწვრილებით გამოცხადდეს ის სწავლა, რომელსაც თვი-
თონ უურნალის სტატია შეეხება. ამის გამო საუურნალო სტატია სა-
ფუძვლიანად და ვრცლად ვერ ასწავლის მკითხველს იმ მეცნიერებას,
რომელზედაც სტატია ლაპარაკობს. ამგვარს სტატიებს მხოლოდ ის
განზრახვა აქვს, რომ მკითხველებს შეაგონოს თავისი მიმართულება
და გადასცეს საკუთარი შეხედულება ყოველ საგანზე. სტატიის დამ-

წერს ამის მეტი სხვა არა უნდა-რა. ჟურნალები ცდილობენ ბევრგვა-
რი საგნები გააცნონ თავის მკითხველებს, კოტაოდნად მაინც. ბეჯი-
თად შეთვისება რომლისამე მეცნიერებისა მოითხოვს ხანგრძლივს-
შრომას მარტოკა ამ ერთი მეცნიერების მისაღებად; ჟურნალები-კი
თავის დანიშნულებისა გამო ვერაოდეს ამას ვერ იკისრებენ. ამის
გამო რომელი კაციც მხოლოდ ჟურნალებით და გაზეთებით იმდიდ-
რებს თავის გონებას, იმას არაერთაზრს საგანზე არაოდეს საფუძვლიანი
კოდნა არა აქვს; იმას მხოლოდ საჟურნალო სტატიების აზრი უტ-
რიალებს თავში და ეს აზრი იმას დაურღვეველ ქეშმარიტებად მია-
ჩნია და ისეთი დაქეშმარიტებული ლაპარაკობს ყოველს საგანზე, რომ
გეგონება, ეს კაცი ცაში ვარსკვლავების მკრეფავი უნდა იყოსო. ერთი
დრამის ოდენა კოდნა ყოველ გვარს საგანზე მიუღია და ამით ისე
გაამაყებულა, რომ ჰგონია, თითქმის ყველაფერი ვიცოო; მაგრამ არა-
ფერი-კი მართლაც არ იცის და არც ერთს აზრზე მართლად დამ-
კვიდრებული არ არის. ამგვარი კაცები ჩიკოლიკსავით გაერთვიან
ყოველგვარს მსჯელობაში, მაგრამ იმის საბუთებს კი ნუ მოკითხავთ,
რაზედაც თვითონ ლაპარაკობენ. ისინი თავისი ფუქსავატი ენა-მქვე-
რობითა თითქოს ამას გეუბნებიან: „მე ვიცო, რომ გიზო წარჩინებუ-
ლი და ღრმა აზრის მწერალიაო, ამისთვის რომ ევროპაში ყველანი-
ამ მწერალზე ასე ლაპარაკობენო და რუსული ჟურნალებიც ამას
გვიმტკიცებენო. მეც ამ საბუთებით ვლაპარაკობ, სხვა საბუთები რაღა
საქიროაო.“ ამისთანა კაცებს ზედვე ეტყობათ, რომ ამათთვის საბუ-
თების კოდნას დიდი მნიშვნელობა არა აქვს. რა აქვთ თავში და
რაც ენადან წამოვარდებათ. ეს სულ სხვისაგან აქვთ მობერილი და
ეს მობერილობა, როგორც სჩანს, იმათთვის სრულებით საკმაოა. უბე-
დურება მხოლოდ ეს არის, რომ ამ გვარი გონების ფუქსავატობა სა-
ქმეშიაოც ფუქსავატად ჰხდის ამისთანა კაცებსა. მანამ საქმე მარტო
სიტყვაზეა, ყოველი დიდი და კაცობრიობის სასარგებლო განზრახვა
თითქოს ამ კაცისაგან გამოდიოდეს. იმათი სჯა რომ მოისმინოთ, გე-
გონებთ, კაცობრიობის განათლების დღე მაშინ დადგა, როცა ქვე-
ყანაზე ამისთანა კაცები დაიბადენო. მინამ ამისთანა კაცებს სიტყვის-
მეტი არა ეხარჯებათ-რა, თავისუფლების, განათლების და კეთილ-
მოქმედების წარმომადგენელნი ისინი არიან. მაგრამ, როდესაც მოქ-
მედებაზე მიდგება საქმე, მაშინ-კი რა მოგახსენოთ!.. როცა ცხოვრება
შოთხოვს ხოლმე იმათგან კოტაოდენს მსხვერპლსა, როცა იმათ შეე-
ძთხვევა ხოლმე საქმით ასრულება იმ აზრებისა, რასაც სიტყვით ამ-
ტკიცებდენ, მაშინ ამისთანა კაცებს თავისი მაღალი აზრები უეცრად
შემოაცვდებათ ხოლმე; მაშინ შენი თავისუფლება და ხალხის თვით-
არსებობის სურვილიც უკან მოიდევო; ეს კაცები ამ აზრებს მაშინვე.

ხელიდან გააგდებენ ხოლმე და იქით გაიწევენ. სადაც კარგი და ტკბილი სამყოფია. მაშინ თუნდ მთელი ხალხიც წყალს წაუღია. იმის დარდი არაფრად აწუხებს იმათ. უნდა ვთქვათ, რომ ჩვენი ახალი თაობა თითქმის სულ ამ გვარი კაცებისაგან არის შემდგარი და, სანამ ჩიკოლიკისთანა კაცები ჩვენი ხალხის წარმომადგენლებად ბრძანდებიან, მანამ ჩვენი ხალხიც მცონარებაში იქნება.

IX.

ვახშამი მოგვიტანეს. მხოლოდ ამან გააწყვეტინა ჩიკოლიკს მალალს საგანზე ლაპარაკი. ძალიან უქმაყოფილო დაერჩი. რომ ჩიკოლიკისაგან მრავალი სხვა-და-სხვა გვარი ქება მოესმა შესანიშნავს პირებზე და საბუთი-კი არც ერთი. რომ ეს პირები იმის ქების ღირსყოფილიყო, ვთქვი, უქველად როდისმე უნდა გამოვეკითხო ჩიკოლიკს ეს საბუთები; იმ დროს ამის კითხვის რიგი არ იყო. რადგან ყველას ცხარედ გვქონდა მადა გაღვიძებული და ყველანი ნატვრით შევყურებდით ცხელს ლომსა, რომელიც ქვაბის საქვაბეზე ჩამოჰკიდეს, რომ ჩვენ ხელის ბანაში და ტაბაკების (ფიცრის სუფრების) მოტანაში არ გაცივებულიყო. ბიჭმა თუნგით ხელის საბანელი წყალი ჩამოატარა. ტაბაკები დადგეს. თავში დაბრძანდა ჩიკოლიკი. ბოლოს ლეჩხუმელი. ხელოსნის ძმა ჩოგნით ცხელი ლომის გუნდებს აკრავდა. ტაბაკებზე სევანებსა და გლახათუბნელს რომ გაუსწორდა, ლომის მიტანა აღარ იკადრა: ის გაისვრიდა ჩოგნით ლომის გუნდასა და. ვისთვისაც უნდოდა, პირდაპირ იმის წინ დასცემდა. მოიტანეს ბროწეულ გადასხმული შემწვარი ვარიები, შემწვარი გოჭი და მრგვალად მოხარშული ქათმები. ყველანი კარგად ვმუშაობდით. მერიქიფე (ღვინის დამსხმელი) წამის-წამს ჩაატარებდა საესე სტაქანს. ჩიკოლიკი ცოტად რომ შექიფიანდა, ენა აიდგა. იმას უნდოდა გემოიანი ვახშმის სამაგიერო სიკეთე მიეგო სახლის პატრონისათვის, თუ არ საქმით. სიტყვით მაინც; ამაში ძალიან დახელოვნებული კაცი ბრძანდებოდა. მაშინ გლეხები იმ მხარეში კიდევ არ იყვნენ პირადი დამოკიდებულებისაგან განთავისუფლებულნი. მაშინ გლეხისთვის ბატონ ყმობის ამბისთანა სასიამოვნო არა იყო-რა. გლეხებმა იცოდნენ, რომ ადრე თუ გვიან, უნდა მომხდარიყო ბატონ-ყმობის გაუქმება. ისინი ისე მოუთმენლად ელოდნენ ამ ცვლილებასა, როგორც პატარა ყმაწვილი — აღდგომას. ყველას ყურები აცქვეტილი ჰქონდა და ყოველგან მელასავით დაძვრებოდნენ, რომ რამე ამბავი გაეგოთ ამ ცვლილებაზე. ჩიკოლიკმა კარგად იცოდა, თუ რა სასიამოვნო იქნებოდა მასპინძლებისთვის ამის-

თანა ამბავი და, რადგან სიტყვის მეტი არა ეხერჯებოდა—რა, ამის გამო გლენების განთავისუფლებაზე დაიწყო ლაპარაკი.

— ეხლა თქვენ კარგი დრო მოგელით. ამ ერთ წელიწადში თავისუფლებას გამოგიცხადებენ, — უთხრა სახლის პატრონის ძმას ჩიკოლიკმა.

როგორც ეტყობოდა, ამ სიტყვებმა მერიქიფე ძალიან გაამხიარულა. იმას ძალიან უნდოდა, რომ პირზე სიხარული არ დაეჩინა, მაგრამ თავი ველარ შეიმავრა და გაიცინა; და, რომ ეს სიცილი არავის შეენიშნა, ქოჩორში ხელი წაივლო, რაც ძალი და ღონე ჰქონდა, ისე მოსწია, და მხიარული სახე მწუნხარედ გადაექცა.

— აჰ, მაგი არ შეიძლება, ბატონო!.. იგი რავე იქნება, რომ მოხდეს, რაც თავის დღეში არ გაგონილა! — მიუგო ხელოსნის ძმამ, თუმცა გულში თითონაც ძალიან სჯეროდა ბატონ-ყმობის გაუქმება. ამ ხერხით უნდოდა უფრო ბევრი ამბავი გამოეტყუებინა ჩიკოლიკისთვის. ამასთან ესეც იცოდა, რომ ჩიკოლიკი მებატონეთაგანი იყო და თავი მოუქნა.

— ექვი არ არის, რომ უნდა მოხდეს. ბატონ-ყმობის გაუქმებაზე ხელმწიფეს კიდევ მოუწერია ხელი პეტერბურგში. ეს ცვლილება ძალიან სასარგებლო იქნება მთელ ქვეყნისთვის. დღემდის გლეხებს რაც გაწვალეა ადგათ თავზე, სულ ერთიანად მოეშვებათ. ამის შემდეგ ბატონი თავის გლეხს ხელს ველარ ახლებს...

— არა, ბატონო, ჩვენ კიდევ ბატონი გვირჩევენია. თავათ მოგეხსენებათ, შეუჩოველს ლხინსაო, შეჩოული ქირი მირჩეენიაო. ვინ იცის, მერე რა დაგვემართება, იქნება უარესი დროც მოვიდეს! ასთე ამბობენ, სალდათს მოგეთხოვენო! ბატონი რომ აღარ გვეყოლოს, მერე ვინ იქნება ჩვენი ბატონი?

— ვინ იქნება და ხემწიფე! — სწრაფად უპასუხა მერიქიფემ ხელოსნის ძმას.

— ისთე გგონია შენ!.. დიახ. ხემწიფე აქანა მოგივა და თავზე დაგადგება. ჩვენი მეზობელი ჭიაშვილი ახლაც რომ არ გვაყენებს, მაშინ სუნთლათ მოსვენებას არ მოგვეცემს; თუ თავზე დაგეცა და ყოველიფერი წაგართვა, მერე გამოუდექი და ზდიე კულში! ბრეველი იცი შენ!.. — დაცინებით უთხრა მერიქიფეს ხელოსნის ძმამ.

— არა, ეგ ტყუილია. მაგისთანა საქმე როგორ შეიძლება, მოხდეს? თავზე დაცემას ვინ გაბედავს? მერე მთავრობა სად არის? როგორ შეუძლიან, ვინმემ ხელი შეგახოს! — სთქვა ჩიკოლიკმა.

— მთავრობას, ბატონო, ჩვენთვის არ მოუცლია. შარშან, ეგერ, გაღმა სოფელში ორი კაცი წეიკიდა სულ ტყუილა უბრალოთ. ერთს

თავის ღობე ცოტათ გეეწია მეორე მეზობლის ადგილში. იგი კეტით მიუხტა ღობის პატრონს: შენ ჩემი ადგილი რეიზა დაგიქერიოო. დაჰკრა კეტი თავში და სული გააგდებინა. მას უკან დღესაც ისთეა ის კაცი, რომ არავის იმისთვის ხელი არ უხლია. სადაა, ბატონო, მთავრობა? იგი ნახეარს ვერც-კი ტყობულობს, რაც ჩვენში ცუდი საქმე მოხდება. ერთი ვეზდის ნაჩაღნიკი გყავს და ნახეარჯერ კარში არ გამოდის. ძალიან ოტკის მსმელი კაცია. თუ დეითრო, იმას შენი ჯაერი არა აქვს.

— არა, ეგ სულ ხომ ეგრე არ იქნება. მაშინ უეზდის ნაჩაღნიკიც უკეთესი გეყოლებათ და თქვენც სულ თავისუფალი იქნებით. უნდა მოჰკიდოთ ხელი ვაქრობას. შეიღები შეკოლებში უნდა მისცეთ; ისწავლიან, განათლდებიან და თქვენ ძალიან წინ წახვალთ.

— ეჰ, დალოცვილო, გლახეკაცს რა გააკეთებს!.. კაი დაგემართოს, რასაც თქვენ ბრძანებთ, ის კაი იყოს. მარა ბატონი მაინც ჩვენში დიდი ნუგეშია, შენი კირიმე! თუ ბატონი კაი გყავს კაცს. მტერი ვერაფერს დაგაკლებს. — სიტყვებით გლახი თავის მწუხარებას აცხადებდა ბატონ-ყმობის გაუქმებაზე.

ჩიკოლიკი და ხელოსნის ძმა რომ ამას ლაპარაკობდენ, მეორე თავში გლახათუბნელი და ლეჩხუმელი იმავე საგანზე ერთი ერთმანეთს ებრძოდენ. რა-კი. თავისუფლების ამბავი ლეჩხუმელს ყურში ჩაეწვეთა. სიხარულის გამო ფეხზე აღარ იდგა ის ეღრიჯებოდა გლახათუბნელსა, თანაც ტანში იხრებოდა და მხიარულების ნიშნად თავზე ჩამოფხატულს ყაბალახიანს ქუდს ხან იქით გვერდზე მიიქცევდა, ხან აქეთ.

— ნეტაი ღმერთი იმ ჩემ ბატონს მომაშორებდეს, თვარა კაცი რავე მეჯობინება ქვეყანაზე! შენ კი იცნობ ჩემს ბატონს? — ჰკითხა ლეჩხუმელმა გლახათუბნელს. — იმ კურტუმქნევი კიპაშვილს ვინ არ იცნობს!..

— დაწყევლოს ღმერთმა მისი ფეხმოტეხილი თავი! შარშან ბოქოულებით (იასაულებით) სახში შემომივარდა. ერთი მეწველი ძროხის მეტი არ გაგვიჩადა და ისიც წაგვიართვა სულ ტყუილ-უბრალოთ! შარი მომიდვა, ერთი წელიწადი არ მემსახურებოდიო!.. ღვთის წინაშე ტყუილს ვერ ვიტყვი, ერთი კვირე, მართალია, არ მიმსახურია. რა უნდა მექნა, სიმინდი მქონდა გასათოხნი, გაუთოხნელს ხომ ვერ დავაგდებდი. აჰ, ამ ერთი კვირის უმსახურობისთვის ოცი მანეთის ძროხა წამართვა. ღმერთო, ნუ შეარგებ იმ ფეხმოტეხილს ჩემ ნიკორას. იმას რომ მოვშორდებოდე, მეტი არა მინდა! ხუთ წელიწადს იქით მოსახლე კაცი არ მეჯობინება. წელიწადში სამ თუმანს მარტვა

მე ვაძლევ ჩემ ბატონს შინაყმობისთვის. რომ ის დასაქცევი არა, ეს ფულები ხომ სულ მე დამრჩებოდა!

— ჯერ ქვეყანა ისეთ არ მონათლულა, რომ ბატონ-ყმობა მას-თე ადვილად გადაეარდეს. თუ კაი თავისუფლება იყოს, მაგისთანა კაცებიც არ დეიწყებენ იმაზე ლაპარაკს, ჩიკოლიკი არ ბრძანდებოდა მაგი, რომ ამისთანა წუშმაში ძალათეი წამოგვათრია? არა, ის თავისუფლება ისევე მაგენის სასარგებლო იქნება. ხემწიფემ რომ კიდევ მოგვეცეს თავისუფლება, მაგენი დაგვიმალავენ. ჩინონიკებად მებატონეები არ არიან. აჰა, რა არიან? — სთქვა გლახათუბნელმა.

— ჩინონიკებს უგლებობოთაც ბრეელი ფული აქვთ. მაგენს ხემწიფე აძლევს ჯამაგირს. რაც ხემწიფეს სურს, მაგენსაც იგი ენდომება.

— კი, ისეთ გგონია შენ! თუ მაგრეა, აჰა. რეიზა აქამდის არ გაანათავისუფლეს თავისი ყმები ჩინონიკებმა? შენ სუნელი ხარ, ჩემო ბიძია, არაფერი არ გეყურება რაც შეტი ექნება, ჩინონიკსაც იგი ურჩევნია. იგი არ ურჩევნია, რომ ჯამაგირსაც ეილებენ და გლებკაცსაც გამოართმევენ. სუნელს რა უნდა გელაპარაკო!

— სუნელიც ხარ და არც იცი! ხემწიფეს თუ უნდა, მაგენი ვერაფერს გაბედავენ! — გაცხარებით მიუგო ლეჩხუმელმა.

— გასწი იქით! — ჩუმად შეპყვირა გლახათუბნელმა და ზურგი შეაქცია ლეჩხუმელს.

როგორც რომ ბატონ-ყმობაზე ჩამოვარდა ლაპარაკი, ყველანი გამზიარულდნენ. თუმცა სვანებს ქართულისა ბევრი არა გაეგებოდათ-რა, მაგრამ თავისუფლების ამბავმა ისინიც მოალბინა და დიდის შექცევით აკრახუნებდნენ ქათმის ძვლებს. ერთ სვანს ასეთი გრძელი და თეთრი კბილები ჰქონდა გამოვარდნილი, რომ სწორეთ კბილებ-დაკრეპილი მგელი გეგონებოდა. ამ საზოგადო მოლხენაში მხოლოდ ერთი კულაბზიკა არ ერეოდა. იმას თავი ჩაეკიდა და უგემურად იღეჭებოდა. მწირისუბანში იმას არ გაუხარია: სულ თავის ავადმყოფის ცხენის გლოვაში იყო. ეს კაცი სახეზე შეიცვალა. ფერი აღარ ეღო და კურდღელსავით ყველასი ერიდებოდა. ვინ იფიქრებდა, რომ ეს ისევე უწინდელი ყოყოჩა კულაბზიკა ბრძანდებოდა, რომელიც ასე ბატონურად ეპყრობოდა გლახათუბნელს და ლეჩხუმელს. ის წამის-წამს ოხრავდა: „ვიამე, ჩემო ხუთო თუმანო, დაკარგულო!.. რა ვქნა ახლა, რავე უნდა ვიარო ქვეითად! რა კაი ცხენი დამელუჰა, პა, პა, პა, პა!..“. იმ საღამოს კულაბზიკას პირის-პირ შეეხვდით. თვალი ველარ გამიმართა და გულ-ნადვლიანად შემომჩივლა: „არ გებრალეები, ცხენი მიკედება. რა მეშველება!“ ეს სიტყვები ასეთი სისაწყლით წარმოსთქვა-

რომ თან შემეცოდა და თან სიცილიც ველარ შევიკავე, როცა წარპოვიდგინე უწინდელი მისი სიამაყე და ახლანდელი დამცრობა. ჩემ დაცინებაზე გაჯავრების მაგივრად იმან თვალები ჩამოუშვა და გამშორდა. იმ ღამეს ასეთ რიგად იყო გამოშტერებული, რომ შეშლილი გეგონებოდა. ჩიკოლიკი დაჰპირდა, ცხენს გიქირავებო და გადაღმა მთებში სხვა ცხენს გიყიდიო, მაგრამ იმის ნუგეშისცემას მაიც არა ეშველა-რა. როცა მეორე დღეს იმისი ვირთაგვა ცხენი ისევ მოცოცხლდა, კუდაბზიკაც მხოლოდ მაშინ გამოერკვა და დაღვა ისევ კარგს ქეიფზე.

მეორე დღეს წვიმამ ისევ თავი დაგვიკრა: ალბათ, თვითონ ღმერთს არ მოსწონდა, რომ თვალუწვედენელს მთებზე სიარულით იმის სამყოფელს ვუახლოვდებოდით. გამოთხოვების დროს ხელოსნის ძმამ მოჰგვარა კიკოლიკს თორმეტი წლის ბიჭი. ეს იყო ხელოსნის შვილი.

ხელოსნის ძმა სთხოვდა კიკოლიკს, რომ პატარა ბიჭი თან წაეყვანა სასამსახუროდ იმ პირობით-კი, რომ წიგნი ესწავლებინა. ჩიკოლიკს ეს ამბავი, როგორც შევატყვე: ცოტათი ეწყინა: რატომ მე პირველს პირს არ მომგვარა და კიკოლიკს სთხოვაო ამ ბიჭის გაზღა. როცა კიკოლიკმა ყმაწვილს ლაპარაკი დაუწყო, ჩიკოლიკიც იმ დროს მივიდა ყმაწვილთან და გამხნევება დაუწყო სწავლაში: „შვილო. ისწავლე, თორემ ახლანდელ დროში უსწავლელი კაცი არ ვარგა. ჰო, მართლა: მე მაქვს სახლში კარგი საკითხავი წიგნები, ვისი ხელით გამოგიგზავნო, თორემ ქეშმარიტად გამოგიგზავნი; მაგრამ ეს არაფერია: მეორეთ რომ მოვალ, მე თვითონ მოგიტან.

— ღმერთმა შენი წყალობა ნუ მოგეკალოს! — უთხრა ხელოსნის ძმამ ჩიკოლიკს.

— არა, შვილო, ეგ მადლობად არა ღირს. ჩვენი ვალია, რომ ჩვენს მცირე მოძმეს ხელი გაუეშართათ.

— ღმერთმა თქვენი ჭირი მოგვეცეს! თქვენ ძმობას ვინ ღირსა!

დარწმუნებული ვარ, რომ ჩიკოლიკს შემდეგ არც-კი გაახსენდებოდა თავისი დანაპირები. ის თუ კი შეატყობდა, რომ სიტყვით კაცს მოიმადლიერებდა, ასეთ-ასეთებს ეტყოდა და დაჰპირდებოდა, რომ რად გინდა: ყველა იტყოდა, ეს კაცი ციდან არის ჩამოფრენილიო; მაგრამ საქმით კი — ნურას უკატრავად. ჩვენში რომ იტყვიან „უნა ტარტალა, საქმე პატარა, ღომი არ ეყო ხუთი კარდალა,“ სწორედ ჩიკოლიკიც ამისთანა ბრძანდებოდა.

ამ დროს ყველანი ცხენებზე შეეჯექით და მასპინძელს გამოვეთხოვეთ.

სოფელი მწირისუბანი ერთ მთათსავანეს ეკუთნოდა, რომელიც ჩადგმულიყო ორი მთის ზურგებს შუა და შეიცავდა მთელს ხეობას. იქით და აქეთ მთების ფერდებზე სოფლები დამწკრივებულყო. სახნავ-სათესი მიწა ძალიან ცოტა ჰქონდათ. ალაგ-ალაგ ვიწრო მთის კალთები ყანებად იყვენ გადაქცეულნი; ზოგან-კი არც ამისთანა ვიწრო მთის კალთები მოიძეებოდა და სახნავ-სათესი მიწა სულაც არ იყო. შუაგულს ხევის პირზე დაეფინებოდა ერთი დიდი და მშვენიერი ქალა, მაგრამ უმეტესი ნაწილი ამ ნაყოფიერის ქალისა იმ დროს ეკლესიას ეკუთნოდა. აქაური ხალხი ძალიან შრომის მოყვარეა. მაგრამ თავის ქვეყანაში რომ თავის შრომის შესაფერი საქმე არა აქვს ამისთვის ის ზაფხულ-ზაფხულ მიდის სხვა მხარეს, ვაკე ადგილებში, და იქ ქირით მუშაობს. ამ ხეობაში რადგან კარგი სქელი ტყეა, ტყე იმათ ბევრს სარგებლობას მისცემდა, რომ ან საურმე გზები ჰქონდნენ და ან წყლით შეედლოთ ტივის გატანა. საუბედუროდ, მთის ბილიკებს გარდა, აქ სხვა გზა არც არის; იმ ხევის წყალზე-კი ტივი ვერ იმოქმედებს, რადგან კალაპორტი კლდიანია და თითონ ამ მდინარესაც ძალიან ჩქარი დენა აქვს. ამ ხეობაში ცხვარს აშენებენ. იქ შალი და ნაბადიც კარგი კეთდება.

მწირისუბნიდან რომ გამოვედით, წვიმა შუადღემდის უწყალოდ გეასხამდა. ჩვენ მივდიოდით ერთს მთის ბილიკზე. როცა ჩრდილოეთისაკენ შეუხვიეთ და სოფელს ბუზს მივედით, ძირს, ხევის წყლის მახლობლად, მთის ფერდზე ერთი საურმე გზა დავინახეთ, რომელიც თავდებოდა ცხვირ-წამოწვდილს მთასთანა.

— ეს რა გზაა? — ჰკითხა ლეჩხუმელს კიკოლიკმა.

— ეს, ბატონო, ჩვენ რომ ვაკეთებთ, ის გზაა. ვაკეთებთ, ვაკეთებთ და ბოლო-კი ვერ მივეცით. ღმერთმა იცის, მიეცემა თუ არა დასასრული მაგის კეთებას. ხუთი წელია მაგას ვაკეთებთ და არა გვეშველა-რა, ვერ გავაკეთეთ.

— რატომ ვერ შეასრულეთ მაგისთანა კარგი საქმე. თქვენ რომ საურმე გზა გქონდეთ, მეტი რაღა გინდათ, მალე გამდიდრდებით.

— მაგი, ბატონო, მასთეა, მაგრამ სოფლის შეგროვება ძალიან ძნელია. ერთს რომ უნდოდეს, მეორეს არ უნდა. ერთად ვერ ვიმუშავებთ და ცალკე არც ერთმა არ მოინდომა. ასეთ ამბობენ: „ნეტაი დედა ჩემს, მე თუ გზის კეთებით თავი მოვიკალი და სხვა-კი სახში დაჯდაო“. არ შეიძლება, ბატონო, ვერ შევეგროვდებით. აქნა რომ ერთი სოფელია, ეჰ, იქინა მეორე (გაღმა მთის ფერდზე ხელი გაიწვდინა:

შორს მთებში ჩაწყვედიული სოფელი ძლივს მოსჩანდა). იქიდან აქანაკაცი ნახევარ დღეს ვერ მოვა. რომ კიდევ უნდოდეს, იმას ყოველდღე აქანა მოსვლა სად შოუძლია! მართებლობა რომ იმდენ წყალობას გვიზამდეს, ჯარს დააყენებდეს და ამ გზას გაგვიკეთებდეს, ძალიან კაი იქნება. იმან რომ მოინდომოს, ორი კვირის მუშაობის მეტი არ დაქირდება“.

შუაღღებზე მეტი იყო. მთების ბილიკზე მგზავრობამ და წვიმამ ძალიან დაგვალა. კიდევ გვშიოდა. ხელოსანი ვიკითხეთ, მაგრამ ვინ ნახავს ხელოსანს. მანამ იმას მივაგნებდით, მთელი ორი საათი ხან აქეთ გვაქანეს და ხან იქით. როცა ძალიან გაგვიქირდა, ჩიკოლიკმა იხმარა თავისი ძალა. ის მიადგა ერთს მოსახლეს და დაიყვირა, რომ ამ წამს ხელოსანი აქ დაიბადოსო. მოსახლიდან ერთი თავგაბურძენული ტალახიანი ბიჭი გამოვიდა. ის ხან იქ მიახტა, ხან აქა, დაგვანახა, ვითომც რასმე აკეთებდა, მაგრამ ხელოსნის მოსვლამდის-კი არაფერს ხელი არ მიჰყო. თურმე ნუ იტყვი, ჩვენ რომ მოსახლისას მივედით, იქ ხელოსანი სახლებულა. ამ დროს ჩიკოლიკმა ცოტა გული დაიმშვიდა და, როცა ხელოსანი გამოგვეცხადა, ის ღიმილით მიეგება: „აბა, ერთი, გეთაყვა, კარგი სადილი მოგვიმზადე და ჩვენს ცხენებსაც უშოვნე რამე, მერე-კი მე ვიცი შენი პატივისცემა და საჩუქარი. ჩქარა. თორემ ეს არის, ჩემ გიორგი სვანს სიმშლით სული ელევა“. „კი ბატონო, კი, კი“, — შეჰყვირა ხელოსანმა და გაიქცა,

სოფელი ბუზი კ. დ — ნს ეკუთნოდა. როგორც ხელოსანმა გვიამბო, დ — ნი ხშირი სტუმარი ბრძანდებოდა ამ სოფლისა. ის მობრძანდებოდა ხოლმე ორმოცი ან სამოცი ცხენოსანი კაცითა და ამდენი ურდო ხალხი ორ კვირას, ან ერთ თვეს უნდა დარჩენილიყო ამ სოფელში. წარმოიდგინეთ, რამდენად სასიამოვნო იქნებოდა სოფლისათვის ამდენი კაცისა და ცხენის რჩენა უფასოდ. ხელოსანს თვითონ სახეზე ეტყობოდა, თუ რამდენად სამხიარულო იყო დ — ნის მობრძანება. „ღმერთმა იმისი თავი ნუ მოგვიშალოს, დიდს წყალობას გვიშობა. მისი ქირიმე, როცა მობრძანდება, ბევრი ხლებულებით მობძანდება. ორმოცი, სამოცი ცხენოსანი სულ ჩვენს ხარჯზე უნდა იყვენ. შეგვსვამენ, შეგვკამენ, ყოველისფერს გათელავენ და ისე წაბრძანდებიან. არც ერთი მოსახლე არ დარჩება, რომ იმ სახლიდან ათობით არ წაიღონ გოჭი, ქათამი და ცხვარი. იმის ქირიმე კაი მწყალობელია ჩვენი. რომ ის არა, მომეტებული ქირნახულით ყველა დემძიმდებოდით და გავზარამაცდებოდით. ჩვენი შემსუბუქებელი. დამცარიელებელი სულ ჩვენი მოწყალე ბატონი, კ. დ — ნი. ბრძანდება“. ბუზის ხელოსანს თავისი მოწყალე ბატონი, როგორც თხას მგე-

ლი, ისე შეპყვარებიყო. რასაკვირველია. არც ჩვენი სტუმრობა იამებოდა. რადგანაც იმავე გეარს წყალობას მოელოდა, როგორც ბატონისაგან. იმიტომაც ამ სოფელში ყველა იმას ცდილობდა, რომ ჩვენისთანა გამკეთებელი სტუმრები თავიდან მოეშორებინა. პირველად რომ შეგვხდა ხელოსანი, იმისმა მოკმუნებნილმა სახემ ცხადად დაგვანახა, რომ ჩვენი წვევა არ იაბა. მაგრამ, როდესაც ჩიკოლიკმა ღიმილით გაუკრიჭა და მასპინძლობის სამაგიეროს დაჰპირდა, მაშინ ხელოსანიც გამხიარულდა და, რაც გეჭირდებოდა, ყოველიფერი მალე გვიშოვნა.

ხელოსნის ეზოში ასეთი ტალახი იდგა, რომ ალაგ-ალაგ კაცი მუხლამდის ჩაეფლებოდა. ღობე-ღობე თუ გავეკვრებოდით, თორემ პირდაპირ მისვლა-მოსვლა არ შეგვეძლო. ქვარტლივით გამურულს სახლს გარდა ხელოსნის ეზოში ერთი პატარა ბელელი იდგა, სადაც ხორბალს ინახავდნენ. ამას გარდა ეზოში იყო ერთი ბოსელი დი იმის წინ ვიწრო დერეფანში იდგა გძელი სკამი, რომელზედაც წამოწვა ჩიკოლიკი და ნიდაყვ-დაბჯენილი განერთობოდა თავის ზრახვასა. ცოტა ხანს იქით მოგვადგა ერთი კარგი მოსული ვაჟკაცი. ის იყო აზნაური. ტანზე ეცვა ბუზმენტიანი მაუდის ჩოხა. ჩერქეზულად გაწყობილი. ფეხებზე დეზები ეკრა. მოწითალო უღვაშები აებურდა, ეტყობოდა რომ უღვაშსაკარი დაკარგოდა. ჟუჟუნა თვალები ასეთი სიამაყით გადმოეკიმა, რომ გეგონებოდათ მთელი ქვეყნის მბრძანებელიაო. მართლა ამ სოფელში იმის მეტი აზნაური არ ესახლა და ამის გამო გლეხებთან თავი გასდიოდა. ბაკურას სიტყვით (ასე ერქვა აზნაურს) თვითონ ძალიან კარგი მოსახლე იყო; პური და ღვინო გამოუღვევლი ჰქონდა; მაგრამ ისიც რომ არ ჰქონოდა, ბაკურს ასეთი ზნე სჭირდა, რომ უპურღვინოთ არაფერს დაიკლებდა. თუ ვინმე პატიოსანი სტუმარი გაჩნდებოდა სადმე სოფელში, ბაკურა ამას სუნით გაიგებდა. იმასაც შეიტყობდა. თუ რომელი გლეხის ოჯახში ჩამოხდა პატიოსანი სტუმარი და თავის ჩაქჩაქა ცხენით იქ მიაშურებდა. ალბათ გულში ფიქრობდა, გაუზრდელი გლეხები რიგიან სიტყვა-პასუხს ვერ მისცემენ პატიოსან სტუმარსაო, ჩემი იქ ყოფნა საჭიროა. რომ ჩემი დარბაისლობით სტუმარი არ მოვაწყინოვო. ამას ესეც უნდა დაეუმატოთ, რომ რამდენადაც სტუმრებისათვის, ეგონდად ბაკურასათვის იყო სასიამოვნო ამნაირი ყოფაქცევა. მუდამ სახლში ჯდომა, ტახტზე უსაქმოდ გორვა და შთქნარება, საზოგადოთ, ყველას ძალიან მობეზრდებდა. რადგან ბაკურაც ამ გეარს კაცებში ერია. ამისთვის მეზობელ გლეხებთან მისვლას და სტუმართან თავის გართობას დიდ ნუგეშად მიითვლიდა, მით უფრო, რომ კარგი ღვინის სმისა და კარგი სადილის ქამის მეტი არა ეხარჯებოდა-რა.

გიორგი სევანს *არაფრად იანა* ბაკურას მოსვლა. ამ სევანის ევლური სახე კიდევ უფრო მოიქუშა. ეს კაცი იყო ძალიან მაგარის აგებულებისა; შავვერემანი და წლოვანებით დაპრანქული სახე მხეცური თვალებით ჰქონდა გაცეცხლებული. თუ მივიდოდით, გიორგი სევანი თვალთ არ დაგვენახვებოდა; დაკარწახებული ერთ ვერსზე წინ მიგვიძლოდა ქვეითად. ჩვენი ცხენები იმას ჩაქჩაქითაც ვერ მოსწვდებოდნენ. ამ ღონიერს სიარულთან ქამაც ძალიან იცოდა. ძნელად-ლა შეეძლო ვისმე იმისი გაძლომა. ხშირად წყრომით დაგვაყვედრებდა ხოლმე: სევანეთიდან რომ წამოვედი, ერთხელ ხეირიანად არ გავმძლარვარო. ღორის ჯაგრის მსგავსი თმა კისრამდის ეყარა: ამ თმას მის დღეში საეარცხლის კბილები არ ენახა. საქოჩრე ერთი მანეთის ოდენზე ჰქონდა მოპარსული და ზედ ეკრა მანეთის ოდენა ფაფანაკი. ის იყო ქუდის შავიერი, მაგრამ იმის მოვალეობას-კი არ ასრულებდა. გიორგის მძლავრი კბილები ძვალს არსად გაიცილიდა. სადილ-ვანშამზე ხორცი რომ შემოაკლდებოდა, მერე ძვლების კრახა-კრუხს მოჰყვებოდა. ამისთანა მალის კაცს, რასაკვირველია, ქამაში მოკერძე არაფრად იამებოდა. როცა ბაკურა კარზე მოგვადგა, გიორგი სევანმა უსიამოვნოდ წაიდუღუნა: „ამას მაინც რა მოათრევდა ჩვენთან. ხელოსნის სადილი ჩვენც არ გვეყოფა. ოჯახდასაქცევს სახლში საქმელი პური არ მოეცევა და ჩვენი ბარობით უნდა მუცელი გეიძლოს. ჩვენთვისაც ვერ გვიშოვნია საქმელი, რალა მაგის ამხანაგობა გვეჭირება!“.

გიორგი სევანი ძალიან ამაყი კაცი იყო. თუ ვისმეზე გულწაღვლიანად იყო, სულ იმას ცდილობდა, რომ რითიმე გაეჯავრებინა, ან გადაეხალნა იმის მაგიერი, რაც სხვამ აწყენინა. ცოტა ხანს შემდეგ ბაკურას გვერდით დაუჯდა. სევანმა კარგად იცოდა, რომ ეს არ იამებოდა ამაყ აზნაურს, მაგრამ არამც თუ გვერდით დაჯდომით, სიტყვითაც უნდოდა გაეჯავრებინა.

— ვაი აზნაურობის ბრალი. გლეხებს რომ გაანთავისუფლებენ! მაშინ თქვენ უნდა თოხნოთ, თქვენი ხელით უნდა აკეთოთ ყველაფერი, — დაიწყო გიორგი სევანმა. ეს სიტყვები ბ-ნ ბაკურას ეკალსავით გულზე დაესო. იმან თვალები გადმოუქიმა გიორგი სევანს, გვერდზედ შეხედა. ხელები გადაშალა და მრისხანებით წამოიძახა:

— უყურე ახლა ამ ჩიყვიან სევანს!.. შენ ვინ გკითხავს გლეხების განთავისუფლებას?..

— ჰო, ჰო! გიორგი სევანი ძალიან თავისუფლების მოყვარე კაცია! — ღმილით წამოიძახა ჩიკოლიკმა: — მაგას გლეხებზე გული სიტყვა, რადგან თვითონაც თავისუფალია თავის ქვეყანაში.

— მაგის გახეულს ჩოხას და ტალახიანს ფეხებსაც-კი ეტყობა თავისუფლება! მაგისთანა თავისუფლება ყველას აქვს. თავისუფალი არ არის, მაგრამ ჩიყვიან სევანს ჩვენებური გლეხი სჯობია.

— ჰო, შენ რომ აზნაურის ხარ, რათი მჯობიხარ? ჩემ ქვეყანაში მე მდივანბეგი ვარ!

— დიად, დიად, ეგ მე მდივანბეგად მყავს! — თავმომწონებით წამოიძახა ჩიკოლიკმა.

— შენ რომ ჩვენში იყო, თუ რამე დააშავე, მაგ შენ აზნაურობას დაგიტოვებინებ: დაგიჭირავ და ნაჩანიკთან ხელშეკრულს მიგიყვან, — დაცინებით უთხრა ბაკურას გიორგი სევანმა.

ბატონი ბაკურა პირზე აენტო. ისე გაჯაერდა, რომ მგონია, კბილით დასაგლეჯად არ დაზოგავდა; რომ ჩიკოლიკისა და ჩიკოლიკის მორიდება არა ჰქონოდა.

— შენისთანა მურიანი სევანები გამიბედავენ რამეს, ო, შენმა მზემ! — გაჯაერებით დაიყვირა ბაკურამ, წამოხტა ზეზე და ბოსელს უკან წავიდა. ამ ბაასზე ჩუმ-ჩუმად მეციენებოდა. ბაკურამ იფიქრა, სჯობია ამ ადგილს მოვსცილდე, თორემ ცუდი რამ შემემთხვევაო: შეტის-მეტი გაჯაერებით თავს ვერ იმაგრებდა.

კულაბზიკა განზე იდგა და ყველის ვაქარივით იკრიჭებოდა. როგორც-კი ბაკურა დერეფნიდან გავიდა, ის იმავე წამს მელასავით უკან გაედევნა: უნდოდა, თვითონაც გამოლაპარაკებოდა ბატონ-ყმობის საქმეზე. კულაბზიკას სურდა, ბაკურასთვის დაემტკიცებინა, რომ ყმების განთავისუფლება კარგიაო. თუმცა ამ საქმეში იწიცი არ გაეგებოდა და უფრო იმაზე იყო დაჯერებული, რომ ყმების განთავისუფლება უბედურობის და დამცრობის მეტს არას შეამთხვევდა კეთილშობილ წოდებას, მაგრამ კარგად იცოდა, რომ ჩიკოლიკს გლეხების მხარე ეჭირა სიტყვით და ამ გვარი ბაასი ბაკურასთან ჩიკოლიკსაც იამებოდა. კულაბზიკა მუდამ თვალეზში შეჩერებოდა თავის მოკეთეს, რომ ყოველივე დაწვრილებით შეეტყო, რაც იმას ესიამოვნებოდა. მით უფრო ჰსურდა ჩიკოლიკის სიამოვნება, რომ იმისგან მოელოდა ჯამაგირის და ხარისხის მომატებასა. ამის გამო ყოველი იმისი მოქმედება ჩიკოლიკის სასიამოვნოდ კულაბზიკური იყო.

ბაკურა სახე-მოქუშული ბოსელს უკან სკამზე იჯდა. კულაბზიკაც გვერდით მიუჯდა და კბილების კრეჭით ჰკითხა:

— რაეა?.. არ გაიმა, გლეხის გათავისუფლებაზე რო დაგიწყო იმ სევანმა ლაპარაკი?

ყოველისფერს მოელოდა და აზნაურისაგან ამისთანა კითხვას-კი არასოდეს არ მოელოდა. გულში გაივლო, ეს კაცი სწორედ გაგიყე-

ბულა. თორემ ამისთანა უშვერად როგორ მკითხავსო! იმან გაჯაერებით თავიდან ფეხებამდის თვალი აავლო კულდაბზიკას და არა უთხრა-რა.

— რას მიყურებ, თუ იცი?.. მართლა გკითხავ: რეიზა გეწყინა. სკანმა რომ გლენების განთავისუფლებაზე დაიწყო ლაპარაკი? — განუმეორა კულდაბზიკამ.

— შენ გასულელდი, თუ მართლა მკითხავ მაგას?...

— მართალა, აპა. ტყულა?

— თუ მართლა მკითხავ, გიჟი ყოფილხარ!

— გიჟი, ჩემო ბიძია, შენ ყოფილხარ, რომ ტყულა წყრები.

— რა კაცი ხარ შენ, აგი მითხარი: გლენი ხარ თუ აზნოური?

— ვეი პლაც!.. ნეტაი შენ იყო ჩემისთანა აზნოური: მე... დღეს იქნება თუ ხვალ, თავადობას დამიმტკიცებენ! — აქოჩერით წამოიძახა კულდაბზიკამ.

— თუ აზნოური ხარ, აპა, მაგას რავე ლაპარაკობ: „რეიზა გეწყინაო გლენების გათავისუფლებაზე ლაპარაკი.“ მეც და შენც გლენით ვეიდგა სული. მაგი კაი ჩოხა და ვერცხლით მოქედილი ხმალი არ გექნება, შენ რომ გლენი არ გყავდეს. არც ცხენით დეიწყებ ამ მთებში სიარულს.

— დიად, არ გინდა (ცერს უჩვენებს)? მე იმისთანა ნუ გგონივარ, ზოგიერთი რომ გინახავს. ჩიკოლიკი თუ ცოცხალი მყავს, ჩემ ბედს ძალლი არ დაჰყევს! — თავმოწონებით სთქვა კულდაბზიკამ.

— შენ აგი მითხარი, აზნოურიშვილი ხარ?

— აზნოურიშვილი ვარ; აპა, რა ვიქნები? აზნოურიშვილი აზნოურიშვილს ჰქვია. მე ძირის აზნოურიშვილი ვარ.

— აპა, რავე მასხარულათ ლაპარაკობ?.. გლენების თავისუფლება ჩემზე უფრო შენ უნდა გეწყინოს.

— არა, გლენების თავისუფლება კარგია. ჩიკოლიკმა თქვა, იგინიც და ჩვენც ძალიან მოვიგებთო. ჯამაგირი გექნებათო, და ფული სულ ბზესავით მოგვივა.

— სეიდან გექნება, რომ გლენები აღარ გეყოლება?

— ხემწიფე მოგვეცემს და მერე ვაპრობას დევიწყებთ.

— კაცო, აზნოურობას მერე ვაპრობაში გასცვლი? კარგი აზნოურიშვილი ყოფილხარ! მომიკვდეს შენისთანა აზნოური!

— მოკვდი და არც იცი! რავე ლაპარაკობ შენ?!

— ყაძახები (გლენები) გყავს თუ არა? — გაოცებით ჰკითხა ბაკურამ, რომელსაც სრულებით არ სჯეროდა იმისი აზნაურობა, როცა კულდაბზიკამ სთქვა, რომ ვაპრობად ვადეიქცევითო.

— კი მყავს.

— ოჯახი გაქვს?

— კი.

— შენს ოჯახს ხომ შენი ყაძახები უვლიან? ხომ გემსახურებთან? ბეგარას არ გაძლევენ?

— აჰა, რას იზმენ! რომ არ მომცენ, ძალათ გადავახდევინებ. ნეტაი დედა ჩემს, თუ ბეგარაც ყაძახებმა შეირჩინეს! მე იმისთანა არ გახლავარ, ზოგიერთ ბატონს რომ გლეხები დეიჯაბნებენ და ბეგარას შეირჩენენ. ბეგარა-კი არა, საუდიერო ფერდელა ღორიცი რომ არ მომიყვანოს, სუნთლათ ცხვირში ძმარს წავადენ.

— კაი და პატიოსანი. მეც მაგი მინდოდა, რომ გეთქვა. ახლა წამოიდგინე, რომ ის შენი გლეხები არც ბეგარას მოგცემენ, არც შინ გემსახურებთან; თუ ძალა დაატანე, ბრევლს გცემენ. ოჯახის მომვლელი არავინ გეყოლება. ყანაში არავინ გიმუშავებს. სახლში ცეცხლს არავინ დაგინთებს. სულ შენ უნდა ქნა ყოლიფერი: ცეცხლიც შენ უნდა დაანთო, წყალიც შენ უნდა მიეიტანო...

— არა, არა, არა! მაგი არ იქნება, წყალს რავე მიეიტან!.. — ჯავრიანად სთქვა კულაბზიკამ.

— მაცა, მაცა... ყანაც შენ უნდა გათოხნო, შენ უნდა მიეიტანო.

— აჰ, აჰ, გადირიე თუ?.. მაგას რავე მეუბნები! მაგას რავე ვიზამ!

— გლეხები რომ ჩამოგერთმევა, არ იზამ, რა გზა გაქვს!

— ჩიკოლიკმა მე და შენზე უკეთ იცის. იმან თქვა, რომ გლეხებში ფულს მოგვეცემნო. სამსახურში შევალთ, ჯამაგირს გაგვიჩენენ. შეილებს გავზრდით, გაენათლდებით. და, ეჰე, ფრანცუტები რომ მდიდარი არიან, ჩვენც ისეთ გავზდებით. — სთქვა კულაბზიკამ.

— უი, დევილუპე! მთლათ გაუსულელებია ეს საწყალი, ჩიკოლიკია თუ ვინცლა, იმას! ჰა, ჰა, ჰა! კაცო, ჩემი გლეხები მილიონს მირჩენია. გლეხებში ხემწიფე მილიონს როგორ მომცემს! იგი ან მოგვეცემს ერთ ფარას, ან ორ ფარას. ჩახვალ ქუთეის და იქვე მითესავ; შერე დარჩები ხელცარიელი. შენ ამბობ, შეილებს გავზრდითო, რითი ვაზდი, რომ ფარა არ გექნება?! ჯამაგირს გაგვიჩენნო; ყველა ხომ სამსახურში არ შევა? ყველა რომ მთავრობის კაცი შეიქნეს, მთავრობის ხელქვეით ვინლა დარჩება! ბიძაშვილობამ, მაგ ჩიკოლიკის გოუსულელებიხარ.

— სულელი შენ ხარ! რას ამბობ, კაცო, მაგი მეორეთ არ მითხრა!

ეს ბაასი ასეთი ფიციხე შეიქმნა, რომ ჩვენი სევანები და მეც ამათთან მივცვინდით. ბაკურა და კუდაბზიკა პირზე ძალიან გაწითლებულიყვნენ: ფეხზე იდგენ და, როგორც შეეძლოთ, ერთმანეთს შეპყვიროდნენ.

— კილო გეტყვი, რომ გაგიეებული ხარ, თვარა შენ მაგისთანა უჭკუო ლაპარაკს არ დაიწყებდი! — უთხრა ბაკურამ.

— მეორეთ არ მითხრა მაგისთანა სიტყვები, თვარა ან შენ და ან მე!

— ფუ! შეგირცხვა აზნოურიშვილობა, კაი აზნოურიშვილი შენ არ გამოსულხარ! — შესძახა ბაკურამ.

— გამიშვით! — დაიყვირა კუდაბზიკამ და ხმაღს ხელი შოავლო.

გიორგი სევანი ეცა და გააჩერა. ბაკურა განზე გადა და იქიდან აწყვიროდა:

— გამოუშვით, გამოუშვით! თუ ბიკია, ჩემთან მოჰბედავს! მაშა ჩემი არ წამიწყდება, ქათამსავით თავს წაუპკრი! — კუდაბზიკა ძალიან იჩარჩებოდა, მაგრამ ლონიერს სევანს მაინც ვერ დასხლტა ხელიდან. ბაკურამ იგრძნო, რომ მე აქ სამყოფი პირი აღარ მაქვსო. შეჯდა თავის ჩაქჩაქა ცხენზე, ერთი კიდეე მოაძახა: „გახსოვდეს, კილო გნახავ! იმისთანა ჩემს მტერს, მე შენ დღე დაგაყენო!“ ხელი გულზე მიიბრაგუნა და გაქუსლა.

გიორგი სევანი ძალიან გამხიარულდა, რომ სადილში მოკერძე თავიდან მოიშორა. ჩვენც დიდხანს აღარ დავრჩენილვართ ხელოსნისას. სადილი ეკამეთ თუ არა, იმავე წამს ბუზის სოფლიდან გავემგზავრეთ.

XI.

ბუზიდან რომ გამოვედით, წვიმამ ისევე დაუშვა. მთის ბილიკებზე სიარულმა ერთობ შეგვაწუხა. ჩემ ჯორს ფეხი ხშირად უტურდებოდა სველ ქვიშიან მიწაზე, და მეც წამის-წამს მივლიდა ტანში ჟრუანტელი. ბოლოს ისეთ სასოწარკვეთილებაში ჩავარდი, რომ ძალა-უნებურად წამოვიძახე: „რაც მოხდება, მოხდეს, ყოველივე ღვთის ნებაა!“ სადავეს ხელი გავუშვი, დეზები მივმალე და გულში ჯორს ასე ვეუბნებოდი: თუ ამ კლდეებში და ღრეებში არ ჩამჩხავ, თივაქერს ბზესავით დაგიყრი-მეთქი, და თუ ჩამჩხავ, შენი ნებაა, მაგრამ არც შენ დაგემართება ხიერი-მეთქი, შენც საყორნედ გახდები. ძველი ცოდვების მოგონება შენისთანა გულკეთილი პირუტყვის საკად-

რისი არ არის-მეთქი. აქ მკითხველს ორიოდ სიტყვით უნდა მოვახსენო ჩემი და ჩემი ჯორის მეგობრული დამოკიდებულება.

როგორც თავმომწონე იმერელს, ორივე ფეხზე დეზები მეკრა. და მუდამ ჩხუტურით საწყალს ჯორს საქმე ჰქონდა გაჭირებული; ყოველ დეზის გაკვრაზე ჩემი ჯორი თითქოს ხენეშით მეუბნებოდა: „გაგინძეს ეგ ფეხებიო“. როდესაც ამისთანა ცოდვები კისერზე მაწვავდა თვალ-აუწვდენელ მთის ბილიკებზე მივიდიოდით, რასაკვირველია. შიშისაგან ვცახცახებდი: რალა მეშველება, ჩემმა ჯორმა რომ იმის ზურგზე დასკუპული მისი ბატონი აქედან გადამიძახოს და თან დაატანოს: „მინდორში დეზების ცემას ამ ბილიკზე ტუნდრუკი მოუხდებო“. მართლა რომ ასე მოქცეულიყო, შენი მტერი, რაც ჩემ ძვალსა და რბილს დაემართებოდა ამ თვალ-აუწვდენელ ოღრო-ჩოდროებში! ვითომ არ მემართლებოდა თუ? სიცოცხლე გაქვს მემართლებოდა: რაც იმ ჟამად დეზების ცემით წვა და დაგვა მე იმას გამოვაცდევინე. ეშმაკსაც ცრემლს მოგერიდა; მაგრამ ჩვენი ბედი ის არის, რომ საზოგადოდ ჯორები გაკრეკილ და გაპარსულ კაცებსავით გულკეთილები არიან და, ერთხელვე თუ ლაგამი ამოსდე, მერე რაც უნდა შეუწყნარებელი ბატონი აჯდეს ზურგზე; მაიც ფიქრში არ მოუვათ ზურგიდან იმის გადავდება, თუმცა, რომ უნდოდეთ, ლალატობას ყოველთვის მოახერხებენ. როგორც, მაგალითად, ჩემს ჯორს შეეძლო მთის ბილიკზე ჩემი წესის აგება, დამახსოვნება რომ სცოდნოდა და ჰქუაჰქონოდა. მაგრამ. მადლობა ღმერთს, რომ ალაგმულ სულიერებს იმდენად უფრო თავზარი ეცემათ ხოლმე, რამდენადაც ზედ მჯდომები უფრო უსინდისად ეპყრობიან. რომ იცოდეთ, მკითხველო, რა შიშში ვიყავი, რა სიმწრის ოფლი მდიოდა, სულ ხელებს ვიტეხდი, ღმერთი არ გაუწყრეს. ჯორმა ურიგოდ ფეხი არ გადასდგამეთქი. რაც წინად ცუდი მექნა ჩემი ჯორისთვის, ყოველივე იმ დროს მომაგონდა. ვფიქრობდი, მე რომ დეზები არ მქონიყო. იქნება ჩემ ჯორს იმდენს გაჭირებას არ მივაყენებდი-მეთქი, და ახლა მოვეყვი იმათ ლანძღვას, ვინც დეზები და, საზოგადოდ. სულიერი არსების შემაწუხებელი მანქანები და იარაღები მოიგონა. ამ მწუხარებაში თან-და-თან შემეპარა გულში სამართლის გრძობა. ყოველი ჩემი მოქმედება ჩემ გაკრეკილ ჯორისადმი საზიზლარ მტარვალობად მომეჩვენა. წარმომიდგა დაჩაგრული ჯორის ანგელოზებრივი ხასიათი, რომელიც სიკეთის მეტს არას გვიშვებოდა; მუდამ კისერზე ვაჯექვ, რაც უნდა გაჭირებოდა, საყვედურს არ მეტყოდა; ის შიშშილსაც ითმენდა, წყურვილსაც და ფეხებსაც იმტვრევდა ამ ოღრო-ჩოდროში სიარულით მხოლოდ იმისთვის; რომ მე ასე მსურდა და იმას ჩემი უკანონო სურვილი სიამოვნებად მიაჩნდა. რომ!

იცოდე მკითხველო, რა მორჩილებით ისმენდა ყოველ ჩემს ბრძანებას; რაც უნდა ნოყიერს სათიბში ყოფილიყო გაშვებული, როგორც რომ ლაგამ-ასადებლად წავიდოდი იმისკენ, მაშინვე იგრძნობდა, ბალახის ქამას თავს დაანებებდა, აიღებდა თავს და ლაგამ-ჩასადებლადაც თვითონ გააღებდა პირს. ამისთანა გულკეთილს სულიერს მე მაინც უჯავრდებოდი, თმას ვაგლეჯდი და, თუ ერთი ნაბიჯით უკან ჩამორჩებოდა კულაბზიკას, სულ ქრისტე ღმერთს ვალოცებდი დეზების ცემით. როდესაც ყოველივე ესენი წარმოვიდგინე და იმისი თავჯანწირულება ჩემს უმადურებას და უსინიდისო ყოფაქცევას შევადარე, სწორედ. ნამეტნავად ამ დროს, როცა შეიძლებოდა მას ერთი კისრული ექნა ჩემთვის და ღრეში ჩავეჩხე, ძალიან შევეშინდი. შენ, უწყალო ჩემო თავო, რად იყავი ისე შეუცოდებელი, რად გამოხვედი ისე შეუბრალებელი, რად შეიქენი ისე უწამებელი კაცი, რომ არავითარი სიკეთე ჯორს არ დაუსწავლე? როცა ზედ არხეინად იჯექი და მინდვრად მოაქანებდი, მაშინ რატომ არ განიკითხე, არ დააფასე და კაცურად არ მოექექცი-მეთქი? რად აუტეხე კირი შენს თავს, რად ჩააგდე ასე უდროოთ შენი სიცოცხლე საფრთხეში? ხომ იცოდი, რომ როდესმე მთის წვერზე შეგემთხვევოდა სიარული მაგავე ჯორით-მეთქი? — ვაყვედრიდი ჩემ თავს, მაგრამ თანაც თავს ვიმართლებდი: შე ამ ყოფას არ მოველოდი-მეთქი. მაშ აბა ახლა ჩაიჩხე უფსკრულში; ერთი მხურვალე ცრემლიც არ ჩამოვადება შენისთანა უგრძობელი მწვალებლის დაღუბვაშიო; აბა, ჯორო, მაგას სამაგიერო, უყავიო, ჩამომძახოდა რაღაც საშინელი მსაჯულის ხმა ზევიდან, მაგრამ ჯორს ეს ხმები არ ესმოდა, ჯორს გონება დაბნელებოდა, მეხსიერება წართმეოდა; მუდამ წვალებაში და მორჩილებაში ყოფნით მორჩილების მეტი აღარა უტრიალებდა-რა თავში. ის იმდენად მიჩვეულიყო წვალებას, რომ ახლა როცა ამ წვერზე დეზებს აღარ ვსცემდი, თითქოს ძალიან მიმადლოდა, ჩემი გულკეთილობით გაკვირვებული იყო და ძალიან გაფრთხილებით აღგამდა ნაბიჯს ბილიკზე, ცდილობდა, მის კისერზე მგდომარე ძვირფასს პატრონს არა გაჰიწვებოდა-რა. ამას რომ ვხედავდი, უნებლიეთ ვიძახდი: „ვაი თქვენ, დაჩაგრულნო, რამეთუ არა უწყით, თუ ვინ არის მაჰირვებელი თქვენი და ვინცა გცემსთ არღანსა, იმათვე სცემთ თავყანსა!“ რაკი განსაცდელს თავი დავალწიე, მინდვრად გავედით, შავი ფიჭვებიც გადამეყარა და დეზის კბილებიც ისევე შევატყობინე ჩემს გულკეთილ ჯორს...

XII.

მარჯვნივ მთის ქედი სარტყელსავით გარს შემოგვევლო. შუაში იმართებოდა სამი ვეება მთის ზვინი, რომელნიც მწვეტიანი წვე-

რებით ცამდის სწვდებოდენ. ხეები გაგიჟებით ღრიალებდენ და ზხედს ისეთი წამწარებით ისროდენ მაღლა, რომ გეგონებოდა, ჯავრისაგან ქოჩორს იწიწქნიანო. ცის კამარა თუშურ ქუდსავით თავსდაემხო აყუდებულ მთის ზვინებს. ისინი მხოლოდ ხევის წყლებს გაეყო ერთმანეთისაგან და ნაძვის ტყით შავად იყვენ დაბურულნი. აქაიჯ ცისფერი კლდის ნამზელევეები ეყარა. მიწა-კი თეთრი კირიანი იყო. ბინდი ნელ-ნელა გვეპარებოდა. გზა ისეთი დაკვლავნილი შეგვხვდა, რომ გვეგონა, სულ ამ მთებს ეუტრიალებდით, თითქოს თვალ-ნაცემები ყოფილიყოთ და გზა ვერ გაგვეგნოს. ამ დროს გვერდით ამომეტუნა კუდაბზიკა თავისი ცხენით. წყალში ამოწყუმპლულ თავეს. რომ ხმელს ფიხხე შესმენ და მზეზე გამოიტანენ გასაშრობად, სწორედ ამანაც ის მომაგონა.

— რა ჯოჯოხეთი ადგილი ყოფლა აგი! — სასოწარკვეთილებით შემომიხილა კუდაბზიკამ. — წვიმას ვინ ჩივა, ნეტაი ამ ჩაღუპულ ადგილიდან გამოვიდოდეთ. მგონია, დღეს სოფელშიც ვერ მივატანთ.

ჩვენს მოშორებით კიკოლიკი მოყუნტალობდა. ისეთნაირად გამოხვეულიყო ნაბად-ჩაბალახში, რომ ვისმე შეეხედნა, იტყოდა, ეს ყვავების საფთხე აქ სად მოაქვთო. იმის უკან ჩიკოლიკი ილანძღებოდა. ჩალიან გაჯავრებული იყო ბუნებაზე, რომელსაც პატივისაცემ კაცად ვერ ეცნო, წყალს ასხამდა თავზე გულის გასაგრილებლად.

ბოლოს, რითაც იქნა, ღრეებს თავი დავაძვრეთ და მარცხნით მთას შევეუდექით. სოფელი წითური მღებარეობდა იმის ქედზე, მაგრამ იქამდის მისვლასაც კარგი ღეთის წყალობა უნდოდა. თითქმის დაღამდა. ამ დროს მთის ქედიდან თოვლივით გათეთრებული მონხუცი მორბოდა და წინ მარდად მოახტუნებდა რკინის ჯოხს. კუდაბზიკამ რომ დაინახა, წელში გაიმართა და შესძახა:

— კაცო, კაცო, მოიცადე! სოფელი წითური შორს არის?

— მაგერ ვახლავს, ბატონო. ოცი ნაბიჯი რომ გადადგათ, მიხვალთ, — სიჩქარით უპასუხა მოხუცებულმა და თავის გზას დაადგა. ძალიან შორს ვიხედებოდი, მაგრამ ჩემ წინ ტყის მეტი არა მოჩანდა რა.

— კაცო, ეი, ეი, არ გესმის, მოიცადე! მასთე რომ აგვიგდე ვინ გგონივართ!.. დაბრუნდი ახლავე, თვარა არ ვიცი, რას გიზამ!.. — შესძახა კუდაბზიკამ და ცხენს მათრახი გააწნა. ამით უნდოდა ეთქვა, რომ ეს მათრახი ცხენის ზურგიდან შენზედაც გადმოინადირებს, თუ ახლავე ჩემს სიტყვას არ დამორჩილდით. — ხელოსნისას გაგვიძლია გესმის!...

— რა გაძლოლა გინდათ ბატონო, მაგ გზას დაადექით და ჯიქურ ხელოსნის კარზე მივიყვანსთ. წისქვილში მივიღივარ, დამაკვიანდება. თვარა ხელოსნისას კი არა. რა თქვენი საკადრისია. სტამბოლამდის გიანხლებოდით, — სთქვა ეს მოხუცებულმა და მოქუსლა.

ერთი ორი კიდეე გააკვიელა კუდაბზიკამ. ნაგრამ ბერიკაცს ყურიც აღარ უთხოვებია; თვალიდან გაგვიქრა.

— რაეა არ მოვკვდე ახლა, რაეა წამივიდა ხელიდან იგი ბერიკაცი!.. მე ვიცი, დღეს ჩვენ გზა დაგვებნევა!.. — მართლაც ასე მოხდა.

ღმერთმა აცხონოს. და სიბერის დროს იმ მოხუცებულმა კარგად მოგვატყუა. ოცი ნაბიჯი-კი არა, ორი ვერსტი მეტი იყო თურმეს. წითურამდე; მერე. იმ გზას დაადექითო. რომ გვითხრა, თურმე ისიც ტყუილი გამოდგა. იმ გზისთანა ოცი მიხვეულ-მოხვეული ბილიკები გავიარეთ, სანამდის ხელოსანს კარზე მივიღებოდით. ტყუილს არ ვიტყვი, მეც ბევრი შევეუკუროთხე იმ ცხონებულს ასე მწარედ მოტყუებისთვის. კუდაბზიკა ხომ ჯაერისაგან კურცხლებს ჰყრიდა. მაგრამ, ახლა რომ ვფიქრობ, ღეთის წინაშე, ის ბერი-კაცი სწორედ არ იყო გასამტყუნარი. მართალი რომ ეთქვა, უეჭველად წინ წავიგდებდით საწყალს; იმ ლამეს წისქვილში ველარ დაბრუნდებოდა, წვიმა-კი გაუწყვეტლად მოდიოდა. მთის ხეეები თან-და-თან მატულობდენ, და ოუ იმ ლამეს არ მისწრებოდა წყალი უსათუოდ წისქვილს მოიტაცებდა. მერე, შენი კუდაბზიკა ან შენი ჩიკოლიკი გადუხდიდა? დიახ. როგორ არა!

კუდაბზიკას მხოლოდ ის უნდოდა, რომ ხელოსნისას მალე მისულიყო. თორემ ქვაზედაც ნუ დარჩევილიყო ბერი-კაცის ავლადიღება!...

ხელოსნისას რომ მივედით, ჩვენ შეგვიყვანეს ერთს პაწაწა ქონში, რომელსაც ერთი საეენი სიგრძე-სიგანე ჰქონდა, მეტი არა. ამ სახლში რეა კაცი უნდა მოვთავსებულეყავით ჩვენი ბარგიანათ. წარმოიდგინეთ, რა ხალვათობა იქნებოდა. შუაში კერა იყო გაჩაღებული; მაშინვე ირგვლივად შემოეუხსნედით იმას, და სქელი ოხშივარი აგვდიოდა. კერაზე ცეცხლი გაძლიერდა და რომ კომლი არ გამდგარიყო, რომელმაც თვალეები დაგვთხარა, სწორედ ბედნიერებას არა გვიკლდა-რა.

ჩიკოლიკი ძალიან ჯაერობდა იმ ბერი-კაცზე, რომელიც ასე უპატიურად მოგექეცა. იმის ძლიერებას არ შეუშინდა.

— სწორეთ ხელ-ფეხ შეკრული უნდა გავგზავნო ქუთაისს მე ის ბერი-კაცი! კუდაბზიკა. არ დამაეიწყო, უეჭველად ხელოსანთან მომაგონე! — ბრძანების კილოთი სთქვა ჩიკოლიკმა.

— ვაი დედა-მისს, რომ ამ მათრახით ვერ გაეასიე! — გულზე ზელის ბრაგუნით იძახოდა კუდაბზიკა.

— მოდი და ახლა კაცურად მოექეც მაგისტანა კაცებს! არ დაგინდობენ, არა. შეილიც რომ მოუნათლო, თუ სადმე გიხელთა; მოგატყუებს-კი არა. მოსაკლავადაც არ დაგზოვავს. ახლანდელი მწერლები რომ სწერენ. თქვენს დაჩაგრულ ძმებს გულ-ჩვილად, კაცურად მოექეციო... აი. შენი კაცური მოქმედებით რას გიშვრებიან: „ატყუებენ. თუ მოგიხერხეს, წაგაგლეჯენ, გაგქურდვენ და შენვე დატყინებენ პირში. ის მწერლები. რომლნიც მტად გულ-მტკივნულად ჭადავობენ ჩვენს უმცროს ძმებზე, ამ ჩვენს ადგილას უნდა დასვა და ვნახოთ. მაშინ რას დასწერენ, თორემ თავის დღეში წიგნების მეტი არა უნახავთ რა, და ლეჩხუმელის ბერი-კაცისთანა პირუტყუებს ხელი მიეცით. ძმად გაიხადეთო, — გვეუბნებიან. ჰე, დაიკარგონ, ერთი!.. — ამპარტავნულად გაიქნია ხელი და დაცინებით ჩემსკენ გადმოიხედა, ვითომ და რაო: „ბევრი იცით შენ და შენმა მწერლებმა, სადღაც თხას კული აბიაო. გვეუბნებით. ცხოვრებაა მარტო ნამდვილი სწავლა და ვინც ჩვენსავით ცხოვრების დარჯაკში არ გატარებულა, იმას არა დაეჯერება-რაო!“ მართლაც კარგი ჭკუის მასწავლებელი ყოფილა ეგ რაღაც ცხოვრების დარჯაკია, საიდანაც კუდაბზიკას მწარე მათრახი გამოუტანია და ჩიკოლიკს მაგარი თოკი იმ მოხუცებულების-თანა კაცების შესაკრავად.

თქვენ ეს წარმოიდგინეთ, როგორ გაბედა იმან ამდენი პატიოსანი კაცების გაჩერება საშინელს წვიმაში! როგორ გაბედა, რომ მაშინვე თავი არ დაანება წისქვილს კუდაბზიკას ბრძანებით! ეთქვათ, წისქვილი წყალს წაელო. მოხუცებული თავისი წვრილი ცოლ-შვილით სულ ცარიელზე დარჩენილიყო. რა ვუყოთ მერე? ოჰ, დიდი რამ მოხდებოდა, ერთი ლტაკი მოხუცებული კაცი თავის ცოლ-შვილით რომ ქვეყანაზე აღარ ყოფილიყო!.. მაგრამ, როგორც სჩანს, მოხუცი ასე გულგრილად არ უყურებდა თავის ცოლ-შვილის სიმშლით გაწყვეტას. კიდევ იმიტომ იყო მტყუანი, ჩემო მკითხველო, კიდევ იმიტომ იყო სამათრახე და სათოკე, მაშ! განა ამდენი პატიოსანი კაცის წვიმაში გაჩერებით შეწუხება-კი ხუმრობა ჰგონია!.. აბა ახლანდელ მწერლებს რა გაეგებათ ამისი, რომ ცხოვრების დარჯაკში არ გატარებულან.

ამ დროს ქოხში შემოვიდა გლახათუბნელი. კერასთან მივიდა და ხელები ალში ჩაყო; იმას თან შემოჰყვა ლეჩხუმელი, რომელიც იქვე ხეზე დაჯდა და კისერი მოიწყვიტა. მაშინვე შეატყობდი, ამ კაცს კარგი არა მოსვლია-რაო.

ჩიკოლიკმა შენიშნა ეს და სანუგეშებლად ჰკითხა:

• — რასა იქ, ლეჩხუმელო, ხომ არ დაილაღე? დღეს ძალიან ცუ-
დი ამინდი დაგვიდგა. მაგრამ, იმედია, ხვალ გამოიდარებს. ამალამ
ერთი კარგად უნდა დაგაღვიწიო.

— შენ ნუ მომიკვდები. დაღვეა მართლა მოუხდება მაგას. ამ
სალამოს კაი გუნებაზე ვერ დააყენეს, — ეშმაკურად სთქვა გლახათ-
უბნელმა.

— რაო. რა მოუვიდა?

-- ცოტა ნივრიანი აქამეს და ძალიან ემწარა, — დაუმატა
გლახათუბნელმა.

— რა ამბავია, შემატყობინეთ! ჩხუბი ხომ არავისთან მოსვლია?

— ჩხუბზედ მეტრც დაგვემართა. ძალიან გაღლეტილი კაცი
ყოფილა ჩვენი ზელოსანი. კარზე რომ მივაღებთ და თქვენი მობრძა-
ნება გამოუცხადეთ, ქალმა გამოიხედა მართო და გეთხარა: მამაკაცი
არავინ არის, რა ვქნათ; ჩვენ ვერ დაგაყენებთო. კარებიდან ქე ვუყუ-
რებდით, ხელოსანი და მისი ძმა რომ შიგნით ცეცხლთან იჯდენ. ჩვენ
წუთხარით, ამალამ ვერსად ვერ წავალთ. რაც უნდა იყოს, ღამე უნდა
გავვათეინო. უფროსი უკან მოდის. ამაზე გამოგვიხტა ხელოსანის
ძმა და გინება დაგვიწყო. ამ დროს შიგნიდან ხელოსანმა დღეიყვრა:
„ბლის ჯოხი მაგათო!“ ჩემ ლეჩხუმელს კაი-კაი უთაქეს!

— ჰა, ჰა, ჰა, ჰა! — დაიწყეს ხარხარი ჩიკოლიკმა და კიკოლი-
კმა — ვაი, შენ ჩემო თავო! ლეჩხუმელო, ეგ როგორ მოგივიდა?! და-
მაცადოს, მე იმათ ვაყურებინებ, ხვალ ნაჩაღნიკთან გავგზავნი ხელ-
შეკრულს! — დაიტრაბახა ჩიკოლიკმა.

— თქვენ რომ არ მოგესწროთ, შენ ნუ მომიკვდე, კილო ბევრს
უთაქებდენ!

— შენც კი მოგხვდა კაი-კაი, — დაუმატა აბრეზილმა ლეჩ-
ხუმელმა.

— იმე, თუ თქვენ ახლა მაგენი არ დასაჯეთ, შენ არ მომიკვდე,
არ იქნება. სახლში შეშობას არ გვიპირობდენ... — წაქეზებით სთქვა
გლახათუბნელმა.

— შენ ეს მითხარი, ცხენები ხომ დააბით? გეთაყვა, ჩემ ცხენს
ამალამ კარგად მიქმით, მეტად დაღალულია.

• — თუ თქვენ ახლა ის ხელოსანი კარგად არ შელახეთ, შენ
არ მომიკვდე. ჩვენს ცხენებს კაცმა ნამცეცი არ მიაკაროს. ბოსელში
შევიყვანეთ, მარა რად გინდა! ყველა თაფხამოკრელებია, — აქეზებ-
და გლახათუბნელი.

— იმე, ბერი-კაცის ჯავრი მაინც ქე მჭირს და ორიოდ მათ-
რახი თუ მაგ ხელოსანს მაინც არ ვუცხუნე, კაცი არ ვყოფილვარ! —
აიფიცებით წამოიძახა კულაბზიკამ.

— შენ ნუ მომიკვლები. ცუდს არ იზამ, — წააქეზა გლახათუბნელმა.

— ასთუ რომ მცოდნოდა, ერთი თუმნისთვისაც არ წამოვიდოდი. — ჯავრიანად წაიდუღუნა ლეჩხუმელმა.

ამ დროს კარები შემოაღო ერთმა შოლტივით ამართულმა კაცმა..

— ლმერთმა გაუმარჯოს ბატონებს! — დაატანა იმ კაცმა დღისე მდაბლად დაგვიკრა თავი, რომ შუბლი კინალამ მიწაზე დაჰკრა. ეს გახლდა თვითონ ხელოსანი.

ბატონები ცოტად აბრეზილები იყვენ იმაზე და არა უთხრესრა, მხოლოდ თავი დაუქნიეს.

— მადლობა ლმერთს, რომ მშვიდობით მობძანდით! ძალიან ცუდი დარები დადგა, თქვენმა სიცოცხლემ, დიდი ხანია ამისთანა აედრები არ ყოფილა. კარგია, ბატონო, რომ ლელებში გამოგიტანებიათ. ხიდები არ წაუღია. ბატონო? მე რომ წყალმა კინალამ წისქვილი მომტაცა! ეს არის, წისქვილიდან ახლა გიანხელით. დროზე რომ არ მიმესწრო, შენი მტერი! კაკალი კაცი დევიქცეოდი, ცოტა გვიან რომ მივსულიყავი, სწორედ წისქვილს წამართმევდა.

— ჰო, იმ ენის წისქვილზე ამბობს, წელან რომ ჩვენ წინ მარდად ატრიალებდა და ძმას ეუბნებოდა: „ბლის ჯოხები მაგათო!“ — დაცინვით ჩაილაპარაკა გლახათუბნელმა.

— რას როტავ, კაცო, სიდაური ბლის ჯოხი! ეს არის, ახლა როვედი, შინ არც-კი შევსულვარ ჯერ. რავაც შევიტყვე ბატონების მოსვლა, იმ წამს გამოვიქეცი.

— ჰო, აჰა, ისთუ მოგვიჩვენებია, როცა უცნაურმა ხელებმა შენი ძმის უკანიდან ბლის ჯოხი წამოგვაპარა ბეჭებში! — სთქვა ლეჩხუმელმა.

— ააა! მაგი მეორეთ არ თქვათ! უკაცრავად, ჩემს ოჯახში მაგისთანა ამბავი არც მოხდარა თავის დღეში და არც მოხდება.

-- ააა. წადი და შენ ძმას ჰკითხე; ის გეტყვის მართალს. — უთხრა გლახათუბნელმა.

— ვაი, დევილუბე! იქნება ჩემმა გადარეულმა (გიჟს ეტყვიან) ძმამ ცუდი რამე გაკადრათ?

— რა ვიცი, ძმაო, ჩხუბში-კი არ ეტყობოდა გადარეულობა, და! გიჟი ასე მარდად ვერ მოიქნევედა „ბლის ჯოხს.“ — დაცინებით უპასუხა გლახათუბნელმა.

— ვაი, შენ ჩემო თავო! იქნება მართლა წაგეკიდათ?

— წაგვეკიდა კი არა, რას ამბობ, ლეჩხუმელს ზურგზე მტვეროა აღინა. ლმერთო შეგცოდე და, მგონია, შენი ხელიც კი ერია შენს უნებურათ. — სთქვა გლახათუბნელმა.

— მაგიც იქნა არ იყო! მაგი იყო. რაც იყო! „ბლის ჯოხიო“ — მაგან არ დეიძახა! — წაუდგა პირში ლეჩხუმელი.

ამ სიტყვებზე ხელოსანს ცოტათი ფერი ეცვალა და მოჰყვა პირ-ჯვრის წერით გადაფიცვას.

— ღმერთო, დამიფარე მაგისტანა შარისაგან! აჰ. თქვენ არ მომიკვდეთ, ბატონო. მე შინ არ ვყოფილიყო (ჩიკოლიკისკენ მიიბრუნა პირი). რა ბძანებდა. ბატონო! რავე ღმერთი გამიწყრებოდა, მაგას რავე ვიზამდი! ხემწიფის სამსახურში ეს ექვსი წელიწადი გახლავარ. და თქვენისთანა პატიოსანი კაცები ბევრჯელ ყოფილა ამ ჩემს საწყალ ქოხში. მაგისტანა შარი ჩემმა მტერმა თქვა! ჩემი ყოფა-ცხოვრება სულ თქვენი სანაცვლო იყოს. თქვენ რომ მიბძანოთ. ახლავე ცეცხლში ჩავარდები!.. მაგი რა პასუხია? გადარეულს ძმას რაღაც ცუდი უქნია და მე მბრალეებენ, მაგი რავე იქნება! შენ ნუ მომიკვდები, მაგისტანა შარი ღმერთსაც ეწყინება... — ამის შემდეგ მოჰყვა კენესით და ოხვრით თავის შებრალებას: — დევილუპე. ბატონო, დევიქეცი შარშანდელს აქეთ: ერთი მუშა ძმა მყავდა. ჩემი ოჯახის საძირკველი ის იყო. რაღაც უბედურათ გიორგობას წვეიდა შარშან და ისე უცებ გადამერია (გამიგიჟდაო), დევილუპე, ბატონო, დევიქეცი!.. რისგან შემემთხვა ამისთანა უბედურება: ჩემი ცოდვისაგან იყო თუ ეშმაკისაგან, არ ვიცი. ამ უბედურების შემდეგ ოჯახის საძირკველი დემენგრა... იქნება, შენი ქირიმე, რამე წამალი იცოდეთ?.. რამდენი საწირავი და გამოსალოცავი დაეხარჯე. ვინ იცის! ახლა, ბატონო, საკვირველი გადარევა აქვს: შინაურებთან ქე არის ჰკუიანათ. მაგრამ ან თუ ცოტა რამე უცხო ხმა ჩეეწვეთა ყურში, ან თუ უცხო-თან გამოვიყვანეთ, მაშინვე სიგიჟე მოუვლის. ვერასფრით ვერ შეგვიძლია დავამაგროთ. ერთჯელ აგი ცერი მომკენიტა რალმე დევიქეცი, ბატონო, დევილუპე! — ამებეს რომ ლაპარაკობდა, თავის ყუყუნა თვალებს ჩიკოლიკისკენ აპარებდა, უნდოდა, იმის სახეზე შეეტყო, ცუდი ხომ აღარა აქვს-რა გულში ჩემზეო.

მართლაც, ცოტად არ იყოს, ჩიკოლიკი დააღბო იმისმა მაცთურმა მწუხარებამ და, რადგან თავის ცხენის დარდი უფრო ჰქონდა, ლეჩხუმელის ქომავობას აღარ გამოუდგა და მშვიდობიანი ხმით უთხრა ხელოსანს:

— გეთაყვანე, ამაღამ ცხენებს კარგად გვიქმე: დღეს მეტად დაგველაღენ.

— კი. შენი ქირიმე. რაცა მაქვს, სულ თქვენი ქირის სანაცვლო: იყოს. ჩემი ყოფა-ცხოვრება სულ. თქვენისთანა პატიოსანი კაცებისთვის მინდა, შენი ქირიმე.

— აბა, გეთაყვა. მალე! — ცოტა ჩვენც გაგვიკეთე რამე ვა-
შმად.

— კი, ბატონო. კი ჩემო ხელმწიფე. ჩალას და ბზეს ბევრს ვი-
წოვნი. ჩემდა საუბედუროთ. ქერი არ მაქვს და იმის მაგიერად სი-
მინდი რომ ვაქვამო, ხომ არა უჭირს-რა. შენი კირიმიე?..

— დიალ. დიალ. — მიატანა ჩიკოლიკმა.

— ვახშამსაც ახლავე მოგართმევთ. იქნება თქვენი საკადრისი
ვერა მოვახერხო-რა. მაგრამ რა ვქნა. შენი კირიმიე, ცალხელა კაცის-
თვის ესეც ბევრია. ჩემდა საუბედუროთ, ღვინო მაქვს ცოტა ნაკლები
ამ წელს. ბატონო, ჩვენში ვენახები ძალიან წახდა. — ესეები სთქვა,
სიშარჯვის ნიშნად მიტრიალ-მოტრიალდა მარდად და კარში გავარდა.

— ძალიან ეშმაკი ყაძახი ყოფილა, შენ ნუ მომიკვდები! რა შუა-
შია! გადარეული კი არა!.. მოიგონა, ბატონო, გადარეულს რა
უგავდა?

— მე დევენიძღავეები, თუ მაგი შინ არ იჯდა, როდესაც ჩვენ
კარზე მივაღეკით.

— ეჰ, კარგი, ახლა თავი დაანებეთ! — ღიმილით და თვალების
დაწყურვით წამოიძახა კიკოლიკმა.

იმ ღამეს მართლაც ხელოსანმა კაი ვახშამი გვაქამა, ასე რომ
გლახათუბნელსა და ლეჩხუმელს სულ დაავიწყდა ის ნივრიანი საქა-
მადი. რომელიც პურ-მარხლის მაგიერად მისვლისათანავე მიართვა
ხელოსნის გიჟმა ძმამ. თუმცა ხელოსანმა წინათვე სთქვა, ღვინო არ
მივარგაო. მაგრამ ვახშმის ბოლოს ჩიკოლიკის დამტკბარი თვალეები
და წამოქეხებული ლოყები 'ხევას ამტკიცებდა; ასე გაშინჯე, ჩუმი
კიკოლიკიც-კი აატიკტიკა ამ ღვინომ. როგორც მოგეხსენებათ გულ-
ჩვილი კაცის ამბავი. განსაკუთრებით როცა ღვინო გაუჯდება, იმან
ღაუწყყო ხელოსანს ოხვრითა და კვნესით მიტირება გიჟ ძმაზე. ბო-
ლოს ნუგეშის საცემლად დაჰპირდა, რომ ქ — ს ჩამოიყვანე, ერთი
ქეგობარი ექიმი მყავს, იქნება იმას მოვარჩენინოვო. ხელოსანი, რასა-
კვირველია. სულ დადნა ამისთანა ყურადღებისათვის და მით უფრო
გამხიარულდა, რომ ასე ხერხიანად გადაეფუჩეჩა ბლის ჯოხით მო-
გერება დაუპატიჟებელი სტუმრებისა. ბოლოს ხელოსანმა მრავალ-
ყამიერიც დაიწყო და. როცა გლახათუბნელ-ლეჩხუმელმაც მისძახეს,
მაშინ ხომ რაღა, იმის საქმე სულ გაკეთდა, და სიამოვნების ნიშნად
ქული დაახალა მიწაზე.

მეორე დღეს ყველანი კარგს გუნებაზე ავდექით. ხელოსანი,
რასაკვირველია, დიდს ფაცა-ფუცში იყო, თუ ცხენებს აკაშმინებდა,
თუ ბარჯის აკიდებაზე ეხმარებოდა, თუ მელასავით იქით-აქეთ გვიტ-
რიალებდა და თავის მომხიბლავ თვალებს ხშირ-ხშირად ჩიკოლიკსა

და კიკოლიკისკენ აპარებდა, თითქოს უნ ღოდა. იმათთვის შიგ გულში ჩაეხედნა, ხომ ცუდი აღარაფერი აქვთ ჩემზე განზრახულიო. ისეთს. ისეთს პირფერს და მოხერხებულს სიტყვებს ისროდა. როცა ჩიკოლიკს დაელაპარაკებოდა, რომ იმისი მზაკვრობა მაშტერებდა. მოდი და ამის შემდეგ ნუ იტყვი. რომ იმერლები დაბადებიდან დიდი დიპლომატები არიან. წამოსვლისას ხელოსანმა ერთ ვერსტზე მეტი გამოგვაცილა. ჩიკოლიკი და კიკოლიკი ბევრჯერ შეინვეწია ამ სიტყვებით: „დაბრუნდი, ნულა ირჯებიო.“ ბოლოს. თითქოს დამორჩილდა იმათ ბრძანებას, გამოემშვიდობა და უთხრა: „თქვენი ქარიშეთ. ნუ დაგვივიწყებთ, კილო გამოგვიარეთო“. როცა ჩიკოლიკმა და კიკოლიკმა პირი გაიბრუნეს. მაშინ-კი ქოქოლა გადმოგვაყარა ხელით. გატრიალდა შინისკენ და თითქოს გულში ამბობდა: „ჯანაბამდინაც გზა გქონიათო.“

XIII.

სოფელი წითური ორ-კაპალა ქედზე იყო წამოყულებული. ჩვენ დავეშვიტეთ იმ ფერდზე. რომელიც სამხრეთისაკენ იყო მიქცეული. პაწაწინა მთის კალთებზე ამწვანებული სიმინდის ყანები ყურთმაჯების ფრიალით თავს იქცევდნენ; ზოგან ვაზის ფოთლებით მორთულს მტყუნებს უმანკოებით თავი ჩაეკიდათ და თრთოლვით ელოდნენ კაცის ხელს; ზოგან აყვითლებული პურის ყანები სიამოვნებით ღელავდნენ. შაგრამ ეს ყანები სიდიდით უფრო ბალჩებს ჰგავდნენ. ვინამც მამულებს: იმათ პატრონებს ძალა-უნებურად მუცლები უნდა აეკრათ მაგრად. რომ მომეტებული სარჩოს თხოვნით არ შეწუხებულყვნენ. მე რომ ჩვენის ლეჩხუმელის ცოცხალ თვალებს ვუყურებდი და იმის მარდად სიარულს მუხლებამდის გათქვეფილს ტალახში. ვიფიქრე. თუ-კი სარჩოს დაძვირებით მუცლის აკერა ასე აცქვრტებს კაცს. ნეტა ჩვენ ღიპიან ახალგაზრდობასაც მოუჭერდნენ მუცელზე მუხრუქსა. ეგების ზანტობას და ტანტზე გორვას თავი დაანებოს-მეთქი.

თუმცა დარი კარგი დაგვიდგა, მაგრამ ცუდმა გზამ საშინლად დაგვეტანჯა. ალაგ-ალაგ თიხიანს ტალახში კუდაბზიკას ცხენი ისეთნაირად ეფლობოდა, რომ ველარც წინ აღვამდა ნაბიჯს და ველარც უკან. ამის გამო მისს კეთილშობილებას ხშირად შეხვდა დაქვეითება. რომლისთვისაც თავის ვირთაგვა ცხენს მწარე მათრახით აჯილდოვებდა: „ეგეც შენ და ჩემი ქვეითობაცაო“. ერთ ალაგას ისეთნაირად გაძაგრა ჩვენი მაღალ-ღირსეული ტარიელ და იმისი ტაიკი ურჯულო ტალახმა, რომ ხსნა აღარ იყო. ამ დროს გლახათუბნელი და ლეჩხუმელიც მოეწივნ.

— ვის უცდი, ბატონო, ვაი თუ რამე დაგეკარგათ? — მაცთურის ღიმილით ჰკოხნა გლახათუბნელმა და თვალები ტალახში ჩამაგრებულ ცხენის ფეხებისკენ წაიღო.

— დალუპვა და დაქცევა ამ ქვეყანას! რა უბედურობა ტალახი ცოდნია ამ დასაქცევს! — გაჯავრებით წაიდუღუნა კუდაბზიკამ.

— შეასვენე, ბატონო, შეასვენე. რა გეჩქარებათ, მაინც მალე დაგვეწვიეთ! — უთხრა გლახათუბნელმა.

კუდაბზიკა მიხვდა, რომ ეს სიტყვები დაცინებით იყო ნათქვამი, მაგრამ რას გააწყობდა: ფრთები იმას არ ესხა და ცხენი კი ადგილიდან დაძვრას არ აპირებდა. ასე ამ უბედურ მდგომარეობაში კარგა ძალი ხანი გაატარა. ღამე რომ ყოფილიყო, უცხო კაცი იფიქრებდა, სწორედ აეთანდლილივით ზეციურ მნათობებს ემუსაიფება და იმიტომ გაჩერებულა მალალ სერზეო; მაგრამ, რადგან ამ დროს შუადღე მოახლოვებულყო, კუდაბზიკას და იმის ქიქვირ-ჩამოვარდნილს ცხენს სულ სხვა სულის გვემა ჰქონდათ: ერთს უნდოდა ჩვენი მოწვევა, მეორე-კი დასვენებას იხვეწებოდა. მაინც და მაინც ცხრა მთას არც ზევს გადაცილებივართ. ბევრი ვეცადეთ, მაგრამ ოთხს საათს ხუთი ვერსის მეტი ვერ გავაკეთეთ. შუადღეზე დავეშვით მშვენიერს ჭალაზე. იმას ქვაბსავით ავლია მთის კედელი, რომელიც თავში და ბოლოში სევის წყალს გაერღვია და ზედ თავის სავალი გზა გაეყვანა. ეს ქალა რომ ვნახე, ცოტათ გული, გამიკეთდა. არც ეგრე დამშეული ყოფილა-მეთქი ეს ქვეყანა. მართო ამ ნაყოფიერი ჭალის მეტიც რომ აოა ჰქონებოდა-რა, ესეც კმაროდა იმის სახნავ-სათესად, მაგრამ, საუბედუროდ, სახელი ქვეყნის ედვა და სახნავი-კი სხვისა იყო.

სამხრობამ მოატანა, როცა ერთმა ღრიალა ღელემ განის ქედლიდან ჩამოირბინა და ქალაზე გზა გადაგვიქრა. თუმცა სიგანით ორი გადახტომის მეტი არ იყო, მაგრამ ასეთი ლოდები მოჰქონდა, აქლემს წელს მოსწყვეტდა. ვარჩიეთ, ცხენები ცალკე ჩაგვერეკა და ჩვენ ზიდზე გავსულიყავით. საუბედუროდ, ხიდის გაკეთებაც საქირ-ბოროტოდ გაგვიხდა. ოაზის სვანი დაღლილობის გამო უზრუნველად გაწვენ ღრიალა ღელის პირზე და ცას შეჩერებოდნენ. ხიდის გაკეთების თავობა კუდაბზიკას მივანდეთ. ის აღიჭურვა თავის მათრახით და სვანებს მიადგა.

— აბა, ჰე, სვანებო, შედით იმ ტყეში და ორი დიდი ხე მოჰკერით, მეტი არ მოგვინდება. ჩქარა, უფროსის ბრძანებაა!

სამ სვანს ყური-კ არ გაუპარტყუნებია, ამისი ბძანება ისე მიიღეს, თითქოს ბუხს ყურაბან გაებზუილოს. მეოთხემ ხმოლოდ ცეცხლი თვალები გამოანათა და ბროლივით თეთრი კბილები გადმოჰყარა.

კუდაბზიკა გაჯავრდა, მაგრამ შეტი აღარა უთქვამს-რა. მსწრა-
ვლად გატრიალდა და თავისთვის წაიდუღუნა: „ფუ, თქვენს შემქნელს
კი რა ვუთხრა, კაი სულიერები თქვენ არ გოუკეთებინართ! ჩემ სა-
ბელოთ რომ იყონ, ან ერთს დღეს რავე დავაყენებ მაგ ოხრებს! ჭამით
ერთს ხარს შექამენ და საქმე-კი ღმერთმა შეინახოს.“

ამ დროს გიორგი სვანი (იგივე მდივანბეგი) ჩიკოლიკს ელაპა-
კებოდა. კუდაბზიკამ იმას მიმართა.

— გიორგი, უთხარი მაგ ლორებს რაზე, თვარა ჩემი არ ესმით.

ორი-სამი სიტყვის შემდეგ სვანებმა ტყისაკენ გასწიეს. ამ დროს
გლახათუბნელი ცოტად მოშორებით ჩიბუხს სწევდა, გვერდით უჯდა
ღეჩხუმელი. ჩვენს და იმათ შუა პაწაწინა ხევის ტოტი ჩადიოდა და
ჩიყის ქვებში გატბორებულიყო.

— მოდი, დამენახლევე, ღეჩხუმელო, რომ იმ ხევში გვეიდე! —
უთხრა გლახათუბნელმა.

— გასულელდი, კაცო, სახლის ოდენი ქვები მოაქვს, შენ რა-
ვე გახვალ იმაში!

— შენ რა გენაღვლება? თუ გვეიდე, ერთი კაი პანღური მა-
კრევინე.

— შენ თუ გახვალ, მეც ქვე გავალ!

ამ სიტყვებზე დაცინებით გადმოხედა გლახათუბნელმა და
უთხრა:

— ხუმრობ თუ მართლს ამბობ?

— ღმერთმა შეარცხვინოს, ვინც ხუმრობდეს! რავე ლაპარა-
კობ, ძამია, შენ? მაგი რავე იფიქრე: შენ გახვალ და მე ვერ გავალ?

— აჰა, კარგი. თუ არ გასულხარ ან წაქცეულხარ, ასეთს პან-
ღურს გჩანთავ. რომ უკანალი მიგამტვრიო.

— მე რას მიპირობ? თუ გვეედი, ცოცხალი არ მომიჩრე-
ბი, იცოდე.

— კარგი, ადექი! — უთხრა გლახათუბნელმა.

პაწაწა ხევის ტოტში რომ შევიდნენ, საუბედუროდ, ღეჩხუმელი
გალესილ ქვაზე შედგა, ფეხი აუცურდა და წყალში გაიშხლარტა. ამ
დროს გლახათუბნელმა წიხლი წაუქნია და დაატანა: „ვე, პრუწ შენს
კაცობას! მაქანა რომ ვერ გასულხარ, იმ ხევში რავე გახვალ... დეი-
კარგე იქით!“

ამ ამბავზე ჩვენც ხარხარი შევექენით. ღეჩხუმელი სირცხვილი-
საგან გაშრა, წამოხტა ზეზე და ტანისამოსს წურვა დაუწყა.

გლახათუბნელმა თავისი სიტყვა არ გააცრუა. ხევში ორჯერ
გავეიდ-გამოვიდა და ბოლოს წყალმა ასეთი ქვა მოარტყა კანკებში,
რომ მონასტრამდის კოკლობდა.

ჩითაც იქმნა. ამ ხევსაც მოერჩით და მზის დაწურვამდე ქალის
ველში მივედით გაღმით თეთრი კოშკი მდებარებდა დ — ნის სასახ-
ლით; გამოღმით ეკლესია თავისი მონასტრით, რომელსაც შეიცავდა-
ორი წელკავიანი ცხენივით დამანქული ქონი, საცა ბინადრობდენ
ორი ბერ-მონაზონი და ოთხიოდე დიაკონი.

ჩვენ გინდოდა ტაძრის ნახვა და ამისთვის წინამძღვარს კაცი
გავუგზავნეთ. ცოტა ხანს შემდეგ ერთი მოხუცებული ბერ-მონაზონი
გამოგვეგება. რომელიც მწუხარების ნიშნად თვალებს აპაქუნებდა:
დავრდომილებაზე სწუხდა, თუ ამ სოფლის ამოებაზე. თუ საეპისკო-
პოსო კათედრის გაუქმებაზე და მასთან მრავლისაგან მრავლის ხორ-
ციელ-სულიერი კმაყოფილების მოშლაზე, — კაცმა არ იცის. იმან-
ლოცვა-კურთხევით ეკლესიის კარები გაგვიღო. ტაძარში ვნახეთ ლე-
იტენანტ მთავარ. დადიანის გრიგოლის საფლავი, რომლის ქვაზედაც
ასე ეწერა: „დიდის რუსთ ხელმწიფის წყალობით, მე, გრიგოლ და-
დიანმა, წავართვი იმერეთის მეფეს გიორგის ლეჩხუმი და სადადიანო.
სვანეთი. მომკვდარი 1804 წელს. შეუნდევე, ღმერთო, შეცოდებანი-
მისნი.“ აქვე დასაფლავებულია ცაგერის მიტროპოლიტი იოანე, კაცია-
დადიანის ძე, რომელს შემდეგ გაუქმდა საეპისკოპოსო კათედრა და
ამასთან მონასტრისაც მოეშალა ყოველივე სიუხვე პურისა, ღვინისა
და ზეთისა. რომელნიც შეიწიროდა კეთილ-დღეობისთვის და მოძ-
ღვრებისთვის მრავალთა ყრებულთა მოსულთა და ადგილობრივთა
მონასტრისათა. პატიოსანი მოხუცი წინამძღვარი დიდის ამბონებით
გლოვდა წარსულთა ტკბილთა ჟამთა.

— დეიკარგა, ბატონო, ის ბედნიერი დრო, როცა აქ გულუხვად
ჰყვოდა ცხოვრება! — იწყო პატიოსანმა წინამძღვარმა მწუხარებით
ჩივილი. — სულ-განათლებულ მიტროპოლიტ იოანეს დროს მარტვა-
გარეშე კრებული ორმოცდა ათ კაცზე მეტი იყო, ბატონო. ბერებს
და მთავარ-დიაკვნებს ხომ ანგარიში არ ჰქონდათ. გარეშე სტუმარს
არ იტყვიან. ბატონო?... ასზე ნაკლები კაცი სადილად არ დაჯდებოდა
ამ ქალაზე რაც ნამუშევარი მოდიოდა, იმისი ხელის ხლება ვის შვე-
ძლო: სულ ამ მონასტრის იყო... ახლა ვინღა გკითხავს, ვისაც უნდა.
ის ხნავს და თესავს. ერთ ფოხალსაც აღარავინ გვაძლევს. ძალიან წახ-
და დრო, თქვენმა მზემ. სარწმუნოება შესუსტდა. მღვდელ-მონაზვნების.
პატივის ცემა დეიკარგა. სრულიად ყურს აღარავინ გვივდებს. ასე.
თქვენისთანა პატიოსანი კაცები ხან-და-ხან თუ გამოივლიან და თავის-
სულის შესავედრებლად თუ დაგვიტოვებენ რასმე. თვარა სხვა არავინ
არის ჩვენი ყურის მგდებელი.

— განა სარჩო არა გაქვთ გაჩენილი? — ჰკითხა ჩიკოლიკმა.

— (კოტა, თქვენმა სიცოცხლემ, კოტა. ორმოციოდე კეამლო კაცია და ისინიც არას იხდიან. წვალებისა და ჭიქყინის მეტი არა გამოდის—რა იმათგან. ვაი. ნეტაი იმ დღეს. როცა აქ გალობა და ძილის პირი მუდამ დღე ისმოდა! დღეში უკანასკნელი ორი ძროხა მაინც დაიკვლებოდა.

— თვითონ მონასტერს ჰყავდა ჯოგი თუ?..

— რას ბძანებთ! მთელი ეს კუთხე მონასტრის იყო. დღეში ორი სამი ძროხა რომ მოსვლოდა ძღვენად მიტროპოლიტს. კიდევ კოტა იყო. ახლა. ბატონო, საწირავს არ იკითხავთ... დიდი ღვთის მოწყალება ჰსდიოდა თავს ამ მონასტერს.

ტაძრის განის კარზედ წარწერილობა ჩამოთლილი იყო. პატროსანმა მგლოვიარე ბერმა აგვიხსნა, რომ ეს ეკლესია იმერეთის მეფის გიორგისაგან არისო აშენებული, მაგრამ ახლა ჩვენში ძვირად იპოვება იმისთანა სახსოვრები, რომ იმერეთის მეფეებს მოგვაგონებდნო. მთავრებმა, საცა მეფის სახსენებლად იყო რამე, ყველა წააშლევინეს და დააწვევინესო.

როგორც ეტყობა, ჩვენი ხალხი ძველიდანვე ყოფილა სამოქალაქო კანონებში განვითარებული. მთავრებს იმ განზრახვით გაუწყვიათ ისტორიული საბუთები. რომ მეფეებს დავის დაწყება არ შესძლებოდეთ შემდეგში. მაგრამ დროთა ვითარებას კიდევ უფრო სამართლიანად გადაეწყვიტა:

სამეგრელოს დანთებულსა იმერეთის ქარი მოხვდა;
ქვეყანას ცეცხლი მოედო. ერთმანეთის ელეთა მოხდა.
გამოელეობა დევ-კაცსა გრგვინვა რისთვის მათზე ჰქუხდა;
ორივეს კლანჭი დასტაცა. იმათ მტრობას ეს მოუხდა.

XIV

თეთრ კოშკს რომ გავედით, კიდევ დაბინდდა. ჩვენ დავბინადრით გაციებულ დადიანის სასახლეში. ეს იყო უზარმაზარი ხის სახლი შვიდი განიერი ოთახით. გარშემო ხის ჯაეარიანი ხარისა ერტყა. ორ კუთხეზე ამალღებული სატანტო ადგილი იყო გაკეთებული. როცა სასახლეში ღზინი და მეჯლიში გაიმართებოდა, ამ ამალღებულს ადგილზე ტანტს მოაწყობდნენ და ზედ დასხდებოდნენ მთავარ-დედოფალი. სასახლეში დაგვხვდა მეტის-მეტი სიბერისაგან თმა-გაყვითლებული მოხუცი; წელში მოხრილობით ზურგზე კუზი ამოსკლოდა. ეს იყო ლევან დადიანის ფარეში. ძველ წიგნებში სიკედილს, კაციის ჩონჩხად ხატვენ. ეს მოხუცებულიც კან-გადაკრულ ძვლის ჩონჩხად მომეჩვენა, რომელსაც სული ყელში ამოჩროდა და. ის იყო, განმო-

რებას უპირებდა. თუ კიდევ იმის მიმქრალ თვალეებში გამოჰკიაფოჯდდა სიციცხლის ნაპერწყალი, ეს იმას ამტკიცებდა. რომ სული ჯერ კიდევ ვერ განთავისუფლებულიყო ჩონჩხისაგან. როგორც-კი გავახსენებდით დადიანების დროებას, ერთს ასეთს ამოიხენენებდა. რომ გეგონებოდა. ფილტვის ნაგლეჯიც თან ამოაყოლაო. „ჯერ იმისთანა კაცი და იმისთანა ქალი ცას ქვეშ არ დაბადებულა!“ — მწუხარებით წამოიკრინა ძველმა ფარეშმა, როცა ვკითხეთ ლევან დადიანის და იმის მეუღლის ამბავი. „ნეტაი იმ დღეს, ეს ეზო რომ ყოველთვის გატენილი იყო დიდებული თავადებით და აზნაურიშვილებით. იმ სულგანათლებულს ზაფხულობით უყვარდა აქ მობძანება. მეძებრებსა და ნაგაზებს გარდა ორმოცდა ათი ასეთი მწვეარი გამოვიდოდა; რომ შშველს სამ გახტომაზე არ გოუშვებდენ. დადიანი და იმისი ხლებულები რომ წავიდოდენ სანადიროდ ამ ქალას, ქვეყანას აციცხლებდა იმათი თვალის სერიი; იმათი კვილ-ჟივილი ზეცას ღმერთს ესმოდა. სულ ქეიფი, სიმღერა. ლხინი და პატიუბა იყო გამართულ სადილზე ყოველთვის სამ წყებად დაჯდებოდენ. ამ აივანს ხომ ხედავთ. ბატონო? ამ სიგძე აივანზე მარტვა დიდი თავადები იმდენი დაჯდებოდენ. რომ ტევა აღარ იყო. აზნაურობას და საპატიო გლუხობას კიდო თავისი ადგილი ჰქონდა. როდესაც დადიანი და დედოფალი მაქანა, მაგ ტახტზე იჯდენ. მაშინ მზეც-კი თამაშობდა სიხარულით. მე სულადლი ცოცხალი რავე ვარ იმათი დაკარგვით! ისინი რომ დამეკარგენ, მას აქეთ წახდა, ბატონო. ქვეყანა! მეორეთ მოსვლის ნიშნებია. რაცხა მზეც არ ანათებს ისთე ბრწყინვალეთ. რავარც ლევან დადიანის დროს იყო.“

მეორე დღეს დილით ხელოსანი მოვიკითხეთ. თურმე იმას სუნით გაეგო ჩვენი მისვლა და წინა დღითვე გაპარულიყო. ამ ამბავმა ძალიან გამაკვირვა. სადაც მივედი, იმათ არსად მიგვიკარეს: ჩვენი დანახვა ისე ეზარებოდათ, რომ ღმერთმა ჰირიც ნუ შეაძულოს კაცს ამ გკარად. გლახათუბნელი და ლეჩხუმელი იმავე ღამეს მოგვშორდენ. დავრჩით მარტო ჩვენი სევანებით. დადიანის ფარეშს გარდა ერთი სხვა სოფლის ბიჭი იყო კიდევ სასახლეში დაქირავებული და, თუ რასმე ვეტყოდით ან საჩიოს ყიდვაზე, ან სოფელში წასვლაზე, მაშინვე ასე გვიპასუხებდა: „მე ნაჩიანკისაგან ვარ აქ დაყენებული: ფეხი არ მოიცვალო. თვარა ოთხში ამოგიღებო. რა ვქნა. შენი ჰირიმე, ტყულა ნუ გამიწყრებით. ვერსად ვერ გიახლებით.“ კულაბზიკას ტალახში ჩარჩენას დაეცინოდით და ჩვენ უარესი მოგვივიდა. სასახლის ნაგავში კოკებამდინ ჩავეფლეთ და სიმშილიც კარზე გვადგა. ცხენების შოვნას ვინ დაეძებდა, საყიდელი რამე რომ გვეშოვნა. შორს მარჯვენა მხარეზე ერთ კორღზე ორი თავ-გადახდილი ქოხი მოსჩანდა. მოხუ-

კებულს დადიანის ფარეშს ვკითხეთ. იმ კორღზე რა გადმოყულებულა-მეთქი?

— იქ ბატონო, სოფელია.

ტყუილა ჯდომას ისევ სოფელში წასვლა ვარჩიე. ახლოს რომ მივედი, იმისმა ხისაწყლემ გული ამიტრია. აი, რა დამიხვდა: უფრო ხშირად თავ-გადახდილი წნელის ქოხები. წაქცეული ლობე. ფერდ-მიმხმარი ძაღლები. რომელთაც ჩემს მისვლაზე ყმუილი შექნეს და ზეზე კი არ წამოდგენ. ალბად სიმშლისაგან წელი ვერ აეთრიათ, ორი სამი კისერ-მოხეხილი ღორი ქეციანი გოჭებით. — სულ ესენი ნალელიანად გამეხირონ თვალწინ. რომ ვიკითხე, მთელ სოფელში ისეთი კაცი არ მოიძებნებოდა, რომ ცხენი ჰყოლოდა. ბოლოს ერთს დაბლუნძულს და კარ-გაღებულს ქოხს მივადექი, შიგ ახალგაზდა ქალი პერანგის ამარა იჯდა და განის ჩაქები ილღიებამდის შეხეული ჰქონდა. ასე რომ გულ-მკერდი სულ ერთიანად მოტიტვლებული უჩანდა. აკვანში სრულებით ტიტველა ბავში ეგდო და არტაშენების მაგიერად ბადლის ჩითის ნაფლეთებით იყო ჩაქრული. საწყალს ბავშვს თვლებში და ცხვირში ისეთი გაცხარებით ესევოდა ბუზები, თითქო ცოცხლადვე გადაუგდიათ იმათ შესაქმელადო.

— კაცი არაინ არის შინ? — ვკითხე ახალგაზდა ქალს.

იმან პასუხის მაგიერად თავი ჩაღუნა და მხოლოდ ტიტველა მკერდის დაფარვას აპირებდა. პერანგის ნაფლეთებით, მაგრამ ერთ ძუძუს რომ დაიფარებდა, მეორე მაშინვე თავს გამოყოფდა. გამოვტრიალდი და სხვა ქოხს მივაუშურე. ეზოში სამი რვა-რვა წლის პაწაწა ქალ-ვაჟი თამაშობდნ და თავიდან ფეხამდის რაც დედის მუცლიდან არ დაჰყოლოდათ, იმის მეტი არა ებადათ რა ტანზე. სილარიბე შინახავს, მაგრამ ამისთანა ამბათაც არ გამიგონია, ვთქვი ჩემს გუნე-ბაში. როცა იმ მეორე ქოხში შევიხვდე, ერთი ღრმა მოხუცებული კაცი დამხვდა. პერანგისა და შემოფლეთილის პერანგის ამხანაგის მეტი იმასაც არა ეცვა-რა.

— მამაშვილობას, თუ რამე გაქვთ გასასყიდი, ან ქათამი, ან კვერციხი თუ იწოვება, ან ყველი, ან იქნება გოჭი გყავდესთ, ნურას დაგვიქერთ.

იმან პასუხის მაგიერად ახირებულად გაღინარხარა და მძიმე ხელებისაგან კინალამ გული გაუსქდა.

მე კიდევ გავუშეორე ჩემი თხოვნა.

უარის ნიშნად თავი გაიქნია და თან დააყოლა:

— არა, მამაო, ჩვენ გასასყიდი ვინ რა მოგვცა. ნეტაი იმდენი მოგვცა, კუჭი გავიძლოთ, თვარა გაყიდვისაგან ღმერთმან დაგვიფაროს!

— ასეთი ხისაწყლემ რისგან არის სოფელში?

იმან უკმაყოფილებს ნიშნად ხელი გაიქნია და არა მითხრა-რა. ამ დროს უცებ მოვტრიალდი და ქალის ყელში ცალი მხრით დადიანის სასახლე და მეორეს მხრით მონასტერი; მდინარის იკითაქეთ კუთხეში, მთების ძირს, ორ, კუპრით შავ დებად მრმეჩვენენ. უეცრად თვალწინ წამომიდგა ორი ზღაპრული ვეშაპი, რომელნიც თითქოს ქალის ყელში იმ განზრახვით დაბინავებულიყვენ, რომ მთელი ეს მიდამო კლანჭებში ჰყოლოდათ გაძაგრული და გაუკითხავად ელოთ ხარჯი თავის სარჩენად. ამ დროს თვითონ ის სოფელიც ერთ პაწაწა ქალაქად წარმომიდგა, რომელთანაც ის ზემოხსენებული ვეშაპები დაბინავებულიყვენ დღიურად თავის გასაკვებად. *)

ამ შემთხვევამ ბევრი ისეთი რამე ამისხნა ჩენი ძველი ცხოვრებისა, რომლის კვალიც აქამდის ვერ მიმეგნო. იმ წასვე ჩაეღრმავდი გონებით ჩენი ძველი ლეგენდების სურათში, სადაც „მზე-ქაბუკი“ და „ჯიმშერ“ ხელმწიფე სიმართლის მახვილით შეიარაღებულნი. გამოდიან ბუმბერაზების და ვეშაპების გასაწყვეტად. მრავალია ჩვენში ძველებური მოთხრობა, სადაც თითქმის სულ ამისთანა სურათებია აღწერილი, როგორც ახლა, მაგალიათდ, მთელი ეს კუთხე ენახე. იქ იყო ორი ძველებური წყობის კვალი: ერთი იყო სამღვდლოებათა წარმომადგენელის ადგილ-სადგომი, მეორე საერო უფლების წარმომადგენელის სასახლე. მონასტერში სუფევდა მიტროპოლიტი; ძველ სასახლეში — დადიანი. ორივე ბუმბერაზი, ორივე ამ ქვეყნის დევები ყოფილან და ძველიდგანვე აქ თავი ურჩენიათ, ძველიდგანვე ჩაუვლიათ ხელი ყოველი შემოსავლიან ადგილისათვის; მთელი ეს კუთხე იმათი ყოფილა და იქ მდებარე სოფელი იმათი დღიური სარჩო შექნილა, და ამ დამოკიდებულების კვალი რა ცხადად გამოხატულია სოფლის მცხოვრებლების სიღარიბეზე!.. როგორც სჩანს ძველის მწერლობის ნაშთებიდან, ჩენი ხალხი ძველიდგანვე არ ყოფილა ამნაირი დამოკიდებულების კმაყოფილი, იმას არ ჰყვარებია თავისი დევები, თავისი ვეშაპი, რომელნიც მტრისგან დაფარვის მაგიერად იმასვე სწუწნიდენ სისხლსა. აი, ამითი აიხსნება ის მრავალ-გვარი მოთხრობები, რომლებშიაც გამოყვანილნი არიან ერთი მხრით დევები და მეორე მხრით ხალხის გმირები. გმირები იბრძვიან ხალხის საშველად და ხოცვენ დევებსა. თუნდ ავიღოთ „რუსუდანიანი“-დან ერთი სურათი მოთხრობისა, სადაც გოსტამ გმირი ათავისუფლებს ერთს დაცარიელებულს და აოხრებულს ქვეყანას დევების გაწყვეტით:

*) ამ უმად ამ ალაგას თითქმის აღარაფერია. მთავრის სახლიც ცეცხლმა დასწვა და მონასტერიც დიდი ხანია გაუქმებულია.

...ადექ. — გვიამბობს გოსტამ გმირი: — დავიწყე სიარული, შევეყე მას
...რუსა. ვიარე და ერთს ასეთ გალავანს მივადექ, სულ გათლილის შაეის ქვით ნა-
...გებდა. რომ მის, სიმაღლესა საგდებელი (გრძელი თოკი) არ სწევდებოდა და სიგანეს
...თვალი ვერ გაუწვდინე. ეთქვი. ეს კული არა იქნება—რა, უთუოდ ხელწმიფისა არის
...ეს ტახტის გალავანი-მეთქი. შევეყე მას ზღუდესა და ვიარე ორი დღე. კარზედ
...მივეღ, შინ კაცი არსად იყო, არც ხმა იმბოდა. შენობა უცხო ფერი იყო. სულ
...გათლილი ქვისა. რომელ თვალითა და მარგალიტითა აშენებულს ის მერჩია. გა-
...მიკვირდა მისთანა დიდი ქალაქის უკაუტრობა. დავიხარე სულ ის მხარე სხვადასხვა
...გვირიან მრწყობილი იყო ბაზანი და ქულბაქი, სახლკარი, ბალი, პალა, რომე
...კაცი მის უამეს ვერას. ნახავდა, მაგრამ ოხერი და უკაუტური იყო. შევეყე, ნუ თუ
...ან ქირისაგან აობრებული იყოს ან ახალი აშენებული იყოს და ჯერ არ შესუ-
...ლიყონ-მეთქი. სხვაგან მაინც იქნება კაცი. დავიწყე სიარული, ვიარე ის დღე და ის
...ღამე. გათენებამდი კაცის ხმა ვერ გავიგონე.

რომ გათენდა, იმ მხრის შენობით გაველ, მინდორი იყო და იმ მინდორში
ერთი საოცარი შავი მთა რომ იყოს, იმოდენი ქვაბივით აშენებული სახლი იყო.
ერთი კარი ჰქონდა მასრის რკინისა, სიმაღლითა ორი შუბის სიმაღლე იყო და
სიგანით შუბი გაიმართებოდა; უცხო ხმა გამოდიოდა, რომ კაცი შეზარდებოდა.
ეთქვი. წავალ. ენახე-მეთქი. რომ წაველ მის უცნაურის მთის ოდენის სახლისკენ,
შევხედე, რომ ამოისუნთქის, გაიღის კარი, და რომ დაისუნთქის, შეიგდის (იხუ-
რებოდა). ეთქვი, ღეთის მადლმან, შევალ; ენახე-მეთქი, რომ ამოიფშვინა, შე-
ვირბინე საჩქაროთ, კარმა არ დამიტანოს-მეთქი. კარს რომ შევსცილნა, დავდექ,
კოჯობეთისაგან უბნელე იყო იგი სახლი. სიბნელით ძლივე დავინახე, რომ თეთ-
რი დევი იწვა. სიდიდითა ძლიე ეტეოდა, და პირი გიშერს უგავდა, ტანი მთის
ოდენა ჰქონდა. თმა კოკამდი ჩასწევდებოდა, სიპრტყე, სიმაღლე მისი ღრუბელისა
შესასწორებელი იყო; თავზე რკინის ქული ეხურა საზარელი. გავკვირდი მისა სი-
დიდესა და მწვედაც შევშინდი და ასე ეთქვი. თუ ეს ქალაქი თურმე ამას აუობრებია,
ჩემი დღეც აქ გათავდებოდა მეთქი; მერმე გულს ვუთხარ, გაფიცების უამბია,
რად აგრე მოლაფლდი (დალონდი) მეთქი. ვახსენე ღმერთო, გარდაეაზმანე ჩემი
ხმალი. რას ვადასწვდებოდა. ერთის თითის მოკრაც არ შეეძლო, ის ისეე ჩაეაგ და
პოულარე თავით ლახტი და ხმალი ეკიდა.

ეთქვი კიდევ. არამც ლახტი (შუბი და შეილდ-ისარი) ვერ დავიმაგრო,
გამეადრეს, გაიღოძოს-მეთქი. ხმალი ჩამოვიღე, გული გავიმაგრე და მედგრად
შეუტრევე, დავკარ მისივე ხმალი. ბარკალი გავაგდებინე. თურმე გაღვიძების დროც
იყო და ასე ემწვაეა. რომ სიცოცხლე დამწარდა და გამწვავებულმან ტოტი ჩამოკრა
და ფარი გამაგდებინა. ჭე უკან უკუეხტი და ხმალი ვერ გამაგდებინა. წამოიწია და
ასე თქვა: „ეინა ხარ. მუხთლად მომკლა ამ ღორმა და სიცოცხლეში წილი აღარ
მიძევსო“. რა მისგან ეს გავიგონე. გავგულოვნდი და კვლავ მიუხდი, ერთი ხმალი
მეკრდას ვერ. რაც შემეძლო: წამოიწია და ასე მედგრად შევიკიდინით, რომ სა-
ზაროდ ყმა იყო: სადაც ხელი გამომკრის, ზეწარავით ხორცი დამიხივის. ასე
ეთქვი გულში: თუ ამას მოვრჩებდი, აღარა მიშავს-რა მეთქი... მას დევსა ძალი
წაუხდა და ასე მითხრა: „მე ჩემი კი დამემართა და ჩემს გულ-ღვიძლს ნუ წაახდენ,
ბეერს ალაგას მოგეხმარებოს“. რა მისგან ეს იმედის გადაწყვეტა გავიგონე, უფრო
გავგულოვნდი; შემოქმედსა ძალი ეთხოვე, დავიყვირე. აეწიე და ავიყვანე თავის
წაწორად, მოვიქნიე და ასე ძალიანი დავეც, რომ ზურგის მძივი მოეშალა და სულ-
თავან დაიცალა. გავაბე, ღმობლი გამოვგლიჯე. იქვე მალა შევიკდე. ასე ეთქვი:
ჯერ გავლ: პატარა შევისვენებ, ეგება უკაცი ვინმე გამოვიჩინო და მერე წავიღებ-

მეთქი. გამოველ. ამოსა რასმე საახლეში შეველა. ძლივლა. შევაწიე და მივეადე. მას დღეს იქ ვიყავ. ძლივ ხორცის სისხლი დავიწყვიტე, პატა სული შევიქაქანე. ავდექ და დავიწყე სიარული და ძახილი: ვინცა ხართ, გამოდით. თეთრი დევი მოვკალ-მეთქი. მე არ ვიცოდი, თუ სხვაც იყო; მათ ქალაქის კაცმა კი იცოდენ. თურმე უარესი სხვა იყო. არავენ გამოჩნდა...

ამ სახით გოსტამ გმირი მოკლავს მეორე დევსაც და მესამესაც და განათავისუფლებს იმ ქვეყანას, რომელიც ასე შეწუხებული და გაოხრებული ყოფილიყო იმათგან.

ხალხი ყოველგან და ყოველს ჟამს მკვირცხლ-გონებინაია. იმის მღვიძარე გრძობას არ დაემალება ყოველნაირი ცუდი მხარე საკუთარი ცხოვრებისა. რამდენადაც უფრო მანებებელია ერის ცხოვრებისთვის რომელიმე ქვეყნის დაწესებულება, იმდენად ალელვებულია იმისი აზრი, რომელიც ამ შემთხვევაში ეძებს საშუალებას: რომ ამ ცუდის დაწყებულებისაგან თავი დაიხსნას. იმიხრ გონება გააცოცხლებს. ცხოვრების მანებელს მიზეზებს და გადააკეთებს ზღაპრებში ბუმბერაზებად და ვეშაპებად. ხოლო ერის გონება გამოიყვანს ასპარეზზე საკუთარის ძუძუთი გაზდილს გმირებს და მიუხეცს მათ განსაძევებლად. ამ სახით ჩვენს ძველ ისტორიულ ცხოვრებაშიც ერის გონება იმდენად დამწიფებული ყოფილა, რომ აზრით-ნაპოვნი ჰქონია ის საშუალება. რომლითაც მოისპებოდა ცხოვრების დამბრკოლებული მიზეზები. მაგრამ შიძიმე გარემოებას არ დაუცლია ერისთვის საქმით ასრულება იმისა, რასაც აზრით მიმხედარი ყოფილა. იმას არ დასცლია, რომ თვითონვე მოესპო შინაგანი უსამართლობა. უწყობა, ერთი მეორისაგან დაჩაგვრა. რომ შებორკილს ცხოვრების ხელ-ფეხი გახსნოდა წარმატებისა და დიდებული ცხოვრებისათვის. ამ საქმეში სხვისი დავალებული შევიქენით, და ეს დავალება ჩვენგან შეუძლებელს და ჩვენ მიერ ვერ შესასრულებელს მანგირობას ითხოვს. აი, რა არის ჩვენთვის დღეს სამწუხარო და სხვალალა.

ნაწილი მეორე

I

— კაი კაცია. ბატონო, კიკოლიკი, — მეუბნებოდა დათუნა. მთაზე რომ გადაედლიოდით: — სწორედ სულში ჩასაძვრენია, სულში!.. მაგისტანა ტკბილი. უწყინარი, წარბ-შეუკვრელი, კაცის გულის შემატკივარი, სწორ გზაზე დამყენებელი რომ არავინ მინახავს! დიდი ხანი არ არის, რაც მაგან დამაყენა მოჯამაგირედ და იმ პირველშივე ისე ტკბილად გამიცინა თვალბეჭეში, რომ მაშინვე ვიფიქრე, ეს კაი საბატონო კაცი უნდა იყოს-მეთქი და არც მოვტყუვდი. მაშინვე ყოველიფერი დაწვრილებით გამომკითხა, ან ვისი ყმა ვარ, ან რა ბეგარა მემართა ბატონის. ან რა სამსახური მმართებს, ისე დაწვრილებით, ისე ჩაყოლით მკითხა, რომ გულმა გამიცინა, ყიდვა ხომ არ უნდა-მეთქი ჩემი... სწორედ, სწორედ ძალიან მემამებოდა, რომ ვეყიდე... რომ მოვეუყევი ჩემ გაქირვებას, სულ იკვნესა, ბატონო, მწუხარებით: „ოჰ, ოჰ, რა შეუბრალებელი ყოფილა შენი ბატონი... ოჰ, რა უსამართლო ყოფილა! მეტს რაფა გართმევს ის სულ-კატინი!“ მერე მოჰყვა მებატონეებზე და თქვა: „ან სულ რა სინდისი აძლევს მებატონეებს გლებების შეწუნებასო.“ ახლა, ბატონო მოვეუყევი ჩემი ბატონის უსამართლობას, ერთხელ რომ იმან ნაჩანიკის იასაული ჩამომიყენა შინ და ცოლშვილი დამიწიოკა; ერთად ერთი ფერდელა ღორი მყავდა. ის იყო ჩემი შობის სიმდიდრე, ვასუქებდი. თავს ვეველებოდი და ის დამიკლა... ის დაკლა კირმა!.. შობის ხსნილში მე და ჩემ ცოლ-შვილს ხორცი თვალთ არ გვინახავს... დეიქტეს, დეიწვეს, დეილუპოს ის დრო, ბატონ-ყმობა რომ გაჩნდა ჩვენში-მეთქი! კიკოლიკმა რომ ეს ამბავი გეიგონა, სულ „ეიში“ და „უში“ იძახა, მერე დამიწყო რიგება: კარგია. რომ მაგდენი მოგითმენია; სხვა რომ ყოფილიყო შენს ადგილას. არ მოუთმენდაო. ხელს გამოიღებდაო, იასაულსაც გაჯოხავდა და ბატონსაც მიაყოლებდაო. მთაერობა მძლავრია. ვინც იმის წინააღმდეგს რასმე გაბედავს, მაშინვე ციმბირში გაგზავნის; ისევე სჯობია, ჩუმად იყოს კაცი და ბატონს შეაწყალოს თავიო... ძალიან მაქო იმის გულისათვის. რომ ერთად-ერთი ფერდელა ღორი დამიკლეს და

თავი არ გამოვიდევით. ამისთანები. მგონია, ერთი საათი მეტი მელაპარაკა. სულ მათრთხილებდა. მართალი მოგახსენოთ, ჩვენ, გლეხებს, ამისთანაში დარჩება არ გვინდა, ბატონების მძლავრობით კურდღელივით ვართ დაშინებული. ის კი არა, ბატონი რომ დეინახოს ჩვენმა კაცმა, შიშით სული ძერება. ჩვენი კაცი ფრთხალია, ბატონო. ძალიან ბევრი მელაპარაკა ამაზე, სხვა ამბებიც-კი მომიყვა: მითხრა, რუსეთში გლეხები გაანთავისუფლესო, მარა ადგილები კი არ მიუციათო გლეხებისთვის; იმათ არ ეგონათ, თუ ხემწიფე უმიწა-წყლოთ ინებებდაო გლეხის განთავისუფლებას და აბუნტდენო, გამოუსიეს ჯარები და სულ პანტასავით მირეკ-მორეკესო, მარა თუ უკმაყოფილოდ დარჩეთ, ნურას გაბედაეთ, თვარამ უარესი დაგემართებათო. ვინ გაბედავს, ვის რა შეუძლია, ბატონო? მარა გლეხკაცს მაინც ბედი არ ჰქონია და არც ექნება. მგონია სულ ტყუილია, ამ თავისუფლებას რომ იძახიან, ჩვენ მიდღეჩი არა გვეშველება-რა. თვალს და ყურს ატყუებენ. სულ ოინობაა, ბატონო! მარამ ამ დალოცვილმა კიკოლიკმა მაინც ძალიან მელაპარაკა, მე მაგისთანა ტკბილი კაცი არ მინახავს...

მართლაც, კიკოლიკი ძალიან საქები და მოსაწონი კაცია. რომ გინდოდეს, მტერობასაც ვერ მოუხერხებ. ასე გგონია. ნიადაგ შექარი დნება იმის პირზეო. ჩემი დიდი ხნის მეგობარია კიკოლიკი. პირველად კიკოლიკს შევხვდი 186... წელს პეტერბურგის უნივერსიტეტში. ჩვენს პაწაწა კავკასიელების წრეში ძალიან საქები კაცი იყო. ის მაშინ კურსს ათავებდა. მე და ჩემი ამხანაგები გუშინდელი მოსულები ვიყავით. სწორად ხარის ტკიპებსა ვგვანდით. პაწაწინა კავკასიელები პეტერბურგის განათლებულს სტუდენტობაში, აბა, რა შვილები ვიქნებოდით? იქაურები კავკასიის მხეცებს გვიძახოდენ. ჩვენ ჩავედით იმ დროს, როცა ყველა კიკოლიკის ამხანაგობა, იმის ტოლები პეტერბურგიდან წამოსულიყო თავის ქვეყანაში; დარჩენილიყო მარტო კიკოლიკი, თითქოს მართლა და ახალი ბლარტების ძეველად და კრუხად გამხდარიყოს. მე რომ პირველად შევხვდე იმის გაფითრებულს სახეს და დამუწულს, მოკუმულს ტუჩებს, ძალიან მომეწონა: ვიფიქრე, თუ სადმე სიბრძნის ნატამალი იპოვება. ამ წარბებ-დასქელებულს შუბლში უნდა იყოს-მეთქი. ის მაშინ რალაცას სწყუნდა, ამბობენ, უნივერსიტეტში რალაც უთანხმოება მომხდარიყო. ალბათ ეს ამბავი აწუხებდა.

ერთს მტირალა აგვისტოს დღეში მე და ჩემს ამხანაგს შეგვხვდა კიკოლიკის გაცნობა. მაშინ კანიკულები იყო და სტუდენტები პეტერბურგს გარეთ იყვნენ გასულნი სოფლად. სადილს უკან ხუთ საათზე მე და ჩემი ამხანაგი წავედით კიკოლიკთან. შევედით თუ არა იმის ოთახში, იქ ერთი ხუთი წვერიანი დავაყვაცებული სტუდენტი დაგ-

ვიხვდა. იმათგან, რომელსაც უფრო გძელი და სქელი წვერი ჰქონდა, ის იჯდა განკიდურებულს საწოლ კრაოტზე. ხელები გულზე დაეკრითა. ცხვირი ჩამოეშვა აფრასავით, თითქოს წვიმიანს დღეს შინ დაემწყვდილოს და იმაზე ყოფილიყოს ჯავრიაანად, შავი სქელი წვერები გულზე დაეფინა. მის ნახვაზე უცებ ჩენი სოფლის მღვდელი მომაგონდა, როცა ის დღესასწაულის წინა დღეს მინახავს, ღრმად ჩაფიქრებული, სულ იმის ზრუნვაში: „თუ ხეალ რამდენი ტაბლა მექნებაო საკურთხი. თუ საკურთხზე შეთლილი ცხვრის ბეჭი წარმომიდგინეს. ან სათბილო თირკმლებ-გაცლილი და ნეკნებ-წართმეულიო. შენ არ მოუკვდე ბაბუცა ხუცესს, მე ის არ ვაკურთხოვო. გიჟი ვიქნები. შეთლილი ცხვრის ბეჭი მივიღო, ან გაქურდული ცხვრის სათბილო; არ მოგეცეს სიავე, მე საკურთხის მომტანს ჩემი კერძის დაკლება არ შევარჩინო, არ ვუკურთხებ. არ მოვეხსენიებ მკვდრის სულს და ის იქნება! ნახავ, თუ ჩემი კერძის დაკლებით მიცვალებულის პატრონს მთელი ცხვარი არ მოვაყვანინო.“ სწორედ ამა ფიქრებით წაღებულს ჩემი სოფლის ბაბუცანა მღვდელი წარმომიდგა, კიკოლიკის ჩაფიქრებულს სახეს რომ შეეხედე. შესვლისთანავე კიკოლიკი მარდად წამოვარდა ტახტიდან და ყველაზე უმაღლეს შემოგვეგება. მოვიდა ჩემთან, თვალები დაწკურა და სიამოვნებით გამიღიმა, ისე გამიცინა, როგორც ოცდაათი წლის ვაჟკაცი პაწაწინა ხუთი წლის ყმაწვილს გაუცინებს, თითქოს ჰსურდეს იმ ყმაწვილის მუხლზედ მიჩვევა. „როგორ კარგად მოხვედით, გზაზე ხომ არა გაგჭირვებიათ-რა?“ მამობრივის თანაგრძობით მკითხავდა კიკოლიკი. მე თავი გაეაქნე და ფიქრები ამეშალა: ვთქვი ჩემს გუნებაში, ეს კაცი ან ქვეყნის მოკეთე უნდა იყოს. ან თვალთმაქცობით ქვეყნის შემპარავი. არ ვიცნობდი, არ მიცნობდა და ახლა რომ ვხედავდი ჩემ წინ მხიარულების გამოსაჩენად თვალბ-დაწკურულს იმის სახეს. ერთი გული მეუბნებოდა, ძალიან კარგი გულის უნდა იყოსო. და მეორე: არა, მაგისი ნურა გჯერა-რა, ეგ თვალბ-დაწკურული, ცხვირ-წამორილი სახე პირდაპირ მასკა არის და მაგ მასკის შიგნით კაცის სახეა მიმაღული, რომელიც შენდა გაუგებლად თავიდან კოქებამდის გათვალისწინებს და უნდა რამე მოგტაცოს... შორს დაიჭირე მაგ მასკიან კაცთან საქმეო. ამ ორმა ერთმანეთის გვარმა ფიქრებმა უცბად გონება წამიღეს. ასე რომ ვერც ხელის ჩამორთმევა მოვახერხე, ვერც იმის კითხვაზე პასუხის გება. თავი უხეიროდ გაეაქნე და ჩემს გულკეთილს ახალ ნაცნობს უხეირო სახის დამანქვით და არა სიტყვებით განვუცხადე, თუ თავს დამანებებ და განმათვისუფლებ ყოველგვარი კითხვებისაგან, ძალიან კარგი იქნება-მეთქი. ბაბუცანა ხუცის მსგავსი ჩემი ახალი ნაცნობი მაინც არ მოშეშვა: კიდევ უფრო ტკბილი და ალერსიანი სიტყვებით სკამი თავისი

ხელით მომაწოდა, ახლოს მომისვა და მიწყო ჩუქად დარიგება: შენ ახლა ყმაწვილი ახალ-მოსული ხარო, ნევესკი პროსპექტზე ნუ დაიწყებ სიარულს. ბევრი არის იქ ისეთი ყმაწვილები, რომელთაც მხოლოდ ქეიფი; სიმღერა და დამის დროს გატარება უყვართო, ნურც იმისთანა კაცებს გაიცნობო. ამ ცოტა ხანში უნივერსიტეტი გაიხსნება. სწავლა დაიწყება, იქნება რამე უკმაყოფილება მოხდეს, შენ მონაწილეობას ნუ მიიღებ; თუ რაიმე შეკრებილება მოხდეს უნივერსიტეტის ზალაში. შენ აიღე ქუდი და შინ გამოსწიე. გამოიქეცი, რომ იქ უნივერსიტეტის მთავრობამ არა შეგნიშნოს-რაო. ამისთანა მოახლური დარიგება და მასთან გაიძვერა თვალების პარპალით ლაპარაკი არაფრად მექაშნიკა. მინდოდა ამდგარიყავ და წავსულიყავ მეორე ალაგას, მაგრამ ვერ მოვახერხე. ერთი მეორეზე ზედმიყოლილი კითხვით სწორედ ისე შემიპყრო ამ ახირებულმა, მუდამ მოცინარ გძელ-წვევრებიანმა კაცმა. რომ სწორედ ძველი ღიმნაზიის შეგირდობა მომაგონდა და ის ინსპექტორად დამეხატა თვალწინ. მით უფრო მომეტებული დაუნდობლობა აღმეძრა გულში ამ კაცზე და მაშინვე გადავსწყვიტე, მეორედ ღმერთმა ნულა მანახოს ეს კაცი-მეთქი.

ის იყო ღიმნაზიაში კურს-დამთავრებული ვიყავი, ძლივს ყოველნაირი შევიწროებისაგან და ბებიობისაგან თავი ვიხსენი, მინდოდა ერთი თავისუფლად სული მომებრუნებინა, მიმეშვა თავი ჩემ ნებაზე; მეცადნა საკუთარი ფეხებით ჩემს აზრზე დავმდგარიყავ. უჯაკვოდ. სხვის დაუკითხავად, სხვის თვალის უღვევებლად, მით უფრო. რომ ჩავვარდი ყოველად უცნობ ქვეყანაში. სადაც ყოველიფერი ზის ფოთლებიდან მოკიდებული უზარმაზარ „საზამთრო სასახლემდის“, ჩემს თვალს იტაცებდა. მე მინდოდა სრული თავისუფლებით ჩავლრმავებულყოფამ ამ მრავალგვარს. ახალს. უცნობს. უნახავს და ჩემთვის საკვირველს ცხოვრებაში, წინ არავინ დამდგომოდა, არც ერთი კუთხიდან მზვერაფი თვალი არ დამენახა: მინდოდა. პირველად წარმომედგინა ჩემი თავი სრულ კაცად და მესრულეებინა გული ამ ახალ ცხოვრების გამოცდაზე. როდესაც ამისთანა ფიქრებით გული მქონდა ატივტივებული, გახალისებული და გადიდებული; უცბად წინ დამიხვდა იგივე ღიმნაზიის თვალყურის მდევნელი. მზვერაფი. იგივე ღიმნაზიის უფროსი, თითქოს მწარე წნელებით კანონ მომხდელი ინსპექტორი და უნდოდა მორჩილების უღელი თავს გადაეცვა ჩემთვის და მზრუნველობის ჯაჭვით შევებორკე. მოდი და იფიქრე, რა გული მექნებოდა ამისთანა კაცზე.

მე რომ შევედი, კიკოლიკს და ხუთს იმის საკუთარ ამხანაგს სჯაჰკონდათ უნივერსიტეტის საქმეებზე; კიკოლიკი უფრო გაჩუმებული იყო და რასაც იმისი ამხანაგები ლაპარაკობდენ, იმის წინააღმდეგი

სიტყვა ერთიც არ უთქვამს; მხოლოდ ხან-გამოშვებით წამოიძახებდა: „ეგ მართალია“, „მაგას ბევრი დამტკიცება არ უნდა“. „ჰო. ეგრე უნდა იყოს“ და სხვა.

„რუსეთში მხოლოდ უნივერსიტეტია ცხოვრებისათვის ახალ-გაზდობის მომზადებელი..... დაიწყო ერთმა იქ. მყოფმა კიკოლიკის ამხანაგმა. ეს იყო პოლონელი სტუდენტი, რომელიც იმ დროს ემზადებოდა კურსის შესრულებას და განსაკუთრებულს ყურადღებას აქცევდა გარეშე ტომის ახალგაზრდობას. რომელიც პეტერბურგის უნივერსიტეტში შემოდოდა კურსის დასასრულებლად. ის იყო თავის თანამემამულეების მოთავე კაცი. თავის მოძმეებში ჰქონდა დიდი რწმუნება და ქირში და ლხინში ისინიც იმასთან იყვენ. ეს ყმაწვილი ისტორიულ და საპოლიტიკო საგანზე ათავებდა კურსს და, როგორც მაშინ მითხრეს, მამულის სხტერპლად ემზადებოდა. იყო კაცი კარგი მოლაპარაკე, ტკბილი და მეგობრული ყოფაქცევისა, ორჯერ რომ ვისმე დალაპარაკებოდა იმის გულს შიიზიდავდა; თავის ამხანაგობაში ძალიან კარგი განწყობილება ჰქონდა და ყოველის შესანიშნავის შემთხვევისათვის წინაღვე ჰკრებდა თავის მემამულეებს და იმათთან ერთად აწყობდა რიგსა და წესს, თუ როგორ უნდა მოქცეულიყვენ მომავალს შემთხვევაში.. ამ ყმაწვილს სურდა, ქართველ სტუდენტებს დაახლოვებოდა და იმათთან კავშირის შეკვრით და ძმურის მოქმედებით გაეტაცებინა ესენი და თავის მემამულეებთან დაეახლოვებინა

ჩვენ თუ ერთმანეთი კარგად არ გავიცანით და ერთმანეთის გულის პასუხი დაწვრილებით არ შევიტყეთ, ცხოვრებაში კარგად ვერ წავა ჩვენი საქმეო; მოვა დრო, როცა ჩვენ ერთმანეთის საქირონი გავხდებით და თუ ახლავე ძმებივით არ შევიზარდეთ. თუ აქავე ამ უნივერსიტეტის საქმეებში ერთმანეთის დახმარება არ ვისწავლეთ, მერე უფრო ვრცელს ასპარეზზე სადლა. მოვნახავთ ერთმანეთსო; გარემოებით დაშორებულნი, აზრითა და გულით მაინც უნდა ვიყოთ ერთმანეთთან ძაფ-გატარებული და თუ ხელს არა. ხმაჲ მაინც უნდა ვაძლევდეთ ერთმანეთს, რომ საერთო ქირი გავინაწილოთო. იმან შეატყო, რომ ჩვენი მხრის ყმაწვილებს. როგორც მაგალითად, კიკოლიკს და მის მომხრეებს თავის ქვეყნისა. მიწა-წყლის და უწინდელი ცხოვრებისა სრულებით არა გაეგებოდათ-რა და რუსულს ენაზე თუ არა. თავის სამშობლო ენაზე გარეშე ქვეყნიურის საქმეების შესახებ სულ ვერ ლაპარაკობდენ. ისინი იყენენ ამ შემთხვევაში სრულებით მუნჯნი, განსაკუთრებით, როცა ამისთანა საზოგადო მსჯელობაში გაჩვეულ კაცთან მოსდიოდათ. საუბარი. სულ ვერ ახერხებდენ მსჯელობას, და თურმე იმ დროს, როცა ჩვენ შევექ-

წარით. კიკოლიკი ამისთვის იყო ასე ბრძნულად გაჩუმებული და ცხვირ-ჩამოშვებული.

თუმცა იმ საგნისა. რაზედაც ხ...სკი ლაპარაკობდა, კიკოლიკს ბევრი არა ესმოდა-რა, მაგრამ ალაგ-ალაგ მოხერხებულის თავის ქნევით, ან ორიოდ დასაბუჯითებელი სიტყვით ასე არწმუნებდა გარეშე მაყურებელს: ეგ მე დიდი ხანია შეტყობილი მაქვს, რაზედაც ხ...სკი ლაპარაკობსო. თვითონ გამოცდილი ხ...სკიც ძალიან კარგად ატყობდა ამას და გულში ბევრს უპატიურსაც უთელიდა კიკოლიკის მასწავლებელს და იმის საზოგადოებას, რომელიც ეს ბუნებით გონიერი ყმაწვილი ასე გაეუფუნურებინათ, რომ პოლონელ სტუდენტებთან შედარებით ტყიდან გამოსულს ჰგავდა. სწორედ ამგვარი იყო კიკოლიკი იმ დროს. როცა დავესწარით, ხ...სკიმ პირობა დაადებინა კიკოლიკს და იმის ამხანაგებს, რომ ყოველს უნივერსიტეტის საქმეში თქვენც ჩვენთან იყავითო. კიკოლიკმა და მისმა ამხანაგებმა პირობა აღუთქვეს: მიუცილებლად აგრე ვიზამთო. ხ...სკი ხშირად დადიოდა ქართველ სტუდენტების წრეში, მუდამ ლაპარაკობდა თანამედროულ ევროპის სახელმწიფოებზე, იმათ სახელმწიფო კაცებზე, მმართველობებზე, საგამგებლო და სასამართლო კანონებზე, წესებზე, რომელნიც გარეშე ქვეყნებში წარმოობდენ, ამტკიცებდა იმათ სიკეთეს, ან რომლისამე წესის უვარგისობას, შემდეგ ადარებდა თანამედროვე მთავრობის განკარგულებას, და ამგვარად უღვიძებდა ქართველს სტუდენტებს პოლიტიკურს აზრს. მაგრამ კიკოლიკი და მისი ამაღა ამ აზრებს და ქველმოქმედების მაგალითებს მაგდენად არას დასდევენ, ისინი მხოლოდ უგუნური თავმოყვარებით იყვნენ შეპყრობილნი, რადგან კურსს ათავებდენ: ბრძნული სიჩუმით და ხერხიანი მოქმედებით ცდილობდენ, დაემტკიცებინათ ხ...კისთვის, რომ შენგან ნალაპარაკევი ჩვენთვის ახალი არ არის. ეგეები ჩვენც კარგათ ვიცით, და ძალიან სასიციხოდ მიაჩნდათ გამომტყდარიყვნენ თავის უმცირებაში. ყურის გდების მაგიერად, კიკოლიკი უფრო გამოსადეგს მომავლის მოსაზრებაში იყო. იმის მაგიერად, რომ რაც იმისთვის ახალი იყო, ჩაენიშნა, გამოეკითხნა ხ...სკისათვის ყოველივე წყაროები, რომელთაგანაც იმას შეეკრიბა ამდენი ცნობა, კიკოლიკი გონების თვალს სულ გარე-გარე აცეცებდა, უფიქრდებოდა თავის მომავალს ჩინოვნიკობის ასპარეზს, ან თუ როგორ უნდა მისალმებოდა თავის ქვეყანას, როგორ უნდა დაექირა თავი მთავრობის კაცებთან თავის მომავალს სამსახურში, როგორ უნდა მოეგო უფროსების გული, როგორ ტკბილად მოქცეოდა თავის უმცროსებს, რომ ყოველის მხრით გაეზარდნილიყო იმისი ქება და ამ გარემოებას ძალიან საჩქაროდ წინ წაეწია იმისი სამსახური და შექმნილიყო მაღალი ადგილის მოსამსახურე. „როდესაც სამ-

სახურში კარგი ადგილი გვექნება. როდესაც მთავრობის უფლებას და ძალას ხელში მოვიგდებთ, მაშინ რალა დაგვიმავრდება წინ! — ხშირად უთქვამს ხოლმე ჩემთვის კიკოლიკს: — „თუნდა ავიღოთ ახლა ჩვენი მთავრობა და ხალხი. რას უყურებს ხალხი, რაზედ არის შეჩერებული იმისი გონება, ვის უფრო პატივს სცემს. ვის უფრო ემორჩილება, ვის უფრო უჯერის? — მკითხავდა ლაპარაკში. მერე თითონვე ამნაირ პასუხს მომიგებდა: — იმას უფრო უჯერის და იმის უფრო ეშინია, ვინც მთავრობის წრეში უფრო მაღლა სდგას ასეა ქვეყანაზე, თუ ღონე არა გაქვს ხელში. ვერასა იქ. ჩვენი ხალხი ღარიბი ხალხია, ამასთან გაუნათლებელიცა. ის დახარბებულია პურის ლუქმაზე, ვისგანაც ამ ლუქმას გამოელის, დღეს მისი ღმერთი და იმისი მეფე ის არის. იმას გონება არაფრად გაჰკვირს, გონიერი კაცი მცოდნე, მეცნიერი კაცი იმას კიდევ სძულს. იმას უყვარს კაცი ჯიბით მდიდარი და მთავრობაში საქმის გამტანიო.“ მეტყოდა კიკოლიკი ძალიან ატაცებით.

ისტორიაში ის შეტრფოდა ისეთ კაცებს. რომელთაც ჰხურვია პირს ფარდა და პირმოთნე მოქმედებით ხელში ჩაუგდიათ ამ ქვეყნის ნივთიერი საშუალება, იმითი გაურყენიათ ხალხის კეთილი გული. შესყიდვით გაუთქერიათ თავის ფეხ-ქვე მთელ ქვეყანა და ქვეყნის ცხოვრება, იმისი კეთილ მდგომარეობა თავის საკუთარის სარგებლობისათვის შეუწირავთ. ამის გამო ფლიდი აგვისტოს და იულიოს კეისრის ცხოვრება კიკოლიკისთვის სამაგალითო შექმნილიყო. ის გატაცებული იყო მოქმედებით, თუ როგორი ხელოვნებით მიუბირავთ ქვეყნის ერთგული კაცები და როცა უფლების უზენაესს წერტილზე მიღწეულან, როცა გამხდარან ქვეყნის უფალნი, იმავე ქვეყნის გულშემატკივარი კაცებისათვის თავები დაუყრევინებიათ. რადგან. ესენი გამხდარან უკანონობის წინააღმდეგნი, რადგან იმათს პირადის სარგებლობის ძიებას წინ დასდგომიან. კიკოლიკს ძალიან მოსწონდა ნაპოლეონ მესამის მოქმედება და იტყოდა: „იმისთანა გენიოსი ჯერ არ გამოჩენილა. იმან თავის ბიძას ერთი ბიჯით კიდევ წინ გაუსწრო: ბიძამ ხმლით დაიმორჩილა მთელი ქვეყანა და ამან სიტყვითაო“.

მხოლოდ ერთი ავიწყდებოდა კიკოლიკს, რომ კაცი რომელიც თავის დღეში ფარდა ჩამოფარებული დადის ამ სოფლად და მუდამ გულდახურულს მოქმედებაშია, იმას გულ-ახდილად მოქმედება აღარ შეუძლიან. ვისაც უფლების ხელში ჩაგდებისათვის კაცი მოუტყუებია. გაურყენია, გაუგლეჯია და მოუკლავს, იმას სიკეთისათვის სრულებით დახშული ეჭნება გონება. როდესაც ის მთელი ქვეყნის ფეხქვეშ გათქერით მის მბრძანებლად შეიჭნება, სიკეთის მოცემა აღარ შეუძლია. რადგან ხელი მუდამ სისხლში აქვს გასვრილი და ვისმესთან დაახლო-

ვებას ველარ ბედავს. მაგრამ კიკოლიკი მაინც ასე იძახოდა: „ჯერ უნდა ვიშოვნოთ ნივთიერი კეთილმდგომარეობა და მერე ქვეყანასაც სიკეთე მოვფინოთ“. ის კი არ იცოდა, რომ ამ ნივთიერი სარგებლობის ძიებაში სინიღისსაც დაჰკარგავდა და კეთილისადმი მიდრეკილებასაც.

II

ხ...სკის დიდი გავლენა ჰქონდა ჩვენ ახალ-მოსულებზე. იმისი უდროოდ გავანიერებული და თმისაგან გაკლილი შუბლი სქვერდა ღრმა აზრებით, რომელნიც თითქოს უნებურად აღმასივით სჭრიდნენ ჩვენს მოუხვენელს გონების ნიადაგს და სთესდნენ შიგ აზრის მარგალიტებს. როდესაც ის ლაპარაკობდა, თითქოს შუბლის თხემზე ცეცხლის ალიმული ადიოდა, ყოველი აზრი, როგორც ციმციმა ვარსკვლავი, ისე ჩაუვარდებოდა თავში იმის გამგონსა. ხ...სკი. მზად იყო მამულისათვის თავი შეეწირა. როცა პოლიტიკაზე და სახელმწიფო გამგეობაზე დაიწყებდა ლაპარაკს. იმას თვალწინ სულ თავისი წვალებული ქვეყანა უდგა და ვაშინგტონი, რომელმაც განათავისუფლა ამერიკის შეერთებული შტატები ინგლისის მფლობელობისგან, ქვეყნის უდიდეს კაცად მიაჩნდა. იმ დროს გარიბალდი, ის იყო, სიცილიიდან ნეაპოლის სამეფოში გასულიყო, და იმის მოქმედებით ხ...სკი ატაცებული იყო. გარიბალდზე რომ დაიწყებდა ლაპარაკს, სულ აქყარტალდებოდა. ყოველს იმის ნაბიჯის დიდსა და პატარა წარმატებას, ჩხუბს, ბრძოლას და გამარჯვებას სულის მოსწრაფებით ადევნებდა თვალყურს და, როგორც-კი ახალს გაზეთს გაშლიდა, ყოველი კარგი ამბების მიღებაზე, მეტის-მეტი მხიარულებისაგან შეხტებოდა და უნებურად ტაშს დაჰკრავდა. რაკი გარიბალდის ლაშქრობა დაიწყო, ხ...სკი, ყოველ საღამოს ჯერ თავისიანებში იქნებოდა, და, მერე, თუ დრო ექნებოდა, იმავე დღეს, ან თუ არა, მეორე დღეს მაინც, შემოირბენდა ჯენსკენ. განსაკუთრებით კიკოლიკთან, უამბობდა ყოველსავე, გამოუცხადებდა თავის იმედს მომავალ იტალიის გაძლიერებაზე, შემდეგ თვალს გადაავლებდა თავის სამშობლოს უნუგეშო მდგომარეობას და ისეთს ნათელს პოლიტიკურს მოსაზრებებს. გამოიყვანდა ამ იტალიის გაძლიერებისაგან, რომ თავის ქვეყნის მომავალსაც გადაჰფენდა თავისუფლების შუქს. იტალიიდან მოკიდებული თითქმის მთელი აზიის დაჩაგრულს ხალხებსაც უწინასწარმეტყველებდა ახალს განახლების დროს, იმ დროს. როდესაც ყოველივე მიწობის ბორკილი უნდა დამსხვრეულიყო.

„გაჩნდა დასავლეთით დიდი ვარსკვლავი, — იტყვიდა ხ...სკი: — ძალიან მალე მატულობს იმისი სხივი. გუშინ რომ ამ ვარსკვლავის შუქი ძლიერს ჰკიაფობდა, დღეს თითქმის მთვარეზე უფრო ბევრ სინათლეს გვეფენსო. მე დიდი იმედი მაქვს ამ ვარსკვლავისა, ის ეგრე ადვილად არ მოწყდება, იმისი დანიშნულება დიდია; ესასოებ, რომ ეს ვარსკვლავი მზედ გადაიქცევა და, დასავლეთიდან მთელი აღმოსავლეთისაკენ მოაჭენს თავისუფლების სინათლეს. ისტორიულმა ბოროტებმა გაასრულა აღმოსავლეთიდან დასავლეთ ტრიალი. ჩარხმა კარგა ხანია დასავლეთიდანაც იბრუნა პირი უკუღმა აღმოსავლეთისაკენ და მას შემდეგ, რაც გარიბალდის ვარსკვლავი ასეთი ძლიერებით ამობრწყინდა დასავლეთის ცის კამარაზე, თვითონ ჩარხმაც უმატა ტრიალი. უფრო და უფრო წინ მოაქვს ნათელი და სიბნელეც იკარგება.“ — იტყოდა ხ...სკი. ერთ საღამოს ხ...სკი გაგიჟებული შემოვიარდა ჩვენთან და დაიძახა:

— გარიბალდი ნეაპოლში შევიდა!

კიკოლიკი ჩვეულებრივი ღიმილით მიეგება და ხელ ჩამოართვა.

— მართლა შესულა ნეაპოლში? — განკირვებით განუმეორა კითხვა, თითქოს არ სჯერაო. კიკოლიკი ხ...სკის აღტაცებულს კაცს ეძახოდა და ფიქრობდა, შეიძლება კიდევ მოსჩვენებოდესო.

— მერე, როგორ შესულა!.. ეტლით მარტოდ-მარტო. მხოლოდ, თან ხლებია ერთი ადიუტანტი. დიდება ხალხის გონიერებას! მოაწია დრომ. როცა შავი კუნკულებიანი ეშმაკების დასი მამათ-მთავრებთა განრღვევებიან ამ ქვეყნიდან და ხალხი შებოროტი იმითი გრძნეულებით თავისუფლდება და შეჰხარის თავის განმათავისუფლებელს, თავის მხსნელს, თავის მაცხოვარს გარიბალდს. აი, რამდენად ძლიერია სიკეთე! მხოლოდ საკმაო იყო ამ საკვირველს კაცს ფეხი დაედგა ნეაპოლის ნიადაგზე, შესულიყო შავი ეშმაკებისაგან დადგმულს ჯოჯოხეთში, რომ იმისი კედლები უცბად დანგრეულიყო: იტალიის ბელჩევეული ნეაპოლის მეფე თავის ხლებულებიანათ და ეს შავი დასი ბერებისა, რომელთაც ბრჭყალებში ჰყავდათ მართალი ხალხი დაქერილი, თავისი სიმყრალით და ბოროტებით განდევნილიყონ. ავირორა კუდიანებსა, ჯვარი აქაურობასა! დაიმხო ჯოჯოხეთი, განვიდა ტარტაროსი თავისი ძლიერებით, მართალი სული იტალიის ხალხისა გამოვიდა წვალებიდან. ხალხი პირჯვარს იწერს თავის მხსნელს გარიბალდზე! — დააბოლოვა ხ...სკიმ.

— შევიდა, შევიდა გარიბალდი? — ჰკითხა ურწმუნოდ კიკოლიკმა.

ხ...სკიმ დამტკიცების მაგიერად ამოიღო გაზეთი და ხელი მიუთითა იტალიის ამბებზე.

კიკოლიკმა თვალი ჩაავლო და კვნესით ამოიძახა:

— ეს არ არის განთავისუფლება! ფრანცისკო გასულა თავის ჯარით ქალაქს გარეთ, რომ საცა უფრო კარგი სიმაგრეებია. ის დაიქიროს, შეიერთოს თავისი ჯარი და ერთის დაკერით მიფანტ-მოფანტოს გარბიბალდის ურდო.

— დიახ, მეც ვიცი, რომ ეგ განზრახვა აქვს ფრანცისკო ბურბონს, მაგრამ. რომ იმას ფეხი აღმებული აქვს და ძირის მოსამაგრებელი აღარსად აქვს, ესეც გადაწყვეტილია. როდესაც საშინელი გრიგალი გამოფულურობულს მუხას მოგლეჯს ფესვებიანად და წამოაქცევს, შემდეგ რამდენიც უნდა აყენო, მანც ველარ აღება ფეხზე. იმას ძირები ჰქონდა დამპალი, გული გამოხრული, მაგრამ უნიაგო, უქარო დღეში იღვა, ტოტები შორს ჰქონდა გადაშლილი, თვითონ უზარმაზარი და კაცის თვალისთვის დიდებული იმას გარეგანი შეხედულება კაცს უნებურად არწმუნებდა, რომ ის ჯერ კიდევ მაგრა დგასო, ჯერ თუნდ ათასი წლის სიცოცხლე აქვსო. მაგრამ დაჰბერა ძლიერმა ქარმა და ამ ძლიერ უზარმაზარ ვაებას უცებ ტოტები დაემტვრა და ბოლოს ფესვებ-ამოგლეჯილი გადმოეშვა და დაასქდა დედამიწაზე. ჩვენ მხოლოდ ამ დროს მოვდივართ გონებაში და ჩვენს თავს ვეუბნებით: თურმე ამას ხელის კერის მეტი არა სდომებია-რა და ჩვენ რა უმეცარი ვიყავითო.

— მეც მანდა ვარ, — უთხრა ნიშის მოგებით კიკოლიკმა: — ფრანცისკო და იმისი მთავრობა მეც უზარმაზარ მუხის ხედ წარმომიდგენია, მაგრამ მე თქვეფ არ გეთანხმებით, რომ ის იყოს ფესვებ დამპალი და გულ-გამოხრული ჭიისაგან. ეგ კი არა, ჩემის აზრით, მაგარი, ძალიან მაგარი ფესვებიცა აქვს და გულიც სულ გაყამირებული: ჭიჯერ მაგას არ მიჰკარებია და მე მაგის ისტორიულს ცხოვრებაში ჯერ არც-კი მინახავს მაგის გულის გამომხვრელი ჭია.

— როგორ თუ? — გაღიმებით შესძახა ხ...სკიმ, რომელმაც ძალიან კარგად იცოდა, რომ კიკოლიკი ოდნათაც არ ჩაღრმავებულყო არც საზოგადო ისტორიის შესწავლაში, არც ევროპის სახელმწიფოების პოლიტიკური ცხოვრების გაცნობაში. იმან კარგად იცოდა, რომ კიკოლიკს უნივერსიტეტის ლექციების მეტი არა გაეზებირებინა-რა და ეს ლექციებიც იმას მხოლოდ დიპლომის მისაღებად უნდოდა; ცხოვრების ასპარეზზე იმ გარეგანი ძლიერების კვალზე ცდილობდა გავლას, რომელიც ახლა ფესვ-დამპალს და გულ-გამოხრულს ძლიერებად დასახა ხ...სკიმ.

ხ...სკის დაცინებით კითხვამ, ცოტა არ იყოს, კიკოლიკი გააცეცხლა მისთვის უფრო, რომ იცოდა, რა კაცთან ჰქონდა ბაასი; იცოდა, რომ დაუმარცხებელი არ გამოვიდოდა ამ ბრძოლიდან და, რადგან

ჩვენ იქ ვიყავით, კიკოლიკის თავმოყვარეობა ერთი ათად უფრო გაფიცხდა; შიშობდა, არ გამამტყუნოსო და ამით ზნეობით გავლენა არ დამეკარგოს ახალმოსულს ჩემს მემამულეებზე. არ გავხდე იმათ თვალში ისეთ კაცად, რომ აღარა მეჯერებოდეს—რა და იმათგან გარეგანი პატივისცემა და სახელი არ მომაკლდესო. კიკოლიკი უფრო ამ მოკლე გონებიანი თავმოყვარეობით იყო შეპყრობილი, ვინამც მართლად ქვემარტების ძიებით და ხ...სკისთან გულახდილად აზრის გარკვევით. აი. ამისგამო ითაკილა იმან ხ...სკის დაცინებითი კითხვა და უთხრა:

— თქვენ მაგისთანა ახირებულს კითხვებს თავი დაანებეთ, რადგან მაგისთანა კითხვები მალე გადაგამტყრევით უგნურების ღრეში. ისა სჯობია. ჩემი აზრის გარკვევას ყური დაუგდოთ.

— დამიგდია ყური, მაგრამ გაფრთხილებით, ცოტა გულ-დამშვიდებით ილაპარაკეთ.

— მე იმ უზარმაზარ მუხად ჩამითვლია ნეაპოლის სამეფოს მთავრობა, მის ძირებად დამისახავს საფუძვლიანად განათლებული სასულიერო წოდება, რომელსაც ისე მაგრად ჩაუსვია წვრილი პაწაწინა ფესვები, ესე იგი ბერეზი და პატრები, ნაყოფიერს ნიადაგში, ესე იგი ხალხში, რომ ამ მღვდლების განშორება ხალხისაგან უფრო ძნელია, ვინამ მთელი იმ ქვეყნის გაქრობა დედამიწის ზურგზე. ნუ დაიფიქვებთ, რომ მღვდლებზე ისე მინდობილია ხალხი და ისე უჯერის მათ, როგორც თავის სულიერს და ხორციელს მამებს; მე კიდევ უფრო ნამდვილად ვიტყვი: ხალხს თავის სასულიერო წოდება წმინდანების დასად ჩაუთვლია.

— ეგ ეგრე არ არის, მაგრამ, უკაცრავად, არას ვამბობ... განაგრძეთ თქვენი შედარება, — ღიმილით უთხრა ხ...სკიმ.

— დაგერჩა უზარმაზარი მუხის ტანი, — განაგრძნო კიკოლიკმა: — ამ ტანს შეადგენს თვითონ ნეაპოლელი მეფის ასიათასი კარგად გაწვრთნილი ჯარი, რომელიც, ერთის მხრით, ღონეს აძლევს ნიადაგში გამჯდარ ფესვებს, ესე იგი სამღვდლოებას და იმისგან ამოღებული წვენი და ოფლი ხალხისა გაჰყავს უზარმაზარს ტოტებში, რომელიც შეადგენს ნეაპოლის მეფის სახელმწიფო და მოხელე კაცების კრებას; ისინი ქვეიდან ამოსულს წვენსა და უხვს საზრდოს ერთმანეთში ინაწილებენ და დიდებულად ხარობენ ცის კამარაში. სულ ესეები ერთად, განვიმეორებ, შეადგენს ერთს დიდებულს მუხას, რომელიც თავისი ძლიერებით და მშენიერობით აკვირებს ყველას. როგორც ვთქვი. ამ მუხას ფესვები ძალიან ჭორჭა და მტკიცე საზრდოს მღებლები აქვს. ნეაპოლის სასულიერო წოდება ბევრად უფრო განათლებულია, უფრო გონიერია, უფრო ხერხიანი. უფრო შორს-გამ-

სტერტი თავის ხალხზე; მაშასადამე, იმას ხალხი ყოველთვის სალუკ-მა-პუროდ ეყოლება ხელში ჩავარდნილი. ნეაპოლის ჯარი მეტად მტკიცე და ყამირი ბურჯია თავის მთავრობისა და მთავრობაც ისე როგორ წახდება, რომ ამ ორი ერთმანეთის შემწე წოდებით ამოტანილი საზრდო როგორც მოუხდება ისე ვერ მოიხმაროს; მაშ ნეაპოლის მთავრობას ფესვებიც ღონიერი აქვს და ტანიც მაგარი.

— თქვენ ყოველივე კარგად სთქვით, მაგრამ ერთი პაწაწა გარემოება დაგავიწყდათ, — შენიშნა დაცინებით ხ...სკიმ: — ხალხი, რომელიც ასი და ორასი წლობით ჩავარდნილი ჰყავს საწველად განათლებულს სამღვდლოებას, კარგადა ჰგონობს, ვინც წველის; იმან კარგად იცის, ვინ არის იმის სახლის ზნეობის შემრყენელი. ახალგაზ-და უცოლო პ ა ტ ე რ ი, რომელიც ვითომდა ოჯახის გასანათლებლად უდგება სახლში, მაგრამ რამდენსამე წელს შემდეგ ოჯახის პატრონი ნიშნავს, რომ იმისი შვილები ახალგაზდა პატერს დამსგავსებიან, როგორც გაჭრილი ვაშლი; თუ მოზდილი ქალი ჰყავს, უცბად მუცე-ლი გამოებერება იმავე პატერის წყალობით; თუ მომეტებული კაპეი-კი ერთმევა ოჯახს, იმავე პატერს მიაქვს იმისგანვე გარყენილ და წაწ-ყმენილ ოჯახის შესანდობლად: თუ ბელლები უცარიელდება, იმავე პატერისა და ათასი სხვა კაპუცინების საჩჩინად, რომელნიც ტომსიკე-ბით დღეში რამდენჯერმე აღიან და ჩადიან იმავე ხალხის კარზე და ივსებენ ტომრებს ხალხის ოფლით მოწურული ნამუშევართ. მაშ სასულიერო წოდება, რომელიც თქვენ მაგარ ფესვებად მოგჩვენე-ბიათ, არის გულით დამპალი წოდება, რომელიც თავის სიდამპლეს და უზნეო ბაღდაშს აცხებს ხალხს, რყენის და აყროლებს ხალხის არე-მარეს და ამის გამო თქვენგან ნაქები სასულიერო წოდება ისე ვერ იკიდებს ფეხს ამ ხალხში. მხოლოდ ოდნავი სიოც საკმაოა, რომ მოთ-ხაროს ეს ურგები ფესვები ფხვიერი ნიადაგიდან და შორს გა-დააგდოს...

— არა, ვერე არ არის, მაგისი ახსნა ვერ მოგივიდათ კარგად, მე თანახმა არა ვარ თქვენი აზრისა! — იძახოდა კიკოლიკი და თან-და-თან უფრო ცხარდებოდა.

— დამაცალეთ მე ჩემს შედარებას განვავრძობ. თქვენსა და ჩემს შუა დადებულს პირობას ახლა მარტო თქვენზე აქვს ძალა, რად-გან მე სწორედ ქეასავით დადუმებული ვიყავი, როცა თქვენი ლაპა-რაკის დრო იყო.

კიკოლიკი წამის-წამს ეჩრებოდა სიტყვებში, მაგრამ ხ... სკის ჩვენკენ ჰქონდა პირი მოქცეული და კიკოლიკის დაუდგრომელს ცხა-რე ლაპარაკს სრულებით ყურაღლებას არ აქცევდა.

— რაიცა შეეხება ჯაოს, ცოტა რიტხეში შეცდომა მოვივიდათ, — განაგრძო ხ... სკიმ:—ახლა ნეაპოლის მეფე ფრანცისკოს მხოლოდ ორმოცი ათასი ერთგული ჯარის-კაცი ჰყავს, მეტი არა, მაშინ როდესაც გარიბალდისკენ რამდენიმე მილიონი კაცის თვალყურია მიქცეული, ყველა იმის გულისათვის აპირებს სისხლის დაღვრას, ზოგი ცხადად და ზოგი ჩუმად, განსაკუთრებით ისინი, რომელთაც ჯერ კიდევ ჯარის კლანჭებიდან თავი არ უხსნიათ მაგრამ რატომ ამას არ კითხულობთ, რომ ეგ ორმოცი ათასი კაციც ჯერ ხალხის საშოდან არის გამოგლეჯილი? ყოველს იმათგანს ჰყოლია დედა, მამა, ნათესაობა და გულის საყვარელი. ყოველი იმათგანისთვის ყმაწვილობიდანვე ამოუგლეჯიათ გული და გაუხდიათ უსულგულოდ თოფ-იარაღად, რომელმაც არც ნათესაობა იცის, არც დედ-მამის და არც მიჯნურის სიყვარული. ის შექმნილა მხოლოდ თავის მუცლის მოყვარედ და საქვეყნო როსკიპად, რომელიც სხეულით ვაქრობს და ვინც ბევრს მისცემს, იმისკენ არის. დღეს ის გაბრაზებული პირუტყვივით ჰკლავს თავის მამას, ძმას და მეგობარს; ხვალ, თუ ქარი მოუბრუნდა, იმასვე დაუშენს თოფს, ვისთვისაც დღეს ასე გამწარებული იბრძვის. ფრანცისკოს უწინ მართლაც რომ ასი ათას კაცამდის ჰყავდა ჯარი, მაგრამ დღეს სად არიან ისინი? მომეტებულს ნაწილს იმათგანს დღეს გარიბალდისებური წითელი პერანგი ჩაუცვამს და თავის გუშინდელს პატრონს კბილით დაგლეჯას ემუქრება. კაცი, რომ გულს დაჰკარგავს, ამ საუკეთესო კაცურს ღირსებას, მაშინ ის პირ-აკრულ ბრაზიან მგლად არის გადაქცეული. სანამ მისი საბელი ხელში გაქვს მაგრად დაჭერილი, მანამდის შენი მორჩილია და მაშინასავითაც ათამაშებ; მაგრამ თუ საბელი აიწყვიტა, თუ პირი განითავისუფლა, მერწმუნე: პირველად თავის პატრონს დაჰკბენს. რომელ კაცსაც ოჯახი და მეგობარი დაუკარგავს, რომლისათვისაც გრძნობა წაურთმევიათ, რომელსაც საყვარლისა და თანაგრძნობის ცეცხლი დაშრეტია, ის ფულუროიანს ხის ტანს ჰგავს, რომელიც იკავებს მის ტოტებს მაშინასავით იმისთვის, რომ დასაბამიდანვე ამ გარემოებას შეჩვევია, მაგრამ ერთი ცულიც რომ დაჰკრა, დაიჭრიჭინებს და ტოტებიანათ მიწაზე დაასკდება. ვისთვის უნდა იბრძოლოს ნეაპოლელმა სალდათმა თავგამეტებით? რა დარჩენია? ოჯახი იმას არ აქვს; შვილი იმას შინ არ უტირის, ცოლი მხურვალე გულზე არ მიიკრავს და არ ჩაუდგამს ვაჟ-კაცობის სულს, მამა-შვილური გრძნობა დიდი ხანია დავიწყებია, რა რჩება იმას თავის შემდეგ? სრულებით არაფერი, ოხერი, ყველასაგან მოძულეებული თავის მეტი და მარტო ამ გაძალღებული თავისთვის, ნუთუ გგონიათ: ვისმე შეაკედეს?.. ჩემი აზრით, გაწვალებულს სიცოცხლეს უცბად სიკვდილი ურჩევნია მტრის ხელისაგან.

— კარგად გცოდნიათ! — უთხრა ნიშის მოგებით კიკოლიკმა. — დიახ, ომში გასწავლულს სალდათს. თავიდან ფეხებამდის შეიარაღებულს, ისე გაჩვეულს ბრძოლაში. რომ ზარბაზანი პარდაპირ ესროლო, თვალს არ დაახამხამებს...

— ეგ კი ახირებულათ გადაამეტეთ! — უთხრა სიცილით ხ...სკიმ.

— თქვენ კიდევ თქვენებურად დაიწყეთ უაზრო ოხუნჯობა: და არ მაცდით თქვენი აზრის დარღვევას!

— მაგდენ უბრალო ლაპარაკში რომ დრო არ დაგეკარგათ, კიდევ დააბოლოოვებდით თქვენს აზრს, — გულცივად უთხრა ხ...სკიმ.

— როგორც ვატყობ, თქვენ არ გინდათ ჩემი აზრის მოსმენა. — და გაჯავრებულმა კიკოლიკმა ლაპარაკი შეწყვიტა.

— მე თქვენ გარწმუნებთ. რაც უნდა თქვათ, ხმას არ ამოვიღებ.

— სალდათი ბრძოლაში გულმაგარია, აუჩქარებელი. ყოველმხრით იცის მტერის თავის მრვლა, მისვლაც ისე იცის მტერზე. რომ თვალს ვერ მოასწრებ და მოგერებაშიაც მტერს ერთ ნაბიჯს წინ არ წამოადგმევიანებს, ერთს მოხერხებულს დაკვრასაც არ გააბედვინებს. ხუთი-ექვსი დღე რომ მუდამ ბრძოლაში ამყოფო, მეშვიდე დღესაც ისე იბრძვის, როგორც პირველ დღეს. ამასთან თუ კარგი რჩენა ექნა, როდესაც სალდათი რაზმშია, ის სიკვდილამდის არ გადახდება რაზმის წესს: თუ სალდათები მიდიან, ერთ რკინის ჯაჭვად მიდიან. ყოველმა იმათგანმა იცის თავისი ადგილი ბრძოლაში, არც წინ წაეჩრება, არც უკან ჩამოდგება. ყველანი არიან ერთ რკინის კედლად, ხეტქენ და არღვევენ ყოველსავე, რაც წინ უხვდებათ. ნუთუ ამისთანა რკინის კედელს გაუძლებს თხებსავით დაბნეული გაუწვრთნელი ხალხი. რომელმაც არც წესი იცის, არც რიგი, არც ხეირიანად იარაღის ხმარება? როგორც მოხვდება. ისე იბრძვის. გაეარდება თუ არა პირველი თოფი, უჩვევი კაცი თრთის და სულ-მობრძავსავით იქნევეს ხელებს. ნუთუ გგონიათ. ამისთანა კაცი ასიც რომ დაუყენო წინ სალდათს. რასმე გააწყობ? ყველას ქათმებსავით დასხეპავს თავებს.

— თქვენ იმას ამბობდით. თუ როგორ უნდა იყოს გაწვრთნილი შეომარი და მეც ცხანდს მაგალითს წარმოგიდგენთ, რომელიც გუშინ მოხდა იტალიაში. გარიბალდმა სიცილიაში ათასი დაიარაღებული კაცი გაიყვანა. იმათ არც კაზარმაში უცხოვრიათ და არც შვიდრი. ათი და თხუთმეტი წელიწადი უსწავლიათ სამხედრო ვარჯიშობა. მაგრამ იცით, პირველსავე შემთხვევაში რა ქნა ამ ათასმა კაცმა? მარსალის ქალაქის მახლობლად არის კალატაფიმის სიმაგრე მთაზე. თითქმის კლდიანი ალაგია. ამ მაღლობ სიმაგრეში ჩაესაფრა ოთხი ათასი სალდათით ნეაპოლელი ლენერალი ლანდი. იმას ჰქონდა თან ოთხი ზარბაზანი. სალდათებს ჰქონდათ მშვენიერი შტუცრის თოფები. გარი-

ბაღდის ათას კაცს არც ამისთანა შტუტუტები ჰქონდათ, არც ზარბაზნები. იდგენ ძირს შოსსეს გზაზე და ეს მალღობი უნდა აეღოთ. სიცხე იყო საშინელი. ალაგი ძალიან გამაგრებული, ბევრად უფრო მომეტებული და კარგად შეიარაღებული ჯარით. ყოველი საღდათიც ძალიან კარგად იყო გაწვრთნილი. მაგრამ სამი საათის განმავლობაში გარიბალდიელებმა ეს ამდენი ურღო ჯარი წინ წაირეკეს კალატაფამის სიმაღლიდან, ასე გასინჯე. ერთი ზარბაზანიც წაართვეს. ერთი სტუდენტი პაეის უნივერსიტეტიდან, თვრამეტი წლის ყმაწვილი, თურმე ყველაზე პირველად შევარდა სიმაგრეში. ამ სტუდენტზედაც ხომ ვერ იტყვი. რომ ია საღდათივით გაწვრთნილი ყოფილიყოს ბრძოლაში.

— ეგ აგრე არ იქნება. — ვითომ და დაცინებით მიუგო კიკოლიკმა: — შენ ერთობ გატაცებული ხარ გარიბალდის მოქმედებით და იქნება გადაამეტე. — ხ...სკის ძალიან გაუკვირდა იმისი უცოდინარობა ამ შემთხვევაში. იფიქრა გულში: „ნუთუ ეს საწყალი კაცი ამისთანა განხურებულ ევროპის პოლიტიკურს ცხოვრებას თვალყურს არ ადევნებსო.“ ცოტა არ იყოს, კიდევ ეწყინა კიკოლიკისაგან ასე უზღველი მხილება: კაცს, რომელსაც თავის დღეში ერთი ტყუილი არ უთქვამს. კიკოლიკი სიცრუეს სწამებდა. ხ...სკიმ უცბად გადუშალა იქვე სტოლზედ მდებარე რუსული ჟურნალი, სადაც იყო დაბეჭდილი ინგლისის კორესპონდენტის წერილები გარიბალდის ლაშქრობაზე, მიუტანა კიკოლიკს ცხვირთან და უთხრა:

— „ჰა, წაიკითხე, თუ ტყუილია! ნუ თუ ამასაც არ კითხულობ?

— სად მცალია ჟურნალებისთვის! მაგისთანა ცუდლუტური წიგნები თუ ვიკითხე, ჩემს საგანს საღდა ვისწავლი?

— ღმერთო ჩემო, მაშ რა კაცია ის, თუ ახლანდელი ევროპის ცხოვრების მოძრაობასაც თვალყურს არ ადევნებს?

— ჰო. კარგი, მაგისთანა სიტყვებს თავი დაანებე. — უთხრა ყურებამდის გაწითლებულმა კიკოლიკმა. — ჩვენ საბაასო საგანს გადავცდით.

— მე ახლა იმასაც აგისნნი, გარიბალდის ახალგაზდა ერთი შუქა. ჯერ კიდევ კარგად ბრძოლას შეუჩვეველი ჯარი, რის გამო იბრძვის ასე თავგამეტებით, — განაგრძო ხ...სკიმ. — ყოველი იმათგანი შინიდან დედისაგან თუ ცოლისაგან ამ სიტყვებით არის გამოსტუმრებული: „წადი, ჩვენს მამულს მიეშველეო.“ დედას უთქვამს იმისთვის: „აი, ამ დიდი დღისთვის მიწოვებია შენთვის ძუძუ“ ცოლს უთქვამს: „თუ ფრანცისკოს მთავრობა ახლა არ გადაადგდეთ, ამ შენს პაწაწა ვაჟს კედელზე შემოასხერტებენ და მე ხიშტით მკერდს გამიპობენ. მიიღე ეს ჩემი მხურვალე კოცნა იმედად ყოველ გასაქირში.“

ამისთანა სიტყვებს შემდეგ გარიბალდიელს თავი აქვს განწირული, ის ბრძოლაში ისე მიისწრაფის, როგორც ლხინში. ყოველი იმათგანი ახლა ლომად არის გადაქცეული, ამიტომ რომ ლომი მას წინ მიუძღვის. გარიბალდის შეხედვა და იმათი გაეარვარებულ ცეცხლში გადავარდნა ერთი არის ხოლმე. ყოველი გარიბალდიელი იბრძვის თავის მიწა-წყლისთვის, თავის კერისთვის, თავის ცოლ-შვილისთვის. ესენია იმისი სიცოცხლე და თუ ესენი წაერთმევა, მაშინ სიცოცხლეს სიკვდილი ურჩევნია. იმან ესეც იცის, თუ ახლა არ გაიმარჯვებულ ფრანცისკოს სალდათები და ავსტრიის ჯარი ისევე მობრუნდებიან, სახლს დაუწვენ, მიწა-წყალს თვითონ დაისაკუთრებენ და ცოლ-შვილს აუკლებენ. როდესაც კაცი ამნაირად არის თავგამომეტყუელი, მაშინ ის უძლეველია. ის შეიძლება ნაწილ-ნაწილად აკუწო, მაგრამ ვერ გადრეკ, ფეხს თავის ალაგიდან ვერ მოაცვლევინებ. იცი, ამისთანა გამწარებულს მამულის მებრძოლს რა ნაირი შეხედულება აქვს ბრძოლის ეამს? ის საშიშია, იმის სახეს ვერავითარი მხნე და ბრძოლაში გამოცდილი მებრძოლი ვერ გაუმაგრდება. ეს შენიშნულია. მუდამ ასე და ასეც იქნება!

— თუ-კი უბრალო, გაუწვრთნელი კაცი მაგისთანა გამეხებულად იბრძვის, რატომ ბრძოლაში გაწვრთნილი სალდათი ვერ იზამს მაგას? — ჰკითხა კიკოლიკმა.

— იზამს, მაგრამ ფრანცისკოსა და ავსტრიის სალდათი იტალიაში კი ვერ იბრძოლებს ეგრე. იმათ არა აქვთ მაგისთანა გამამხნევებელი საგანი. იტალიელი იბრძვის თავის ქვეყნისთვის, თავის დაჩაგრვის გულისთვის, თავის საკუთრებისთვის. ფრანცისკოს სალდათი-კოდაჭირავებული კაცია და ნუთუ ის ქირის გულისთვის ასე გაბრაზდება, როგორც იტალიელი თავის ძვირფასი ცოლ-შვილისა და მოკეთებებისათვის? ავსტრიელი სალდათი აგრეთვე მოსული, უცხო კაცია იტალიაში; ის იპყრობს ქვეყანას, ართმევს საკუთრებას თავის უფროსის ბრძანებით. ნუთუ ამ უსამართლობისათვის ისე უდუღდებდა გული ავსტრიელ სალდათს, როგორც იტალიელს, რომელიც ხედავს, რა რიგად უწევს იმას ავსტრიელი სახლ-კარს, რა რიგად ჰყლავს ბრძოლაში იმის მოკეთეს და, თუ აჯობა, რა რიგად გაშლის ხელს იმის მამა-პაპისეულზე. ერთი გრძნობს თავის მხარეზე სიმართლეს, მეორე ძლას. ერთს ცეცხლი ედებდა, მეორეს-კი თავისივე უსამართლობის გრძნობა ხელს უკრავს. აი, ამის გამო დამხვედრი ყოველთვის უფრო მწარეა მოსულზე. აი, რითი აიხსნება გარიბალდის გამარჯვება.

— ეგ ჯერ კიდევ სათუთაა გარიბალდის გამარჯვება. იმან მართო სიცილია დაიკავა, ჯერ იმას წინ ჰყავს მთელი ნეაპოლის) საკარო—

ლო ძალა: მთელი საუკეთესო ჯარი მეფისა, ორმოცი ათასი კაცი, სულ დარჩეული მხედარი, და აუარებელი თოფზარბაზანი. ვნახოთ. ჯერ გარიბალდს ფონი გასაეღლსა აქვს! — სთქვა კიკოლიკმა.

— დარწმუნებული იყავი, მე რომ ვამბობ, გარიბალდი მოიგებს-მეთქი — ტყუილად, უსაფუძვლოდ არ ვამბობ. მე კარგად მაქვს შესწავლილი მთელი იტალიის სახელმწიფოების და იმის ხალხის ისტორია. ფრანცისკოს სამეფო სახლი და იმისი მთავრობა ხალხს, მეტი არ შეიძლება, ისე საშინლად სძულს. ფრანცისკოს ხალხი „ყუმბარას“ ეძახის. 1848 წელს, როცა ხალხი, იმის მამისაგან შევიწროვებული, მოთმინებიდან გამოვიდა და განუდგა, იცი ამ უიარალო ხალხს რა უყო ფრანცისკოს მამამ? უბრძანა ჯარს და სულ ყუმბარებით დააქცია ნეაპოლის ქალაქი; ხალხი-კი თავის ჯარს გააუღეტინა. იმის წყალობით მთელი ქვეყანა ავსტრიელების უანდარბების ხელში იყო ჩაყარდნილი და ყოველი ოჯახი ხმის ამოღებასაც ვერ გაბედავდა თავის უბედურს. შეწუხებულს ცხოვრებაზე; მეორე დღეს იმ ოჯახის მამაკაცები და დედაკაცები ციხეში და საწვალებლოებში იქნებოდნენ გამოძაგრული. აი, ამისთანა მთავრობისაგან ათავისუფლებს ხალხს გარიბალდი. ნუთუ გარიბალდი, თავის ჯარის გარდა, ნეაპოლის ხალხში იმდენს ძალას ვერ იპოვნის, რომ მოუძღურებული ქვეყნის მტარვალი დაამხოს?

— დიახ, მოუძღურებული! ისე ჰკითხე იმის ორმოცი ათასს ჯარის კაცს! — უთხრა კიკოლიკმა.

— ვნახოთ!.. თუნდ ამას თავი დავანებოთ. განა სხვა ქვეყნების წარსული ისტორია ცოტა გვაქვს თვალწინ? მოვიგონოთ ამერიკის შეერთებული შტატების განთავისუფლება ინგლისის მთავრობისაგან.

— ვაი, ჩენი ბრალი, თუ მართლა ამერიკის შეერთებული შტატების განთავისუფლებას საკუთრად იმათ აბრალებ. ისინი განათავისუფლა საფრანგეთმა. ის რომ არ დახმარებოდა, დღესაც ინგლისის მონობაში იქნებოდნენ, — უთხრა დაცინებით კიკოლიკმა.

— ეგ იმას ნიშნავს, რომ თქვენ ისტორია საფუძვლიანად არ გისწავლიათ.

— როგორ თუ არ მისწავლია! თუ თქვენ მაგას დაამტკიცებთ, რომ ამერიკელებს საფრანგეთი და ესპანია არ მოხმარებიათ, მართლაც თქვენ არ გკოდნიათ ისტორია! — დიდის სიფიცხით წამოიძახა კიკოლიკმა და თვალეზი ჩვენკენ გამოანათა, თითქოს. უნდოდა ეთქვა, დავიჭირე თუ არაო.

ხ...სკის ძალიან ეწყინა ამისთანა ტრაბახა გამოწვევა კიკოლიკისაგან. ის ამ სულმოკლე მოქმედებას მაგდენს ყურადღებას არ მია-

ქცევდა სხვა დროში, რადგან იცოდა, რომ ყოველ უსწავლელ ახალგაზრდას ხშირად ამისთანა ტრაბახობა სჭირია. იცოდა კიდევ, რომ კიკოლიკისაგან ბევრი არა გამოვიდოდა—რა უხოვრებაში. სხვა დროს კიკოლიკისთანა კაცებს იქნება სულაც არ გაიცნობდა. ხელსაც არ ჩამოართმევდა, მაგრამ ახლა, რადგან ხ...სკი თავის აზრსა და განზრახვას სდევდა, იმას იმ დროს სჭიროდა კიკოლიკი, ამიტომ რომ უნდოდა იმის საშუალებით ხიდი გაედვა კავკასიელებთან. ხ...სკიმ იცოდა კარგად იმისი სულმოკლე თავმოყვარება, რომლის ძალით კიკოლიკი მუდამ ცდილობდა პირველობას თავისიანებში. ხ...სკიც არ უშლიდა ამას და თუმცა ბევრი იმის ხეპრული აზრები გულს უღულებდენ, მაგრამ ის მაინც არ ანიშნებდა თავის აზრს და ისე ეჭირა კიკოლიკთან თავი, რომ იმას ეგონა, ხ...სკი ბევრს ჩემს აზრს ყურადღებას აძლევსო და. თუ ბაასობს. უფრო იმისთვის, რომ ჩემი აზრები შეითვისოსო. იმ წუთას, როცა ზემოხსენებული ბაასი ჰქონდათ კიკოლიკსა და ხ...სკის. ეს უკანასკნელი ჯერ ძალიან თავდაქერილად ლაპარაკობდა იმასთან. მაგრამ, ბოლოს და ბოლოს, როცა ძალიან შეჰყვენ ერთმანეთს, ხ...სკიმ შენიშნა ერთი ცუდი აზრი კიკოლიკს. შენიშნა, რომ ის თუ ებაასებოდა მხოლოდ იმისთვის, რომ ჩვენ ახალმოსული უმეტრების თვალწინ მართალი გამოსულიყო, და მერე ჰქონოდა ღონისძიება. რომ ხ...სკიზე ელაპარაკნა ჩვენთვის, როგორც ისეთს კაცზე. რომელსაც ვითომც ბევრი არა სცოდნოდეს რა. ამ სახით კიკოლიკი ცდილობდა. გაეცრუებინა ხ...სკი ჩვენს თვალწინ, რომ მერე ეგინებინა იმისი აზრები. იმისი რწმუნება და ამ სახით თავის საკუთარი აზრები ჩაენერგა ჩვენთვის.

ეს განზრახვა. როგორც-კი შენიშნა ხ...სკიმ კიკოლიკს, გული მოიყვანა და განიზრახა თვითონ იმის უმეტრების დამტკიცება ჩვენ თვალწინ. ამის გამო კიკოლიკის უკანასკნელი პასუხი, როგორც გაიძვერული. ძალიან ეწყინა, მეტი არ შეიძლება, ისე აღელდა, ცოტა ხმაც აუთრთოლდა; მაგრამ მაინც იმდენად შეიკავა თავი, ისე გულდამშვიდებულად გვეჩვენა, თითქო ჯერ ხმაც არ ამოეღოს. იმან იფიქრა. რომ თუ ამისთანა ხარაბუას აქვე არ მოვეუკვეთე ამ ახალგაზრდა ყმაწვილებზე გავლენა, ამათგანაც კიკოლიკის მეტი არა გამოვლენ რაო. სჯობია. აქავე დავანახო ამ ახალგაზრდებს. თუ რა შვილიც არის იპათი მოთავე. რომ ხელი დაურეკონ იმას და პირველადვე შეუდგენ, ან ისურვონ უფრო საფუძვლიანად საგნების შესწავლაო. ამის გამო ხ...სკიმ განაგრძო თავისი ბაასი და ასე დაიწყო:

— მე ჯერ თქვენთვის ეგ ნაკლულევალება არ შემინიშნავს, რომ რაც მე არ მოთქვამს, ჩემს ნათქვამად გამოგეყვანოს და მერე სიტყვა მოგეჭრას ჩემთვის. მე ხომ ეგ ჯერ არ მოთქვამს, ამერიკელებს

საფრანგეთი და ესპანია არ მოხმარებია-მეთქი? ახლა-კი ვიტყვი, რომ ესპანის მოხმარებას არა ვთელი მოხმარებად, რადგან იმას ას ორმოცა ათი ათასი დოლარის სესხების მეტი სხვა შემწეობა არა უჩვენებია-რა. მაშ. ჩვენ ვილაპარაკოთ მხოლოდ. თუ გნებავთ. საფრანგეთის შემწეობაზე. დიახ, დიდი იყო იმისი შემწეობა. მაგრამ ამერიკის განთავისუფლებაზე უფრო სახელით ჰქონდა იმას დიდი გავლენა. ვინამც საქმით.

— როგორ თუ სახელით, მთელი ფლოტი თავისი ჯარით საფრანგეთმა არ გაუგზავნა მეთვრამეტე საუკუნეში ამერიკას? როგორ ამბობ მაგას? რომ საფრანგეთის გაწვრთნილი ჯარი არა. ამერიკის მილიცია ტყე-ტყე გარბოდა. ინგლისის სალდათებს რომ დაინახავდა. რას ამბობთ, სწორედ არ გცოდნიათ თქვენ ამერიკის საპოლიტიკო ისტორია! — ამ სიტყვებზე კიდევ უფრო ამპარტაუნებით შემოგვხვდება კიკოლიკმა.

-- აბა, მითხარით. რამდენი სამხედრო ხომალდი იყო საფრანგეთის ფლოტში? — ჯაერიანად შეუტია ხ...სკიმ.

-- მაგისტანა წვირლმანის დახსომება რა საქირია!

--- მაშ მე გეტყვი. სამხედრო ხომალდი შეიდის მეტი არა ყოფილა. ახლა მითხარით, რამდენი ჯარი გაგზავნეს ამ ფლოტით ფრანკუზებმა და ვის გაატანეს?

კიკოლიკი გაწითლდა.

— ეს სულ წვირლმანი შეუნიშნავე საგნებია. გეუბნები...

— მაშ. მე გეტყვი, — უთხრა ხ...სკიმ: — საფრანგეთმა გაგზავნა ექვსი ათასი კაცი თავის მხედართ-მთავრით, რომელსაც ერქვა რომამბო. ფლოტის უფროსად იყო დე-ტურნე მეც გეთანხმებით, რომ ეს წვირლმანი ამბებია. მაგრამ აქედან სიანს. რომ ალბათ მიკითხაეს მეც ამერიკის ისტორია და თქვენზე უფრო ბევრი დამიხსოვნებია. მაშ თქვენ ნება არა გაქვთ, მე მითხრაო, ვითომ ისტორია არ ვიცი.

აქ კიკოლიკი ისე გაშრა, რომ ხმა ვეღარ ამოიღო, იმან დაიწყო მუბლზე ხელის სმა და რისლაც ცხვირში ბუტბუტი. მე და ჩემმა ამხანაგმა უნებლიედ გავიცინეთ. კიკოლიკი ამის გამო უფრო მოკვდა. იმან უცებ აიმაღლა ხმა და წამოიძახა:

— რაც უნდა ილაპარაკო, ამერიკის განთავისუფლებით მაინც ვერ დაამტკიცებ თქვენს აზრს, ვითომ გაწაფულს მხედრობას სოფლის კაცები სჯობდნენ ბრძოლაში, რომელთაც იქნება იარაღი თავის დღეშიაც არ ეხმაროთ.

— მე მაგას არ ვამტკიცებ. ჩემი აზრი მხოლოდ ის არის. რომ სამშობლო ბრძოლაში და თავისუფლების დაცვაში თავის დამცველი ხალხი უფრო გამწარებული იბრძვის და ბრძოლასაც მოუგებს ძალიან

კარგს გაწვრთნილს ჯარს, თუ ეს ჯარია შემოსული და ქვეყნის და-
 მმორჩილებელი. სწორედ ამ ჩემს აზრს ცხადად ამტკიცებს ამერიკის
 შეერთებული შტატების ბრძოლა თავისუფლებისათვის და კიდევ
 მინდა ორიოდ ისტორიული ფაქტი გიამბოთ, თუ თქვენ არა, ამ ახალ-
 გაზღების გასაგონად მაინც, — სთქვა ხმა-დამშვიდებით ხ...სკიმ. —
 აბა გამოვხატოთ შლოსერის სიტყვებით ამერიკელებისა და ინგლი-
 სელების ჯარების მდგომარეობა, როცა ისინი ერთმანეთის პირის-პირ
 იდგენ ბრძოლის დაწყებამდის. „ახალი რესპუბლიკის მცხოვრებლე-
 ბიო, — ამბობს შლოსერი, — სრულებით არ იყვენ სამხედრო წესის
 ნაჩვევი და რიგში გაწვრთნილი. ჯარის-კაცობა კიდევ ეთაკილებო-
 დათ. მილიციელებს არ ჰქონდათ არც სამხედრო ტანსაცმელი და არც
 ფეხსაცმელი. ამერიკელებს აკლდათ სამხედრო კაცის ჩვეულება, ფუ-
 ლი და სამხედრო მასალა: თოფ-ზარბაზანი და წამალ-ავეჯეულობა.
 ინგლისელი მხედრობა იმათ რომ უყურებდა. ზიზღი მოსდიოდა და
 ამბობდა. ამ ცხვრებმა როგორ უნდა გვაჯობონო. წარმოიდგინეთ,
 ამისთანა უხეირო მილიცია მამულის სიყვარულისთვის რა საქმეებს
 ჩადის, როცა იმას მოთავედ ჰყავს ისეთი კაცი. როგორც ვაშინგტონი,
 რომლის მსგავსი ჰქუით, მოხერხებით. პატიოსნებით და მამულის-
 თვის თავგანწირულებით ქვეყანაზე ჯერ არ დაბადებულყო. 1776-
 წელს. როდესაც ინგლისელები დაეცნო, — ამბობს შლოსერი: —
 ნიუ-იორკის ქალაქს. მთელი ქვეყნის გასაოცებლად, ვაშინგტონი თა-
 ვის უხეირო ჯარით სეკტემბრის თვემდის ისე გამაგრდა ამ ქალაქში,
 რომ ევროპის საუკეთესო ჯარებმაც ვერა უყო რაო. ეს კიდევ არა-
 ფერი. ამავე უხეირო მილიციამ 1777 წელს სერეტოვის მახლობლად
 გუდსონის მდინარეზე ექვსი ათასი საუკეთესო ინგლისის ჯარი შეჰკრა-
 თავის მხედართ-მთავრიანათ, სამხედრო იარაღიანათ და დაქერილი-
 წამოიყვანა. ყველა ისტორიკოსების სიტყვით კორნუელისისთანა ნი-
 ქიერი, მხნე და მოხერხებული ღენერალი ცოტა იყო. ის იყო პირველი
 ინგლისის ღენერალი ამერიკელებთან ბრძოლის დროს. და, აი, ეს ღე-
 ნერალიც თავის საუკეთესო ჯარიანათ იორკტონის ქალაქთან ვაშინ-
 გტონმა შეიმწყვდია და ტყვედ აკრიფა. ამ ამბავს შემდეგ ინგლისს
 აღარა გაუბედნია-რა. ამ სახით თავგანწირულმა, თავისუფლების მო-
 ყვარე და სამშობლოს დაცვისთვის მებრძოლმა, თითქმის უიარაღო
 ხალხმა საუკეთესო ევროპის ჯარი დაატყვევა და უძლიერესი სახელ-
 მწიფო შეაშინა.“ აი, როცა ხალხი თავგანწირულია და თავის ქვეყ-
 ნისთვის იბრძვის, რა შეუძლია! ამაზე უფრო ცხადი მაგალითი აღარ
 იქნება ქვეყანაზე. მე მხოლოდ ამ მაგალითებით მინდოდა მეთქვა, რომ
 იტალიაც ახლა ამ მდგომარეობაშია, როგორც ამერიკელები მეთვრა-
 მეტე საუკუნეში. იტალიელებიც ახლა ისე იბრძვიან. იმათ წინ უძ-

ღვის ისეთი ღენერალი, რომელიც ვაშინგტონს არ ჩაძოუვარდებდა და, აი, რის გამოც ვამტკიცებ, რომ იტალიელები, როგორც ნეპოლის მეფისაგან, ისე სხვა მეფეებისაგან იხსნიან თავს და ამ ბრძოლაში გარობაღლი იქნება იმათი განმათავისუფლებელი, როგორც ვაშინგტონი შეიქნა ამერიკელების განმათავისუფლებელი. ეს ისე ნამდვილია, როგორც ახლა მე თქვენ გელაპარაკებით, — გაათავა ამით ლაპარაკი ხ...სკიმ.

კიკოლიკს თავი მალა აეღო, ხელები უკან დაეწყო და. როგორც კანცელარიის უფროსი, ძალიან გაცხარებულად დადიოდა ოთახში იმ დროს, როცა ხ...სკი გვეუბნებოდა ამ ამბებს. როცა მან გაათავა, კიკოლიკმა თითქოს შანი მოუგო და ასე უთხრა:

— ნეტამც ეგრე იყოს. რომ თხებს მგლები დაეჭიროს. თორემ უფრო ცოტა ბოროტება იქნებოდა ქვეყანაზე. თუ აგრე იყო, მაშ ნაპოლეონ 1-მა რათ დაიპყრო მთელი ევროპა? როდესაც იტალია. გერმანია, ავსტრია და პოლანდია მიამტერ-მოამტერია, რატომ ვერ გამოაგდეს იმათ იქიდან? თუ იარაღში და სამხედრო რიგში გაუწვროთ-ნელი ხალხი სჯობნებოდა გაწვროთნის ჯარს, უეჭველად ასეც მოხდებოდა.

— ნუ დაივიწყებთ, რომ ნაპოლეონ 1-ლი საფრანგეთის რესპუბლიკის სახელით შეესია ევროპას, — უპასუხა ხ...სკიმ. — იმის დროშაზე იყო დაწერილი მტარვალობისაგან განთავისუფლება. ის თავდაპირველად ხალხებს ათავისუფლებდა მთავრობის შევიწროებისაგან. გერმანიის და იტალიის ხალხები, ის კი არა, ხელს უწევდენდენ საფრანგეთის ჯარს, თავყანს სცემდენ თავისუფლებისათვის.

— როგორ არა!.. წაიკითხე გერმანიის ისტორია, ხალხის ლექსები და მაშინ შეიტყობ, როგორ თავყანსაც სცემდენ ნაპოლეონ 1-ლს. ის კი არა, მთელი ქვეყანა სწყველიდა.

— ნუ დაივიწყებთ, ეგ შემდეგ მოხდა, მაშინ როდესაც ნაპოლეონი იმპერატორად გახდა. იმან ჯერ საფრანგეთში მოახრჩო თავისუფლება და მერე მთელს ევროპაში. აი, მაშინ კიდევ ადვილად გასრისეს, როგორც ნაპოლეონი, ისე იმისი მხედრობაც.

— დიახ, გასრისეს, მაგრამ ხელჯოხიანმა ხალხმა კი არა. კარგად გაწვროთნილმა გერმანიის, იტალიის და რუსეთის ჯარებმა.

— ნუ დაივიწყებთ, რომ ეგ ჯარები მაშინ შეიქმნენ ნაპოლეონისთვის საშიშონი, როცა თავის დროშებზე დააწერეს სიტყვა: „სამშობლოს თავისუფლება“. როცა ისინი ბრძოლაში ამხნეებდენ თავის თავს: „ან უნდა მოვკვდე, ან მტერი უნდა გავდევნოთ ჩვენი ქვეყნიდანო“. წაიკითხეთ მართლაც მაშინდელი სიმღერები და დარწმუნ-

დებით. რომ იქ სულ სამშობლოს თავისუფლება არის აღმკული და გალექსული.

— ჩემის აზრით უფრო ზარბაზნებმა, თოფებმა და მხნე მეომრებმა გააგდეს ნაპოლენ პირველი ევროპიდან, სთქვა დაცილებით კიკოლიკმა.

— ამდენს ხანს ვლაპარაკობ და ჩემი ძირითადი აზრი კიდევ ვერ გაგაგებინეთ. თქვენ ისე ლაპარაკობთ, თითქოს მე იარაღის და გაწვრთნილი მხედრობის წინააღმდეგი ვიყო. თუ ასე ფიქრობთ, სრულებითაც ვერ მიმხვდარხართ ჩემს აზრს. მე ვამტკიცებ: რაც უნდა კარგი გაწვრთნილი ჯარი იყოს, თუ ბრძოლაში გული არ ეწვის სიმართლისათვის, ის კარგად ვერ იბრძოლებს. ამისთანა ჯარს გაუწვრთნელი შეიარაღებული ხალხიც მოერევა. თუ ის თავის სამშობლოსთვის, თავის კერისთვის და ცოლშვილის დასაცველად იბრძვის. მაგრამ როდესაც კარგად გაწვრთნილი ჯარი თავის სამშობლოსთვის, თავის ქვეყნისთვის და თავის მონათესავე და მოძმეებისთვის იბრძვის, იმას რაღა ემჯობინება! იმას მაშინ ვერაფერი ვერ მოერევა. ამისთანა ჯარს ჰქვიან სახალხო ჯარი: ამისთანა ჯარს ეწოდება შეიარაღებული ერი თავის მიწა-წყლის დასაცადად. ქვეყანაში თუ იყოს ჯარი, ისეთი, რომ შიშინაობის დროს მხედრად იყოს და მშვიდობიანობის დროს მუშა. მშრომელ ხალხად. ყოველი ომი მხოლოდ მაშინ არის გასამართლებელი: როდესაც ქვეყნის დასაცველად არის ამტყდარი. სხვა ომი-კი ყველა ღმერთმა დასწყევლოს, ომი. რომელიც არის სხვა ქვეყნის დასაპყრობად აღძრული, ის ომი არის წყევული. იმისთან ომში მებრძოლნი არიან ხალხის სისხლით შესვრილნი და ადრე თუ გვიან რომ არ გადახდესთ ეს უსამართლობა. არ იქნება. მაშინ ჯარი ხდება ერთი ვისიმე ნების ამსრულებელი, ერთი ვისიმე უსამართლოების ქვეყნად გამტარებელი იმისი კვალიც ბოროტებით არის აღბეჭდილი. ამისთანა ჯარს და მხედრობას გმირული სული არ უდგია. ის არის. მგლების ხროვის მსგავსი და ადრე თუ გვიან მგლებივითაც გაირეკებიან ქვეყნიდგან. აი. ჩემი აზრი ეს არის. მაშ გარიბალდი ახლა ამისთანა მგლების მელეტელი და წინწამრეკია. რა დიდი აზრი უნდა ამას, რომ ამ გარემოებაში გარიბალდი ბრძოლას მოიგებს! — დიდის აღტაცებით გაათავა ხ...სკიმ თავისი ბაასი.

კიკოლიკმა ველარა სთქვა-რა. ის უწინდულათვე ცხვირაწული დადიოდა ოთახში.

— მე ამ საღამოს ძალიან დამაგვიანდა. — ცოტა ხანს შემდეგ ხმა-დაბლად წამოიძახა ხ...სკიმ, მოაელო ქუდს ხელი და წამოდგა წასასვლელად. კიკოლიკმა სტაცა ხელი და დაუწყო ღრითინი: “ნუ

მიხვალ, 'ჯერ აღრეა', თუმცა ერთი მინუტის წინად ისე ექირა თავი-რომ გარეშე კაცს შეეხედნა, იფიქრებდა. ეს კაცი ამ კაცის მტერიაო. ხ...სკის არ იამა ამისთანა პატიეი. მით უფრო. რომ კიკოლიკის უგნურმა ამაყობამ თან-და-თან უფრო გააბრაზა და გულში გადააწვეტი-ტინა, კიკოლიკი ისეთს გზაზე ადგია, რომ ჩემისთანა კაცები მაგის-თანა კაცებს მტრობის მეტს არას უნდა უკეთებდნო. იმან კიდეე უფრო ძალდატანებით გასწია შინისკენ. მაგრამ რამდენადაც უფრო იწევდა ხ...სკი, იმდენად უფრო ეპატიეებოდა კიკოლიკი დარჩენას, თუმცა, რომ დარჩენილიყო, ორივე ცხვირ-ჩამოშვებულები უნდა ყოფილიყვნენ ერთმანეთზე. ტკბილად ლაპარაკი იმ საღამოს იმათ არ შეეძლოთ. კიკოლიკი კარგად ჰგრძნობდა ამას. მაგრამ მაინც ეპატიეებოდა. ამდენად კეთილი გულის იყო კიკოლიკი! ხ...სკიმ აღარ მოიცადა, იმან თავი წალუნა და კიკოლიკისათვის აღარ შეუხედავს. მერე უცბად გამოაქანა ჩვენკენ ხელი. მე და ჩემმა ამხანაგმა დიდი სიამოვნებით შევეცინეთ იმის განათლებულს და მალალ-შუბლიანს სახეს. იმ დროს სწორედ მინდოდა, მოვხვეოდი ამ კაცს კისერზე. მინდოდა ასე კისერზე შემოხვეული გავეტაცე შორს, შორს. რომ აღარც კიკოლიკი დამენახა და აღარც ჩვენი კავკასიელები. იმ საღამოს ამ კაცმა სწორედ მოიტაცა ჩემი გონება.

როდესაც ხ...სკი წავიდა, რამდენიმე მინუტი ისეთი სიჩუმე და-დგა, რომ ბუზის ფრენას გაიგონებდა კაცი. კიკოლიკი ისევ ფეხებს იმტვრევდა სიარულით: ეტყობოდა, რომ არ იყო მოსვენებული. ყველანი თითქოს რაღაც დანაშაულსა ვგრძნობდით. დიდი ხანი არ არის. რაც ჩვენთან ლაპარაკობდა ის გონება-მიმზიდველი სტუდენტი ევროპის საპოლიტიკო საქმეებზე, ისე გულ-მხურვალედ. ისე ტკბილად და ისეთის საბუთებით, რომ ჩვენ ახალ-ჩამოსულებს სიზმრადაც არ მოგვზმანებოდა ამისთანა ბაასი. მე და ჩემი ამხანაგი მომეტებული სიამონებით გაშტერებული ვიყავით. „ნეტა სად უკითხავს-მეთქი ამდენი ხ...სკის, — ვამბობდი ჩემს გონებაში: — ნეტამც რამდენიმე თვე იმასთან მაცხოვრა, რომ ყოველდღე შემეძლოს იმისი ყურის გდება. თვალის დევნება მეცხიერულ განვითარებაში! ოჰ. რამდენს ვკითხავდი, რამდენი წიგნის სახელს ჩავიწერდი, რომ შემდეგ ყველა ისინი გამეზეპირებინა და მეც ხ...სკისთანად შემეძლებოდა ლაპარაკი და საბუთების მოყვანა-მეთქი.“ ამ დროს იმის მკვერმეტყველს, აზრით გაცხოველებულს პირისახეს რომ წარმოვიდგენდი და შევადარებდი კიკოლიკის ცხვირ-გძელ სახესა. რომელიც სითვალხარბისა და ხელ-შოკლე თავმოყვარების გამო ხან წითლდებოდა და ხან ყვითლდებოდა, უნებურად პირს იჭით მივიქცევდი, რომ ეს უხეირო სახე მეორედ

აღარ დამენახა. საკვირველი იყო, კიკოლიკის დანახვაზე იმავე წამს მომაგონდებოდა მთელი ჩვენი საზოგადოება, ღიმიანის შაგირდებიდან დაწყებული დიდებამდის, სადაც ერთი მეორეს ძაგებისა და კორობის მეტს არას აკეთებდენ.

— კარგი სტუდენტია ხ...სკი, რომ ერთი ნაკლულევანება არ სჭირდეს. — წამოიკრინა კიკოლიკმა. მე თვალები გაუშტერე, მეტისმეტი უკმაყოფილებისაგან კითხვაც ველარ მოვახერხე, რათა-მეთქი? ვთქვი გონებაში რაც უნდა დიდი ნაკლულევანება სჭირდეს. შენ მაინც რა ნება გაქვს. შენიშნო? რაც იმას ფრჩხილში ცოდნა აქვს, იმდენიც არ გქონია-მეთქი.

— როგორ, რა ნაკლულევანება აქვს? — ჰკითხა ერთმა ჩვენებურმა წვერიანმა სტუდენტმა, რომელიც სულელ თხასავით გამოშტერებული შესცქეროდა ხ...სკის და მთელი ის დრო. რაც ხ...სკი ჩვენთან დარჩა და ლაპარაკობდა, თხასავითაც კიკინებდა, ალბად მოწონების გამოსაცხადებლად. სხვა ხმა არა ამოუღია-რა, სანამდის ხ...სკი არ წავიდა.

— ისა, რომ ერთობ ბევრს ლაპარაკობს და საგნიდან საგანზე გადახტება ხოლმე. ჩვენ იტალიის საქმეზე ვლაპარაკობდით და ის ამერიკის ისტორიაზე გადახტა. საიდან სადაო, წმინდა საბაო? — ქრიტიტით თქვა კიკოლიკმა.

— ჰო, ეგ-მართალია, ეგრე არის! — დაჰკრა კვერი თხის-წვერა სტუდენტმა.

მე, სწორე გითხრა, სისხლი ამივარდა თავში. თუმცა ბევრი არა მესმოდა-რა, მაგრამ ხ...სკის დამტკიცებებს მაინც კარგად ვადევნებდი თვალ-ყურს და ამერიკის ისტორია ჩემის აზრით ერთი უცხადეს საბუთთაგანი იყო, რომლითაც იმან დაურღვევლად დაამტკიცა თავისი აზრი. ვთქვი გონებაში, ეს კიკოლიკი სწორედ მექორობს-მეთქი, მაგრამ იმ წუთს-კი ვერ წარმომედგინა, რა განზრახვით ძაგებდა სულ ტყუილა-უბრალოდ იმ პატიოსან კაცს. ყველაზე უფრო ამალელვა სულელურმა დამოწმებამ თხის-წვერა სტუდენტისამ. ვთქვი, ნუ თუ ამისთანა გამოსულელებულიები არიან ყველა ჩვენი უფროსი მოძმენი. რომელნიც თავიანთ დედ-მამას აქვთ გამოუგზავნია და ოთხი-ხუთი წელიწადი სულ ტყუილა-უბრალოდ უთელავსთ უნივერსიტეტის იატაკები-მეთქი.

— ამას გარდა მოცრუებაც იცის. — განაგრძო კიკოლიკმა. — მაგალითად, იმან რომ თქვა: „ექვსი ათასი ჯარი გაგზავნა ამერიკაში საფრანგეთმა“, საიდან დაიმახსოვნებდა, თუ არ მოეცრუებინა? მეორე, „ფლოტის აღმირალს დე-ტერნე ერქვაო“. თქვენი შერცხვე-

ნილი ვიყო, თუ მე ეგ სახელი გამეგონოს, თუმცა შლოსსერის ისტორია ხუთჯერ მაინც წამიკითხავს. მესამე, „ინგლისის მხედართ მთავარს კორნუელისი ერქვაო“; კორნუელისი კი არა, ბურგონინი ერქვა სახელად. მე ეს კარგად მახსოვს. სულ ესეები იმან მოაქორა. არ მინდოდა, გამეწითლებინა, თორემ, მოგეცა იცოცხლე; მე იმას ცხვირში წავადენდი იმის სიცრუეს. მერე, რას ამტკიცებდა? ომში გავარჯიშებულს; გაწაფულს სალდათს უბრალო კაცი აჯობებსო.

— ეგ-კი ძალიან სიცრუეე მოუვიდა, მაგრამ რა გაეწყობა! — დაჰკრა კვერი კიდევ თხის-წვერა სტუდენტმა.

— მოდი და ახლა შენ გაუსინჯე იმას ქკუა! — სიამაყით წამოიძახა კიკოლიკმა. — ეგ რომ აგრე ყოფილიყო, ეს სახელმწიფოები ამდენს ფულს და ხარჯს რათ ჩალუპავდენ მუდამი ჯარის ყოლაში და წვრთნაში?

მე აქ ველარ მოვიტმინე და ვუთხარი: ის მაგას კი არ ამტკიცებდა, რომ თავის ქვეყნისთვის მებრძოლი კაცი, გამოუცდელიც რომ იყოს ომში, მაინც კაცს შეაკედება. მაინც საშიშია. გაბრაზებული კაცი თავის ცოლ-შვილის სიკვდილით და მიწა-წყლის წართმევით უფრო ბევრს ვაჟაკობას ჩაიდენს, ვინამც გაწვრთნილი სალდათი, რომელიც მარტო სხვისი ბრძანებით მიდის მტერზე.

— არა, ყმაწვილო, — გულ-ჩქარად მატაკა კიკოლიკმა წინააღმდეგი პასუხი, — ეგ როგორ იქნებოდა ჩენი ბაასის საგანი. მაშინ მე სულ უგუნურს დაუძახებდი, ეგ რომ ეთქვა. მგელი ან ვეფხვი, რაც უნდა გაბრაზებული იყოს, ერთი ტყვია ეყოფა. — ვითომც მაგალითით ამიხსნა ჩემი უსაფუძვლობა კიკოლიკმა. მე გავწითლდი და არა ვოქვი-რა: მაგრამ გულში სულ ამ ორ სიტყვას ვიძახდი — ბურგონინი და კორნუალისი. ცოტა ხანს იქით. ავდექით, და მე და ჩემი ამხანაგი გამოვემშვიდობეთ.

— სად მიდიხართ. ყმაწვილებო? ახლა ამ ღამეში სადღა წახვალთ? მოდი. აქ მოისვენეთ ამაღამ. — გეკითხა კიკოლიკმა. მე და ჩემმა ამხანაგმა გამწარებით გავიქნიეთ თავი; არ დავრჩებით-მეთქი.

— ყრწვილებო. მოავიდოდეთ ხოლმე ხშირად ჩემთან. — სთქვა მზრუნველობის ხმით კიკოლიკმა. ჩვენ სწრაფად გამოვარდით კიკოლიკის სახლიდან და მოვექუსლეთ.

— ვაი, რა უგუნური ყოფილა! სულ არა სკოდნია-რა კიკოლიკს! — მელაპარაკებოდა ღამეში ჩემი ამხანაგი.

— როგორ დაამტვრია, როგორ გააჩერა, ხმა აღარ ამოაღებია ხ...სკიმ! — იძახოდა აღტაცებული ჩემი ამხანაგი. — მე ხვალვე წავალ უნივერსიტეტის ბიბლიოთეკაში და მთელი დღე სულ ფურცლა-ფურცლად გადავშლი, რომ ამერიკის განთავისუფლების ომის მოთხრობა

მოენახო, დავუჯდები და ბოლომდის ჩაეკითხავ, რომ დავრწმუნდე: ხ...სკი მართალია თუ კიკოლიკი უგონებდა, სტყუისო, ჩვენ გასაგონებლად. მე დარწმუნებული ვარ, ის უტკობდა ხ...სკის.

— ის თუ მართალი ყოფილიყო, — მე უთხარი: — რატომ მაშინ არ ამხილა, როცა ხ...სკი ბაასობდა. რომ წითლდებოდა და ყვითლდებოდა სირცხვილისაგან, როგორ მოუთმენდა, როგორ არ დაუმტკიცებდა, თუ მართლა ხ...სკი ცრუობდა; მაგრამ, როცა ის წავიდა და მოპასუხე არაინ ჰყავდა, მაშინ დაიწყო კორები. მოდი, თუ ძმა ხარ, ერთად ვიკითხოთ: ხვალ მეც წამოგყვები უნივერსიტეტში, მეც ძალიან მინდა მართლის შეტყობა, — ვუთხარი ჩემს ამხანაგს და ამ ამბით მივედი თინ.

მეორე დღეს დილა აღრიან ავატანეთ მე და ჩემმა ამხანაგმა და გავსწიეთ უნივერსიტეტისაკენ. შევედით თუ არა უნივერსიტეტის ზალაში, ბიბლიოთეკარი წინ შემოგვხვდა; ვსთხოვეთ მას, ბიბლიოთეკაში შევეყვანეთ, მოვითხოვეთ ყველა ახალი ტომები შლოსსერის ისტორიისა და დავუჯექით საძებრად. ცოტა ხანს იქით ჩემმა ამხანაგმა მომაყვირა ალტაცებით, „ნაშოლ“-ო. მართლაც იმას ჰქონდა გადაშლილი მესამე ტომი შლოსსერის ისტორიისა და ზედ ეწერა: „ამერიკის კოლონიების მოწყვეტა და ლონდონის მოქალაქეებთან ბაასი“. დავუწყეთ გულ-მოდგინეთ კითხვა და ბოლომდის ჩაეაბულბულეთ. გამოჩნდა, რომ სერეტოგს მართლაც ბურგიონი თავისი ჯარით დაეტყვევებინათ ამერიკელებს. მაგრამ ეს პირველი დიდი გამარჯვება ყოფილიყო ამერიკელებისა; მეორე უფრო დიდი გამარჯვება იორკტონს ყოფილიყო. სადაც ვაშიგნოტს მართლაც საუკეთესო ლენერალი კორნუალისი თავის ჯარიანათ ტყვეთ წამოეყვანა. კიკოლიკის პირველი გამარჯვება ამერიკელების დამახსოვნებოდა და მეორე-კი არა. ხ...სკიმ ორივე გამარჯვება მოახსენა თავის ბაასში; მაგრამ ბურგიონის სახელი თურმე არა სთქვა, რადგან კორნუალისის დატყვევებას უფრო დიდს პოლიტიკურს მნიშვნელობას აძლევდა. მართლაც ასე იყო. კორნუალისის დატყვევების შემდეგ ინგლისი დარწმუნდა, რომ ამერიკელებთან ბრძოლა შეუძლებელიაო და ხელი აიღო თავის კოლონიასზე. წარმოიდგინეთ, რომ ხ...სკი სხვებშიაც მართალი გამოდგა, რაშიც კიკოლიკი იმას ცილს სწამებდა. მართლაც, რომ საფრანგეთს ექვსი ათასი ჯარის-კაცი გაეგზავნა ამერიკელების მოსახმარებლად, ამათს მხედართ-მთავარს რომამბო ერქვა სახელად და ფლოტი ჩებარებინათ მართლაც დე-ტერნესთვის. ამ სახით დამტკიცდა, რომ კიკოლიკს ხუთჯერ კი არა, ერთჯერაც არ წაეკითხნა შლოსსერის ისტორია, იმან ხ...სკის ჩორები დასწამა ჩვენს თვალწინ, ალბათ ეგონა, ჩვენ ვერ შევასწორებდით იმ ბაასს და ჩვენ თვალში იმიტომ გამოი-

კვანა სულ ცრუ კაცად, რომ ხ...სკისაგან მიღებული შთაბეჭდილება ჩვენზე გაექრო და თავისი თავი ისევ აღედგინა ჩვენ თვალწინ. მაგრამ ამ შემთხვევის შემდეგ კიკოლიკი სულ დაეცა ჩვენს აზრში. ის გამოჩნდა თვალხარბი, რომელმაც თავისი სარგებლობისათვის ხ...სკის ტალახში ჩაგდების სურვილიც არ ითაკილა. ამის შემდეგ კიკოლიკთან აღარ წავსულვართ მე და ჩემი ამხანაგი. ჩვენ გავიკვალეთ გზა გზა თვითონ ხ...სკის სადგომისაკენ და ამის შემდეგ დღე და ღამე ძილი აღარ გვქონდა. როგორც-კი მივიდოდით ამ ჩინებულ სწავლულ კაცთან, ის ან წიგნებით გარშემოწყობილი დაგვხვდებოდა, თვითონ-კი სწერდა ან კითხულობდა, ან და გულ-ცხარედ უმტკიცებდა ხოლმე თავის ამხანაგებს რომელსამე შესანიშნავს ისტორიულს გამოკვლევას.

დრო მიდიოდა და ჩვენ თანდათან უფრო გავებით საპოლიტიკო და ისტორიული თხზულებების კითხვაში: ამასთანავე ჟურნალები და გაზეთები ხელიდან არ გამოგვიცილებია. ჩვენ ამ პერიოდული გამოცემებიდგან ესწავლობდით თანამედროული ევროპის სახელმწიფოების პოლიტიკურ ცხოვრებას. ხ...სკი დიდხანს აღარ დარჩენილა უნივერსიტეტში, იმან გაათავა თუ არა კურსი, მაშინვე გასწია თავის ქვეყანაში, მაგრამ იმისგან მომხდარი შთაბეჭდილება თანდათან გვიცოცხლდებოდა, იმის მკერამეტყველური სახე ცოცხლად გვიდგა თვალწინ და, როდესაც ახალ-ახალ ქეშმარიტებას ვიკვლევდით, სულ ასე ვამბობდით: ეს საბუთებად გამოგვადგება ერთ დროს, როდესაც ხ...სკივით ჩვენც დავუწყებთ ჩვენ უმცროსებს თვალის ახელას-მეთქი და რაც უფრო ბევრს ვკითხულობდით და ესწავლობდით, გვეგონა თუ, იმდენად უფრო შორს ვიყავით სწავლით და ცოდნით ხ...სკიზე. ეს წადილი და გაჯიბრება კიდევ უფრო დიდ მხნეობას გვაძლევდა შრომაში. ბოლოს ხ...სკი და მისი ცოდნა თილისმის კვერცხად გადაგვექცა, რომელიც იმდენად შორს მიგორავდა, რამდენადაც უფრო ჩქარა მივისწრაფოდით იმისკენ.

III

— სწორედ გიყია ეს კაცი, — დაიწყო ხმა მალლა ლაპარაკი კიკოლიკმა, როცა ერთ საღამოს, დიდხანს კიკოლიკთან ბაასს შემდეგ, ხ...სკიმ თავი დაგვიკრა და გამოგვესალმა. — რაებს ლაპარაკობს? გონიერი კაცის აზრში მოსასვლელი არ არის. კაბუკი, რაც უფრო გაირყენება, ის სჯობიაო. არა, ეგ მალე გაგიყდება. მე დარწმუნებული ვარ, რომ ამ ორ დღეში მაგას სიგიჟე მოუეა. მგონია. ახლაც-კი ეტყობოდა ცოტათი: ვერ შენიშნეთ, რა ძალან აბრიალებდა თვალებს?

ნახავთ, ამ ორ დღეში მაგას რა მოუვიდეს. ძალიან ატაცებულია, ძალიან!

— შენ სულ მაგრე იცი, რატომ პირში არ ეტყვი ხოლმე, ზურგს უკან რომ მოყვები იმის ძვირს? — უთხრა გაცხარებით კიკოლიკს ჩემმა ამხანაგმა.

— პირში თქმა სისულელე იქნება და ცოდვაც არის, შეიძლება, ჩემი მხილებით კიდევ უარესად შეირყვას.

— არა, ეგ, ჩემის აზრით, უსინდისობაა. კაცის ძვირს ამბობ ისე, რომ იმან არ იცის და საშუალებაც არა აქვს, რომ შენი უსაფუძვლო აზრი დაავრდიოს. ეგ მოქორებაა. იმასთან ლაპარაკში ენა არ გიჭრის და, მგონია, იმიტომაც ლაპარაკობ იმის ზურგს უკან. ეს რამდენჯერაც დამიგდია თქვენთვის და იმის ბაასისათვის ყური, ყოველთვის უჯობნია იმას თქვენთვის და, თუ გიყი იყოს, როგორ არის ეს?

— გიჟმა რაც უნდა ილაპარაკოს ვინ გასცემს პასუხს, ვინ მოუვლის თავს? — სთქვა გაცხარებით კიკოლიკმა. — ნეტამც ეს ახალგაზრდები არ აეყოლებინა და იმას ჯანდაბამდისაც გზა ჰქონია!

— დიკარგე იქით! ხუთი წელიწადია აქ ხარ და ლექციების მეტი არა გისწავლია—რა. თქვენ როგორ წამოდგამთ ფეხს იმასთან? — კიდევ უფრო გაჯავრებით უთხრა ჩემმა ამხანაგმა.

ამ სიტყვებმა სულ აღმული აუდინა კიკოლიკს, მაგრამ პასუხი აღარ გაუცია; მხოლოდ ის მიუბრუნდა თავის ამხანაგებს და დაუწყო იმათ ძვირის ლაპარაკი ხ...სკიზე.

— ეგ ყოველთვის ეგრე იყო ატაცებული. თავის დღეში მაგას მოსვენება არ ჰქონია. რამდენი ახალგაზრდა კაცი გააუბედურა მაგან. ჩაიგდებს ხელში ამათთანა ახალმოსულებს (ჩვენსკენ მოაშვირა თითი) და რაც მათ მოეწონებათ, სულ იმას ელაპარაკება. გაიტაცებს, მაშ რასა იქს? მე ცოტალა ხანი დავრჩები აქ, მაგრამ თქვენ ისე უნდა მოახერხოთ, — უთხრა მოზილ კავკასიელებს, რომ ეგ კაცი თქვენს წრეში აღარ შემოუშვათ, თორემ სულ აგვირ—დაგვირვეს სწავლის საქმეს.

— დიალ, სწორედ ეგრე უნდა ექნათ, — მიაყვირეს ყურმოჭრილ ყმებსავთ მოზილმა კავკასიელმა სტუდენტებმა. ამის შემდეგ ბევრი ცუდი და საძაგელი ამბები ილაპარაკა კიკოლიკმა ხ...სკიზე, იმის მთვრალბაზე, გარყვნილ ცხოვრებაზე და სხვ. ძალიან შეგვეძაგდა ამისთანა ლაპარაკი, ამიტომ რომ სრულებით არა შეგვენიშნა რა იმისთვის, თუმცა ხშირად დავდიოდით უკანასკნელ ჟამს იმასთან. ამის გამო მე და ჩემმა ამხანაგმა საჩქაროდ ავიღეთ ქუდი და გამოვედით შეკრებილებიდან.

იმ დღეს აქეთ კიკოლიკი თითქმის აღარ მინახავს. ის მეორე კვირას სულ მზად იყო კავკასიას წამოსასვლელად. გამგზავრების წი-

ნალამეს კიკოლიკმა ყველა კავკასიელები და თავის ამხანაგები დაპატიჟა; მე და ჩემი ამხანაგი არ წავსულვართ. დიდი ამბავი, დიდი ღონი გადაეხადათ. ხუთი ბოთლი შამპანსკი გაეხსნათ, ყველას გაეკოცნა კიკოლიკი და მეორე დღეს იმისი ძველი ამხანაგები ძალიან ნაღვლობდნენ კიკოლიკის მოცილებას: „იმისთანა კარგი გულის კაცს და ტკბილს ამხანაგს ჩვენ ველარ ვიშოვნითო ამბობდენ ისინი.

IV

186...წელს ქალაქ ტ...ს კიკოლიკს დიდი ამბავი ჰქონდა. ის იყო ქალაქის საზოგადოებაში მოწონებული ახალგაზდა. ამბობდნენ, კიკოლიკისთანა გონიერი და დახედული ყმაწვილი ჯერ უნივერსიტეტიდან არ ჩამოსულაო. ეს ყმაწვილი კაცი ყველასაგან ძალიან კარგად იყო მიღებული. იმისი წარმოსადგენი შეხედულება, ლაზათიანი ყოფაქცევა, მუდამ მოცინარე პირისახე და ყოველ უფროსთან დაკრძალული სიტყვა-პასუხი ძალიან მოწონდათ. ის იყო მაშინ ღიმნაზიაში მასწავლებლად, მაგრამ გავლენის მქონე კაცებსაც ღიმნაზიის გარეთ ისე შეაყვარა თავი, რომ ბევრად უკეთესს ადგილს უმზადებდნენ. ცოტა ხნის შემდეგ კიკოლიკი გახდა კავკასიის სამთო შკოლების ინსპექტორად. ეს ადგილი პირდაპირ ჩემზე არისო გამოჰკრილი, ამბობდა კიკოლიკი. ჯამაგირი ბლომად ჰქონდა. ყოველ წლობით უნდა შემოევილო ნახევარი ნაწილი კავკასიისა. სამგზავრო ფულსაც ბლომად აძლევდნენ.

აპრილის გასულს 186...წელს, ერთ საღამოს, როდესაც კიკოლიკმა ზემოხსენებული თანამდებობა გაიკრა, მეტი არ შეიძლება, ისე კარგს ქეიფზე იყო, შემხვდა ტ...სის ბულვარზე და შინ მიმიპატიჟა. იმის თვალების წკურვამ და ხმადაბლად ლაპარაკმა შემატყობინა, რომ მართლაც და კიკოლიკს მძიმე რამ სალაპარაკო უნდა ჰქონდესმეთქი ჩემთან. წავედით. ოთახში რომ შევედით, ბნელოდა. ბიჭს უთხრა: „თუ ვინმე მოვიდეს, ასე უთხარი, შინ არავინ არის-თქო; სტაენები დახურე და ჩაი შემოგვიტანე“. მდივანზე დაეჯექით და წინ ორი სანთელი გვენთო.

— ერთი საიდუმლო მაქვს შენთან სათქმელი, — მითხრა კიკოლიკმა. — შენ ამისთვის გეუბნები იმას, რომ ხომ იცი, მე შენ ყოველთვის საქმის კაცად გთვლიდი.

ამისთანა შესავალმა ძალიან დამამძიმა, ვთქვი გონებაში, სწორედ დიდი რამე საქმე უნდა იყოს-მეთქი.

— მე სამთო შკოლების ინსპექტორად გამაწესეს.

— მერე? — ვკითხე მე.

— მერე და არ იცი, რა გამოვა აქედან?

— რა?

— ჰმ, როგორ რა?... მე ყოველ წელიწადს შემეძლება ჩვენს ხალხში ვიარო, გავიცნო, შევიტყო მისი გარემოება, იმისი აზრი.

— მერე რა? — ვუთხარი.

— როგორ რა, განა არ კმარა, რომ ხალხში ვიტრიალებ!

— რამდენი შენისთანა ჩინოვნიკები დადიან თავის საქმისთვის ჩვენ ხალხში, რა გამოვიდა?

— განა მე ჩინოვნიკი ვარ? ერთი რომ მე ჩინი არა მაქვს და მეორე, მე არასოდეს ისეთი ჩინოვნიკი არ გავხდები, როგორც ზოგიერთები არიან. მე ჩემი აზრი მაქვს.

— მითხარი, რა აზრი გაქვს?

— ხალხი გავიცნო, შკოლები კარგად გაემართო, დაბალი ხალხი გავანათლო, და თუ გონება გაქვს, კიდევ მიხედები, რა გამოვა აქედან.

— სრულებით არაფერი.

ამისთანა გადაჭრილი პასუხი მეტი არ შეიძლება, ისე ეწყინა კიკოლიკს. იმან ცოტა აჩქარებულად დამიწყო ლაპარაკი.

— თქვენ ასე გგონიათ, რომ კაცს როცა ჯიბეში არა უქყავა—რა, მაშინ უნდა დაიწყოს საზოგადო ასპარეზზე მოქმედება; მაგრამ მე არა... მე აგრე არ მგონია. ჯერ მუცელი უნდა გაიძლო, ჯიბეც გაივსო და მერე საზოგადო კეთილდღეობის საქმეს უნდა შეუდგე. აი, ახლა მე კარგა ბლომად მექნება ფული შეკრებილი. ამ წელს ერთ ას თუმანს მოვირჩენ. იცი, აქ ერთი ფულიანი კაცი ჩავიგდე ხელში, იმას შევეუამხანაგდი და ახლა კიდევ დავიბარეთ სტამბა. იმ ყმაწვილმა თავის ხარჯზე დაიბარა და მე მერე შევეუდგები.

ამისთანა სიტყვები, ცოტა არ იყოს, გულზე ტკილად მეცა. მე მართლაც ყური დავუგდე და წინააღმდეგ ლაპარაკს თავი მივანებე.

— ჩვენ თუ ერთი გაზეთი არ დავაარსეთ, უამისოდ საქმე არ გაკეთდება. გაზეთმა უნდა გააღვიძოს ჩვენი საზოგადოება, კითხვას შეაჩვიოს, ერთმანეთის აზრი გააცნოს, მკიდროდ შეაკავშიროს და კეთილი გავლენა მოგვაპოვებინოს ჩვენს საზოგადოებაზე. მაგრამ გაზეთი უსტამბოთ არ შეიძლება. ამისათვის სტამბა უნდა გავმართოთ. აი, რა განზრახვით დავიბარეთ ჩვენ სტამბა.

მე ამისთანა აზრებმა პირდაპირ გულზე მალამო მომცხეს. კიკოლიკმა ჩემი გული დაიმორჩილა იმ საღამოს ვთქვი, ვცხოვრობთ მეთქი, ვცხოვრობთ და უნებურად მდივანზე რომ ვიჯექი წამოვხტი.

— მაგრამ ყოველივე ესენი ჯერ ჩუმად უნდა იყოს, არავინ არ შეგვიტყოს, ხომ იცი, გაზეთი რა არის? ახლა მე უმაღლეს წოდებაში

დავდივარ, საუკეთესო გავლენის მექონე გვაგები გავიცნე, სულ რისთვის? ამისთანა საქმეების გასაკეთებლად, მაშ!

იმ საღამოს მე ძალიან მზიარულად შევექეცი კიკოლიკთან, სტუდენტურს ჩემს მოქმედებას ცოტა კრიტიკულად დაუწუყე განსჯა. რაც იქ სულის სიმდაბლედ მიმაჩნდა კიკოლიკში, ახლა სულ ერთიანად ყოველივე მივუტევე, ამიტომ რომ ძალიან გულგახსნილად მომეჩვენა იმ საღამოს. ვთქვი, ეს კაცი სამსახურშიაც საზოგადო კეთილმდგომარეობის საქმეს არ ივიწყებს-მეთქი. იმ საღამოს გავებით ხანგრძლივი ძუსაიფი კიკოლიკმა და მე ჩვენის საზოგადოების გაუნათლებლობაზე, ხალხის სისაწყლესზე; და ყოველსავე ამას მოვლებოდა ბოლო, ამის აზრით, თუ ფული გვექნებოდა. ფული, იმის აზრით, პირველი და უკანასკნელი ასო იყო ყოველი სიკეთისა. კიკოლიკი მელაპარაკებოდა ხმა-დაბლად, თითქმის ჩურჩულთ. ეტყობოდა, რომ თავის სიტყვებზე დიდს მნიშვნელობას აძლევდა. თვითონ თუმცა თავის თავზე მაგდენს არას ამბობდა, მაგრამ თვალების პარპარით, გადაკრული ლაპარაკით და ზოგიერთი ამბების გადმოცემით უმაღლესი სფეროდან, შემატყობინა, რომ მთელი ჩვენის ცხოვრების და საზოგადო განწყობილებას მავთულუბი ხელში მიჭირავსო. ამ ლაპარაკში შუალამეს ვ. თასკილდა. მე გზა დავულოცი და გამოვედი...

V

186...წელს მარტის ღამეა. გარეთ საშინელი ქარი ჰქრის. ერთს დაბალ-სარკმლებიან სახლში მოჩანს სტოლზე ორი სანთელი; ნაპოლეონ პირველის გრენადერების თავში ჩანთებული. ამ ბრონზის გრენადერებს თითონ წინ ხმალი ებიჯგა: ვითამდა, რაც ამ ხმლით აჯგილი წემოჯიქაზაეს მე და ნაპოლეონს, ის ყველა ჩვენი შთამომავლობის უნდა იყოსო; მაგრამ დახედეთ სოფლის სიმუხთლეს! თვითონ ნაპოლეონის ძელებს იმ დროს მყრალი ჭიები ხრავდენ და იმის გრენადერის თავი ხმლიანათ ერთ პაწაწა მანდლათ გადაქეუულიყო, რომელიც ედგათ სამს ახალგაზდა ყნაწვილს სტოლზე და ზანტ ბაასში გაერთობოდენ. ის იყო, კარგა ნოყიერი სადილიდან ამდგარიყვენ და თითოეულს მათგანს ედგა წინ ფინჯანი ყავა. ოთახში პაპიროსის ბოლი იყო გამდგარი.

— კიკოლიკო. ერთს კარგს საქმეს გირჩევ, თუ დამიჯერებ. სახელიც იქნება და უფრო სახრავიცა, — უთხრა მდივანზე მჯდომარე ახალგაზრდამ, რომელსაც ახლად ამოდიოდა უღვაშები. იმისი ღრმა თვალები და თხელი ტუჩები ცხადად ამტკიცებდენ. თუ ჯერ არა, ერთ დროს დიდი ანტიოხი, გაიძვერა სოვდაგარი უნდა გამოვიდესო.

ამ ყმაწვილს ახლად ჰქონდა მოვლილი საზღვარ გარეთი და იმისი გულის წადილი იყო, ისეთი პაწაწა საქმე გამოეწყო, რომ დიდი თანხა არ სდომოდა და კარგი მოგებაც ჰქონდა. ეფიქრა, ეფიქრა და საზღვარს გარეთ ამ აზრის მეტი ვერა მოეხერხებია—რა: მოდი, შინ რომ დავბრუნდები, ერთს პაწაწა შნოიანს სტამბას გავაღებო. იმას ძალიან მოსწონდა ეს თავისი აზრი. რაც საზღვარს გარეთ სტამბები დაეწყო, ყველა აზრში მოსვლოდა ყველაში ძალით მუშაობა შეემჩნია და როცა გამოეკითხა, ისე დიდი თანხაც არ სჭირდებოდა იმის გახსნას. იმან იქვე გაიცნო ერთი სტამბის მოხელე, რომელმაც პაწაწა სტამბის დახსნა დაუსვა ას ორმოცდაათ თუმნამდის. ამ ყმაწვილმა იფიქრა: ას ორმოცდაათი თუმნის სტამბა ჩემს სამშობლო ქალაქში უკანასკნელი ოც პროცენტს სარგებელს მაინც მომცემს, სულ რომ კული მაზანდა იყოს, და კარგს მაზანდაზე რატომ ერთ ნახევრადაც არ გადამექცევას. იმან იცოდა თავის სამშობლო ქალაქის მდგომარეობა. სადაც სტამბა ცოტა იყო და სამუშაო ბევრი. ეს ცნობები რომ შეკრიბა, წამოვიდა შინ და თავის სამშობლო ქალაქში ერთი სომხის დამტვრეული სტამბის მუშაობის გამოკვლევას შეუდგა და დარწმუნდა, რომ ეს დამტვრეული სტამბა, რომელიც ოთხმოცდაათ თუმნად სულ არ ღირდა, წელიწადში ორმოცდა ათ თუმნას ნაღდს მოგებას აძლევდა თავის პატრონს. ესეები რომ შეიტყო მელიქ-ალამ (ასე ერქვა იმ ახალგაზდა ყმაწვილს), გულში გადაწყვიტა, რაც უნდა დამემართოს, ჩემი ვაჭრობის ასპარეზი სტამბით უნდა დავიწყოვო. თუმცა საკუთრადაც შეეძლო ერთი პაწაწა შნოიანი სტამბის ყიდვა და გამართვა მაგრამ იმან მაინც იფიქრა, რაც შეიძლება, ცოტა ფული ეხმარა ამ პირველი სავაჭრო საქმისათვის და ამის გამო შეუდგა ამხანაგების შოვნას. მელიქ-ალამს ძალიან გამოცდილი მამა ჰყავდა ვაჭრობაში. თვითონ მამასაც უნდოდა, რომ შვილი ადრიადაცე გაწაფულიყო ამისთანა საქმეებში; მაგრამ, რადგან არ უნდოდა პირველშივე ფარსაგი ფული ჩაეგდო შვილის ხელში, იმან უთხრა: „შვილო, აირჩიე ერთი რამე საქმე, მე ერთ ორმოცდაათ თუმნამდის ფულს მოგცემ და აღებ-მიცემობა დაიწყე“. შვილი მოუყვა სტამბის ანგარიშს ყოველისფერს დაწვრილებით. მამას რაღაც არ ექაშნიკა სტამბის გამართვა: „ეგ, შვილო, მოგებას ვერ გაქნევენებს“, უთხრა მამამ უგემურად; მაგრამ, რადი შვილს ძალიან სურვილი შეატყო, უარი აღარ უთხრა: ჯანი გავარდეს, თუ მაინც და მაინც ფული დაიღუპება, დაიღუპოს, ორმოცდა ათი თუმანი რა უნდა იყოს! თუ ვერ იხეირა, ჰკუთას მაინც ისწავლისო. „ჰა, შვილო, ეს ორმოცდა ათი თუმანი მომიცია და ამხანაგები შენ იშოვნეო.“ მელიქ-ალამს ნასწავლი, რუსეთში ნამყოფი ახალგაზდობა უყ-

ვარდა. ეს ახალგაზრდობა, რაც უნდა ყოფილიყო, მაინც ბევრად სჯობდა იმ ვაჟრების შევირდებს, რომელთაც სუსტი აგებულების მელიქ-ალა თვალში ამორჩეული ჰყავდით და მუდამ უკეთინებდნენ. რუსეთში ნამყოფი ახალგაზრდა ყმაწვილები უფრო კაცთ-მოყვარენი გამოჩნდნენ. ამ შემთხვევაში მელიქ-ალას კიდევ ითვისებდნენ, ცოტა რამ ხეირიანი აზრებიც ესმოდა იმათგან და, რომ უფრო დაეახლოვებინათ თავის თავთან და დაემეგობრებინათ, ხშირად აკეთებინებდა ნოყიერ სადილებს, რომლებზედაც მელიქ-ალა იწვევდა ახალგაზრდა ყმაწვილებს. არც მამა ამბობდა უარს ამ სადილებზე, რადგან იმის შვილს თავად აზნაურების შვილებთან ჰქონდა მეგობრობა. „ეს არაფერია, თითო ჩემი სადილი მაგ ციბუტა ქართველის შვილებს თავის დროზე ათ-ათ სადილად დაუჯდებათ. მაცა ერთი ჩემი შვილი ჩემებურად გაეაჩიოა სოვდაგრულ საქმეებში,“-ო: ამას გარდა მამას, ცოტა არ იყოს. გულში კიდევ მოსწონდა, რომ მისი შვილი კნიაზებს და აზნაურებს მეგობრობდა მოქალაქის ბიჭ-ბუჭების მაგიერად და ამ სიამოვნებას მძღარი სადილებით ყიდულობდა.

— რას იტყვი, კიკოლიკო, — განუმეორა მელიქ-ალამ, — კარგი სტამბა რომ გაგიმართო?

— არ მესმის შენი ლაპარაკი. — უთხრა კიკოლიკმა.

— რა არ გესმის? მე აპრილის გასულს მივიღივარ საზღვარს გარეთ. მე და ბლუკუნას (ასე ერქვა ერთს იქ მდგომარე ახალგაზრდას) გვინდა სტამბის ყიდვა, თუ შენც შემოგვიდგები, ძალიან იაფადაც დაგვიჯდება და კიდევ მოვიგებთ.

— მე სად მაქვს ფულები?

— აი, სამსახურში რომ დაგნიშნეს, ფულები არ არის, მაშ რა არის? ნახევარი ჯამაგირი თავს აგდის და ნახევარი... ჩვენ, იმაზე ნაკლებსაც დაგჯერდებით... მოიტა წილში.

— ჯერ სად მაქვს? წლის გასელამდის საიდან მექნება?

— დარდი ნუ გაქ! შენ სიტყვა მოგვეცი, მერე შემოიტანო და მე დავხარჯაე შენს საწილო ფულს. — უთხრა მელიქ-ალამ.

— არა, ძმაო, მე გადასაყრელი ფული არა მაქვს.

— ოხერო, ჩვენ კი გვაქვს? — უთხრა გაცხარებით, რომ ველარ დაათანხმა კიკოლიკი.

— რა მოგება უნდა იყოს სტამბაში! — ჰკითხა კიკოლიკმა.

— თუ კი კარაპეტა თავის დამტკრეული სტამბით ორმოცდაათ თუმანს ნაღდ მოგებას იღებს. ჩვენ რა დაგვემართება!

— ვითამ ეგ მართალია? — ცნობის მოყვარეობით ჰკითხა კიკოლიკმა.

— დაწერილებით შევიტყვე, კიდევ იმიტომ ვკიდებ სტამბას ხელს, თორემ გიჟი ვარ, ფულები დაეაბნო. ვგრე ჰკითხე მამა-ჩემს!

— ჩვენ რა მოგება უნდა გვექნეს? რაც სამუშაოა, სულ კარაპეტას ექნება ხელში.

— კარაპეტა როგორ გეაჯობებს: შენ თითქმის ყველა სასამართლოების და დეპარტამენტის ჩინოფნიკებს იცნობ; აგრეთვე ბლუკუნაც; მეც კარგა ძალი ნაცნობები მყავს. ვეცადოთ ერთად და ოლონდ ახალი სტამბა გვექონდეს და უკეთესი ასოები. თორემ მთელი იმათი საჭირო ბლანკები ჩვენ გვექნება სამუშაოდ.

ეს დამტკიცებები რომ გაიგონა, კიკოლიკს თვალწინ წარმოუდგა ბაჯალღოები, რომელნიც სტამბის წყალობით იმის ჯიბეში ჩაჩხრიალდებოდენ. „სულ რომ არა იყოს რა, სტამბის პატრონს მიანიც დამიძახებენ, ტ...ში შექლებულის სახელი დამივარდება, ხუმრობა არის!“

— გაიფლო გუნებაში. კიკოლიკი ერთი იმ გონიერი კაცთაგანი იყო, რომელიც თავდაპირველად სამსახურს იმდენად არ სცემდა პატივს, როგორც სიმდიდრეს. უნივერსიტეტიდან ჩამოსვლისთანავე იმის იდუმალი განზრახვა იყო, რომ სამსახურში კარგს ადგილს ვიშოვნი, თვალ-ტანად კარგი ვარ, კურს დასრულებული, კარგი შთამომავლობის ახალგაზდა, რომელი მდიდარი მოქალაქე ან თავადიშვილი დამიჭერს ქალსაო? ახლა, როდესაც იმის მოცინარე თვალებს კარგი შემოსავლიანი სტამბის პატრონობა დაეხატა თვალწინ, თავის „უენიხობის“ ფონდმაც აიწია მის თვალში. „ერთ წელიწადს იქით, თუ სტამბა ფეხზე დადგა, ხუთიათას თუმნიან ნაკლებს ქალზე ჯეარს არ დავიწერ.“ ალბათ ესეები რომ კარგათ გულში მოისაზრა, მერე თვალებმა ციმციმი დაუწყო და უთხრა მელიქ-ალას:

— რამდენი დაჭირდება ჩემ საწილოდ სტამბას?

— ბევრი არაფერი: პირველში ორმოცდაათი თუმანი და მერე გასაწყობად იქნება ერთი ოცდაათ თუმნამდის კიდევ მოგთხოვოთ. ან არა და იქნება ისიც აღარ დაგვეჭირდეს.

კიკოლიკი მოიღუწა. იმას ჯერ ორმოცდაათი თუმანი თითქმის სულაც არ ენახა ერთად, მაგრამ, როდესაც მოისაზრა თავისი ასოთხმოცი თუმანი წლის ჯამაგირი ახალი თანამდებობისა და მერე გზის ფულიც სამოცი თუმანი ყოველ წელიწადში. თავი დააქნია და სთქვა, „კარგიო“.

— მაგრამ იცით, ყმაწვილებო! ერთს გირჩევთ. — უთხრა მელიქ-ალამ კიკოლიკს და ბლუკუნას: — როგორც რომ სტამბას მოგიტანთ და დავდგამთ, მაშინვე ზომ არ გამოგვიტყვერება საქმეები. პირველ ოთხ-ხუთ თვეს გარეშე მუშაობის იმედი არ უნდა გვექონდეს. ჩვენვე უნდა ვუშოვოთ სტამბას მუშაობა, თორემ ოთხ-ხუთ თვეს

სტამბის შენახვა თავის მუშებით დიდი ხარჯი იქნება. — აქ კიკოლი-
კი და ბლუკუნა შედგენ, თითქოს დიდი ლოდი დაედოთ გულზე. იფი-
ქრეს, იფიქრეს და ვერა მოიფიქრეს-რა.

— აი, რას გირჩევთ. — სთქვა მელიქ-ალამ: — მოდი. ერთი გა-
ზეთის ნება ითხოვეთ. თქვენს მეგობრებში ხელის მოწერა გამართეთ
და. მე დარწმუნებული ვარ, წინად ერთ ას თუმანს მაინც შევაგრო-
ვებთ, ეს ფულები სტამბას პირველში თავს ასდის. ამ ფულით უცებ
გავაწყობთ, რაც ეკლება, ყველაფერს შევაყვებთ, სახლს დავიჭერთ.
მუშების ქირა ოთხი-ხუთი თვისა ხელში გვექნება, ქალაღდაც წინ-
დაწინ ვიყიდით და მერე წავა, როგორც გინახავს გაკვერილი გზა.

— ეგ, ძალიან კარგი მოიგონე შენ, ეგ სწორედ სახელიც იქნება
და სახრავიც, — წამოიძახა სიამოვნებით კიკოლიკმა. — აი, ჩიტორე-
ლიძემ ეგრე არა ქნა. ჟურნალის გამოცემის ნება აიღო, მერე თავის
მეგობრებში ხელის მოწერა გამართა. მთელ ქართლ-კახეთში და იმე-
რეთში ოთხი თვის განმავლობაში ხუთასი ხელის მომწერი იშოვნა
და წინდაწინ ორასი თუმანი ნაღდი ფული მოაგროვა.

— ეეგ... მმე... მკითხეთ, — წამოილულულა ჯაყრიანად ბლუ-
კუნამ. — ფფუ..ლე..ბს როო..მ იღებდა, მეც იქ აარ... დდ..დდ..ავეს-
წარი?... რომ აალარ...ეეტეოდა, რრ... რვა ჯიბე გგ...აიკეთა ჟილეტ-
კაში დდა შალვარში. აქაც ჩაიტენა, აქაც და აქაც! — გაშალა ხელები
ბლუკუნამ და ჯერ ჟილეტკის ორ ზედა ჯიბეზე მიითითა ხელი. მერე
ორ ქვედა ჯიბეზე; მერე შალვარის ჯიბეებზე და მერე სერთუკისაზე.

— ეგ ძალიან კარგი მოიგონე შენ, მელიქ-ალა, — სთქვა სია-
მოვნებით კიკოლიკმა, — რედაქტორსაც მე გიშოვნით. ამ ცოტა ხან-
ში ერთი ახალგაზდა ყმაწვილი ჩამოვიდა რუსეთიდან და მაგისტანა
საქმისათვის ხორციის კანკს იქამს. ისეთი სურვილი აქვს ლიტერატუ-
რული შრომის. იმას რომ ოცდაათი მანეთი გაუჩინოთ თვეში, თავს
ასდის. თითო ნომერს კვირაში ძალიან ადვილად შეადგენს. ესეც უნ-
და ვიცოდეთ, რაკი რომ სტამბა გვექნება, ხარჯიც ძალიან ცოტა მოგ-
ვიკა. ჩიტორელიძემ იმიტომ დახურა თავისი ჟურნალი, რომ სტამბა
არ ჰქონდა თავისი და სხვის სტამბაში ძალიან ძვირად უჯდებოდა
ბეჭედვა.

— ეეგ... მმე... მკითხო! ჩჩი..ტორელიძე ძძალიან უუსინდისოთ
მმოიქცა! რროგორც ჩჩა...იგდო ფფული ხხ...ელში. მმა...შინვე მმოყვა
ფფლან..გვას დდა ცცოლის შერთვას. სსა...მთვესაც აარ... გვაყოლია
შშ...ემოსული ხხელის მომმ...წერლების ფფუ...ლი. მმერე სულ ვა-
ლით გგამოსცა ეერთი წწლის გგ...ანმავლობაში და ბბოლოს თთავის
უუთავბოლოობით მმეტი რრა უუნდა ექნა, ძძა...ალათი უუნდა დდაეხურა

თთავის ჟურნალი. მაშინ ძალიან უსინდისოთ მოიქცა ჩიტორელიძე!
— დაამატა გაბრაზებით.

— მართლა, რა ქნა იმ კაცმა? რა მშვენიერი ჟურნალი დალუპა უდროვოთ. როგორ გააცოცხლა ჩვენი მკითხველები! ყველანი აღტაცებულნი იყვნენ იმითი! — სთქვა თავის გადაქნევით კიკოლიკმა.

— ეჰ, ერთი თქვენც! მაშინ მწერლობა ქართველ კნიაზებში და კნენებში მოღად იყო. ჩიტორელიძეს ცოლი უნდოდა შეერთო, კარგი მზითვიანი ქალი, სამსახურში კარგი ალაგის შოვნის იმედი არა ჰქონდა და ჟურნალის გამოცემა მოინდომა. გამოსცა კიდეც. ერთი ორასი თუმანი ხელში ჩაიგდო ხელის მომწერლების ფული; ამ დროს ცოლის შერთვაც მოახერხა და მერე რალა ჟურნალის ეცხელებოდა, წლის გასულს კიდეც დახურა, — სთქვა მელიქ-ალამ.

— პპპა..ადლეც! იი..მან წწა..ახდინა ახალგაზრდობის სსა..ხელი, — სთქვა ჯავრიანად ბლუკუნამ.

— ჩვენ უფრო პრაქტიკულად უნდა მოვიქცეთ, რაკი რომ გაზეთს გამოვეცემთ, ვლარ უნდა დაიხუროს, თორემ ხალხში თავს ველარ გამოვეყოფთ, — სთქვა კიკოლიკმა.

— თქვენ ერთი გაზეთის წყალობით პირველ შემთხვევაში ფული მაშოვნინეთ, რომ სტამბას პირველში არა გაუქირდეს—რა და მერე როცა გარეშე მუშაობით სტამბა ფეხზე დადგება, გაზეთს სულ ტყუილად დავბეჭდავთ, უფასოდ, ზარალი მაინც არ გვექნება და სახელიც იქნება.

— ძალიან კარგი. ჩვენ, მე და ბლუკუნა, ვიკისრებთ მაგ საქმეს: გაზეთის გამოცემის ნების მიღებას შევეუდგებით და შენ დაეჩქარე. საზღვარს გარეთ წასვლას.

— მაშ შემოდიხარ ამხანაგად? მოდი ხელი დაჰკარი! — უთხრა მელიქ-ალამ კიკოლიკს.

— კარგი. ჩემ საწილოს, როგორც უკან მობრუნდები. მაშინვე მიიღებ, — უთხრა კიკოლიკმა.

აქ ამ სამმა ამხანაგმა პირობა დასდვეს, რომ სტამბა უნდა გაემართათ და გაზეთი გამოეცათ. ამ პირობის დადების შემდეგ ყმაწვილები დაიშალენ.

კიკოლიკი ძალიან გახარებული გამოვიდა მელიქ-ალის სახლიდან. „მე თავის დღეში ვერ მოვიფიქრებდი ამისთანა საქმეს, — მოდიოდა და მოლაპარაკობდა ღამეში. — მე რა? მე სრულებით თითქმის არა მეხარჯება—რა. სულ რომ საძაგელი სტამბა იყოს, ორმოცდაათი თუმნისა მაინც მექნება წილად. თუ ვინღაც კარაპეტა შოულობს სამუშაოს სასამართლოებისაგან, ჩვენ რა დაგვემართება? ის კი არა, სულ ერთიანად გამოეაცლით იმას ხელიდან მუშაობას. მერე ქართული გა-

ზეთი, მერე საზოგადოებაში კეთილი ხმა... ერთი სიტყვით, რაღა. საქმე იჩარხება... ბედის ბორბალი ერთობ ჩქარა მიგორავს ჩემ წინ...ს...ს ქალი ინსტიტუტში გაისად გაათავებს კურსს. ამბობენ, ხუთი ათასი თუმანი აქვსო მზითვეი... კარგი ლამაზი შევევრემანი ქალია... როცა ინსტიტუტში შევიდვარ, პირველად ის შემომეგებება, ცოცხლად მეტყვის ხოლმე, „Здравствуй, г. учитель, здравствуй!“ მერე გადიკისკისებს და მერცხალივით ჰკრავს ნავარდს და გაფრინდება ჩემ თვალ წინ. ასეთი საცოლო იქნება, რომ...“ — და ამ სიტყვაზე ხელზე იკოცნა... დახე იმ წიტიანს გალეულს მელიქ-ალას, როგორი აზრები მოგვცა! სწორედ მოხერხებული და გონიერი ბიჭია. რომ სტამბა კარგი სასარგებლო საქმე არ იყოს, მამა როგორ ურჩევდა. ახლა, როგორც სჩანს, მანაც თანახმა გახდომია, თორემ მელიქ-ალა ეგრე გადაწყვეტილად არ დაიწყებდა ლაპარაკს... არა, მოსაგები საქმე უნდა იყოს სტამბა. ეე დიდი სიამოვნებით შევიტან ჩემ წილს ფულს.“ ამ ლაპარაკით იმან შეალო თავის სახლის კარები და ტკბლად, ტკბილად მოისვენა საწოლს ოთახში.

VI

186.. წელს დეკემბრის შუას ქ. ქ...ს ერთმა ჩვენმა ამხანაგმა მიიღო წიგნი კიკოლიკისაგან შემდეგი შინაარსით.

„ძმაო №! მე და ერთმა-ორმა ჩემმა ამხანაგთაგანმა განვიზრახეთ ჩვენი გაჭირვებული ქვეყნის საკეთილდღეოდ და იმის ლიტერატურის წარსამატებლად გაზეთის გამოცემა. მაგრამ, რადგან ამ საქმეს კარგი, მტკიცე საფუძველი უნდა ჰქონოდა, ამისათვის მე ვურჩიე ჩემს ამხანაგებს შეძლებისადაგვარად გამოგველო ფული და საკუთრად გაზეთისათვის სტამბა გაგვეხსნა. აწ ეს საქმე კიდევ მოდის სისრულეში. სტამბის დაზგები და ასოები მოგვივიდა. გაზეთის გამოცემის ნება-რთვაც ჩემის ნაცნობების შემწეობით, რომელთაც გავლენის მექონე ალაგები უჭირავთ სხვა-და-სხვა დეპარტამენტებში, ეს არის, გამოგვივა. ახლა ჩვენ გვაკლია გაზეთის მმართველი-რედაქტორი. ვიცი. რომ სამშობლოს კეთილდღეობა გულში გაქვს და ამისთვის, გთხოვთ მე და ჩემი ამხანაგები, წამოხვიდე საჩქაროდ ქ. ტ...ს. ჯამაგირი კარგი გაქნება.

შენი კიკოლიკი“.

ამ წიგნმა ჩემი ამხანაგი ცაში ააფრინა. საღათა (ასე ერქვა ჩემს ამხანაგს) ერთი წელიწადია, რაც დაბრუნებულიყო უნივერსიტეტი-დგან შეუძლებლობის გამო. რადგან სამსახურის სურვილი არ ჰქონდა და არც უნდოდა, შინ ტყუილად პური ექამა, ამისათვის იწყა სიარუ-

ლ. სოფლად და ქ...ს მახლობლად გახსნა გლეხებისათვის შკოლა. პირველად შკოლაში სწავლა ძალიან კარგად წავიდა, გლეხებიც ძალიან კმაყოფილნი იყვნენ ახალი მასწავლებლისა, სახლი უშოვნეს, სკამები, პაწაწინა წიგნის საკითხავი ტაბაკებიც გაუკეთეს და ბოლოს სამ-სამი შაურიც მოაგროვეს გლეხის თავზე, რომ წიგნები ეყიდნათ. თვითონ მას ვლენები არჩენდნენ თავის პურ-ღვინითა. ცოტა ხანს იქით სოფელს მოჩივარაში გავარდა ხმა წერილმან აზნაურობაში, რომ ერთი ვილატ. რუსეთელი ახილგაზდა მოსულა და გლეხებს აგონებს: „თქვენ ბატონებს ნუ ემსახურებით, თქვენ და თქვენი ბატონები სულ ერთი ხართო“. შეგროვდნენ წერილი ადგილ-მამულის აზნაურები, არჩიეს, და ბოლოს ასე გადაწყვიტეს: მოდი, მივუგზავნოთ იმ რუსეთელ ყმაწვილს კაცს, რომ გლეხის შვილების სწავლებას თავი დაანებოს, წავიდეს თავისთვის, თორემ თავპირს დაგამტვრევთო. მართლაც, სამ დღეს შემდეგ, ერთს დილას, როცა ყმაწვილები პაწაწა ტაბაკზე დიდი სიბარულით გაერთობოდნენ ზეპირ კითხვის ვარჯიშობაში თავის მასწავლებელთან, ერთი ქალამნიანი და ჩოხა-შემოტრეტილი აზნაური შემოიტუზა სასწავლებლის კარებში და ხმა მალლა მიაძაბა საღათს: „ბატონო, ერთ წამს აქ მობრძანდი ორი სიტყვის სათქმელათა“. საღათამ როცა გაათავა ყმაწვილებთან ვარჯიშობა, გავიდა გარეთ. ქალამნიანმა აზნაურმა წაიყვანა მოშორებით ხის ძირში და უთხრა:

— „ჩვენმა გვარის აზნაურის შვილებმა შემოგითვალეს. გლეხების შვილების სწავლებას თავი დაანებე და შენთვის წადი, თვარამ ცუდად მოგივაო.

— წადი, უთხარი შენი გვარის აზნაურის შვილებს, — უპასუხა საღათამ: — იმათაც გამომიგზავნონ თავისი შვილები და იმათაც ვასწავლი-თქო.

— ეგ როგორ იქნება, ღმერთი გადღეგრძელებს, ჩემს შვილს გლეხის შვილთან ერთად როგორ დავსვამ!

— არა უჭირს რა, ერთმანეთს შეეჩვევიან, გაიცნობენ და მერე, დიდები რომ შეიქნებიან, უფრო ძმურად გამოადგებიან ერთმანეთს, ვინამც ახლა თქვენ და გლეხები ერთმანეთში. — უპასუხა, მშვილობიანათ საღათამ.

— ეგ არ შეიძლება: გლეხი სხვაა და ჩემი შვილი სხვა.

— თუ არა და მაშ წაბძანდი და უთხარი თქვენი გვარის შვილებს. მე იმათთან საქმე არა მაქვს-რა და ნურც ჩემთან ექმნებათ რამე.

— მაგისტანებს ნუ დაიწყებ. თორემ გაგლახავენ: თუ თავი არ დაანებე მაგ გლეხების შვილების სწავლებას. ცუდად მოგივა საქმე.

— შენც დაეხმარე! — უთხრა გაცხარებით საღათამ და შემოვიდა თავის შკოლაში.

— ეს უღვაში არ სხმია ბეკილა კვანტაძეს თუ შენ კაი-კაი არ მოგხედეს! — თქვა ეს და წავიდა.

ერთი თვე არ გამოსულა მას აქეთ, რომ მოჩივარას აზნაურები ძალიან გაჯავრებული იყვნენ სალათაზე. იმას თხოვნა დაეწერა ერთი გლეხისთვის მომრიგებელ შუამავალთან თავის ნაბატონარის შევიწროებაზე და იმ გლეხისკენ გადაეწვიტა სამართალი. აზნაურებს ეს შეეტყვოთ და ერთ კვირა დილას მიუხტენ შკოლაში სალათას და მართლაც კაი-კაი მოსცხეს. იმან მეორე დღესვე გამოსწია ქ...ს და აქ კიკოლიკის წიგნი დაუხვდა. წარმოიდგინეთ, რანაირად გაიხარებდა იმ პაწაწა უკმაყოფილების შემდეგ. „მადლობა ღმერთს. ბოლოს საჩემო საქმე გამიჩნდა!“ წამოიძახა სიხარულით სალათამ. მეორე კვირას ტ...ს ამოჰყო თავი. იმისი ასე კარგად დაწყებული შკოლა კი მაშინვე გაიფანტა.

VII

186... წელს იანვრის თხუთხმეტს სალამოს კიკოლიკის სახლში სალათა გაეცნო მელიქ-ალას და ბლუკუნას, რომელნიც იყვენ სტამბის პატრონნი და გაზეთის გამომცემნი. სანამდის მელიქ-ალა და ბლუკუნა ზოვიდოდნენ, კიკოლიკი ბევრს ელაპარაკა სალათას თავის მოღვაწეობაზე სტამბის და გაზეთის მოწყობის შესახებ. იმან უთხრა, თუ რანაირად მოიგდო ხელში და შეიამხანაგა ის ორი ყმაწვილი. „ახლანდელს დროში. თუ კაცი წინდახედვით არ მოქმედებ, არაფერის გაკეთება არ შეიძლება, ყველას თავი უნდა მოუქონო, ყველას ტკბილად ელაპარაკო, ყველას გულკეთილობა, მორიდება და კრძალვა. ნამეტნავად უფროსებს. გავლენის მქონე კაცებს, უნდა უჩვენო. თორემ უამისოდ ვინ გაგცემს ხმას. აი, მაგალითად. თუნდ ეს მელიქ-ალა ავიღოთ. არაფერი არ იცის, როგორც ქვაში ან ამ კედელში არა შეეარა, ისე მაგის თავში; მაგრამ ფული კარგა ბლომად აქვს. ამასთანავე შევატყე: რომ ჩვენი ნასწავლი ახალგაზღობის გაცნობა ძალიან სურდა. ახლა მაგასაც ალბათ თავი მოსწონს ამხანაგების ვაჟრის შეილებაში და ჩვენთან მეგობრობისათვის არა შურს-რა. არ ვიცი, რათა, და მე ძალიან მოვეწონე. რასაკვირველია, ამითი კარგად ვისარგებლე. მოვეფერე. შევითვისე და მერე ეურჩიე, ამხანაგად შემოსულიყო, სტამბა გაგვეწყო და გაზეთი გამოგვეცა. ეს რომ ეუთხრაი. სულ ცაში აფოინდა: „ოღონდ მე გაზეთის გამომცემლად დამნიშნე და ფული მე მომეკითხეო“. — ამ სიტყვებზე დაცინებით ჩაიჭრიტინა კიკოლიკმა. — მაგას რა დიდი საქმე უნდოდა; გამომცემლად დავნიშნეთ. ეს ერთის მხრით ჩემთვისაც კარგია. ძალიან ვფიქრობდი, ვინ დამეყენებინა გა-

მომცემლად, სანამდის მაგან არ ისურვა. საქმით ხომ ჩვენ ვიქნებით გამომცემელიცა და გაზეთის მმართველიც, მაგრამ სახელი მინდოდა სხვისი ყოფილიყო. გავლენის მქონე კაცები ევრე კი არას იტყვიან, ჩემი რომ გაიგონ, ვითომც მე გაზეთს მართავში და გამომცემაში ვურევივარ. — ეს უკანასკნელი სიტყვები ძალიან ნელა უთხრა სალა-თას. — ახლა ჩვენ გამომცემელიცა გეყავს და რედაქტორად ხომ შენ იქნები. — უთხრა სალათას. — ეს მეორე ჩემი ამხანაგი ძალიან უნიკო კაცია. ერთს რამე უგუნურს აზრს რომ მიაწვება, შეიდი უღელი ხარ-კამეჩითაც ველარ მოაცილებ. მაგრამ იმითია კარგი, რომ საქმეში მუ-ყიათობა იცის და ანგარიშში მტკიცე კაცია. ერთ კაპიკსაც არ დას-ტოვებს ჩაუწერელს. თავმოყვარეა საშინელი. ახლა ეს სტამბა რომ გავმართეთ, სტამბის საანგარიშო წიგნები და შემოსავალ-გასავლის უუთი მაგან ჩაიბარა და ამის გულისთვის ძალიან გულმოდგინედ შრო-მობს. მთელი დღე და ღამე იქ არის. ახლა ჰგონია, მეპატრონე ვარო და ამ პაწაწა თავმოყვარეობის გულის საჯერად ძალიან ბევრს საქმეს აკეთებს. სტამბაში სწორედ ძალიან საჭირო კაცია. სხვაფრივ-კი ღმერ-თმა შეინახოს, ძალიან ტვინლაყი კაცია. ერთი ხეირიანად მიკვლეული აზრი არ მოიპოვება მაგის თავში. საქმე ის არის, რომ ახლა მაგისთანა კაცებით უნდა ვისარგებლოთ. რაც შეუძლიან, ის ეაკეთებინოთ ჩე-ენი ქვეყნის კეთილდღეობისათვის. მე მაგისთანა წერილმან საქმეში ვერ ვერევი, მე მხოლოდ გზას ვუჩვენებ, რჩევას მივცემ მაგათ და თვალ-ყური მეჭირება, რომ არა წაახდინონ-რა შენც, რასაკვირვე-ლია. ჩემი დამხმარე იქნები ამ საქმეში. მაგრამ ყოველივე ჩუმად, მი-ფარულად უნდა იქნეს. მე არაფერში არ შემინწონ, თორემ ძნელია. ახლაც ისე განზე მიყურებენ: ეს კიკოლიკი ძალიან მოხერხებული და ქკუიანი კაცი უნდა იყოსო, ასე, ამბობენ ჩემსას. მე ისე უნდა მოვიქცე, ვითომც და ჩემთვის სტამბა და გაზეთის გამოცემა სულ გარეშე საქ-მეა.“ — ამისთანა ლაპარაკით აღტაცებაში მოიყვანა კიკოლიკმა სა-ლათა ის ფიქრობდა გულში მადლობა ღმერთს, ბოლოს მაინც ისეთს წრეში ჩაეარდი. რომ კაცური შრომა შეიძლება, აწ დღე და ღამე ვი-შრომებ და ვიშრომებ იმ იმედით, რომ მეც ერთს ხეირიანს თესლს გავაგდებ ჩემს ხალხშიო.

კიკოლიკის ცუდი ყოფაქცევა უნივერსიტეტში სულ დაივიწყა და ახლა სრულის გულით მიენდო, როგორც ქვეყნის სასარგებ-ლო კაცს.

— აბა. უმაწვილო, მოდით, და მოვილაპარაკოთ გაზეთის საქ-მეზე! — დაიძახა კიკოლიკმა.

— სტამბის სახლი წელიწადში გვიზის ორმოცდა ხუთ თუმ-ნად, დაზგების გამართვა და კასების დაკეთება თითქმის ოცი თუმანი

დაგვიჯდა. ახლა სხვა წერილმანი ხარჯი ბევრი გვინდება. — მოითვალა ცოცხლად მელიქ-ალამ. — გაზეთის გამოცემის ნებართვა ხომ გამოგვივიდა?

— მე ვიი...ყავი დღ...ღეს, დეპარტამენტში წწარუ...დგენით... ერთი კკ...ვირა თუ დააგვიანდება, მმე...ტი არა და და...ბრკოლება აღარა არის-რა, — წაილულლულა ბლუკუნამ.

— მაშ ბარემც მოვამზადოთ განცხადება ხელის მოწერაზე. მუ-შები ტყუილად გვყავს გაჩერებული; ავაწყობინოთ. მანამ გაზეთის ნებართვაც გამოვა და უცებ დავარიგოთ. ხომ იცით, სტამბას კაპიკის შემოსავალი არა აქვს-რა. თუ ხელის მომწერლის ფულები არ შემოვიდა მალე, შენი მტერი, ჩენი საქმე იქნეს! მამა-ჩემმა რაც მომცა, იმის მეტს გროშს აღარ მაძლევს. — თქვა მელიქ-ალამ.

კიკოლიკი ადგა, მოიტანა საწერ-კალამი, ქალღი და მისცა საღათას, რომ იმას განცხადება გაზეთის გამოცემაზე დაეწერა. საღათა მოჰყვა წერასა და კიკოლიკი უკირკიტებდა იმის დაწერილს ასოებს და საღათას წერაში ის თან კითხულობდა იმისგან დაწერილს სიტყვებს. შორიდან რომ შეგეხედნა, იფიქრებდი, კიკოლიკი ეუბნება და ის სწერსო. როცა განცხადება დაწერა საღათამ, კიკოლიკმა ასტაცა ქალღი და, ვითომც თავის დაწერილია. მოჰყვა კითხვას და პირველს სიტყვაზედვე დაება ენა, ასე რომ ისევ საღათამ გამოართვა დაწერილი განცხადება და თვითონ ჩაიკითხა ხმა-მალლა და გარკვევით.

— ძალიან კარგი! — მოუწონეს მელიქ-ალამ და ბლუკუნამ.

კიკოლიკმა მისცა შენიშვნა: ერთს ალაგას მძიმე არის დასმული, მძიმის მაგიერად მძიმე და წერტილი უნდაო. — უთხრა და ამას შემდეგ ისე ასწია თავი, რომ ვითომც დიდი რამ შეტდომა გაესწორებინოს და თითქოს გულში ეფიქროს: მე რომ არა. ამ განცხადებას ვერ დასწერდნო. შემდეგ მოჰყვენ გაზეთის მართვაზე ლაპარაკს. დაიყვენ საღათამ, ბლუკუნამ და კიკოლიკმა გაზეთის ნაწილები. კიკოლიკმა თქვა, მე საპოლიტიკო და რუსეთის ამბების წერას მოვეყვებიო. ბლუკუნამ თქვა, მე საქართველოს შინაურს მდგომარეობასაო. დარჩა საღათას ფელეტონების და მოწინავე სტატიების წერა. მელიქ-ალამ თქვა, მე კორესპონდენტციას გამოგიგზავნით გზის კეთებაზეო. ბოლოს კიკოლიკმა ჩამოაგდო ლაპარაკი კორექტორზე. რადგან ჯერ ჩვენ, რაც უნდა იყოს, გაუჩვენებლები ვართ მწერლობის შრომაში, ამის გამო საჭიროა ერთი კორექტორიც ვიშოვნოთ: თუმანი რომ მივცეთ, საკმაო იქნებაო.

რედაქტორს დაუნიშნეს სამი თუმანი თვეში. თუ ვინიცობაა, სამასი ხელის მომწერი იქნებოდა, ის უნდა გაენაწილებინათ შრომის შესაფერად ყველა თანამშრომლებს. ბოლოს დასდევს, რომ იანვარი,

თებერვალი და მარტი ხელის მომწერლების შეკრებას მოანდომონ და მარტის გასულს დაიწყონ გაზეთის გამოცემა. ესეები რომ გადაწყვიტეს, სარედაქციო წრე დაიშალა.

მარტო რომ დარჩენ, კიკოლიკმა დაიწყო თავისებურად თავის ამხანაგების წარმოდგენა: „ვერ შენიშნე ბლუკუნას, ენა როგორ ებმებოდა? რომ ჩვენ არა, სწორედ ძალიან კარგს განცხადებას შეადგენდენ, მაგათ მზემ! მე ძალიან ეჭვი მაქვს, რომ ბლუკუნამ რამე დაწეროს. მე ვიცი კარგად მაგის ამბავი. ორ სტრიქონს ვერ დასწერს რიგიანად. თავში აზრები სულ არეულ-დარეული აქვს. მე შენ გარწმუნებ. მელიქ-ალას რომ რამე ესწავლა. ათას მაგისთანას აჯობებდა; მაგრამ ეგ არის მაგის უბედურება, არა უსწავლია-რა, შკოლაში სულაც არ ყოფილა. ჩვენს საქმეში ეგ მანც გამოსადეგი ბიჭია. ასე, ჩვენებურს პრაქტიკულ სჯაში კკუაც ეტყობა, მაგრამ მაგის დაწერილი კორესპონდენცია ღმერთმა შეინახოს. იმან რომ თქვა, კორესპონდენციას დაგიწერთო. კინალამ გამეცინა. მასხარა!.. ლაპარაკი არ უნდა. გაზეთის შედგენა ისევ მე და შენს კისერზე ჩამოწვება“. — უთხრა სალათას კიკოლიკმა.

სალათა ამ ამბებით ძალიან განხარებული იყო. ის სრულის გულით დარწმუნდა. რომ კიკოლიკს ჩვენი ქვეყნის სიკეთე ძვალსა და რბილში აქვს გამჯდარიო და იმ იმედით. რომ სამ თვეს შემდეგ გაზეთს დაიწყებდა. დაფაცურდა, მანამდის თავის გასაკეები გაკვეთილები ეშოვნა.

გაზეთის განცხადების გაგზავნამ სხვა-და-სხვა ალაგებში ძალიან აღძრა მთელი საქართველოს საზოგადოება; ყველას უხაროდა, რომ გაზეთი გვექნება ქართულს ენაზეო. ეს ჯერ პირველი ამბავი იყო საქართველოში. ერთ თვეს შემდეგ დაიძრა მოთხოვნილება გაზეთზე და მარტის დამდეგს ხელის მომწერლების რიცხვი თითქმის ოთხასამდის შევიდა და სტამბის ხაზინაში ფული ას თუმნამდი მოგროვდა. ამ შემთხვევამ ამხანაგებს და განსაკუთრებით კიკოლიკს და მელიქ-ალას გული გადაჰყარა. რასაკვირველია, ამ ფულებიდან ყოველივე წვრილმანი დანახარჯი სტამბაზე შეაესეს. დამშეული და უსაქმური მუშები გაისტუმრეს და შეუდგენ გაზეთის ბეჭდვას.

დიდი დავიდარება და წვალება გამოვლო სალათამ პირველი ნომრების შედგენაში. ყოველ წვრილმანს საქმეზე კიკოლიკი ასტეხდა ხოლმე ბაასს. ვთქვათ, ხვალ გაზეთი გამოდის. ამალამ საქმეს დაჩქარება უნდა, სხვა-და-სხვა გაზეთებიდან ამბების გადმოღება, ფელეტონის დაწერა და სხ. და სხ. კიკოლიკი, როგორც მოიცლიდა, შემოიტუზებოდა სტამბის კანტორაში და ყოველს სტრიქონს სალათას დაწერილს კითხულობდა. მისცემდა რასმე წვრილმანს შენიშვნას და

ამაზე აუტეხდა. სალათას ბაასს. დრო მიდიოდა, გაზეთი გვიანდებოდა და კიკოლიკის წერილმანს შენიშვნებს საზღვარი არ ჰქონდა. სალათა ჯერ ითმენდა, მერე გული მოუვიდოდა და ეტყოდა. თუ მეტი საქმე არა გაქვს. წადი. ბულვარში გაისეირნეო. ამაზედ კიკოლიკი ასტეხდა ჩხუბს და ეტყოდა სალათას: „შენს თავშეუყავებელს მოქმედებას ხომ ვერ დავალუბებთ ამდენს ჩვენს კეთილს შრომას. ეგ სიტყვა რომ დაგიწერია, თუ სტატია აგრე დაიბეჭდა, გაზეთს ვინმე დაემღურება, სახელს გაუტეხს და დააბრკოლებსო.“ ამისთანა სიტყვებით იმდეს ეცდებოდა, ეჩიჩინებოდა თავის ამხანაგებს. რომ ბოლოს ერთობრივ ძალდატანებით ამოაშლევინებდენ სალათას სტატიაში რომელსამე ცოცხალს სიტყვას. ან როკელსამე მკვირცხლად გამოთქმულს აზრს. ამისთანა წერილმანს უკმაყოფილებაში სალათა თანდათან რწმუნდებოდა, რომ კიკოლიკი სულ პირადის თავმოყვარეობისა და სულმოკლეობის გამო აჯანჯლებს რედაქციის საქმეს. ამის გამო თანდათან დაეკარგა რწმუნება იმის გულახდილს განზრახვაზე. იმას არა ერთხელ გაუელვა თავში ამ აზრმა: „იქნება ეს გაზეთი და ეს სტამბაც სულ თავის გამოსაჩენად დაიწყო კიკოლიკმა და როცა იმითი ისარგებლებს საკმაოდ, მერე იქნება ასე იფიქროს, თუნდ ქვა-ქვანდარი ნურა დარჩენილაო.“ ამისთანა მკვახე აზრი მხოლოდ მაშინ გაუელვებდა თავში სალათას, როდესაც სულ ტყულა უბრალოდ ასტეხდა კიკოლიკი სალათასთან ბრძოლას და საქმეს აგვიანებდა. სხვა დროს სალათა უწინდულადვე მეგობრულად უყურებდა კიკოლიკს და დაჯერებული იყო, რომ კიკოლიკს საზოგადო ქვეყნის საქმეზე მართლაც დიდად შესტკიოდა გული, ისე დიდად, რომ სამსხვერპლოდაც მზად იყო, თუ ამას გავლენის მექონე კაცების თვალი არ დაინახავდა.

ამ ყოფაში ერთხელ სალათამ დასწერა ერთი ფელეტონი. სადაც რაღაცა აზრი უნდოდა გამოეყვანა. კიკოლიკმა წაიკითხა სარედაქციო წრეში ეს ფელეტონი და ძალიან გაფიცხდა.

— ეს რასთვის გამოგიყვანია? — უთხრა სალათას.

— ისე, ჩემი თავისუფალი მოსაზრების ნაყოფია. — უპასუხა სალათამ.

-- ნაყოფია. მაგრამ ცუდი ნაყოფია. მაგისტვის მოგხედება...

-- ყმაწვილო, გაგიჟდი თუ! — გაბრაზებით შეჰყვირა სალათამ.

— გაზეთი ჩვენია. ჩვენ ვერ ჩაგაგდებინებთ გაზეთს საწიშო მდგომარეობაში! -- უთხრა კიკოლიკმა.

-- რადგანაც თქვენი ყოფილა გაზეთი. მე თქვენს გაზეთში არც ვიმუშავებ! — თქვა გაბრაზებით სალათამ. წამოდგა და გავიდა გარეთ. ცოტა ხანს იყო ამ მდგომარეობაში საქმე.

— რა... გენაღვლება იიყოს... — უთხრა ბლიყინით ბლუკუნამ. — ლირს მაგისტვის ჩხუ...ბის ატეხა.

— ერთი შენც, წვრილმანს გამოჰკიდებიხარ! — უთხრა კიკოლიკს მელიქ-ალამ. — ოლონდ სტამბა კარგა წაივდეს და სხვა რა გინდა?

— რანაირად წავა კარგად, თუ გაზეთი ახლავე დაგვიხურეს! ეს ერთად-ერთი მუდამი მუშაობაც მოგვესპობა, მერე წადი და ირიკავე ცარიელი სტამბით.

— ჰო, ეგ სხვაა! — უთხრა მელიქ-ალამ.

— სულ არაფერი არ ესმის, — დაიწყო კიკოლიკმა ზურგს უკან ლანძღვა საღათასი. — როგორც ამ სტოლს არა ეყურება-რა, ისე მაგას. მე მეგონა, თუ რამე იცოდა, მაგრამ სულ არაფერი. სკოლნი-პართულიც არ სკოლნია ხეირიანად. ნეტამც არ დამებარებინა. ჩვენ უკეთ წავიყვანდით მაგაზე, — მოჰყვა კიკოლიკი ამისთანა შესმას. სანამ გულს იჯერებდა. მერე ცოტა ხანს იქით შეუდგენ ვითამც ყველანი მუშაობას გაზეთისას, მაგრამ მთელი სამი-ოთხი საათი ათი სტრიქონიც ვერ დაწერეს.

— ეჰ, ერთი შენცა!.. თავი დაანებე მაგის წვალებას. თუ დაგვიქირავებია, მოვიდეს, იშრომოს, თუ არა და, ჯანდაბა მაგას! — თქვა მელიქ-ალამ.

მეორე დღეს მელიქ-ალა წავიდა თავის მოსაქონავედ საღათასთან. ბევრი ეხვეწა, რომ გული მობრუნებოდა. ბოლოს, რითიც იქნა, დააღბო საღათა.

— ამ ცოტა ხანს როგორმე ითმინე და მერე მაგას კამანდიროვკაში უკვრენ თავს, მთელი გაზეთი სულ შენ დაგრჩება, გინდ შეწვი მაშინ, გინდ შეხრაკე.

— მე ეს მწყინს, რომ არც არაფერს აკეთებს რედაქციაში და კიდევ გვიშლის ნომრის დროზე დაბეჭდვას, — თქვა ჯავრიანად საღათამ.

— თავი დაანებე ახლა მაგისთანებს, წამოდი, საქმე გვიანდება.

მეორე დღეს კიკოლიკს აღარ გაუფლო რედაქციაში. იმ დღეებში მართლაც კამანდიროვკა დაუნიშნეს და იენისის პირველში დარჩა საღათა მარტოდ. მარტო თავისი გაზეთით და მხოლოდ მაშინ მოიბრუნა სული თავისუფლად: „მადლობა ღმერთს, გადავრჩი ერთს ბაიყუსა.“

VIII

186... წელი გავიდა. საზოგადოებაში დაიწყეს გაზეთზე თანაგრძნობითი ლაპარაკი. თითო-ოროლა შეცდომებს ამხილებდენ, მაგ-

რამ ისეთს კი არა, რომ გამოკიდებდა ღირებულებას. ერთი უმთავრესი შეცდომილებათაგანი ამათის აზრით იყო ენა, რომლითაც იწერებოდა გაზეთი. გამოჩნდა, რომ საქართველოში დამდგარი ლიტერატურული ენა არ ყოფილიყო. იყო ზოგიერთი მწერლების ენა და ვინაცრა მწერლის თხზულება წაეკითხა, ის იქითკენ მიიწევდა. ზოგს მოსწონდა ანტონ კათალიკოზის ენა, ზოგს ვეფხისტყაოსნის, ზოგს გიორგი ერისთავის ენა, დიდს პლატონს — დავითისა და სამოციქულოს ენა, მახარია ვერიცანაძე კი გოჩიაშვილის ენას იწონებდა. ამ გარემოებაში კიკოლიკი დადიოდა უმაღლეს საზოგადოებაში და იქ ესმოდა ყოველივე ამნაირი კრიტიკოსების აზრი. საზოგადოებაში კიკოლიკს ისე მოჰქონდა თავი, რომ ვითომც ის ყოფილიყო თავი და ბოლო, როგორც სტამბისა, აგრეთვე გაზეთისა. მაგალითად, ერთი ოთხი თვე რომ გამოვიდა გაზეთის გამოცემის შემდეგ, კიკოლიკს შეემთხვა ერთის უწარჩინებულის ქართველის სალონში ყოფნა.

— კიკოლიკო, ვინ არის ის სალათა, გაზეთის რედაქტორი?

— ვინ?... ის ერთი ჩვენი ახალგაზდა გახლავთ. ჩემი ძალიან მახლობელი, თითქმის ჩემი გაზდილი. ნიჭიერი ყმაწვილია, მხოლოდ ხელმძღვანელობა უნდა, — დაბალი ხმით წამოილაპარაკა კიკოლიკმა.

— ჰო. ზოგიერთი იმის სტატიები ცოცხლად არის დაწერილი, ეტყობა, რომ ნიჭიერი უნდა იყოს.

— ჰა, ჰა, ჰა! — ჩაიციხა ნელა კიკოლიკმა, — დიახ, არ არიან ურბონი. მაგ ყმაწვილს ჯერ კიდევ ბევრი აკლია, რომ რედაქცია კარგად წაიყვანოს, მაგრამ იმედი მაქვს, მალე გაეჩვენება.

— მაშ ვინ არის თქვენს რედაქციაში თავი მშრომელი? — ჰკითხა წარჩინებულმა ქართველმა მოხუცმა, რომელსაც საკმაო გავლენა ჰქონდა საზოგადოებაში და პატივცემული ალაფიც ეჭირა. კიკოლიკი ძალიან აფასებდა, იმის წინაშე გონიერად გამოეჩინა თავი. ის წარჩინებული ქართველი ისეთი კაცი იყო, რომელსაც ქართველი ლიტერატურისთვისაც გული შესტკიოდა და გაზეთის დაარსებისთვისაც მართლაც მოხარული იყო.

— ჰა, ჰა, ჰა! — კიდევ ლამაზად ჩაიციხა კიკოლიკმა და ლაზათიანი ღიმილითვე წარმოსთქვა, თუ ვინ არის რედაქციის მოთავე, ვერც ადვილად არ ითქმის. ეგ არის რედაქციის საიდუმლო.

წარჩინებულმა ქართველმა, მიხვედრის ნიშნად, გაიღიმა. კიკოლიკმა შეატყო, რომ სწორედ ჩემზე იფიქრა, სწორედ მე ვგონივარ მოთავეთო და ამას შემდეგ უფრო მხურვალედ დაიწყო გაზეთის საარგებლობაზე და იმის ჯაფაზე ლაპარაკი.

— ოჰ. თქვენმა სიცოცხლემ, ძალიან ჯაფა სდომებია გაზეთის შედგენას. ვერ წარმოიდგენთ, კვირაში ორი დამე უძილოდ უნდა

გაათენოს ხოლმე, ეინც თავი მშრომელია. ესეც უნდა მოგახსენოთ, რომ მე თვითონაც არ მეგონა. თუ ასე მოხერხდებოდა ქართველ ენაზე გაზეთის გამოცემა.

— ოპ. სასიამოვნო მოვლენაა ქართულს ენაზე გაზეთი; მაგრამ თქვენ. ახალგაზნდებს, ერთი გკირთ ცუდი: მალე მოგებზრდებათ ხოლმე შრომა. აი. მაგალითად, ჩიტორელიძემ რა კარგად დაიწყო ეურნალის გამოცემა და ერთი წელიწადიც ძლივს გაატანა, — ღიმილით უთხრა წარჩინებულმა ქართველმა.

— ჰა, ჰა, ჰა!.. — ნელა და დარბაისლურად ჩაიცინა კიდევ კიკოლიკმა. ჩვენი გაზეთი უფრო მტკიცე ბურჯზე დგას. სანამ გაზეთი გამოიცემოდა, ჯერ სტამბა გაუკეთდა იმას საფუძვლად. რაც უნდა იყოს, ერთი ხელის მომწერიც რომ არ ჰყავდეს, უსაშუალოებით მაინც არ დაიხურება გაზეთი. ჩიტორელიძის საქმე კიდევ სხვა გახლდა. ის შრომასაც არ იყო შეჩვეული: და გაზეთის მმართველმა კი — ერთმა ორმა კაცმა მაინც — კვირაში ორი-სამი დღე თვალ-მოუხუტყავად უნდა გაათენოთ. ესენი შრომის კაცები არიან. ყმაწვილობიდან შრომას არიან მიჩვეულნი. აი, რის გამო იმედი მაქვს, რომ არ დაიხურება.

წარჩინებულს კაცს ძალიან იამა კიკოლიკის ლაპარაკი. „აი, ნამდვილი ღირსების ახალგაზნდა, — იფიქრა გულში. — მე დარწმუნებული ვარ. რომ თვითონ ესევე მართავს გაზეთს, თვითონვე ამას არ სძინავს, თვითონვე ეს არის მოუღალავე მშრომელი, მაგრამ თავმდაბლობით არ უნდა, გამოაცხადოს თავის სახელიო.“ ამ გამოლაპარაკების შემდეგ იმის თვალში კიკოლიკის დარბაისლური ყოფაქცევა, მისი მუდამ მოღიმარე სახე, დაკრძალული სიტყვა-პასუხი და ვითომც თავმდაბლობა ძალიან ჰკუთიანად გამოჩნდა.

თვითონ კიკოლიკმაც შეატყო, რომ გამოთხოვების ჟამს იმ წარჩინებულმა ქართველმა კაცმა უფრო მეგობრულად და სიყვარულით ჩამოართვა კიკოლიკს ხელი და ცოტა ხანს იქით სადილადაც დაპატიუა. ზემოხსენებულ მოლაპარაკების შემდეგ ეს წარჩინებული კაცი კიკოლიკზე ყოველთვის პატივის ცემით ლაპარაკობდა და მიაჩნდა: „აუკეთესო ყმაწვილ კაცად ქართველ ახალგაზნდობაში.

ამ სახით კიკოლიკის ჰკუთის, გამოცდილებების და შრომის სახელი დღითი-დღე დიდდებოდა ტ...ს საზოგადოებაში და აქედან ჩვენს. მახრებშიაც. ქ...ს მაინც კიკოლიკი პირველ ახალგაზრდად მიაჩნდათ.

თვითონ კიკოლიკი კარგად ჰგრძნობდა ამისთანა მდგომარეობას. და უთხრა თავის თავს: „თუ შეგიძლია, მალე ისარგებლე ამისთანა მდგომარეობითო.“ ამ დროს ს...ს ქალმაც გაათავა ინსტიტუტი და კიკოლიკმა თავისი მაყვლის თვალების გადავლება ხშირად დაუწყობის ტანადობას.

ს...ს ქალი იყო ერთი ქართველი სოვედაგარის ასული. მამა-
მისს არ უყვარდა ხელ-გაშლით ცხოვრება. ეს იყო ერთი ძველებუ-
რი კაცი, რომელსაც შუაეკაცობამდის შეეკრიბა დიდი საცხოვრებელი
და მერე იმის სარგებელით თან ამრავლებდა თავის თანხას და თან
კარგადაც ცხოვრობდა. იმას ქ. ტ...ს საუკეთესო ალაგზე ერთი წყება
სახლები სულ მალაზიებად და ქარვასლებად ჰქონდა ჩაწყაპული. ხში-
რად გაუვლია კიკოლიკს ამ ქარვასლების წინ. შეუხებდავს და გულში
უფიქრია: „ესეები თუ ერთ დროს ჩემი გახდენ, მაშინ მიყურე რაებს
ვიზამ. ჩემი სალონი საუკეთესო ახალგაზდობის სალონად იქნება. მე
ვიქნები იმათი მოთავე და მფარველი, მე ვიქნები მე, მე...“ და თვი-
თონაც ველარ წარმოედგინა, რა უნდა ყოფილიყო.

ბოლოს, რითაც იქნა, აისრულა თავის დიდხნის გულის წადი-
ლი: ესე იგი გაიცნო თვით მოხუცი ს...ი, რომელმაც პატივისცემის ნიშ-
ნად კიკოლიკი სადილად დაპატიჟა ვინ იცის, რამდენი ცოცხალი ფიქ-
რი არ მოუვიდა თავში თავის მომავალ ბედნიერებაზე, რამდენი ნორჩი
წარმოდგენა არ უფუთფუთებდა თავში კიკოლიკს გაფუთფუთებული
შევეგრემანი ს...ს ქალის მოგონებაზე: ძალიან „სტრასტინი“ კი უნდა
იყოსო. იტყოდა ხოლმე. ერთი იმისი კოცნა, ათასი ოქრო; ერთი იმისი
ჩახუტება და ერთი წლის სიცოცხლეო, — გაავლებდა გულში კიკო-
ლიკი და მიუთმენლად გადაბრუნდებოდა თავის ლოგინზე. რომე-
ლიც კედელთან ედგა და, სიამოვნების ნიშნად. ტიტველს ფეხს ააშ-
ვერდა და კედელზე მიადგამდა. დადგა კიკოლიკისათვის ყველა დი-
ლებზე უტკბესი დილა, როცა სადილად უნდა წასულიყო ს...თან. დი-
ლით აღრიანად ისე წმინდად გამოაპარსვინა ნიკაპი ბაეებს შუა, რომ
ახალ დაბადებულის ნიკაპს არ ჩამოუკარდებოდა და მერე ზედ პულ-
რი წაიყარა, რომ კიდევ უფრო დარბილებოდა კანი. თორმეტ საათზე
ჩაიცვა ფრაკი, ახალი წაღები, სამაგალითოდ აპრილებული, და საუ-
კეთესო იის ჳერი ლაიკის ხელთათმანები იყიდა; ოქროს საათი, ოქ-
როს ლილები პერანგზე, ოქროს ზაპონკები, შუაში პაწაწა ბრილიან-
ტებ-ჩასმული, — ყველა ესენი მოხდენით გაიკეთა ტანზე, ახალი პა-
რიზის მოდის შლიაპა დაიხურა, ხელში ოვა მანეთიანი პარიზის წკაკ-
ლა, რომელსაც თავზე მშვენიერი სპილოს ძვლისაგან გამოქანდაკე-
ბული ცენის თავი ედგა და ამნაირი მორთულობით ორს საათს მი-
დგა კარზე დიდს სოვედაგარს ს...ს. შევიდა თუ არა ზალაში, დივანზე
დაუხკდა იმის გულის ვარდი, რამდენიმე გარეშე ახალგაზდა ქალი
და ს...ს ნათესაეები. კიკოლიკი. ყველას დარბაისლურად მიეგება; ყვე-
ლას ჩამოართვა ხელი და ბოლოს მივიდა თავის გულის ვარდთან და
ისეთის ტკბილი ღიმილით და თვალს წკურით გაუწოდა ხელი. რომ
შვედარს გულს ააფეთქებდა და ცოცხალს თავის ბუდიდან ამოახტუ-

ნება. მართლაც ახალგაზდა ქალი რაღაც უცბად შეკრთა და უთხრა: „როგორ მშვიდობით ბრძანდებითო“, თითქოს ამ ორი სიტყვის თქმა-ში ორჯერ დაესლოცინებოდა, ორჯელვე ხმა გაუწყდა.

კაკოლიკს, როგორც მისებურ დარბაისლურს კავალერს ეკუთნის, ადრევე ჰქონდა სალაპარაკო საგნები მომზადებული.

ს...ს ქალი, როგორც ახალი ინსტიტუტ-დასრულებული, თუ მხიარული იყო, სულ იცინოდა და, თუ რამე შეაკრთობდა, მაშინ ჩიტივით თავის ბუდეში იმალებოდა. მაგრამ იმ დროს-კი თითქოს ახლად დაქერილი ჩიტივით არც იცინოდა და ვერც დამალულიყო. ეტყობოდა მხოლოდ, რომ იმის გულს ბაგა-ბუგი გაჰქონდა. ცოტა ხანს იქით, როცა ს...ს ქალმა გული დაიმშვიდა, დაიწყო ლაზათიანდ მარაოს ქნევა.

— გახსოვთ, თქვენ რომ ინსტიტუტის კარიდორში ყველაზე პირველად მომეგებებოდით? — ჰკითხა ალერსიანად კიკოლიკმა.

— მე მარტო არასოდეს რა ვყოფილვარ დერეფანში. ჩემთან ყოველთვის ჩემი ამხანაგებიც იყვენ, — უპასუხა კრთომით ქალმა.

— დიახ, იყვენ, მაგრამ თქვენ მაინც საკვირველად ცოცხლად დახტოდით. როდესაც თქვენს მხიარულს და თითქმის მფრინავს სახეს შეეხედავდი, გული გამინათლდებოდა და ვიტყოდი, ნეტავი დედა-თქვენს, რომ მაგისტანა მშვენიერი, ცოცხალი ქალი ეზრდებით მეთქი..

— მე თქვენ მაგისტანა გულჩვილი კაცი არ მეგონეთ, ისეთი ფილოსოფიური სახე გქონდათ, რომ მე კიდევ მეშინოდა თქვენი.

— სამწუხაროდ მიმითვლია, რომ მაგისტანა ცუდი შთაბეჭდილება აღუძრავს თქვენში ჩემს სახეს.

— რა ცუდია! განა ფილოსოფიური სახე ცუდია?

— არა, მაგრამ... — და ამ სიტყვაზე შედგა კიკოლიკი, თითქოს დაიჭირესო და ცოტად გაწითლდა. არც უნდოდა ეთქვა, ცუდიაო, რადგან ფილოსოფოსად გამოყვანა იმის გულს მალამოს სცხებდა და არც უნდოდა, თავის სიტყვას გადასდგომოდა. ამ ორთა შუა ყოყმანში რომ იყო, გამოვიდა დიდი სოვდაგარი ს...ი და მძიმედ მიესალმა კიკოლიკს.

— თქვენ, ვგონებ, მასწავლებლად ბრძანდებით?

— დიახ, გახლავარ. თქვენი ქალი ჩემი შაგირდი იყო.

— კარგი შაგირდიც გყოლიათ, სწორე მოგახსენოთ. მთელ დღე ხტუნვისა და სიცილის მეტს არას აკეთებს.

— ი, პაპა, რას ამბობთ?! — თქვა მოღუშვით ასულმა.

— მე უფრო მაგ საქმეს იმის მასწავლებელს ვაბრალებ. რათ-მინდა მე მაგის რუსული, ფრანციკული და ტანცი-მანცი. მე მინდოდა, ეგ კარგი მყოჯახე ქალი გამოსულიყო, ჰრა და კერვა სცოდნოდა.

— რატომ, ბატონო! ახლა ურუსულოდ და უფრანციცულოდაც არ ვარგა. მე დარწუნებული ვარ, თუ არ განათლებულს კაცს, თქვენს ქალს სხვას არ მისცემთ და განათლებული ახალგაზდა ვაჟები რუსულსაც მისდევენ და ფრანციცულსაც, — უთხრა ბრძნულად კიკოლიკმა.

— ეგ კი არა და, აგერ ერთი პრიკაშიკი მყავს, იმას უნდა მივათხოვო, — დაატანა ვაცინებით სოვდაგარმა.

— პაპა, რას ამბობთ, როგორ გეკადრებათ?

— მა რა გიყო, სადილს უკან შენი ხითხითი ძილს აღარ მამდევეს. აბა რით ვიხსნა თავი! — გაღიმებით თქვა ს...მა. ამ დროს შემოვიდა მოსამსახურე და სადილად მოიპატიჟა ყველანი. სადილს უკან ს...ს ქალი ძალიან გაუთამამდა კიკოლიკს. ის წამის-წამს ესროდა თავის ცეცხლის მომიკიდებს თვალებს კიკოლიკს. ჩვენი დარბაისელი კბეა-ლური ხან წითლდებოდა. ხან ყვითლდებოდა მეტის-მეტის მღელვარებით. ბოლოს კიკოლიკი და ს...ს ქალი ცალკე კუთხეში დასხდენ სალაპარაკოდ.

— თქვენ კლუბში არ დაიარებით? — ჰკითხა ს...ს ქალმა კიკოლიკს.

— როგორ არა, მე იმედი მაქვს, რომ თქვენ აწ იქ ხშირად განახავთ.

— დიახ მე ვემზადები კლუბში ბალისთვის. სულ ვარდის ყვავილებით ვაწყობინებ კაბას. არ ვიცი, პირველად ვის ვავიცნობ და ვგრძნობ-კი, რომ ის პირველი, რომელიც ჩემთან პირველად იტანცავენს, ჩემ თვალშიაც პირველი იქნება.

— ღმერთმა ნუ ქნას, მე ეგ ღირსება ამცილებოდეს! — წარმოსთქვა ცოტად შეწითლებულმა კიკოლიკმა.

— ჰა, ჰა, ჰა! ძალიან გინდათ ეგ პირველობა?.. — უთხრა ზარისავით მოწყვრიალე ხმით ს...ს ქალმა.

— ისე მინდა, რომ ჩემს სიცოცხლესაც არ დავიშურებდი იმის გულისთვის.

— ამბობენ, თქვენ მწერალიც ხართ, თურმე გაჩეთშიაც სწერთ.

— ჰა, ჰა, ჰა! თქვენ ვინ გითხრათ?

— შე ვიცი. და თუ ეს მართალია, მაგისტანა მკოდნე ფილოსოფოსს კაცს როგორ ეკადრება აგრე აჩქარება!

კიკოლიკი შეჩერდა, არ იცოდა, რა ეთქვა, და ყურებამდის გაწითლდა. იმას სურდა საჩქაროდ გამოეცხადებინა თავის სურვილი, ის იყო კიდევ იღვა კიდევ და ასე უცებ დააქვეითებინა ამ ერთი წლის კურს — დასრულებულმა ინსტიტუტელმა, ისე რომ თვითონაც

არ მოელოდა ამას. კიკოლიკი, ცოტა არ იყოს, სულელურის მორცხო-
ბით პაპიროსს დაეწაფა გამწარებით.

— თქვენ ტანცაობა იცით? — ჰკითხა კიდევ მხიარულად ქალმა.

— როგორ არ ვიცი?

— ნუ თუ თქვენ ტანცაობთ, მაგისტანა დარბაისლური კაცი,
სწორედ არ მეგონა, არ მეგონა... ჰა, ჰა, ჰა! — გადიკისკისა ს...ს ქალმა.

კიკოლიკს ისე წაუხნდა საქციელი, რომ ველარაფერი პასუხი ვე-
ლარ მოახერხა. ს...ს ქალმა, არ ვიცი, შეატყო, რომ კიკოლიკის შერ-
ცხვა და უნდოდა ცოტა ხნით მოსცილებოდა, დაეცლია სულის მო-
ბრუნება, არ ვიცი, შეატყო თავისადმი სიმპათია და უნდოდა კიდევ
უფრო გაეჯავრებინა იმის გულის დარდები, უთხრა სიცილით: „უჰ,
როგორ მოწყენითა ხართ! მე უფრო მხიარული კაცი მომწონს, მე ფი-
ლოსოფოსის მეშინია... ჰა, ჰა, ჰა, ჰა!“ — გადიკისკისა ქალმა, წამო-
ვარდა და შეირბინა მეორე ოთახში. კიკოლიკი თითქოს თავზარდა-
ცემული წამოვარდა, თვალწინ წარმოუდგა, სწორედ მაგდებენო,
თუმცა არავის აზრად არ ჰქონია ეს შემთხვევა. როგორც მოგეხსენე-
ბა იკვ-ადრული კაცის გონება, ხელი რომ აუქნო, სილა გამარტყაო,
იფიქრებს. კიკოლიკსაც იმ დროს ასე მოუვიდა: ის უცბად მივიდა
მოხუცებულ ს...თან, დაუკრა თავი და კარი გაიარა. მოხუცებულმა
უთხრა. მობრძანდებოდეთო. კიკოლიკმა რალაც წაილულლულა, თვი-
თონაც არ ესმოდა. დერეფანში რომ გამოვიდა, ერთი საწყლად წარ-
მოსთქვა: „ვაი, დედაო!“ და გულგახეთქილმა ჩაირბინა კიბეზე. იმან
იგრძნო თავის ტკივილი და თითქოს დაუთვრიათო; ტროტუარზე ისე
აცბატად მოჰქონდა ფეხები. შინ როგორც მივიდა, მაშინვე ჩავარდა
ლოჯინში, გააბა ხენეშა და „უში“. იმას წარმოუდგა თვალწინ, რომ
ს...ს ქალმა დამიწუნაო, თუმცა იმ ქალს ფიქრშიაც არ მოსვლია ეს
ამბავი და ამან საშინლად მოსტეხა ფრთა კიკოლიკის სიამაყეს. ამ
შემთხვევის უკან კიკოლიკი აღარ წასულა ს...სთან ორი კვირის გან-
მავლობაში. ამ დროს ტ...ს ჩამოვიდა ერთი დარდიმანდი ქართველი
პოლკოვნიკი. რომელსაც ყელზე ჯვარი ჰქონდა. მხრებზე სქელი
ჯინჯილები და გვარად წარჩინებული საქართველოს თავადიშვილის
შთამამავლობისა იყო. ამ ღირსებებთან იმას იმ ცოტა ხანში პოლკოც
ჩააბარეს. „მოველ, ვნახე და ესძლიეო,“ სწორედ ასე იყო ამ პოლკოვ-
ნიკის საქმეც. მეორე კვირას მშვენიერი ეკიპაჟით რვა ცხენ-შებმუ-
ლი ზარის რაწყუნით ესევე პოლკოვნიკი მიჰქროდა ქალაქს გარეთ
გ...ს პროსპექტით. ყველამ დაიწყო კითხვა, ის ეშხიანი ქალი ვინ უზი-
სო? გამოჩნდა, რომ ს...ს კისკისა ქალი კნენინად გამხდარიყო. ამ ამ-
ბავმა კიკოლიკს ფერი უცკალა და გული ჩაუწყვიტა.

186... წელს ახალის სამოსამართლოს ცვლილების სულმა მოატანა. სასამართლოებში სახელმწიფო მოხელეებმა შეჰქნეს ხშირად ლაპარაკი, ბაასი, მოსაზრება, თუ ვის დაარჩენდნენ შტატის გარედ. ვინ გამოიცვლის ალაგს და სხვა. ბევრს მოხუცებულს და ძველი წესის შეჩვეულს ჩინოვნიკს ეცვალა ფერი ახალი წესის შემოღებაზე. იმათ მოიგონეს თავისი ძველი ცოდვები და ემზადებოდნენ იერუსალიმს წასასვლელად, რომ ყოველნაირი ბოროტმოქმედება შეენანებინათ. ერთი უღარესი თვისება ახალ სამოსამართლო ცვლილებისა ის იყო, რომ ძველ კაცებს არ გუობდნენ, არ იწყნარებდნენ ამ ცვლილებაში. ახალი სასამართლოს მოთავე კაცები სულ ახალ-ახალ ნასწავლ ყმაწვილებს არჩევდნენ და ამის სახით ძველ ჩინოვნიკებს თვითონვე უნდა ეძებნათ საზამთრო თავშესაფარებელი ახალი სასამართლოების გარეშე.

ამ ყოფაში კიკოლიკიც არ დარჩა ახალი ცვლილების უგრძნობელი. პოლკოვნიკის მაგალითი იმას ერთობ ჩაებეჭდა გუნებაში. „რა გაზეთი, რა საზოგადო კეთილმდგომარეობისათვის მზრუნველობა?.. ვინ გცემს პატივს ამისათვის? ის კი არა, კიდევ გლანძღავენ. წერა არ იციანო, ამბობენ, ენა წაგვიხდინესო და სხვა, — ამბობდა კიკოლიკი, — მერწმუნე, ყოველმა კაცმა ყველაზე უწინ თავის თავზე უნდა იზრუნოს და როდესაც ამ სახით ყოველი კაცი თავის კეთილდღეობას ფეხზე წამოაყენებს, მაშინ საზოგადო კეთილმდგომარეობა თავისით ჩამოვარდება ქვეყანაზე. აი, ნამდვილი პატივის ცემა და ღირსება სად არის! — დაიდებდა ხოლმე მხრებზე და გულზე ხელს. — თუ მხრებზე სქელი ჯინჯილები გაქვს, თუ გულზე დიდი ორდენი გაქვს ჩამოკიდებული, მაშინ ხარ პატივცემული და ჩემის აზრით, ასეც უნდა იყოს. ვინც უფრო ქკუიანია და ვინც უფრო მოხერხებული, ის შოულობს ამებებს, თორემ რატომ ჩვენს გოგიტა ჩუბირდანიძესაც არ ჰკილია ის. თუ ადვილი საშოვნელი იყოს?.. მე რომ იმ პოლკოვნიკისთანა დამსახურებულნი ვყოფილიყავ, დღეს კოპწია ს...ს ქალი ჩემი იქნებოდა. იმის ქარვასლებსაც მე დავეპატრონებოდი. მაგრამ იმოდნად რომ არ ვიყავი დამსახურებული, იმიტომაც დამეკარგა ხელიდან ჩემი ბედნიერება“. ამ სახით ის მტკიცედ დაემყარა სამსახურის გზას და ხალხის კეთილმდგომარეობის სურვილიც ამ წადილის შესაბამად მოაწყო. ..ხალხს და საზოგადოებას ყოველს ეამს თავისი შესაფერი მრთხოვნილება აქვს — იტყოდა კიკოლიკი. — განა ვისთვის მსახურობს ამდენი ჩინოვნიკობა, თუ არა ხალხის და ქვეყნის კეთილმდგომარეობისათვის? რა სიკეთე შეედრება იმას, მაგალითად. როცა მე ხალხის მოსამართ-

ლედ გავხდები და მთელი ქვეყნის თვალწინ გავსამართლებ მართალსა და მტყუანს და არაოდეს მძლავრ კაცს არ გავათქვინებ უღონოს, თუ ამ უკანასკნელს სიმართლე ექნება. ქვეყნის სასარგებლოდ შრომა არ არის, მაშ რა არის? მხოლოდ ეს არის, რომ აქ ამ გარემოებაში მეც ერთი საზოგადო ძალის წევრთაგანი ვარ და ჩემის ღირსებისამებრ ჯილდოც მეძლევა და ამ ჯილდოს საზოგადოებისაგან შესაფერი პატივისცემაც მოჰყვება“.

ამ მშვენიერ მსჯელობაში კიკოლიკს ერთი ავიწყდებოდა, რომ, რადგან ისიც ერთი ძალის წევრთაგანი ხდებოდა, მაშ თვითონაც ერთ უმცირეს ძალად უნდა ყოფილიყო, რომელსაც მაზე უფროსი ძალა დამოკლესის მახვილივით თავზე ჩამოაწებოდა. აგრეთვე თავის მხრით ზემოხსენებული ძალის გვართვე უნდა დაწოლოდა თავის უმცროსებს. და რა გამოდიოდა აქედან? ის, რომ როგორც თითონ უმცირესს ძალას თავის ქეიფზე დაატრიალებდა, თუ რომ მოინდომებდა; აგრეთვე იმაზე უფროსი ძალაც: თუ ისურვებდა, თვითონ კიკოლიკსვე ხან მარჯვნივ გააქანებდა, ხან მარცხნივ. მაშ ამ მდგომარეობაში სადღა უნდა ყოფილიყო ის შეურყეველი სამართალი, სადღა უნდა ყოფილიყო საზოგადოების კეთილის მომნიჭებელი სამართალი?... აი, ამის პასუხს ველარ უკვირდებოდა კიკოლიკის ფრთებ-მოკვეცილი მოსაზრება. ის იმ დროს მხოლოდ თავის საკუთარი კეთილმდგომარეობის გზაზე იყო მიქცეული; თვალწინ ცოცხლად უდგა თავისი გარეგანი დამცირება და პოლკოვნიკის გამარჯვება. ის იმ დროს მხოლოდ ამ სურათით ცხოვრობდა. სხვა უფრო მაღალის მოვალეობისათვის იმას მაინც და მაინც არაოდეს არ უქრიდა გონების მხედველობა და ახლა პირველის ფეხის წაკერის შემდეგ სულ დაეხშო სინათლე.

კიკოლიკმა იყიდა ახალი სამოსამართლო წიგნები, კანონთ-კრება და დაიწყო გაცოფებით ახალ-წესდებულების შესწავლა. მაშინვე იყიდა ახალმოდის ფრაკი და იმის ამხანაგი, ხშირად დადიოდა ახალი სამოსამართლოს მოთავე კაცებთან, დაუწყებდა მოწიწებით გამოკითხვას მომავალს ცვლილებაზე, შემდეგ რამდენსამე მუხლს ეტყოდა ახალ წაკითხული სამოსამართლო წესდებულებისას და ისე ხერხიანად მოაბამდა კუდს სასამართლო საგნებზე ლაპარაკს, რომ ცოტა ხანს იქით იმათ აფიქრებინა: კიკოლიკისთანა მუყაითს ჩინოვნიკს ახალ სასამართლოში ჩვენ ვერ ვიშოვნითო. ერთხელ ერთს ამ მოთავეთაგანს შეხვდა ლაპარაკი კიკოლიკზე იმ წარჩინებულ ქართველთან. რომელიც ისე გატაცებული იყო კიკოლიკის ღირსებით. იმან უთხრა მოთავეს. რომ კიკოლიკისთანა ახალგაზდა ქართველები ჯერ არ გამოზდილაო.

— მაშ მეც მაგისტანტებს ვეძებ ახალი სასამართლოსთვის. მოდი, ერთი თქვენც ურჩიეთ და, თუ ამ დღეებში ჩემთან შემოვიდა. მაშინვე წინადადებას მივცემ, მომრიგებელი მოსამართლის თანაშემწობა აილოს და მერე მალე წავაყენებ წინ.

— ეგ ძალიან კარგი აზრია. ღმერთმა ქნას, რომ ახალ სამოსამართლოებში მაგისტანა ყმაწვილები ბევრი გყლოდესთ! — ამ სიტყვებით განშორდენ ერთმანეთს წარჩინებული ქართველი და ერთი ახალი სამართლის მოთავეთაგანი.

X

ორი წელიწადი გავიდა მას აქეთ, რაც გაზეთი გამოიცა და რაც სტამბა გაიმართა. ბლუკუნამ სტამბის მართვაში აღმოიჩინა დიდი გულსმოდგინება, ძალიან დაწვრილებით აღევნებდა თვალყურს სტამბის შემოსავალ გასაველს. ყოველ წლის დამდეგ ხელის მომწერლების ფულები დიდ საშუალებას აძლევდა თვითონ სტამბას; რომ ის არა, ვგონებ, იმ ორ წელიწადში სამჯერ მანაც გამოეთხოვებოდენ სტამბას. ტყულა ჩაილუპებოდა ამდენი ფული და ნაწვალევი. ზაფხულსა და შემოდგომას, როგორც იყო, დიდი ჯახიროთ გასტანა სხვა-და-სხვა გარედან შემოტანილი მუშაობით; მაგრამ ზამთარში, როდესაც ახალი წელიწადი დადგებოდა, მაშინ იყო სტამბის გაწამაწია. ყველა მაშინ ითხოვდა ანგარიშის გაწმენდას, ყველა მენისიები და მოვალენი მაშინ მოადგებოდენ სტამბის კარს და, აი, ამ დროს რედაქციის ფული სტამბისათვის სწორედ მისწრება იყო. ის აკმაყოფილებდა მომეტებულს ნაწილს მოვალეებისას და მენისიებისას; შემდეგ მთელი ის წელიწადი კიდევ იმ რიგად გაჩანჩალდებოდა. ამ სახით გაზეთის ფული ყოველ წლის დამლევს სულს უდგამდა თვითონ სტამბას და, რომ მელიქ-ალას სტამბასთანავე ეს გაზეთის გამოცემა არ მოეფიქრებინა. შენი მტერი, რაც სტამბის საქმე იქნებოდა! ამ გარემოების ძალით თვითონ საღათას გაზეთის მმართველს, იმის დედა-ბოძს, ერთად-ერთს იმის მშრომელს, გაზეთის ფულიდან მარტო სამი თუმანი ჰქონდა თვეში დანიშნული და იმასაც თავის დროზე ვერ იღებდა. მომეტებულმა შრომამ მოსთხოვა მას უკეთესი რჩენა. იმას კი მარტო სადილში და ჩაის ხარჯში არ ყოფნიდა ეს სამი თუმანი. საღათა პირველ დროებში არას ამბობდა ამისთანა დაწყობილებაზე; მერე-კი თანდათან შეეპარა ექვი ამხანაგების მოქმედებაზე: „როგორც ვატყობ, ამათ სტამბა-კი არ გაუმართავთ გაზეთისათვის, თვითონ გაზეთი გამოუციათ სტამბის გულისთვის, რომ პირველშივე ჰქონოდათ სამუდამო მუშაობა და ხელის მოსაბრუნებელი“. მით უფრო რწმუნდებოდა ის ამ აზრზე, რომ ყოველ

წლის დამდეგს, როცა გაზეთის ფული სტამბის ხაზინაში ბლომად უნდა ყოფილიყო, მაშინ სულ არა იყო რა და საღათას თვე-ნახევრობით და ორ-ორი თვეობით უნდა ეცადნა თავის გაჭირებული სამი თუმნის მისაღებად. ცხადი იყო, რომ საღათას გულსალობით და იმისი კაპანწყვეტით სარგებლობდენ მელიქაღა. ბლუკუნა და ყველაზე უფრო კიკოლიკი. ეს მაინც ყველაზე უფრო ცოტას აკეთებდა სტამბისთვის. თუმცა მესამედი ნაწილი სრულიად უნდა რგებოდა. ეს. როგორც შეკფერის წმინდა სტამბის მეპატრონეს და მებატონეს, ყოველ დილით ათ საათზე შემობძანდებოდა სტამბაში გამოწეკიპილი, დახედავდა მუშაობას. გამოიკითხავდა დაწვრილებით სტამბის მდგომარეობას, თუ რამდენი სამუშაო საქმე შემოსულიყო, ან რა დახარჯულიყო, ან რამდენი ფული აეღოთ მუშაობიდან და მერე გავიდოდა. გაზეთს-კი სულ აალო თავის ყურადღების თვალს; იმას მხოლოდ ხელის მომწერლების სიმრავლე უყვარდა და, თუ იკითხავდა, მხოლოდ იმას, თუ რამდენია ხელის მომწერი, ან თუ ემატებაო. მთელი ორი წლის განმავლობაში იმან ორი თუ სამი სტატია დასწერა და მერე მიასო ფეხი. ბლუკუნაც არ უყურებდა იმას კარგი თვალთ. „თუ ამხანაგობა უუ.ნდა, იიმუშაოს: თთუ არა და რრას გვეჩრება თავის კითხვებით!“ წაილულლულეებდა და გარეთ მიმავალს კიკოლიკს შურის თვალებს გააყოლებდა. ამ სახით ბლუკუნას კიკოლიკიც ეზარებოდა, საღათაც და ყველა ისინი, რომელნიც იყენენ სტამბის პატრონები. საღათას თვალში-კი ყველანი ბლუკუნისანათ ასეთივე სხვის ზურგზე და სხვის ოფლით მოსადილენი იყენენ. როგორც ყოველი ჩვენი მებატონე. საღათა მომეტებული შრომისაგან და უსაშველობისაგან მეტად დაიქანცა. რომ ველარ მოითმინა გაჭირებული მდგომარეობა, ბოლოს გარეშე შრომასაც მიჰყო ხელი, გაკვეთილები იშოვნა და იმითი ტანსაცმელს იცვამდა. ეს ორნაირი შრომა გაზეთსაც დაეტყო, ის ისე კარგად ველარ მიდიოდა, როგორც უწინ. საღათა თავის გულს ასქდებოდა, ამას რომ ხედავდა, მით უფრო ღრმა სიძულვილი ჩაუყვარდა გულში კიკოლიკისა და იმის ამხანაგებისა.

კიკოლიკმა ორი წელიწადი ულოდინა, ეგონა ჩემი წილი ფული სტამბაში, აგერ ეხლა შემოიტანს კარგს სარგებელს და აგერ ახლაო; ბოლოს, რომ ველარას ეღირსა, თქვა გულში: „არაფერი მოსაგები საქმე ყოფილა ეს სტამბა. ტყუილა ფულები დამეხლართა — და ლანძღავდა მელიქაღას: — იმან გამაბრძოყვა, თორემ ახლა ეს ორმოცდაათი თუმანი სხვანაირად რომ მესარგებლებინა, ოთხმოც თუმნადაც გადამეჭეოდაო“. იმან განიზრახა გულში: „აი, ახალი სასამართლოები რომ გაიხსნება, ერთ წელიწადს კიდევ ვაცლი, მაშინ სამუშაოსაც ბევრს აიღებს სტამბა და მესამედში უქანასკნელს ორმოცდაათ თუმანს მაინც აეწაპნია“.

ამისთანა გარემოებაში იყო საქმე. რომ კიკოლიც შეხვდა უკანასკნელად მოგზაურობა დასაუღლებელ საქართველოსკენ სამთო შკოლუბის დასახედავად. მე მაშინ ქ...სს ვიყავი და რამდენიმე თვე ისე გავატარე, რომ ცოტაოდენად მაინც გონება გახსნილ კაცთან არ მელაპარაკნა და მართლაც გონება დამუნჯებულს ვგავდი. წარმოიდგინეთ, რა მიამებოდა კიკოლის ქ...სს ნახვა. მახსოვს, რომ იმ ღამეს, როცა ის ჩამოვიდა, კითხვებით და ლაპარაკით არც მე დამიძინია: „მოდი. ერთი წამოდი ჩემთან. — მითხრა კიკოლიკმა.— სულ რომ არა იყოს—რა. ხმის გასაცემი არაეინ მეყოლება. თუ მარტო დავრჩი ამ ორ თვეს სევანეთში და აფხაზეთში, სწორედ გამოვსულელდებიო.“ მე. მართალი გითხრათ, ძალინ მსურდა ამ ქვეყნების ნახვა, იმათ მდგომარეობის შეტყობა, იმათს ცხოვრებაზე თვალის შევლება და რომ ამისთანა კარგს დროსაც მეორედ ვერ ჩავიგდებდი ხელში. ესეც ძალიან კარგად ვიცოდი. ამისთვის დიდის სიამოვნებით განვიზრახე იმასთან წასვლა.

XI

კიკოლიკმა როგორც ძმა, ისე მიმიღო; ბევრი მელაპარაკა ტ...სზე, მიჩნია, მგზავრობის შემდეგ დავბრუნებულეიყავი ისევე ქ. ტ...სში. აგრეთვე ბევრი მელაპარაკა თავის ახლანდელს დამოკიდებულებაზე, წარჩინებული კაცების დამეგობრობაზე, ახალ სასამართლოს ცვლილებაზე და ამის გამო ქ.ტ...სის გამოცოცხლებაზე. რა თავის ტეხა აქეთ ადგილის შოენისათვის, რა მიხლა-მოხლა! ბევრი ძველი მოსამსახურეთაგან რჩება ულაგოდ. დროც არისო, რომ ქვეყანა განთავისუფლდეს ამ ხალხისაგან, ქვეყანა მაგათ მონილესო, დაატანდა კიკოლიკი. როდესაც ამ ძველ სახაზინო პალატისა და სხვა სასამართლოს ჩინოვნიკებზე მოსდიდოა ლაპარაკი, იმას ძაგებას და ლანძღვას საზღვარი არა ჰქონდა. რამდენი მაგალითები და კერძო შემთხვევები მითხრა იმათ ქრთამის აღებაზე. ვინ მოსთვლის. მე ცოტახანს იქით კიდევ გამიკვირდა, სად შეუტრები ამდენი დაწვრილებითი ცნობა ტ...სის საშუალო და დაბალი ადგილის ჩინოვნიკების ცხოვრებაზე-მეთქი. ვიცოდი, რომ ის მასწავლებლად იყო; სულ სხვა წრეში, სულ სხვა მიმართულებების გზაზე იდგა; მაგრამ ამ შემთხვევაში იმის ცნობის მოყვარეობა მაინც ძალიან შორს სწვდებოდა თავის აღნიშნული წრიდან და ახლა-კი ბეჯითად დავრწმუნდი, რომ კიკოლიც მართლაც და მთელი ტ...სის საზოგადოება ჰყოლია გაცნობილი. ჩემთვის ბევრად სასიამოვნო იყო, ტ...სის სასწავლებლების მდგომარეობა შემეტყუ. მე, როგორც ახალს მოსულს რუსეთიდან, განსაკუთრებით ჩენი ახალმოსწავლე ახალგაზრობის ბედ-იღბალი და შკოლაში იმათი წვრთნა მინდოდა

შემეტყუო. ჩემის აზრით, ეს მრავალნაირი საძაგლობა, რომელშიაც წარსული ჩირქ-მოდებული ცხოვრების სურათი იხატებოდა, ლაპარაკადაც არ ღირდა; მით უფრო, რომ თვითონ კიკოლიკი ამბობდა, ახალი სამოსამართლო ცვლილებების ნაკადული გასწმენდს ამ სამოსამართლო და სამმართველო ასპარეზსაო. ის განსაკუთრებით აძაგებდა და სასტიკად დევნიდა იმ თაობას, რომლის ცხოვრება მიხრწნილი და გარემოებისაგან მოკლებული იყო. ამ შემთხვევაში კიკოლიკის კითხვამ და ჯავრიანმა სიტყვებმა ძველს ქრთამის მღვდელ მოსამსახურეებზე მომავონა ის ფინია, რომელიც, სანამ ვეფხეს მოჰკლავდენ, ერთს ჯაგში შემალულიყო და იქ კრუსუნებდა შიშისაგან და, როცა მოჰკლეს, მხოლოდ მაშინ გამომხტარიყო, მოჰყოლოდა ყვეფას ვეფხის ლეშზე და იმის კულის წიწვნას კბილებით. თუმცა ამისთანა ლაპარაკში ჩნდა საზოგადოების სიკეთისადმი იმის მიდრეკილობა, ის ზიზლით იხსენებდა ისეთს კაცებს, რომელთაც უსამართლოებით მიეთვისებიათ სხვისი ოფლის ნაყოფი, სხვისი ხელებით შეძენილი კეთილმდგომარეობა, მაგრამ აწინდელს მდგომარეობას რას გამოადგებოდა ამისთანა კიცხვა: მკვდართათვის მკვდართ უნდა ეზრუნათ. ჩვენი საქმე ცოცხლების ვითარება იყო. ვინ იცის, რამდენი გაჭირვება და დამცირება გამოვიარე უნივერსიტეტში იმის გამო, რომ კარგად ვერ ვიყავი მომზადებული საუნივერსიტეტოდ; სადაც პეტერბურგის ლიმნაზიაში კურს-დამთავრებული სტუდენტები მეოთხედს საათს ანდომებდენ, იქ ჩვენ ორი სამი საათი უნდა გვეშრომა. დღე და ღამე მქონდა გაერთიანებული სხვა-და-სხვა საგნების შესწავლით, მაგრამ ზოგიერთ რუსის სტუდენტებს მაინც ვერ გაუსწორდი. ამ გარემოებამ საშინლად გამაჯავრა; ჩემი ლიმნაზიის სწავლა იმდენად შეუფერებელი გამოდგა უნივერსიტეტისათვის, რომ თუ მინდოდა რამე გამერიგებინა, სულ თავიდან უნდა გამომერეკა ის ცრუ სწავლა, რომელიც თორმეტი წლის განმავლობაში ზეპირის კვერის-ცემით ჩაეტენათ ჩემ თავში. როგორც შევედი უნივერსიტეტში, ჩემი თორმეტი წლის სწავლა სულ გამოუდევარ და მეხსიერების მავნებელ ბალაბურდოდ მომეჩვენა. ამ სწავლაზე ხელი უნდა ამელო და სასწავლებელი საგნები თვალ-ახდილი გონების საშუალებით მეორეთ უნდა შემესწავლა. ამ სახით მე შუა სასწავლებლის საგნები და უნივერსიტეტის საგნები ერთ დროს უნდა გამეველო. ჩემი შრომა ერთი ათად მეტი იყო პეტერბურგის ლიმნაზიაში კურს-დასრულებულის სტუდენტის შრომაზე. მაშასადამე, რა გასაკვირველი იქნებოდა. თუ მე იმას მეცნიერების განვითარებაში ვერ ვისწავლიდი. რა გულ-გამეხებით ვსწყევლიდი ჩემს წარსულს გარემოებას, რომელმაც თორმეტი წელიწადი ტყუილად დამაკარგვინა, ტყუილად ზეპირობით მეხსიერება გამიფუჭა და გონება დამიბნელა! მით უფრო საინ-

ტერესო იყო ჩემთვის იმ წუთას ტ...სის სასწავლებლის ახალგაზღვრების ამბის შეტყობა კიკოლიკისაგან, მაგრამ წარმოიდგინეთ ჩემი განკვირვება: თითქოს იმისთვის ჩვენი ახალმოზარდი თაობის ბედი სულაც არ არსებულყოფს. ამ თაობის ლანძღვის მეტი იმის პირიდან არა გამოსულა რა.

„ოჰ! ტ...სის შაგირდების ამბავს ელდარ მკითხავ, — დაიწყო კიკოლიკმა. — იმათთანა ვარყენილი, წამხდარი აღარა გინახავს-რა. წარმოიდგინე. თორმეტი წლის ყმაწვილს ხშირად შეეხვდები, რომ თამბაქოს სწევდეს. სწავლით სულ არ სწავლობენ. ექვს საათზე რომელ კაფეშიაც უნდა შეიხედო. ხუთს შაგირდს მაინც ნახავ, ბილი-არდზე თამაშობდეს. თვითონ მასწავლებლებიც ერთმანეთში ქორობისა და ენატანიობის მეტს არას აკეთებენ. საღამო ისე როგორ წავა. რომ ერთ ვისმესთან ყველანი არ მოგროვდენ ქალაღის სათამაშოდ. არც შაგირდების დაახლოვება თავისთავთან. არც იმათი დარიგება, არც ისე შეთვისება შაგირდისა. რომ ამისთანა გავლენით ახალგაზღვა ააცილოს კაცმა ცხოვრების ცუდს მხარეს. მასწავლებლები ისე გაშორებულები არიან შაგირდებზე, როგორც ცა დედამიწაზე. არც ერთი იმათგანი საკირად არა სთვლის ამას. ჩვენი მოვალეობაა. კვირაში აღნიშნული რიცხვი გაკვეთილებისა მივცეთ. ისწავლიან — კარგი. არ ისწავლიან და — ვაი იმათ გუნებას. აი, ასე ფიქრობს ყოველი მასწავლებელი. ყოველი იმათგანი კლასში რომ შევა, იმ ფიქრით შევა, რომ როგორმე მალე გამოვიდეს იქიდან და მთელი გაკვეთილის განმავლობაში, ნახევარს დროს მოქნარებას ანდომებს. აჰ, უხეირო წოდებაა ეს მასწავლებლობა. განწესებისთანავე შემადქულა იმან თავი და მაშინვე ვიფიქრე ამ თანამდებობის დაგდება. — გაათავა თავისი სიტყვა კიკოლიკმა.

-- თუ მაგისთანა ცუდს მდგომარეობაშია ტ...სის სასწავლებლები, თავი როგორ დაანებე? — ეუთხარი. — მე დარწმუნებული ვარ, რომ შენ, როგორც მასწავლებელს, შეგეძლო ყმაწვილების გული მოგებოვებინა. შეგეძლო დაგეახლოვებინა. შეგეძლო თვითონ მასწავლებლებს შორის ისეთი ამხანაგობა გაგემართა, რომ ზოგიერთს უფრო ხეირიანებს დამეგობრებოდი, იმათი საშუალებით ღონე მოგეპოვებინა და დანარჩენების სიზარმაცე და დაუდევნელობა მხილებით შეგეტუქსა. რატომ არ ჰქენი ამისთანა საქმე?

— არ შეიძლებოდა. პირველადვე მასწავლებლებმა განზე დამიწყეს ყურება. აქ ტომობითი განრჩევა ბევრს ნიშნავს. მე სულ სხვა ტომის ვიყავი და ისინი სხვისა.

— მით უფრო დიდი ზნეობითი ძალა გექნებოდა ტ...ს სასწავლებელში. ჩვენი ახალმოზარდი თაობა თავისიანს უფრო ადვილად

დაუახლოვდება. უფრო ადვილად გულს მოგანდობდა. შაგირდობა შენკენ იქნებოდა; გავლენა მოგემატებოდა, ერთი მხრით შაგირდები შეგეძლო კარგს გზაზე დაგეუენებინა; მე რე მხრით მასწავლებლობაც შეგეტუქსა-მეთქი.

— იმნაირად სჯი, თითქოს ტ...ს სასწავლებლის უფროსობა არ გენახოს. რა შეუძლია ერთს უბრალო მასწავლებლებს! ეგ რომ შეუტყონ. ვინ იცის. რას არ დასწამებენ. მე რე ხომ იცი, ჩვენ ვინა ვართ?

— ვიცი.

— შეგირდების მომეტებული ნაწილი სადაურები არიან?

— ეგეც ვიცი.

— მაშ რაღას ამბობ. რომ შემეძლებოდა რამე, მე შემეძლებოდა იმათი დაახლოვება. — მითხრა კიკოლიკმა.

— მე კიდევ იმას ვამბობ, რომ შეუძლებელი არა არის რა ამ ქვეყანაზე. — განვარგე ლაპარაკი. — ნათქვამია, „თუ გოგვით არა, ფორთხვით ჩაიარე ეს ღრე-კლდეო.“

— ყოველსავე მიზეზს ერთი კიდევ დაერთო: ეს ჩვენი ახალგაზდობის აკენიდანვე გარყვნილობა. განა პირველში მე თვითონ არ მიწდოდა. დაუახლოვებოდი. წავდგი კიდევ ერთი ნაბიჯი წინ და მაშინვე ნანეთ უკანვე გადმოვხტი. ვერ წარმოიდგენ, რა საქმე მიყვეს შაგირდებმა ეგწამენებს შემდეგ?

— რა?

— აი, გეტყვი: თითო-ორილი ყმაწვილი ყოველთვის დადიოდა ჩემთან. პირველში თითქოს ერთმანეთს შეეეჩვიეთ, თითქოს გული მომანდევს. მეც, რასაკვირველია, რაც გამეწყობოდა, ყოველსავე ვუხსნიდი. ვასმენდი კარგს აზრებს, ვალეიძებდი იმათს გონებას და ბოლოს... — კიდევ შეზარება ამის წარმოთქმა — ეგწამენებს შემდეგ ქოლგაში ბარათი ჩამიდევს; იმაში ეწერა: „მთელი წელიწადი თქვენგან არა გვისწავლია-რა და ეგწამენების დროს კი კისერში დანა მოგვალირე და ჩაგვკერი. ნახავ, რა დაგემართოს, შემდეგს ეგწამენებში თუ კიდევ ეგრე ფიცხად მოგვექეცი.“ აი, ამდენად გარყვნილები არიან. არც კეთილი გული. არც ჩემი გულსმოდგინებითი სწავლება არ დაიმახსოვნეს. მადლობა ღმერთს, რომ მალე დაეცილდი; თორემ ერთს ხათბალას გადამკიდებდენ, — მითხრა კიკოლიკმა.

— რატომ რიგიანად არ გამოიკვლიე მაგის მიზეზი, თუ რათ მოგექცენ ეგრე, — ვუთხარი მე: — იქნება მართლაც გულსმოდგინეთ ცდილობდი იმათს სწავლებას, იქნება მართლაც ცდილობდი იმათს დაახლოვებას; მაგრამ მანდიდანაც არა გამოვიდოდა-რა. შეიძლება, რომ შენი სწავლება ვერ მიუღდა იმათს გონებას; ხომ იცი, რა მდგომარეობაშია ჩავარდნილი ჩვენი სკოლის განათლება. განა შენი თავი არ

გახსოვს მოწაფეობაში? განა თვითონ შენს გონებაზე არ გაბზოვიცდია ის აუტანელი ტვირთი. როგლითაც იჩაგრებოდა შენი ჭკუის ძალა? განა დაგაეიწყადა 'მენი შაგიოდობა? ძალდატახებული შენი ბუნების წინააღმდეგი სწავლება? უცნობს ენაზე პირველ-დაწყებითი მეცნიერების შესწავლა? ჯერ რომ ის ენაც ხეირიანად არ გაგეგებოდა, რომელზედაც საგნებს გასწავლიდნენ, თვითონ საგანი როგორ უნდა შეგეთვისებინა? ხომ გამოვიცდია ყოველივე ესენი, მაშ რატომ ბევრი არ მიუტევე იმათს გარემოებას? რა ნება გქონდა, მოგეთხოვა იმათგან იმდენი, რამდენსაც ვერ დაიტევდა უკულმართად გაღვიძებული იმათი ნიჭიერება? რატომ არ 'მეხველი იმათს ანგარიშში, რატომ არ ეცადე იმათ გონების შემსუბუქებას? რა ნება გქონდა, ეგზამენზე მაგრად მოქცევოდი, როდესაც იცოდი, რომ იმათი ტვინი ბუნების წინააღმდეგი სწავლებით შეწუხებული იყო?

— მაგას თუ გამოვდგარბოდი, ე. ჰუ!... ეგ შორს წავიდოდა; მე დამტკიცებული პროგრამა მქონდა ხელში და ამის ასრულებას უნდა მიკეოლოდი. — ნითხრა კიკოლიკმა.

— როგორ თუ მიჰყოლოდი? ახალგაზღობის სვე ვილას მიახდე? თუ კი ყმაწვილის გონება ბუნების შეუფერებელი სწავლებით დაჩაგრულია, პროგრამა რილასი მაქნისი იყო?

— არა. ტ...ს ახალგაზღობისაგან მაინც არა გამოეა-რა. ბევრი ვაფუქებულეები არიან, — ნითხრა უგემურად კიკოლიკმა.

— მაგაში ვერ გეთანხმები. ახალგაზღობა რაც უნდა ვაფუქებული იყოს, იმას მაინც ისეთი ნორჩი აგებულობა აქვს, იმდენად მოქნილი ტვინი და ტანი აქვს, რომ იმათზე იმედი კაცმა არასოდეს არ უდნა დაჰკარგოს. ისინი ყოველთვის გამოვარდებიან, ოღონდ კარგს გარემოებაში ჩააგდე. ის-კი არა, ვინც სულ დაღუპულია. იმასაც რომ ცოტა გაუმჯობესობა რივიანი მოქცევისაგან არ დაეტყოს. არ შეიძლება. შენ გარემოებამ დაგაახლოვა ამ ნორჩს და ახალს ზნეობითს ჭურჭელს, ჩვენს მომთავალს იმედს და მემკვიდრეს. როგორ არ ეცადე, რომ ყოველსავე შენს მოქმედებას რამე ხეირიანი ნაყოფი ჰქონოდა ცხოვრებაში?

— მაგას გარდა ბუნებაზედაც ბევრია დამოკიდებული. მე აზრში არ მქონდა მასწავლებლობა. მე ვერ შევეთვისე ამ ჰაერს. მე მასწავლებლობა ყოველოვის ვიწრო ასპარეზად მიმანდა. რა გამოვიდა? ასწავლი, ასწავლი და სხვა არაფერი. შენ ერთი ხარ. სხვა ათასი, შენი გავლენა აბა რას იზამს იმ ათასი კაცის გავლენასთან? შენი შრომა სულ ტყულა მიდის და შემდგომი აღარა რჩება-რა არც შენთვის და არც სხვისთვის, — ნითხრა კიკოლიკმა.

— დალოცვილო, ბარათაშვილის ლექსი მინც მოგეგონებინა, რომ ეგრე ქეშმარიტის აზრის წინააღმდეგ არ დაგეწყო ლაპარაკი:

„რაც ერთხელ ცხოვლად სულს დაჩნდების, საშკილისშვილოდ გარდაიქმის“.

ჩვენს მოსწავლე ახალგაზღვრებაში შენ უფროსი მოძმე იყავი. იწავლა დასრულებული. მოსული შენს ქვეყანაში, შენი მიწა-წყლის სასარგებლოდ. შენი ტომის ახალთაობის სამაგალითოდ. შე დარწმუნებული ვარ, რომ პირველ შეყრაზე, ყოველი იმ მოსწავლე ახალგაზღვრებაში რომ შეგზნდებოდა, გაგიცილებდა, გულში იტყვოდა: „ეს ჩვენი ქვეყნის შვილია, ჩვენი კაცია, ჩვენც მაგის კვალს უნდა მივდიოთო“. აი, ამ პირველ გულკეთილ შეყრაზე ერთი შენგან განაგონი ცხოველი სიტყვა იმათს უდროოთ დახვესიანებულს ბუნებას გადააჩაღისებდა. შენ გგონია, ისინი არ გრძნობენ, არ ითმენენ? ბევრს ითმენენ, ბევრია იმათ გარემოებაში ისეთი დამაბრკოლებელი მიზეზი, რომელიც თოშავს, ჰკრავს იმათს სულის ძალას და ისინი კარგად ხედვენ. შენი ერთი ქართულად გამოლაპარაკება იმათს ნორჩს გონებას ააღელვებდა: „დასე, ეგ ჩვენი ძმა არისო,“ უნებურად წამოიძახებდენ. აი, პირველი ნაბიჯი მტკიცე კავშირისა!.. მაგრამ, შე როგორც ვხედავ, შენ არაფერი არ გიქნია იმათ სასიკეთოდ. ეს მომავალში ჩირქად უნდა დააჩნდეს შენს ცხოვრებას.

— მე სრულებითაც არა მქონია გულში მასწავლებლობა. არც შე ვიცი, როგორ ჩავეარდი ამ წრეში. მე ყოველთვის ხალხისკენ მიწვევდა ჩემი გონება. აი, ამ ერთ წელს შემდეგ შემოიღებენ ახალი სამართლის დაწესებულებას, საერო სამართალს, სადაც მოსამართლე ხალხის თვალწინ მიუდგომლად დაიწყებს სამართლის ჰრას. აბა, მაშინ მიყურე .თუ საჩვენებლობა ვერ მოვიტანო, თორემ დაგიუიწია მასწავლებლობა! შე არა მწამს, რომ იქ კაცმა რამე გააკეთოს. — სთქვა ციკოლიკმა.

— როგორ?.. შთამომავლობის გაზნდას, იმის კეთილ გზაზე დაყენებას ვანა რამე შეედრება?

— არა, მე ხომ მაგას არ ვამბობ, მაგრამ იქ ერთს კაცს მართა არა შეუძლია-რა. მეორე, ესეც უნდა თქვას კაცმა: შენი ცხოვრება გაივლის სულ მასწავლებლობაში, ამ ვიწრო წრეში და ხელს იმდენზე ვერ გაშლი მოქმედებისთვის. რომ შორს დაჩრდილო, ბევრს მიაწვდინო შემწეობა. ბევრზე გქონდეს გავლენა.

— ჰო, მესმის. შენ გინდა, გქონდეს თვალისთვის კარგა შესანიშნავი, ვრცელი ასპარეზი, თუმცა, იქნება, ამ მოქმედებას არავითარი ნაყოფი არა მოჰქონდეს-რა.

— არა, დიდს ასპარეზს ღიდი მოქმედებაც შეფერის და ღიდი წაყოფივ გამოდის! — მითხრა კიკოლიკმა.

— მაგრამ მაგისტანა მოასპარეზე, სადაც უნდა დასვა, ყოველგან აჩენს თავის კვალს. საც მზე თვის შუქს დაჰკრავს, იქ თესლი გაილოჯება. შენ რომ მასწავლებლობაში კვალი ვერ დაგიჩენია, რითი დავრწმუნდეთ, რომ იმ ვრცელს ასპარეზზე სრულად გამოიჩენ შენს ბუნებთის ძალას?

— დაგიჩენია ეგ მასწავლებლობა. რა საქმეზედაც გული არ შიგდის, იქ რა კვალი უნდა დააჩინო!

ამ გვარმა კიკოლიკის პასუხებმა მე ძალიან ჩამაფიქრა. ვაი, საწყალო ჩვენო ახალგაზნობავ, ჩვენო მომავალო ცხოვრებავ, ვის ხელში იზღებნი!.. რა ნაყოფი უნდა დამზადდეს ფესვებ-დასხებილი მცენარისაგან? შენები გემალებიან, თავიდან გიშორებენ, მაშ რა გასაკვირი იქნება, რომ მასვე მიეკედლო. ვინც დღეს ძიძობას და უფრო დედინაცვლობას გიწევს.

იმ საღამოს ძალიან დამაგვიანდა. ორი საათი იყო შუალამისა. იქიდან რომ წამოვედი. მეორე დღეს ნაშუადღევის ხუთს საათამდის ყოველივე უნდა მომემზადებია, რაც საქირო იყო სამეზავროდ. თან მოვდიოდი შინ და თან კიკოლიკის უგემური სახე და მისი უგრძობი. სხივ-გამოლუული აზრები მომდოდა თავში. ჯერ ორი წელიწადიც არ იყო, რაც საღათას წიგნი მიელო იმისგან ქ...სს, რომელშიაც ალტაცებით იწერებოდა საზოგადო საქმის ხელის წამართვაზე. გაზეთის გამოცემაზე და სხვადასხვა. ჩემი უნივერსიტეტური შეხედულობა ამ კაცზე ამ ცოცხალმა გრძობით სავსე წიგნმა სულ დამიკარგა. მაშინ ვთქვი, კიკოლიკი ბევრად უკეთესი ყოფილა-მეთქი, ვინამც სტუდენტობაში მეგონა. მე ის შემეიყვარდა, მე იმისგან ბევრს კარგს მოველოდი, ვიცოდი იმისი პრაქტიკული, დამჯდარი კჳის ამბავი და ასე ვიფიქრე: ამ კაცს მხნეობა და გული ჭაბუკისა აქვს-მეთქი. გამოცდილობა კი მოხუცისა. აი, თუ გინდა. ნამდვილი შემეაერთებელი ხიდი ძველსა და ახალს თაობას შუა ეს უნდა იყოს-მეთქი. გული თავის მამულის კეთილდღეობისთვის უღულს და ყოფაქცევით ყოველს მოხუცებულს თავს შეაყვარებს-მეთქი. ღიდი იმედი მქონდა. რომ ის მართლაც შეაერთებდა ძველსა და ახალს თაობას. ძველს თაობას დააყენებდა ახალი ცხოვრების გაკვალულს გზაზე და ამ რიგად ჩვენს საუკეთესო ძალას უფრო ღიდი ძლიერება ექნება სიკეთის დასამყარებლად-მეთქი. ყოველივე ამნაირი გრძობა აღმიძრა იმ პაწაწა ბართის წაკიოხვამ. ვინ იცის. კიკოლიკი რა გძირად გამომყავდა, და ახლა, როდესაც იმისმა სახემ, იმისმა მსჯელობამ და მიდრეკილებამ ასევე ის კიკოლიკი მომაგონა, რომელზედაც ხ...სკიმ მითხრა: „მერ-

წმუნე. ეგ ცხოვრებაში ყოველთვის ეგრე მოიქცევაო,“ — და იმ დროს რომ მიწა გამხეთქოდა და შიგ ჩავარდნილიყავი. არ მენალვებოდა იმისთვის, რომ ჩემ თავს ვხედავდი ორიოდ ფარისეველურად გამო-ოქმული აზრებისაგან ასე მოტყუებულსა. კიკოლიკი თავის პრაქტიკულ კითხვებში თითქო უფრო დამჯდარი და დაბრძენებული მეჩვენა. ყოველს ჩემს პასუხზე ახალგაზდობის გავლენის შესახებ ის უგემურად გაილიმებდა, თითქოს უნდოდა ეთქვა. ეს საწყალი ჯერ კიდევ ხ...სკის სიგიჟით არის შეპყრობილიო. თითქოს კიკოლიკს ის გულმხურვალება. რომლითაც პეტერბურგში გვიმტკიცებდა თავის აზრებს. სულ გაპქრობოდა. ეთქვათ. რომ მაშინ იმის აზრის თანახმანი არ ვიყავით, მაგრამ ერთხელაც კი არ შემსვლია გულში იმის ექვი. თუ ეს კაცი ჩვენი სიკეთისათვისვე არ გვირჩევდა. რომ ისე მოექცეულეყავით. როგორც იმას ეგონა საუმჯობესოდ. მაშინ ბევრი წრფელი გულშემატკივრობა ეტყობოდა თავის თანამემამულეებზე. ახლა—კი ყოველი იმისი დამტკიცება, ყოველი იმისი აზრი ჩემს გონებას ცივი ყინულივით ხვდებოდა. თითქოს ამ კაცს სხვისი თანამოზიარე გრძნობის ცეცხლი სულ ჩაქრობოდა და გარდა თავის საკუთარი ცხვირისა და პირისა აღარა ჰგულვებოდა—რა ქვეყანაზე. როდესაც შევადრე იმისი პეტერბურგული აზრები, ჯერ კიდევ წრფელი გრძნობით ცეცხლმოდებულები. ახლანდელსა, ვიფიქრე. ეს ისევ პეტერბურგს ნაწთობი ბუნებაა. რომელიც ოდესმე მინახავს; განსხვავება მხოლოდ იმაშია, რომ მაშინ ეს ბუნება ხურდა და ახლა ტ...ს ყინულ-მოდებული ცხოვრების ჰავას გუცივებია—მეთქი. ამ დროს კიდევ მომაგონდა ხ...სკის სიტყვები და კიდევ ენა წაეიკენითე ჯავრისაგან.

XII

ხშირად მოხდება, რომ კაცი დიდი ხნით ჩავარდება ისეთს საზოგადოებაში. სადაც არც იმის გულის მოპასუხე. არც იმის მიზნის პიძღვეი კაცებია. მაშინ ეს კაცი მიემგზავსება ციხეში დამწყვედეულს ტყვეს, რომელსაც პირველ დღეს ეგრე აუტანელად არ მიაჩნია თავისი ტუსალობა. რადგან ის ამ სატუსალოშიაც ბევრს ახალ საგანს ხედავს. ბევრს ახალ შთაბეჭდილებას იძენს. რომელნიც იმდენად აავსებენ თუ შავი, თუ დაჩრდილული ფიქრებით იმის გონებას. რომ ის თითქმის ივიწყებს ამ თავის ტუსალობას, შეიმალება თავის აზრის ტყავში. როგორც ტყის ბუძგი, ზღარბი და ამ გარემოებაში მანამ მოისვენებს. სანამდის თავის ახალი ადგილ-სადგომის ნივთებს და გარემოებას იმდენად არ შეაჩვევს თავის გონებას, რომ იმის ყურადღების მისაქცევი აღარა დარჩენილიყოს—რა ამ ოთხ კედელში. მაგრამ, წარმოიდგინეო.

რომ ტუსაღი მეხუთე დღესაც ისევ იმ კედლებს ხედავს, სულ ერთი და იგივე მდუნე ბუტბუტი ესმის თავის გარემორტყმულს კედლებს იქით, საცა სხვა დამწყვედეულებიც არიან, ესმის ერთი და იგივე თოფის ხრაგუნის, ხედავს მუდამ იმავე მხვერავ თვალებს ყარაულებისას. ჩასაკვირველია, იმას ტანი თანდათან დაუმძიმდება, დადინჯებული გული ერთგვაროვნებით ბეზრდება. იწყებს ავადმყოფურ ფეთქვას, თითქოს უნდა გახტეს გარეთ ახალი შთაბეჭდილებისათვისო. მაქინ თვითონ დამწყვედეულიც იწყებს მოუსვენარს წრიას ამ თავის სატუსაღოში. ერთს და იმავე საგნებს თანდათან იძულებს: მერე მთელი ტანიც დაუწყებს გულთან შეხამებით ტოკვას და ლელეასა ტვინის ძაფები ეშლება და ბოლოს. თუ გარეთ არ გამოიყვანე, ახალი ჰაერი არ ასუნთქე, თქვენი მტერი. იმას მოუვიდეს. სწორედ ამნაირად ვგრძნობდი ჩემს თავს, როცა ქ...ს ვიყავი დამწყვედეული ერთსა და იმავე ალაგას უმიზნოდ, უსაქმოდ და უამხანაგოდ. იქ ცხოვრება საშინლად მომბეზრდა. არც ის მშვენიერი გორები. მინდვრები. შჩქეფარე მდინარე ათასნაირი ყვავილ-მწვანილით შემოსილი. არც ის მშვენიერი ცის ლაქვარდი აღარ იტაცებდა ჩემს გონებას, აღარ ახალისებდა ჩემს გულს. აღარ სძრავდა ჩემს ფიქრებს. სულ მუდამ ერთმა და იმავე მშვენიერების ცქერამ დაადუნა ჩემი აზრი და გამოხატულება. მე ვგავდი სიციხით თავგარეტებულს კაცს. რომელსაც ცივი წყალი თუ მოასულიერებს, თორემ სხვა არაფერი. მე ვგრძნობდი, რომ თანდათან სუსტდებოდა ჩემი გონების მოძრაობა, მინდოდა, რაიმე ახალზე გონება შემეჩერებინა. მაგრამ ვერას ვხედავდი იმისთანას. რომ ასჯერ და ათასჯერ მაინც არ გადამევილოს თვალი. მუდამ ერთი და იგივე საგნები. ერთი და იგივე კაცის სულები მეჩრებოდენ. რომელნიც შეხედავდენ თუ ათა დაღრეჯილს მჭირდავს სახეს. იქით პიობრუნებდენ. ვატყობდი, რომ მე იმათ შეეცძულდი ისე. როგორც ისინი მე. ჩემსა და ამ სულიერებს შორის რაღაც ასეთი ქვის კედელი იყო გავლებული, რომ ერთობა ვერ მოგვეხერხებინა. ვიყავით ასე ძალღ-კატურად გარემოების ძალით ერთად დაბმულნი, ერთმანეთს ვერ გამოველაპარაკებოდით. ერთმანეთისთვის აზრი ვერ გაგვეზიარებინა. ამ სახით შევიქენი უსარგებლოდ მოტანტალე. ამ უსაქმობამ და ტყულა უსარგებლოდ ცხოვრებამ კიდევ უფრო ამიშალა ტვინის ძაფები. ჩემი თავის იმედი და პარტივისცემა თანდათან შეკარგებოდა და დიდი ხანი რომ დაეჩინილევითავე აქ, არ ვიცი. რა დამემართებოდა.

აი, ამ მდგომარეობაში კიკოლიკის ნახვამ ისე გამაცოცხლა, როგორც სატუსაღოვან გამოსულს კაცს ახალი ჰაერის პირველად ჩასულთქმა, მწვანე ფოთლის დანახვა. ვინ იცის, რამდენ ცოცხალს გამოხატულებას გაუღვიძებს განთავისუფლებულს ტუსაღს ეს უბრალო

ფოთოლი, რომელიც მიჩვეულის კაცისთვის სრულებით უყურადღებოდ რჩება. ეს პაწაწა ხის ფოთოლი აღადგენს იმის გონებაში ერთი-მეორის ზედმიყოლით დაეიწყებულს სურათებს გავლილი ცხოვრებისას: ფოთოლი ხეს აბია, ხე მიწას, მიწაზე მდინარე მოდის, მდინარესთან გაცოცხლდება იმის მენსიერებაში მშვენიერი წყლის პირები-ბუჩქები. ხეობები, სოფლები მამა-პაპეული, თავის სოფლის კუთხემერე ნათესაეობა. თავისი ოჯახობა და ბოლოს თავის წარსული ცხოვრების სურათი. ამ სახით ამ ერთი უბრალო ხის ფოთლის შეხედვაზე თანდათან ივსება განთავისუფლებული ტუსალი ახალ-ახალი ფიქრებით. გამხმარი ბუნება საწყალი კაცისა ნათელი სურათებით თანდათან ნედლდება. როგორც ნედლდება გოლვისაგან ფოთლებდახრუკული, დამქნარი მცენარე. როცა ზედ წყალს დაასხამ. საწყალი ტუსალი შეტრფის ამ ერთ ფოთოლში გავლილს უწინდელს დროებს და ზედ დაჰხარის: ბევრია ამ დროებაში ტკბილი მოგონებები; ბევრია ნათელი და ბევრი ცუდიცა. ყველა ეს მრავალგვარი სურათები ერთად გადაბმული შედგენს თითქოს ერთს მშვენიერს ყვავილის კონას; სადაც თეთრი ფერიც არის, ვარდის ფერიცა, ზამბახი, ია, ყაყაჩო და ბოლოს სულ შავი ყვავილიცა. ყველა ეს ყვავილები არიან ერთ დიდებულ თაიგულად შეკრულნი. რომელთაც დასცქერის ტუსალი. სტკბება იმითი, ახალისებს სატუსალოში დამქნარს გულს; გამონატულებას და აზრს. სულ ეს წარსული ცხოვრების სურათების კონა ტუსალის გამონატულებაში აღიძრა ამ პაწაწა ხის ფოთლისაგან. სველა ეს ყვავილები სულ იმ ფოთოლზე არის ჩამოკიდებულნი ერთი მეორის ზედ მიყოლით და იმის გონებაში შეადგენენ ერთს გძელს. კრელს და იმისთვის სპსიამოვნო სანახაობას. აი, რის გამო წაუღია ასე შორს პაწაწა ქმნილებას იმისი გონება. ტუსალი იმდენად ჩაღრმავებულია ამ დროს, რომ უმთავრესი მოთხოვნილებაც ავიწყდება. ძალიან რომ შიოდეს და პური შეაძლიო, არ გამოგართმევს. სწორედ ასე დამემართა მეც კიკოლიკის პირველ ნახვაზე ქ...სს. იმან უცბად გადამიყვანა აზრით პეტერბურგის ჰავაში, ხ...სკისთან, მთელი უნივერსიტეტის ახალგაზდობასთან; მომაგონდა იმათი ცხოვრება, თავდაუდებელი შრომა. ცეცხლმომდებელი მხნეობა სამეცნიერო ჭეშმარიტების ძიებაში და სწავლაში; მომაგონდა იმათი გულის წუხილი. მიზნის აღრჩევა ცხოვრებაში, ბრძოლისთვის მზადება ყოველ ცხოვრების უწესოების წინააღმდეგ და სხ. და სხ. ამ მოგონებამ მართლაც რომ ჩემს სიცხით შეწუხებულს თავს ცივი წყალი დაასხეს. მე გაცოცხლდი, აზრები გამიახლდა. ჩავლრმავდი ჩემს უნივერსიტეტის ცხოვრების წრეში და უმთავრესი საქმე-ეი გულზე გადამეარდა. და-

ჩავიწყდა სალათას ამბის კითხვა, გაზეთის წარმატების ამბავი, ან თუ ტ...ს საზოგადოება როგორი თვალთ უცქეროდა ამ საქმეს, ან თუ ახალგაზნდობა გარემომოსეოდა ამ ახალს საქმეს და სხ. ეს იყო ჩემი უმთავრესი ფიქრი, უმთავრესი საგანი, გული ამ საქმისკენ მიმიწვედა. მიზანი ჩემის ცხოვრებას აქეთ მქონდა და ამ უმთავრეს საგანზე კო-ოხვა სულ გამომეპარა ჩემი გონებიდან. შემდეგ ჩემი მგზავრების თე-სებამ, იმათმა მოქმედების ამბავმა გზაზე ისე ჩამითრია. რომ სახამ ზღალ ქედზე არ ავედით და იქიან პირს არ გადავდექით, მინამდის კიკოლიკს სულ აღარ დავლაპარაკებია. მე. კიკოლიკი და ერთი თავადი სვანი, რომელიც თან იმათ სოფლიდან წამოგვყვა. დავწინა-ურდით. ეს სოფელი ძვეს ამ მთის ძირას, ხევის პირზე. ჩვენ დილით აღრიანად ავატანეთ და ქედზე რომ ავედით, მზე კარგად გადახრილი იყო, სოფლის სამხრობაზე უფრო გვიან შეიქნა. პირველად რომ გა-ლახედე ამ აუწვდენელი ქედიდან პირიქით ხეობას. საშინლად გა-ზარცა. იენისის გასული იყო, მაგრამ ქედზე ჯერ თოვლი არ იყო კიდევ აღებული. ჩრდილოეთის კავკასის ცივმა ქარმა მობერა და ხე-ლები დაგვიკინა. ჩვენ მოვხსენით მაშინვე ცხენებს ნაბდები და შოკ გამოვეხეეთ. საკვირველი სანახავი დაიხატა ჩემ თვალებს წინ. გალ-მით შორს ნაყუდებოდენ უზარმაზარი მთები დევებსავეით და მომეტე-ბული ნაწილი სულ თოვლით იყო შემოსილი. ჩვენ ვიდექით მთაზე. მაგრამ იალბუზიდან მოყოლებული წურნილაამდის ისეთი მაღალ ქე-ლებად მოგვიჩვენენ, რომ ასე გვეგონა, რიონის ვაკეზე ვართ და ახალ-ციხის მთებს 'მევეურებთ-მეთქი. ის ხეობა იყო ჩაღრუბლული, ჩაშა-ვებული. აქაურს ბუნებას მომეტებულად ბნელი ფერი ედვა. აქ ხეებს 'იოქი. კუპრის ფოთლები ასხიაო. ტყეები ჩაშავებული. ხეობები ჩა-ბნელებული და კლდეები თითქო ნანშირისფრად იყო შეღებილი. მთე-ლი ბუნება პირმოქუქული, სასტიკად დაღერემილი კაცის სახედ მო-მეჩვენა. ყოველივე აქ ისე იყო შეზავებული, რომ ტანჯევა-მწუხარებასა და შიშის მეტი არაფერი უნდა ეგრძნო კაცს. ამ შავის ჯოჯოხეთის არელან მოგვესმა რაღაც ღმუილი, თითქოს ცისა და ქვეყნის განკით-ხვის დღე მოახლოვებულაო. ვკითხეთ სვანს, ეს ზარის ხმა რისგახ უნდა იყოს-მეთქი.

— აი, პირდაპირ ხომ ხედავ დიდს თოვლს. იმას სიგრძე სივანით ერთი დღის სავალი აქვს. იქ იმდენი თოვლი და ყინული არის ჩაგროვე-ბული, რომ იმ ორ მთას შუა ალაგი სულ იმითია ამოვსებული. ამდენი ვაება თოვლს ზაფხულობით ძირი ულხვება, იწვეს. ძირს ჩამოდის მთის წვერებიდან. არღვეს კლდესა და იმისი ხმა არის. — ამ დროს შორს იალბუზისკენ დაეხვია შავი ნისლი. ცოტა ხანს იქით ჩვენ მახლობლა-დაც არწივმა ფრთა ჰკრა. „მაღე ჩავიდეთ ამ ფერდობზე. თორემ წვი-

მა და ქვეა-ქუხილი ატყდება“: — გვითხრა სვანმა. — როცა იალბუხს შავი წისლი დაეხვევა და არწივი ცაში დაიწყებს ნაეარდს მაშინ უსათუოდ ქარიშხალი ატყდებაო. ცივი ქარი თანდათან ძლიერდებოდა, ჩვენ ისეთ წერტილზე ვიდექით, რომ იქიდან რამდენიმე ხეობა ჩნდა გაღმა-გამოღმით. ამ ორ ხეობას მარტო ქედი ჰყოფდა, მაგრამ ისე საშინლად განირჩეოდნენ ერთმანეთისაგან ეს ორი ქვეყანა, რომ სწორედ ორი განკიდურებული დედამიწის კუთხე ეგონებოდა კაცს: ერთი თავში მდებარე და მეორე ბოლოში. გაღმოღმა ხეობა კაცის თვალის გამაცოცხლებელი მწვანით იყო შემოსილი. აქ წითელი ყაყაჩო, ტყის ვარდი და მრავალ-ფეროვანი დიდ-დიდი შქერის ყვავილები ერთმანეთში იყო არეული. ესენი იყვნენ სქლად გაბანდულები მთის სამხრეთის-ფერდობზე. ალაგ-ალაგ გამოჩნდებოდა რგვალი მინდორი სქელი მწვანის ხავერდით მოფენილი, რომელიც ათას ფერად იყო აქრელებული მინდვრის სურნელოვანი ყვავილებისაგან. ცოტა ამ ალაგებს რომ მოაშორებდი თვალს. შემდეგ თვალის სერივს ახალისებდა უწარმაზარო მუხის, წიფლის და წაბლის ხეები, რომელნიც სწორედ ზურმუხტის ფრად ლეზავდნენ ყოველსავე: შორიდან მართლაც ეს ფერები ისე შეზავებულია ამ ბუნებაში, რომ მგზავრს ძვირფასი თვალითა და მარჯალიტით მოქედილი ჰგონია აქაურობა. ამას გადაწმენდილი ლაევარლიცის კამარა გადააფარე და მაშინ იტყვი: თუ სადმე ქვეყანაზე საშობზე: ამ კუთხეებში უნდა იყოსო; თუ კაცი სადმე გაიხარებს, გაიზღება, გონება გაემლება, აქ უნდა გაეშალოსო. ვისი გული არ იფიქრებდა მხიარულად ასე მდიდრად შემკულს ბუნებაში? ამ დროს ერთს ჩვენს მომდევარს სვანს მოვკარი თვალი. რომელიც მთის ბილიკზე ისე ჩქარა მოდიოდა, თითქოს მოძუნძულეებსო. აი, მხოლოდ ის იყო დაღვრემილი. ბუნება იმ მშვენიერს ამინდში იცინოდა, თავის აურაცხელს სიმდიდრეს ვარდის ფარფლებსავით თავს გვაყრიდა, მაგრამ სვანს მაინც მთელი ეს ხეობის გაყოლება ცხვირ-პირი ჩამოსტიროდა. მთელი გზა იმას ერთხელ არ გაუცინია. ისე დაღრეჯილი მიდიოდა, თითქოს ან ცოლი. ან დედა ახლად დაემარხოს. როგორც-კი შედგა ფენი მთის წვერზე აქ სვანმა და დაინახა თავისი შავი მისებრივ ცხვირპირ ჩამომტირალი ქვეყანა. თითქოს ელექტრონული ძალა გატარებულ იყოს იმის გვამში, ერთბაშად გამოიცვალა, სახე გაუნათლდა, ერთი საშინელი დაიყვირა. „სამშობლოვო“, შეხტა და ქუდი მალლა ააგდო. მერე დაჯდა. პირი თავის შავ ქვეყნისკენ მიიბრუნა და სასიამოვნო ხმით მოჰყვა სიმღერასა:

ცხრა მთას იქით გავექშურე.
ჯავრი წამყვა ქალისაო.
ჩემო მიწავ, ისევ გნახე,
შეხტი. ბიჭო, ამ მთისაო.

იქა ვნახე ბროლის კოშკი,
ნათობს პირი მთვარისაო,
იმას ჩემი შავგვრემანი
ვამჯობინე ამ მთისაო.

„აქ შემოდი, მთვარე ნახე,
სკადე ცეცხლი გულისაო“.
შავგვრემანი დამევიწყა!
ვერა, ვერ ვქენ მწარისაო.

იქ თვალი და მარგალიტი
თავს მაყარეს მთვარისაო.
იმ მარგალიტს მელნის ტბები
სჯობდა შავგვრემანისაო.

ჩემ კლდიან გორა-მიწაზე,
შავს მეწყერში ამოვეო;
შავგვრემანს თან შევეზარდე,
მითხრეს. სულ ეს დატოვეო.

არც თვალი. არც მარგალიტი,
არც ბროლის კოშკი მთვარეო,
არც ის სამოთხის ქვეყანა
არ ვინდომე. წამოვეო.

შავო კლდე. შავო ქვეყანავ,
ისევ შენთან გადმოვეო;
შავგვრემანმა თან შემიტკბოს,
შენ, შავო ხევ, დამჩრდილეო.

შავო ღრუბელო, დამთვარე,
ქარიშხალო, დამარწეო,
დიდი ხნის მოშორებულსა
ნეტარება გამიგრძეო.

ჩემო მიწავ, კიდევ გნახე.
შენტი, ბიჭო, ამ მთისაო;
შავგვრემანი ჩემკენ მორბის,
ანკარა სდის ცრემლისაო.

მთელი იმ მთის ფერდობი სოფლამდის ისე ჩაეიარეთ, რომ სევანს ეს სიძლერა არ გაუწყვეტია; იმის სახე უფრო და უფრო გამხიარულდა. წარბი გაეხსნა, თვალებმა დაუწყაო თამაში, თავის ამხანაგებს მოუხშირა არაკებისა და მხიარული ამბების ლაპარაკი, იმათაც აცინებდა და თვითონაც იცინოდა. გამოდგა, რომ ეს სევანი ზუმარა და მხიარული ბუნებისა ყოფილიყო. მაგრამ მე რომ მისი დაჯავრიანებული სახე მინახავს ჩვენში, როგორ წარმოვიდგენდი, თუ სევანებს ამისთანა მხიარული ხასიათი ექნებოდათ. სოფელს თანდათან მიუახლოვდით. ეს სევანური სოფელი იყო ენგურის გაღმით. ყველა სახლები თეთრი ქვით იყო ანაგები, შორიდან სულ თლილი ქვის გეგონებოდა; მაგრამ ახლოს-კი ოთხკუთხი გათლილი ფილაქნების მეტი არა იყო-რა. ყველა სახლი ზევიდან ფართო შავი ქვის ფილაქნებით იყო გადახურული. საიდან შოულობენ-მეთქი ამისთანა მშვენიერს სახურავს? — აქაური კლდეები სულ მაგისთანა ქვისგან არის შემდგარიო, — მითხრა გიორგი სევანმა. შორიდან ყოველი სევანური სოფელი პაწაწა ქალაქი გეგონება. ქვის სახლები ერთი-ერთმანეთზე მიყრილია, ყოველ სოფელს გარშემო ავილია ქვიტკირის კედელი, კუთხეებთან მაღალი კოშკებია ამართული. თურმე იქ უწინ ყოველი სოფელი წარმოადგენდა საკუთარ სახელმწიფოს თავის საერო მართველობით. სოფლები ერთმანეთს მიუხტებოდენ, აწიოკებდენ და, აი, ამ გაჭირვებამ შეაგროვა ისინი ერთად და ყოველი სოფელი. ქვის კედლებით და კოშკებით გაამაგრებინა. პირველსავე მამასახლისის ხმაზე სოფლელები შეიყრებოდენ. ყოველი კაცი თავ-თავის ალაგას დგებოდა, ზოგი კოშკს ამაგრებდა, ზოგი ალაყაფის კარებთან იყო და ზოგი გალაენის კუთხეებში. ამ შემთხვევაში დედაკაცებიც მამაკაცების საქმეს ასრულებდენ. სევანის ქალი, ოუ დაქირდა, თოფ-იარაღს ჩინებულად ხმარობს.

ივლისის დამდგევი იყო და ღამით ისე ციოდა ხოლმე, რომ ჩვენში ნოემბერშიაც არ ეციება ისე. ხეობას რომ ჩაუწყევით, თითქოს ციხის დერეფანში ჩავექედეთ ვისმე. ყოვლის მხრით მთის კედლები იყო ამართული. ერთი ცხენის მოტრიალება მინდორიც აღარსაით გვინახავს. მუდამ ცხვირის წინ გვეტუზებოდენ ბურუსიანი შავი მთები. ზვევით თუ აიხედავდი, ასე გეგონებოდა. ცა სწორედ ამ მთის წვერზე არისო დალაგებული, როგორც ციხის გუმბათი. ამ ბუნების სივიწროემ თანდათან შემიხუთა სული. მე მეგონა, თუ ეს მთის კალთები დღითი დღე

ერთმანეთს უახლოვდებოდნენ და უნდოდათ ჩემი გასრესა. მუდამ დღე გულჩახვეული არყის ტყისა და შქოთავი ხეების მეტს ვერას ვხედავდი. ბოლ-ადენილი მთები-კი ისე უძრავად იყვნენ ერთმანეთზე მიწყობილნი და იმათი შეურყეველი სიჩუმე, იმათი გამოუყვლეველი საიდუმლოება თანდათან უფრო და უფრო მაწუხებდა, მაშინებდა. ამასთანავე ჩრდლოეთით უზარმაზარი ყინულის მთა წამის-წამს გრიალებდა, თითქოს ზარბაზნის სროლა აქვს გამართულიო. თითონ სვანებიც. დაღვრემილები და გულჩახვეულები. ხშირად გმირულნი შესახედავნი, თავიდან ფეხებამდის დაიარალებულნი, ვერ იყვნენ ჩემს გონებაში კარგი სამეზობლო კაცები. ისინი საკვირველად შეხამებულნი იყვნენ ტანსაცმელით. ზნით და ქცევით თავის ველურ ბუნებას. თავის დევ-კაყებს და დევ-კლდეებს. მაგრამ მე-კი მთელი ეს გარემოება თანდათან თავს მაძულებდა. როცა ბინაზე მივედი. სვანეთი შავმა ნისლმა დააფარა. მე და კიკოლიკი ერთად ვიდექით. მეორე დღეს ძალიან გულდაჩაგრულმა შევბღვლე კიკოლიკს: როდის იქნება ჩვენ გაშლილს მინდორში თავისუფლად ამოვისუნთქოთ-მეთქი. მე რომ აქ ერთი თვე დამაგვიანდეს, ვგონებ ამ უზარმაზარმა ციხის კედლებმა. მუდამ ჩამომტირალმა და ჩამოშლამულმა. ქლექში ჩამავდოს-მეთქი. ახლა, როდესაც შევამზგავსე ჩემი და სვანის მდგომარეობა ერთმანეთთან — ის აქ ხტოდა მთის ნადიროვით, მოსწონდა ეს მქისი ქვეყანა, თუმცა აქ მოსაწონი არა იყო-რა ჩემთვის და შეილს მოვეუნათლავდი, ამ ღრე კლდიდან რომ ვისმე გავეყვანე — მაშინ-კი ვიფიქრე-რომ აქ სწორედ სხვა რამე კაცის გაუგებარი და აუხსნელი ბუნების მიდრეკილება უნდა მუშაობდეს-მეთქი. სვანებს რომ აღარ გავეშვი და ძალა დაეტანებიათ ჩემთვის, აქ დადექი და ჩვენებურად იცხოვრეო, თქვენი მტერი მე დამემართებოდა... ან არა და თვითონ იმ სვანისთვის, რომელიც ჩვენში იყო, ქართველებს რომ ძალა დაეტანებიათ. ჩვენში დაემწყვდიათ, მე რომ იმისი მწუხარე სახე მინახავს, შგონია-ერთ წელსაც ვერ გაძლებდა. მაშ არ ვიცი, ვისთვის იქნებოდა გამი. სადექი ეს ძალდატანება, ვინ რას მოიგებდა ამ ძალდატანებით: ან მე. ან ის რომ მოვეკალით? დაე. სვანი თავის შულლიანს სვანეთში შებუღულიყო და მე ჩემს აყვავებულ ქვეყანაში. ორივე ჩვენს შესაფერს ბუნების წრეში ვიქნებოდით ჩაყენებული და იქ სხვა გარეშე მიზეზი თუ არ დავგიშლიდა ბედნიერებას. ბედნიერიც უნდა შექნილვიყავით. თუნდ ოქროში ჩამსვი და ამ მტირალა კლდის ძირში მამყოფე, მაინც ჩემს ბედს დავიწყველი: თუნდ აღმასის კოშკი დაუდგი სვანს ჩვენს ქვეყანაში, მაინც თავის ღორღიანი კლდისაკენ გაიქცევა... ამ ფიქრებმა სხვა უფრო ფრთებ-გაშლილი ფიქრები გამიღვიძეს. მე დაუუკვირდი ისტორიულს შემთხვევებს და იქ ბევრი ვნახე ისეთი მაგალითები.

სადაც ერთი ხალხი მეორე ხალხს ძალას ატანდა: არამც და არამც არ გამეჭვტე, უსათუოდ ჩემთან დარჩი და ჩემებური თვისება მიიღეო და, როდესაც არ დათანხმებულა, რომელიც უფრო ძლიერი ყოფილა, იმას მოუწილებია უფრო სუსტი ცხოვრება. მე წარმომიძგა, მაგალითად, რომაელების ბრძოლა კართაგენელებთან და კართაგენელების გაქრობა დედამიწის ზურგზე; მერე რომაელების ბრძოლა ებრაელებთან, ბერძნებთან, ეგვიპტელებთან. ასურელებთან და ბოლოს ვნახე, რომ თუმცა ეს წარჩინებული ხალხები გონების ძალით და ჭკუის თვისებით ბევრად სჯობდნენ რომაელებს, მაგრამ, რადგან რომაელები შუშტი-კრივში და ხანჯლის ხმარებაში უფრო ხერხიანები იყვნენ, ეს ამდენი ძვირფასი ქვეყნის საუნჯე ხალხები სულ იმათ დაეფატრათ და დაეცა. ნუთუ კაცობრიობა რამდენიმე საუკუნით წინ არ იქნებოდა ახლა, რომ ზემოხსენებული ხალხები აქამდის ცოცხალი ყოფილიყვნენ? ნუთუ ერთი ათად არ იქნებოდა გადაქცეული საქვეყნო მეცნიერება, განათლება და ჩვენი ცხოვრების კეთილმდგომარეობა-მეთქი? დიალ, ეგრე იქნებოდა, დიალ, ჩვენ ბევრად უფრო წინ ვიქნებოდით ახლა, ბევრად უფრო ბედნიერი ვიქნებოდით. ამის მაგალითი ცხადად ვიცი ისტორიიდან. კართაგენის ხალხმა რომ გმირი აღზარდა — ანნიბალი, ებრაელებს შუა რომ ქვეყნის მხსნელი დაიბადა და ბერძნებს შუა მეცნიერი და მოქალაქეობის მცოდნე კაცები იყვნენ. იმათი ფასი რომაელის ხალხს არცარა დაუბადებია-რა, არც-არა გაუზნდია-რა და არც-არა გაუკეთებია-რა; მაგრამ ამ ველურმა ხალხმა კი გაბედა მონელება ამდენი კაცობრიობის საუნჯისა. ნეტამც სარგებლობა მაინც ენახა, ნეტამც რამე შესძენოდა ამითი. ის კი არა, ამ დიდებული ხალხების სისხლში თვითონაც, დაიხრჩო. ამ ხალხის კვალიც არ არის ქვეყანაზე, გარდა იმის მკვდარის ენისა; რომლითაც ბევრის ხალხის გონებას აქამდის ჰკვრენს და წინ არ უშვებენ. იმისმა ზოროტებამ იმდენზე მიაღწია, რომ საფლავიდანაც არ აძლევს ქვეყანას მოსვენებას. ხალხი გაჰრქა დედა-მიწიდან, მაგრამ იმისი ჩრდილი შავს კბილ-დაკრეკილი ეშმაკსავით დაფოთარობს ახლანდელს ხალხებს შორის და გონებას აჩერებს. იმისი ლათინური ენის სწავლებაში ახალგაზდა ჰკარგავს თავის ქორფა ქალას, საუკეთესო დროს. იმას ტვინი უმძიმდება, გამოხატულება ეჩაგრება და მეცნიერებას აღარ არგია. ამნაირმა ქვეყნის უსამართლოებამ ძალიან შემძირა ტვინი. თუ მართლა ქვეყანას და ქვეყნის საქმეს კეთილი ბოლო ჰქონდეს-მეთქი, ვიფიქრე, თუ მართლა კეთილი ზოროტზე ძლიერი იყოს, რათ უნდა დაჩაგრულიყო-მეთქი ქვეყნიერობაზე ამდენი სიკეთე? არა, დავიყვირე სასოწარკვეთით, ქვეყანაზე მარტო ერთი ბოროტი მძლავრობს, მარტო ბოროტი მეფობს და, ადრე თუ გვიან, რომ ქვეყანა სულ

არ წაილექოს, შეუძლებელია-მეთქი. მით უფრო ვარ ამ აზრზე დარწმუნებული, რომ ამდენ ხალხების ცხოვრებას. ამდენს ისტორიას კაცობრიობა ვერ გაუსწორებია. მე დღესაც ყოველგან ვხედავ იმის კვალს, რასაც რომაელები სწადიოდენ: დღესაც კაცობრიობა იმ გვარადვე სდევნის განსხვავებას, მრავალ-გვარობას.. ჩემი შენ არ მოგწონს. შენი მე. მე მიიწა. ჩემს წესზე მოგაქციო, შენ-კი შენს წესზე ცდილობ ჩემს გადაყენებას და ამისთვის არც დასაჩაგრავად ეზოგავთ ერთმანეთს. არც მოსაკლავად. რაღაც საშინელს ბოროტ მიდრეკილებას ჰსურს, მთელი კაცობრიობა ერთ კალაპოტში ჩააყენოს, ერთგვარი მიდრეკილება მისცეს. კაცობრიობა სცდილობს. რომ ქვეყანაზე სულ გაქრილ ვაშლსავით გვანდენ კაცები ერთმანეთს როგორც შინაგანი აგებულების მოძრაობით. ხასიათით. გონების თვისებით, ენით. ისე გარეგანი სახით, მიხრა-მოხრით. ტანსაცმელით. ყველანი ერთად უნდა სჭამდნენო, ერთად უნდა სვამდნენო, ერთად...ერთად ფუ. დასწყევლოს ღმერთმა სულ ერთად და ერთგვარი არსება. მართლაც რომ ამ ერთგვაროვნებაში ჩავარდეს კაცობრიობა, რა უძრაობა იქნება ტვინისა-მეთქი! რაც ერთს ექნება აზრში. ის ყველას. რასაც ერთი იტყვის.. ყველა იმას გაიმეორებს. მაშ ალარც ახალი აზრი იქნებოდა, ალარც ახალი ამბავი, ალარც ახალი მოვლენა, ალარც ახალი გარემოება. ოჰ. რა შესძაგდებოდათ კაცებს ერთმანეთი! მაშინ, მეტი ღონე არ იქნებოდა, თვითონვე უნდა დაეხრჩოთ თავიანთი თავები, თავის ხელით. უნდა გამოექრათ ყელი. რადგან სულ ერთი და იგივე ამბის ცქერა კაცის გამაგიჟებელია. ამ ფიქრმა სასოება წარმიკვეთა. შევშინდი მით უფრო, რომ მე კიდევ ცხოვრება მქონდა აზრში და წამოვიძახე გაბრაზებულმა მოწინააღმდეგესავით: არა-მეთქი. ეგ მიდრეკილება ქვეყნის ცხოვრების წინააღმდეგია და ამის გამო მაგნაირს მიდრეკილებას. დიდი ხანი არ უნდა ჰქონდეს-მეთქი. თვითონ ძირითადი თვისება ბუნებისა ეწინააღმდეგება მაგნაირს მიდრეკილებას. შენ ვერ ხედავ-მეთქი. ჩემს თავს უთხარი, მეორეგვარი ძალის პრძოლას. რომელიც ამ ცუდს მიდრეკილებას ეწინააღმდეგება-მეთქი. აბა შეხედე, ყოველი არსება თავის სიკოცხლის გულისთვის როგორ ებრძვის მაგ საზოგადო წარღვნის მომასწავებელ ძალას. ვერ ხედავ. ყოველი არსება თავის თვისებას, თავის ბუნებას. თავის გარემოებას, თავის ფეხის დასადგმელს ალაგს როგორ იცავს-მეთქი? ვერ ხედავ. როგორის ძალდატანებით იმაგრებს ხელში თავის ძვირფასს კუთვნილებას? შეხედე სხვა ხალხებს. ფრანციას, შვეიცარიას. იტალიას. საბერძნეთს, ჩეხიას. ამას მოითხოვს თვით ბუნების კანონი. ბუნების მრავალ-გვაროვნება. მხოლოდ მრავალ-გვაროვნებას მოაქვს ერთმანეთის განახლება, ერთმანეთის წინ-წყაენება, ერთმანეთის გამხნევება საუკეთესო მაგალითებით..

ზანამდის უკეთესის უკეთესი არ დაიღვეა, მანამდის ეს ძალა თავის ბრძოლასაც არ მოიშლის და ამაშიაც მდგომარეობს საზოგადო კეთილ-მდგომარეობის ძიება. მაშ აკურთხოს ღმერთმა ყოველი განცალკეებულ საგნის არსებობა, თუნდ რომ ქიანქველაც იყოს და დასწყევლოს-მეთქი ის ძალა, რომელიც იმის უდროვით გასრესას ნდომულობს, ამ ფიქრებში და გულის წუხილში რომ ვიყავი, შემოვიდა ჩემს სადგომში კიკოლიკი და ერთმა იმისმა შეხედვამ სხვა უფრო ნათელი ფიქრები აღმიძრა. იმან მომაგონა სალათა, ქალაქი ტ...სი და საზოგადოდ ჩვენი ახალგაზნდობის მოძრაობა.

XIII

— კიკოლიკო, სალათა როგორ არის, ან რა მდგომარეობაშია ტ...ს გაზეთის საქმე? — ვკითხე გულ-გადაყრილმა კიკოლიკს.

იმას თითქოს გულში ტყვია მოხვდაო, ისე შედგა, ცოტად სახეზე გაწითლდა, მერე უხეიროდ გაიღიმა და დაბალი ხმით წაილაპარაკა:

— ჰო, რა უშავს, კარგად არის.

ამ მოქმედებამ, ცოტა არ იყოს გამაკვირვა, თითქოს საკითხავი რამ მქონდეს და ვეღარ მომეხერხებინოს, თვალი გავუჩერე. იმან იგრძნო ჩემი გაკვირვება, ძირს დახარა თავი, მოტრიალდა უკულმა, დაჯდა და დაიწყო ლაპარაკი.

— ოჰ, რა გაიძვერა შარლატანია ეს ჩიკოლიკი. — ამ სიტყვებმა კიდევ უფრო გამაშტერა. ეთქვი ჩემ გუნებაში, სიტყვა ბანზე აადრემეთქი. მაგრამ ამ ჩიკოლიკს მაინც რაღას ემართლებოდა, ამ თავის გულითადს მეგობარს. გზაზე იმათთანა შეთვისებული მეგობრები არც უნახავს კაცს. ყოველი ჩიკოლიკის მუსაიფზე, მსჯელობაზე, ოხუნჯობაზე კიკოლიკი მიუცილებლად კვერს დაჰკრავდა, ან იტყოდა მაგიერს, მაგრამ ისეთს-კი, რომ ჩიკოლიკის ნათქვამის ან ამხსნელი, ან დამმატებელი ყოფილიყოს. ხშირად ჩემს უკმაყოფილებაზე, როცა ჩიკოლიკი პირმოხსნილ გულდასავით ტყუილების პენტვას მოჰყვებოდა, კიკოლიკი შეტყოდა, რა ეუყოთ, ხანდახან იქნება გადაამეტოს, მაგრამ მაინც რიგიანი კაცია, უკითხავს კიდევო. მე ამ დამტკიცებაზე კიდევ უთხარი, ალბათ ჩიკოლიკს შენთვის შვილი მოუნათვლინებია, რომ ეგრე პატივს სცემ და ქომაგობ-მეთქი. ერთხელ საღამო ხანია, მინდორზე ვზივართ, გარს სევანების ახნაურები სხედან და ჩიკოლიკი თავისებურად მჭერმეტყველობდა. სევანებს ბევრს არ ესმოდა ქართული ლაპარაკი, ზოგი კი ჩიქორთულად ლაპარაკობდა. ამინდზე, ყანის თავგებზე, მთაზე, ბარზე, ვინ იცის, რაზე არ ჩამოაგდო კიკოლიკმა

ლაპარაკი; ბოლოს ერთი დავარდნილი ავადმყოფის ამბავი წარმოს-
დგა სცენაზე. სევანები ამბობდნენ:

— ეს ერთი წელიწადი წევს და ვერ წამომდგარა, ახელებს
ძალიან, ნახველიც ბევრი ამოაქვს, ფერდები სტკივა; არ იქნა, ვერა
მოუხერხეს—რა, ვერ წამოაყენეს ზეზე.

— რანაირად აუტყდა ავადმყოფობა? — ჰკითხა კიკოლიკმა
ისეთი თავმოაწონიბისა, ოთქოს ჯანაოზი ექიმი ყოფილიყოს.

— ტყეში იყო, ბატონო, ფიცრების სათლელად შემოდგომაზე,
იქ გაცივებულყო, სამი ღამე მიწაზე წოლილიყო და მიწიდან აპყო-
ლოდა მანე სული.

— აჰ, აჰ, აჰ! არა, ეგ მანე არ არის. — განაგრძო ჩიკოლიკმა.
— ეგ გაცივების ნიშანია და ბუასილის ქარები გულში წამოსვლია.
შე კარგად ვიცი, ეგ ავადმყოფობა.

მერე მოგვიბრუნდა და გვითხრა:

— Я читал трактат об этой болезни в Архиве судебной
медицины. იქ ძალიან გარკვევით იყო მოხსენებული, თუ როგორ
იწყება ეგ ავადმყოფობა, ან როგორ იზნევა ტანში და ან რა მოუხდე-
ბა. — ამას შემდეგ მიიბრუნა პირი სევანებისაკენ და უთხრა: — მე ძა-
ლიან კარგი წამლობა ვიცი მაგ ავადმყოფობისა. მერე დაგიწერთ დო-
სფთაქში იყიდეთ.

— რა, რა წამალი იცით? — ჰკითხა კიკოლიკმა, თუმცა იმის სა-
ზის გამომეტყველებასზე შეენიშნე, რომ უფრო დაცინებით ჰკითხავდა.
ვიდრე ნამდვილად. იმანაც კარგად იცოდა კიკოლიკის ოინები, მაგრამ
ისე მეგობრულად და პატივისცემით ეტყოდა, თითქოს ძალიან ღირსი
შეგობარი ეზოვნოს. მე ალბათ სიყმაწვილით მომდიოდა, რომ გლა-
ხათუბანს შემდეგ კიკოლიკის საუბარი ყოველთვის ძალიან მაჯავ-
რებდა. ჩუმად დავარქვი ეს სახელი „შარლატანისიმუს“ და, თუ გა-
მოვესარჩლებოდი ბაასში, უსათუოდ ჩხუბი მოგვივიდოდა, თუ არა და
უნდა გამეცინა ხმა მალდა. ჩიკოლიკს ორივე ძალიან სწყინდა. ამ-
დროს კუდაბზიკა მოშორებით თვალებს მიბრიალებდა: „ერთი მე შენ
თუ არ გაგლახე, ღმერთმა ნუ ქნასო“, — ამბობდა გულში.

კიკოლიკის კითხვაზე ჩიკოლიკს ენა დაება. უნდოდა, როგორმე
ჯადაეფუჩეჩებინა, მაგრამ ველარ მოახერხა.

— ძალიან მინდა, მე თვითონ ვიციოდე ეგ წამალი, მაგ ავადმყო-
ფობის ნიშნები, თქვენ რომ განმარტეთ, მეცა მაქვს.

— ოჰ, ბატონი ბძანდები... გეტყვი, — ყოყმანით მიუგო ჩიკო-
ლიკმა.

მე თვალები გამოვაპყიტე, შევატყე, რომ არ იცოდა და მოგო-
ნება უნდოდა. იმან დაუწყა ყურება კიკოლიკს თვალეებში, თითქოს

უნდაო ჰკითხოს: თუ არ მიმიხვდები სიცრუეს გეტყვიო. კიკოლიკმა თვალები ძირს დაუშვა და კიდევ უფრო ფილოსოფოსური სახე მიიღო.

— კარგად არ მახსოვს და მოვიგონებ, დამაცა. მიქსტურა... მი...მი-ქსტურა... ღმერთო, ერთი მომაგონე... ჰო, მიქსტურა ლემმა-როიდალანია, — წამოიყვინა ჩიკოლიკმა.

— ჰა. ჰა, ჰა, ჰა! — გადვიხარხარე ხმა მალლა და დავაყოლე „შარლატანისიმუს“.

ჩიკოლიკი გაფიცდა, მაგრამ იმდენი გონიერება კიდევ იხმარა.. რომ არ წამეჩხუბა, ჩაიკვნიტა ენა. იქ სევანებთან არ უნდოდა გამოეა-შკარაეებინა თავი. აბა, რა სინიღისი მისცემდა? ის იყო, სტუმრად მი-ვედით უცხო ქვეყანაში და იქ სტუმრებს ერთმანეთი დაგველაზა? გა-წითლდა საშინლად, პირი უცბად მიიბრუნა სევანებისაკენ და დაუწყო იმათ ლაპარაკი. კიკოლიკი ჩემი სიცილის დროს კიდევ უფრო გაბრ-ძენდა, თითქოს უნდოდა ჩიკოლიკისათვის დაემტკიცებინა, მე ძალიან მჯერა თქვენი მეცნიერული განმარტებაო.

მეორე დღეს კიკოლიკმა გამიხმო ცალკე და დამარიგა, ნუ ებაა-სები მაგ ჩიკოლიკს, თორემ ერთს რასმე ცედს აგიტეხსო. როგორც შე-ვიტყე, ჩიკოლიკს კიკოლიკისთვის ეთქვა, „მეორეთ რომ გამოესარჩ-ლოს, ვლენწავო. შენი ხათრიითო, თორემ აქამდის მაგას გავლაზავდიო“. ამ ამბის შემდეგ ჩიკოლიკისთვის ხმა აღარ გამოცია. ჩიკოლიკი და კი-კოლიკი ერთმანეთს ძალიან გაუტკბენ. ჩიკოლიკმა უმატა კიკოლიკის აღერსსა და პატივის ცემას, სურდა, დაემტკიცებინა ჩემთვის, რომ აი, ჩიკოლიკი შენზე უფრო სწავლულია, უფრო დიდი თანამდებობი კაცია. მაგრამ მაინც არ დამცინისო, მაინც მართალი ჰგონია ჩემი ლა-პარაკი და შენ ვინა გდინხარო.

ამის შემდეგ მე ძალიან გამიკვირდა, რომ კიკოლიკმა ჩემთან ჩიკოლიკის ძაგება დაიწყო.

— რა შარლატანია ეს ჩიკოლიკი! — განაგრძნო კიკოლიკმა: — გამბერა ტყუილებით. ყურები აღარ მაქვს იმის ლაპარაკით. დაიწყებს მოშლილი წისქვილივით უთაებოლოდ რახა-რუხს და რომ დასასრუ-ლი არა აქვს! ნეტამც მართლა რამე ეკითხოს. მგონია, რაც რუსეთში ეურნალები გამოდის, ყველა სტატიების სათაურები გაუზეპირებია მარტო. ხან აქ გადმოხტება, ხან იქ; ხან იტყვის, ამა და ამ სტატიაში ასე ეწერაო, ხან იტყვის, მეცნიერებს გამოუკვლევიათო, რომ დედა-მიწას სხვა მნათობი უნდა დაეცეს და სულ ერთიანად უნდა დაფშენაო. მაგისი მსჯელობა სწორედ იმ მებატონეების საუბარსა ჰგავს, რომელ-ნიც ანტონოვს მზის დაბნელებაში გამოუყვანია: „ამბობენ, მზე რომ დაბნელდება, ცის არწივები ჩამოვლენ და თვალებს დაგვჩეკენო“. ეგ.

ნა დაუჯერებულ სიცრუეებსაც რომავს, — დაბოლოვა კიკოლიკმა. მამა-ობრის შვილი არც იშლის მეცნიერებაზე მსჯელობას და ამისთანა დაუჯერებელ სიცრუეებსაც რომავს, — დაბოლოვა კიკოლიკმა.

— თქვენ სულ ყოველთვის თავაზიანად ექცევით, — ვუთხარი ირონიულად. — მაგას ისე ჰგონია, რომ შენ ყოველივე მაგის სულელობა ნამდვილ ქეშმარიტებად მიგაჩნია. მაგასაც თავი გაუვიდა და ატყუებს ამდენს გონება-დაბნელებულს ხალხს.

— არა, ეგეც ახირებულა, შენ რომ იქცევი: როგორ შეიძლება ისე პირში თქმა: ეწყინება, გული მოუვა, იქნება ცუდი რამე შეგამთხვიოს და, თუ არ შეგამთხვია, მერე ქვეყანაში დაგიწყებს ლანძღვას და თავის მოქრას, — სთქვა კიკოლიკმა.

— არა, ჩემის აზრით, ქვეყანა თუ აგრე დაბრმავებულია, მაგისთანა კაცების პატივისცემით არის; და ეგ შენი ბრალია, კიკოლიკო, და შენისთანა კაცებისა. დარწმუნებული იყავი ერთხელ და ორჯერ რომ კარგად ჩასჭრა საზოგადოებაში მაგისთანა კაცები, მერე თავს ველარ გამოჰყოფენ. ჩვენი საზოგადოება და ხალხი ღმერთმა ისე ნუ დააბრმავოს, რომ ცხადად გამოთქმულ ქეშმარიტებას გვერდი შეუაროს. არა, ეგ ტყუილია. ჩვენს საზოგადოებას და ხალხს იმდენი გონიერება კი აქვს, რომ მალე მიხედება, ოღონდ შენ დაანახვე, რომ ე ს მ ა რ თ ა ლ ი ა და ე ს ტ ყ უ ი ლ ი. მაგრამ შენ რომ საზოგადოებაში მაგისთანა შარლატნებს წაუყრუებ, ეგენიც შენით იმაგრებენ ზურგს, ამბობენ: აი, განათლებული კაცია, მაგრამ მაგას ლაპარაკში და აზრობაში მე ვჯობივარო. ეგ არაფერს ამბობს და მე ბევრს შესანიშნავს და ჭკუის მასწავლებელს აზრს მოგახსენებთო.

— შენ რომ ამბობ, ეგრე ფიცხად საქმის დაწყება არ ვარგა. ჩვენ ცოტანი ვართ, ეგენი ბევრი. მაგათ საზოგადოებაში სახელი აქვთ დამსახურებული. გავლენის მექონე კაცები არიან. მაგისთანა კაცებთან უფრო მეგობრობა სჯობია. მაგათი დანდობა თუ მოიპოვეთ, მერე მაგათივე ქებით ჩვენც ცოტ-ცოტად გავკვივარდება სახელი. მოვიპოვებთ იმათს გულს და მერე თანდათან წინ წაედგამთ ნაბიჯს.

— მაშ, შენის აზრით, მაგისთანა კაცებმა ქვეყანა რომ დააქციონ, შენ ხმა არ უნდა ამოიღო იმისთვის, რომ შენ ერთი ხარ და საზოგადოებაში სახელი წაგიხდება. მაშ მარტო შენი სახელისა და შენი თავისთვის გიზრუნავს შენ. მაშ შენ მაგათ ბოროტმოქმედებაში ხელი გქონია გასვრილი, მაგათთან შეთქმული და მაგათი მოზიარე ყოფილხარ ყოველ საქმეში. ვთქვათ, ერთი კაცი მეორე კაცს ჯიბიდან ქისას ართმევს, შენ ხედავ ამ საქმეს. ხედავ ცხადს ქურდობას. მაგრამ თვალს არიდებ ამისთვის, რომ ამბობ, ქურდს ხანჯალი ჰკილია და შეიძლება მომკლასო. წაიღო ქურდმა ქისა. გაცარცვა მართალი კაცი. შენ ხე-

დავდი ამას და არას ამბობდი. რა გეკადრება ამისთვის, რისი ღირსი ხარ? შენც ქურდი ხარ მაშინ, შენც!.. ერთს ხეზე რომ ნამდვილი ქურდი ჩამოახრჩონ, მეორეზე შენ იქნები ჩამოსახრჩობი.

— რათა ხარ მასე ფიცხი, რათ სჯი ეგრე აჩქარებულად? — მომატანა კიკოლიკმა და თან, ცოტა არ იყოს, გაწითლდა, უწინდელსავეთ აღარ მიყურებდა მხიარულად. სად მაგისთანა საძაგელი ბოროტება და სად სიტყვების როშვა. მაგ ორს საგანს შუა არავითარი შედარება არ მოხერხდება. რა მენალელება, ჩიკოლიკმა ილაპარაკოს სისულელეები, ვის რა წაუხდება მაგითი? — მითხრა კიკოლიკმა.

— არა, კიკოლიკო, მე როგორც ვატყობ, შენ კარგად არ გქონია წარმოდგენილი, რა ენებას მოუტანს საზოგადოებას მაგისთანა ყოფაქცევა. თუნდ გუშინწინდელი ამბავი გავიხსენოთ. რა შარლატანობა გამოიჩინა მაშინ, ხომ გახსოვს? ეგ ბუასილის ქარებიანო, იმ ავანტიურაზე რომ უთხრა. მე დარწმუნებული ვარ, რომ შენ კარგად იცოდი იმ საწყალი კაცის ავადმყოფობა, იმას ქლერქი სჭირვებია. ჩიკოლიკი ამტკიცებდა: „გულში ბუასილის ქარები აქვსო ამოსული და მიქსტურა ლემმაროიდალნაია, გითხრა, არგებსო“. ერთი რომ, აზნაირი წამალი არ იბოება; მეორე რომ, მე და შენ რომ იქ არ ვყოფილიყავით და ცოტა ჩვენი ხათრი არ მისცემოდა, რა იცი, რომ დანაყილი ქიქა არ ერჩია, წყალში ჩაყარეთო და ისე ასვითო. აქ მაგისი მოქმედება ერთი კაცის სიცოცხლეს დალუპავდა. მაგრამ შეიძლება, ისეთი დრო დადგეს, როდესაც საზოგადოებას რამე ხეირიანი, ქვეყნის სასარგებლო საქმე გამოუჩნდეს, მაშინ საზოგადოება შენი და ჩემი წყალობით, შენ და მე რომ ყოველს შემთხვევაში მაგათთანა კაცებს არას ვეუბნებით შეცთობისათვის, არ ვეწინააღმდეგებით ცრუ მოქმედებისა და მოღვაწეობისათვის, მერწმუნე მაშინ მაგისთანა კაცებს მიანდობს იმ საერთო საქმეს და ესენი თავის უცოდინარობით დალუპავენ. ვინ იქნება, თუ იცი, მაშინ შთამომავლობის წინ დამნაშავე? შენ და მე, ჩემო კიკოლიკო, რომელთაც გვესმოდა მაგისი ქარაფშუტაობა და ჩვენის ეგოიზმით, თავმოყვარეობით, რომ დროებითად არას შევეწუხებინეთ, ხალხი, საზოგადოება არ აგვეყაყანებოდა, მე და შენ დავიდუმეთ, გზა გავუკაფეთ მაგისთანა ბაიყუშებს, რომ დიდი თევზი დაეკირათ. მაშინ ჩვენ ვაგვხდებით მარტო ქურდი კი არა, ქვეყნის დამქცევის ხელის შემწყობი.

— თუ ღმერთი გწამს, ნუ იცი ხოლმე ბეწვისაგან ღირეს გაკეთება, სად მაგისი ტიტინი და სად საქვეყნო საქმე! მაშინ ეგ როგორ გამოჰყოფს თავს, და რომ კიდევ გამოჰყოს, მაშინ კი არ შეიძლება წინააღმდეგობა?

— არა, აღარ შეიძლება. სახარე ხარსაო სასკორეში შეეტყობაო. იმას ნუ იფიქრებ, რომ მაგისტანა მოქმედებამ, რომელსაც ახლად სწადიხარ, შენს ტვინზე, შენს ზნეზე და ყოფაქცევაზე დალი არ დაასვას. ახლა მაგისტანა ბაიყუშებს უტკბები, უღიმებ, დაჯორჯვილ მსჯელობაში თანახმა უხდები, უსინდისო მოქმედებაში თითქმის მოზიარე ხარ... რომ ხედავ და არაფერს ამბობ, მოზიარე არა ხარ, მაშ რა ხარ? მერე ამნაირ მოქმედებას გონების და მიხერა-მოხერის წაყრუება სჩვევია, ესე იგი მუდამ რომ ცუდს ხედავ და არას ამბობ. ბოლოს ძალიან დიდი ბოროტებაც აღარაფრად მოგეჩვენება. ეს წაყრუება ჩვეულებად გადაგექცევა; ტვინი მოღბება, ბოროტზე შეხედულობა გამოგეცვლება და ბოლოს იმდენზე მიხვალ, რომ ყოველი მაგისტანა ბაიყუში მართლაც ნამდვილ ამხანაგად გაგიხდება, რომელიც მხოლოდ მაშინ შოგცემს გულწრფელად ხელს, მაშინ მოგანდობს გულს, როდესაც შენც მაგისტანა კაცების საქმეში ნამდვილად ხელს გარევე. რომ თქვას კაცმა, ახლაც ხელი გაქვს გარეული, ამიტომ რომ ბევრს ხედავ და არას ეუბნები.

— შენ რომ ამბობ, მაგისტანა კაცს ჩვენში არ ედგომება. ყოველი კაცი თავმოყვარეა; გინება, შენიშვნა იმას აჯავრებს. ვისაც გინდა უთხარი, შენ მეჭრთამე ხარო, შენ ქურდი ხარო, თუ მტრად არ გაგიხედეს, და თუ კი მტრად გაგიხდება მთელი ქვეყანა, მაშინ რაღას გააკეთებ? — მითხრა კიკოლიკმა. — ქვეყანა თუ აგიმტერდა, მაშინ ბარგი უნდა აიკრა და საღმე გადასახლდე, ან თუ არა და თავი უნდა მოიკლა; თუ ესეც არა ჰქენი, მაშინ, მერწმუნე, კუთხიდან გესვრის ვინმე თოფს.

— არა, ჩემო კიკოლიკო, მე როგორც ვატყობ, შენ ერთობ მალე დამდგარხარ აქაურების გზაზე. ნუთუ შეგიძლია, თქვა, რომ ეს ქვეყანა სიცრუით და ერთმანეთის ცდუნებით არ იყოს სავსე. მიჩვენე ისეთი კაცი, რომელსაც ცხოვრებაში ერთხელ მაინც ფეხი არ გამოეკრას მოძმისთვის და ზედ არ გადაემტვრიოს, აბა მიჩვენე?... შევაპყიტი თვალი კიკოლიკს და ველოდი იმისგან პასუხს.

კიკოლიკმა არა მითხრა-რა.

— მაშ, — განვაგრძე მე: — საზოგადოება ისეთს ცუდს ჯურღმულშია ჩავარდნილი, რომ ხსნა არა აქვს. ხუთივე გრძობა დახშული აქვს სიკეთისათვის. როდესაც ამისთანა უნუგეშობაშია ჩავარდნილი კაცობრიობა ან რომელიმე საზოგადოება, მაშინ იმის გამოსაფხიზებლად საჭიროა მსხვერპლი, ისეთი მსხვერპლი, რომ იმისმა დალუპვამ მიზნედილს გონების თვალებს ცივი წყალი დაასხას და უტბად წამოახტუნოს. ვისაც ნამდვილი სიკეთე უნდა ქვეყნისთვის, ის ამ დროს სამსხვერპლოდ უნდა ემზადებოდეს.... დაე, გლანძღონ, შეგი-

ძულონ, თუნდ კიდევაც განგაძეონ, განგაგდონ, შენ მაინც შენსას ნუ მოიშლი, ამხილვე ცუდი, ბოროტებას წინ დაუდექი, ნუ გახრი სწორ გზას, თუნდ რომ ამან ღრეშიაც გადაგაგდოს. მერწმუნე, როცა გადავარდები, როცა სიმართლისათვის მართლაც განგაძევენ, შემდეგ ყველა შეკრთება, ყველას უცბად გაუნათლდება გონება, ყველა დაიწყებს ნანობას, მართალი კაცი ტყულა-უბრალოდ დაისაჯაო. როცა საზოგადოებაში ამისთანა გრძნობა დაიძვრის, ეს განახლების წინამორბედი და მომასწავებელი. მაშ არის დრო, როცა ნამდვილი ქვეყნის მოკეთე ის არის მხოლოდ, რომელსაც შეუძლია თავი შესწიროს. მართლის თქმას, და შენ, მართლა თუ გინდა საზოგადოების სიკეთე, მრუდე გზას კი ნუ ირჩევ ცხოვრებისაგან გაფუჭებულს ჩიკოლიკს კი ნუ აღევნებიხარ უკან. ის გზა აირჩიე, რომელიც უჩვენებია შენთვის. უნივერსიტეტის მეცნიერებას და იმისაგან განათლებულს ჰაბუკობას. ნუ ეძებ ნურც მალას ალაგს, ნურც ცხოვრების საშუალებას. მაგის ძიებაში დრო გავა, სიკეთის დამყარებას ველარ მოასწრებ და, რაც ახლა კეთილის მზრუნველობა გქონია, ის სულ ბოროტად გადაგექცევა მოხუცების დროს.

— გმადლობ დარიგებისათვის, მაგრამ ამ შემთხვევაში მაგ სახარების ქეშმარიტების განსათესად ჯერ მიწა არ გვაქვს შემუშავებულ. ჩვენი ქვეყნის უყს მიწაში მაგისთანა ქეშმარიტების თესლი, რამდენიც უნდა გააბნო, ყველა გახმება. და გვაცალე, ჯერ ეს მიწა დაუნათ და მერე შეიძლება მაგისთანების დათესვა.

— როგორ თუ მიწა? ნუთუ შენ არ გესმის ჩემი დარიგება? დავიჯერო, ისე უყი მიწა იყოს შენი გონიერება, რომ ეს უბრალო ქეშმარიტებები არ ამოლიოდეს?

ამ უკანასკნელმა კითხვამ სულ არია კიკოლიკი, გაწითლდა ყურებამდის, იფიქრა, მართლაც ცუდი პასუხი მომივიდაო და, რომ გადაეფუჩჩებინა, გული მოიყვანა და შემომძახა, — ეს პირველი იყო იმისი ასე გაცეცხლება:

— მართლა, ახლა რომ კაცმა არაფერი გითხრას, სულ კი ნუ წააჯდები თავზე! რათ იცი მაგისთანა უთავბოლო ლანძღვა?

ამ სიტყვებმა უნებურად ხმა ჩამაწყვეტინა. მე მაშინვე წამომიდგა თვალწინ ჩემი მგზავრობა. მართლაც, კიკოლიკის თაობით წამოვედი სევანეთში, თორემ მარტო ვერ გავბედავდი; ასე გასინჯე, საშუალებაც არა მქონდა. მაშინვე იმისი უმადურობა მომაგონდა, თვალწინ წარმომიდგა იმისი უკმაყოფილება, ყვედრება სიკეთისათვის და მხოლოდ აქ დავინახე, რომ მე თავისუფალი კაცი არ ვიყავი. მე ვიყავი კიკოლიკის მიერ დავალებული და ჩემი თავი უსინდისოთ ჩავთვალე. თუ გინდოდა მაგისი მხილება თავისუფალს ნიადაგზე უნდა

შდგარიყავი, ვუთხარი ჩემს თავს: და იმ დღიდან გადვიეცი თავი, არავის ვალდებული აღარ გავხდე ქვეყანაზე, რომ მართლის თქმა არ მომესპოს-მეთქი.

XIV

ბოლოს, რითაც იქნა, სენანთსაც თავი დავახწიეთ, ჩვენ გამოვედით, ს...ს ქ...ს მახლობლად. იქ ერთს სოფელს მიგვიპატიეთ ვინღაც მღვდელმა, რომელთანაც სამი დღე გავატარეთ. ამ სამი დღის განმავლობაში კიკოლიკი სულ სხვა კაცი შეიქმნა. იმის თვალეზში დაინთო მწვავე ცეცხლი; ამ ცეცხლმა ჩაატანა გულამდის და თოფის წამალივით აფეთქდა. ამ ცეცხლის გასაჩენად პირველ მღვდლის ახალგაზდა ქალმა მაკიწომ დააკვესა. ეს იყო თექვსმეტი. წლის დაკოკრებული ყვაველი, ჩაუქუენებული თვალ-წარბიანი და თხელი პირის სახიანი. იმას მოყვითლო ფერი დასცემდა, მაგრამ ეს ფერი ამ შავს პირის სამკაულთან სწორედ რაღაც ზეციურს წარმოადგენდა. ამასთან იმისი მიზნედილი თვალეზი თითქოს მუდამ ზეცას შეჰყურებდნენ. ასე ეგონა კაცს, საყვარელი იქ დაჰკარგვიაო და იქითკენ მიისწრაფისო. მით უფრო ცეცხლ-მოსაკიდებელი უნდა ყოფილიყო მოწიფულ ვაჟკაცისათვის ამისთანა სულიერის ნახვა. მაკიწოს სახე თითქოს სრულებით ყურადღებას არ აქცევდა ქვეყნიურს კმაყოფილებას, თუმცა იმისი ძირს დაშვებული თვალეზი ბევრს მიფარულ გონიერებას და სულის სიმკვირცხლეს გამოხატავდა. რომ შეგებნდა, ასე იტყოდი, ამას ამ ქვეყნისა არა უნდა გაეგებოდეს-რაო, მაგრამ იყო ჩუმ-ჩუმა და თვალ-შემპარავი. ამ სახეში თითქოს ოდნა ქვეყნიერი თანამგრძობელობა არ გამოჰკიაფობდა; მაგრამ იმის ცაში გადაკრულს თვალეზს საკვირველი კაცის გულის მიმტაცი თვისება ჰქონდა.

ჩვენ ჩამოვხტით მღვდლისას. მე და კუდაბზიკამ ცოტათ დავიგვიანეთ; კიკოლიკი და მისი ხლებულნი ნახევარი საათით წინ მივიდნენ. შევედით თუ არა სადგომში, კიკოლიკი მხიარულად მომეგება:

— ჰო, სად იყავი ამდენ ხანს? ჩვენ ნახევარი საათია, რაც მოვედით. არ ვიცი, რათა და ძალიან ქეიფზე კი ვარ. აღარც დალალოლობა მეტყობა და აღარც ნამგზავრობა. ასეთს მადაზე ვარ, რომ...

— როგორ, რა დაგემართა? ტრფობის ცეცხლი ხომ არ დაგენტო? — ამ სიტყვაზე ერთი ასეთი გაიშმუშნა, რომ ტახტის ფიცრებმა ზანზარი დაიწყეს. მე სრულებით არა ვიცოდი-რა, კიკოლიკს რა მოსვლოდა, და ახლა ასე ახურუმებული რომ დაეინახე, ციდან ანგელოზს ფთა შემოუკრავს-მეთქი. იმისმა მხიარულმა სახემ ცოტად მეც გამამახიარულა. მთის ხეობიდან რომ წამოვედით, თითქმის ერთმანეთისა-

თვის ხმა აღარ გაგვიცია, თუმცა მთელი სამი დღე დავრჩით გზაზე. როგორც ერთმანეთზე გულნატკენი კაცები, მე და კიკოლიკი ისე ვიქცეოდით; როცა შევიყრებოდით, ერთმანეთს თვალს ვარიდებდით. მეც ვგრძობდი, რომ კიკოლიკს იმ მკვახე სიტყვებს შემდეგ გული უნდა გატეხოდა ჩემზე და თვითონ კიკოლიკის ფილოსოფიური წარბ-შეკრული სახეც ამას ამტკიცებდა: „ბრიყვს რომ თავს გაუტოლებ, აგრე დაგემართებაო“. ამ გარემოებაში, თვითონ იფიქრებდა სასიამოვნო უნდა ყოფილიყოს კიკოლიკის ცხვირ-ჩამოშვებული სახის ცქერა. ამისთვის მე ჩემი გაუკრეპელი ჯორით სამი ვერსის სიშორეზე ჩამოვრჩებოდი ხოლმე. კულაბზიკა მუდამ ჩემს ახლოს იყო.

— ოჰ, რომ იცოდე რა ენახე! — წამოიძახა კიკოლიკმა, — ამ ჩვენს მასპინძელს რა ქალი ჰყოლია, რა ქალი! ციდან ჩამოფრენილს. სულიერსა მსგავსებია! — ამ ლაპარაკში ერთი კიდევ გააზმორა და გადაგორდა ხალიჩაზე.

— ჰო, მაშ მიმხედარე, რა ლაზათშია ც ჩაგიდგამს ფეხი.

— ეჰ, რაა ჩვენი სიცოცხლე! — წამოიძახა კიკოლიკმა. — სანამდის ქეიფზე ხარ კაცი, სანამდის მკლავში გაქვს ღონე, მანამდის სულ უნდა ეწვალო და ეჯახირო, მოსვენებას ვერ ნახავ, მუდამ ლუკმა პურისთვის უნდა ზრუნავდე და როცა ხანი გადაგივა, იქნება კიდევ ელირსო ბედნიერებას, მაგრამ რაღად გინდა!

— ეჰე, კიკოლიკო, საით გაუტეე? განა ისეთი დროა, რომ ბედნიერება თბილ საწოლში უნდა ეძიოს ჩვენებურმა ახალგაზდამ? განა ლამაზი ცოლი და ლაზათიანი არტალა უნდა იყოს ჩვენი გულის წადილი? რომ კიდევ ელირსო მაგისტანა ბედნიერებას, განა ისარგებლებდი? განა შეგიძლია რბილ დოშაკზე ლამაზ ქალთან ჩახუტებული დილის თვლემას მიეცე, შენს სასახლეს გარედ ათასი და ორიათასი კაცი რომ ჯავრში და უნუგეშობაში იყოს ჩავარდნილი? ბედნიერება ბევრნაირია, არის მაგნაირი ბედნიერებაც, მაგრამ ნუთუ შენ, რომელსაც სულით და გულით მოგინდომებია შენი ქვეყნის სიკეთე. რომელსაც შენს ტოლსა და ამხანაგში გიქადაგნია დაუცხრომელი ზრუნვა, რომელიც ქვეყნის სამაგალითო კაცების მოქმედებით გატაცებული ყოფილხარ, ნუთუ შენ ნატრობ ტკბილ განცხრომას ფუნთუშა ქალის მკლავზე, ნუთუ შენ ნატრობ მოსვენებას, ტკბილად დაძინებას იმ დროს, როცა ჯერ ერთი ნაბიჯიც წინ არ წაგიდგამს ქვეყნის დამაბრკოლებელი მიზეზების საწინააღმდეგოდ?

— დაიწყო თავისებურად! — დაცინებით წაილაპარაკა კიკოლიკმა, — ნშირად ნუ ქადაგობ მაგნაირად, თორემ ჩვეულებად გადაგექცევა და მერე ღრენიას დაგარქმევენ. განა ქვეყნის საქმის ზრუნვას მოუშლის ცოლის ყოლა, ან კაოგად ცხოვრება? რას ამბობ? მი—

თხარი, თუ ღმერთი გწამს, რომელი უფრო ღონიერად მუშაობს: კუქ-
გამძლარი თუ ის მუშა. რომელსაც მთელი დღე ნამსკეცი პური არ
უქამია და ფერდები აქვს გამოფენილი? როცა მე ჩემს მოთხოვნი-
ლებას შევლივი. ქვეყნის სასარგებლო საქმე როგორღა მიიქცევს ჩემს
ყურადღებას? მე მხოლოდ მაშინ დავსტრიალებ ქვეყნის სასარგებლო
საქმეს, როცა ჩემი კუქი გამამძლარია და ჩემი გული დაკმაყოფი-
ლებული.

— ეგ იმას ნიშნავს, რომ ან შენ არ გცოდნია გარემოების ძლი-
ერი მოქმედება კაცის აგებულებაზე და ან იცი, მაგრამ თვალები
გინდა მქერნეტყველებით ამიხვიო. ჩენი ცხოვრება ჯერ ყრუ და გაუ-
ნათლებელია. კაცი არ იპოვება ისეთი, რომ საკუთარი სარგებლობის
გარეშე ხელდადეს რასმე. ჩვენში ჯერ საზოგადო კეთილმდგომარე-
ობის ფიქრი არა აქვთ. არ ესმით, რომ როცა სხვები უბედურს გარე-
ნობაში იმყოფებიან, ამ უბედურების ერთი ნაწილი თვითონ იმასაც
ხვდება და ვისაც სურს საკუთარი ბედნიერებისათვის ზრუნვა. უნდა
ეცადოს და ძილში მოკვეთოს ის მიზეზები, რომელნიც ერთბაშად უშ-
ლიან ყველა კაცების კეთილმდგომარეობას, რომელნიც იმის და სხვის
დასაბრკოლებელნი არიან თანასწორად. ჩვენში ჯერ არ მოიპოვება
ისეთი კაცები, რომ აფასებდენ, ან ხელაძღვნი ყველა ადამიანების ხე-
ლის შემშლელს გარემოებას. ქალსა და ვაჟს მხოლოდ თავისი საკუ-
თარი სიტკობა აქვს კარგად შეტყობილი, კარგად ხელაძვს იმ საშუა-
ლებას, რაც მისცემს იმას მოსვენებას, სიამონებას, ქეიფს, განცხრომას
და უღარდებლობას. აი, ყოველი კაცი ამას უპოტინებს ხელს დაის-კი
არ იციან, რომ ამ პირადი სარგებლობის ძიებაში და ხელის პოტინში
მთელი ქვეყნის მავნებელი გარემოებები უფრო ძლიერდებიან, უფრო
ზტიკე საფუძველი ეძლევათ და თანდათან ჰკვეთენ ჩვენს საერთო
ცხოვრებას, რომლის გაუქმების შემდეგ თითო კაცის ცხოვრებაც
წყალ-წყალებულია. ამისთანა გარემოებაში მე და შენისთანა კაცებმა
როგორ უნდა მივცეთ ნება, რომ უმანკო, უგუნურს ლამაზ ქალს თავი
ჩაავთრევიანოთ იმ ჯურღმულში. სადაც ყოველი კაცი მარტო თავის
გასაძღომს ლუქმას სითვალხარბით ებლაუქება. საბოლოო ჭირისა-
კი არა უნდა-რა, რომ შეიტყოს. ამ ლამაზმა ქალმა „მშია-მწყურის“
მეტე არა იცის-რა. „ჩამაცვი და დამახურეს“ მეტს არას იძახის და
იცი, ამისთანა გარემოებას რა მოაქვს? თვითონვე ჩენი გონების და-
ჩაგვრა. საუკეთესო აზრების თავიდან გამორეკა და ისეთ გვარ მომ-
გებ-მომხვეველ კაცად გახდომა, როგორც სხვები არიან. გამოდგა. რომ
ლამაზი ქალისაგან ტკბილი საბელის თავზე გადაცმამ ისევე პირუტ-
ყულ მდგომარეობაში უნდა დაგვაბრუნოს, რომლიდან ვისწრაფო-
ლით გამოვლას. ჩვენ ბედნიერად მიგვაჩნდა მხოლოდ ის, ვინც მეც-

ნიერებით იყო მონათლული და კაცურს საქმეს დაიქერდა. ვისაც კსურს, პირუტყვეულს მდგომარეობაშივე დაბრუნდეს, მხოლოდ ის არ მოერიდება ჩვენებურს გაუნათლებელს ლამაზ ქალს. ვისაც ქეშმარიტად გული სტკივა თავის მოძმისთვის, ის ამ სიტყბობას კი არ გამოუდგება, კი არ უმტყუნებს თავის გულის წადილს, თავის ქაბუკობის წმინდა გრძობას მამულისადმი, — არა. იმას ბედნიერებად მიაჩნია მარტო ის შრომა, რომელიც ჩვენი ქვეყნის კაცებს აუხელს თვალს, მიახვდენს იმ ცუდს გარემოებას, რომლის მოსპობითაც მხოლოდ მოგვეცემა საერთოდ მკვიდრი ბედნიერება. ჩვენ ახლა ნება არა გვაქვს, მანამდის მოვეკიდოთ ცოლშვილს, სანამდის ჩვენი ქვეყნის ქალები ჩვენსავითვე გონება-ახელილნი არ გამხდარან, ჩვენსავითვე არ უცენიათ ის საზოგადო ცუდი მიზეზები. რომლის მოსპობაზე ალთქმა მიგვიცია მეცნიერების წინაშე. ჩვენ მხოლოდ ამგვარი ქალებით უნდა ვიყოთ გულმაგარი. რადგან მხოლოდ ისინი იქნებიან ჩვენი თანამგრძობელნი. გამამხნევებელნი ამ წმინდა შრომაში. ისინი ჩვენებური ქალებივით კისერზე კი არ ჩამოგვეკიდებიან თავის შვილებიანათ და ყურს არ გაგვიყრუებენ: გვაქამე, ჩაგვაცვი, გვაქეიფეო. არა. ისინი მოგვიდგებიან გვერდით და ქირსა და ლხინს შუაზე გაგვიყოფენ. ჩვენებური ქალები რომ ზურგზე აწვებიან თავის ქმრებს, მეცნიერებაში გაწვრთნილი ქალები მხარში შეგვიდგებიან და ჯაფით გატეხილს წელს გაგვიმაგრებენ.

— სანამდის ჩვენი ქალები მეცნიერნი შეიქნებოდენ, მაგას თუ ვუცადეთ, მაშ ასი წლის განმავლობაში ცოლი არავის შეეურთავს. მერე ხომ მოისპო ჩვენი კაცობრიობა! არა, შენმა თეორიულმა მოსაზრებამ ერთობ ცაში აგაფრინა, — თქვა კიკოლიკმა.

— და შენ პრაქტიკულს ცხოვრების გზას რომ ქვესკნელში მიპყავხარ!.. ჩემის აზრით. ცაში აფრენა სჯობია ქვესკნელში ჩასვლას, სადაც ერთი კაცური აზრი და მიმართულება არ მოიპოვება.

— კარგი. დავანებოთ თავი მაგ მახვილობას. და, მართლაც, ძალიან მომეწონა მღვდლის ქალი. — მითხრა კიკოლიკმა. — ჩემის აზრით. ქალი თუ შეირთო კაცმა ისეთი, რომ მოსაწონი თვალტანადი იყოს, მაგრამ ბევრი არა გაეგებოდეს-რა. მცოდნე და გონება გაღვიძებული ქალები იმითი არიან ცუდი საცოლონი, რომ მსჯელობა იციან. ბევრს ლაპარაკობენ, შენ არ გაგიგონებენ და თვითონაც იმდენად კჭუა არ უჭრით, რომ მტკიცედ იდგენ თავის მოვალეობაზე.

— რას ეძახი შენ ქალის მოვალეობას? — ვკითხე კიკოლიკს.

— ქმრის ერთგულებას, კანონიერი ცოლ-ქმრობის მოვალეობის შეურყეველად ასრულებას.

— ეგ კარგს ქმარზეა დამოკიდებული. თუ ქმარს კაცური ღირ-
ება აქვს, მხნე შრომელია, მტკიცედ მისდევს კეთილს გზას და ცოლ-
ქმრობის დამოკიდებულებაში არ უყვარს ძალდატანება, ან ჩხუბი,
თუ ცოლი მეგობრად, თავის სწორად მიაჩნია, მაგისტანა კაცს მის
დღეში ცოლი არ გაქცევია, მაგისტანა ქმარი მის დღეში ცოლს არ
შეძლებია.

— როგორ თუ ცოლის გათანასწოლება? — წამოიძახა კიკოლი-
კმა. — განა იმას შეუძლია ჩემსავით საქმის თაოსნობა, რაც უნდა გა-
ნათლებული იყოს?

— მაშ არა და! თუ შენ გაქვს ტვინი, აზრი, გონიერება და მას-
თან განათლებულიცა ხარ, რატომ იმას არ უნდა ჰქონდეს, თუ ისიც
ნასწავლი და განათლებულია?

— ქალს თავის დღეში არ ექნება კაცის ოდენი ჰკუა. უკაცოდ
ის რას გააკეთებს, რა შეუძლია? როგორც ღონით არის სუსტი, ისე
ტვინით.

— ეგ იმას ნიშნავს, რომ შენ ჰკვიან ქალთან არ შეგხვედრია
ლაპარაკი.

— მე ჰკვიანი ქალი კიდევ მძულს, — მომატანა კიკოლიკმა, —
ჰკვიანი ქალისთანა დაუჯერებელი ქმნილება არ მინახავს ქვეყანაზე.
მე მინდა ქალი წყნარი, შვილის მოვლა იცოდეს, ოჯახის ყურის გდება
და მორჩილი იყოს. როცა საქმეს მოვრჩები, ორი-სამი საათის თავი-
სუფლებს შექნება, ცოლი იმისთვის მინდა, რომ ამ დროს ალერსიანდ
მომასვენოს, მომიაროს, გამართოს, დამატკბოს, სიცოცხლე გამი-
დვილოს.

— მეტი არაფერი?.. მე მეგონა, იმასაც იტყოდი, ტანის გასა-
წმენდ ღრუბლადაც უნდა გამიხდესო.

— თუ ღმერთი გწამს, აგრე უაზროდ ნუ მასხარობ! — მიიხრა
კიკოლიკმა.

— მაშ? იქნება იმას იმ დროს სულ სხვა საქმე აწუხებს, იქნება
შენთვის არ სცალოდეს, იქნება იმას იმ დროს ქვეყნის სასარგებლო
საქმეში ჰქონდეს გონება გართული და მას სასიამოვნოდ ეს შრომა
მიაჩნდეს, ნუთუ ხელი უნდა უშვას ამ საქმეს და მოვიდეს შენთან
ნანინას სათქმელად? მაგალითზე შორს არ წავალ. ვთქვათ, იმას შკო-
ლა აქვს გამართული, ასწავლის ყმაწვილებს. ამ დროს შენ მოხვედი
დაღალული; ნუთუ ამ სწავლებას თავი უნდა დაანებოს და შენთან
მოვიდეს სალაზღანდაროდ?

— მისი სწავლებისაც რა მეცოდინება. წელიწადში ცხრა თვე
სულ ავად არის და ფეხმძიმედ, რას მელაპარაკები? ყმაწვილებს რომ

ასწავლოს, შეილები ვინღა გამიზარდოს? ცოლი მე ჩემი თავისთვის მინდა! — მითხრა კიკოლიკმა.

— მაშ ცოლი შენი საკუთრება გამხდარა. როცა გენებება. უნდა მოგეალერსოს, გაჭეიფოს, ის შენს ნებაზე უნდა ცხოვრობდეს, აზრობდეს, მოქმედობდეს და არა თავის საკუთარი მოსაზრებისა და წადილებისამებრ. მაშ გამოდგა, რომ ცოლიც ის ცხენი ყოფილა. რომელიც პატრონის სასიამოვნოდ და საჭეიფოთ არის ნაყიდი.

— ჭკვიანი შედარება გცოდნია, ცოლი და ცხენი შენს თვალში ერთი ყოფილა! — მითხრა შანის მოგებით კიკოლიკმა.

— თუ ის მარტო შენი ბუნების მოთხოვნისათვის გდომეზბია. ცხენი კი არა, ცხენზე უარესი დანიშნულებაც ჰქონია: ის შენი საქონელი ყოფილა, საქონელი! — ვუთხარი.

— მაშ როგორ?.. მე ვიწრომო, მე ჩავაცვა, მე დავხურო და ის კი დღე და ღამე ვიგინდარებში ქეიფობდეს? მაშინ ისიც ხომ ტყულამქამელი გამოდგა. უკაცრავად გახლავარ, მე ჩემი ოფლით ზარმაცებს და ზნეწამბდრებს არ გავამრავლებ.

— ვინ გეუბნება, იმისთანა ქალთან დაიჭირე საქმე, რომელიც მართლა შენი ოფლით ისარგებლებს. მაშ მე რაღას გეუბნებოდი წელან. ჩვენებური გონება-გაუხსნელი ქალი ყოველთვის მაგნაირია. ამიტომაც არ გეუბნები, ცოლის შერთვა ჩვენს მდგომარეობაში შეუძლებელია-მეთქი. ჩვენებური ქალი შენი ოფლით ისარგებლებს. უკანასკნელს სისხლის ცვარს გამოგაღებინებს, ყოველს შენს კეთილს მიმართულებას დაგაეიწყებინებს, ჩაგაგდებს მხოლოდ საშუალების. ძიებაში, მუდამ დღე ახალი მოთხოვნებით გულს შეგიწუხებს, დაგადნობს, შენს ამხანაგებს მოგაშორებს. შენს კეთილს აზრს დაგიფანტავს და ისეთს სულიერად გაგხდის, რომელსაც დღეს შენვე დასცინი, რომლის წარსული სიცოცხლე დღეს შენვე სასირცხოდ მიგაჩნია.

— ვიცო, რაც შეილები არიან ინსტიტუტისა და ზაეედენის კურს-შესრულებული ქალები. თუ შენ იმათ განათლებულებს უძახი. მე იმათ ეს მღვდლის ქალი ათასს მირჩევნია, — სთქვა კიკოლიკმა.

— თუ მართლა ეგენი თქვენ განათლებულ ნასწავლ ქალებად მიგაჩნიათ. მე მეტი აღარა მეთქმის რა, უნდა გავჩუმდე.

— მაშ ვინ არის ეს ნასწავლი ქალები? ნეტა გკითხოს კაცმა! — წამოიძახა კიკოლიკმა.

— არავინ! — გაჯავრებით უპასუხე. — ნამდვილად განათლებული და მეცნიერებაში განვითარებული ქალები ჩვენ არ გვყავს და კიდევ ეგ არის ჩვენი უბედურება. კიდევ იმიტომ უნდა მოვარიდოთ ჩვენი თავი ჩვენებურს ქალებს, თუ ჩვენი საუკეთესო გულის.

წადილღის და აზრების დაკარგვა არ გეინდა აღრიანათვე. ჩვენ უნდა ვიყოთ მხოლოდ მოწინავე კაცები ჩვენს ქვეყანაში, ჩვენ უნდა ვიყოთ გაზაფხულის მომასწავებელი მერცხლები და მანამ ვიჭიკვიკოთ, სანამ ეს გაზაფხული კარზე არ მოგვადგეს, სანამდის ჩვენი დედაკაცობა არ შეგსძრათ უნაღლეს განათლების მისაღებად. თუ ჩვენ ამას შევასრულებთ, ჩვენი უმთავრესი ბედნიერებაც ეს უნდა იყოს. როდესაც ჩვენი ახალგაზდა ქალობა დაიდრება ამ განზრახვით, როდესაც ის მტკიცედ შეუდგება ამ განათლების გზას, მხოლოდ მაშინ შეგვიძლია ვთქვათ, რომ სამშობლოს მტკიცე ბურჯები ეძლევა-თქო. სანამდის რომელსამე ქვეყანას ისეთი დედები არ ყოლება, რომ შეეძლოთ ქვეყნის სასარგებლო საქმეს შესწირონ თავისი შვილები, მინამდის ის ქვეყანა ნუ იტყვის, რომ მე წარმატების გზაზე ვადგვივარო, მანამდის არც ჩვენ გვაქვს ნება. უბრალო გონება-გაუხსნელ ქალს დავაჩაგვრინოთ ჩვენი სიცოცხლე, რომელიც ეკუთნის მამულს და არა ვიგინდა-რა გომბიოს.

— მანამდის შენ მოიცადე და ღმერთმა ხელი მოგიმართოს. მე-კი, როგორც მესმის ისტორიული განათლების საქმე, დავდგები იმ აზრზე, რომ სამოთხე უცებ არ მოვა ქვეყანაზე, განათლება თანდათან ძლიერდება ცოტა-ცოტად. დღეს მე და შენ ვართ ამნაირად მოლაპარაკე, ხვალ ჩვენისთანა ოთხი იქნება, ზევ ათი და მალე შეიძლება ეგეტ მოხდეს, შენ რომ ამბობ; შეიძლება, ჩვენი ქალები უნივერსიტეტშიაც გამოგვეზარდონ. მაგრამ იმისთანა ქალები ჩვენი შვილის-შვილის შესაფერი იქნებიან. ჩვენ კი რათ უნდა დავკარგოთ ჩვენი ხვედრი? რაც ჩვენს დროს შეეფერება, ჩვენ ის უნდა ვიკმაროთ, — სთქვა კიკოლიკმა.

როგორც რომ ეს სიტყვა გავიგონე — „ვიკმაროთ“ — მერე აღარ გამიგძელებია იმასთან საუბარი. მე დავრწმუნდი, რომ ის ამ ქვეყნის კეთილცხოვრებას ისწრაფოდა, იმას ძალიან ენატრებოდა როგორც კარგი შემოსაელიანი ადგილი, ისე ტკბილი ცოლ-შვილი...

აქ ჩემსა და იმას შუა სრულებით გაწყდა კავშირის ძაფი. ის სამშვიდობო კუთხეზე იყო დამდგარი, მე-კი ცხოვრების ქარიშხალში ჯერ დიდი გზა მქონდა გასავლელი. ჩემი ნაფი აგორებულს ზღვაში იყო შეტურებული. ზღვის დაწყნარების იმედი არ მქონდა. მაგრამ წარმოიდგინეთ, მე ეს სულაც არ მაშინებდა, მე მხიარულად ვისწრაფოდი წინ და, თუნდ კიდევ დავლუპულეიყავ, იმედი მქონდა. სიკვდილის ეამს მხიარულება არ მოსცილდებოდა ჩემს სახეს. მეორე დღეს კიკოლიკს გავშორდი იმ განზრახვით, რომ მეორედ აღარ შევეყოილ-ვიყავით. ის აბრეშუმის მუთაქაზე თავ-დადებული ტკბილს ოცნება-

ში დავტოვე. მე-კი ჩემის გაუკრეპელი ჯორით ქექა-ქუხილში გაპირების გზას შეუდექი.

—:—

დრო გავიდა. დღეს ჩვენში კიკოლიკები მეუფობენ. ზოგმა ცოლი შეირთო და ამ სოფლის სიტკობებაში სთვლემს, ზოგი ადვოკატი შეიქნა და ქვეყნის ნაწვავ-ნადაგით, ნაოფლარით ჯიბეებს ისქელებს.

სამსახურიდან დათხოვნილი ძველი ჩინოვნიკები ასე იძახიან: „მგლეს მგლობა დაბრალდა, ტურამ ქვეყანა დააქციაო.“

ხალხი თითოთ უჩვენებს კიკოლიკებზე და იძახის: „ეგ არის თქვენი განათლება, ეგ არის თქვენი ქვეყნის მზრუნველობა, ძველ ჩინოვნიკებს ვუჩიოდით და ამ ნასწავლ კაცებმა — ადვოკატებმა — ტყავი გაგვაძრესო.“

აი, ჩენი კიკოლიკების ქველ-მოქმედება საზოგადოების ასპარეზზე!

6 7 6 0 3 3 0 3 0

რ უ ხ ი მ გ ე ლ ი

..ვიმ, რა მშვენიერად მოჩანს ჩვენი საწიოკე მთა!“ — წამოი-
ძახა ერთ ზაფხულის დილას სამსონ ჯიბიაშვილმა, რომელიც გა-
მოსულიყო თავის სახლის განიერ აივანზე პერანგის ამარა და იცქი-
რებოდა ჩრდილო-აღმოსავლეთისკენ, საიდანაც ამომავალი მზის
სხივები ოჭროს ფერად ღელავდა ჩაბურჭულ მთის კალთებში და ჯერ
კიდევ ჩაბნელებული ღრმა ქალები სინათლეზე გამოჰყავდა.

I

სამსონ ჯიბიაშვილი იყო ერთი კარგად ჩასუქებული სოფლის
„ადვოკატი“ ანუ, ჩვენებურათ რომ ვსთქვათ, ვეჭილი, რომელსაც
ყირიმის ომის დროს სასულიერო აკადემია გაეთავებინა და სახაზინ-
ო პალატაში „სტოლონაჩაღნიკათ“ შესულიყო. იქ რამდენსამე
წელს ემსახურა და აღრე მიმხედარიყო კანცელარიის პოლიტიკას,
რომლის გულისთვისაც მას ბეღლის თავცი უწოდეს. ბეღლის თავცს,
როგორც მოგეხსენებათ, სახრავი თავის დღეში არ გამოეღევა; მაგრამ
სამსონს-კი მეტად ჩქარა ელეოდა საკანცელარიო მასალა, ესე იგი
კალმის დანები, კარანდაშები და საწერი ქალაღები. ხშირად იტყო-
და მისი უფროსი: ეს ურჯულო სამსონ რას ჩადის, რას უშვრება ამ-
დენ კალამ-კარანდაშებს და დანა-ქალაღებს?! ეგ ისეთ ხერას მიჩე-
ვია, ვინძლო. კანცელარიის ზანდუკები და განჯინებიც დახრასო. —
სიფრთხილეს თავი არ სტკივო, — განივლო გულში სახაზინო პალა-
ტის უფროსმა და ამისთვის მეტი. საშუალება ველარა მოახერხა-რა,
გადასწყვიტა სამსონის დაუყოვნებლივ „განპატიეება“. სამსონ ჯიბია-
შვილი სრულებითაც არ შეწუხებულა ამითი, რადგან, როგორც თავცს
ბასრი კბილები, ისე იმას ბასრი კალამი ჰქონდა ყურში გაჩრილი სა-
ფხაქუნოდ. ორი თვეც არ გასულა, რომ ჩვენ სამსონ ჯიბიაშვილს
ვხედავთ მაზრის უფროსის თანაშემწედ. მაგრამ ვერც აქ მოვლო
დიდ ხანს. მისმა მსუნაგობამ და დაუდგრომელმა ხასიათმა მოთმინები-
დგან გამოიყვანა იმ დროის გაურავეებული ზოგიერთი მებატონეთა-
განი; რომელთაც ხელი შესდგეს და კარგათაც გათქირეს გძელ-ქუს-

ლებიან ჩექმებ ქვეშ. „ჩიტი ფცქენათ არა ღირსო,“ — იფიქრა გულში სამსონმა, მიანება თავი სახელმწიფო სამსახურს და, კანონებში კარგად გამოიარხული, ელოდა ახალ დროს, ახალი სამართლის შემოსელას, რომ დაჩაგრულების ვეჭილათ გამხდარიყო და კანცელარიის განჯინების მაგიერათ ხალხის ჯიბე გამოეხრა. იგი მისდევდა ქართულ ანდაზას:

„სმა-ჰამა დიდათ შესარგი, დება რა საეარგულიაო“.

აი, ამისთანა ხასიათს გაესუქებინა კიდევ ჩენი სამსონ ჯიბია-შვილი. მისი მოკლე კისერი ურმის მორგეს ჰგავდა, რომელზედაც თათრული გოგრის სიმსხო თავი დამხობოდა. მისი ბექებ-წახრილი ტანი კოკა-ნახევრიან გაბერილ ტიკს მოგაგონებდათ, რომელიც ორ მომსხო და მოკაკუქებულ ფეხზე იყო შესკუპებული.

ტიტველი კოტიტა ფეხის თათები დილას ფოსტლებში ჩაეყო სამსონსა, გრძელ ტარიანი ჩიბუხი ხელში დაეჭირა და როცა აივანზე მიდი-მოდიოდა, მის ფეხის გულეებზე ფოსტლებს ტკაცა-ტკუცი გაჰქონდა, თან ხენეშოდა, თან ჩიბუხს აბოლებდა, თან იძახოდა: „ოჰ, ოჰ, ოჰ!! რა სიციხე იყო წუხელი, რა ბული, რა სულთახუთვა!.. მთელი დამე ლული არ მომკიდებია თვალეებზე, სულ კიტრივით ვგორავდი!“ მაგრამ ვისაც მისი შუადლის ძილი ენახა და მის ზმულია ხვრინისათვის ყური მოეკრა, იგი აღარ გაიკვირებდა მის საჩივარსა. სადილს შემდეგ რომ გაგორდებოდა, დღე-და-ღამის გაყრამდი თვალეებსაც აღარ გამოაჰყვტდა. მაგიერად მზე ვერასოდეს ვერ მოასწრებდა ამოსელას. სამსონის სახლი ისეთ სერზე იყო გამოჰქიმული, რომ არც დილის ნიაფი დააკლდებოდა და არც შუადლის სიო, ირიჟრაჟებდა თუ არა, სამსონი მაშინვე აივანზე გავარდებოდა, გალიაღებულ ბანჯვლიან გულ-მკერდს გულის ნიაფს მიაჰყრობდა და იყო ასე ერთხანს საგრილებელზე ხარლალსავით გაჩერებული. იგი შესცქეროდა საწიოკე მთასა, საიდანაც მოჰქროდა სულის ჩამდგმელი სიგრილე. ეს თვალ გადუწვდენელი მამული ბარიდან მოკიდებული კავკასიის მთის ილღამდე იყო შეთენილი. ალაგ-ალაგ ისეთი ჩანჩქრები და ჩხრილები ვადმოჰქვხნდნენ მთების ხეობებში, რომ მათის ხმისაგან ყურთა სმენა აღარ იყო. ხელის წყლების ძლიერება მათგან წამოღებულ უზარ-მაზარ ხეებს ეტყობოდა, რომელნიც მთის მიხვეულ-მოხვეულებში ერთმენათს გადაჰდობოდნენ, გახიდულიყვენ და ზედ ხევის წყალი აქაფებული ღრიალით ეხეთქებოდა და მუსრავდა უზარ-მაზარ ხეების ტოტებს ნაწილ-ნაწილათ. ამ გაშმაგებულ ხევის წყალს ზოგგან მთელი გორის ფერდები ზვავათ ჩამოექცია და ზოგჯერ ისეთი კლდის ნამზლელევეები აეგორებინა, რომ სიგანითა და სიმალლით ორ-სართულიან ქვით-კირის სახლებს მოაგონებდა კაცსა. მთაგრეხილები დაბურული ტყეებით იყო.

ზოცული და ქედი-ქედს გადახლართოდა. ზოგვან მთებს კალთებზე შეეკეცა, ქალები გაეგანჩიერებინა და გაშლილ ვაკე-გორებზე აქა-იქ მოჩანდა ფიცრული დარბაზები ეზო-გარემოინად და ყანა-საბა-ლახოინად. შორს კავკასიის ქედი თეთრი არწივით ზურგ-მოვარაყე-ბული გრგოლად შემორტყმოდა ამ მთასა. აი, ასეთი ქედი-ქედს გორი-გორს, ხევი-ხევს, ველი-ველს მიდგმული მთიანი ადგილები შეადგენ-და საერთო გაუყოფელ მამულს, რომელსაც საწიოკე მთა ერქვა. შიგა და შიგ მთაში გაფანტულიყვენ დროებითი ვალდებული გლეხები: მათ გარდა მრავალი ოსიც იყო ხიზნათ ჩამოსახლებული ამ მთაში. ესე-ნი უფრო მიუღდომელ ადგილებს ირჩევდენ სამოსახლოთ კლდის ნა-პრალებში, რომ საწიოკე მთის მეზატონეებს მათი ხშირად სტუმრობა გასჭირვებოდათ. ისინი აშენებდენ საქონელს, გაემრავლებინათ თხის ჯოგები, ეს უწყალო მტერი ახალ-გამოღებული ტყის კვირტებისა: აკეთებდენ ყველსა და ერბოს, აგროვებდენ თაფლს, თუ-კი სადმე წა-ატყდებოდენ ფულურო ხეში გარეულ ფუტკარსა, ნადირობდენ კლდის ნაპრალებში არჩებზე და ჯიხვებზე, მდინარეებში იკერდენ კალმანსა და ორაგულს. ზაფხულობით მოაწყობდენ მთის ნაკადულ-ზე სახარატო და სათლელ ჩარხებსა, თლიდენ ხის კურქელსა, ჯამებს, გობებს, კოვზებს და ფიცრებს.

საწიოკე მთა ეკუთნოდა ას კომლ მეზატონეს, რომელთა შორის ირიცხებოდა სამსონ ჯიბიაშვილიც. ეს მეზატონეები ყველანი, სამ-სონს გარდა, ესახლენ საწიოკე მთის შესავალში, დიდ-ხევის პირად სერებზე და შიგ ქალაში მიმოფანტულნი. ამ მთაში სხვა გზით ვერა-ვინ შევიდოდა, თუ არ მეზატონეების სოფლიდგან.

თვითონ სამსონ ჯიბიაშვილი ესახლა სხვა სოფელში, ათი ვერ-სის მანძილზე საწიოკე სოფლიდან. მას სხვა საქმე არ ჰქონდა, ყოველ-თვის სასამართლოს კარზე იყო ატუხული და მოსამართლეც სასწორად იმისკენ ხრიდა. ამიტომაც მისი ხათრი ყველას ჰქონდა — მეზატონეს, გლეხსა და ხიზანსაც. იმას არა ერთხელ დაეწიოკებინა საწიოკე მთის მცხოვრებლები სამოსამართლო ბოქაულის წყალობით. სამსონს ეგრე რიგათ არ უყვარდა თვითონ მთაში სიარული, მაგრამ ან თუ მეზატო-ნეები ოსებს მიუხტებოდენ, ან თუ სხვებს ვისმე დააწიოკებდენ, არც ერთი ამისთანა ამბავი, მას არ გამოეპარებოდა. როგორც-კი შეიტყობ-და, მთაში „საქმო“ გაჩენილაო, ისიც მაშინვე ამხედრდებოდა თავის ლურჯაზე, რომ საუფლისწულო არ დაჰკარგოდა. აი, ამიტომაც უყვარდა მას თავის სახლის აივანზე ჯდომა და საწიოკე მთისკენ ცქერა.

მისი პატარა ციმციმა თვალები ძლიელა ბეუტადდენ სიძსუქ-ნით დასივებულ ლოყებში, მაგრამ სამაგიეროთ მათი სახედველი შუქი

შორს წვდებოდა. ათ. თხუთმეტ ვერსზე ლობე-მძვრალა ჩიტიც ვერ აფრინდებოდა. რომ მის თვალებს არ შეენიშნა. მას არ გამოეპარებოდა საწიოკე სოფლიდან გამოსული ცხენოსანი. იმას ჰყავდა საწიოკე მთის მებატონეებში ერთი გულითადი მეგობარი აზნაური ავთანდილ კვიმატაძე. იმის სისვა ცხენს ათას ცხენში გამოიცნობდა.

II

ავთანდილ კვიმატაძე ერთი საწიოკე მთის მებატონეთაგანი იყო. ცხოვრებულ მამა-მისს მესადედი მონაწილეობა ერგებოდა საწიოკე მთაში, მაგრამ რადგან მის სიკვდილს შემდეგ ოთხი ვაჟკაცი დარჩა, ამისთვის ავთანდილ კვიმატაძეს გაუყოფელ მთაში მეოთხასედი-ლათუ ქნებოდა. ძმები რომ გაიყარენ, მას აქეთ ათი წელი მეტი იყო. მაგრამ ავთანდილ კვიმატაძე მაინც ჯერ კიდევ ვერ დასახლებულიყო. როგორც შეეფერებოდა ჩაქვირითებულ აზნაურის ოჯახს. მისი გამოწყვებული იმერული ოდა თუმცა წაბლის გულისაგან იყო აშენებული. მაგრამ სახლის დამთავრებას ჯერ კიდევ ბევრი აკლდა. ეს სამთვალაინი სახლი ცხრა მუხის ბოძზე იყო შესკუბებული; მხოლოდ ერთ თვალს ჰქონდა იატაკი და ქერი; მაგრამ იატაკის ფიცრებს ისე დაელოთ ჰირი. რომ თუ კაცი გაფრთხილებული არ იყო ზედ სიარულის დროს. შეიძლებოდა ფეხის ცერი ჩაეარდნოდა ფარღალალში. სხვა ოთახებს და აივანს ჯერ არც ქერი და არც იატაკი არ ღორსებოდათ. ისინი უქერ-იატაკო და კარებ-აუბმელები გამოიციქირებოდნენ. აივანზე ორი-სამი ფიცარი იყო გადებული იატაკ-დაგებულ ოთახამდის. რომ აქ შესვლა შეძლებულიყო. კიბის მაგიერად ორი ხე იყო აივნის დირზე აყუდებული და ზედ საფეხურების მაგიერად მსხვილი ჯოხები იყო ირდი-გარდმო დაკრული. სტუმარი თუ მოისურვებდა ამისთანა კიბით ოდაში შესვლას. ცოტა ჯამბაზობაშიაც გავარჯიშებული უნდა ყოფილიყო. თვით ოდის იმ ერთს თვალს. საცა ქერ-იატაკი დაგებული იყო. არც შუშები ჰქონდა ჩანბული. არც ბუხარი მიშენებული. მხოლოდ გძელი ფიცრები იყო გაჭიმული ერთი კედლიდან მეორე კედლამდის და ერთ კუთხეში ზეწარ-გადაფარებული ქვეშაგები ელაგა. ავთანდილს ჰქონდა კარგი ძელური საჯალაბო სახლი შუაგულ კერა-გაჩაღებული. საცა სახლობა ჰყავდა დაბინავებული. სტუმარი რომ მოვიდოდა, იატაკიან ოთახში შეიყვანდა და როცა სტუმარი თიქანსავეით კვინტრიმით შეირბენდა ციკაბო კიბესა. ავთანდილ ბოდიშს მოჰყვებოდა: „უკაცრავათ, ჩემო ბატონო.. რომ ჯერ ოდა კიდევ რიგიანად არა მაქვს მოწყობილი; მაგრამ ახალი მოსახლე გახლავარ. სულ ათიოდე წელიწადია. რაც დავესახლე. თუ ღმერთმა მომას-

წრო ამ სახლის მოთავება. ვგონებ, კარგი შენობა უნდა დადგეს. თქვენ როგორ გგონიათ?" — ცნობისმოყვარეობით შეეკითხებოდა სტუმარს. რომელსაც თან გულის კანკალი მოსდიოდა, ოჩაფეხა კიბეზე არ დაეიმტვრეო და ზრდილობის ნიშნათ პასუხს უგებდა: „ღიაღ, კარგი შენობა უნდა დადგეს. თუ მოათავეთ: მაგრამ. ვგონებ, მანამდის სახურავის გამოცვლაც დაგჭირდებათ.“ რამდენადაც ზაფხულობით სასიამოვნო იყო ღამის სიგრილის გამო იმ იატაკ-მოგებულს ოთახში მოსვენება. იმდენათ კბილებ-საკაწკაწე ხლებოდა ზამთარში იქ დგომა. ამის გამო ნათესავეები და მეგობრები — ყველანი ერიდებოდნენ ავთანდილთან ზამთრობით სტუმრობასა. რადგან იცოდნენ. რომ უბუხრო და შუშა-ჩაუსმელ ოთახში გაათევიანებდა ღამეს. როცა მამის დანატოვარი ნივთები გაიყვეს. ავთანდილს ერგო ერთი კბილ-ჩამტვრეული ძველი ხმალი. რომელსაც არც დღე. არც ღამე აღარ იშორებდა. „ეს მამი-ჩემის ხმალი ბედნიერ ხელზეა ნაშოვნის. დიდი აბაჟი ერისთვის ნაქონები ხმალიაო. — იტყოდა ავთანდილი გულ-ამაყად: ცხონებულმა მამა-ჩემმა ამით ნახევარი საწიოკე მთა შემოჰყოლა.“

III

საწიოკე მთის მონაწილეთ ერთი ახირებული საქმე სკირდათ. დილიდან საღამომდის ერთმანეთს გზირათ უდგენ, იტყობდნენ ვინ რას აკეთებდა. ვთქვათ, ერთი ვინმე მეპატრონე მთაში წავიდა სათევეზაოთ. მეორე და მესამე უეჭველათ მას აედევნებოდა დასაზვერავათ. ამავე გვარად მოიქცეოდნენ სხვებიც. თუ რომელიმე მათგანი წავიდოდა მთაში ან ნაცნობ ოსოან, ან ვინმე გლახთან საქმისათვის. ხშირად მოხდებოდა. რომ ერთი მეორეს გაუღარაჯდებოდა გზაზედ; დაესხმოდა თავზე ნაშოვრის წასართმევათ: მოხდებოდა ჩხუბი, ხანჯ-ლების ტრიალი და ზოგჯერ კაცის კვლაც. მაგრამ ყველაზე უფრო მძიმე შეტაკება შეემთხვეოდათ საწიოკელებს „ნაკოდობაზე“. რადგან ვისაც მეტი ნაკოდობა ჰქონდა. ის მეტ მონაწილეობას და სარგებლობას ჩემობდა; თუნდ მემკვიდრეობითი უფლებით და კანონის ძალით ნაკლები მონაწილეობაც ჰქონდა. „ნაკოდობას“. ეძახოდნენ ერთ-ნაირ ძალ-მომრეობას. რომლითაც ყოველი მეპატრონე, დიდისა თუ მცირის მონაწილეობის მექონი. თანასწორად იჩემებდა საუკეთესო მთის ალაგებსა. საწიოკე მთა იყო უდაბური. საცა ადამის წლის ხეები იდგენ, ხან-და-ხან ისეთ ხესაც შეხედებოდა კაცი, რომ სამი-ოთხი. საეენი სიმსხო ტანი ჰქონდა. ტყე იყო აუარება, ფასი არ ედვა. ამისთვის მონაწილეები კდილობდნენ ტყე მოესპოთ და ტყის ალაგას საყანე ახოები გაეჩინათ. ამის გამო თითო-

ეული მათგანი ცდილობდა საყანე ალაგები და გაუკაფავეი ახოებო-
 დაემისებინა. ამ ანგარიშით რომელიმე მეპატრონე წავილოდა თავის
 გლახიანად, ან შეიძლებოდა, გარეშე ბარის კაციც მოეპატიუებინა;
 წაიღებდნენ ხელსაწყო რკინეულობას — ცულს, ნაჯახს და სხვ.. რამ-
 დენისამე დღის საგძალს, ამოირჩევედნენ რომელსამე ხეობას, მოჰყვე-
 ბოდენ და ყოველ უზარმაზარ ხეს — თუნდ წვრილმანი ხეც ყოფი-
 ლიყო. სულ ერთი იყო — შემოაქდობდნენ გარშემო ცულით, რომ კა-
 ნი და ცილა შემოეკრათ. აი, ამ მოქმედებას ეწოდებოდა „შემოკოდ-
 ვა“. ყოველი ხე, რომელსაც გარშემო ქერქი და ცილა ჰქონდა შე-
 მოქრილ-შემოსერილი, უსათუოდ უნდა გამხმარიყო ერთის წლის
 განმავლობაში. შემდეგ ამ გამხმარ კეება ხეებს შეუწებდნენ ცეცხლს
 და ამ სახით იწვოდა, ოხრდებოდა ეს მშვენიერი ტყე, იკარგებოდა-
 ხელ-გამოუბრუნებლათ ამდენი სიმდიდრე. ავთანდილ კვიციანი სა-
 კვირველი დახელოვნებული იყო სოფლის დარაჯობაში. დილიდან
 საღამომდის საწიოკე მებატონეების თვალ-ყურის დევნებაში იყო. ვინ
 რას განიზრახავდა, ვინ სად წავიდოდა, ვინ ვის დაელაპარაკებოდა.
 შეუტყობელი არ მოურჩებოდა; მუდამ ტყეში დარბოდა მშვიერი მგე-
 ლივით, ეძებდა მხოლოდ, სად რას წააწყდებოდა, ვისთვის რა წერ-
 თია. მამისეული ხმალი მუდამ გვერდზე ეკიდა და, თუ ვინმე შემო-
 კოდდა ტყეს საყანეთ, ისიც იქვე იყო გაჩენილი. როგორც-კი მება-
 ტონე შინ დაბრუნდებოდა, ავთანდილ მისვე შემოკოდისს ხეებს
 ხელ-მეორეთ დაუწყებდა თავის ხმლით შემოსერვას, რომ თვითონაც-
 იმ საყანეში წილი დაედვა, ან სადაოთ გაეხადნა. მისი დამამტკიცე-
 ბელი საბუთი ყოველ ხეს ზედ აჩნდა კბილ-ჩამტყრეული ხმლის შე-
 მონაკრავი. ეს ისეთი საბუთი იყო, რომ აღარავითარი საწინააღმდეგო
 მოწმობა აღარ გადიოდა, რადგან მისი ხმლის შემონაკრავს ყველა
 იცნობდა.

IV

საწიოკე სოფლის მებატონეებს ჰქონდათ საკუთარი ძველი ეკ-
 ლესია წმიდის გიორგისა. ეს იყო ერთი პატარა საყდარი, რომელშიაც
 ორმოც-და-ათი კაცი თუ მოთავსდებოდა, მეტი არა. ამ საყდრის კედ-
 ლები ძველი მხატვრობით იყო აკრელებული. ჩრდილოეთის მხარეზე
 მეთოთხმეტე საუკუნის ერისთავთ-ერისთავი და მისი მეუღლე და
 ძმები იყვნენ დახატული. მხატვრობა წელ ზევით კარგათ ეტყობოდა.
 წელ-ქვემოთ კი სურათი წაშლილი იყო მუდამ კედლებზე ხახუ-
 ნითა. წირვის დროს ამ ალაგს დგებოდნენ საწიოკე სოფლის უფროსი-
 და ღრმად მოხუცებული კაცები, რომელთაც კედელზე მიყუდება ჩვე-

უღებათ ჰქონდათ. მხატვრობის მოშლა წელ-ქვემოთ იმათი ბრალი იყო. თუმცა ისინი ამავე დროს ძალიან მოწინააღმდეგეები იყვნენ თანხაზე წინაპრების სურათებსა, რომელთაც ამისებდენ წმიდა გიორგის ეკლესიის აშენებასაც. იგი იდგა შუაგულ სოფელში მალლობზე და გარშემო დიდი ბზის ბუჩქნარით იყო შემოვლებული. რომლის შუაგულს ას წლოვანი კაკლის ხე იდგა. ამ ალაგებიდან ვერაფერს ვაძიებდა რისამე წაღებას, წვირის მოტეხაც არავის შეეძლო წმიდის გიორგის გიორგის შიშითა. კაკალ ქვეშ ოთხი ადგილი სიგრძე და ორ ადგილსა ხევიანი ბრტყელი ქვა იდგა: წირვა რომ გამოვიდოდა, საწიოც მთის მებატონეები ამ კაკალ ქვეშ მოიყრიდნენ თავსა და დადგებოდნენ რიგისა და წესისამებრ, დიდ მონაწილეთაგანი პატივცემული მოხუცებულები განიერს ქვაზე ჩამოსხდებოდნენ, ღანარჩენები ირგვლივ ჩამორიგდებოდნენ მწვენი მოლზე და იყვენ სოფლის საქმეების განსჯაში.

— ბატონებო, აი თქვენთვის მომიხსენებია, ჩამომეხოვოს აეთანდლილი, თვარა სისხლი დაიღვრება, წარმოსთქვა რიხიანად ერთმა ტანმორჩილმა მოხუცებულმა.

— რაო, ბანა, — ჰკითხა ქვაზე მჯდომარე მებატონემ, რომელიც იყო მოხდენილი მოყვანილობისა, განიერ-ბეჭებიანი და კაბაქულაჯიანი. წელზე ერტყა ვერცხლის ქამარ-ხანჯალი. ეცვა ქართული განიერი შალვარი, გვერდზე ეხურა ქართული კალმუხის ქუდი და ყელზე ბაღდადი ჰქონდა ჩამოვლებული. წითლად დაბრაწული მსხვილი თვალები პირ-მოპარსულ სახეზე ნათლად ამჟღავნებდნენ, რომ ამ მებატონეს ყანწების ტრიალი უნდა ჰყვარებოდა. ამასთანავე მისი დასივებული კისრის ძარღვები ამტკიცებდნენ, რომ კარგი მომლხენი უნდა ყოფილიყო და მაგარი ხმის მეპატრონეცა ქართულ სიმღერებში.

— როგორ თუ რაო? გუშინ მთაში ავედი ჩემი საახოვეს დასათვალეირებლათ, ყოველ ჩემ შემოკოდილს ხეს მისი ხმლის კვალიც ეტყობოდა! აქ თქვენ კრებაში გამომიცხადებია, თუ თავი არ დამანება, ან ის უნდა იყოს, ან მე. მეორეთ რომ ვნახო ჩემ ნაკოდობაში, ცოცხალს არ ვაგეუშვებ. ეს გატენილი თოფი თან დამაქვს! — გაათავა ბრაზ-მორეულმა ბანამ ლაპარაკი.

— რამდენი ხანია მაგრე გატენილს თოფს ატარებ? — ჰკითხა ქულაჯიანმა.

— ეს ერთი წელიწადია, მაგის თოფის ხმა არ ვაგვიგონია, — წამოიძახა ვილატამ.

— მაშ, აქამდის სულ ჩაიქანგებოდა შიგ ტყვია-წამალი, — დასძინა ქულაჯიანმა.

— ბანა, ვაი თუ საფალიეზე წამალიც არ მოვიყრიო? — ჰკითხა ხუმრობით ერთმა ახალგაზდა მებატონემ, რომელიც მართლა მი-

ვიდა ამ დროს. ფალია გადუშალა და გადუქნია წამალი. — აკი, მართლა ერთი მარცვალცი არ ყოფილა! — სიცილით წამოიძახა ისევ მანვე.

— მე არაფელი მელაზლანდარება! — გაჯავრებით უთხრა ბანამ. ისევ დააყარა თოფის წამალი საფალიეზე და ფალია შემართა.

— ნიგუზალიც რომ დაადეა ბანას თოფს, მაინც არ გაეარდება. — აგდებით უთხრა მესამემ.

ხალხში სიცილია.

— იქ მობძანდით. მთაში. როცა ყანას ვუდგვივარ და მაშინ ნახავთ. თუ არ გაეარდება.

— ხუმრობა იქით იყოს და მართლაც ამ მცირე მონაწილეებმა მთა გაგვიფუქეს. — გადუქრა სიტყვა დინჯმა მოხუცებულმა, რომელიც ქულაჯიანის გვერდით იჯდა ქვაზე და ორივე ხელებით ჯოხზე, იყო დაბჯენილი.

— მაგათ. ასე გასინჯე. ჩვენი საკუთარი ღროებითი ვალდებულები გლახებიც-კი გაგვიორგულეს. ერთხელვე გადაქრილ შეშის ფასსაც აღარ გვაძლევენ. — დაუმატა მესამემ. — იმ დღეს ავთანდილს ჩემი ნაყმევი გაებრიყვებინა. ეთქვა. შე. სულელო. ბატონი შეშის ფასათ თუმანს არ გჯერდება. ჩემთან მოდი, მე ექვს მანეთად ვაგვირიგდებო; მთა თუ მისია, ჩემიც არისო. მცირე მეპატრონეების წყალობით დღეს ნაყმეები თითქმის აღარ გვემორჩილებიან. ისინი ბევრნი არიან, ჩვენ დიდი მონაწილები-კი, ცოტანი ვართ. ისინი მუდამ მთაში ჰყრიან; ვისაც შეისწრებენ, ყველას ჰგლეჯენ; ჩვენ კაცებსაც აწიოკებენ.

— ეგ ყველა ავთანდილის ბრალია. — დაუმატა რამდენმამე ჩამამ. — ის არის ყველა უქუდოებისა და ხელმოკლე მონაწილეების მოთავე.

— ჰეი. ჰეი!.. უკაცრავათ გახლავართ! — წამოჰყო თავი ბარე ათიოდე მონაწილემა: — ვინ გიშლით, თქვენც იარეთ ტყეში. თქვენც ისარგებლეთ. ვინც ხელსა და ფეხს გაანძრევს საერთო მთაში, სარგებლობაც იმისი უნდა იყოს.

— დიად. როგორ არა! — დაიყვირა ქულაჯიანმა. — მამა-პაპეულს თქვენ გაგატანთ! იქ მობრძანდით, სასამართლოში და დაგველაპარაკეთ. კანონია ჩვენი მონაწილეობის გამრჩევი.

— აბა. თქვენ მობრძანდით და ჩვენი ნაკოდობა წაგვართვით. რაც ტყე ვაგვიკაფავს და ყანებათ გადაგვიქცევია. იმას ვერავინ შეეხება.

— რამდენიც შეგხედესთ მონაწილეობისამებრ. იმდენი გაკაფეთ. მეტს ვინ დაგანებებთ! — უპასუხა ქულაჯიანმა...

— ჩვენ რა ვიცი. სად თავდება ერთის მონაწილეობა და სად მეორისა. მთა ხომ საერთოა. ვისაც გული და მაჯა ურჩის. რამდენიც უნდა. ისარგებლოს.

— ეგრე რომ იყოს. მაშ მთელი მთა ავთანდილ კვიმატაძის წაუღია და ის არის! ერთი ხეც აღარ არის მთაში. რომ ავთანდილ კვიმატაძის კბილ-ჩამტვრეული ხმალი არ მოხვედროდეს.

ამ კაცის სახელის გაგონებაზე ყველანი შედგენ. თითქოს მოპირდაპირენი შერიგდენ. ერთმანეთში დაეა შესწყვიტეს და მოჰყვენ ავთანდილის საყვედურს.

— იმ დღეს ავთანდილმა ჩემი შეყვანილი გლეხი გამიცარცვა! — თქვა ერთმა.

— საწოკე მთის ხევზე რომ წისკვილებია. წასულა იქ ავთანდილი და საერთო მანდი აუღია მეწისქვილეებისაგან! — განაცხადა მეორემ.

— შარშან ჩვენ შეყვანილ მეცხვარეებს რომ მატყლი მოსტაცა. ის არ იყო? საქმე სასამართლოშია. მეცხვარეები გაცარცვას უჩივიან. გაიხსენა მესამემ.

— გუშინწინ მთაში ჩემს გლეხს მიხტომოდა და სადილი მოეთხოვა. მამაკაცები წინ არ ყოფილიყვნენ. დედაკაცს გამოეტანა ხელათ ხონჩა: კარგი ცხელ-ცხელი მქადები. ყველი და ღვინო. ავთანდილს, მადლობის მაგიერათ. წიხლი ეკრა სავეს სუფრისათვის და გადაეყარა: „ბატომ შემწვარი ქათამი არ მომართვიო.“ დედაკაცს თავზარი დასცემოდა. ბოდიში მოეთხოვა: „უკაცრავათ, ჩემო ბატონო. ასე უკებ ვერ მოვასწრეთ. თუ მოგვითმენთ, იმასაც მოგართმევთ.“ ერთი სიტყვით. საღამომდის სუფრა აღარ აეღო. ერთი დიდი დოქი ღვინო დაეკლია. ჩაბრუებულყო და წამოსულყო. აბა ჰკითხეთ. რა ნება ჰქონდა. რომ ჩემი ნაყმევის ოჯახში ასეთი ძალა მიიტანა. მე ის აღარ მემსახურება. აწ ავთანდილს გაიხდის ბატონათ? — თქვა მეხუთემ. — სულ ვფიქრობ და ვერ მომიხერხებია. როგორ გადავიწვიო ჩემ გლეხებში წანწალს.

— სასამართლოში ბევრიც რომ ვეცადოთ, მინც ვერას მოვეხერხებთ. — თქვეს რამდენმამე. — იქ ცალმხრით სამსონ ჯიბიაშვილო ამოუდგება გვერდით, მეორე მხრით ორი ცრუ მოწამე: მამუკა და შიუკა. გინდა ხატზედ დაუფიცნიათ იმათ. გინდა ჯოხზე. როგორც სამსონ დაარიგებს. ისინიც მისთანა ჩვენებას მისცემენ მოსამართლეს.

— გაჩერდეს ის სამსონი ატუკანტი. ის მაჩვი. ის ხარაბუა, ის რაქველების გულა. თვარა მის ატუკანტობას მისსავე ტყავში გამოვხვევ. ოთხში ამოვიღებ და ისე ჩავაბარებ თავის პატრონს მე ვი-

ცი, ავთანდილსაც წინ გავუძლოლებ. — თქვა ერთმა შევწვერა მე-
ბატონემ, რომელიც ხატის შერისხულსავით აფეთებდა თვალებს.

— სამსონმა და ავთანდილმა ჩემ გლესს ცხრა თუმანი გადაა-
ხდეინეს ამას წინეთ ტყის მოჭრის ფასი. — თქვა მეორე მებატონემ.

— რამე უნდა მოუხსერხოთ მაგათ. ჩვენი საქმის ამრევ-დამრევი
სულ ეგ ორი კაცია. — ერთხმად წამოსთქვეს ყველამ.

V.

ამ ღროს ერთმა ვილაცამ წამოიძახა; „მოდის, მოდის!“ ყველამ
ერთად ხმა გაკმინდეს და დაიწყეს ცქერა დასავლეთისაკენ. მოშორე-
ბით დიდ ხვეის ხიდზე გამოდიოდა სამი კაცი. რომელიც წინ მო-
დიოდა, ის იყო პირხმელი, ქალარა კაცი. მას ეცვა რუხი ჩოხა, უკან
მოსდევდა ორი ახალგაზდა ახლად ამწვანებული წვერ-ულვაშიანები.

— აბა, არ გაგიწყრეს ღმერთი, ის წირვაზე არ წამოსულიყოს:
იცის, რომ იმაზე გვექნება ლაპარაკი და უნდა დაგვზვეროს, — თქვა
ერთმა.

— წირვა-ლოცვის მადლი გაუწყრა მაგას! მგონია, ერთი წე-
ლიწადიც არის. წირვა-ლოცვა არ მოუხმენია, — დაატანა მეორემ.

— ეს ხუთი წელია, ეგ აღარ ზიარებულა ჩვენ საყდარში, —
თქვა მესამემ.

— ქუდი რომ შეუგდო საყდარში, მის გამოსატანათაც ვერ შეი-
ტყუებ შიგ. ხატების ეშინია.

— ეშმაკის ფერცხალს ღეთის ტაძარში რა უნდა? — თქვა დინ-
ჯათ ჯონზე დაბჯენილმა მოხუცმა.

— ნამდვილი რუხი მგელივით მოწანწალობს. — შენიშნა ქუ-
ლაჯიანმა.

ყველამ გაიციანა.

მართლაც, ამ კაცის სახე რალაც დაუნდობლობას და თვალთ-
მაქცობას გამოხატავდა. პაწია ქროლა მისი თვალები ვერცხლის წყა-
ლივით დაუხტოდენ თვალის უბეებში. მოგრძო პირხმელი სახე მისი
მგელსავით წამწვეტებული ცხვირით იყო დამშვენებული. ქალარა
თმა და წვერი ძალიან შეხამებული იყო მის რუხ შალის ჩოხასთან.
წელზედ მაგრათ შემოკერილი ქამარი მიმხმარს მუცელს კიდევ უფრ
აკრავდა ფერდებზე. ის მიდიოდა სწრაფად, ფეხ-აკრეფით, თითქო სა-
შოვარს რასმე ეპარებოა.

— ნამდვილი რუხი მგელია. — თქვა ბაანამ.

ი, შვილებიც რომ მგლის ლეკვებს ჰგვანან, დიდება შენდა
ღმერთო! — დაიწერა პირჯვარი ჯონიანმა მოხუცებულმა.

— სულ ტყეში ჰყრიან მამასთან, თითქოს შველი ლეკვებს ნადირობას აჩუქებდესო.

— იმ დღეს მაგათ ოსისთვის თიკანი წაერთმიათ და შეექამათ; პატრონს მხოლოდ თავ-ფეხი მიუყარეს. — თქვა ბაანამ.

— „რუხი მგელი“ ზედ გამოჭრილი სახელია აეთანდილისა. თქვა ქულაჯიანმა. — ნეტა ვიცოდე, პირველად ვინ დაარქვა მაგას ეს სახელი?

— ოსებმა დაარქვეს. — წამოიძახა ერთმა. — არ შეიძლება რო: მაგას სახარატო ჩარხი დაემალოს, საცა უნდა მომართონ. გინდ უდაბურ ტყეშიაცა, რომ არ ეგონოს, ისე წაადგება თავზე და დასქყილებს: „პატ. შე ქუჯო ოსო! ეგ რა ამბავია, რომ ჩარხი მოგიმართავს. წყალზე უჩემოთ. თაბახებსა და ჯამებს თლი და ჩემთვის-კი აქამდის არ შეგიტყობინებია. მოიტა ხელათ ხუთზე ერთი. ისე არ წავა ტყეში ოსებისაკენ, რომ ოცი და ოც-და-ათი თაბახი არ ჩამოიტანოს. მაგის სახელით ოსის დედაკაცები ბალებს აჩუმებენ. გაჩუმდი, თორემ რუხი მგელი მოვა და წაგიყვანსო.

ამ დროს აეთანდილიც მოვიდა თავის შეილებიანად.

ბატონებს გაუმარჯოთ! შეგეწიოთ წირვის მადლი!

მებატონეები ზრდილობის ნიშნათ ფეხზე წამოდგენ და მიესალმენ.

— ნუ ირჯებით, ბატონებო, დაბძანდით.

ყველანი დასხდენ, აეთანდილიც დაჯდა.

ცოტა ხანს სიჩუმე ჩამოეარდა.

— სად ბძანდებოდით, აეთანდილ? — გამოელაპარაკა დარზაისლურად ქულაჯიანი.

— არსად, ბატონო. სამსონ ჯიბიაშვილთან გახლდით. ორშაბათს სასამართლოში საქმე მაქვს დანიშნული, ვთხოვე, დაეცვა ჩემი საქმე.

— აეთანდილს სასამართლოში საქმეს რა გამოუღეეს! — შენიშნა ბაანამ.

— ნეტავი დამაყენებდენ, თვარა სასამართლოს კარებს თვალითაც არ დავინახავ. ყველა მე მემტერება, უსამართლოთ მდგენიან. მეტი რა ღონე მაქვს. უნდა ვიწანწალო თავის დასაფარავად.

— ნეტა შენ არავის ემტერებოდე, თვარა და შენ ვინ გაგიბედავს დამდურებას. — უპასუხა ბაანამ და შემართა ჩახმახი. თითქო საომრად ემზადებო.

— არა, ჩემო ბაანა. მე ყველას ფეხ-ქვეშ ვეგები, მაგრამ არავინ გამიტანა, ყველა მე მძალადობს.

ზოგიერთებმა ამ სიტყვაზე ჩუმ-ჩუმათ დაიწყეს სიცილი.

— შე. კაი კაცო, იმ ჩემ შემოკოდის რომ მივარდნილხარ, სხვაგან ვერ იშოვე? — ჰკითხა ბაანამ.

— ჩემ ნაკოდს ყველა იცნობს. ჩემო ბაანა. ჩემ კბილ-ჩამტკრეული ხმლის შემონაკრავს ვინ არ იცნობს?

დიალ. ვიცანი და იმიტომაც მოგახსენებ.

— თუ ჩემი ხმლის შემონაკრავი იცანი, ჩემი ნაკოდი ყოფილა და შენ, ჩემო ბაანა, ძალიან დაგიშავებია, თუ ჩემ შემდეგ მოჰყევი ჩემი ადგილის შემოკოდვას.

— ამ წმინდის გიორგის ხატზე შემოგფიცავ; პირველად თუ მე არ შემომეკოდოს ის ალაგი.

— მაგას. ჩემო ბაანა. სამართალი გაარჩევს.

— არა. ჩემო აეთანდილ. სულ სამსონი ვერ დაგიფარავს. დღეს შენ და სამსონის წყალობით სამართალი ველარ ქრის სამართალს. სულ უმართლო მხრისკენ იწევს სასწორი.

— მე და შენზე უფრო იმათ ესმით. ჩემო ბაანა. ჩვენ იმათ სამართალს ვერ გაუუსწორებთ.

— ამ საზოგადოების წინაშე გთხოვ. აეთანდილ, დამეხსენი, ნუ გადამკიდებხარ. ჩემ ნაკოდს თავი დაანებე. თუ არა სისხლი დაიღვრება.

— თუ დაიღვრება. ისევე შენკენ დაიღვრება, ჩემო ბაანა.

— როგორ თუ ჩემკენ?! — წამოვარდა ბაანა და თოფი მოიმარჯვა.

ხალხი ავარდა ზეზე და შემოეხვია ბაანას.

— მომეცალეთ, ერთი დამანახვეთ ეგ რუხი მგელი, ბარემც ჩავაძალო და მოვასვენო ქვეყანა მაგის ტაციობისაგან.

ქულაჯიანმა უტაცა ხელი დამიზნებულ თოფსა და შესძახა:

— ბაანა. რა შენი საკადრისია მაგნაირი გაფიცება!

ათანდილი უცბად მოშორდა იმ ადგილს, გადავა წრეს გარეთ და იქიდან დაიყვირა:

— აი. ბატონებო. ხომ ხედავდით, ბაანა მოკვლას მიპირებდა თოფით. თქვენ ყველანი მოწმეთ უნდა იყოთ. შვილებო. წამოდით. გამოეცალეთ მაგ ავაზაკს! — დაუძახა ვაჟებს და ფენმარდათ გაჰქუსლა შინისკენ. ისინი უკან გაჰყვენ.

— დამაცა. შე რუხო მგელო, თუ კაცი ვყოფილვარ ჩავაძალებ შენცა და იმ შენ სამსონსაც! — მიაძახა ბაანამ.

ხალხი ამშვიდებდა გაფიცებულ ბაანას. ზოგი ასე ამბობდა, სანამდის აეთანდილს კარგათ არ დაეზელთ და სისხლს არ წამოვალე-ბინებთ შიგნეულიდან, მანამდის ეგ რუხ მგლობას არ მოიშლისო. ცოტა ხანს იქით ყველანი წაყვიდ-წამოვიდენ. დარჩა მარტო გძელი საჯ-

დომი ქვა კაკალ-ქვეშ დადუმებული და დაღერემილი. თითქოს გულში ასე ფიქრობდა. ვაი თუ ამ კოტა ხანში ვისიმე გულმკერდზე დამდვან და დამატენინონო. ამ დროს ხევიდან მოჰბერა სიომ და კაკლის შორს გადაწვდილი ტოტები ერთბაშად შეანძრია. თვითონ კაკალიც დინჯათ აღელდა. აბუტბუტდა. თითქო ღრმა მწუხარებას მიცემოდეს ამ სოფლის დაუღარომელობაზე და კაცების გაუტანლობაზე.

VI.

ბაანა იყო ერთი ხელმოკლე აზნაურთაგანი. რომელსაც ცხენი აღარ ჰყოლია მას აქეთ, რაც ცოლი შეირთო. ცხენი მოკედომოდა ქორწილში გალახულობით. მომეტებული ქიშვა-გრეხით და ქენე-ბით. შემდეგ რაღაი წვრილშვილი დაეხვია. სადღა ჰქონდა ცხენის ყიდვის თავი. იმ დროს, როცა ბაანას აეთანდილთან ჩხუბი მოუხდა. ის სამოც-და-ხუთი წლის მოხუცებული იყო: მაგრამ ჯერ კიდევ ჰარმაგათ იყო და მთაში სიარულით მუხლები არ ტკივოდა. ორ კოდნახევეარ ხორბალს სამი ვერსტის სიშორეზე ამ მოხუცებულობაშიაც ციმციმით მიაბრუნებდა. როცა მთაში წავიდოდა, თავის სტამბოლის პირვეალი მუდამ მგლის ტყავის ბუდეში ჰქონდა და მხარზე ეკიდა. ბაანა ისეთი ჩქარი და დაულალავი ქვეითი იყო, რომ კარგი ნაბიჯის ცხენი ვერ გაასწრებდა. ერთი ხელი საგარეო ტანისამოსი: მაუდის ჩოხა, ყანაოზის ახალუხი და ერთი წყვილი მაღალ-ქუსლებიანი ჩექმები შინ ჰქონდა შენახული: წელიწადში სამჯერ, ოთხჯერ თუ ჩაიცვამდა. მეტად არა. ისიც მაშინ, როცა დღეობაში წავიდოდა მოყვარესთან. ან სამარობოთ, ან საგიორგობოთ. აგრეთვე აღდგომას და შობას; სხვა დროს კი შინ ნაკეთები შალის ჩოხა ეცვა. ლურჯად შეღებილი ხამის ახალუხი, ხამის პერანგი, შავი ლაზლის პაქიკები და თვალეზიანი ქალამნები. მისთანა თვალეზ-ასხმულს ქალამნებს სოფელში ვერავინ შეჰკერავდა. როცა სადღესასწაულოთ გამოეწყობოდა, ის გადიკიდებდა მხარზე თავის ჩექმებს, ტანისამოსს ფუთაში გამოიხევედა და გაემგზავრებოდა წინ დღით მოყვარეში. მასინძლის სახლს რომ დაუახლოვდებოდა, ჯერ წყაროზე ჩავიდოდა. ხელპირს დაიბანდა. ტანისამოსს გამოიცვლიდა, ახალს ჩაიცვამდა, ძველს ისევ ფუთაში გაახვევდა, უღვაშებს გადიკრავდა და როცა მასინძლის ეზოში შევიდოდა, უღვაშაკრს მოიხსნიდა და გამოწყობინებული უღვაშებით მიეგებებოდა სახლის პატრონსა.

ჩვეულებრივით ბაანა ძალიან მოუწყინარი მუშა იყო თავის ოჯახში. იმას ჰყავდა ორი კომლი დროებით ვალდებული გლეხი. რომელთაც ძმურად ეპყრობოდა და გლეხებიც არ აკლებდენ თავის გა-

.დასახადს. ამ ორი გლეხით ბაანას თავი მოჰქონდა მეზობლებში და ათასი თუმნისათვისაც არ დაახსენებინებდა თავს. ბაანას არ უყვარდა სასამართლოს კარები და იქ წასვლა სიკვდილივით ეზარებოდა. სხვილი არა უნდოდა-რა და არც თავისას გაატანდა მტერს აგრე ახირებულათ.

ერთ დღეს გაეარდა საწიოკე სოფელში ხმა, რომ ბაანას გამომძიებელი იზარებსო. მართლაც, უწყება მოსვლოდა. ბაანას ნაცრის ფერი დაედვა სახეზე; მისი ოჯახობა ჯავრში ჩავარდა. თვითონ მისთვის დანა რომ ყელში გაეყარათ, ცვარი სისხლი არ გამოუვიდოდა, საწიოკე სოფელში დიდი მითქმა-მოთქმა შეიქნა. ზოგი ამბობდა, ავთანდილმა სასამართლოს მოსამსახურენი კალმანით დაალაღაო. ეს კი იყო, რომ ბაანასა და ავთანდილს ჩხუბის შემდეგ, მეორე კვირეს მთაში ერთ ხევის წყალში ავთანდილს საპალნე კირი ჩაეყარა და ორი ბათმანი კალმანი ემოვნა. სად გააქრო, სად არა ამდენი კალმანი, კაცმა არ იცოდა. ზოგი ამბობდა, ბაანას დაქვრას უპირებენ და საქალაქო საპრობილეში წაყვანასაო, რადგან სამსონს საჩივარი შეუდგენია მანე და სამძიმო სისხლის სამართლის კანონის მუხლები უჩვენებიაო. საჩივარში გამოუცხადებია, რომ ბაანა ავთანდილს დღე-ღამე მოსაკლავად დარაჯობსო და ამის გამო ავთანდილს თავის ოჯახში მისვლაც ეელარ გაუბედნიაო. შიუქასა და მამუქასთვისაც ჩვენება ჩამოურთმევიათ და იმათაც ფიც-ქვეშ უთქვამთ, რომ ბაანა გატენილი თოფით დასდევდაო ავთანდილს მოსაკლავათ. ეს ჩვენი თვალით ვნახეთო.

როცა ბაანა დაიბარეს, იმ დღეს რამდენიმე მებატონე საწიოკე მთისა დაბარებული იყო მოწმეთ, დამსწრეთ იმ ჩხუბისა, საცა ბაანას ავთანდილზე თოფით მიეწია. მოწმეები სადამოსვე მობრუნდენ სოფელში, ბაანა კი იქ გაეჩერებინათ...

ერთ კვირას შემდეგ საწიოკე სოფელში გაეარდა ხმა, რომ ბაანა როგორც მძიმე დამნაშავე, საქალაქო სატუსალოში წაუყვანიათო. მეტად საზარელი იყო ამ ამბის გაგონება. ბაანას ცოლშვილმა ისე შეიცხადა, თითქოს ბაანა მოკვდომოდეთო. მთელი დღე მისი სახლიდან კივილ-ყივილი ისმოდა. ცოლი მეტი სიმწარით თავს არახუნებდა კედელზე და მოთქმიდა: „ვაი, ჩემს ბედისწერას, როგორ ერთ დღეს გამიცუდდა ყველაფერი! ოჯახის საძირკველი გამომაცალეს და ოჯახი თავზე დამანგრის. მე რომ ჩემი უბედური ქმრის ამბავი ვიცი, სანამდის ქალაქის სატუსალოში მიიყვანდნენ, მანამდის გაუსკდება ჩიტსავით გული. ის იქიდგან ცოცხალი აღარ დაბრუნდება, ისემც ნუ მისულა ავთანდილი ცოცხალი თავის ოჯახში!“ საწიოკე სოფლის მცხოვრებლები მეტად ააშფოთა ასეთმა უსამართლობამ. ვისაც ავ-

თანდილის გულის ჯგერო სჭირდა, იმისმა გაიძვერობამ კიდევ უფო-
გათეცხა ისინი. ბანას ჰყავდა ერთი ცხრამეტი წლის ვაჟი და ორი-
ქალ-ვაჟი ჩხვილი წლოვანებისა. უფროსი ვაჟი ოჯახის მოვალეობა-
ში გამოუცდელი იყო. ის ახლა სულ მარტოხელა დარჩა და თავის-
წერილი და-ძმა მოხუცებულ დედიანად თავზე დააწვა სარჩენად.

საწიოკე სოფელში რამდენიმე ახალგაზდა შეითქვა, რომ აე-
თანდილისთვის უსათუოდ ამის სამაგიერო გადაეხადნათ, ისინი უწი-
ნაც უპირებდნენ მობრეგას; მაგრამ ახლა. რომ თვალით ნახეს ბანას
ოჯახის უბედურება, აეთანდილზე ბრაზი იმ ახალგაზდებს გაუორ-
კეცდათ და ამას იქით დაუწყეს აეთანდილს მთაში დარაჯი.

ბანას დიდი ხანი აღარ უცოცხლია საპყრობილეში. მთის წმინ-
და ჰაერში დაბერებული მისი აგებულობა ერთბაშად მოსხლტა
მძიმე და მყრალ სატუსალოს ჰაერში. ოჯახის მოცილების მწუხარება
კიდევ უარესი დამართა. გალიაში ჩამწყვდეულს ბანას მთის ნა-
დირსავით გული გაუსკდა. ორი კვირაც არ გასულა მას აქეთ, რაც
საპყრობილეში შეაგდეს და საოფლე დამართნოდა. ბანამ სააეად-
მყოფოში დაღია ვაგლახი სული. იმის სიკვდილის ხმამ მალე მიაწია
საწიოკე სოფლამდის და ყველანი შეაწუხა. ბანას ცოლს, უმისოთა, ე
მეტად შეწუხებულს, აღარ ეპირებოდა ახალი უბედურების გაგონე-
ბა. ყველანი უმაღავედენ ამ ამბავს მის სახლობას. მსოლოდ ამის შემ-
დეგ მეზობლები ძალიან გულ-ლმობიერად ექცეოდნენ მის ობლებს.
საკუთარი გლეხები მაინც ერთი-ორად გაუერთგულდნენ. ბანას უფი-
როსმა ვაჟმა ამასობაში ხელი წამოიწყო და კარგი ცხენი იყიდა.
და-ძმა კარგათ დამოსა და სოფლის შკოლაში გაგზავნა სასწავლებ-
ლათ. დედა მისს თან-და-თან ეძლეოდა შვილის იმედი; ცოტა არ იყოს.
გულიც დაუმშვიდდა და შეურიგდა თავის მდგომარეობას.

VII.

ერთ დღეს სამსრნ ჯიბიაშვილმა იხმო აეთანდილი და უთხრა:
„ზოდი ერთი მთაში წაყიდეთ სათევზაოთო.“ აეთანდილი დიდი სია-
მოვნებით დაეთანხმა და საჩქაროდ მოახდინა განკარგულება. იმას
უნდოდა სამსრნისათვის კარგი დრო გაეტარებინა. როგორც დაბრუნ-
და შინ, იხმო თავისი შიუკა გლეხი, რომელიც თევზაობაში განთქმუ-
ლი იყო. მოამზადეს სასროლი ბადე, დააცხობინა აეთანდილმა შინ
ჩინებული შოთები, ნაზუქები, მოახარშვინა დედლები და გაგზავნა.
შიუკა სამსრნთან, რომ კვირა საღამოს მიეყენა იგი აეთანდილის ოჯა-
ხში. მერე იქიდან ერთად გამგზავრებულიყვენ მთაში. მზე ერთ ცულის.

ტარზე იდგა დასავლით. როცა სამსონ ჯიბიაშიელმა თავისი ლურჯა შეაქროლა საწიოკეს ხეობაში. უკან მოსდევდა ძუნძულით ფეხ-და-ფეხ შიუკა, რომელსაც თავის სასროლი ბადე ზურგზე გადაეგდო და ჩოხის კალთები აეკეცნა. კალთაში ეწყო რამდენიმე ახლად გამომცხვარი მქადი და ორი კბილა ყველი. სამსონ ჩამოხტა ავთანდილის ოჯახში ჩაის დასალევით. მასპინძლის ეზოში მწევანე კოლინდარი მუხლამდის იდგა. შუაგულ აიმართებოდა ერთი დიდი კაკალი და ქვეშ ფიცრის ტახტი იყო გამართული. მასპინძლის შვილებმა ცხენი ჩამოართვეს და კაკალ ქვეშ მიიპატიყეს პატივცემული ვეჭილი.

— ავთანდილ! აბა, სუფრა გამოატანინე. კაკალ ქვეშ დავლიოთ ჩაი. ამ შენს ეზოში ყოფნას არა სჯობია—რა.

— ბატონი ბრძანდებით. შენი ნახვა ეღირსა ჩემს ოჯახს და მერე რა იქნება ისეთი. რომ არ მოვახერხო! — უთხრა ავთანდილმა მხიარულად და თან განიერ ხის სუფრას მოარბენინებდა.

— ავთანდილ! არ დაგვიგვიანდეს, მალე მოახერხე ჩაი.

— რას მიბრძანებთ? განა მე-კი არ მინდა. მაგრამ რაც სიგრილით წაველთ, ის გვირჩენია. ახლა ღამით მოგზაურობას მთაში არა ჯობია—რა. ცა მოკაშკაშებული იქნება. მთვარე ღამეში ისე ანათებს. როგორც დღე. ჩვენ უნდა ვინადიროთ ჟინჯილებით. ბადეს ხან მე ვესვრი ხან შიუკა. კალმახი ღამით უფრო ხვდება ბადეს. ჟინჯილებზე რომ ავანთებთ. თევზი მაშინვე სინათლეს მოაშურებს და თითო ბადის სროლაში ოთხი-ხუთი კალმახი შეიძლება ამოვიყვანოთ.

— აბა, შენ იცი, ჩემო ავთანდილ, როგორ დროს გამატარებინებ.

— შიუკა! — მიუბრუნდა გლეხს მასპინძელი. — შენ დროს ნულარ ჰკარგავ. გასწი ახლავე შენი ბადით და ქურდის ხეობაში მოგვიცადე. საცა დიდი ცაცხვი დგას, იმის მახლობლათ რომ ერთი მორეცია. ხომ გინახავს?

— როგორ არა, ბატონო! იქ ძალიან ბევრი კალმახი იცის, თუ რომ ვისმე არ უნადირნია ამ ცოტა ხანში.

— არა, მე განზრახ შევანახვინე ის მორეცი ჩემ ვაჟებს. ერთი თვე მეტია, რაც შიგ არაეინ ყოფილა.

— რაკი ეგრეა, სწორეთ კარგი სათევზაო იქნება, ბატონო.

— იქ რომ მიხვალ, ერთი პატარა კარავი დადგი ხელათ. ეს პაწია ქვაბიც თან წაიღე. თევზის მოსახარშავათ დაგეკირდება.

— ოჰ, რა კარავათ მოიფიქრე, შე წყეულო! ხელათ რომ ცოცხალ-ცოცხალ კალმახებს ჩაყროთ ქვაბში და უცბათ მოხარშავით. იმის ქამას არა ჯობია—რა. ყოველიყერი რიგზედ იცი, ავთანდილ.

იმიტომაც მიყვარხარ კიდევ... ე. მაგისტვის დაგიჩაგრე მტრები! შეი-
ტყე, აეთანდილ. ბაანა რომ მომკვდარა?

— მის მეტი ნუ რა მომკვდომიარა! შენი ქირი წაუღია! ძალ-
ლი იყო და ძალსაგით გადაათრევედენ...

— ავიცა ხარ. ჩემო აეთანდილ, და კარგიცა.

— შენ თუ ცოცხალი მეყოლე. მეტი რა მიქირს! ამ საწიოკე
მთას ხელში დაგაქვრინებ. ოლონდ ის აღსრულებითი ფურცლები და-
ატაკე საწიოკელებს. სამოქალაქო ბოქაული ჩაუყენე ყველას. კა-
პეიკი არავის მოეძევა. აეუწეროთ მთაში მონაწილეობა და გავუ-
ყიდოთ. მაგ ძალებების ქამას. მე და შენ ვკამოთ. არა ჯობია?

— ჰო. ჩემო აეთანდილ. ეგრეც იქნება.

ამ ლაპარაკში საჯალაბო სახლიდან გამოვიდა დიასახლისი,
ეთანდილის მეუღლე, თავისი ქალით და მოწიწებით მიესალმა სამ-
სონს.

— ოჰ. ნათლიდელას ვახლავარ! როგორი დამშვენებულა! ისეთს
კაცს უნდა მივათხოვოთ, რომ „ბლამანქე“ და „მაროენები“ არ გა-
მოუღიოს, სულ ხვევრდის და ატლასის „ბოთინკებში“ ატაროს.

ამ ლაპარაკზე ეთანდილის ქალს თავი ჩაელუნა და სიამოვნე-
ბის ღიმილი მოსდიოდა პირი სახეზე.

— შენი მოწყალება ღმერთმა ნუ მოუშალოს შენ ნათლულს.
ჩემო ბატონო.

— დედაკაცო, აბა. გამოიტანეთ სტაქენები, სამოვარი! ამდენი-კი
არ გეცალიან. ეგ შენი ქალიც მოიხმარე! — შესძახა ეთანდილმა.

ქალები ისევ უკან გაბრუნდენ საჩქაროთ საქმეზე.

— როგორი კარგი ქალი გამხდარა ჩემი ნათლული!.. აეთან-
დილ, ერთი შენი ქალი სამოსამართლო ბოქაულს უნდა უჩვენოთ. თუ
მოეწონა, შენი მთის მონაწილეობა უნდა ამზითუო. აქვე ჩამოგე-
სახლება.

— ნეტა შენი მოწყალებით ეგ-კი მოხდებოდეს და საწიოკე მთის
მონაწილეობას ძალიან კარგს ვუშოვნი. — სთქვა ეთანდილმა, რო-
მელიც ამ ღროს ჩაის ასხამდა.

მზე უკანასკნელი სხივებით ემშვიდობებოდა კაკლის ხეს და
მთელი სოფლის ხეობაც ოქროსფრად შეეღება.

ამ ღროს საწიოკე სოფლის სერზე ზოგიერთს სახლში რაღაც
საიდუმლო მოძრაობა იყო. ორი თუ სამი ახალგაზდა ვაჟი, შავ-ჩაბა-
ლახში გამოხვეული, ჩამოდიოდა ძირს და იცქირებოდა. ხან ერთ-
მანეთს დაუახლოვდებოდენ. თითქო რაღაც მოლაპარაკება ჰქონე-
ბოდეთ. ხან ისევ გამორდებოდენ ერთმანეთს და თავ-თავიანთ სახლ-

ში შევიდოდნენ. ბოლოს. ცოტა რომ მობინდდა და გაბადრული ჰთვა-
რის შუქმა იმატა. ერთმა მათგანმა ჩამოიბრინა სერი და ჩაეარდა მო-
შორებით ხეობაში: ის მიეშურებოდა მთაში; სხვა ორა მისი ამხანა-
გი-კი აღარსად ჩანდა.

VIII.

— დროა, ბარემ წავიდეთ, სამსონ, — დაცალა თუ არა ჩაი-
სტაქანი, წამოდგა ავთანდილი.

-- მეც მზათ ვარ! — შესძახა სამსონმა.

-- შეილო, გამოიყვანე ცხენები! — დაუძახა ავთანდილმა უფ-
როს ვაჟს.

სამსონი გამოეთხოვა დიასახლისს, გაჰკოცნა ნათლული და
შეჯდა თავის ლურჯაზე. ავთანდილი ჩამორჩა უკან და შეილს დაუ-
ძახა, ხვალ კარგი სადილი დაეხვედრებიათ იმათთვის და მეზობლე-
ბიც მოეპატიებინა. მერე შეჯდა ცხენზე, ხურჯინი და ბადე უკან შე-
მოიკრა და გააჰყენა ცხენი. ავთანდილი ძალიან თადარიგიანი კაცი იყო
მგზავრობაში. საგძალს გარდა, იმას არც სტაქანი, არც მარული და
არც დანა არ დაევიწყებია. ცალ ხურჯინის თვალში რომ პური და-
ხორცეულობა მოექცია, მეორე თვალში ერთი ტიკპორა ღვინო
ჩაედო.

ისინი გაკვრივით მიდიოდნენ დიდხვევის პირათ რიყიან-ქვიან გზაზედ.
ბუნება დამყუდრებული იყო, ოდნავ სიოც არ ჰქროდა, მხოლოდ დიდ-
ხვევის შხუვილს მოეცვა იქაურობა. ჰალა თან-და-თან ვიწროვდებო-
და, შავი მთის ქედები ბუმბერაზივით იყვენ დიდხვევის პირად გამ-
წკრივებული. მთვარე ზევიდან დაქათათებდა ამ დიდებულს ბუნე-
ბას. ცხენების ფეხის ხმა ხვეის შხუილს ისე რიგათ შესწყობოდა, თით-
ქოს კიანურზე დოლს აყოლებნო. სამსონი და ავთანდილი, ხმა-გაკ-
მენდილები. ყურს უგდებდნენ ხვეის შხუილსა. მთები ბოხი ხმით ბანს
აძლევა და თან ცხენთა ფეხების ბაკა-ბუკი სასიამოვნო საკრავების
ხმით მოისმოდა. ბუნების ღრმა სიადუმლოება ამ თავისებურის მუ-
სიკის კვრაში გამოიხატებოდა. ჩვენ ორს მგზავრს ღრმა ფიქრი დას-
წოლოდა თავზე. ვერც ერთი; ვერც მეორე ვერ ბედავდა ამ ღროს
ერთმანეთის ხმის გაცემას, რომ არ დაერღვიათ საშიში ბუნების დუ-
მილი. მთვარის შუქზე კლდის ნამზვლევეები ათასნაირი მოჩვენების
სურათებათ ეხატებოდა თვალწინ ავთანდილს. იმას წარმოუდგა ბა-
ანას აჩრდილი, რომლის სიკედილი ახირებული გულ-ცივობით გა-
ნუცხადა სამიონმა წამოსვლის წინათ. მაშინ ყურადღებაც არ მიუ-
ქცევია და ახლა რაღა დაემართა?! ამ მთებითა და ტყით დაბურულ
ხეობაში რომ მიდიოდა ღამით, უცბათ გაუცოცხლდა დატანჯულა

ბაანას პირხმელი სურათი თვალწინ. ის წყალ-და-წყალ ხტებოდა ქვიდან ქვაზე, ხელში თოფა ეკირა და, დიდება შენტვის ღმერთო, სულ აეთანდილს უმიზნებდა! აეთანდილი ცდილობდა არ მიეხედნა წყლისაკენ და ვერც მოეხერხებინა.

— ეს რა ამბავია, — აკანკალებული ხმით უთხრა მან სამსონს: — რო ამ ხევის წყალში დიდრონი ქვები კაცის სურათებათ გვეჩვენება?

— როგორ, აეთანდილ, ღამით ხომ არ გეშინიან? — ჰკითხა ხუმრობით სამსონმა.

— ჩემს დღეში ეს არ დამმართნია. ისეთი ბურუსიანი ღამეები მახსოვს ამ ჰთანში, რომ თვალთან თითი ვერ მიმიტანია. ბევრჯელ ნადირიც შემფეთებია წინ, მაგრამ ჩემი გული არ შედრეკილა. როგორც-კი შორიდან შევნიშნავდი ორ ბრიალა წერტილს — ღამე ნადირის თვალები ცეცხლივით ანათებს — მაშინვე გავკრავდი ტალკეესა და ისაც გზას მიტევდა. ბევრჯერ თოფიც დამიყოლებია ზედ. ახლა-კი, ამ წუთას, არ ვიცი, რა შემართება! ყოველ ფეხის გადადგმაზე ხევში ქაჯები მეჩვენებიან, ჩემი გული ფოთოლივით თრთის.

— ჰაი, ჩემო აეთანდილ, მოხუცებულხარ. შიში შეგპარვია გულში, თორემ იმ წყალში ლოდების მეტი არა ყრია რა, ხან-და-ხან ტოტებიანი ტეების კუნძებიც გხვდება. განა ვერ შეამჩნიე, რომ მათი ტოტების ჩრდილი ბევრნაირ სურათებათ გვეხატება თვალწინ მთვარის შუქზე?

— ვაიბე, სამსონ, სამსონ, მიშველე — დაიყვირა ამ დროს აეთანდილმა და თავი ძირს დაიღო.

— რა იყო, კაცო?! ფუ შენს ვაეკაცობას. ზარნაშომ როგორ შეგაშინა ეგრე?... ის არ იყო, რომ ამ წუთას თავზე გადაგვიარა?... ეგ ღამის ფრინველია, თრითინებს იჭერს და იმითი ირჩენს თავსა.

— სწორედ ცუდს ფეხზე წამოვედი. ჩვენ ამაღამ კარგი არა მოგვივა-რა! — ბატონო, წამოიკენესა აეთანდილმა. — ცხონებული მაშიჩემისაგან მაქვს გაგონილი, რომ ღამით ზარნაშოს თავზე გადაფრენა უბედურებას მოასწავებსო.

— დაუჯერე შენც სოფლის ქორებს! როგორ ვერ გავწურთნე. ჩემო აეთანდილ, ამდენი ხანი!.. მაგისთანა ამბები სულ სოფლის შკითხავების მოგონილია, რომ ხალხი შეაშინონ და ფული გამოსტყუონ.

სამსონი რაკი დარწმუნდა, რომ აეთანდილი შეშინდა. მოჰყვა სხვა-და-სხვა ამბებს მის გასართობათ: ხან ბაიათებს იმღეროდა, ხან რამდენიმე მოტივიც ივალობა ტფილისის თეატრში გაგონილი ოპერებიდან. იარეს ასე ერთხანს, სანამ ბოლოს ცეცხლი არ დაინახეს. ათვანდილმა, ცოტა არ იყოს, გული გაიმავრა და წამოიძახა:

— ძლივს არ მივიდით!.. — უკივლა კიდეც შიუკას. იმანაც ხმა მოაწვდინა და ამ გარემოებამ ავთანდილი კიდეც უფრო გაამხნევა.

— მე კიდეც მომშივდა, — სთქვა სამსონმა.

— ისეთი მსუქანი დედლები წამოვიღე, რომ უკეთესი არ იქნება. მასთან ერთი ტიკპორა საფერის ღვინოცა. ცოტა სიგრილემაც დაჰკრა. ვახშამი ძალიან გვიამება, — მიუღალერსა ავთანდილმა სამსონს.

— ჰატ, შე ლაჩარო, ახლა გამხიარულდი! წელან, აკი, ქაჯები გელანდებოდენ!

ამ ლაპარაკში მივიდენ კიდეც კაკალ ქვეშ, სადაც შიუკას პაწია კარავი გაეკეთებინა ნედლი ხის ტოტებისაგან და წინ ჩინებული ცეცხლი დაენტო.

— შიუკა, ცხენი ჩამოართვი სამსონს! — შესძახა ავთანდილმა.

ისინი ჩამოხტენ ცხენიდან და დასხდენ ცეცხლის პირას კარგად რომ დაისვენეს, მერე ავთანდილმა მიითრია სავსე ხურჯინი, ამოალაგა რგვლად მოხარშული ორი დედალი, რომელშიაც მარილი გამოეხვია. შიუკამ ცხენები საბალახოთ გარეკა იქვე, მოტეხა ნოშიონი ტოტები, სუფრად დააფინა ბალახზე და ზედ საკმელი დაალაგა ავთანდილმა მოხსნა თითო ტიკპორსა და ჩამოასხა წითელი საფერის ღვინო სტაქანში.

— ასე გემრიელათ ჯერ ვახშამი არ მიქამია! — წამოიძახა სამსონმა.

— ამისთანა ღვინო საწიოკეში ჩემს მეტს არავისა აქვს. ძალიან კარგი ღვინო დამიდგა. წელსა, ბატონო სამსონ.

— მართლაც რომ კარგი შუშხუნა ღვინოა! — წამოიძახა სამსონმა და გადაუსვა სავსე სტაქანი.

სამნივე მადიანათ შეექცენ ვახშამს. გაახშირეს სადღეგრძელოები და ღვინით სავსე ჭიქა გადადიოდა ერთი ხელიდან მეორე ხელში. მგზავრებს ღვინო კარგათ გაუჯდათ ტანში. შებურდენ და კიდეც შეზარხოზდენ.

IX

— აწ კი დროა კალმახების ქერას შევეუდგეთ, — სთქვა ავთანდილმა.

— შენ იცი, ავთანდილ, როგორ სეირს მაჩვენებ.

— შიუკა! — დაუძახა ავთანდილმა: — ყინულილები ხომ კარგები დაამზადე.

— რვა ყინულილი ისეთი მაქვს, შენ ნუ მოუკვდები ჩემ თავს, რომ თითო სამ-სამი ადლია და დღესავით გაანათებს მთელს მორევს.

— მთვარეც ჩავიდა. დილის რიჟრაჟი შორს აღარ უნდა იყვეს. ცეცხლი მიანელე, შიუკა, და ეინელილი აანთე. მე ხვირჯინში ჩავდებ ქურქელს, ფეხს გავიძრობ. შენ ბადეს ჩემსავით ვერ ისვრი. ჯერ მე დამაცალე. შენ მხოლოდ ეინელილი მომინათე ხოლმე. რაკი მთვარე ჩავიდა და ცეცხლიც ჩაქრა, ეინელილი უფრო გაანათებს მორევეს, კალმახიც სინათლეზე დაიწყებს დენას. ღმერთმა ნუ ქნას, თითო ბადის სროლაზე ხუთი-ექვსი ცოცხალი კალმახი თუ არ ამოვიყვანე.

— ჰაი. ჰაი, შენი ღმერთის ქირიმე, აეთანდილ! მეც უნდა გიყურო. როცა ბადეში კალმახის ფართხალსა ვნახავ, მიამება!

— თქვენ, ბატონო, აი, აგერ კიდევ დაბრძანდით. მე კალმახებს გადმოგისვრით და არ გაუშვათ, საშინელი ეშმაკია ახალი დაქერილი კალმახი, ერთ საევენზე ახტება და ისეც წყალში ჩაეარდება, თუ მარჯვეთ არ იყავით.

ცოტა ხან იქით შიუკას გძელი ანთებული ეინელილი ექირა და ზედ შუაგულ მორევეზე ჰქონდა გაჩერებული.

— ბატონო. ბატონო. გამოდის კალმახი. უჰ, ერთი როგორი დიდი კალმახი დაიზლანება! — წამოიძახა შიუკამ, რომელიც ეინელილით წყალში იქეირებოდა.

აეთანდილმა გაშალა ბადე. დაიწერა პირჯვარი და ნელა, თითქოს ეპარებაო, ისე შევიდა წყალში სამსონ წყლის ნაპირზე იჯდა, წყალში ჩასცქეროდა, უნდა მცურავი კალმახი დაენახა. აეთანდილმა ისროლა ბადე და მთელს მორევეს გადაათვარა. ბადე ზღართანით ჩაეშვა წყალში. ცოტა ხანს შემდეგ მეთევზემ მოშუპა ბადე და ორი კალმახი, თითო მტკაველ ნახევარი სიგძე. ამოისროლა იქითკენ, საითაც სამსონი იჯდა. ცოცხალი. კალმახები ხტოდენ მინდორზე. სამსამსონმა სიხარულისაგან ქელოპინი დაიწყო, უნდოდა დაქერა, თავი ველარ შეიმავრა და ყირამალა წაკოტრიალდა მინდორზე.

— ოჰ, შენი ღმერთის ქირიმე!.. თუმცა დავეცი. მაგრამ ბინც დაგიპირე. მიანც, ჰი!..

ჯერ კიდევ ბნელოდა. მაგრამ აღმოსავლეთისაკენ ცა უკვე წითლად შეიღებდა. ჩაბნელებული ტყე გადანარინჯდა, გადახალისდა, დილის რიჟრაჟი მოტანებული იყო.

ამ დროს უეცრად მოხვდა შიუკას ხელზე მსხვილი ქვა და ეინელილი ხელიდან გაეარდა, ჩაეარდა წყალში და დაიწყო შუშხუნნი.

— ვაიმე, ბატონო, წყლის ქაჯები დაგვეცენ, თავს ვუშველოთ! — გააბა გლენმა ყვირილი და თავდაღმა მოკურცხლა.

სამსონმა და აეთანდილმა მიხედვაც ვერ მოახერხეს: ერთი ქვა ზეკის ფრთაზე დაეცა აეთანდილს და წყალში თავი წაარგვეინა,

შეორე ქვა მოხვდა სამსონს მსხვილ კისერში და დათვივით დააწყებინა ღრიალი. ამის შემდეგ რა იყო და რა არა, ველარც ერთმა გაიგო, ველარც შეორემ. შავათ შეფუთნილნი არსებანი დაესხენ თავზე ორსავე. ავთანდილი ნაპირზე გამოიტანეს და მოურთეს კეტები. მათს ზურგს, ბეჭებს, მუცელს და კისერს დალაბანდივით გაჰქონდა ბრაგა-ბრუგი. სცემდენ ორსავე უწყალოთ და კრინტიც არ ისმოდა. მათგან. ბოლოს, ცემით რომ მოიღალენ ეს ქაჯები, შიუკას სიტყვით, დაადევს ყური გალახულებს, უნდოდათ შეეტყვოთ, კიდევ სუნთქავდენ თუ არაო. როცა დარწმუნდენ, რომ სამსონ და ავთანდილ თითქმის გრძნობაში აღარ იყვენ, უცბათ მოშორდენ და გაჰქრენ დაბურულს ტყეში.

X

მშენიერი დილა გათენდა. ავთანდილის ოჯახში დიდი სადილის. მზადება იყო. მის ცოლსა და შვილებს მოეპატივნათ მეზობლები, უნდოდათ სამსონისათვის კარგი დრო გაეტარებინათ, გაერთოთ. მოეღბინათ, ემღერნათ და ეთამაშებინათ იმ სოფლის ქალ-ვაჟები. საჯალაბო სახლთან, იქვე ეზოში, დიდი ცეცხლი გიზგიზებდა. ცალი მხრით მსუქანი გოჭი ტრიალებდა შამფურზე, მეორე მხრით რძის ბატკანი. სოფლის სადილობა კარგა ხანი იყო გადასული. სტუმრები დიდი ხანია მოგროვილიყვენ ავთანდილის ეზოში. მის ვაჟებს მწვანით შეფოთილი გძელი ფანჩატური გაეკეთებინათ და შიგ სუფრა გაეშალათ სტუმრებისათვის. ყველანი მომშეული იყვენ და აღმოსავლეთისაკენ იცქირებოდენ, თვალ-გაფაციცებით. ელოდენ: სამსონი და ავთანდილ, აი, აგერ გამოჩნდებიან და, აი, აგერო. სტუმრებს იმედი ჰქონდათ, რომ აუარება ახალ დაჭერილს კალმახებს მოიტანდენ და წინდაწინ იტკბარუნებდენ გულსა მისი გემოვნებით. უეცრად მოისმა ხმა-მალლა ტირილი. ყველანი განცვიფრებაში მოვიდენ, შეჯგუფდენ და ერთად გაექანენ ჰიშკრისაკენ, რადგან ეს გოდების ხმა თანდათან უახლოვდებოდა ავთანდილის სახლსა, ბოლოს დაინახეს, რომ ძვირფასი სტუმრის მაგიერათ, მოდიოდენ ცხენები, რომლებზედაც დაკლული ღორებივით გადაეკიდნათ სამსონ და ავთანდილი. იქითაქეთ-აქეთ ამოდგომოდენ გლეხები, რომ ცხენიდან არ გადმოვარდნილიყვენ. უკან მოსდევდა ტირილით შიუკა და მოიძახოდა: „ქაჯებმა, წყლის ქაჯებმა. დამიბევეს ბატონები! რომ არ გავქცეულვითავე, მეც მომკლავდენ ცემით. ჩემი თვალით ვნახე, რომ ქაჯები იყვენ, ბანჯგვლიანი პირისახე შავი მურივით უჩნდათ, თავზე რქები შეენიშნე... პირველად მე მომარტყეს ქვა და ჟინელილი წყალში ჩა-

შავდებინეს. მაშინვე მოვკურცხლე. ენა პირში აღარ მედვა ისე მივირ-
ბინე შინამდის. ჩემი ძმები გაეშურენ მეზობლებთან. ისინიც თან გა-
ვიყოლიეთ. იქნება მივუსწროთო. ვამბობდით. მაგრამ რომ მივედიო,
თქვენი მტერი იყოს, რაც ჩვენ სანახავი ენახეთ. ორივე ასე დალი-
ლებული დაბეჯილები ეყარენ მინდორზე და კენესოდენ. ჰოვძებნეთ-
ამათი ცხენები, შევღვეით ზედ და წამოვიღეთ“.

ავთანდილის მულღემ ისე შეიცხადა ეს ამბავი, თითქოს ქმრის
ცხედარი მართლაც სახლში სვენებოდეს. დედა-შვილის გაპოტნამ და
შათმა კივილმა ის მოწვეული სტუმრებიც ააშფოთა. სამსონს მსხვი-
ლი კისერი რუმბივით გახდომოდა. მაშინვე აფრინეს კაცი მღვდელ-
თან, რომ ზეთი ეკურთხებინათ. ექიმი და გამომძიებელიც მალე მიი-
ყვანეს. ექიმმა გაშინჯა, თავი გადააქნია. სამსონის მორჩენაზე იქვე
ჯანაცხადა. ჯიგარი აქვს დაბეჯილიო. ავთანდილს კიდევ უფრო ეტყო-
ბოდა გალახულობა. კეტების ცემით ზურგზე, წელზე და მკლავებზე
ხორცი ჰქონდა დამსკდარი და სისხლი სდიოდა.

გამომძიებელი შეუდგა საქმის გამოკვლევას, მაგრამ ვერა ახს-
ნა რა. ბოლოს ავთანდილის ვაებმა ბაანას უფროს შვილს დააბრა-
ლეს ეს საქმე. რადგან იმ ორ ოჯახს მტრობა ჰქონდათ ერთმანეთში.
საწიოკე სოფლებს სრულებით არ სჯეროდათ მისი დანაშაულობა.
ის იყო მეტად მშვიდობიანი, უწყინარი და მხილოდ თავის ოჯახის
ერთგული მუშა; მაგრამ ხალხს ვინ დაუჯერებდა?.. ავთანდილის შეი-
ლებმა შიუკას ძალა დაატანეს და გამომძიებელთან, ათქმევინეს: „ბაა-
ნას ვაჟი ვიცანი იმ გამლახველებშიო“. ამ მიზეზით ბაანას ვაჟს ტომსკ-
ში ამოაყოფინეს თავი. მისმა მოხუცებულმა დედამ მეორე უბედუ-
რება ვეღარ გადიტანა. დარჩენ პატარა და-და-ძმა, ბაანას შვილე-
ბი, უპატრონოთ. მაგიერათ სოფელმა გამოიღო ხელი. მეზობლებმა
და ბაანას გლეხებმა ითავეს ობლების გამოკვება. ყველანი ეწევი-
დენ, რაც შეეძლოთ და ბაანას პაწია ქალ-ვაჟი ისე დაზარდეს, რო-
გორც იმათი ალაღ-მართალი მამის კაცობას შეეფერებოდა.

სამსონ ჯიბიაშვილს დიდხანს აღარ უცოცხლია. მას მოერია
სიყვითლე და ექვსის თვის განმავლობაში მოკვდა. ავთანდილი თუმ-
ცა მორჩა, მაგრამ სისხლის ფურთხება დააწყებინა. ის სახლიდან აღარ
გამოდიოდა...

მთაში დანადირობდენ მხოლოდ მისი ვაეები და ვისაც წაეწე-
ვოდენ; გაუტარცველს არ გაუშვებდენ. .

„თვითონ რომ იყო, იმაზე კიდევ უფრო ავი ლეკვები დაზარ-
და რუხმა მგელმა, სენი წილიმე!“ იძახოდენ დანალელიანებუ-
ლი ოსები.

მ ა მ ი ლ ა ა ნ მ ა თ ი

მ ა მ ი ლ ა ა ს მ ა თ ი

მოთხრობა.

(ვეძღვნი ციციანთელას)

I.

ივანობისთვე იყო. ქიკინობელა ტყემალზე ქიანურს უკრავდა. მიწა გოლვისაგან ღრმად დამსკდარიყო; შიგ გომფეშოები ისხდენ და გრილობდენ; ზოგი მათგანი ულაზათოდ ყიყინობდა, თითქოს ზეცას შესჩივოდა, ცოტა ცუარი გადმოგვიგდევო. ერთს ფერდობზე პატარა სამთვალისანი ოდა, ხის ბოძებზე შესკუპებული, გადმოჰყურებდა. ყაყრით დახურული ფარდულები ძერის ფრთებივით ჩამოეშეა, თითქოს ძირულის ხევეში ეპირებაო ჩაფრენას. წინა ფარდული აივანზე ჰქონდა გადაშლილი და ოთხ ბოძზე იყო დაბჯენილი. ერთ კუთხეში გრძელი ხის სკამი იყო კედელზე მიდგმული და ცალი თავი სასთუნლად ჰქონდა მომორილი. ამის გამო სკამს საეარძელს ეძახდენ. იმაზე იჯდა ერთი შუა ხანზე გადასული ქვრივი, შავებით შემოსილი. ლურჯი ლაინის პერანგი ეცვა და საყელო თეთრი ზონრებით ჰქონდა მარყუყათ შესკენილი. გვერდით მოესეა თმა-გრუზა პირ-რგვალი გოგონა. ამას კალთაში ძველი დაქმუქენილ-დაფლეთილი ბარათები ეწყო. ერთი მათგანი მუხლზე ჰქონდა გადაფენილი. სტრიქონებს თითს აყოლებდა და წკრიალა ხმით გასძახდა: „ჩ...ე...მ...ო ს...ა...ყ...ვ...ა-რ...ე...ლ...ო...“ და სხვა. თუ ხანდახან შეეშლებოდა. ქვრივი მაშინვე გაუსწორებდა. თუმცა შიგ ბარათში არ იხედებოდა. მიის მსხვილი თვალეები ხშირად ლურჯ ცას შეჰყურებდენ: ეტყობოდა, ქვრივი ღრმად იყო ჩაფიქრებული, ხელში ეჭირა თითისტარი და ბამბის ფთილას ართავდა. ხანდახან თავს ახირებულათ გაიქნევდა, თითქოს დახვეულს ფიქრებს იგერებსო. პატარა მოწაფე არ იყო მაინც-და-მაინც სუფთათ ჩაცმული: მუხლებ ჭვეშ. როცა ფეხ-მოკეცილი იჯდა. ტიტველა ფეხის ცერები უჩანდა. კაბის სახელოები შავათ ჰქონდა გალიფული. რადგან მათ ცხვირსახოცის მაგიერათ ხმარობდა. შავი წარბები, გრძელი შავი წამწამები და მელნის ტბა თვალეები მეტად აცოც-

ხლებდნენ მის სანდომიანს სახეს. მისი შერლილი და ცოტათ გაფუთქული ცხვირის ნესტოები ბალის ვაშლის კვიკიკებს მოგაგონებდა. როცა ისინი მწვანე ფოთლებს ქვეშ ლამაზათ გამოიკვირიტებიან. თუმცა მომუხნული სახე იმ ცხრა წლის გოგონასი ბევრს ბუნებითს შნოს ჰკარგაედა, მაგრამ ვინც ნახაედა, ყველა ასე ამბობდა: „როცა მოჩიტდება, მაგის ნახვას არა ემგობინება-რაო.“

მზე დასაველეთისაკენ გადაწეულიყო და სავარძელს ჩერო მიდგომოდა. აივნის მეორე კუთხეს მზე ისევ აქერდა და პაპანაქება-სიცხე ჯერ კიდევ არ დაშვებულიყო. ძირულის ხეობიდან ცოტა სიომ მოპბერა და სავარძელზე მსხდარნი მამიდა-ძმისწული გააგრილა. მაგრამ აივნის მეორე მხარეზე, საცა მზე აქერდა, მაინც მყუდრო იყო. ბუზებიც აქვე მოგროვილიყვენ და თითქოს სიცხისაგან გარეტებულნი ერთმანეთს ებრძოდნენ.

— აწ კარგი. შეილო. გეყოფა კითხვა. შეინახე.— უთხრა ქვრივმა და თითონაც მიდგა სავარძელზე თითისტარი და ბამბის გორგოლაჭი.

პატარა ქალი ელვაზე უმაღ წამოვარდა, დახვია ხელი ბარათების ნაგლეჯებს და შევარდა განის ოთახში.

— ნათელა! — დაუძახა ქვრივმა პატარა ქალს. — უჩემოდ ნურსად წახვალ. ბარათები რომ შეინახო, ისევ აქ მოდი. ორიოდ სიტყვა მაქვს შენთვის გადმოსაცემი...

— აი, მამიდა! აგერ ვარ, რა გინდა? — გამოეჭიმა ცოტა ხანს შემდეგ შნოიანი გოგონა და სიკეკლუცით წელში იხრებოდა.

— შენ გენაცვალოს შენი მამიდა, ჩემო მერცხალო გოგონა! — შემოხვია თავზე ორივე ხელი, მიიზიდა და დაუწყო კოცნა თვალებში. მერე დაისვა მუხლზე და ასე ეუბნებოდა:

— ვაი, თუ აღარც-კი გაგახსენდე. ქმარს რომ წაჰყვები?!

-- არა. მამიდა, მე ქმარი არ მინდა: არც წავეყვები.

— მამიდა გენაცვალა. ქალი რომ გაიზდება. ქმარს უნდა წაჰყვეს, უსათუოდ. ისეა წესი. მეც მყავდა ქმარი. კარგი კაცი იყო. მე. შეილო. მისი ღირსი არ ვიყავი. ღმერთმა არ მომცა. თორემ... დედაშენსაც ჰყავდა ქმარი. ცოლ-ქმრობა ღეთის გაჩენილია. თუ ქმარს არ წაყვა. ქალი ისე რა შეილია?

-- მე ხომ ჯერ ქალი არა ვარ.

— წლეულს. მარბობისთვის. ათი წელი შეგისრულდება. მე-თერთმეტეში ჩადგები. მერე ქალობა დაგეტყობა. თორმეტის წლის არც-კი ვიყავი. მე რომ გამათხოვეს. ტანით თურმე შენ ხელაც არ ეყოფილვარ. მაგრამ რომ გავთხოვდი და ერთს წილს შემდეგ ისევ საყოლში (მამის ოჯახში) დავებრუნდი შინაურებმა ველარც-კი მი-

ცნეს. შოლტივით დედაკაცი შევიქენი. ქმარს რომ წაყუები, შენც გაიზდები, შვილო, გაკეთდები.

— აჰ, არა, მამიდა! — თავი გაიქნია ნათელამ: — ასე მგონია, გძულვარ და გინდა თავიდან მომიშორო; თუ შეგძულდი; ბიძაჩემთან გამგზავნე.

— მის მეტად ღმერთმა არ შეგიძლოს!.. — მოხვია ორივე ხელი ძმისწულს, ჩაიკრა გულში და ხელ-მეორედ დაუწყო კოცნა. — ეგ რა თქვი? მძულხარ-კი არა, შენზე ამომდის მზე. მე შენს მეტი ვინ ძყავს ქვრივ-ონერს? დედა-შენი რომ კვდებოდა, შენი თავი მე ჩამაბარა იმ სულ-განათლებულმა: „შენ იცი და შენმა ქალობამ, თუ ჩემს ნათელას გამიზდიო.“ მას აქეთ შვილად მყავხარ აყვანილი. რაც შენს გამოზდაზე წვალება და მწუხარება გამოვსცადე. დედა როგორ გამოცდის იმდენს! ორი დასკვნილი წელიწადი ამ ხელებით მიტარებხარ, ძირს ფეხი არ დამიდგმევიანებია შენთვის, შეშინოდა არ გამოცივებოდი...

— აბა, რათ მეუბნები გაგათხოვებო. მე წვერებიანი კაცების მეშინია.

— რათა, შვილო, კაცის რათ გეშინია?.. ბიძაშენი კაცი არ არის წვერებიანი? სხვა გარეშე კაცებიც მისთანები არიან... არ გახსოვს. ნამაშენი რომ ვაშლებს და კანფეტებს მოგიტანდა. კალთაში ჩაგისვამდა, გკოცნიდა, გეაღერებოდა?.. ქმარი კიდევ უფრო ბევრს საჩუქარს მოგიტანს: ოქროს ძეწვეს, ფარჩის კაბას, აპრიალეხულს პოლსაპოეებს და ვინ იცის რამდენს რას არ მოგიტანს.

— არა, მამიდა, არაფერს არ გამოვართმევ. არც მივეკარებო. ბიძა ყოველთვის მარიგებდა, კაცს არ მიეკაროვო, თვარა მაშინვე მოგიტაცებო... ტყუილათ რომ გვერდით გაუარო და მისი ჩოხის კალთა მოგედვასო, მაშინვე დაორსულდები და გაუბედურდებიო. მას აქეთ შემძულდენ მე კაკები.

— იმას დაუღმდეს ის ბოროტი ენა!.. მოვიდეს აქ, მე გავსცემ საკადრისს პასუხს. ის ავ-სული! როგორ გაბედა შენთან მაგისთანების ლაპარაკი!

— არა, მამიდა, ნუ გაუწყრები. მე ბიძა ძალიან მიყვარს. ხომ არ გაუწყრები, ჩემო მამიდა? — ნათელა უცებ ახტა. მოეხვია ქვრივის კისერზე და დაუწყო კოცნა.

— კარგი, შვილო, არ გაუწყრები, მაგრამ როგორ გაბედა იმ საძაგელმა შენი დაშინება. ვანა, შვილო, მე შენი სიკეთე არ მინდა? ქმარი რომ ცუდი იყოს. როგორ გირჩევ? მაგრამ შენ ახლა მოხუცი ხარ. ერთსა და ორ წელს იქით გასათხოვარი შეიქნები. ახლავე ძინდა. შვილო, შეგაჩვიო ამ აზრს, კარგი საქმრო გამოგიჩიო. მე შენთვის

სულ პირტიტველა ბიჭი მყავს გამორჩეული. აბა, ბიძა-შენი რომ ფიქრობს, ის კი არ მინდა შენთვის: შავტუხა ყაძახი (გლეხი). შავი წვერულვაშიანი, უთვალტანადო, უსახო. იმისთანას არც მე გირჩევ.

— მაშიდა, წავალ ლეტისთან კოწიასთან სათამაშოთ. — მოუთმენლად ჩაჰკითხა ნათელამ, რომელსაც მობეზრდა ცოლ-ქმრობის ფილოსოფია. — კოწიას ერთი ყელ-მომტერეული დოქი უშოვნია, ქვევრად უნდა ჩაფლას მიწაში, წყლით გაავსოს. თავი გადუგლისოს, ვითომ ქვევრია და შიგ ლეინო. მე მინდა იქ დავესწრო.

— წადი. მაგრამ არა იწყინო-რა.

ნათელამ მოკურცხლა მეზობლებისაკენ ფეხშიშველა თავმოზღილმა: თავსაფარი ყელზე ჩამოვარდნოდა და მიაფარფაშებდა.

ქვრივმა გაუშტერა იქითკენ თვალები, საითკენაც ნათელა გაფრენილიყო: ხელში შერჩენოდა მხოლოდ თითისტარი და ბამბა ფთის ნარჩენი. ცოტა ხანს იქით ქვრივმა ამოიხენეშა და ასე დაიწყო: ..ვინ იცის. იქნება არც-კი მოხდეს! ბევრი მტერი მყავს. პირველი ჩემი მტერი ჩემი ძმა როსაფია. იმას უნდა ნათელას წყალობით ისარგებლოს. რა ენაღვლება, ამდენი მიწა-წყალი ხელში ჩაიმუქნა: ობლის ლუკმა გემრიელია. ვინ არის პასუხის მომკითხავი?.. აპეკუნობა ქრთამით დაიმტკიცა. იმ დღესაც ობლის მამულიდგან ერთი ახო გაუყიღია ოც თუმნათ. სანამდის ჩემი ნათელა წამომეზღებოდეს. იმის ადგილმამულს გაანახევრებს... არა, უნდა დავაჩქარო ნათელას გათხოვება, მერე-კი მე ვიცი, თუ ქალი ვარ, პირში ლუკმას გამოვაცლი. იმ დღესაც ქართლიდგან მომივიდა ნათელას მავალი. შეუტყვიათ, მამულიანი ქალი არისო, მოტაცება განუზრახავთ, თუ აპეკუნი არ დათანხმდაო. აბა, რას დათანხმდება? ათას ორასი თუმნის მამული ხელში უჭირავს. იქნება იმას სულაც არ უნდოდეს ნათელას გათხოვება. იმ დღეს მითხრეს. ცოლის ძმისწულისათვის უნდაო. თურმე, როსაფსა და იმის ცოლის ძმას მოლაპარაკება ჰქონიათ. ორმოც თუმანს დაჰპირებია როსაფსა, ოლონდ ჩემს შვილს მიეცი ნათელაო. მანამდის არ ადგა ჩემის ძმის გვერდები. მე იმას ეს იმედი არ აუუსრულო. თანდილანთ იოთამს შემოუთვლია. თუ ჩემს შვილს ჩიჭიკოს შერთავ შენს ძმისწულს ნათელასაო. სამოც თუმანს გასამრიგოს მოგართმევო. ოთხმოც თუმანსაც ადგილათ მომცემს. ხვალ უნდა შევეუთვლო პასუხი. საკუთარს ნაყმევს გავეზავნი და წიგნსაც ასე მიეწერ: ოცი თუმანი ხელათ გამოგზავნოს და სამოცის. თუმნის ვეჭსილიცა ერთის წლის ვადით. მაგრამ ესეც არის. თუ არ მოვატაცებინე, ნებაყოფლობით არაფერს დამანებებს ნათელას. ჩემს ავსულს ძმას გზირები ჰყავს ყოველგან დაყენებული. მაგრამ თუ მოვინდომე, ჩემს მტერს, ნურა

გაუგია რა, მაგათ ჩემი ასავალ-დასავალი ვერ გაიგონ. თვალსა და თვალს შუა ბეწვს გამოვაცლი... თხუთმეტი ცხენოსანი-კი იქ უბ-და გამოგზავნონ, საცა მე დაუენიშნავ. დანარჩენი მე ვიცი." გაათავა თუ არა ეს ფიქრები, ასმათმა დააბზრიალა თითისტარი და ჩამოუწია ძაფით ბამბის ფთილა, მერე ხელით ჩამოსწორება დაუწყო.

II

ასმათი იყო ერთი მკვრივით ჩასხმული დედაკაცი, ორმოცის წლისა. მისი მსხვილი ბრიალა თვალებისა ყველას ერიდებოდა, მეტადრე როდესაც რამე ან ეწყინებოდა, ან ეოცებოდა. ის მაშინ წარბებს აიგრებდა და თვალებს გადმოკარკლავდა. ამ დროს მისი თვალები მოაგონებდა კაცს ზღაპრულს აღმასის გველის თვალებს, რომელიც ყოველსავე ახმობდა და აშეშებდა, რასაც-კი შეხედავდა. მეზობლის დერეფნის წინ ქვა იყო ჩამოკიდებული, რომ ასმათის თვალების ანდამანტი პირველად ამ ქვას დასტეხოდა. თუ ვისმე ბატის ქუკები დაეხოცებოდა, ან ახალ-გამოტეხილი წიწილები ავით გაუხდებოდენ. ან ძროხას თვალი ეცემოდა, ან ხბო დაიხუთებოდა, პატრონი მაშინვე ასმათის ეზოსკენ გამოიბოდა, სამჯერ გადააფურთხებდა და ასე იტყოდა: „შენი თვალი ქვასო, შენი არჩივი ძაღლსო“. მაგრამ არც სულ ისე ავი იყო ასმათი, როგორც უგონებდენ. უნდა გეყურებინათ ასმათის ალერსი, როცა თავის ძმისწული ნათელა კალთაში უჯდა. ამ დროს იმისი ქცევა ვეფხის სიყვარულს მოაგონებდა კაცს, როცა ზურგზე კნუტები უსხედან. ასმათმა სიყვარულიც გადამეტი იცოდა. სამძულვარეცა. თუ ვისმე ჩაასობდა კბილს, მის ნიადაგზე ნერგიც აღარ გაიხარებდა; მაგიერთ იმისი მეგობრობა, თუ-კი ვისმე გაიმეგობრებდა, სწორეთ ღეთის მოწყალება იყო. აი ამის გამო იმ სოფელში, საცა ასმათი ცხოვრებდა, პარტიობა განუწყვეტელი იყო. ერთი მხარე რომ ასმათს აძაგებდა, მეორე მხარე ყოველთვის ქომავათ ჰყავდა.

ასმათი და მისი ძმა როსაფი დიდის ხნიდან იყვენ ერთმანეთზე გადამტერებული: და ემდუროდა ძმას იმის გამო, ვითომც ზოგიერთი დედის ნაქონი ნივთები მამის სიკვდილის შემდეგ როსაფს გადაემალოს და ანდერძიც დაეხიოს. ვითომც ანდერძში წერებულ იყოს, ერთი საპარტახე ადგილი ასმათისათვის დამიტოვებიაო.

იმ სოფელში, საცა ასმათი ცხოვრებდა, ერთი შეუძლო აზნაურიც ესახლა, კარგი თვალტანადი, მომლხენი და მომღერალი. მას ერქვა ფთარა. ყოველფრად კარგი ვაჟკაცი იყო, მხოლოდ ერთი ნაკლულევიანება სჭირდა — მუშაობა არ უყვარდა. მამა-პაპეული ქოხისთვის

ერთი ტკოჩი ფიცარიც არ მიემატებინა. მის სახლის სახურავზე ხავსი მოითიბებოდა. მას ჰყავდა ერთი ძმის ზიარი დროებით ვალდებული გლეხი და ათი ურმის ყანა და მამის დანატოვარი ერთი კუდა ხმალი, რომელსაც ფრანგის რკინას ეძახდა. ასი თუმანი რომ შეგეძლია, ხმლის ფასად კიდევ ცოტა იყო. წლის სარჩო ქრისტეშობისთვის დამლევამდის თუ გაჰყვებოდა. მერე კარ-და-კარ დაიარებოდა: დღეს ერთთან მივიდოდა, ხვალ — მეორესთან. ხშირად მოხდებოდა, რომ ერთის რომლისამე აზნაურის ოჯახს ამოიჩემებდა და დაუწყებდა სტუმრობას: მასაც ალხენდა, თვითონაც ლხინობდა. არც სულ მართლა ხელ-ცარიელი შედიოდა მეგობრის ოჯახში: არ ვიცი, საიდან შოულობდა, მაგრამ საკლავ-შექამადი ბევრი შეჰქონდა მის ოჯახში. თუმცა ოთარი განიერი მხარ-ბეჭის პატრონი იყო, მაგრამ. თუ დასკირდებოდა, გველის ხერელშიაც სრიალს გაადენდა. მეზობლები ხშირად ჩიოდენ საქათმისა და სათხებოს კარის გატეხას... დღეს ერთს მეზობელს დააკლდებოდა მსუქანი დედლები, ხვალ მეორე მეზობელს საშობოთ გასუქებული ინდოურები, ზეგ მესამე მეზობელი გააბამდა: „ვიხარამამცი“) წუხელი სანათლილებო ქვევრი მომიხადეს და სამი კოკა ღვინო მომპარესო“. ყველას ოთარზე ჰქონდა იჭვი მიტანილი, მაგრამ ვინ რას გაბედავდა: „ხმალი სწყვიტესო, თავი კოტილარესო,“ იცოდა ოთარმა ხუმრობით ხალხში წამოძახება. „ღმერთო, უარესი-საგან დაგვიცევო“, — ფიქრობდენ დანაკლისებულნი. ოთარს ყველა მისებური ცალ-ხელა აზნაურები მომადლიერებული ჰყავდა: მის წვევას აღდგომასავით შეხაროდენ. კარგად იცოდენ, რომ ოთარი ხელცარიელი არ ეწვევოდა მათ უმთვარო ღამეში. იმის ცალწვილი ღვთის ანაბარათ იყო მიგდებული: ვინ იცის, რამდენს გაჰიჩრებას და შიშშილ-წყურვილს ითმენდენ მის კარ-და-კარ სიარულითა. ხშირად მოხდებოდა. რომ ოთარი, ორს.სამს კვირას შინ არ მივიდოდა და როცა შეაღებდა კარს მამა-პაპეულს ქოხში, მაშინაც დღე ნიადაგ გაუსხლეტელი ჩხუბი ჰქონდა ცოლ-შვილთან. ისინი მუდამ შიშველ-ტიტველნი ეყარენ, მაშინ როდესაც ოთარს ყოველთვის კარგი ტანსაცმელი ეცვა და კარგს ცხენზე იჯდა. მაგრამ საკვირველი იყო! მის ცოლს ოთარის შინ მისელა მაინც აღდგომასავით გაამხიარულებდა. ის ოთარის წყრომასაც სიამოვნებით ითმენდა, ოღონდ-კი იმას ორი, სამი დღე ცოლ-შვილთან გაეთია. აი, ეს ოთარი დაუმეგობრდა ასმათს და შეიქმნა მისი ყურ-მოჰრილი ყმა და მოსამსახურე.

*) ვიხარ მამაცი! — ვინ ხარ მამაცი!

როგორც მამა დამარხეს, ასმათსა და როსაფს დიდი ალიაქო-თი შეუღდათ.

— მე შენ არ შეგარჩენ დედის ჩემის დანატოვარს გულის-ქინ-ძისთავს და ბეჭედს! ჯერ მამა არ მანებებდა თავის სიცოცხლეში და ასლა შენ გადამიშალე. მომეცი ჩემი, რას მეჭიდები! — ეკაპასებოდა ასმათი თავის ძმას. კვირა ერთი იყო და ასმათის ანჩხლობა დღენიად-გი. მისმა გესლიანმა ენამ რამდენი ცუდი არ აკადრა როსაფის ოჯახს? მის ცოლს, თავის საკუთარს რძალს, როსკიპობას სწამებდა, თვითონ მას — ათასნაირს ქურდობას, ცრუ-მოწმობას. ქრთამს, ხაზინის გა-ტეხას და, ვინ მოთელის. რამდენ სხვა-სიცუდ-კაცეს. როსაფმა ჯერ ბევრი უთმინა. ბოლოს რომ ველარა მოახერხა-რა, ასმათი ვერ და-თოკა. ერთი ამგვარი ჩხუბის დროს, წამოავლო მათრახს ხელი და ერ-თი ორიოდ უჭირა თავის დას. მაშინ აკადრა ასმათმა მოკურცხვლა შინისაკენ, მაგრამ იქვე დაეჭაუნა: „თუ ქალი ვყოფილვარ, ძვირათ დაგიჯენ ჩემს გალახვასო.“ აი, ამას შემდეგ ოთარმა ხშირად დაიწყო სიარული ასმათის ოჯახში. მისთვის იქ მუდამ მზათ იყო კარგი და-დარში ჩასმული პურები, კარგი მწვანის ლენო, კარგი შემწვარი ვა-რია. როცა ოთარი შეეჩინილდებოდა, მერე მოჰყვებოდა როსაფზე მუჭარას: „ასმათო, დარდი ნუ გაქვს, მე ვიყრი იმაზედ. შენს გულის ჯავროს.“ ამასობაში სოფლად გაეარდა ხმა ასმათისა და ოთარის საეჭვო დამოკიდებულებაზე: ვინ იცის, რამდენს რას არ აქორებდენ. ზოგი ამბობდა, სოფლის ვახშობის შემდეგ ოთარი ასმათის სახლში მიიბუზებდა ხოლმე და მამლის ყივილზე შინ ბრუნდებოდა. ამ ქორებმა მიაღწია ასმათის ყურებადის; ოთარის ცოლმაც შეიტყო, თუმცა ეს ამბავი არ სჯეროდა. რადგან ასმათთან კარგს განწყობილებაში იყო. თითოეული ქორი ისე უშვერად იყო შეთხზული, რომ ოთარის ცოლს ძალიან ადვილათ შეეძლო მისი სიცრუე დაემტკიცებინა. თვით ქერი-ვის საღმა მოქმედებამაც ცხადათ დაანახვა ოთარის ცოლს თავისი უბრალოება.

ერთხელ ქერივმა შეიკერა დიდი განიერი პერანგი, რომელშიაც ორი კაცი კარგათ მოთავსდებოდა. დაიბარა მოძღვარი, მოიპატიჟა ოთარის ცოლი და მეზობლები. ოთარიც იქ იყო. ასმათმა უთხრა ოთარს: „მე — დედა და შენ — შვილიო.“ მერე გადიცვა ტანისა-მოსზე დიდი პერანგი, შიგ ოთარი გააძვრინა, შემდეგ გადმოავლო ქუძუ და ზედ კბილი დაადგმევინა. მოძღვარმა აიხშმის წყალი უკურ-თხა. ამას შემდეგ ყველა დარწმუნდა, რომ ოთარი ასმათის ნამდვილი

შვილობილი ყოფილა. ამიერითგან ოთარის ცოლიც ასმათის რძლათ იღებდა თავს. მტრები-კი მაინც აქვის თვალით უყურებდნენ ამ ამბებს.

ეს მეხუთე წელი გადიოდა, რაც ასმათი დაქვრივდა. ქმრისაგან კარგი მამული დარჩა და უშვილოც იყო. ბევრს უადგილ-მამულო აზნაურს რჩებოდა თვალი მის ქონებაზე, მაგრამ მის შერთვას მაინც ვერაინ ჰბედავდა. რადგან ქვრივის სიავე ყოველგან იყო ცნობილი. ქმრის უდროოთ სიკვდილს ყველა ცოლს აბრალებდა. „მოინელა ის საწყალი კაცი, უდროოთ ჩასდო საფლავშიო,“ — ამბობდნენ მეზობლები. თვითონ ასმათი-კი გულახდით სწუხდა მის დაკარგვას. მის ოჯახს უკაცობა უფრო ახლა დაეტყო, როცა ასმათი ნაყმევებმა დაიბრიყვეს და შემოსავალს სრულად არ აძლევდნენ. მას ეჭირვებოდა ერთი ვინმე ფხიანი მოურავი, თუ ნადელების ასაღებათ, თუ ადგილების გასაცემათ, თუ საჩივრების ასატეხათ. ამაებში ოთარი ძალიან მარჯვე იყო: ასმათიც არ რჩებოდა ხელ-ცარიელი. ამიერითგან ოთარის ცოლ-შვილი სულ ასმათის წყალობით რჩებოდა.

ასმათს გული ძალიან სტკიოდა, რომ იმისი ძმა როსაფი საპარტახე ახოს აღარ ანებებდა. ეს მესამე წელი იყო, რომ ის ახო გლეხებს სანახევროთ აეღოთ როსაფისაგან. მისი და-კი გულზე სკდებოდა, ჩემ საწილო ადგილს ჩემი ძმა როგორ სარგებლობსო...

მარტის დამდეგი იყო, საღამოს ოთარი მოვიდა ასმათისას.

— ჰო, ისე შენ გაგახაროს დედა-შვილობის გამჩენმა ღმერთმა, როგორც მე შენი მოსვლა გამეხარდა, — შესძახა ასმათმა მხიარულათ.

— რაო. დედა, რა ამბავია?

— ჯავრისაგან აღარ ვარ. თუ წრეულსაც ი მაშიჩემის დანატრვარი საპარტახო როსაფის გლეხებმა დამიხნეს, სევდას ვერ გადავუტრჩები.

— ნუ დაახვნებიანებ და ის იქნება.

— რითი, ჩემო შვილო?.. ქვრივ-ოხერს რა შემიძლია, როგორ უნდა ვეწინააღმდეგო?..

— თუ აგრეა, მე გადმომეცი. მე ვიშოვნი კაცებს. ბარე ათი სახელმწიფო გლეხი მეხვეწება, სამუშაო ადგილები აგვალეხინეო.

— მიშველე, ჩემო ოთარ, დედა-შვილობის გამჩენმა ღმერთმა მოგიწყოს ხელი.

— ბატონი ბრძანდები. ამიერიდან ყვაესაც აღარ გადავაფრენ ზედ.

— დღეს სამი მარტია. თუ ამისთანა დარებმა წაიარა, შუა მარტამდის ყანები უნდა დაიხნას. რაღას უყურებ?.. ბარემც გაურიგდო იმ გლეხებს, როსაფის ნაყმევებმა რომ აღარ მოგასწრონ.

— მაშ დამიწერე ბარათი, რომ ის პარტახი ჩემზე გაქვს სასარგებლოთ გადმოცემული. მერე მე ვიცი. თუ კაცია და ვინმე მოჰბედავს იქა.

— ახლავე, ჩემო შვილო, — უპასუხა ასმათმა და წავიდა საწერ-კალამზე.

IV.

აღდგომის მიწურული იყო. ოთარი ემზადებოდა თანდღილანთსა სტუმრობას. იმას ერთი ახირებული ჩეულებმა სჭირდა. როგორც გაზაფხულის სული მოაწევდა, ისიც ნაეარდს ჰკრავდა თავის სოფლიდან!... გორიდან ფოთამდის მისი სანაეარდეთი იყო. განსაკუთრებით უყვარდა ზესტაფონში და ქუთაისში ყოფნა. ნაგაზი რომ საყვას-ბოზე მიეჩვენე, ისე იყო ოთარი სამიკიტნოებში გაწუწუკებული. ერთხელ რომ ვისმე სალამი მიეცა, მეორეთ გულის ბიძაშვილათ გაუხდებოდა. დღე არ გავიდოდა, რომ ის სამიკიტნოში ვისმე პურის ჰამათ არ შესწრობოდა. ოთარმა იცოდა დრო და კაცი. იმ დროს მიადგებოდა, როცა მასპინძელი ღვინით იყო შეეინყლილებული და სტუმარს ნატრობდა. „ოჰ, ოთარ, ღმერთმა ბევრს კარგს შეგასწოროს, მობძანდი, მობძანდი!“ — უძახოდა გამზიარულებული მასპინძელი. ოთარსაც ეს უნდოდა. მივიდოდა, მოუჯდებოდა გვერდით და სტუმრული მორცხობით შეჰყევებოდა, საქმეს. მასპინძელი-კი თან-და-თან იწვევდა ოთარს მზიარულობისათვის. ბოლოს იმდენზე მივიდოდა საქმე, რომ, სანამდის მასპინძლის ჯიბეს სიქა არ გავარდებოდა, სტუმარ-მასპინძელი ერთმანეთს არ გაშორდებოდნენ. როცა ორივე კარგა ლაზათიანათ გამოიბრუებოდნენ, ოთარი ერთ-ორ მანეთს დაესესხებოდა მასპინძელს და მერე სხვა მხრით შეუტევდა. იმერეთიდან ქართლს გადავიდოდა, იქიდან ცხინვალის მხარეზე იცოდა გამგზავრება. იქ ახლო-მახლო ოსების სოფლებში ლუდისა და არაყის გემო ჰქონდა გაღებული. ხატობისა და დღეობის ანგარიშები მამაო ჩვენოსაეით ჰქონდა დაზეპირებული: სად რა დღესასწაული იყო, ან ოსეთში არყის ხდა როდის იცოდნენ, ან ლუდს როდის დააყენებდენ. ოთარი ყოველთვის იმ დროს მიადგებოდა კარზედ მასპინძელს, როცა იმას ყოველი სტუმარი უფლისაგან მოგზავნილი მოციქული ჰგონია. აი, ამიტომაც უყვარდათ ოთარი გარეთ ყოველგან, მაგრამ მაგიერად შინ არ გაიციდიდენ მეზობლები, რადგან ოთარი ოთოთაანთ ქორივით ირჯებოდა: როცა გარეთ ლუკმა შემოაკლდებოდა, შინაურებს დაუტრიალდებოდა.

აღდგომის დღესასწაულები შავში გაითენა ოთარის ცოლ-შვილმა.

— ამის მეტათ არ მახსოვს, ოთარი რომ აღდგომას გარეთ დარჩენილიყოს, — თვალ-ცრემლიანმა ოთარის ცოლმა მიუწუწუნა ასმათსა. მე იმის იმედი უფრო მქონდა, რაკი თქვენს ადგილ-მამულს აიღებდა, მერე შინ მოდებოდა. წელს სულ გადაიროია!

მაგრამ ოთარის მოუსვლელობას მის ცოლზე უფრო ასმათი სწუხდა.

— იმ გაწუწუებულმა პირობა მომცა, სააღდგომოთ უსათუოდ შინ დაებრუნდებოო. — შესჩივლა თავის მხრით ასმათმაც. — სად არის?! ნეტავ ახალ-კვირას მაინც მოსულიყო. მე რომ საპარტახე ადგილი მივეცი ოთარს, არ გახსოვს, როგორ დამარწმუნა, ყვესაც აღარ გადაეფარენ ზედო... გუშინ-წინ როსაფის გლეხებს ისეც დაუხნაეთ და სიმინდი დაუთესიათ შიგ.

ამ დროს უეკრად შემოილო კარები და ოთარი შემოიჯგომა. ქალებს უცბათ გადაავიწყდათ საყვედური. ცოლი გადაეხვია.

— კაცო, ასე უნდა?.. შენმა ლოდინმა მოგვეკლა. ვინ იცის, რამდენი რა წამომიდგა! მე მეგონა, ცოცხალს ველარც-კი გნახავდი.

— ჩემო მომკვლელი კაცი ჯერ არ დაბადებულა, — უპასუხა ოთარმა.

— შე, კარგო კაცო, სააღდგომოდ ჩამოვალაო, რომ დამპირდი, აგრე უნდა?.. ეგ იმედი მქონდა შენი? იტანტალე გარეთ. შენი საპარტახე როსაფის გლეხებმა ისეც დახნეს და კიდევ დათესეს, — უამბო ასმათმა.

— ეგ უკეთესი, — არ გაიკვირვა ოთარმა. — დაე, დახნან, დაოშონ, დათოხნონ: როცა დანა მოიწევა, წავალ, მოვმკი და შინ მოვიტან.

— მე მაგის იმედი არა მაქვს. როსაფი და მისი გლეხები აღარ დაგანებებენ.

— ვნახოთ, ვის ხმალი უფრო გასკრის.

— აგრე იძახი შენ დღეში და მე შენი დაპირილი ვერაეინ ვნახე:

— აბა, დამაცადე და თუ ვერ გაჩვენებ, შეიტყობ.

— მჩხავანა კატა თავეს ვერ დაიჭერს, — დაციწვით უპასუხა ასმათმა.

— გაყურებინებ, — დაიქადა ოთარმა.

ამ დროს შემოცქრიალდენ ოთარის ბავშვები. პერანგის მეტი ტანზე არა ებადათ-რა.

— მამა, მამა! — შესძახეს შვილებმა, შეახტენ კისერზე და დაუწყეს კოცნა.

— როგორ დატიტვლებულხართ? სააღდგომოთ განა არა შეგიკერათ-რა დედამ?..

— რა მოგიტანე, რომ დედას შეეკერა? — უთხრეს მხიარულათ ბავშვებმა.

— აი თუ არ მოგიტანეთ! — გახსნა ხურჯინი და ამოიღო სამშაურიანი ჩითები.

— უი, უი, რა ლამაზი პრიალა ჩითებია! — გაიხარეს ბავშვებმა. — ეს ჩემი საახალუხე იყოს. — ამოირჩია ვაჟმა.

— არა, ეს ჩემი საკაბე იყოს! — დაემუშტრა ქალი.

— აი, დედა, — წამოიძახა ვაჟმა. — მამას რომ ემდური, ჩვენთვის არა მოაქვს—რაო. აბა რა არის ეს?..

— კაი შეილია!... — ღიმილით გააპარა თვალები ცოლმა ოთარისაკენ.

— ძალიან ვეცადე, — იმართლა თავი ოთარმა. — რომ სააღდგომოთ დავბრუნებულიყავი; მაგრამ რათ გინდა!.. რაი ერთხელევი იმ ტუტიების ხელში კაცი ჩაეარდება, თავს როგორ იხსნი?!. დღე და ღამე სულ ლხინში ვიყავი: თარი, კიანური, დუდუკი, სიმღერა!.. ზურნის ჭიჭყინმა ყურები დამიქექა. მერე გიორგობას წამიყვანეს. ძლივს აქ დავალწიე თავი. ეს ჩითები გორში ვიყიდე... მართლა, თანდილაანთ იოთამმა შენთან წიგნი გამომატანა. რაც დამაბარე, მანდ სწერია იმის პასუხი. — გაუწვდინა ბარათი.

— იოთამის პატარა ბიჭი არ გაზდილა? — ეშმაკური გაღიმებით ჰკითხა ასმათმა.

— მარიამ!... — ასე ერქვა ოთარის ცოლსა. — ხომ იცი, ოთარი ნამგზავრია, მშიერი იქნება. ბიჭს დაუძახე. ღვინო ამოაღებინე, იქ თაროში ერთი ღორის კანჭი ძევს და გაფუებული პურები.

მარიამი საჩქაროთ წავიდა თადარიგის მოსახდენათ.

— რაო, რა თქვა იოთამმა? — ჰკითხა ასმათმა.

— ასე შემოგიტვალა, შენ ოღონ ჩემს ჭიქის შენი ძმისწული შერთეო და რასაც დაგპირებივარ, აგისრულებო, ოც თუმანს ნაღდათ მოგართმევთ, როცა ქალს ხელში მოგვცემთო. სამოცის თუმნის ვექსილსაც დაგიწერთ ერთის წლის ვადითო.

— ჯერ კიდევ წელიწად ნახევარი ვადა აქვთ. — ჩაიცინა ასმათმა. სანამდის თორმეტის წლის არ გახდება ჩემი ნათელა. მანამდის მისი ჯვარისწერა არ მოხერხდება.

ამ დროს მარიამი შემოვიდა და სუფრას გაწყობა დაუწყო. იმათ უცბათ გასწყვიტეს ლაპარაკი.

— შე უბედურო, — უთხრა ქმარს მარიამმა. — ამდენი ხანი ოჯახში არ ყოფილხარ, რატომ არ იკითხავ, რა გექონდა, ან რა გეითებოდა? შენს ამარა დადგა ჩემი მტრის ოჯახი!

— დედაკაცის საყვედურის რა მეცოდინება, — შენიშნა მკვახეთ ოთარმა. — ნუ გეშინია ჩემი დედობილი შენ არას გაგიჭირვებდა.

— მის მეტი შენს მტერს ნუ მიეცა, რაც შენს დედობილს ბევრი არა ჰქონდეს-რა. მეც შენი შემჩერე ვარ. რაცღა ორი კვალი ადგილ-მამული მაქვს, ისიც უპატრონოთ მიხდება. წრეულს ნახევარი ნადელიც არ წამომიღია გლეხებისაგან. თუ კირნახულის მოწვევის დროს გლეხს თავზე არ ადგიხარ, მესამელსაც არ გიჩვენებს. განა ტყუილად შოგანდვე ჩემი მამული?.. ყოველფერს ყური უნდა უგდო. ნეტავი დედაჩემს, შენ თუ კარ-და-კარ იარე!.. მე რა?..

— კარგი, დედი, გაათავე ამდენი საყვედური. ეს იყო და ეს. აწ გაისამდის გარეთ აღარ გავიხედავ. სულ ოჯახობაში ვიქნები. აბა, ნახე, თუ ისე არ გამოვტენო ეს სასიმიინდეები, რომ წკნავილი გაჰქონდეს.

— შე, უბედურო, — შენიშნა მარიამმა: — რატომ ხარ მაგისთანა ტრაბახა?

— შენ, დედაკაცო, ენა ნუ წაიგძელე, ჩემი ამბავი ხომ იცი!

— ამბავი, თორემ ყურზე ხახვი არ დამაჭრა, — ღიმილით უთხრა მარიამმა.

— დაგაჭრი-კი არა, მეტსაც გიზამ!

— მასხარა!.. — წაუბუბუბუტა ცოლმა სიყვარულით.

ოთარს მართლაც მოშივებოდა. ის ჩინებულათ შეექცა ღორის კანქს. ერთი მორჩილი ხელადა ღვინოც ზედ დააყოლა. შვილები გვერდით უსხდნენ. ისინიც დააძლო, თვითონაც კარგათ გამოიტივნა. როცა შექვიფიანდა, მერე მოჰყვა თავის გარდასავალს ქართლში...

ლამე შემოიპარა. ბავშვები წამოხტნენ და მამას ეზიდებოდნენ შინსკენ. ერთი ზურგზე შეახტა, მეორე მუხლზე დაუჯდა და წვერებზე ეპოტინებოდა ხელებით. ორივე ერთნაირად ჩასძახოდა: წამოდი, მამა, შინ, წამოდიო.

— დასწყევლა ღმერთმა თქვენი ეშმაკი, როგორ დაგიუდენ! მოიცადეთ, შვილებო, ცოტა ხანს კიდევ, მოიცადეთ.

— წამოდი, მამა, შინ, წამოდი! — მაინც კიდევ დაუყინეს შვილებმა. ერთს სახელოში ჩაველო ხელი, მეორე კისერში ჩაჰფრენოდა.

ოთარი წამოდგა ზეზე გამოემშვიდობა ასმათს და დაუბარა, რომ ბიჭებს იმის ცხენისათვის მოეულოთ. მერე ჩაჰკიდა ხელი შვილებს და წავიდა შინ. მისი ცოლი უკან გაედევნა. იმ წუთს მარიამის ბედნიერებას საზღვარი არა ჰქონდა.

ასმათს მეექვსე წელი გაუხდა ქვრივობაში. ათი წელიწადი მეტი სტკებებოდა ცოლ-ქრმოზის სიყვარულით, მაგრამ შვილი მინც არ გაუჩნდა. მაგიერათ დაებადა თუ არა მის ძმას სამსონს ნათელა, მაშინვე ასმათმა ხელში აიყვანა და როგორც ნაშობს შვილს უვლიდა. სამსონის ცოლი ლოგინობაზე დაავადმყოფდა და ერთ წელიწადზე სული განუტევა. რძლის სიკვდილის შემდეგ ასმათს თავისი სახლი აღარ უძებნია. სულ თავის ძმის სამსონის ოჯახში იყო, შარტო მის ოჯახზე და პაწია ნათელას აღზრდაზე ზრუნავდა. რამდენადაც უფროსი ძმა როსათი სძულდა, იმდენათ უმცროსი ძმა სამსონი ეწყალებოდა და უყვარდა. ხშირად წამოიძახებდა ხოლმე ასმათი გულ-გახეთქილი: „მოინელა იმ წყეულმა ჩემი ძმა სამსონი. რაც კარგი ადგილები და სადგომები იყო, გაყოფის დროს სულ თერთონ ირგო, სამოსახლოც არ გაუზიარა. სადაც ღვიძლ-ნადები ძმა არ გაიტანა იმ არ გადასარჩენმა, მე რას დამეძებს ქვრივ-ოხერს და თავიდან მოცილებულს. ჩემი ძმა სამსონი გულკეთილი კაცია და ანგელოზი, მაგრამ არც მეტი გულ-კეთილობა ვარგა: ყველა დაგიბრიყვებს, ზურგზე შეგჯდება. საწყალი ჩემი სამსონი სუსტი ხასიათის არის, არავისი წყენა არ უყვარს. იმიტომაც დაიბრიყვა იმ მხეცმა, არა წმინდამ. ნაფუზარზე რომ შეედავა, მე ის ვყოფილიყავი, თავს გაუუხეთქდი. ასე, ტყუილ-უბრალოთ უნდოდა წაგლეჯა. მაგრამ ვერ მივართვი. სიციცხლე გაქვს, ჩემს სამსონს ჯგროთ ეუშოვე მოწმეები და დავადგენიე მოსამართლეს სამსონის სასარგებლოთ განჩინება. როცა სასამართლოდან გამოვიდა როსათი, მიწის ფერი ეღვა. იქვე დამემუქრა, თუ კაცი ვარ, იმ შენს ჩამოქვართლულს ქოხს თავზე დაგანგრევო. მეც კარგი ბრაწები დავაყოლე“.

ცოლის სიკვდილის შემდეგ სამსონს ბევრი აღარ უცოცხლიო. მას დარჩა ნათელა სამის წლისა. შეიქნა ყმაწვილი ლიტონი ობოლი. ბევრი ეცადა ასმათი, რომ ნათელას მამულის აპეკუნობა როსათს არ ჩავარდნოდა ხელში. ამის გულისთვის ქვრივმა სამჯერ მოიარა ქუთაისი, ზესტაფონი და საჩხერე. ნათელას თავის ძიძიანა თან დაატარებდა. ყოველგან თითო არძა მიართვა მთავრობას თავის ძმის როსათის უსვინდისობაზე. იმას სწამებდა ობლის მამულის აფორიაქებას, ცხენის ქურდობას, ავაზაკებთან ამხანაგობას და ვინ იცის, რამდენ რასა? ითხოვდა, რომ ის არამც და არამც აპეკუნათ არ დაენიშნათ ობლის მამულზე. მაგრამ ყოველმა მისმა წადილმა ამათ ჩაუარა. როსათს ძველითგანვე იცნობდენ და თითო-ოროლა მეგობარი მას ყოველ სასამართლოში ჰყავდა. იგი მინც დანიშნეს ობლის მამულზე

აპეკუნათ. აპეკუნათ ღომ დაამტკიცეს, შემდეგ პირველი მისი განზრახვა იყო, ნათელა წაერთმია მამილისათვის. მაგრამ ვერას ღონისძიებით ვერ მოახერხა. ქვრივი ისეთი გააფთრებული შეიქნა ნათელაზე, როგორც ძუ ღომი თავის ლეკვებზე. ნათელაც ხომ მომეტებული ჩაკრული იყო მამიდას გულში. სიკვდილის მეტი ვერა მოჰგლეჯდა—რა მას იმის მკერდზე. ძმის სიკვდილის შემდეგ ასმათი გადმოვიდა ისევ ოჯახში, ნათელა ძიძიანა თან გადმოიყვანა და შეუდგა თავის მივიწყებულის ოჯახის გამოსწორებას. დაძველებულს ორ-თვალიანს ოდას ერთი ოთახი კიდევ მიაღდა, ძიძა და ყმაწვილი იქ დააყენა და თვითონაც იქ გაიკეთა საწოლი. ღამით სამს ნაყმევს არ იცილებდა თოფ-იარაღითა. ისინი იქვე ღერეფანში წვებოდენ საყარაულოთ. როსაფი ძალიან სწუნდა ამ გარემოებას, მაგრამ თავი ვერსაიდგან შემოეველო.

ის იმ კუთხეში ყველაზე შეძლებული მებატონე იყო. ჯერ მამულითაც მეტობდა ყველას და ახლა რაკი თავის ძმის მამულის აპეკუნი გახდა, მიწა-წყალი გააორკეცა. ვერც იმას ვიტყვი, რომ ცოტა თვალ-ხარბიც არ ყოფილიყოს. ყოველ ღონისძიებას ხმარობდა, რომ თავისი ადგილები, ზოგი ჩამოქრილები, ზოგი პარტახები, ზოგი ნაფუზრები და ვერანი მინდვრები, შეუშუშავებლათ არ დარჩენოდა. საზოგადოთ იმ სოფელში გლეხობას ძალიან აკლდა მიწა-წყალი. თუ-კი სადმე სამოდოთ *) გასაცემ ადგილებს იშოენიდენ, ერთმანეთს ეჩხუბებოდენ. ამის გამო როსაფი სხვა მებატონეების გლეხებსაც თავისკენ იბირებდა, რადგან მათზე უფრო აიფად ურიგდებოდა. სოფელში წესი იყო, ერთი მებატონის გლეხი მეორეს არ მისვლოდა არც ადგილის საქირაოდ, არც ტყის საჭრელად, მაგრამ როსაფი ამ წესს არას დასდევდა.

კვირა დღეობით მებატონეები საყდარზე შეიკრიბებოდენ და ნაწირევს სულ როსაფის საყვედურში იყვენ: გლეხებს გვიბრიყვებსო, თავის ტყე-ველში იაფად ურიგდება და ჩვენ აღარ გვემსახურებიანო. როსაფმა იცოდა ეს ამბავი და რომ თავი მოერიდებინა, წელიწადში ორჯერ არ მოისმენდა წირვას თავის საყდარზე. ასმათი სარგებლობდა ამ საზოგადო უკმაყოფილებით და ადგენდა პარტიას ძმის წინააღმდეგ.

ერთ საღამოს ასმათს ჰყავდა ოთარი და მისი ამფსონები მოპატივებული. ახალგაზდა აზნაურები დიდხანს შეექცენ ღვინის სმას. მშრალად მოხარული ცხვარი, შემწვარი ქათმები, ჩადებული ინდაური და მწვანის ღვინო თავსა სდიოდათ. მასპინძლობა რათ გინდოდათ უკეთესი! ყმაწვილებმა კარგათ მოილხინეს. როცა შეღვინიანდენ,

*) მოდი — შემოსავალი, იჯარა.

ოთარმა დაღია ასმათის სადღეგრძელო. 'იმან მოიხადა ქული, ტახტზე დაახალა და წამოიძახა: ასე თავი დაემხოს შენს მტერს, დედილო!.. ეს სადღეგრძელო ყმაწვილებმაც სიამოვნებით დალიეს.

— გინდა იმ შენს ძმას. როსაფს, თავზე გადაეფუტკრო. ის დიდი ოდა რომ გადმოუჭიმავეს? — ჰკითხა თავ-მომწონებით ოთარმა.

— დაწვით ნუ დაწვავ და, თუ იმ ანდერძს ჩამიგდებ ხელში. იმან რომ გადამიძალა. ძალიან დაგიმადლებ. ხომ იცი. მე რომ ნაფუზვარი გადმოგეცი ბარათით, აი, ის მამამ მე დამიტოვა იმ ანდერძით საკუთრად. ამის გარდა თუ დედის ჩემის ნაქონს გულის-ქინძისთავს და იაგუნდს ბეჭედს რამენაირათ ხელში ჩამიგდებ, მაშინ იქნები შენ ნამდვილი ჩემი შევილობილი.

— ეს ოთარი მოგიკვდეს. თუ ეგ თხოვნა ვერ აგისრულოს! შენ მხოლოდ მითხარი, სადა აქვს ჩამალული?

— ის ნივთები და ანდერძი ერთ მოზდილ გალაქულ ყუთშია ჩაკეტილი. ეს ყუთი ჩემ რძალს მუდამ თავით უდგია. როცა დაწვება, მისი მუთაქაც ის არის და ყურბალიშიცა. ყუთზე ბალიში აქვს მიღებული. ეს კიდევ რა! იმ ყუთში როსაფს ბარე ასი თუმნის ქალაღდის ფული უწყვია.

ფულს რომ ყური მოჰკრეს, ოთარის ამფსონები გამხნევენ.

— ოთარ, მარჯვეთ იყავი. ჩვენც შენთან ვართ. მოვკვდეთ, ერთად მოვკვდეთ; დავრჩეთ, ერთად დავრჩეთ. — გაამხნევეს ოთარი ყმაწვილებმა.

— ის ასი თუმანი კარგა ხანს გვაქეიფებს! — თქვა ერთმა.

— სიცოცხლე გაქვს, მე ქუთაისის გემო ვნახო! — დაუმატა მეორემ.

— ჰო, ჰო, ჰო!... რომ იცოდე, როგორ გავიკინკლები, რა რიგათ მოვაქედინებ ჩემს იარაღს!.. რა იორლა ცხენს ვიყიდი!.. მერე ამ ჩემს ოხერ სოფელში თვალითაც ვერ დამინახავს კაცი. გადვიკარგები: ბათუმში წავალ და იქ სხვა საქმეს მოვძებნი, — დააწყო პლანები მესამემ.

— დარდი ნუ გაქვთ, ყმაწვილებო! ყველას გეყოფა ის ფულები. — დააიშედა ოთარმა.

VI.

შემოდგომა განახევრებული იყო. ღრუბლები ცაში აირია. ღვატ დაიწყო. ზურუქეთის სოფელი ერთი მაღალი სერიდან გადმოჰყურებდა. ხის ბოძებზე შემდგარს პატარ-პატარა ოდებს სილის სოკოებივით ამოეყოთ თავი წიფლარში. სერს ქვემო ფერდი წრიაპად

დაეშეებოდა. ალაგ-ალაგ თვალ-ჩაუწყდენელი ნაპრალები ჩაუყვიროდა. ძირს, წყლის ნახეთქებში, ჰქოთავდა მდინარე ძირულა. გაღმა-გამოღობით მთის კალთები წითელი ბილიკებით იყო დასერილი. უჩვევი კაცი ვერც კი გაბედავდა ამ ბილიკებზე სიარულს, მაგრამ ზურუყეთის მცხოვრებნი და სოფლის ბიჭები ეშმაკებივით დახტოდნენ ზედ, თითქო ქვა-ფენილი ყოფილიყოს. უზარმაზარს წიფლის ხეებს მწვანით შეეფინათ მთის კალთები. ქვევით, ღრატოებში, კლდის ნამზღვლევეები მდინარეს წინ უხვდებოდნენ, გზას უღობავდნენ. ისიც ამის გამოჯავრებული ღრიალებდა, ჰკბენდა კლდის ნამზღვლევეებს და ზედ ქაფს აყრიდა. ცა ლენტად ჰქონდა ხეობას გადაკრული და იმ ძირულის პორად ვინც მოხვდებოდა, ეს ვიწრო ხეობა სულს უხუთავდა. აქ ასე ეგონებოდა მოგზაურს, რომ ქვესკნელის კარზე ვარ მიმდგარიო.

მალა სერზე ერთი ათი ურმის გადაყვითლებული ყანა პატრონის ხელს ელოდა მოსატეხად. ეს მეექვსე დღე იყო, რაც ასმათი თავის ოდიდან გულის კანკალით შესცქეროდა გაღმა იმ მოწეულს ყანას. ვაი თუ როსაფის ნაყმევეებმა მოტეხონ, ჩალაც მომკონ და 'შემძახებელი კაციც არავინ გაუჩნდეს! ის დღენიდავ გზირათ იყო გადაქცეული, უხდოდა შეეტყო, ნეტა როსაფის ნაყმევეები როდის აპირებებო იმ ყანაში შესვლას. ამ დროს ერთმა თავ-შიშველა გლეხის გოგომ მოირბინა აივნის წინ და ხათელა იკითხა.

— გოგო! — ჰკითხა მაშინვე ასმათმა: — ე ყანა რო ისე მიუგდიათ თქვენებს და არ ტეხენ, რა მიზეზია?..

— მაშამ თქვა, ხვალ უნდა შევიდეთ სატეხათ. მეც წავალ, კვახები (გოგრები) უნდა დავაგროვო. ნათელამ მითხრა, 'შემატყობინე, რომ მეც წამოვიდეთ. იმიტომ მოვედი... ერთათ მოვაგროვოთ კვახე-შიო. იქ ონტოფაც ბევრია და სათამაშოებს გავაკეთებთ.

— კარგი, შეილო, ვერცუვი.

გლეხის გოგომ საჩქაროთ მოკურცხლა უკან.

იმ საღამოს აღჩინა. ასმათმა კაცი ოთართან, ნაყმევეებიც დაიბარა. გადასწყვიტეს. ხვალ დილით უნდა შესეოდნენ ყანას და კირნახული წაერთმიათ როსაფის გლეხებისათვის.

დილა, გათენდა ნისლიანი, წინწკლავდა კიდევ. როგორც ინათლა, ოთარი შეიარაღებული გაჩნდა ასმათის ეზოში. იქ მისი ნაყმევეები შემოიკრიბა. გლეხები ზანტობდნენ, რალაც არ უნდოდათ წასვლა, ჰგრძობდნენ, რომ კარგი არა შეემთხვეოდათ-რა.

— ბატონო, ის არ სჯობია, რომ სამართლით დაარჩინოთ? ვინ იცის, რა დაგვემართება, ძალაზე რომ დავდგეთ!.. თუ ჩვენ გავლახეთ, კანონი ჩვენ დაგვსჯის. ისინი თუ მოგვერიენ, კეტებით დავვიხეთქენ თავებს. — სთქვა ერთმა გლეხმა.

— დღეს თუ თქვენ ის სიმინდი არ შემომიტანეთ, მე ნულა და-
მენახებოთ. დღეს იქ უნდა მოვიკლა ჩემი თავი? — გაბრაზებით წა-
მოიძახა ასმათია.

— თქვენ რისა გეშინიათ? — ანუგეშა გლეხები ოთარმა. — მე
ვიცოდე და იმათ. ჩემი იარაღი გასცემს მათ პასუხს. აი, ჩემი აფსო-
ნები! — უჩვენა აზნაურებზე, — წინ ჩვენ მიგიძღვებით, ჩვენ წავართ-
მევით. თქვენ მხოლოდ წამოიღეთ, რაც მოგცეთ. ხუთ კაცს მარტო მე
გაეუფწორდები.

— თუნდ ათ-ათი მოვიდეს თითოზე! — გამხნევებით შესძახეს
გაეუფწორდები.
ოთარის ამხანაგებმა.

-- აბატონო, თქვენ წაბრძანდით და ჩვენ მოგყვებით, მერტი
რა ღონეა!.. — უგულოთ ჩაილაპარაკეს გლეხებმა. ოთარი აჩქარებით
დაეშვა ბილიკზე. მას უკან გაედევნენ აზნაურები და გლეხები. ისინი
მაღლე გაჰქრენ წიფლარში.

ასმათი გადადგა აივანზე და გაცოფებული შეჰყურებდა გაღმა
ხერზე მდებარე ყანას, რომელსაც როსაფის გლეხები ჭალიან კაციანა
შესეოდენ ნამგლებით, თან ტეხდენ და თან ჩალას მკიდენ.

— ვაი, ჩემო უბედურო თავო! რას ვეხდავ? ყანა მომიქრეს!. დახე
იმ პირშავეებს, რა ჩქარა მუშაობენ! სანამდის ჩვენები მივიდოდენ, კი-
დეც აიღებენ! — სიანჩხლით იცემდა ასმათი მუქს მკერდში.

ამ დროს ოთარი და მისი ამაღა აეფინენ გაღმა ფერდს.

ჯერ კიდეც კარგა მოშორებით იყო ოთარი, რომ ქვევიდან შეს-
ჰყვივლა:

— აუშვით ახლავე მუშაობას ხელი, თორემ ერთიც ცოცხალი
ვერ გადარჩებით!

როსაფის გლეხები შეეგუფდენ, ნამგლები შეარაწყუნეს და
გადმოსძახეს:

— ნუ მობრძადებით, ჩვენ ნაოღლარს კირნახულს ვერ დაგა-
ნებებთ. როსაფს ედავით, ჩვენთან რა ხელი გაქვთ?

— მანდ დამიდექით, თუ ბიჭები ხართ!..

გლეხებმა ჭალიან-კაციანა ასტეხეს ყვირილი:

— ნუ მობრძანდებით! დღეს ყველამ აქ უნდა მოვიკლათ თავი!..

პატარა ბიჭებმა ქვებს დაუწყეს მოგროვება. ეტყობოდათ, ისი-
ნიც ემზადებოდენ საჩხუბრათ.

ოთარმა უთხრა აზნაურებს, განის ბილიკით თავი დაეველოთ
გლეხებისათვის. თვითონ ოთარი პირდაპირ შეუდგა შეღმართს, გლე-
ხებიც თან იახლა. თხუთმეტ ნაბიჯზე რომ მიუახლოვდა ყანას, შედგა
ერთ კონცხზე, ამოიღო გატენილი დამბაჩა და დაუძახა გლეხებს:

— დაანებეთ თავი მუშაობას, თორემ ეს არის გესროლეთ. — ამ დროს ერმა ახალგაზნდა ბიჭმა გამოუშვა ქვა და ოთარს ბეჭებში მოახვედრა. გავარდა ოთარის დამბაჩა, დაეცა ძირს ერთი გლეხი. დედა-კაცებმა მორთეს წივილ-ჩხაილი, ახალგაზნდა ბიჭებმა გაახშირეს ქვების სროლა. ოთარი და გლეხები კონცხს ამოეფარნენ. უეცრად აზნაურებმაც მეორე მხრით დასცეს ზევიდან კიეინა: „აბა, გაჩერდით, ვინც ვაჟაკი ხართ!..“ ამას არ მოელოდნენ გლეხები. იმათ იგრძნეს თავი ორცეცხლ-შუა და აირივნენ. რამდენიმე მათგანი ძირს დაეშვა, საცა კონცხ ქვემო ოთარი უყარაულებდა. ვინც ახლოს ჩაურბინა, ყველას ხმალი შვლიქა ოთარმა. ერთ გლეხს მკერდამდის გაავლო, მეორეს მკლავი ჩამოაგდებინა, მესამეს კისრის მძივი მოაგდებინა. სხვანი გაიფანტნენ. ამ ჩხუბში ორი გლეხი მოკვდა, სხვები, ხუთამდის, მძიმეთ იყვენ დაქრილი. ასმათი გაღმიდან უყურებდა ამ ამბავს და სიამოვნებდა: „აგრე მოგიხდებათ, თქვე ღორებო!.. საწყლები, როგორ თხებივით დაიფანტნენ!.. თუ ეგ არ გინდოდათ, რათ დამითესეთ ჩემი ყანა?.. წადით ახლა და როსაფმა გიშველოთ!...“

ამ ამბავმა მალე შესძრა მთელი ქუთაისის აღმინისტრაცია, გამოგზავნეს სამძიმო საქმეთა მწარმოებელი და თან გამოაყოლეს საგლეხო სასამართლოს წევრი. შედგა დიდი საქმე. როსაფი არაფერს ზოგავდა, რომ მთავრობას დამნაშავეთათვის მაგრათ მოეკიდა ხელი, მაგრამ არც ასმათს დაუკლია მეცადინეობა მის წინააღმდეგ.

ამ დროს მოხდა ერთი შემთხვევა. ერთს დიდებულს ემერეთის თავადს დაეკარგა ორი ბედაური. ასმათმა მაშინვე საიღუმლოთ აცნობა იმ თავადს, რომ ვითომც მისი ცხენები როსაფს მოეპაროს. თავადმა სთხოვა გუბერნატორს, როსაფი დაეკირათ. ის დაატყვევეს და წაიყვანეს ქუთაისს. მერე სახლი გაუჩხრიკეს, მაგრამ კვალი ვერაფრის იპოვეს. ასმათმა ხელახლა შეასმინა როსაფი; იმან დაარწმუნა თავადი, ვითომც როსაფს რომ ველარსად გადაემალოს ცხენები, დაეკლას და ბოსელს ქვეშ მიწაში ჩაემარხოს. ის იყო როსაფს საპყრობილიდან უშვებდნენ, მაგრამ ამ მეორე შეწამების გამო ისევ დააკავეს. მის ბოსელში ქერი აპყარეს, მიწა ღრმათ გათხარეს, მაგრამ მაინც ვერა იპოვეს-რა.

ამ გვარი მოქმედებით როსაფი ბარე ნახევარი წელიწადი საპყრობილეში იყო გამომწყვდეული და ოთარის საქმეს თვალ-ყური ველარ ადევნა. თვითონ ასმათმა-კი თავდებ ქვეშ მოახერხა ოთარის გამოშვება და ცდილობდა; გლეხების მოკვლის საქმე მისთვის თავიდან გადაეცილებინა. თუმცა საქმე ხუთ წელს გაქიანურდა, მაგრამ თავიდანვე ეტყობოდა, რომ ოთარს კარგი დღე არ დაადგებოდა. მით უმეტესად შეიქნა ოთარი დაუძინებელი მტერი როსაფისა.

მარიამობა მოახლოვდა. ზურუკეთის გლეხი და აზნაური სულ საწყვეულოდ ემზადებოდა. დღესასწაული იცოდენ ოფოთას სოფელში. ის იყო ზურუკეთიდან ერთი საათის სავალზე. ოფოთა კიდევ უფრო მაღლიდან გადმოჰყურებდა, ვიდრე ზურუკეთი. იმ სოფლის საყდარი აწეულ კონცხზე იყო დადგმული. ბზების ბუჩქები და ნაძვის ხეები გარშემო უსხდენ და შორიდან შავს არშიათ მოჩანდენ. ამის გამო, კირით შეფეთქილი საყდარი კიდევ უფრო ნათელს შუქს ისხამდა საყდრის გალავანში კარგა მოზდილი მინდორი იყო. მარიამობას იმდენი ხალხი გროვდებოდა ამ მინდორში, რომ ტევა აღარ იყო. აქ ჩინებული თემობა იცოდენ. თემში ფერხული, სუდრული, მაყრული, იმერული „ორიდელა“ და მრავალი სხვა ჰანგის სიმღერა გაუწყვეტლივ ისმოდა. ხან-და-ხან სროლაც იყო ხოლმე. მთელი ოფოთა ამ დღესასწაულს დიდათ მიეხარებოდა. გლეხი და აზნაური ერთ კვირაზე ადრე შეუდგებოდენ დღესასწაულისათვის მზადებას. ლავაშს, მურასას, შოთას და თორწელს კოდობით აცხობდენ. იმ ხანებში ვინც-კი იყო ხაბაზი ან მზარეული იმ კუთხეში, სულ იქ მიისწრაფოდა. კარგი ნაშოვრობაც იყო ხოლმე იმათთვის. ერთ ჩანახ ჭირნახულის გამოცხობაში თითო აბაზს, ხან-და-ხან ხუთ-ხუთ შაურსაც აძლევდენ. ამას გარდა ხარჯიც მასპინძლისა იყო ღვინო თავსა სდიოდათ. მარიამობის წინა ღამეს ოფოთას სოფელში, განსაკუთრებით გლეხობაში გაისმოდა ნასუქი ღორების ქყვილი, რომელიც უფრო შეძლებული აზნაური იყო, ის ღორს არ დაჯერდებოდა საკლავათ, უშობელსაც ზედ მიიყოლებდა. ვინც ძალიან ღარიბი და ხელ-მოკლე მოსახლე იყო — ორი მესამედი სულ ამ წრეს ეკუთვნოდა, — იმათთვის სოფლელი საერთო ხარჯით ხოცდენ საკლავებს და მუშტრები ასო-ასოთ დაიტაცებდენ. ზოგიერთი ჩანახს სიმიდათ ურიგდებოდა, ზოგი კოდსაც აძლევდა, — ეს იმაზე იყო დამოკიდებული, ვინ რა ასოს აიღებდა.

— — —

წინა ღამეს მამიდა ასმათისას შეგროვდენ ოთარი დ სამი მისი ამხანაგი.

— რა კარგი დრო გიდგებათ, ოთარი, ჩვენი განზრახვის ასასრულებლათ, რომ იცოდეთ!.. — უთხრა ყმაწვილებს ასმათმა.

— რა დროს საქმეა, მე ხვალ ოფოთას მივდივარ დღესასწაულზე. — სთქვა ოთარმა.

— შენ და როსაფი, მგონია, ერთ ოჯახში ხართ დაპატიყებული.

— ჩხუბი ხომ არ გინდა, რომ ავეუტეხო და თავი გადავფრიწო?

— არა, მაგას არ გეუბნები, შვილო. ანდერძზე რაც გითხარი, აღარ გახსოვს? არ იცი, რომ თუ ის ანდერძი ხელში არ გვექნა, შენი საქმე ცუდად არის? ჩვენ იმ ანდერძით უნდა დავამტკიცოთ, რომ ყანა შენი სამოდო, საიჯარო იყო და როსაფის გლეხები შენ მოგიხტნენ და არა თქვენ იმათ. უამისოთ, ხომ იცი, გლეხების გაწყვეტას თავზე ვერ გადივლებ, ციმბირს აქეთ ადგილი არ გექნება!

— ბიჭო, ანდერძს გარდა ფული?.. ამას აღარ ანგარიშობ?.. — წამოიძახა ალტაცებით ერთმა აზნაურმა. — ხვალ სწორედ კარგი დრო გვაქვს, რადგან როსაფი შინ არ იქნება.

— აი, მე რას გირჩევთ!.. — განაგრძო ასმათმა. — ოთარმა ხვალ სადილზე ჩხუბი აუტეხოს როსაფს. შეიქნება ერთი მითქმა-მოთქმა. ამ ამბავს მთელი ოფოთა შეიტყობს. სალამოს ყველა მთერალი იქნება. ვინ რას გაიგებს ოთარის უკან დაბრუნებას? ჩამოირბინოს ლამით ოთარმა ზურუკეთში და ცეცხლი მისცეს როსაფის ოდასა. მერე ისევ გაბრუნდეს ოფოთას. მარიამობის ღამე თავის ნათლიამამისას გაატაროს. მთელი ზურუკეთის სოფელი ცეცხლს მიაშურებს. ამ ყმაწვილებმაც დაუწყონ ცეცხლს ქრობა და ოჯახის ავეჯეულობის გარეთ გამოტანა. უეჭველია, იმ ყუთს ნახავენ, რომელიც მე გითხარი; გადამაღონ და მერე აქ მომიტანონ. გავტეხოთ, ყუთი ცეცხლში დავეწვით, ანდერძს და ნივთებს მე წავიღებ, ფული თქვენ გქონდესთ. გაკეთდება ამით საქმე.

— კარგა არ მოისაზრა ასმათმა! — მოწონებით წამოიძახეს აზნაურებმა.

— ბატონი ბძანდები! როგორც შენ თქვი, დედილო, ისე მოვიქცევი.

— თუ ის ანდერძი არ ჩავიგდეთ ხელში, გლეხების მოკვლისათვის ყველას დაგკარგვენ, — დაჰკრა კვერი ასმათმა.

ამ მოგონებამ, ცოტა არ იყოს, უსიამოვნოთ იმოქმედა ოთარზე და მის ამხანაგებზე. მით უფრო ბეჯითათ გადასწყვიტეს გულში მარიამობის ღამეს როსაფის სახლის დაწვა და ყუთის ხელში ჩაგდება.

მარიამობას ჩინებული დარი დაუდგათ ოფოთლებს. ხალხიც ბევრი შეგროვდა საყდარზე. ახლო-მახლო სოფლის მცხოვრებლები ქალიან-კაციანა სულ ოფოთას მიაწყდნენ. შარა-გზები, გზა-წერილები და ბილიკები ქვევით-ცხენოსნებით იყვნენ აჭრელებული. გლეხის მანდილოსნები წითელ-ყვითელ ტანისამოსში გამოწყობილები ისხდნენ, ცხენებზე და წინ ნათესაეები ქვევითათ მიუძღოდნენ. ზოგ მათგანს ძუ-ძუ-მწოვარი ბავშვი ჰყავდა ატოტებული, ზოგს შვიდი წლის ქალი ან ეაყი ცხენს უკან ჰყავდა შემოსმული, ზოგს ცხენს უკან გაფუტქნული

ლორიც ეკრა. ესეც, რასაკვირველია, მოყვრის ძღვენი იყო. ზოგს გლებს ცხენის სადავე ეჭირა და ცოლს წინ მიუძღოდა, თვითონ სავესე ხურჯინი ჰქონდა მხრებზე გადადებული ყოველნაირი სამზადისით და საგზლით: იმაში იყო შოთები, ერთი დოჭი ღვინო, მოხარშული ქათმები, კვერცხები და სხვა.

აი, აგერ, მოშორებით ერთი გროვა მშვენიერად მორთული ქალები და კაცები ცხენებს მოათქიფინებენ. რახტიანი ცხენები ლამაზი მანდილოსნებისა ვერცხლის ფარფლებს მოაჩაჩხუნებენ. ესენი იყვნენ დამამშვენებელნი შეძლებულის მასპინძლისა. ნაწირევს ხალხი გაიჯანტა სხვა-და-სხვა ოჯახში. ცოტა ხანს იქით მთელი ოფოთა გაცოცხლდა. ყოველს ოჯახში შეიქნა ლხინი, სიმღერა და თოფის სროლა.

ოთარის და როსაფის მასპინძელს ბევრი სტუმარი ჰყავდა. იქ კარგი ნადიმიც იყო.

მზე გადიხარა დასავლეთისკენ. სტუმრები შეღვინიანდნენ. დიდი ჯიხვის ყანწები ჩამოატარეს. ოთარმა დალია ერთი ჯიხვის ყანწი და დაუღია როსაფისა. ეს რადგან ოთარზე გულნაკლულად იყო, გაჯინდა, აღარ დალია. ოთარმა შეურაცხყოფათ მიიღო და კინკული ასტება. შეიქნა ხმაურობა. ბოლოს ოთარმა შესძახა:

— დალიე, თორემ კისერში ჩაგასხამ!

— შენ შეგარცხვინა და ისიც, ვისეთისაც შენ კისერში ღვინო ჩაგესხას! — უპასუხა როსაფმა.

— დალიე, თორემ წელებს აგათრევიანებ! — განუმეორა ოთარმა.

— აბა მობრძანდი, შე წუწკო! — შესძახა როსაფმა და ხანჯალზე ხელი დაიდვა: — მე შენ იმისთანები ნუ გგონივარ, ღამით საქათმეში და ქვევრების თავზე რომ დაგყავს!

— როგორ თუ ქვევრების თავზე?! — და ხანჯალ-ამოღებული გადუხტა როსაფს.

მასპინძელმა სტაცა ხელი ოთარს და შეაჩერა. ამას წამოეშველენ სხვა სტუმრებიცა.

— გამიშვით! — იძახოდა გაცოფებული ოთარი.

— გამოუშვით, ეგ მხდალი, ქათმების ქურდი! — უპასუხებდა როსაფი.

ატყდა დიდი ალიაქოთი. ოთარი ჯიგლივით გამოიყვანეს გარეთ და ხანჯალი ისევ ჩააგებინეს. ის კიდევ დიდხანს ილანძღებოდა მასპინძლის ეზოში. ბოლოს გაჰყვა სხვებს თემში.

სალამოს უამი მოიწია. თემში მთელი ოფოთა ამ ჩხუბზე ლაპარაკობდა. საყდრის გალაქიანი ისევ ხალხით გაივსო. ზოგ ალაგას ჯიჩითობდნენ, ზოგან ფერხული დაებათ, ზოგან მანდილოსნები შეგ-

როვილიყვენ და ლეკურს თამაშობდნენ. ამ გვარი მხიარულობა თანდათან მატულობდა. თემობის ღრეობა და თოფის სროლა ოფოთის საყდრიდან შორს ვრცელდებოდა.

დღე და ღამე გაიყარა, მაგრამ როსაფის მასპინძლისას ჯერ კიდევ სუფრის ალებას არ აპირებდნენ, თუმცა როსაფის ჩხუბის შემდეგ ბევრი აღარ უსვამს. ის-კი არა, უფროც გამოფხიზლდა, მისი სუფრულის მოძახილი ქვემო ქალებამდის ისმოდა. ამ დროს უეცრად შემოვარდა ერთი კაცი და დაიძახა: ზურუკეთში ვილაც დაიწვაო, გარგელეზული ცეცხლი მოჩანსო. ამ ამბავმა ერთბაშით წამოჰყარა სტუმრები. ყველაზედ უმაღ როსაფი გამოვარდა გარეთ. ზურუკეთს რომ გახედა, იფიქრა: ვაი თუ ჩემი სახლი იწვოდესო. მაშინვე მოახტა ზურგზე ცხენს და დაეშვა ზურუკეთისკენ. ჩამოიბრძინა თუ არა სერი. იქვე არ ჰქონდა, რომ მისი სახლი იწვოდა. მან გადაჰკრა ცხენს მათრახნი და ცოტას ხანს იქით შევიარდა თავის ეზოში. იმას მწუხარებით გული აუტივტივდა, როცა დაინახა თავისი ცოლ-შვილი თითქოს ბტრისაგან დაფორიაქებული. მათმა ჟივილ-კივილმა კურცხლები მოადინა თვალებზე. მისი ბარგი-ბარხანა სულ ეზოში იყო მოქიაქებული: აქ ზანდუკი ეგდო გამტვრეული, იქ ქვეშსაგები, ხალები და ბალიშები ეყარა უპატრონოთ.. საზამთრო მომზადებულს თხილს, კაკალს და წაბლს გაჰქონდა ცეცხლში ტკიცი-ტკიციანი. ხალხი ქიანქველივით ირეოდა სახლის გარშემო. მაგრამ მაინც ველარა ეშველებინათრა. მხოლოდ დრო-გამოშვებით ჩვენი ნაცნობი აზნაურები, ზურგ-დატვირთულები, ხან ძველს სკივრს გამოიტანდნენ, ხან ფარდაგებს და ზილობებს, ხან ქალის ტანთ-საცმელებს. როსაფი მადლობას ეუბნებოდა მათ. ის ცდილობდა, იქნება ნახევრათ დამწვარი კედლები კეტებით წაექციათ, რომ ალი ძირს დაშვებულყო და ნაკვერცხლები სხვა სახურავებზე მაინც აღარ გადაცვინულიყვენ. ამ ყოფით ვასტანეს შუალამემდის. ცეცხლი დანელდა. ნაყმევებმა დაუწყეს გაფორიაქებულს საოჯახო ნივთებს ბოსლის ოთახში შეზიდვა. როსაფის სახლობას მამლის ყივილამდის არ დაუძინია.

ცეცხლმა ოფოთის მცხოვრებლებს მარიამობა ჩამწვარა, ნახევარი სტუმრები ზურუკეთისკენ გაიხვეწენ. ზურუკეთელები ფიქრობდნენ, არა ჩემი სახლი იწვისო და არა ჩემიო. ვინღა მოიცილიდა ოფოთას. აღარც სიმღერას, აღარც მოლხენას იმ ღამეს ხალისი აღარ ჰქონნებია ოფოთაში.

მეორე დღეს წირვის დროს ოფოთაში ოთარს გამოელეიძა ნათლიმამისას და თვალების ფშვნეტა დაიწყო. ეტყობოდა, მარიამობა

ლამეს იმას აქ ძალიან დაელია. ნათლიმამამ კიდევ უსაყვედურა: რატომ ჩემთან არ წამოხვედი, რა გინდოდა როსაფის მასპინძლისასო. სოფლის სადილობა წამოიწია. ოთარი ზოზმანით ადგა ზეზე და ხელებ-დაკაპიწებული წყაროს წყალზე მივიდა. ის იქვე ნათლიმამის ეზოში ღარზე გადმოჩუხჩუხებდა. სხვა სტუმრებიც მოგროვდნენ იქ ხელ-პირის დასაბანათ.

— ბიჭო, წუხელი ,მგონია, ვინღაც დამწვარა ზურუკეთში? — იკითხა ერთმა.

— ასე ამბობენ, როსაფს გასჩენია ცეცხლიო, — სთქვა მეორემ.

— ამბობენ-კი არა, ნამდვილათ როსაფი დაუწვავთ, — სთქვა მესამემ. — ეს არის, ახლა მოვიდა იქიდან ბიჭი და იმან ილაპარაკა.

— მის მეტი ჯაგერი ნუ მოგეცა! — ჩაილაპარაკა თავისთვის ოთარმა, დადგა ღარის პირდაპირ და რამდენჯერმე შეიშხაპუნა პირზე, ცივი წყაროს წყალი.

VIII.

გავიდა რამდენიმე დღე. ერთ საღამოს ოთარი ფეხ-აკრეფით შევიდა ასმათთან. იქ იმას უცდიდნენ მისი ამხანაგები. ქვრივმა დახურა კარები და ურდულით ჩაკეტა. მერე აანთო: კრაქი, გამოიღო თახჩიდან ერთი მოზდილი ნიგეზის ყუთი, მოიტანა კრაქთან და მხიარულათ წამოიძახა:

— აი, ამაშია ჩემი საუნჯე და შენი ბეჯითი საბუთი, შევილო ოთარ, რომ გლენების მოკელის საქმე თავიდან გადიცილო.

— მაგაში ჩვენი საუნჯეც არის, — მიიძახა აზნაურებმა: — მაგაში ჩვენი ასი თუმანია!

ოთარმა დაუწყო ყუთს დანის წვერით ახდა.

— ეჰ, აქ მოიტა ერთი! შენც ნაზათ ეკიდები! — გამოჰგლიჯა ყუთი ხელიდან ერთმა აზნაურმა, დაჰკრა ხანჯალი და შუაზე გააპო. ყუთიდან გადმოცვინდნენ ქალაღლები. ასმათმა დაატანა ამ ქალაღებს ხელი და ყუთის ნამტვრევებიც თან გაიტაცა. ტახტთან მიიტანა და რჩევა დაუწყო. ყუთში აღმოჩნდა როსაფის თამასუქები. შინაური ბარათები გასესხებულ ფულებისა. აღსრულებითი ფურცლები, ბოლოს ორი ოქროს ბეჭედი, რომლებშიაც იაგუნდების მაგიერათ წითელად გამსქვეერი ციმბირის ქვები იყო ჩაყენებული. არც ერთი არ აღმოჩნდა, რასაც მოელოდნენ: არც ანდერძი. არც ასი თუმანი და არც ასმათის დედის დანატოვარი ნივთები. ქვრივი გაშტერდა. ოთარს თმა აებურძგა. მას წარმოუღდა იმ წუთას სამსჯავრო, რომელიც ნამდვი-

ლის საბუთებით სწამებდა ოთარს კაცების დახოცვას. იმას აქამდის ასმათის ანდერძის იმედი ჰქონდა, რომელსაც უნდა დაემტკიცებია ასმათის მფლობელობა და როსაფის გლეხების ძალადობა. ახლა-კი დარჩა პირ-დაღებული. ქვრივი კიდევ უფრო გულ-შეწუხებული შეიქნა: ანდერძი აღარსად გამოჩნდა და საყანეც ხელიდან წაუვიდა. ამ მდგომარეობით აზნაურებმა ისარგებლეს, ბექდები ჯიბეში ჩაიღვეს, გააღეს ნელა კარი და გაილაღენ.

ბოლოს ოთარი გამოერკვა მწუხარებიდან, წამოვარდა ზეზე-ამოილო ხანჯალი, დაადგა თავზე ასმათს და მრისხანეთ შესძახა.

— სულ შენი ბრალია, შე კუდიანო, ამდენი ჩემი ცული საქმეები! რას მიპირებ ახლა? რომ რაიმე შემემთხვეს იმ გლეხების დახოცვით, შუაზე გაგჩხავ. როსაფი შენ დამაწვევინე — რისთვის, ჰა რა მიზეზით? ამ ქალაღდების ნაფლეთების გულისათვის?.. ოჰ, ღმერთმა დაგწყევლოს, შე კუდიანო! — იმან საჩქაროთ დააგდო ასმათის სახლი.

ქვრივმა ხმა ველარ ამოილო. ერთხანს ასმათი, თითქოს გაბრუებული, დაეშვა ტახტზე უძრავათ. ამ დროს ნათელას ძიძა შემოვიდა და ასმათი, რომ ამ მდგომარეობაში დაინახა, შესძახა:

— ქალბატონო, რა დაგემაართათ, ავად ხომ არ ბრძანდებით?

— კი, შეილო, რალაც ქარმა გამკრა ფერდებში. — ის საჩქაროთ ზეზე წამოვარდა, დაავლო ხელი ქალაღდებს, ყუთის ნამტკრევებს და სკივრში ჩაკეტა. მეორე ღამეს იმან ესეები სულ-ერთიანად დაწვა.



ცოტა ხანს იქით ზურუკეთში ხმა გაერეკლდა, როსაფის სახლი ოთარის დამწვარიო. მარიამობას რომ ოთარსა და როსაფს ჩხუბი მოსვლოდათ, იმის გამოჯავრებული ოთარი ჩამოვარდნილა ზურუკეთში და ცეცხლი წაუკიდებია როსაფის სახლისათვისაო. ზოგიერთები ამბობდენ, მარიამობა ღამეს ვახშობისას ოთარი ენახეთ. რომ ზურუკეთიდან ისევ ოფოთას მიისწრაფოდაო... როსაფმა შეიტანა არზა გამომძიებელთან. ეს მაშინვე ფიცხლად შეუდგა საქმის გამოძიებას, მაგრამ რაც უფრო უკვირდებოდა ამ საიდუმლო ბოროტ-მოქმედებას, იმდენათ უფრო რწმუნდებოდა, რომ ოთარი სრულებით უბრალო უნდა ყოფილიყო. უტყუარი საბუთებით აღმოჩნდა, რომ იმ დღეს, როცა როსაფის სახლი დამწვარიყო, ოთარი ოფოთას ყოფილიყო მარიამობას. იმ ღამეს და მეორე დღესაც ოთარი ოფოთიდან არ დაძრულა. რაკი გამომძიებელი ამაზე დარწმუნდა, მაშინვე იფიქრა, რომ ეს დაწამება სულ მტრობით არის შედგენილიო და საქმე წარადგინა პროკურორთან მოსასპობლათ.

როსადი იყო ერთი იმ აზნაურთაგანი, რომელსაც 1850 წელს გაეთავებინა ქუთაისის სასულიერო ოთხ-კლასიანი სასწავლებელი და შემდეგ შორაპნის უეზდის გამგეობაში შესულიყო მწერლად. თავის დროს ის ჩინებული მკვირცხლი ახალგაზრდა იყო. კარგი მომღერალი. ქეიფის მოყვარე და ქართულად არზის დამწერი. ეინც ძღვენს მიართმევდა; ისეთს არზას დაწერდა, „ქეას გახტქდაო“. იტყოდენ გლეხები. ის მალე დაიხლოვა უეზდის სასამართლოს სეკრეტარმა. ეს ისეთი სეკრეტარი იყო, რომ უიმისოთ უეზდში არც არა გაკეთდებოდა-რა. არც არა წახდებოდა-რა. გასამგებო იყო თუ სამოსამართლო — ყოველივე საქმე მის ხელთ იყო. უეზდის მმართველათ ერთი ვინლაც რუსეთიდან გადმოსული შტაბს-კაპიტანი ბრძანდებოდა: არც ქართული ენა ესმოდა, არც არა ჩვენი ქვეყნის ვითარებისა გაეგებოდა. ის დრო იყო, როცა ჯერ კიდევ ქართულად იწერებოდა არზები და ზოგჯერ განჩინებაც ქართულად ღებოდა. ამის გამო ყოველივე საქმე უეზდის გამგეობისა სეკრეტარს ჰქონდა ჩაბარებული და მის უდასტუროთ არა გადაწყდებოდა-რა. თვით უეზდის მმართველმა მალე იგრძნო, რომ სეკრეტარი მისი მარჯვენა ხელი იყო, მისი მოსიამე .მრჩეველი. მოურავი, სახლთ-ხუცესი, ხორაგის მყიდველი. ოჯახის გამგე. სამზარეულოში რიგის მიმცემი. სასამართლოში მისი ქალაღდის დამწერი. ერთი სიტყვით, შინ და გარეთ სეკრეტარი იყო უეზდის მმართველის გაკირვების ტალ-კვესი. შტაბს-კაპიტანი ქალაღდებზე ხელის მოწერის მეტს არას აკეთებდა. სეკრეტარმა მალე დააჯერა უეზდის მმართველი. რომ იმერლებმა მთავრობის წინაშე ძღვნით ხელის დაშვება იციანო და თუ მთავრობის კაცმა მათი ძღვენი არ მიიღო, დრტვენვას დაუწყებენ, აღარ მიეკარებიან და, შეიძლება, ბოლოს საჩივრებიც გაუმართონო. ძღვენი წმინდა იოანეს მოწყალეებააო. შტაბს-კაპიტანმა მალე დაიეჯრა თავის სეკრეტარის მოძღვრება. ბოლოს ამ ძღვენს ისე მიეჩვია, რომ როცა ხურჯინიანი კაცი ჰიშკარს არ შეაღებდა. ის დღე დღეთ აღარ მიანდა, ცუდ გუნებაზე. შეიქნებოდა და სევდის გასაქარვებლათ სეკრეტარს დაუძახებდა: „Ну, брат, св. Иоанн за нас. Свечку бы надо поставить“. ეს ამბავი მით უფრო სტკენდა გულს უეზდის მმართველს, რომ ფურცხუნა ღვინოებს მიჩვეოდა და. რადგან ოტკის სმა გადაეგდო, ახალ-ახალი ქაშნიკებით გულს იოხებდა. წყალს აღარ იკარებდა და სამწყურვალოთ სხვა-და-სხვა ღვინოები ედგა ღრაფინებით: ცოლიკაური. მწვანე. კრახუნა. საფერი და რკოს ღვინო. თუ რომელიმე გამოელოდა, მაშინვე წმინდა იოანეს დაუწყებდა საყვედურს დავიწყების გულისათვის.

როსაფი მალე შეიქნა სეკრეტრის მესაიდუმლე, იმის შემწეობით ძალიან გაიწაფა არზების წერაში. ერთი მოზდილი სკივრი სულ სხვადა-სხვა ფორმის არზებით და აპელაციებით ჰქონდა გაცხებული. ვიცაყ უეზდის სასამართლოში საქმე ექნებოდა, ყველანი როსათთან მიდიოდენ, რადგან იცოდენ, რომ იმის არზებს თვით სეკრეტარი ასწორებდა. შრომის გულისთვის წითლიანი და ცისფრიანი ქალაღდები სცვიოდენ როსაფის ხელში. მაგრამ სეკრეტარს ერთი ახირებული საქმე სჭირდა: რაც უნდა მიეტანა როსაფს იმისთვის გინდა წითლიანი, გინდა ცისფერიანი, ის ყველას ჯაჩიბამდა ამ სიტყვებით.

ჩემო როსაფ, ამას ნუ გამიტებ, ეს ჩემი იყოს, შენ სხვა გამართვი კიდევ.

— შე, დალაოცილო, აღარ მომცეს მეტი, დავრჩი მე ყოველთვის ვირის მიმდევი! — უსაყვედურებდა ხან-და-ხან როსაფი. მაგრამ სეკრეტარი იტყოდა გულში: „ყურსა ბამბისასაო“, და ჩაივლიდა.

მეტი რა ჩარა იყო, როსაფი ისევ უნდა დატრიალებოდა მთხოვნელს და თავის გასამრჯელო ცალკე მოეთხოვა. ხშირად მოხდებოდა, რომ გლეხი გაწიწმატდებოდა და შეექნებოდათ დავა. ზოგჯერ ლაწანიც ისმოდა გლეხის ყბაზე. ატყდებოდა ხოლმე ერთი ალიაჭოთი უეზდის სასამართლოს დერეფანში. საცა არ გინდა. სეკრეტარი უცბად იქ გაჩნდებოდა, შეარიგებდა მოჩხუბრებს და გასამრიგლოთ ორისამი მანეთი მიანიც კიდევ ამოვარდებოდა გალახულის გლეხის ჯიბიდან როსაფის სასარგებლოთ. ამ ყოფნით გაატარა როსაფმა რამდენიმე წელიწადი უეზდის სასამართლოში.

ის თავის ტოლ-ამხანაგში პირველი დარდიმანდი იყო. ტანს ეცვა ბუზმენტებით გამოწყობილი ქართული ყურთმაჯებიანი კაბა, წითელი ხავერდის ბეწვ-მოვლებული ქულაჯა. განიერი შარვალი, ბუსრის ქუდი. იჯდა ყოველთვის მატარებელს ბედაურზე და ყელზე. ჩამოგდებული აბრეშუმის ბაღდადი ლამაზათ მიფართაშებდა. არც ერთს დღეობას არ დააკლდებოდა, ყოველგან ლხინის თავი იყო. თემში რომ გამოვიდოდა, მანდილოსნებს მაზედ რჩებრდათ თვალები. ზაგრამ ყოველთვის ერთი დრო არ შერჩება კაცს. მოხდა უბედურება. რევიზის კლანკი შორაპნის უეზდის სასამართლოსაც მისწვდა. თურმე ხაზინის ფულს ოთხასი თუმანი დააკლდა. სეკრეტარს საპყრობილეში ამოაყოფინეს თავი. შტაბს-კაპიტანს ფეხი ადგმევიინეს და ისევ პოლკში გაგზავნეს. როსაფმა ძლივს დააღწია თავი ამ საქმეს და მიბრუნდა თავის ოჯახში.

მამის სიკვდილის შემდეგ მას დარჩა ოცდა-ხუთი კომლი გლეხი: ბლომათ ადგილ-მამული და ხუთასი მანეთი გავალებული.

ის მაინც გამოჩენილი ოჯახის აზნაურიშვილი იყო თავის კუთ-
აეში. კარგი პურადი და სტუმრის მიმღები. მტრებიც ჰყავდა. მაგრამ
მეგობრები კიდევ უფრო ბევრი. არავის შიში არ ჰქონდა, მხოლოდ
თავის დას ასმათს ვერა მოუხერხა-რა და ბევრი სიმწარეც გამოსცადა
მისი ჭიშკობით ცხოვრებაში. როსათს ის უფრო აწუხებდა, რომ მისი
სააპეკუნო ძმისწული ნათელა მის დას მიეთვისებინა და ვერას ლონის-
ძიებით ველარ დაგპლიჯა ხელიდან. როსათი მაინც და მაინც არ იყო
დიდი ხნის: ასე ორმოცდა რვა წლის თუ იქნებოდა, მაგრამ ასმათის
მტრობას უღროოდ გაეთეთრებინა:

მისი ძმისწული ნათელა მეთორმეტე წელში იყო ჩამდგარი და
ყური მოეკრა, რომ ასმათი ქართლისკენ უპირებდა გათხოვებასა:
„მართლა, რომ იმ კუდიანმა ხელიდან გამომაცალოს ის ბავში, და-
ვიღუპები, ვინ იცის. რა კაცს მიათხოვებს. სიძემ რომ სააპეკუნო ანგა-
რიშები მომთხოვოს სამართლის წესით. ჩემი საცხოვრებელიც ველარ
აუღებია“.

ბოლოს, მტრობით რომ ვერა მოუხერხა-რა, თათბირი გაუმარ-
თა. მან განაზრახა თავისი ცოლი მზეხათუნი, რომ ის რამენაირათ თა-
ვის მულს ასმათს დაახლოვებოდა. დროც კარგი შეურჩიეს. იმ დროს
ასმათს ოთარი შემომწყრალი ჰყავდა და ჭერივი ძალიან დანადვლია-
ნებული იყო. ამ ხანებში ასმათს ცხოვრება ჰქონდა გამწარებული. ის
გრძნობდა თავის თავს უბედურათ. ერთი ჭერივ-ოხერი დედა-კაცი
იყო. ხანში შესული, უპატრონო; მეზობელი და მოყვარე-კი არა. სა-
ნადელო გლეხებიც აღარას უჯერებდენ. რაც სიავე ექმნა თავისი დღენი
არასფერი აღარ წადგომოდა: მეზობლები არ ეკარებოდენ, მოყვრები
შემოცლოდენ. ერთი ძმა დარჩენოდა ცოცხალი... ისიც გადამტერე-
ბული. ერთად-ერთი მისი ნუგეში პატარა ნათელა იყო. მაგრამ აღარც
იმისი იმედი ჰქონდა, მუდამ შიშში იყო. ძმამ არ მომტაცოს და არ
გამითხოვოსო. ხან-და-ხან, როცა ასმათი ნათელას წინდების ქსოვა-
ში ჩაფიქრდებოდა. გულ გახეთქილი წამოიძახებდა: „ვაი. ჩემი ბრალი!
რომ მოვკვდე, საყდარზე მიმტანი კაციც არავინ გამიჩნდებო!“ . ამ
უნუგეშობის დროს რძლისაგან კაცი მოუვიდა, ბარათი მოუტანა. ნა-
თელასათვის ერთი ხელი ტანისამოსი გამოეგზავნა და ერთი ცისფერი
თავშალიც თვითონ მულისთვის.

..საყვარელო მულა! — სწერდა მზეხათუნ: — ეს არის როსათი
ქუთაისიდან დაბრუნდა, ბავშვისთვის ერთი ხელი ტანისამოსი ეყიდნა
და თქვენთვისაც ერთი თავშალი. მართალია. დიდი არაფერია. მაგრამ
ლვიძლის ძმისგან მაინც გაიმება. ვისურვებ თქვენს ბედნიერ ცხოვ-
რებას თქვენის ნათელათი. როსათმა შემომჩივლა. მე მოგხუცდი და ნა-
თელას მამულს ველარ ვუვლიო. რა აქვს ჩემს დას ან საჩხუბარი, ან

გასაყოფი, რომ ჩემი არა უნდა-ჩაო. იმ ბავშვის მამულს მაინც მოუ-
როსო. იქნება გული მაზედ აკლია, რომ ვითომც მამჩვენს რალაც
ანდერძი დარჩენოდეს. აშოროს ღმერთმა, არაფერი ანდერძი იმას აო
დაუტოვებია-ჩაო. მაგრამ გაღმა სერზე რომ საყანე მაქვს, თუ უნდა —
იიროთვასო. განა ღირდაო იმის გულისთვის, რომ საწყალი გლებები
ოთარს დაახოცვინაო?.. მეც, ჩემო ძვირფასო მულო, ძალიან ვთხოვ.
რომ გადმოხვიდე და რძალ-მულის სიყვარულით მოგვიკითხო. შენი
მოყვარული რძალი მზეხათუნ“.

ამ წიგნმა ძალიან საღაიათი მისცა მის გამქისებულს გულს.
წიგნს რომ კითხულობდა, გული აუჩვილდა და ორი კურცხალი ბა-
რათზე გადმოაგდო... უცბათ დაკეცა წიგნი, თვალები ამოიწმინდა, რომ
იმ კაცს არა შეენიშნა-ჩა, მერე წიგნის მომტანს დაუწყო შეპატიუება:
„შვილო, დაღალული იქნები. ღვინის დასალევს მოგართმევო“. რო-
საფის ნაყმევეა თავი გაიქნია უარის სათქმელად, მაგრამ ასმათი მაინც
არ მოეშვა, ღვინო დააღვეინა. შემდეგ ბოდიშით გაისტუმრა: „უკაც-
რავათ ვარ, ჩემს რძალს ახლა წიგნს ვერ ვსწერ, რადგან საწერ-კალამი
არ დამესწრო; დედა-შვილობას. ჩემი რძალი მზეხა სიყვარულით მო-
მიკითხე. ასე უთხარი, ძალიან მადლობელი ვიქნები, თუ მნახავო-
თქო. მე, შვილო, ფეხებში ვარ დახუთული, სიარული არ შემიძლია.
არც ცხენზე ჯდომა... ამ დროს ასმათმა ხელი იტაცა ფერდებზე და
დაიწყო კრუსუნი: „ვაი, ვაი, კვლები, კვლები აღარ მაძლევენ მოს-
ვენებას. თავის ტკივილისაგან წელიც ველარ ამიტანია“. როცა რო-
საფის ნაყმევი გაისტუმრა, მერე-კი სხვა პანგზე შესცვალა ლაპარაკი:
„ვერ უყურებ ჩემს რძალს, როგორ თავს გასვლია? ჩემთან არ უკად-
რებია მომბრძანება. პირველად მე უნდა ვეახლო! მანამდის არ ადგა
ნისი გვერდები! თუ შერიგება უნდა, თვითონ იკადროს მობრძანება.
მისი დაბადება მახსოვს. რომ კიდევ მაზე უფროსი არ ვიყო, ის მამი-
ჩემის ოჯახში მოთრეულია და მე მკვიდრი ოჯახის ასული ვარ... ჯერ
დაიცადეთ!... შენ-კი არა, შენ ქმარსაც დავამუხლისთავებ, თუ ჩემი
ნათელა კარგად მეყოლა. ერთი გავათხოვო, მერე მე ვიცი. ამოვიყრო
ფქვენს გულის ჯავრს. არ შევიარჩინებ ჩემს სიძეს ობლის მამულის
კვრებას... დიდი რამე ყოფილა წლითი-წლობამდე თუ ერთი ჩითის
ან მირიზონის კაბა შეუტერა ჩემს ნათელას, ან მე თუ ერთი თავშალი
მომიგდო!.. ობლის მამულს წელიწადში ასი თუმანი აქვს შემოსავალი.
ამაებს სულ როსათი იყრის ჯიბაში. არ შეარგოს ნათესაობის
გამჩენმა!“

ამ ლაპარაკში თან-და-თან უფრო გაანჩხლდა. ბოლოს, თითქოს
რალაც რეტი დაესხა თავზეო, მიწვა ტახტზე და ერთხანს ასე იყო გა-
ლურსული. მერე წამოჯდა და დაიწყო ისევ აღშფოთებით ძველი ამ-

ბების მოგონება: „რა საარაკო ამბავი მოხდა!.. უბედური გლეხები რა ტყუილათ დაიხოცენ! რა არ მოვიქმედე!.. სახლი არ დავაწვევინე როსათისა? ყუთი არ გავატეხინე?.. ნეტა სად გადიმალა? მიწამ ჩაყლაპა თუ ზღვამ ჩანთქა ის ანდერძი, ის ჩემი დედის ნაქონი გულის-ქინძის-თავი?.. ცოცხლათ დატანჯვის ღირსი ვარ! სხვას ვინ ჩივის, ნეტა საწყალს ოთარს არა გაუჭირდეს-რა!.. სულ იმ ანდერძის პოვნაში იყო დაფუძნებული მისი გამართლება!.. ახლა რალა ეშველება? მაგრამ იმასაც ნუ მოუშალოს ღმერთმა ყოველივე სიკვამლე! რაც მე იმაზე და მის ცოლ-შვილზე ამავი და ხარკი გავწიე, ჩემ საკუთარ ოჯახზე არ განიწვევია იმდენი. ამას შემართლებოდა? დამკრა ფეხი და აღარ გაიარა ჩემ ნიადაგზე. მაგრამ რა?.. „კარგისათვის კარგი ვის უქმნია, გველო, გველო. წაუჭირე კისერშიო...“ მაინც შენი სისხლი და ხორცი სულ სხვა არის. შენსას მაინც, რაც უნდა გულ-გატეხილი იყოს შენზე. მაინც უფრო ებრალები. აი. თუნდა ახლა მზებხას წიგნი. რა მოეპრიანა? მე როსათისათვის მიზეზი არა მიმიცია-რა, მაგრამ ბოლოს ერთი დედამის სისხლმა და ხორცმა მაინც იგრძნო... ძალიან მიამება ჩემი რძლის ნახვა, თუ-კი იკადრა პირველათ მობრძანება; მაშინ სწორეთ დავრწმუნდები, რომ ისინი გულ-მართლათ მექცევიან... მაგრამ ვინ იცის? იქნება ეს რამე ახალი თილისმოზა იყოს ჩემის ძმის როსათის მხრით.. ეპ. რაც უნდა იყოს მაინც ძალიან მენატრება მისი ოჯახის ნახვა“.

ამ ფიქრებს შემდეგ თითქო ასმათს რალაც გული აუშსუბუქდა, ადგა, აივანზე გამოვიდა და შეხედა, რომ ოდის დერეფანს სახურავი ჩამოქცეოდა. მერე ნახევრათ თავ-გადახდილს ბოსელს გადააელო თვალი. მის მოშორებით ქისკრის ბოძები მიღმევილ მოღმევილი იყო, ცალი კარი ჩამოვარდნილი მიწაზე ეგდო; ბოსტანში თხები წიწკნიდენ ნიახურისა და შარშანდლის ხანვის ფოთლებს; დაცარიელებულის სასიმიინდის კედლებში ქარი ზუზუნებდა, დამარცვლულს სიმიინდის კაკლებს ქათმები ჰკენკაედენ. „ეაი, როგორ გაძალღობით გავატარე ჩემი წუთი-სოფელი! — ამიოხრა ასმათმა: — მუდამ სასამართლოებში თრევას ამ დაქცეული ოჯახისათვის მომიგლო. სახლები შემეკეთებინა, ეზო შემომეღობა. ის არ სჯობდა?.. ჩემს ბოსტანში დღეს პრასის თავსაც ველარ ვშოულობ!“

X

ასმათი სამზარეულოში ჩავიდა, გამდელს უთხრა. ნათელას და საბანი წყალი გაეთხო, არ მინდა, რომ ჩემმა რძალა იფიქროს, ყმაწვილი სუფთად არა ჰყავს შენახულიო. ძარში ერთი ბურეაკი ჰყავდა დამწვედელი. რომელიც წინა დღეს ყანაში დაეკირათ.

— მაგ ბურვას კარგათ აქამე, ხვალ კვირაა, იქნება სტუმარ-მოგვივიდეს ვინმე. დასაკლავათ დაგვკვირდება.

შემდეგ ხელოსანი მოიხმო და უთხრა:

— დიდ ნიგოზს ქვეშ რომ ოცდაათიანი ქვევრია. კრახუნის ცეინით გავსებული, მოხადე, ნახე, ხომ არ გადაბრუნებულა. ხვალ სტუმრებს მოველი, არ შემარცხინო. თუ წამხდარი გამოდგა, ისევ ნეზობლებში ვისესხებ ორიოდ კოკას რთვლამდისა. პურიც არა ვაქვს გაკეთებული. სადილს უკან გამდელს მოეხმარე. დააკვრევინე ჯური და გაარეცხინე წყაროზე. სალამოდის მზეზე გაშრება. მერე ჩვენ მეთხეს გაატანე კოდის წისქვილზე. ამაღამ დააფქვევინოს და ხვალ დილით უთენიათ ამოიტანოს. ეგ, უნამუსო, ტანისამოსის ფასად არ ღირს. გუშინ წინ თხები წარა-მარა გაეშვა, თვითონ. მთელი დღე სადღაც ღრეში გდებულებო, ძირულის პირად სძინებოდა. თხები აქ ამოცვინდენ, პრასი და ნიახური სულ გადახრეს. უმისოთაც არ გვქონდა ხეირიანი ბოსტანი და ახლა, როგორც ჩემ ხელის გულზე არა არის-რა, ისე ჩემს ბოსტანში. — ამ ლაპარაკში რომ იყო, გაიხელა ჭიშკრისაკენ და დაინახა, რომ ნათელა ზუზუნით მოდიოდა.

— ნათელა, რა ამბავია? ვინ აგატირა, მოგიკვდა მამიდაშენი! ნათელამ კიდევ უფრო უმატა ხმა მამიდის მოფერებაზე.

— ვინ დაგიკაწრა ეგ სახე? წარბთან რა არის ეგ გაკრილი?

ნათელამ ტირილით უამბო მამიდას ყოველიფერი. თურმე ოთარის ქალ-ვაჟთან თამაშობდა. ყმაწვილებს მოენდომებინათ, ნაურ-მალში რომ წყალი მიდიოდა, იმაზე პაწია ბორბლის აბრუნება. ოთარის ვაჟს ეშოვნა კორჩიოტას ძირი და ზედ ფრთებს ასხამდა. ნათელა იქ იყო და ყურადღებით დაჩერებოდა. ამ დროს ოთარის ვაჟს აექნია დანა, დანის წვერი უცაბედად წარბსა და წარბს შუა მოხვედროდა ნათელას და სისხლი გამოდენოდა.

— შეილო, რამდენჯერ დამიშლია შენთვის, იმ არა-წმინდებს ნუ გაეკარები-მეთქი! აბა, რა კარგები იქნებიან ოთარის შვილები, თვითონ ქურდი და ავაზაკია! ახლა ბიკოლა შენი რომ მოვიდეს და აგრე განახოს. რას იტყვის? — ბაეში დაუსახიჩრებია მამიდასო, ყურს არ უგდებსო. შენმა გაზდამ. სულ შენ ფიქრში ვარ, მაგრამ რა ვქნა? შეილო? ვეღარ დაგამაგრე. მთელი დღე გარეთ დარბიხარ. სად ხარ და სად არა, კაცმა არ იცის. როგორ იქნება? ორ წელიწადს იქით გასთხოვარი შეიქნები. აწ შენ სულ შინ უნდა იჯდე, გარეშე კაცს აღარ უნდა ეჩვენო. აგრე-კი არას იტყვიან, სახელი გაგიტყდება. დღეს რომ წინდის ჩხირები და დართული ლაზლის გვრიკა მოგეცი. რა უყავი? აკი წინდის ქსოვა დაგაწყებინე?.. ერთი თითის დადებაც არ მოგექსოვა, ისე მალე მოგწყენოდა. გვრიკა და წინდის საქსოვი ლო-

გინზე დაგეყარა, შენ-კი გამჭრალეყავი. — ასმათმა თავის ხელით დაბანა პირი, სისხლის ლაქები მოაცილა. გაკრილზე აბლაბუდას ქსელი დაადვა და შუბლი შეუკრა. მერე დედა-შვილურის სიყვარულით გაჰკოცნა, დასვა სავარძელზე, ხელში მისცა ბეჭი და ბატის ფრთა.

— აბა, შვილო. შენი ტოლი ქალები ტფილისსა და ქუთაისს დღეს რუსულსა და ფრანციულს კითხულობენ, შენ-კი ნ — დინაც (ნარამდის) წერას ვერ მიჩვევიხარ.

— ვერ მივეჩვიე, მამიდა. და მე რა ვუყო. ბეჭზე არ მეხერხება. ქალალდი რომ იყოს, ის სულ სხვა არის.

— შვილო. სანამდის ისწავლიდე, მასე უნდა სწერო. ბეჭზე რამდენიც უნდა სწერო მაინც გადირეცხება. როცა ანბანების წერას მიეჩვევი, ამოსალებს დაიწყებ, აი, მაშინ გიყიდი ქალალდს და საყერ-კალამსაც მოგიტანინებ. ცალკე პაწია საკუჭნაო ყუთს გავაკეთებინებ შენთვის, რომ შენი ხელ-საწყო სულ იმაში გქონდეს.

— როდის მიყიდი, მამიდა?

— როცა ანბანების წერას დაისწავლი.

აბა. კარგი, ვეცდები. მალე გავათავო.

— მეც მალე გიყიდი მამიდაშვილობამ!

ნათელამ ბეჭი უცბად განზე გააგდო და ჩაეკრა გულში ასმათს. მერე აიღო ისევ ბეჭი, ბატის ფრთა და მიუბრუნდა გულმოდგინეთ ქართული ასოების ჯღაბნას.

რვა წლის რომ გახდა: მამიდამ ქალალდის ნაწიბურზე დაუწერა ანბანი და მისცა ხელში დასაზეპირებლათ. სანამდის ამ ანბანს წერა ანბანი და მისცა ხელში დასაზეპირებლათ. სანამდის ამ ანბანს მ — მდის ჩაათავებდა, ნახევარი წელი მოანდომა. შემდეგ ისეთი ბარათები ამოურჩია, რომ გარკვევით იყვნენ ნაწერნი, ასო,ასოზე არ იყო გადაბმული. ამისთანა ბარათებს რომ მარცვლა-მარცვლათ დაასწავლიდა, მერე ისევ ბარათებს მისცემდა ხელში, საცა ასოები ათასნაირათ იყო ერთმანეთზე გადაბმული და გადახლართული. ამისთანა სწავლებამ გასტანა წელიწად-ნახევარი. მე რე ამოსალები დააწყებინა და ზემოთ ნახსენები ძროხის ბეჭიც მისცა ხელში საწერათ. ნათელამ წერა-კითხვა კიდევ დაისწავლა და კიდევ შეიქმნა ათის წლისა, მეთერთმეტეში გადამდგარი იყო. ამის შემდეგ ახალ მოსულს წერილებს სულ ნათელას აკითხებდა: „შვილო, მოდი ერთი ეს წერილი წამიკითხე; მე ვეღარ ვკითხულობ, თვალს დამაკლდაო.“

ბავშვის სისუფთავეზე ასმათს სულ თავისებური შეხედულება ჰქონდა.

„ბავშვს თვეში ერთხელ უნდა დაბანო მიწით თავი, ორ თვეში ერთხელ — ტანი. ხშირად ბანა ტანს გაუნაზებს და დაავადყოფებსო“ მამიდა თავის ძმისწულს ორ კვირაში ერთხელ გამოუცვლიდა საცვალს. თუ პატივსაცემი სტუმარი არ მოუვიდოდა, ნათელას ფეხს არ ჩააცვამდა. თვით ბავშვიც ვერ ჰგუობდა ფეხსაცმელს. თოვლსა და ყინვაშიაც ბევრჯერ უნახავთ ნათელა, რომ ფეხ ტიტველა გარბოდა მეზობლისას. მაგრამ საკვირველი იყო. სხვისას რომ ნათელას კანფეტები ექამა და მამიდას ცივი ქადის ნატეხიც ვერ ეშოვნა, მაინც ამასთან ურჩენოდა. ერთი გულ-მკერდში მამიდას ჩაკერა სულ ერჩია მთელს დედამიწას.

შაფათი ღამე იყო. ასმათმა დაბანა, დაგვრიტნა ნათელა და აღრიანათ შეახვია ლოგინში: „დაიძინე, შვილო, ხეალ ბიცოლას გამოგზავნილს კაბას ჩაგაცმევ, ჩემ ბალდათს მოგახვევ და, სააღდგომოთ რომ წითელი ჩუსტები გიყიდე. იმაში გაპრაკუნებ. არ იცი, შვილო. ხეალ დილით, როცა „მამაო ჩვენოს“ და „ღირს არს ჰემშარიტად“ ილოცავ, შერე რა მოგერთმევა? მშვენიერი გოქის შემწვარი ღვიძლი. ნათელა ალტაცებაში მოვიდა ამ ამბით, ერთხელ კიდევ ჩაუკოცნა მამიდას გულ-მკერდი ამ სიტყვებით: „ჩემი კარგი მამიდა, ჩემი!“ ვადაბრუნდა ლოგინში და უცებ მიიძინა.

XI.

კვირა დილა გათენდა. ასმათი აღრიანათ წამოდგა. იმ დღეს წირვაზე ემზადებოდა და ნათელაც უნდოდა თან წაეყვანა. ჩააცვა წითელი კაბა, ქრელი ღანზლის წინდები, ზედ ახალი ნაყიდი ჩუსტები მოარგო და თავზე თეთრი საბიანი ბალდადი მოახვია. „მაგრამ ენ იცის, იქნება ამ დილას ჩემი რძალიც გაჩნდესო, — ფიქრობდა გულში და რალაც სიამოვნებით იცქირებოდა ჰისკრისკენ, — სისხლმა და ხორცმა თავის ალღო აიღო, გულმა იფეთქა დაკარგული გულსთვის.“

— „არაო, — ეუბნებოდა ასმათს მეორე გული: — როსაფს ერე ადვილათ ნათესაობრივი გრძნობა ვერ მოდრეკს. რომ კიდევ სურვილი ჰქონოდა ჩემს რძალს ჩემი ნახვისა, განა ჩემი კერპი ძვაკი გამოუშვებდა. მეც რაებს ფიქრობ! სულ გაეყმაწვილდი ამ სიბერის დროს“. ასმათი თუმცა ამისთანა მოსაზრებაში იყო გართული, მაგრამ თვალი მაინც ჰისკრისკენ ექირა. ხან ადგებოდა, ეზოში მიივლ-მოივლიდა, ხან გამდელს რასმეს უშარებდა. ერთი სიტყვითა, ყოველნაირს მიზეზს ეძებდა, რომ შეეგვიანებია წირვაზე წასვლა. ნათელას სულ სხვა დარდი აწვა გულზე.

— მამიდა. წირვაზე წასვლა დაგვიანდა! — იმას უნდოდა საჩქაროთ საყდარზე გასულიყო და ტოლ-ამხანაგებისათვის ერეგნებინა თავისი ლამაზი მორთულობა.

— რა გეჩქარება, შვილო. ჯერ არ დაურეკიათ.

— როგორ არა, ბარე ორჯერაც დარეკეს.

— ცოტა კიდო მოვიცადოთ, შვილო, საქმე მაქვს.

— უჰ, ამდენი მოცდაც არ გამოიგონია! თუ წირვა გამოვა, რე რაღა გვინდა საყდარზე!

ამ დროს კიშკარში შეროვიდა სამი ცხენოსანი: ერთი ქალი და ორი კაცი, მისი ხლებელი.

— ნეტა თუ მართლა ეს ჩემი რძალია — გაივლო გულში ასმათმა და აჩქარებით გასწია ოდისკენ.

— ნათელა, სტუმრეთა ზოდინან, იქნება ბიცოლა-შენიც იყოს. საყდარზე ვეღარ წავალთ.

— არა, მამიდა, მე მაინც წავალ და მაინც...

ამ დროს მისი რძალი ორი ცხენოსანიანა კიბეს მოადგა.

ასმათი სინარულისაგან გაფოცდა. ბიჭს უყვირა, ცხენები ჩამოართვიო. თვითონ ჩამოეგება კიბეზე, რძალს გადაეხვია და გადაჰკოცნა.

— მობძანდი, გენაცვალე, ეს რა კარგი დღე გამოითენდა? ამდენის ხნის თქვენს უნახავს რა სული შემრჩა, როგორ გაეძვლი ამ ჩემს მინგრეულ-მონგრეულს ქოხში! მობძანდი, ჩემო რძალო, აგერ საყარძელზე დაბრძანდი.

ნათელა იქვე იდგა, წირვაზე წასასვლელად გამოწყობილი.

— უი, ამას ვის ვხედავ! — გაიოცა მზეხათუნმა, როცა შეხედა ნათელას, რომელსაც დიდ-ძალი ტანი აეყარა მას აქეთ, რაც მზეხათუნს არ ენახა. თვალ-წყაზარი ნათელა ახალ ტანისამოსში სასიამოვნო შესახედავი იყო. მის რგვალ პირს მშვენივრად უხდებოდა შუბლზე დაყრილი წაბლის ფერი ხუჭუჭი თმა.

— ჩემი ლამაზი გოგონა, როგორ გაზდილა! გამოგოგმანებულა, ავი თვალით არ ინახება. ჯვარი დაგწერა ბიცოლა-შენმა! — თან აღერსიანს სიტყვებს ეუბნებოდა, თან იხუტებდა და ჰკოცნიდა.

— აბა, გენაცვალე. გადექი განზე, ერთი კიდეე შემოგხედო.

ნათელა ადგა, მორცხვობით თვალები ძირს დახარა და ისე გაიარა.

— გასათხოვარი შექნილა, ჩემი გოგონა! ვინ იქნება იმისთანა ახალგაზდა, რომ შენ საცოლოდ დაგიწუნოს! — ამ სიტყვებით მზეხათუნმა თვალები გააპარა იმის ხლებულის ახალგაზდა კაცისკენ. იმან თითქოს იგრძნოეო მზეხათუნის გულის-პასუხი, სახე განზე წაიღო და თვალები მოარიდა. ის იყო ოც-და-ხუთის წლის მოხდენილი

ვაჟაკი. შავი წვერი მის თეთრ-ყირმიზს სახეს არშისასავით ჰქონდა შემოვლებული და შავი კოკობი უღვაშები ლამაზად უხდებოდა.

ნათელა უცებ მივიარდა მამიდას და ჩუმად უსაყვედურა.

— წირვა კიდევ გამოვა აწ, როდის უნდა წავიდეთ?

— რა დროს წასვლაა, გენაცვალე, ბიცოლა მოგივიდა!

— არა, არა, — იუარა ნათელამ წარბების შექმუხვით: — უნდა წავიდე წირვაზე, უნდა წავიდე!..

— ნათელა, შენ ხომ არ იცი, მე რა გაპრიალებული პოლსაპოჟეები მოგიტანე, მალალ ქუსლებიანი? — უთხრა მზენხათუნმა. — ივანე! — მიუბრუნდა მოურავს, რომელსაც ცხენები ეჭირა: — ფუთა ანომილე ხვირჯინიდან და აქ მომიტანე!

— უი, ჩემს თვალებს! — დაიძახა ასმათმა. — ჩვენი ივანე-კი ველარ ვიცანი! როგორ ხარ, ჩემო ივანე, ან შენი ცოლ-შვილი რას იქს?..

— ღმერთმა თქვენი სიცოცხლე ნუ მომაკლოს! კარგათ გახლავართ. დაგვიძვირდით, ქალბატონო. რამდენი ხანია, მამის თქვენის ოჯახში არ მობძანებულხართ. როგორ გეკადრებათ ოჯახის დავიწყება.

— ალბათ ჩემს ძმას არ ნებავდა.

— მაგას როგორ ბძანებ, ქალბატონო? როსაფი ნუ მომიკვდება. ბევრჯელ უთქვამს, ნეტა რა დავუშავე ჩემს დას, რომ აღარ გამიტანაო?

— ბევრი, ჩემო ივანე, ბევრი, თორემ შენც კარგათ გეცოდინება...

— უკაცრავათ, ჩემო ბატონო! — მიუბრუნდა ასმათი იმ ახალგაზდას, რომელიც აქამდის ფეხზე იდგა და ნათელას ჩუმ-ჩუმად თვალებს ესროდა: — ისე გამახარა ჩემი რძლის ნახვამ, რომ გონება ველარ მოვიკრიფე. დაბძანდით, შენი ჭირიმე, ამ სკამზე.

— არა მიშავს-რა, ბატონო! — თავდაბლათ მიუგო ვაჟაკმა, ჩამოართვა სკამი ასმათს და დაჯდა.

— ჩემო მულო, იქნება არ იცნობ ჩემს ძმისწულს ილიკოს?

— აბა, სად გავიცნობდი, გენაცვალე! — უპასუხა ასმათმა.

ამ დროს მზენხათუნმა ამოიღო ფუთიდან აპრიალებული მალალ-ქუსლებიანი პოლსაპოჟეები, ჩააცვა ნათელას და უთხრა:

— გაიარე, გენაცვალე, ხომ არ გიჭერს?..

ნათელა კიდევ უფრო მაღალი გამოჩნდა.

ის სიხარულისაგან იღიმებოდა.

— ახლა ეს კურტკაც ჩაიცვი, ეგენი ბიძა შენმა მოგიტანა, გენაცვალე, ქუთაისიდან.

ასმათი სულ აკელოპინდა.

— შენ შემოგველოს მამიდა-შენი, როგორ კარგათ გიხლება ყოველიფერი!..

ამ საზოგადო მხიარულობაში ილიკოც დიდ მონაწილეობას იღებდა, თუმცა ძალიან ცდილობდა, სიამოვნება სახეზე არ დაემჩნია. მზებნათუნმა შეატყო, თუ რა ვერცხლის წყალი დაკრთოდა ილიკოს სახეს, და თვითონაც სიხარული გააორკეცა.

ნათელას აწ კიდევ უფრო მოუნდა ტოლ-ამხანაგებში გაფრიალება და ჩასჩურჩულებდა მამიდას, წირვაზე გამიშვიო.

— გაუშვი, ჩემო მულო, — სთხოვა მზებნათუნმა: — ჩემ ცხენზე შეესვათ და ილიკო ვაახლოთ.

— დიდი სიამოვნებით! — დაატანა ილიკომ.

ნათელა აიბუზა, მოხვია მამიდას კისერზე ხელები და ჩასჩურჩულა:

— არ მინდა იმასთან წასვლა.

მზებნათუნი მიუხვდა.

— რატომ არ გინდა. გენაცვალე? ილიკო შენი ძმა არის. რისი გეკრძალება? საყდარზე უფრო მალე მიხვალთ. ფეხით რომ წახვიდე, ველარცკი ჰიუსწრებ წირვას.

ამ უკანასკნელმა საბუთმა ნათელას უარობას ლოჯი მოსტეხა. იმ წუთას ის თუნდ კაცის მკამელსაც გაჰყვებოდა, ოღონდ წირვაზე მიესწრო და ტოლ-ამხანაგებში თავი მოეწონებინა.

ასმათმა რომ დაინახა ნათელა ცხენზე შემგდარი და იმის გვერდით ახალგაზდა ვაჟი, სიხარულისაგან ტაშის ცემა მორთო: „როგორ მოუხდა ცხენზე ჯდომა, სულ გასათხოვარს ქალს დაემზავსა!“ მერე გულში გაივლო: „ქართლს უნდა ვაფრინო კაცი, ბარემც საქმე გაათავონო.“ ასმათი რომ ამ ოცნებაში იყო გართული, მზებნას ფიქრები ნათელას შესახებ სულ სხვა ნიავს მიჰქონდა. იმას თვალ-წინ გაუცოცხლდა ილიკოსა და ნათელას ცოლ-ქმრობა.

XII.

ერთი თვე გავიდა. რძალ მუღი და წაკიდებული და-ძმა ძალიან დამეგობრდნენ. ორ დღესაც არ გაუშვებდნენ, რომ ერთმანეთის ამზავი არ ეკითხათ, ან ერთმანეთისას არ ყოფილიყვნენ. ასმათს მართლაც დაუბრუნეს ძირულას გაღმა რომ ყანა იყო. თვითონ როსაფი ხშირად ჰკითხავდა ხოლმე რჩევას თავის დას სააპეკუნო საქმეებზე. ერთი ორი სააპეკუნო გლეხი, თვით ასმათის მეზობლათ რომელიც ესახლენ, მას მიუჩინა. „რადგან ნათელა შენთან არისო, — უთხრა

როსაფხა: — სჯობია ის გლესები შენ დაიჭირო ხელში და, როგორც ვინდა, ისე მოიხმარო.“ ამისთანა მოქმედების გამო ასმათმა გული დაანდო როსაფხს. ნათელაც ძალიან დაუშეგობრდა როსაფხის ქალს. რომელიც მისი ხნის იყო. როცა ასმათი და ნათელა როსაფხისას გავიდოდნენ ხოლმე, ყმაწვილები სულ ერთად იყვნენ, ერთად სწავლობდნენ, ერთად ქსოვდნენ, ერთად კერავდნენ და მეზობლებშიაც ერთად დაიარებოდნენ. მზებათუნი მუდამ თვალეებში შესცქეროდა ნათელას და მის სიტყვას მიწაზე არ დააგდებდა. ეს მეოთხე წვევა იყო ასმათისა და ნათელას როსაფხისას. მზებამ ახალი საკაბე დაუქრა ნათელას და თან დაატანა: „ეს საკაბე ნათელამ და ჩემმა ქალმა ერთად უნდა გააწყონო.“ ნათელას ძალიან მოეწონა ეს ორისი ფერი კაბისა და საკუთარი ხელით თავის კაბის შეკერვა მეტად იასა, რადგან პირველი შემთხვევა იყო.

— მაგდენს ხანს სად მოკვდი? — დაატანა ასმათმა. — ამ საღამოს ისევ შინ უნდა დავბრუნდეთ, ხომ ნათელა?...

— მე კაბის შეკერვა მინდა! — უპასუხა ნათელამ.

— მე რომ წაიღო, მერე შენ უჩემოდ დარჩები აქ?

— ბეჩა, რა იქნება მერე, ორი დღე რომ თავის ბიძისას დარჩეს? კაბას შეიკერავს და მერე მე თვითონ ჩამოგიყვან.

ასმათს, ცოტა არ იყოს, გულზე ეკლათ ეჩხვლიტა ეს ამბავი. იმას არ იამა, რომ ნათელა შინისაკენ აღარ იწვედა.

— შენმა სიცოცხლემ, ასმათო. ისე მოვეუვლი. აი, იმ ჩემს შეილზე უკეთ. თვალ-წინ არ მოვიცილებ: ღამით ჩემთან დავიწვენ. ფიქრი ნუ გაქვს ნათელასი, ისე გეგულებოდეს, როგორც შენ თავთან.

— ნათელა, არ წამოხვალ? — განუმეორა ასმათმა. ამ დროს თვითონ როსაფხის ქალი გადაეხვია ქვრივს:

— ჩემო მამიდა, დაანარჩუნე ნათელა ორი-სამი დღე ჩვენთან; ერთად ვისწავლით ქრა-კერვას. ამ ახალი კაბით გამოვაწყობთ და მერე ერთად გეწვევით.

— კარგი, გენაცვალე, იყოს. მერე მოეხვია ნათელას და დაღწყო გაშმაგებულმა კოცნა, თითქოს საუკუნოთ ეთხოვებოდა, თვალეებში ცრემლი მოერია და ერთი კურცხალი ნათელას ლოყაზედაც დაადინა. ძმისწულიც თანაბრათ ჰკოცნიდა მამიდას და თან ანუგეშებდა:

— ჩემი ჯავრი ნუ გაქვს, მალე წამოვალ.

ასმათი წავიდა შინ მარტოდ-მარტო. მაგრამ ნათელას ჯავრი მაინც გულში ნალვლათ ჩაიყოლა. გზაზე რალაც გამოუჩვეველი ზაფხრა დააწვა გულზე.

— ჰე, დასწყევლოს ღმერთმა ჩვენი გაჩენის დღე! — წამოიძახა ბოლოს ასმათმა, როცა თავის ეზოში შემოდგა ფეხი: — არათერი

მკვიდრი ამ სოფლათ არ არის. ვინ იცის. იქნებ. ნათელას აწ სულაც დაევეიწყდე. ჩიტის ბახალაც ასეა. ფრთებს რომ შეისხამს. ბუდიდან გადაფრინდება და მწვანე ტყეში შეიმალება. მე რე ბუდისკენ პირს ვე-
ლარ აქნევინებ.

XIII.

ასმათმა ნათელა რამდენჯერმე მოიკითხა, მაგრამ სხვა-და-სხვა მიზეზები მოუდევს. ყმაწვილი არ გაუგზავნეს. ერთ საღამოს ასმათი საჯალაბო სახლში კერას მიფიცებოდა და მოწყენილი იყო, ამ დროს ერთმა ოთარის ამხანაგმა აზნაურმა ფეხი შემოდგა საჯალაბო სახლ-
ში. ასმათს ძალიან იამა მისი დანახვა.

— უი, შენ გაგახარა ღმერთმა. როგორც მე შენი მოსვლა მიამა!
რასა. იქ, საიდან მოდიხარ?.. რა ღმერთი გაგიწყრათ. რომ ჩემს ნიადა-
გზე აღარ გაიჭაქანეთ. მოგძულდათ განა ქვრივ-ოხერი?

— ღმერთს ნუ შეძულდი. ასმათ, შენ ჩვენ არ გეძულდე. ზაგ-
რამ ხომ იცი, ჩვენი გვარის კაცის ამბავი. ხან აქეთ კლდეს უნდა ვე-
ცეთ, ხან იქით, რომ მშვიერი მგლებივით რასმე წაეაწყდეთ. შინ რა
შავი ქვა ვაკეთოთ? აქ არც არა გვიცხელდება-რა, არც არა გვიცივლე-
ბა-რა. — ის დაჯდა სკამზე არხეინად და ჰკითხა ასმათს. — ახალი ამ-
ბავი არა გაგიგონია რა?

— როგორ, რა? — შეუტია ასმათმა: — მე რას გავიგონებდი.
მუდამ შინ ვგდივარ. უნათელოთ თავი მკვდარი მგონია. ვუთელი
და არ მიგზავნიან. მიინდა. ხეალ წავიდე და წამოვიყვანო.

— გვიანლაა, შენ იმას აღარავინ დაგანებებს.

— როგორ თუ არავინ დამანებებს?

— ათხოვებენ.

— უი ჩემს თავს!..

— უი არა მაქვს მე... დღეის სწორს აქეთ ხადილი. — ასმათმა
ერთი ასეთი იტკვლიცა, რომ გეგონებოდათ, ყბა მოექცაო.

— ვის აძლევენ?

— მზეხას ძმისწულს, ილიკოს.

— ის დღე რატომ ბნელად არ მექცა. ჩემი ნათელა რომ მე იმას
საყდარში გავატანე. თუ ამის გულისთვის გამეგენ. ფეხქვეშ ის არა-
წმინდები!... არიქა. დედა-შვილობას, ახლავე გაფრინდი, ჩემი ოთარი
მომგვარე! აწ შე ვიცი. რასაც ვიზამ.

ასმათი გალომდა, მისი თვალეები ბუდიდან ამოვარდნას აპო-
რებდენ. ის აზნაური მაშინვე გამოვარდა გარეთ და გაიქცა ოთარის
მოსაყვანათ.

— როსაფის წინ უნდა დავიკლა დანით ჩემი თავი. უმალ ამ ჩემი სისხლით შევღებავ მის წვერებს, სანამდის ის ნათელას გამითხოვებდეს! — ქადაგებდა ასმათი თავისთვის. იმან ოდასა და საჯალაბო სახლს შუა დაიწყო რბენა... ძუ ლომს რომ ლეკვს მოპარვენ, იმასაც ასე სჭირს აქეთ-იქით რბენა და უმიზნოთ ხტომა, თითქოს სურდეს მტაცებელს ვეალში ჩაუდგესო, თუ მტერი შეხვდა ამ დროს იმას წინ, ყოველსავე დაფხრეწს.

გამდელი საჩხეში საქონელს უვლიდა. ის რომ საჯალაბო სახლში შემოვიდა, ასმათი კერას გარემო დათარეშობდა. გამდელს ძალიან გაუკვირდა მისი აღელვებული ბროტიალი.

— ქალბატონო, რა ამბავია, ცუდი ხომ არა შეგიტყვიათ-რა? — ასმათი შედგა და მსხვილი თვალები დააშტერა მოხუცებულს. ასე ეგონებოდა კაცს, ნახტომი უნდა ქმნას და დაფხრიწოსო.

— ქალბატონო დამშვიდდით! ეგ რა ამბავია? — კრძალვით განუმეორა გამდელმა.

— რა დროს დამშვიდებთა, დანა რომ გულზე დამცე, წვეთი სისხლი არ გამომივია!

— ბარემც ბძანეთ. ქალბატონო, თორემ შიშისაგან ლამის გაღვირო?

— რალა რა ამბავია; ჩემი ნათელა მომტაცეს!

— ნათელა აკი როსაფთან იყო, ვინ მოიტაცებდა?

— ათხოვებენ....

— ვის აძლევენ?

— ილიკოს; ჩემი რძლის ძმისწულს!

— ისემც კარგი დაგემართოს, კარგი ახალგაზდა ის იყოს!..

— ჩუმათ, ბებრუცუნა! თავი ხომ არ მოგძულებია?..

ეს უკანასკნელი სიტყვები ისეთი კილოთი წარმოსთქვა ასმათმა, რომ გამდელს შიშისაგან ენა ჩაუვარდა. მაგრამ გულში მაინც ასე ფიქრობდა:

—...რამ გადარია ეს ქალბატონი? იმისთანა ბიჭს, ახალგაზდას, მდიდარს. კარგს ოჯახის შვილს სხვას ვის იშოვნის ნათელასთვინ?"

ჩამოვარდა სიჩუმე... ამ დროს ოთარი შემოვიდა. თან შემოჰყვა ამზანაგიც. ასმათი მივარდა ოთარს:

— მოდი, ჩემო შვილზე უტკბესო შვილო! შენ იყავი და შენ იქნები ყოველთვის ჩემი გაჭირების ტალკვესი. — ოთარი სრულებით არ ფიქრობდა ასე სიამით შეხვედრას. ის, მართალია მოდიოდა ასმათის სანახავათ, მაგრამ, ცოტა არ იყოს, კიდევ შიშობდა: რა ეუთხრა. რა პასუხი მიეცე, როგორ ვიმართლო თავიო?.. იმ ღამეს რომ შემოწ-

ყრა, მას აქეთ დედობილი საუკუნოთ დაკარგული ეგონა. ასმათის
-ლე-სიანმა სიტყვებმა ერთბაშათ მოხსნა ოთარს ზურგიდან მძი-
მე ტვირთი.

— წამოდით ჩემთან ოდაში, — წაუძღვა წინ ასმათი.

დღე და ღამე იყრებოდა. ვარსკვლავები ცაზე დაენთენ. თექვს-
შეტი წლის ქალწული ვერ აირბენდა ისე სწრაფათ, ასმათმა რომ კი-
ბის საფეხურები შეიარა. ის დადგა აივანზე ორთავეს წინ.

— ოთარ, შენზეა დღეს ჩემი სიცოცხლე დამოკიდებული. დროს
ნელარ კარგავთ. შენ ჩემი საჯდომი ცხენი შეიკაზმე. შენ, — მიუბ-
რუნდა აზნაურს: — მეორე ცხენი. დილით უთენიათ მოკვურცხლეთ
ქართლისაკენ. მიიჭერით თანდილაანთსა და უთხარით: თუ შათათს
სალამოს არ მოსულხართ და ქალი არ მოგიტაცებიათ. კვირა დილას
ქალს გაათხოვებენ-თქო. შათათს ვახშობისას ძირულის პირას უნდა
იყონ. იქიდან უნდა დაადგენ გზას. ნელ-ნელა შემოუდგენ შემოლ-
მართს ძირულის ქალებზე. მეც ჩემი ნათელათი. იმ დროს იმ გზითვე
წამოვალთ და დავეშვებით დაღმართზე. ქალს ხელში მივცემ და
წაიყვანონ. მაგრამ წინ-და-წინ პარასკევს დილას ეს ჩემთან უნდა მოი-
ქრას. — უჩვენა აზნაურზე: — ამან უნდა შემატყობინოს. მოდიან თუ
არა?.. დანარჩენი მე ვიცი. აბა წადით ახლა შინ და მამლის ყიულზე
გამოეწყვეთ.

იმ ღამეს ასმათს არ უძინია. მეორე დღეს ჩავარდა საწოლში
და პარასკევამდის ლოგინი აღარ აუღია. ასმათი თავს იტკენდა მე-
ტის-მეტად. გამდელი ქალბატონს აღარ მოცილებია. ის მალ-მალ ჩაპ-
კითხავდა. ან რა წამალი მოუხდებოდა. ან რა იამებოდა. მაგრამ
ქვრივი კრინტს არ იღებდა... მხოლოდ ხან-და-ხან ეტყოდა ქარხლის
ფოთლების მოტანას. თავის ტკივილს შეეღისო. ამ სამს დღეში მას
სამი ლუკმა პირში არ ჩაუდევს. გათენდა პარასკევი. წირვის დრომდის
აზნაურიც გაჩნდა. ასმათს გულზე ელხინა. მაშინვე წამოდგა ლოგი-
ნიდან და გამდელს უბძანა. ქათამი შეგვიწვიო. აზნაური შევიდა ას-
მათის ოთახში მხიარული სახით. ის მაშინვე მიხვდა. საქმე კარგათ
იყო. მართლაც, აზნაურმა მოუტანა ამბავი: „ოთარი და თანდილაანნი
შათათს პირველს ძილზე ძირულის სერს ამოუდგებიანო თხუთმეტი
ცხენოსნითა.“ ასმათს მეტი არა უნდოდა-რა. სახეზე გამხიარულდა.
ისინი ერთად დანაყრდენ, ღვინოც კარგათ დალიეს. ასმათს გულ-
ზე მოეშვა. ჯანზე მოვიდა. ნახევარ საათს შემდეგ ცხენზე იჯდა და
როსათისას მიემგზავრებოდა. აზნაურიც თან იახლა.

ჯერ ქიშკარშიაც არ შესულიყო, მზებხათუნმა იცნო ასმათი და ნათელას აცნობა მამიდას მოსვლა. ახალგაზდა ქალი უეცრად წამოვარდა ზეზე, და ხელ-საქნარი იქით მიადგო. ცხენიდან ჩამოხტომაკ ვერ მოასწრო ასმათმა, რომ ნათელა ყელზე ჩამოეკიდა. არც ათის წლის გაშორებული დედა-შვილი შეხვდებოდნენ ერთმანეთს ასე ალტაცებით. ნათელას მთელი თავისი სიყმაწვილე მოაგონდა ამ წუთას. მამიდას კალთაში გატარებული. „ჩემი მამიდა, ჩემი!“ უაღერსებდა ნათელა და თან ყოველ ნაწილს პირისახისას ცალკე უკოცნიდა. ასმათს სიბარულისაგან ცრემლები მოერია თვალებში.

— ნათელა, აქამდის რამ გაგაძლებინა აქ უჩემოთ? მაგას მოველოდი შენგან?

— მინდოდა წამოსვლა, მაგრამ შენგან კაცი არ მომივიდა.

— რამდენჯერ მოვეწერე მზებხას...

— მე არც ერთი წერილი არ მინახავს. ახლა წავიდეთ. გადია რას შვრება?.. ჩემი თეთრი ქოჩორა ქათმები არ დაიზარდნენ?..

— კი, გენაცვალე, ყველანი კარგათ არიან.

მამიდა-ძმისწული მხიარულათ ხელი-ხელ ჩაკიდებულნი ამოვიდნენ კიბზე. აიენაზე რძალ-მული ჩვეულებრივის სიყვარულით შეეგებნენ ერთმანეთს. ასმათი ისე გულ-ლიათ ექცეოდა თავის ძმას როსაფს და მის ცოლს. რომ მთელი დღე ერთს ძარღვსაც არ აღმოუჩინია მის პირის სახეზე. თუ რა განზრახვით მოვიდა ის თავის ძმის ოჯახში. არც ამათ შეუნიშნინებიათ-რა ქვრივისათვის. რომ მეორე დღეს ნიშნობას აპირებდნენ. ნათელა სრულებით არას გრძნობდა. ის ახლა მხოლოდ შინ წასვლის ფიქრებში იყო გართული. ისწრაფოდა მალე ენახა თავისი ნაცნობი კუთხეები. გარეოდა მეზობლის ტოლ-ამხანაგებში. დილით გადიასთან ერთად დაეძახნა „ჯურჯო!“ თავის ქოჩორა ქათმებისათვის და მერე საუზმე მიერთმია. მისი ნორჩი ყმა-წვილური გამოხატულება სულ ამისთანა სურათებს დასტრიალებდა გარს. იმ დღეს მამიდას გვერდით აღარ მოსცილებია.

არც როსაფს და არც მზებხას არაფრათ ექაშნიკა ნათელას ამ გვარი განაზება. მაგრამ ცდილობდნენ ასმათისათვის არა შეენიშნებინათ-რა. სადილის უკან ასმათმა აზნაური შინ დაითხოვა ცხენებიანა. მის ძმას ეს კიდევ იამა, ეგონა. ასმათი ნათელას წაყვანას მოინდომებდა, ეშინოდა, გაძალების დროს რაიმე უსიამოვნება არ შემთხვევოდა. თუმცა ასმათის დარჩენა სასიამოვნოთ მიიღო ცოლ-ქმარმა, მაგრამ გულში დაფარული მაინც ვერ განუცხადეს.

ამასობაში ასმათი და ნათელა დარჩენ აივანზე მარტოდ-მარტო.

— შეილო, შენ სად წევები? — ჰკითხა მამიდამ ნათელას...

— მე ბიცოლასა და ჩემ ბიძაშვილს შუა ვწევები, მარა ამბღ...
შენ გვერდით მინდა დავწვი, — უთხრა ნათელამ.

— არა, შეილო, ისევ შენ ბიცოლას გვერდით დაწვი. მე რაც გითხრა, დამიჯერე. არავისთან გაამხილო. ბიცოლა შენს როდი უნდა შენი გაშვება, თუ ჩუმად არ წაგიყვანე. ამაღამ ისევ ბიცოლასთან დაწვი და როცა ფეხზე ხელი მოგისვა, უცებ ჩამოძვერი ლოგინიდან. ბიცოლა არ გააღვიძო. ტანისამოსი რომ გაიძრო, ჩემსკენ დაალაგე. თვითონ მე ჩაგაცმევ. მერე ჩუმად გავიაროთ კარი და წავიღეთ შინსკენ.

— კარგი, მამიდა, ამაღამ სულ არ დამეძინება. ისე გამოვძვრები საბნიდან, რწყილმაც ვერ წკმითყოს.

— აგრე, შეილო.

ამ დროს კარებში გამოჩნდა მზეხათუნი. მამიდა-ძმისწულს უცებ შესწვიტეს საუბარი. მზეხას არა შეუმჩნევია-რა.

— უკაცრავათ, ჩემო მულო, რომ მარტო დაგტოვე. ოჯახის საქმეებისაგან მოკლა აღარ მაქვს. ხვალ სტუმრებს მოველი, ნათესავები მომივლენ, ხომ იცი, თუ თვითონ არ გააკეთე ყველაფერი, მოჯამაგირე არას დაგეტებს.

— განა არ ვიცი, ჩემო რძალო, — უბასუხა ასმათმა: — ახლა იმისთანა დროა, თუ მოჯამაგირეებს ნიადაგ არ მიყვებ-მოყვები, არაფერი გაკეთდება. ერთი თხის მწყემსი მოჯამაგირე მყავს და იმისმა ქაქანმა თავში ტვინი ამომართვა. ორიოდე თხა მყავდა და იმ დღეს ერთი შენი მოწონებული დედალი თხა მგელს შეაქამა თუ ვუთხარი რამე, ასე მეტყვის: ქალბატონო, თუ არ გინდებვარ, დამითხოვე. ანგარიში გამისწორე და შინ წავალო... ორი კვალი ბოსტანი მქონდა. ისიც თხებს გადააკვრებინა. შენი მოძულეებული მოვკვდე, ჩემო რძალო, თუ ახლა პრასის კვიჭი ჩემს ბარობაზედ მოიძებნებოდეს.

— ჩემი მტერი ჩავარდა მოჯამაგირეების ხელში! — დასცა დასტური მზეხათუნმა.

თუმცა ასე გულ-მარტივად სჯიდა ასმათი, მაგრამ მის ცოცხალთვალეებს მაინც არა ეპარებოდა-რა. აი, საჯალაბოს წინ შეუბნეს ბარები და ტომრებით დატვირთული ურემი გაგზავნეს წისქვილზე. აი, ერთმა კაცმა მოიყვანა უშობელი, როსათემა დაათვალიერა, შეატყო მსუქანი იყო, და უბძანა, ბოსელში დაეხათ. აი, ორი ბიჭი გამოვიდა საჯინიბოდან, ჩოხის კალთები შეიკეცეს და დაუწყეს ეზოს გვა. გამ-

დელმა ხელები დაიკაპიწა და დაუწყო გძელს ხის სუფრებს და-
დულერა.

„ქორწილს ემზადებიან,“ — გაივლო გულში ასმათმა და ჩაიჭრი-
ტინა. — სერი იქნება, სიძე რომ მოვა, დედოფალი აღარ დაუხვდება.
წაგინდა, ძმარ როსაფ, ყოველივე სიკეთე, როგორც შენ ხვალინდელი
ქორწილი წაგინდეს!

მზე ჩადიოდა, ქიშკარში ორი ცხენოსანი კაცი შემოვიდა.

— უი. ჩემი ბიძაშვილი! — წამოიძახა მხიარულებით მზეხა-
თუნმა და გასწია შესაგებებლათ.

— მამიდა, გავიქცეთ შინ, იმ კაცის დანახვა არ მინდა, — ნათე-
ლამ მაგრა მოსჰიდა ხელი ასმათს კაბაში.

— ნუ გეშინია, შვილო, ამალამ გავიპარებით.

ესენი აღბათ მექორწილენი და მაშვალნი არიან, — სთქვა
გულში ასმათმა: — უნდათ შეიტყონ, მზათ არიან ხვალისათვის თუ
არა. ითათბირეთ, მოგერთმევათ ჩემი ნათელა, როგორ არა!..

ერთი სტუმართაგანი საკვირველი მსხვილი და წარმოსადეგი
აზნაური იყო, განიერი მხარბეკით, წვერ მოპარსული, და შავათ შე-
ღებილი უღვაშები კოკობათ ჰქონდა სახეზე დაყენებული.

— უი, მამიდა, რამ სისხო კაცია!.. დევსა ჰგავს! — საიდუმლოთ
წასჩურჩულა ნათელამ ასმათს.

— ჩვენ თუ ამალამ არ გავიპარეთ, მაგ კაცს გაგატენვენ და ვინ-
ლაც დიდ წვერ-უღვაშებიანს მიგათხოვებნ. — ჩაულაპარაკა ასმა-
თმა.

ნათელა შიშისაგან აკანკალდა.

ამ დროს მსხვილი კაცი მზეხათუნთან ხელი-ხელ ჩაკიდებული
ამოვიდენ კიბეზე. მზეხას ბიძაშვილი, თავით ფეხებამდის შეიარაღე-
ბული, დარბაისლურათ მიესალმა ასმათსა. ნათელამ თავი ჩალუნა;
სუქუქი სქელი თმა სახეზე მობურღნოდა, ხელი ასმათის კაბაში ჩაე-
ლო, თითქოს შიშობდა, იმ დევმა არ მომიტაცოსო. ასმათი მხიარული
სახით გამოელაპარაკა იმ მსხვილს კაცს, ის-კი მისჩერებოდა ნათე-
ლას, უნდოდა მისი სახე დაენახა. ნათელამ თითქო იგრძნოვო მსხვი-
ლი კაცის განზრახვა, კიდევე უფრო ჩაქინდრა ძირსთავი.

— ნათელა, როგორ დაირცხვინე? აილე ზევით თავი, ბავში-კი
აღარა ხარ. თორმეტი წლის გასათხოვარი ქალი ხარ. შენი ბიციოლა
ზომ გიყვარდა, რატომ აღარ მეკარები? მამიდა მოგივიდა და მილალა-
ტე განა?.. — მოუაღერსა მზეხათუნმა. ის მივიდა, ნათელას შუბლზე
აკოცა, უნდოდა თავისკენ წაეყვანა, მაგრამ ქალი მამიდას კაბას მაგრა
ჩაფრენოდა.

— დარცხვენილია უცხო კაცთან, — მოუბოდიშა ასმათმა. — ნათელა, როგორ სოფლის გოგოსავით ირჯები, რას ჩაგილუნაეს თან? — ვითომ წყრომით უთხრა ასმათმა. მერე წამოდგა და ოთახში შევიდა. ნათელაც თან გაჰყვა.

მსახამ სიცილით უთხრა ბიძაშვილს:

— ჯერ არა გვითქვამს—რა ნათელასთვის, არც ასმათისათვის გაგვიძნელია. მაგრამ, ვინ იცის. იქნებ იციან. ჩვენ დროს რომ თექვსმეტის წლისას ესმოდა, ახლა აკენის ბავშს ესმის იმდენი.

— ისე დარცხვენილია, რომ სწორეთ 'მეტყობილი უნდა ქონდეს ნათელას, — დაჰყრა კვერი სიცილით მსხვილმა კაცმა.

დაღამდა. როსაფმა და ახალ მოსულმა სტუმრებმა ცალკე ოთახში შეიკეტეს კარები. „აღბათ ქორწილის რიგს აწყობენო“, ფიქრობდა ასმათი. მზენა საჯალაბო სახლში დატრიალებდა. მისი ქალიც მასთან იყო. დარჩენ ასმათი და ნათელა მარტო. ქვრივმა იფიქრა: „მართალია, ამაღამ ნათელას გავაპარებ, მაგრამ მალე რომ გაგვიგონ, უსაცილოთ დაგვეწვიანო“. არ იცოდა, რა მოეგვარებინა. უეცრად ერთმა მოხერხებულმა აზრმა გაუელღვა: „მოდით, ცხენების უნაგრებს და აღვირებს გადავმალავ. სანამდის მონახავდენ, ჩვენ ბინაზე მივალთო“.

ეზოს გადაღმა მზენათუნს ბოსტანი ჰქონდა შერაგვეული. იქ, კვლების პირად, ღობის გაყოლება, მალალი შამბნარი ჩაუდრიოდა.

ასმათი შეეარდა კარ-დაფერილს საღაროში, გამოიტანა ყველა უნაგრები სათითოვით და ღობეს გადაღმა შამბნარში ჩაამწყკრივა ოთხი უნაგერი თავის აღვირებინა.

ვახშამზე როსაფმა ჩვეულებრივით მოუღებინა თავის სტუმრებს. იმათაც კარგათ ასვა, თვითონაც შექეიფიანდა, სიმღერებიც თან მოაყოლეს. მერე როცა მოსასვენებლად წავიდ-წამოვიდნენ, შუალამე შეიქმნა.

შინაურები როსაფის საწოლს ოთახში ტახტზე ჩამორიგდენ. ნათელა გაჯიუტდა, აღარ წევბოდა. მზენა ეფერებოდა, რას არ პირდებოდა, ნათელას მაინც არ უნდოდა ბიცოლასთან დაწოლა.

— დაწევი, გენაცვალე, ბიცოლა შენთან, — არიგებდა ასმათი. — მეც, აი, აგერ მივწევი, ხელი მაინც შენთან მექნება. ჩემსა და შენ შუა მარტო შენი ბიძაშვილი იწოლება. ერთად ვიქნებით. — რითაც იქნა დაითანხმეს ნათელა. იმან გაიძრო ტანსაცმელი და შეგორდა მზენას ლოგინში. ბიცოლამ მოუქალაჩუნა და ხელებს წელზე სდებდა. ნათელა სცდილობდა ბიცოლას ხელები იქით წაეღო. ახლა მისი აღერსი აღარაფრად ეპრიანებოდა.

— კარგი, გენაცვალე, თუ არ გიამება, აღარ მოგეხვევი. შშიდობით, ძილი ნებისა! — უთხრა მზენათუნმა, გადაბრუნდა და ცოტა ხანს

იქით ხერინვა ამოუშვა. ყველამ დაიძინა, ვინც ამ ოთახში იწვა. მხოლოდ ნათელას და ასმათს ლული არ მოჰკიდებიათ ბიჭების ფეხის ხმაც მიწყნარდა. ასმათი გაინაბა, მაგრამ გარეთ ხიდან ფოთლის ჩამოვარდნაც არ ეპარებოდა. ცოტა ხანს კიდევ ასე იყო გაჩუმებული. მერე ხელი გადააპარა ნათელას. ის მაშინვე რწყილივით ჩაძვრა ლოგინიდან, ასმათმა ლანდზე ჩააცვა და მამიდა ძმის-წული ფეხ-აქრეთით გამოილაღენ ოთახიდან.

XV.

შუალამე გადასული იყო. ცა ვარსკვლავებით მოიქედა. მათი კრიალი ბნელს ღამეს ციაცა სცემდა. გზა კარგათ იხედებოდა. სასწორი — სამი ვარსკვლავი — გადაწეული იყო, ხომლი ცის გუმბათს გადაცილებოდა. იერუსალიმის გზა რძის ნაკადულად სდიოდა ჩრდილოეთით სამხრეთისაკენ.

— შეხედე, შვილო, ცა როგორ მოქარგულა და ბრწყინვალეთ მორთულა! აი, ეგერ, პაწია მშვენიერი ვარსკვლავი რომ მოკიაფობს, იმას კუროს თვალი ჰქვია. ის არის შენი ვარსკვლავი, შენი ბედი. იერუსალიმის გზის პირს დასდგომია, ის შენსკენ მოეშურება ნათლად გატყევილის გზითა. ჩვენც იმისკენ გვაქვს გზა, იმას უნდა შევეყარო. მისი საეტლო ძირს ძირულის პირათ ჩვენსკენ მოისწრაფის პირ-ტიტველა, შენსავით თმა ხუჭუქა ბიჭი. ის პაწია ბუტუცა კოკრებში ჩაგიყოფს ხელს და გაკოცებს. აბა, მაჩვენე, გენაცვალე, შენი გულ-მკერდი. ამ სიტყვებით ასმათმა ნათელას ჩაუყო ხელი უბეში და ჩაჰკოცნა. მართლაც ამ დროს ნათელას გულში იელვა რაღაც სიყვარულის შუქმა. ამის შემდეგ ის გულ-ლიად დაადგა თავის ბედის წერის გზას და წინ მიისწრაფოდა.

— მამიდა, ჩქარა გავსწიოთ, თორემ, რომ გამოიღვიძონ, მოგვეწვიან.

— გავსწიოთ, გავსწიოთ!.. იმათ გადაირბინეს ეზო და დაადგენ დაღმართს. ძაღლები დაედევნენ წკმუტუნით. ახლოს რომ მივარდენ, იცნეს ასმათი და ნათელა; იმათ გალოკეს მამიდა-ძმისწული და ჩამოცილდნენ. შემდეგ ამათ იარეს ასე აჩქარებით კარგა მანძილზე ხმა გაემენდილი. ნათელა წამის-წამ შესტკეროდა ცაზე მოკიაფე პაწია ვარსკვლავსა. ის უფრო და უფრო რწმუნდებოდა, რომ ვარსკვლავი მისკენ მიისწრაფოდა. მას თითქმის იმ წუთას ჩაუეარდა გულში პირ-ტიტველა ვაჟის სიყვარული.

— ხომ არ დაიღალე, ჩემო კურდღლის ბოცვერო? — ჰკითხა ასმათმა.

— არა, მამიდა, გავუჩქაროთ, მალე მივიდეთ.

— მალე, მალე იქნება ყოველიფერი.

— ვინ მოდის? — უცებ მოისმა ბოხი ხმა უმთვარო ლამეში.

ნათელა შეერთა, დაიხია უკან და გაეხევა ასმათის კალთაში.

— ნუ გეშინიან, გენაცვალე, ისინი სოფლის გზირები არიან.

— ვინ ხართ, ამ დროს რომ მოდისხართ? — კიდევ მოისმა წყრო-
მის ხმა.

— ვინ ვიქნებით? ქალები ვართ, ზურუკეთლები. ყანაში ვიყა-
ვით და დაგვაგვიანდა, — უპასუხა მხნეთ ასმათმა.

გზირები დაუახლოვდნენ. ერთი მათგანი სოფლის ხელოსანი იყო. ასმათის ნაცნობი. მეორე ლამეში ასმათმა ვერ იცნო. ამოიღო საჩქა-
როთ სამ მანეთიანი, უჩვენა ხელში და უთხრა:

— ჩუმათ იყავი, ნურავის ეტყვი, თუ ჩვენ გენახე.

გზირებმა გაუშვეს მამიდა-მმისწული, ისინი დაეშვენ საჩქაროთ დაღმართზე. მეორე გზირი ყოფილიყო, როსაფის ნაყმევი. იმან იცნო ასმათი და ნათელა. მაშინვე მიხვდა, გამოპარული იქნებიანო, გაექა-
ნა და როგორც მიუახლოვდა, მორთო როსაფის ეზოსკენ ყვირილი:
„არიქა, ქალი გააპარეს, ქალიო!“ ძაღლებმა შექქნეს გაბრაზებული
ყვება, გამოვარდა მოურავი და შესძახა:

— ვინ ხარ, მაგ ლამეში რომ ყვირი?

— ნათელა მოიტაცა ასმათმა.

— როგორ თუ ნათელა? — გაოცებით შესძახა მოურავმა.

— აი, ამ წამს შეგვხედენ ისინი ძირულის დაღმართზე. — მოუ-
რავი შევარდა როსაფის საწოლს ოთახში, საცა კარები დაფელილი
იყო და, როგორც შეეძლო, ისე დაიყვირა:

— ბატონო, ნათელა გააპარეს.

როსაფი წამოვარდა ფშვნეტით.

— რაო, კაცო, რას ამბობ?

— ნათელა გააპარეს, ნათელა!..

როსაფმა ჰკრა ჯლინქი მზეხას.

— ქალო, ნათელა რა უყავი?

— ჰა!.. ჰა!..— წამოიკრინა მზეხათუნმა. ძილისაგან გაბურბუსა-
ლებულმა მოუსვა ხელი თავის ქალს, რომელიც ძილში დედას გვერ-
დით მიგორებოდა:

— ბეჩა, რამ გაგაგიჟათ, აგერ არის, აგერ.

აანთეს სანთელი, გადახადეს საბანი, ნახეს... რალას ნახავს მათი
თვალები: აღარც ასმათი იყო, აღარც ნათელა. მათ მაგიერათ მხოლოდ
მათი ქალი შერჩათ ხელში.

— არიქა, ცხენები! — დაიყვირა როსაფმა. ყველანი წამოცვი-
დენ: სტუმარი და მასპინძელი. გამოიყვანეს საჩქაროთ ცხენები, მერე
შევიარდენ სალაროში!.. სადღა ან უნაგირები, ან ალვირები!.. ვინ ეზო-
ში დაეძებდა, ვინ ბელელში, ვინ ბოსელში და საჯალაბო სახლში, ვერ
ნახეს და ვერა.

— არიქა, ბოსტანიც დაათვალიერეთ! — შეჰყვირა ბიჭებს რო-
საფმა. ბიჭები გადაეშვენ ბოსტანში და ერთმა მათგანმა შამშში წა-
მოჰკრა ფეხი უნაგირს.

— აგერ არის, აგერ!.. — დაიყვირა ბიჭმა.

დაკაზმეს ცხენები. ყველაზე უმალ მზენხას ბიძაშვილი მოახტა
ცხენს და როსაფს შეჰყვირა:

— მე წინ გავსწევ, შენ უკან მომდიე შენი ხლებულებით
დიდ შარაზე. მეზობლებს გადაძახეთ, იქნება ერთი ხუთიოდე ცხენო-
სანი კიდევ გამოიყოლიოთ.

მზენხას ბიძაშვილს კურდღელივით კვალიც არ დაემალებოდა
ზურუკეთის ახლო-მახლო. იმან იცოდა ერთი ბილიკი, მეტად ფრია-
ლო და ჩაკბული. ის იყო მარდი ცხენოსანი და თვითონ ცხენიც
ნაჩვევი ჰყავდა კლდეების ლადა-ლუდაში თრევესა. ის დაადგა იმ ბი-
ლიკს, იქნება ან ასმათს თავი დაეურბინო, ან ცხენოსნებს დავეწიო,
რომელთაც ქალი მრჰყავთო.

მზენხას ბიძაშვილი ერთ ლანდზე ჩავარდა ძირულის პირას და
დაადგა შარა გზას, რომელიც ქართლის გზატკეცილზე გადიოდა.
ცოტა კიდევ წინ წაიარა. უეცრად მოესმა ცხენების ფეხის ხმა. კარ-
გათ ვერ შეიტყო, ქვეიდან მოდიოდა ცხენების ფეხის ბაკუნნი თუ ზე-
ვიდან. გადმოხტა ცხენიდან, დაადგა ყური დედამიწას და დარწმუნდა,
რომ ფეხის ხმა ქართლის გზატკეცილით მოდიოდა. მან გადასწყვიტა:
ასმათი და ნათელა ჯერ კიდევ უკან არიანო, გამოაბრუნა ცხენი და
შემოუდგა აღმართსა. ცოტა ხანს შემდეგ შენიშნა, რომ რალაც ლან-
დვით გამოჩნდა ზევიდან მომავალი, წინ დიდ ლანდს პაწია მოუხტო-
და. „თუ არიან, ესენი უნდა იყვნენ“, იფიქრა გულში და წამოუჩქარა.

რაკი ასმათმა დაინახა ცხენოსანი, ლამეში მისკენ მინავალი. იამა-
„ეს უსათუოდ ოთარი უნდა იყოსო, წინდაწინ მოდის ნათელას წასა-
ყვანათო.“ ქალს უთხრა:

— შვილო, ნუ გეშინია, ეს ჩვენი ოთარია, შეუჯექი ცხენის
ტახტაზე. — ნათელა მზათ იყო გასაყოლათ. — ოთარ, შენ ხარ? —
ჰკითხა მზენხას ბიძაშვილს ასმათმა. იმან პასუხის მაგიერათ ხელეები
გადმოუწვდინა, ნათელა ცხენზე აიტაცა, ასმათიც მოეხმარა. შემდეგ
დაჰკრა მათრახი ცხენს და ოთხ-ამოლებით შეღმართში შეარბენინა.

ასმათი გაშტერდა. „თუ ოთარი იყო, ზევით რა უნდოდაო?..“ უეცრად მოისმა ჟივილ-კივილი და ცხენების თქრიალი.

— ვერ წაგვიხვალთ, ვერა! — მოისმა როსაფის რიხიანი ბმა.

ამ დროს მოვარდა ქვედა გზიდან ოთარი.

— ასმათო, ქალი რა უყავი?

— შენ აკი მოგეცი?..

— რას გაგიუბულხარ! მე სად მომეცი?.. ეს არის მე ახლა მუ-
ღივარ ქვეიდან. უკან თუთხმეტი ცხენოსანი თანდილაანთი მომდევნ.

— ვაი ჩემს უბედურებას! — იტკვლიცა ასმათმა თავში ხელი.
— სწორეთ იმ წყეულებმა წაგვართვეს ნათელა!..

ზევიდან ხმაურობა უფრო და უფრო გაძლიერდა. გაეარდა თო-
ფი... ერთი.. ორი.. სამი.. ოთარმა იფიქრა, აქ დგომა აღარ ვარგაო.
გააბრუნა ცხენი და მოკურცხლა ისევ ქვეითკენ. თანდილაანთი დარ-
წმუნდენ, რომ საქმე წაგებულ იყო, გააბრუნეს და დაეშვენ ძირულის
მდინარის დაღმა, ამ დროს მოვარდა როსაფი. იმას გზის პირად ქალი
დაუხვდა, რომლის კბილებსაც მეტი შიშისაგან წაკა-წუკი გაჰქონდა.
როსაფმა იცნო ასმათი და ერთი თუ ორი უშიშვლა მათრახი.

— უი!.. უი!.. უი!.. მოგვეცი!.. — იკივლა ასმათმა და იქვე მუხ-
ლები ჩაეყეცა.

— ეგეც შენი ჯილდო, ჩემო დაია! — დაცინვით უთხრა რო-
საფმა: — წადი ახლა და გამოუდექი შენს ნათელას. ჩემმა ცოლის ბი-
ძაშვილმა მოგტაცა. ბრაწი შენს საქმეს!

— ვაიმე, ვაიმე! — გულ-გახეთქილმა წამოიკრინა ასმათმა.

როსაფს და მის ხლებულებს იქ აღარ მოუცდიათ. რაკი გული არ-
ხეინად ეგულებოდათ, ჰკრეს ქუსლი ცხენებს და გაუდგნენ შინისკენ.

XVI.

მეოთხე დღეს ოთარი იახლა ასმათს და ჩავიდენ ქუთაისს. ქვრივ-
მა ერთი არზა ლუბერნატორს მიაართვა, მეორე — პროკურორს. მესა-
მე — ეპისკოპოსს. ყველა არზებში ერთნაირი საჩივარი იყო განცხა-
დებული: თორმეტის წლის ქალი. მცირე-წლოვანი ობოლი, მისი
ძმისწული, მოიტაცა ბიჭია გოგორიშვილმა და თავის შვილზე ჯვარი
დასწერაო. ეპისკოპოსის არზაში, სხვათა შორის, ამასაც ითხოვდა
ქვრივი, რომ ის მღვდელი გაეპარსათ, რომელმაც ჯვარი დასწერა.
ახლათაახლავე განაშორონ ქალი და ისევ მე ჩამაბარონ, მის ჭირისუ-
ფალს და გამზდელსო. ეპისკოპოსი თვითონ ინახულა, მაგრამ მან ესე
უთხრა:

— დედაკაცო. წადი შინ და მოუცადე განკარგულებას, მღღე-
ლი ვერ გაბედავდა უწლოვანის ჯვარის დაწერას.

— როგორ არა, შენი მუხლის ქირიმე, ჯვარი დაუწერიათ, მე
ეს ნამდვილათ ვიცი. გვედრები, წმინდა მამაო, მოილოთ განკარ-
გულება, განაშორეთ და ქალი ისევ მე ჩამაბაროთ. — დაუჩოქა ას-
მათმა ტირილით.

— ეგ ჩემი საქმე არ არის. — — — — —

— აბა, რა ექნა? თავს მოვიკლავ, ჩემო ხელმწიფე!

• — წადი, წადი, მე შევიტყობ ყოველისფერს.

— ჩემი აქედან წასვლა მოუხერხებელია, სანამდის კმაყოფი-
ლებას არ მივიღებ.

— რას ჩივი, შე უბედურო, რაც არ გესმის? წადი!

— დამარიგე, ჩემო ხელმწიფე

— დედაკაცო, მე შენ გატყობ, ავი უნდა იყო!

— არა. ჩემო ბატონო, ავს რა მიგავს; მაგრამ უსამართლობამ
გამაბოროტა.

— წადი, ნუ დადიხარ აგრე წარამარა! ოჯახს გაუფრთხილდი.

— ღმერთმა მაგისტანა ნუგეში ნუ დაგილიოსთ! — წამოეარდა
ზეზე ასმათი გაბრაზებული.

— გაიყვანეთ აქედან! — უბრძანა მრისხანეთ მთავარ-დიაკონან
ეპისკოპოსმა: — ვინ ყოფილა ეგ ბოროტი დედაკაცი, მაგისტანა შეუ-
გნებელი! — გატრიალდა უცებ და შევარდა თავის სამლოცველო
ოთახში.

— მთავარ-დიაკონმა თითქმის ჯიგლივით გაიყვანა ასმათი დე-
რეფანში.

— ღვდელი. როგორ უზრდელათ ირჯები? ღმერთმა მაგიერა
ნუგეში მოგაგოთ! მაინც არ დაგეყრებათ თქვენ ხეირი! — წყევლა-
კრულივით გაშორდა ეპისკოპოსის სასახლეს ასმათი.

XVII.

ორ კვირას შემდეგ უეზდის მმართველმა გამოგზავნა პრისტა-
ვი გოგორიშვილებში. მაგრამ ქალის მოტაცების ნამდვილი ამბავი ვე-
რა შეიტყო-რა. როსაფი, როგორც აპეკუნი, ამბობდა:

— ქალი ჩემთან არის. მე ვარ მისი ბიძა და მზურნელი, ვის რა
დავა აქვს! თუ მე არ ვჩივი, ჩემს დას რა აჩივლებს!

პრისტავი გზდვიდა ასმათთან. მან დაწერილებით უამბო ყო-
ველიძერი, თუ ქალი რა რიგათ მოსტაცეს მას გოგორიშვილებმა, ან

აპექუნი როსაფი, მისი ძმა, რა მონაწილეობას იღებდა უწლოვანის ქალის გაყიდვაში.

— ეგ, ბატონო პრისტავო, სულ როსაფის საქმეა. იმან გააწყალა ობლის ადგილ-მამული. ნახევარზე მეტი გაყიდული და შექმული აქვს. რომ არა მოდებოდა—რა, თავის ცოლის ძმისწულზე გადაწყვირა ჯვარი. პირობა აქვთ ერთმანეთში დადებული: თუ როსაფი მოუხერხებდა ობლის მითხოვებას, ის აღარასფერს გამოედავებოდა. აღარც განაყიდს და აღარც მითვისებულს ობლის ქონებიდან.

— ქალი სად არის ახლა? — ჰკითხა პრისტავმა.

გოგირიშვილისას ჰყავთ დამალული. ღედელს მცირე წლოვანობის გამო ჯვარი არ დაუწერია.

— რატომ ქალი აპექუნისას არ არის?

— არ დადგება მასთან, ჩემო ხელმწიფევე, კირივითა სძულს. მაშინვე ჩემთან გამოიქცევა. კიდევ იმიტომ გადამიხვეწეს ის ჩემი ერთად-ერთი ცხოვრება და თვალის სინათლე; გამიფუქეს, ლაფი დამისხეს ჩემს ნათელას. გევედრები, ბატონო პრისტავო, მიშეელე, მიიღე ყოველგვარი ზომა სახლი დაუჩხრიკე გოგორიშვილებს.

— კარგი, ბატონო. რაც მთავრობისაგან მაქვს მონდობილი, ყოველსავე კანონისამებრ ავასრულებ.

პრისტავმა ესე ყოველივე წინდაწინი გამოძიება დასწერა, შეადგინა პროტოკოლი და გადასცა გამომძიებელს. ჯერ-ჯერობით ამიარგათავდა საქმე.

იმ ღამის შემდეგ ნათელა სამ ღდეს არ გამოაკვეთულა. იმას ეგონა, როგორც ასმათმა დაარჩია, თავის თავი პატარა საქმროსას, მაგრამ ძალიან უკვირდა, რომ ვისი ნახვაც ენატრებოდა აქამდისინ არსად ჩნდებოდა. მოტაცების მეორე ღდეს ნათელას შუადღემდის არ გამოედიებია. წინა ღამეს საშინლათ დაღალულიყო. ნაშუადღევს ნათელა ადგა და მიიხედ-მოიხედა: სულ უცხო პირები დაუხედა საღვთში. ეკელა მას ესაყვარებოდა, ეფერებოდა. ხელ-პირი დაბანეს, ჩააცვეს აქ იმას ახალი გადია დაუხედა. რომელიც წამისწამ თავს ევლებოდა. ყოველნაირი საქმელი მოუტანეს, რაც რომ ესაიბოვნებოდა. საუზმე რომ ვაათავა, შემოვიდა მზეხა თავის ქალით, რომლის ნახვა ნათელას ნეტად იამა. ცოტა პანს იქით ილიკოც შემოვიდა. ამისმა ნახვამ ნათელა კიდევ უფრო გაამხიარულა. იმ წუთს იმან ისევ თავისიანებში იგრძნო თავი და სულით დამშვიდდა. პირველ ორ ღდეს ასმათი არ მოუსაკლესებია, მით უფრო. რომ დარწმუნებული იყო. ასმათი შინ უნდა დარჩენილიყო, რადგან თავისი თავი თანდილაანთსა ეგონა. ამამიდა

მოკა. თან საქმროს მოიყვანს და ჯვარს მაშინ დაეწერთო!“ — ფიქრობდა გულში ნათელა. იმის გარშემო მყოფნი არას უმხელდენ. მხოლოდ ეს იყო მისთვის გასაკვირველი, რომ მზება და იმისი ქალი იმ ოჯახს არ სცილდებოდენ. როსაფიც ხან სადილათ გადმოივლიდა, ხან ვახშმათ ღარჩებოდა.. ნათელას ერთი ვერ წარმოედგინა: „ეს რა აზნაუია! მამიდამ ბიძის ოჯახიდან გამაპარა და მაშ ესენი აქ რათ უნდა იყვნენ?.. რატომ სულ წყევლა-კრულვით არ იხსენებენ მამიდას?.. რა ამბავია. რომ ესენიც ისე მხიარულნი არიან. როგორც თვითონ მამიდა იქნებოდა. აქ რომ ყოფილიყო?..“ ის როგორ წარმოიდგენდა. თუ ილიკო მისი ქმარი უნდა ყოფილიყო... მას აქეთ, რაც ილიკო პირველად საყდარზე გაჰყვა ნათელას, როგორც ძმას, ისე უყურებდა და მისი ნახვა ყოველთვის სასიამოვნოდ უჩნდა.

თვითონ ილიკოს მისი სიყვარული ღრმად ჰქონდა გულში ჩაეარდნილი, ხშირად იყო მასთან და მუდამ თვალ-წარბში შეჰყურებდა, როცა რამე ესაზომოვნებინა. ჯვარის წერის მოახლოებებს წამობით ითვლიდა. არაუინ იცის, რანაირად მოხდა, მაგრამ ბოლოს ნათელამ მაინც შეიტყო ამ ოჯახის ვინაობა, თუ როგორ მოჰპარეს ასმათს ის უმთვარო ღამეში და იმის მაგიერათ, რომ თავის ვარსკვლავს შეხვედროდა. ისევე უკან მოაბრუნეს და ილიკოს მამის ოჯახში დააბინავეს. ეს ამბავი რომ ნათელამ ბეჯითად შეიტყო, შემდეგ აიტეხა, მამიდასთან წამიყვანეთო. ხან-და-ხან კიდევ ტიროდა, მაგრამ ილიკოს ოჯახობა არას ზოგავდა, რომ ნათელა რამენაირათ გაერთოთ და მამიდას უყოლობა გვერდით არ დასჩნეოდა. ბოლოს მაინც ნათელა შეუთრგდა თავის მდგომარეობას. თუმცა ის აღარც ტიროდა, კიდევ თამაზობდა და საქმიანობდა თავის ბიძაშვილთან ერთად, მაგრამ მისი გული მას შემდეგ ველარ მოღვა ამ ოჯახისთვის. მას აქეთ, რაც ის შეიტყო. რომ ასმათს წაართვეს მისი თავი ძირულის ხეობაში, ამ ოჯახს უტხოთ უყურებდა.

XVIII

ბიქია გოგორიშვილი ძალიან დააფიქრიანა ასმათის საჩივრებმა. სამართლის კარი თავის დღეში არ გამოეცადა, რა იყო. და ყოველ საჩივრის საქმეს სიკვდილსავეით უფრთხოდა. ნათელას მოტაცების საქმე რომ აღძრულიყო და ის სასამართლოში დაებარებინათ, ეს მისთვის დანით ყელის გამოჰრა იქნებოდა. ამ საქმის ჩაქრობის გულისთვის ის არაფერს დაიშურებდა, არც ფულს, არც ჯაფას, არც ზარალს. იმან გაუგზავნა ოთარს ბიქის ხელით საჩი თუმანი და სთხოვა ასმათის გულის მონადირება. ოთარი გადავიდა ბიქია გოგორიშვილისას, ძა-

ლიან ქეიფიც გაატარა, ბოლოს წამოიღო ასმითთან გამოტანებულნი წიგნი და დაბრუნდა.

..უგულითადესო დაო ასმით, — სწერდა ბიჭია: — ლმერთმა ხომ იცის, მე თქვენთვის არა დამიშავებია—რა. თქვენ რომ ძმასთან მტრო-
ნა გქონდესთ, მე რა შუაში უნდა ვიყო. მართალია. თანდილაანთ ე-
ჟისთვის გინდოდათ ნათელას მითხოვება. მაგრამ ამ ჩემს ილიკოს
რათი დაიწუნებთ? ჩემი ილიკო თვალ-ტანათ ცხრას სჯობია მისთა-
ნას. გვარასშვილობა იმას ჩემზე უკეთესი არა აქვს. თვითონ მოგვხსი-
ნებათ. ზემო ქართლში ერთის კვირის გამომცხვარის პურითა და
მხზობით რჩებიან. ღვინო ვინ მისცათ. მე შენს ნათელას ცხელ საქმელ-
სა და მწვანის ღვინოს არ გამოვუღე. რაიცა შეეხება ჩაცმა-დახურვას
და საზოგადოებაში გამოყვანას. შენი ნათელა ქართველ ტეტია ქა-
ლებზე ერთი-ათად უკეთ მორთული იქნება. მობძანდით ჩემს ოჯახ-
ში. გაგვიცანით, თუ ჩვენი მოყვრობა დაგიჯდეს. ხომ კარგი, თუ არა-
და, ჩვენ რა ძალა გვაქვს თქვენს ნათელაზე. მე როსაფმა მომიყვანა-
შინ თქვენი მძისწული. ძალას მატანდა, ახლავე ჯვარი დასწერე ო
თქვენს შვილზე, მაგრამ მე არ ექენი; ერთი, რომ თქვენი ნება არ იყო.
მეორე, რომ ჩემს შვილს მცირეწლოვანს ქალს არ შეერთავდი. რადგან
არ მინდოდა, სამსჯავროთ საქმე გამხდომოდა და სამართალში ჩავბმუ-
ლიყავი. თუ ჩემი მოყვრობა არ გენებებათ, კარგს მეზობლობას მაინც
რას მემართლებით? თქვენს ჩემს ოჯახში მობრძანებას ისე მივიღებ.
თითქოს საქართველოს დედოფალი მწვეოდეს. თუ მოყვრათ არ მი-
კადრებთ, თქვენი ქალი მაინც წაიყვანეთ. ამას უთქვენოთ ემძიბე-
ბა აქ ყოფნა. თუმცა, ღმერთია გულთა მზილველი. ისე გეყავს დაცუ-
ლი და შენახული, როგორც მზეთუნახავი. თქვენ გინებებით ჩემზე
სამსჯავრო საქმის შეყენება. რა საჭირო იყო?.. ცოლ-ქმრობა ნება-
ყოფლობით უნდა, ძალ დატანებით რა შნო ექნება. თქვენი ძმისწული
რძლათ მიტომ უფრო მენატრება, რომ თქვენი გაზდილია. მაგის აღ-
გილ-მამული მე არ მენახებდა. ის არ გექონია, მაგრამ არავის უარე-
სათ არ გახლავართ ოჯახში. ნეტავი-კი ელორსებოდეს თქვენი ნახვა
ჩემს-ოჯახს, თორემ მართო თქვენ პირის სანახავათ სამოცი თუმანი
სულ ცინცხალი მანათები მაქვს პარკში გამოკრული. მაგრამ ეს-კია.
რომ რაკი ერთხელე დაემოყვრდებით, ყოველივე დაეა და საჩიკ-
რები ჩვენ შორის უნდა მოისპოს. ნათელა მეთოთხმეტეში გადადგა
და თუ თქვენი სურვილი იქნება, ჩვენც მზათ ვართ ქორწილისათვის.
მე მხოლოდ მაშინ გავხდები ბედნიერი, როცა თქვენი ანდამატის
თვალეები სიუხვის სხივს მოჰფენს ჩემს ოჯახს. თქვენი უმღაბლესად
მორჩილი მოსამსახურე ბიჭია გოგორიშვილი.“

ოთარს ყოვლად შეწუხებულნი და უნუგეშო მდგომარეობაში დაუხვდა ასმათი. ქმრის სიკვდილს შემდეგ მას ამისთანა ავი არა გადაწყვეტია—რა. სამი თვე მეტი გავიდა მას აქეთ, რაც ნათელა მოსტაცეს. ეს მკერძი, ღონიერი დედაკაცი სანთელივით ჩამომდნარიყო. ქვლისა და ტყავის მეტი აღარა იყო—რა. თავი ჩაეჭინდრა და წელში მოხრილიყო. ხენეშისა და ვაების მეტი პირიდან არა ამოსდიოდა—რა. ოთარის მოსვლამ ასმათი კიდევ უფრო მოაწყინა. მის უწინდელს დარდს ესეც დაერთო, რომ ოთარის ცოლისთვის ხელში მიეცათ ბრალდების ოქმი (обвинительный акт) ოთარის გადასაცემათ. მას მკვლელობის გულისთვის ციმბირს უწყვეტდენ. მისმა ცოლმა მწარეთ იმოთქმა. ოთარმა არა იცოდა—რა, რადგან ჯერ შინ არ მოსულიყო. იმან გადასცა თავის დედობილს გოგორიშვილის წიგნი.

ასმათმა გადიკითხა და წამოიძახა:

— მანამდის არ აღვა მათი გვერდები, სანამდის მათ ოჯახში არ შევიდე.

— ახლა მაინცა და მაინც ნურც შენ გადიქაჩები. ის შენი თანდილაანი გამოფშუტურებულნი ყოფილან. ცეცხლი არ უნთიათ, ისე ღარიბათ არიან: ღვინის მაგიერათ მყრალი არაყით გამხეთქეს. ღმერთმანი, ნათელას ცოდვას დაიდებდი, თანდილაანთ ვაჟისთვის რომ მიგეცა ნათელა, იქ ორ კვირას ვერ გაძლებდა. ვაჟს არ იტყვი? მამა არ წამიწყდება, ჩამოქნილი სანთლის ფერი აქვს. ერთი რაღაც დაფსბრიკულია, ნაწამთორ ხბოსავით დაათრევს ფეხებს. შენ აკი მიწერე, ათი თუმანი მიეცით ოთარსაო. შენ დედობას ვფიცავ, თხუთმეტი მანეთის მეტი არ მოეცესთ, ისიც რის ვაი-ვაგლახით. შინ რომ არ ჰქონიყოთ. სამიკიტნოში ისესხეს.

— მე მაგას ხომ არ ვამბობ, — გულ-ღმობიერათ დაიწყო პახუხი ასმათმა: — იქნება ილიკო სჯობდეს, იქნება მისი ოჯახი უკეთესი იყოს, მაგრამ როსაფმა როგორ გაბედა ნათელას გათხოვება უჩემოთ?.. ვინ ვიყავი, ვინ?.. ნათელას ზიდვით ეს მკლავები მაქვს ჩამომწყდარი.

— შე დალოცვილო, შენც ისე არ გინდოდა? შენც მის ნამალევათ არ უპირებდი გათხოვებას? იმან მოგასწრო და გაათხოვა. იმასაც ისე შესტკივოდა გული, როგორც შენ. ჩვენ შორის ითქვას; იმას უფრო არ ეკუთნოდა მისი გათხოვება?.. აბეკუნი და მზრუნველი ის იყო. შენ მამიდა იყავი მისი და ის ბიძა იყო.

— არა. მე ჩემს შეურაცხყოფას არ დავთმობ! თუ ქალი ვარ, გამოვალვობ ბიქია გოგორიშვილს ქუთაისის ნაობახში.

— ვერც გამოვალვობ და ვერც არას უზამ! ქალი აწ თოთხმეტი წლის გახდება. როსაფი, როგორც აბეკუნი, იტყვის — მე გავათხო-

ვეო. გოგორიშვილებს არაფერი ევენებათ მაგითი. შენ-კი დაგეკარგება სამოცი თუმანი და დამრჩები ცარიელზე.

ამ სიტყვებმა ძალიან ჩააფიქრა ასმათი. კარგა ხანს პასუხი აღარ გაუცია; დააყრდნო მუხლზე ნიდაყვი და ნიკაპი ხელზე ჩამოიღვა. ის იყო ორ წყალს შუა. კიდევ ამართლებდა ოთარის აზრს და ვერც მოეფიქრებინა, რანაირად უნდა შერიგებოდა ბიჭია გოგორიშვილის ოჯახს.

— ჯავრობას თავი დაანებე. შეურიგდი, გამოართვი, რასაც გაძლევენ, ისა სჯობია. ნათელა რომ ილიკოს ხელში უფრო ბედნიერი იქნება, ამას ლაპარაკი აღარ უნდა.

— შენ, ჩემო ოთარ, ეს საქმე კარგათ არ გესმის. ბიჭიას უნდა მიმიტყუოს, შემირიგოს, საქმე მომასპობინოს და მერე თითი პირში გამომივლოს. მაგაზე მანც არ დავთანხმდები, ნათელაც რომ გამიუბედურდეს.

— შენ რა გინდა?.. მე მოვანერხებ ყოველიფერს. ოღონდა დამეთანხმე, გამგზავნე. რაც წიგში მოუწერია მე მოგიტან. მაგრამ საქმე-კი უნდა მოსპო.

— აბა, რადგან აგრეა, ნახევარი წინდაწინ გამომიგზავნოს. მერე წავალ და ვნახავ.

— ბატონი ბძანდები.

მეორე დღეს ოთარმა ოც-და-ათი თუმანი მოუტანა. მესამე დღეს ასმათი დიდი პატივის ცემით მიიღეს გოგორიშვილებისას. ნათელა მამიდას ნახვით სიხარულისაგან აღარ იყო. როსაფი და მზეხაც აქვე შეურიგდენ ასმათს. ერთს კვირას შემდეგ ილიკომ ჯვარი დაიწერა ნათელაზე. ჩინებული ქორწილი გადინადეს. ოთარმა ძალიან მოილხინა. მისი სუფრულის ხმა ზურუკეთიდან ოფოთას აღიოდა.

XIX.

5 ნოემბერს 188.. წელს ოთარის გასამართლებაზე შრავალი ხალხი დაესწრო. სასამართლოს სხდომაზე როსაფიც იყო მოწმეთ დაბარებული საქმის ასახსნელათ. ასმათმა ყოველი ღონისძიება იხმაოა, რომ დაემტკიცებინა, ძირულას გაღმით მდებარე ყანა, რომელზედაც ჩხუბი მომხდარიყო. ვითომც მისი ყოფილიყოს, ოთარს, როგორც მის მოურავს, ისე ემოქმედნოს, გლეხები თვითონ შესეოდენ ოთარს და მას მხოლოდ ადგილის მფლობელობა დაეცვას. მაგრამ ამისთანა ჩვენება არაფრით დამტკიცდა, რადგან ასმათმა ვერაფერი საბუთი ვერ წარადგინა, თავის უფლების გასამართლებელი.

სანამდის განჩინებას წაუკითხავდენ. ოთარი ძალიან მხნეთ იქცეოდა. ერთხელ თვით სხდომის დროს ოთარმა გადმოუყვრიალა გლეხებს თვალები და მრისხანეთ შესძახა:

— თქვენ როგორ ბედავთ სიცრუის ლაპარაკს!? — გლეხები შეკრთენ. თავმჯდომარემ შენიშნა დამნაშავეს:

— თუ წყნარათ არ იქნები, სხდომიდან გაეყვანინებ შენს თავს

— ეგ რა სამართალია! — ამაყათ წამოილაპარაკა ოთარმა: — თუ-კი უფლება არ მექნება, თავი დავიცვა, ან გასამართლება რაღა საქიროა? დამსაჯეთ და ის იქნება!

ამ სიტყვების გულისთვის სხდომიდან გაიყვანეს და მხოლოდ განჩინების მოსმენის დროს შემოიყვანეს. განჩინებამ მძიმეთ იმოქმედა ოთარზე. სახეზე ნაცრის ფერმა გადაჰკრა. ფეხზე რომ ველარ დადგა. მუხლები მოეკვეთა და სკამზე დაეშვა.

ასმათი მივიარდა და ყვილას გასაგონათ უსაყვედურა:

— აგრე რამ წაგახდინა, კაცი არა ხარ?... როგორ არ გრცხვენია?... მარჯვეთ იყავი, ნუ გეშინია, შენს ცოლ-შვილს მე მოვუფლი.

ოთარს შემოერთყა სამი ყარაული და წაიყვანეს სატუხალოში. გარეთ რომ გამოვიდა, ქვითინი დაიწყო. თვე ნახევარს არ გაუვლია მას აქეთ, რომ ქუთაისში ხმა გაეარდა, საპყრობილიდან ტყვეები გაიქცენო. გაქცეულებში ოთარიც ერია. იმას გაველო თავის სოფელში, ერთი დღე და ღამე ცოლ-შვილში გაეთია, ასმათიც ენახა. შემდეგ გადავარდნილიყო ქართლისკენ...

გაზაფხულზე გავარდა ხმა, რომ ცხინვალის მხარეს ყაჩაღები გ.ჩნდნო, ცხინვალელებს დასხმიან, რამდენიმე მოსახლე გაუცარცვათ და ერთი სომეხი მოუკლავთო. ორ კვირას შემდეგ ქართლის მხარეზე დაეცენ მღვდელს, თვითონ მოჰკლეს და გაცარცვეს მისი ს.ხლი. მერე დაუხვდენ გლეხებს ჭერათხევის მახლობლათ. ისინი მიდიოდენ ხატობაზე და მიჰყავდათ ცოლ-შვილი. მოჰკლეს ერთი თექვსმეტი წლის ქალი, ერთი კამეჩი და დასჰკრეს ერთი გლეხი. სულ ეს საქმეები ბრალდებოდა ახალ შედგენილს ყაჩაღების გროვას. მთავრობამ მოიხმარა ასტიკი ღონისძიება. შეჰკრეს მთები და ქართლის გადასავალი გზები. ამბობდენ, ოთარიც ამ ყაჩაღებში ურევიო.

ამასობაში შეიტყეს, რომ ოთარი ხან-და-ხან ღამით შინ ბუნაგობდა. მთავრობამ განაწესა ოთარის სოფელში საიდუმლო გზირები.

ერთ საღამოს ოთარი შინ მიიპარა. გზირებმა გაიგეს და პოლიციის პრისტავს შეატყობინეს. მან იმავე წამს მოახდინა განკარგულება. გასცა ბრძანება, შეეკრიბათ სამოცი კაცი მახლობელი სამამასახლისოდან. ამ გროვაში რამდენიმე გლეხი, ოთარისაგან დაჰკრილი, ერია. იმათ უხაროდათ ოთარის ხელ-მეორეთ გამაგერა. თვი-

თონ-კი ექვსი დაიარაღებული ჩაფარი იახლა და მტრედის ფრად რომ ინათლა, შემოჰკრა ოთარის სახლი და ეზო. პრისტავმა მიგზავნა სახლთან მამასახლისი და ორი ჩაფარი, რომ ოთარი გაეღვიძებინათ.

იმით ძლიერად დაურაკუნეს კარზე და იწვევედნ ოთარს, გარეთ გამოსულიყო, მთავრობას დანებებოდა. მაგრამ ბაიბურიც არ ისმოდა შიგნიდან.

კარ-ჩაქეტილს სახლობას ავი დღე დაუდგა. პირველსავე დარახუნებაზე ცოლს გამოეღვიძა და შიშის კანკალმა აიტაცა. ოთარი წამოვარდა ზეზე და ცოლს უთხრა: „ჩემი ბედის წერის დღე მოიწია, შენ იცი, შეიღებს როგორ მოუვლი!“ ცოლს ამ სიტყვებზე გული შემოეყარა. ოთარი აღელდა, აქეთ ეცა, იქით ეცა, ველარც დოქს მიავნო, ველარც წყალს, რომ დედაკაცი მოებრუნებინა. გარეთ რუზრუზი და ხმაურობა თან-და-თან მატულობდა: „გამოდო, შე მხდალო, კაცების მკელელო!“ უყვიროდნ მისგან ჩხუბში დალახული როსაფის ნაყმევი გლეხები. ოთარმა იშიშვლა ხმალი, გაალო უცებ კარები: „აბა, დადექით, ვინც ვაეკაცი ხართ!“ შესძახა მამაცურად და შურდულივით გამოვარდა შინიდან. მამასახლისმა და ჩაფრებმა უნებურად გზა უტყვის. ოთარი თვალის დაფახურებადის შეხტა ლობეზე. ამ დროს ესროლა თოფი ჩაფარმა. ტყვია მოხვდა ოთარს იმ ხელში, რომელიც ლობის სარზე ჰქონდა მოკიდებული. იმან უშვა ხელი უნებურად და ძირს ჩამოვარდა. პრისტავმაც მოუსწრო და უბძანა ჩაფრებს დაემორჩილებინათ. ერთმა ჩაფარმა დაჰკრა კეტი თავში, მეორემ ხმალი გააგდებინა ხელიდან. შემდეგ შეუდგენ მის შეკვრა-შეკოჭვას. ოთარს სისხლი ლაყ-ლაფათ გადმოდიოდა. თავი შეუხვიეს, ქრალობა დაკცეს, დასდეს საკაცზე და წაიღეს უეზდის სასამართლოში.

ამ ალიაქოთზე გამოეღვიძათ ოთარის ქალსა და ვაჟსა. ქალი იყო რვა წლისა, ვაჟი თერთმეტისა, ძალიან მკვირცხლი და დაუდგრომელის ხასიათისა. იმას პაწია ოთარს ეძახდნ; ის გამოვარდა გარეთ, შეხვდა, რომ ხალხი მამა-მისს მისეოდა, თავსა და ხელებს უკრავდნ, ისიც დაინახა, რომ მამა-მისი სისხლის ღვარში ცურავდა.

იმან უეცრად დაიწყო რბენა და უსიამოვნო ხმით ძახილი:

— მამა-ჩემი დაჩეხეს! დაკუწეს, დაჩეხეს, დაკუწეს!..

სახლის შიგნით რვა წლის ოთარის ქალი მოჯდომოდა მწოლიარე დედას და საცოდავი ხმით ტიროდა. დედა მისი გულ-შემოყრილობისაგან მობრუნებულიყო, მაგრამ ხელ-ფეხი ველარ მოეხმარა, ველარც წელი აეთრია. იმას ეთქვა პაწია ქალისთვის ჩურჩულით, მეტი ხმა აღარ ჰქონოდა: „მამაშენი მოჰკლეს!“ ქალი მაშინვე

ატირებულყოფიერ ლოგინში და დედას აღარ ცილდებოდა. ოთარი კარგა ხანი იყო მას აქეთ, რაც წაეყვანათ, მაგრამ მისი ვაჟი მაინც კიდევ ასე დარბოდა და დაჰყვიროდა თავის ეზოში:

— მამაჩემი დაჩეხეს, დაკუწეს, დაჩეხეს, დაკუწეს!..

ასმათი გულ-გახეთქილი გადმოიქრა შინიდან. იმან დაინახა, რომ ოთარი ქალებზე მიჰქონდათ საკაციო და უკან ხალხი მისდევდა. შინ მის ცოლს დამბლა დასცემოდა, პაწია ქალი საცოდავად ტიროდა და ვაჟი გაგიჟებულყოფიერ. ამ სამწუხარო სურათის შამხედვარემ მოსთქვა ტირილით ოთარის უბედურება. მეზობლები ყველანი იქ მიცვინდნენ და ყველას სდიოდა თვალებზე ცრემლის ნაკადული.

XX.

სამი წელი მეტია მას აქეთ, რაც ილიკო გოგორიშვილი სტკებდა თავის ძვირფასი ცოლ-შვილის შემხედვარე. ის ძალიან მარჯვე ახალგაზნა შეიქნა და ოჯახის ერთგული. მამა მისი ბიჭია გოგორიშვილი იმდენათ მოხუცდა, რომ გარეთ აღარ გამოდის. ოჯახის საქმეები თავის შვილს ილიკოს გადასცა. ესეც მომპირნეთ შრომობს და დღითი-დღე ეცდება ცხოვრებაში. ილიკო თავის სოფელში მოწონებული ვაჟაკი დადგა, თავ-მდაბალი, უწყინარი, ტოლსა და ამხანაგში პატივცემული. შეუძლებელია, რომ ან ლხინში მომეტებული ღვინო დალიოს. ან ვისმე წაეჩხუბოს. მან ძველს მამის ოდას სამი ახალი ოთახი მიადგა და იქ გაიკეთა საკუთარი ბინა.

ბიჭია გოგორიშვილს დიდ ბატონს ეძახიან. ზალაში დიდი ტახტი აქვს გაშლილი. სხვა-და-სხვა ნაირი გძელ-ტარიანი ჩიბუხები აქვს გაწყობილი და ბოლთასაც სცემს. რა ღღესაც სტუმარი არ მოუვა, იმ ღღეს მოწყენილია. მისი მხიარულება მაშინ არის, როცა როსაფი ესტუმრება ხოლმე. ისინი ზამთარში ზალაში იშლიან ხოლმე სუფრას. ზაფხულში დიდ მუხის ძირში, სმენ აურაცხელ ღვინოს და მუდამ გაუჯიბრებელი არიან: ვინ ვის დაათრობსო. როცა კარგათ შეზარხოშდებიან, ბიჭია მოითხოვს ჩიბუხს და დაიწყებს ძველის დროის ამბებს. დიდ სასიამოვნოდ მიაჩნია ერთი ამბავი თავადის რომანოზ ერისთავისა, რომელსაც ყაბახის გადმოგდების გულისთვის ერთი ქულაჯა ეჩუქებია ბიჭიასთვის და ერთი ბუნჯული ქუდი. ის ბუნჯული ქუდი ღღესაც აკოსია თავზე, მაგამ მეტის სიძველისაგან ბეწვი გასცლია და მარტო ტყაპუკა დარჩენილა. ბიჭია სულ იმ დროს ქებაშია და ახლანდელი დრო აღარ მოსწონს.

— ეჰ, კარგია. თუ ღმერთი გწამს, ბიჭია, ნუ იცი ეგ ტრაბახი! ის დრო ახლანდელს დროს როგორ სჯობდა: მზე რო ჩავიდოდა, გარეთ

ველარ გამოხვიდოდი და ჩექმის მაგიერათ ქალამნები გეცვა! — ეტყვის გასაჯავრებლად როსაფი და ეშმაკურად გაულიმებს. ბიქია წყრომის ნიშნათ თავს გაიქნევს, ბოლს გამოუშვებს ჩიბუხიდან.

— ეპ, რა ეშველებოდა ამ წუთისოფელს, ბიქია, მე და შენ რომ არ გავჩნოდით. — წაუხუმრებს როსაფი და მიაწოდებს ღვინით საესე დიდ-ყურიანს სტაქანს.

მოყვრები ისევ შერიგდებიან და განაგრძობენ მხიარულებას...

ოთარის ცოლმა თქვენი ქირი წაიღო. იმის ვაჟი-შვილი ტყე-ველათ დარბის. ტანისამოსს ტანზე არ იყენებს. არ იცის კაცმა, ან რაითი რჩება, ან სად ათევის ღამეს. ხან-და-ხან მგელივით ჩამოირბენს სოფელში. ყველას ებრალება, ზოგი მკადას მიაწვდენს, ზოგი ხორცს. ღვინოს არა სვამს. ოთარის ქალი ასმათს ჰყავს აყვანილი შვილათ და ისე ზრდის, როგორც ოდესმე ნათელას ზრდიდა.

მამიდა ასმათმა თავისი ადგილ-მამული ნათელას დაუმტკიცა. ის დგას იქვე ბიქია გოგორიშვილის ეზოში. ორ-ოთახიანი ოდა აქვს გაკეთებული. ერთი გოგო ჰყავს ხელზე მოსამსახურე. რაც ბიქია გოგორიშვილისაგან ფული აიღო, ოთარის ქალის სამზითოთ აქვს გავალეებული. თვითონ-კი ბიქია გოგორიშვილის ხარჯზე სცხოვრობს; ჰმართებს კიდევ, რადგან მთელი თავის ადგილ-მამული ნათელას ამკვიდრა.

ასმათი ძვირად თუ ვისმე ეჩვენება. ხან-და-ხან შეძევრება მხოლოდ ნათელას ოთახში, როცა ილიკო შინ არ არის, და უალერსებს მის ვაჟს. ნათელას უწინდელათვე უყვარს მამიდა და ისე დღეს როგორ დააღამებს, სამჯერ, ოთხჯერ რომ არ ნახოს თავის საყვარელი მამიდა. ნათელას ყველა თავს ევლება და მისი პატივისცემით ასმათსაც მოწიწებით და მორჩილებით ექცევიან. მამიდა ასმათი ძალიან დაბერდა; მისი დიდრონი თვალები აღარ სცემენ უწინდელ სინათლეს, კიდევ ჩასცენიან. თვითონ გამხმარა, შვილდივით წელში მოხრილა. მისი წითური ლოყები დამკვნარი ვაშლის ჩირსავით ჩამოქმუნვილა და ყვითელი ფერი დასდებია. ოთარის ცოლის მოსახსენებლად წელიწადში სამჯერ გზავნის საკურთხს ზურუკეთის საყდარზე. იმას აქვს პატარა დაუჯდომელი ლოცვანი და დაეითნი; დღეში სამჯერ ლოცულობს. რადგან თვალებს დაჰკლებია, სათვალეებს ხმარობს, რომელიც ბამბის ძაფით აქვს შეკრული და ლოცვანში უძევს.

ილიკო, როცა მოიცილის საქმებისაგან, მუდამ შინ არის. მაშინ არის მისი აღდგომა. ის მუდამ თავის ცოლს ნათელას და მის ვაჟს შეტრფის. ესენი არიან მისი განუსაზღვრელი ბედნიერების წყარო. ნათელა, როგორც მანამდის, ისე ეხლა ექცევა თავის ჰმარს ილიკოს. პატივს სცემს, მისი ნახვა ყოველთვის გაამხიარულებს, მაგრამ საკვირველია, რა მამამდის უწინდელი გრძნობა არ შეცვლია მან, თუმცა

მასთან უკვე ვაჭი ჰყავს. ის იმას ძმური სიყვარულით უფრო ექცევა, ვიდრე ცოლ-ქმრობის სიყვარულითა.

ნათელამ ამ სამ წელიწადს შოლტივით ააგდო ტანი. მაღალი, გაშლილი გულ-მკერდით და შავი თვალ-წარბით; სქელი შავი თნა წელზე სცემს; მისი წითური ლოყები ორი თურაშაული ვაშლია. როცა ვაჭი ჰყავს აყვანილი ხელში, მისი მოხარული და მცინარე სახე ვარსკვლავებივით მოკრიალებულს ცასა ჰგავს. აი, ის ხშირად შეჭყურებს უმთვარო მოწმენდილს. ღამეში იმ მოქედნილს ცას, იმიტომ რომ მას იქ ეგულება „თავისი ბედის ვარსკვლავი“ კუროს თვალი. აქამდის ელის მას და ჯერ კიდევ ვერ შეხვედრია. თავის პირველი ვაჭი იმ კუროს თვალისთვის დაუმსგავსებია. ნეტა როდის იქნება, რომ ამ ვარსკვლავის „საეტლო, ის პირ-ტიტველა, მის ვაჟსავით თმა ხუჭუჭი ბიჭი“, ნათელას ბედის-წერა, ძირს, ამ ქვეყანაში მას შეხვდეს სადმე და მხოლოდ მას დაარქვას ნამდვილი თავისი ქმარი?!

1888 წ. 22 დეკემბერი.



ს ა რ ჩ ე ვ ი

	გვ.
პირველი ნაბიჯი .	5
კიკოლიკი, ჩიკოლიკი და კუდაბზიკა	. 217
რუხი მგელი	. 365
მამიდა ასმათი	. 391
